







957

29/1/52

~~169~~


160

6 est amant

MAISON CA CHADENAT,  
10, rue de la Harpe, Paris, 4<sup>e</sup>,  
PARIS.

Lacy.









B5  
343  
C61A512  
1854  
SDA

THE

NEW TESTAMENT

OF

OUR LORD AND SAVIOUR JESUS CHRIST,

**10530**

TRANSLATED INTO

THE CHOCTAW LANGUAGE.

P I N

CHITOKAKA PI OKCHALINCHI CHISVS KLAIST

IN TESTAMENT HIMONA,

CHAHTA ANUMPA ATOSHOWA HOKE.

NEW YORK:

AMERICAN BIBLE SOCIETY

INSTITUTED IN THE YEAR MDCCCXVI.

1854. ✓



PM 874  
.B55  
1854

CONTENTS.

---

Mahlu .....	Page. 5
Mak .....	109
Luk .....	174
Chan .....	286
Apostel isht Anumpat .....	369
Loman .....	467
I. Kolinhljan .....	513
II. Kolinhljan .....	557
Kaleshan .....	586
Efeshan .....	601
Filippian .....	615
Koloshan .....	625
I. Hlessalonian .....	635
II. Hlessalonian .....	644
I. Timohli .....	649
II. Timohli .....	662
Titus .....	671
Filemon .....	677
Heblu .....	680
Chemis .....	713
I. Pita .....	725
II. Pita .....	738
I. Chan .....	746
II. Chan .....	758
III. Chan .....	760
Chute .....	762
Nan Otzni .....	766

2d Edition.

# UBANUMPA MAHLU

## VT HOLISSOCHI TOK.

### CHAPTA I.

Chisvs Klaist a haknip imma isht ai in tikba vhleha, 1. 18 Shilombish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo mako im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok;

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok ; atuk o Abivt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Elivt a tobachi tok ;

15. Atuk o Elivt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yvmmak o Chisvs vt a tobtvttta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke: yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke ; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vvhpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vvhpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv-chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Ohoyo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmvt tosho-wak mvt, Chihowa hvt piba foka, achi mak o okla hochifa hi oke, achi tok mak o ont ai ahla chi ho, ilvppa moma kvv yvmmohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vlosi Chisvs a aiokpvchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bvnna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tmaha ha ai vtta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vtta tuk mvto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka baklo mvt, Chelusalem okla moma aiena kvv komunta tok.

4. Micha na holitompa isht a<sub>2</sub>sha pehlichi puta, micha okla nan i holissochi v<sub>2</sub>hleha moma ka itahobit taiyahli mvt, kanima yo<sub>2</sub> Klaist vt ai v<sub>2</sub>tta hinla hatuk a<sub>2</sub> im a ponaklo tok.

5, 6. Mihma Chutea yakni Behlehem ak oke; hopaii holissochi kv<sub>2</sub>t, Behlehem chia Chuta yakni ish talaia hokvt Chutea i m<sub>2</sub>iko v<sub>2</sub>hleha aiasha ka moma chik a lauwo ho<sub>2</sub> keyushke; chishno ak o<sub>2</sub> m<sub>2</sub>iko vt chi atoba hosh v<sub>2</sub>m okla Is<sub>2</sub>rael oka ish pehlicha he mak oke, achi tok oka, okla im achi tok.

7. Yohmi ma Helot vt hatak hopoyuksa v<sub>2</sub>hleha ha<sub>2</sub> lumvt pit hoyo cha, kaniohmi fehna kash o<sub>2</sub> fochik vt haiaka tuk a<sub>2</sub> achukmalit im a ponaklo tok.

8. Micha Behlehem a<sub>2</sub> pit tihleli mvt, Oh ia cha, vlo<sub>2</sub>si atukma achukmalit hv<sub>2</sub>sh hoyashke; atuk osh hv<sub>2</sub>sh ahayuchikmvt, anonti ant hv<sub>2</sub>s sv<sub>2</sub>m anoli na v<sub>2</sub>no mvt iv<sub>2</sub>t ont ai okpv<sub>2</sub>chi li ak inlashke, achi tok.

9. Mihma m<sub>2</sub>iko a<sub>2</sub> haklot in taha mvt, okla ilhkoli tok: yohmi ma fochik hv<sub>2</sub>shi akochaka imma a pih<sub>2</sub>isa tuk ash o<sub>2</sub> itikba takalit mahaya mvt, vlo<sub>2</sub>si ai itola ka paknaka ya<sub>2</sub> ont takali tok.

10. Fochik a<sub>2</sub> okla pisa mvt, nayukpa aiahli fehna mak osh okla na yukpa tok.

11. Micha aboha okla ont abeha mvt, vlo<sub>2</sub>si, micha ishki Meli aiena ka pisa mvt, aka hlipkv<sub>2</sub>chit, yv<sub>2</sub>mmak ash o<sub>2</sub> okla aiokpv<sub>2</sub>chi tok; micha im v<sub>2</sub>lbihpo a<sub>2</sub> tiwichi mvt, yv<sub>2</sub>mmak ash o<sub>2</sub> tv<sub>2</sub>li-holisso-lakna, micha filakinsen, mikmvt mv<sub>2</sub>h aiena ho<sub>2</sub> okla habenv<sub>2</sub>chi tok.

12. Mihmvt holhpokuna ho<sub>2</sub> falamvt Helot a<sub>2</sub> okla ik im ono ka hi a<sub>2</sub>, Chihowa hv<sub>2</sub>t i miha hatuk o<sub>2</sub>, hina inla ho<sub>2</sub> v<sub>2</sub>lh<sub>2</sub>tot i yakni atuk akinli ho<sub>2</sub> okla ilhkoli tok.

13. Mihma ai ilhkolit taha ma, Chosef vt holhpokuna ho<sub>2</sub>, Chihowa im enchil vt ant i haiaka mvt, Tani cha, vlo<sub>2</sub>si mikmvt ishki aiena ka ish<sub>2</sub>it malelit Echip a<sub>2</sub> ish ona cha, yv<sub>2</sub>mmak o<sub>2</sub> ish ahanta tuk o<sub>2</sub>, anumpa ish<sub>2</sub>it chim aya lashke; Helot vt vlo<sub>2</sub>si a<sub>2</sub> v<sub>2</sub>bi bv<sub>2</sub>nnvt hoyo chi hoka, achi tok.

14. Mihma tani mvt, vlo<sub>2</sub>si micha ishki aiena kash ninak o<sub>2</sub> pehlichi cha, Echip a<sub>2</sub> ia tok.

15. Chihowa hv<sub>2</sub>t hopaii isht ai anumpulit, Echip ak o<sub>2</sub>

svso h<sub>a</sub> a hoyo li tuk, achi tok a ont ai ahla ch<sub>i</sub> ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha nvt ik ahobalo h<sub>o</sub> pisa mvt, anukhobela fehna cha, pit on tihlelit, vlla chipunta Behlehem, micha auet a bilika maya kv<sub>t</sub> afvmmi tuklo ai vhlit ola minti, hatak hopoyuksa vhleha h<sub>a</sub> achukmalit im aponaklo tok vt pit ai it vlhpesa ka, mominchit vbit tahli tok.

17, 18. Yvmohmi hoka Chelemaias hopaii vt anumpohonlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hv<sub>t</sub> iiksho hatuk oka ish<sub>t</sub> yahaya mvt, hopohla hi a ik ahno ka, takali na haiyaklo tok oke, achi tok a ont ai ahli tok.

19, 20. Yohmi tok kia Helot vt illi haya, Chihowa im enchil vt, Chosef vt holhpokuna h<sub>o</sub> Echip a im a haiaka mvt, Tani cha, vlo<sub>s</sub>i micha ishki aiena ka pehlich<sub>i</sub> cha, Israel okla i yakni a ish iashke ; vlo<sub>s</sub>i im ilhfiopak a hoyo tok vt illi hoka, achi tok.

21. Yohmi ma tani mvt, vlo<sub>s</sub>i micha ishki aiena kash pehlich<sub>i</sub> cha, Israel okla i yakni a vla tok.

22. Yohmi kia Akelaus vt iki vlhtobvt Chutea ya i miko na haklo mvt, yvma ona nukshopa tok : yohmi nana kia holhpokuna ka Chihowa hv<sub>t</sub> nana i miha hatuk oka, fullotvt Kalili i kaniohmi h<sub>o</sub> ona tok.

23. Yohmi ka hopaii vhleha hv<sub>t</sub> anumpulit, Yvmmak okvt Nasalet hatak v<sub>t</sub>ta hohchifa hi oke, achi tok a ont ai ahla ch<sub>i</sub> ka, tvmaha Nasalet hohchifo h<sub>o</sub> ona cha, ahanta tok.

CHAPTER III.

Chan Baptist vt vba anumpa h<sub>a</sub> Chutea yakni haiaka isht anumpohonli, mihmvt baptismohonchi, 1. 13 Chisvs vt Chan ak o im a baptismo ; mihma Shilombish Holitopa yvt vba mintit onvtula.

1. NITAK yvma foka ma Chan Baptist vt Chutea yakni haiaka ya vbanumpa isht ai anumpohonlit aya tok ;

2. Mihmvt, Uba apehlichika yvt olanlosi vla hoka, hvsh ilekostininchashke, ahanchi tok.

3. Ilvppak o hopaii Esaias vt isht anumpulit, Achvfa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlehashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiyachi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a kohchvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anolit oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Michi, Eblaham ak osh piki oka, acha hi okvno hvchik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Uno yokvto hvsh ilekostinincha chi mak o, oka ya ishit hvchi baptismochi li ho mvhlishke; yohmi kia auet siakayvt mihinti hokvto vno a shaiyahli, yvmma i shulush a isht im aya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismocha hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tabli cha, onush atuk ma kanchak a pit ashacha hi oke;



yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a baptisma chi hosh Chatan a ai im ona tok.

14. Yohmi kia Chan vt yvmmak ash o im alvmmi mvt, Uno ak osh chishno a chim a baptismo la he si vlhpiesa ka, anonti vno ak o is svm vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlhpiesa puta ka mominchit il aiahlichha he pim vlhpesa hoke, im achi tok. Yohmi ma vlhpesa, im ahni tok.

16. Yohmi na Chisvs vt baptismo mak inli hosh oka ya ai vttvt koche ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik a auet ai anuhumpa kvv, Ilvp-pak osh svso a holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelet yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhleha hvv ant nan isht im anta, 1. 12 Kapenavm a Chisvs vt ai anta: mihmvt ile kostinincha he isht anumpohonli tok. 18 Pita, Antilu, Chemis, Chan aiena kvv nan im aiithvna ya chi ho, Chisvs vt atokolechi. 23 Chisvs vt Kalili yakni a nan im avvchit a hlopullit, abeka puta atuk ma hlakofhinchhi.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohevfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kvv pvaska toba chi ka i mihā, im achi tok.

4. Yohmi kia yvmmak ash osh afalaminchi mvt, Hatak vt pvaska yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi ̄o, holisso tok oke, achi tok.

5. Yohmi ma Setan ash osh ilaue lit tvmaha holitopa ya ont isht chukowa cha, tempel wishakchi yo ont ̄o hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha chi ka im enchil v̄hleha ha atohno na ibbak a isht v̄ba takalihinchit chisht aya na nitak kaniohmi kia chiya ya tv̄li isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaue lit nv̄nih chaha fehna ho isht oia cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipiv̄t is si aiokpv̄chi hokma, ilv̄ppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak ̄o ish ai okpahanchikmvt, yv̄mmak illa ho ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄mmi ma, enchil osh ai v̄la cha, okla ant nan isht im anta tok.

12. Yvmohmi tuk ̄o Chisvs vt, Chan vt aboha kv̄llo foka na haklo mvt, Kalili a ia tok.

13. Atuk osh Nasalet a issvt ia mvt, Kapenavm yv̄mmvt Sabulon yakni, micha Neftalim yakni aiena ont ai v̄hli okhv̄ta lapalika ak ̄o ont ahanta tok.

14, 15, 16. Yakohmi kv̄t hopai Esaias anumpulit, Sabulon yakni, micha Neftalim yakni okhv̄ta lapalika, Chatan misha, Chentail okla i Kalili vt aiokhlileka a sha tuk vt tohwikeli chinto pisa tuk; mihma isht aiilli yakni, micha isht-aiilli i ho-shontika maya tuk a tohwikeli hv̄t i kohchvt takalishke, achi tok a ont aiahla he mak a tok.

17. Yv̄mma foka aiv̄hlit mihinti ma, Chisvs vt v̄ba isht anumpulit, Oh ilekostinichi; v̄ba apelichika yvt olanlosi v̄la hoka, ahanchit ishtia tok.

18. Atuk osh Chisvs vt Kalili okhvta lapalika nowvt aya tuk osh, itibapishi tuklo, Saimon Pita hohchifo, anonti nakfish Antilu itatuklot nvni-hokli atuk osh nvni-isht-hokli a okhvta pit okvchi hosh ashwa na pisa tok.

19. Mihmvt yummak ash o, Hvs siakaiyashke, mikma hatak hokli o hvch ikbi lashke, im achi tok.

20. Yohmi ma mih makinli ho i nvni-isht-hokli a issa cha, yummak ash o iakaiyvt okla tok.

21. Mihma yummak ash vttvt ia hosh aya mvt, anonti itibapishi tuklo inla, Sebeta ushi Chemis, micha nakfish Chan itatuklo kvv iki Sebeta a apihvt nvni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yummak o iakaiyvt okla tok.

23. Mihma Chisvs vt Kalili a mominchit ayvt, i sinakak puta ka nan ai im abvchit, apelihchika isht anumpa hanta ya isht anumpohonli; micha okla hvv abeka, micha haknip ik in chukmo im asha tuk a mominchit hlakofihinchi tok.

24. Mihma isht annoa kvv Silia moma ka ont hlopulli tok; mihma okla hvv abeka ilaiyuka puta isht issikkopa hatuk; micha nan isht-ahullo okpulo ai i fokka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yummak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kvv iakaiya tok.

CHAPTA V.

Chisvs vt nvnih chaha ya ai anumpuli. Yohmi kvv kana hosh nan isht ilaiyukpa anoli, 11. 13. Klaist i yimmi vhleha hvv yakni i hvpi: 14 yakni a im a tohwikelika; tmaha yosh nvnih ai o talaia ka chohmi; 15 pvla ha chohmi. 17 Chihowa i nanvlhpisa ya Chisvs vt aiahlichia chi hosh vla. Kaniohmi hosh nanvlhpisa isht hannali ka kobvffi ka anoli. 27 Kaniohmi hosh nanvlhpisa isht untuklo ka kobvffi ka anoli. 33 Anumpa kvvlo isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvnrvp puta ka il i hulla he; 45 mikmvt nan ai aila he pim anukfila he aiena ka pi miha.

1. **YOHMI** ma okla chito ka pisvt, nvnih chaha yo pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih ha wakvmmi cha, yvmmak ash im abvchi mvt,

3. Chukvsh ilbvsha vhleha yokvto vba apelihchika yak osh immi hokvt nayukpvshke.

4. Nanukhako vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vlv-pesa hokvt nayukpvshke.

6. Ahopoyuksaka aiahni vhleha hvt hochahafu, itukshihin-la aiena hokvto, kaiya hi okvt nayukpvshke.

7. Nan i nukhako vhleha yokvto ilap ma i nukhako na pisa hi okvt nayukpvshke.

8. Chukvsh kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yvmmak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palvmmi vhleha yokvto, vba apelihchika yvt immi hokvt nayukpvshke.

11. Uno atuk pulla mak o hatak puta kv isht hvchi yopulvt, hvchi ilbvshachit, ahli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvt hvchi yukpa fenashke : isht hvchim vltoba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvt homi kv i kvnia hokmvt, nanta hak o isht a homa hinla cho ? yvmmak okvt himmakma nana ho isht ai vlvpiesa he keyu ; amba kocha pit hlaya na hatak puta iyi yosh avhlihinja he ak o pulla hoke.

14. Yakni in tohwikeli hvchia hoke. Tvma chito yosh nvnih chaha ai on talaia hokvt luma he keyushke.

15. Mikma hatak vt pva ha pvalikmvt, tanchi isht vlvpisa nutaka yo talali chatuk keyu ; amba pva ai-o-hikia yo ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pva hv hatak puta itikba ya ik a tommi pulla na inla a<sub>2</sub>sha kv<sub>2</sub> nana hvsh akaniohmi hochukma puta ka pisa cha, Iki vba binili ka holitoblashke.

17. Nan vlhpisa, micha hopaii puta im anumpa aiena ha tok a okpunit aya li tuk a, ik hvchim ahobo kashke; okpuni la hi osh aya li tuk keyu; amba aiahlichi la he mak a tok.

18. Ahli mak o hvchi miha lishke, Yakni, mikmvt vba shutik aiena hokvto ont ik ai iksho kia, vba nan vlhpisa yvt moma ont ik a lauwo achvfona nana kia a kaniohmit aiokpuloka iksho mak osh, momvt ont aiahla he mak oke.

19. Yohmi hoka kvna hosh vba nan vlhpisa ik a lauwo ilvpa puta ka achvfona ka kobvffi cha, hatak puta kv<sub>2</sub> ai yv-mihcha chi ho im avvchi hokmvt, vba apehlichika aiasha ka moma ik a lauwo hohchifa he; amba kvna hosh mihma holitobli cha, inla ma isht im avvchi hokvto, mihi yosh vba apehlichika ya chito ont a hohchifa hi oke.

20. Hvchi avlhpiesa kv<sub>2</sub> na-holissochi vhleha, micha Falisi vhleha aiena ka i shahli ho keyukmvt, nana hosh a kaniohmi kak o vba apehlichika ya ont hvsh chukowa he keyu hoke, hvchim achi lishke.

21. Nitak tikba aiasha kv<sub>2</sub>, Kvna kia ish bi na: kvna hosh inla vbi hokv<sub>2</sub> nan vlhpisa yo isht im ahlelashke; achi tok a hvsh haklo chatuk.

22. Amba vno vto, Kvna hosh nana hosh a kaniohmi keyu ho, itibapishi ha i nukkilli hokmvt, nan vlhpisa yo isht im ahlelashke: mikma kvna hosh itibapishi ha, Ik chi ahobo, im achi hokmvt, nan vlhpisa kv<sub>2</sub> illo i shahli ho isht im ahleka he: amba kvna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpvchi ya ieszit alta ya ish ona kv<sub>2</sub>, ish itibapishi ha nana ish i kaniohmi tuk a a<sub>2</sub>sha ka ish ithaiyana hokmvt;

24. Uba chi nan-isht-aiokpvchi ash alta itikba yo ish bohli cha, ivt tikba ish itibapishi ak o ont ish it i nanaiya ha yosh, vlv<sub>2</sub>, vba chi nan-isht-aiokpvchi ash pit isht ish aiokpvchashke.

25. Nan v<sub>l</sub>hpisa chi onochi yatuk ma apehvt ish maya takla kak osh, tushpvt ish it ibai achvfashke ; keyukma nitak kaniohmi kash inli h<sub>o</sub> nan v<sub>l</sub>hpisa chi onochi yash osh chisht nan apesa ibbak a chi fohkikma, anonti nan-apesa yash osh nanvlhtoka ibbak a chi fohki na aboha kullo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi h<sub>o</sub> keyukmvt, kaniohmi kak osh yvm-mak atuk a ish kohcha he keyu mak a hi oke.

27. Nitak tikba aiasha kv<sub>t</sub>, Hvsh it in lumaka na ; achi tok a hvsh haklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlhpesa hoke.

31. Kvna hosh tekchi a kanchikmvt, it i kvnia holisso ha imashke ; achi tok a takalishke.

32. Amba vno vto, Kvna hosh tekchi vt lumaka tuk o keyu h<sub>o</sub> kanchikmvt, hau i ikbieha he : yohmikma kanchi haya kvna hosh itauwayakmvt, hau i toba mak a hi oke, hvchim achi lishke.

33. Micha anonti, nitak tikba aiasha kv<sub>t</sub>, Anumpa kullo ish ile onochi tuk vt chik kobvffo kashke : amba anumpa kullo ish ile onochi tuk okvt Chitokaka ya ish im aiahlicha hi oke ; achi tok a hvsh haklo chatuk.

34. Amba vno vto, Anumpa kullo chik ile onochi kvmohmashke ; vba shutik ak kia pit isht chik ai a miho kashke ; yvmmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvmma isht chik ai a miho kashke ; anonti Chelusalem a isht chik ai a

miho kashke; yummak okvt Miko chito in tumaha chito yoka :

36. Micha chi noshkobo ak kia isht chik ai a miho kashke; chi pashi achvfa kia ish tohbichikmá, ish lusachikmá, nana he keyu hokvt :

37. Amba chim anumpa hvt Ome, ome; Keyu, keyu; achi aiena kak ashke : ilvppak o nana kv̄t ont atampa hokvt o nana ik v̄lhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hvsh haklo chatuk :

39. Amba vno vto, Nan ik v̄lhpeso ka chik i sanalo kashke; amba kvna hosh chitisopi isht impakimma ya issokma, in tvn̄vp ma pit ish i weli makinlashke.

40. Micha hatak nana kia nan v̄lhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kvna kia awant ivt kowi achvfa ka ish ona pulla hi a chim ahnikma, awant ivt tuklo h̄o ish onashke.

42. Nana chim asilhhakma, ish imashke : mikmvt chim a pota bvna hoka, chik i shanaiyo kashke.

43. Chin chukapanta hatak a ish i hullo cha, chin tv̄vp okvno ish i nukkillashke; achi tok a hvsh haklo chatuk.

44. Amba vno vto, Hvchin tv̄vp vhleha ha hvsh i hullo cha, nana okpuloka hvchim anukfillit miha aiena ka, nana achukma h̄o im ahnit hvsh mihashke; hvchi nukkilli ma ai achukma hi o isht hvsh i yvmohmikmvt, hvchi kanimachit, hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia hi oke : yummak okvt i hvshi atuk ma nan ik v̄lhpeso, micha na-hochukma aiena ka i kochehinchikmvt, kocha umba ka nan-aiagli hochukma, mikmvt nan ik ahlo aiena ka auet i pihinla chatuk oka.

46. Hvchishno a hvch i hullo h̄o hvsh i hullo hokvt, nanta hosh isht hvchim vlhtoba h̄o? pvblikan vhleha ak kia yummak okvno yohmi akinli chatuk keyu ?

47. Micha hvsh itibapishi vhleha ak bano h̄o hvsh aiokpvchi hokmvt, inla asha ka nantak o isht i shahlichu hosh

huchi yvmohmi h<sub>o</sub>? p<sub>u</sub>blikan vhleha ak kia yohmi ak inli chatuk keyu?

48. Yohmi hoka aiahli huchi achukma kv<sub>t</sub>, hvch Iki vba binili kv<sub>t</sub> aiahli achukma kak inli h<sub>o</sub> hvsh chiyuhmashke, hvchim achi lishke.

## CHAPTA VI.

Chisvs vt nvnih chaha ai anumpuli tuk vt a moma. Yohmi kv<sub>t</sub> na habenvchi, 1, 5 anumpa ilbvshvt asilhha, 14 nan ai-ashvchi puta ka i kashofa he, 16 na hollochi aiena ka isht anumpuli, na pim ilayak kanima yo il a boyula hi a pim anoli, 24 i shahli ha tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apelihchika yak o na tikba e hoya hi a miha.

1. АHAH! hvsh aiahnit na hvsh habenvchi kv<sub>t</sub>, hvchi pisa chi ka, hatak puta itikba yo hvch ik a yvmihcho kashke; yvmmak keyukmvt hvch Iki vba binili ka im a hvchim vlhtoba hi o keyu hoke.

2. Yohmi ka na hvsh habenvchi kv<sub>t</sub>, isht-pufa ya chi tikba yo ai olachit, nan-ilahobi vhleha hokvto hatak puta kak o im a holitopa chi hosh sinakak anukaka, micha ai itvnowa puta ka a yvmohmi chatuk oka, hvch ik chohmo kashke: ahli mak o hvchim achi lishke, yvmmak okvto im vlhtomba chatuk oke.

3. Amba nana ish habenvchi hokmvt, chibbak isht impakimma yvt nana kaniohmi ka, chibbak vlhfvbeka yvt akostinicha hi a chik im ahno kashke.

4. Yohmi na nan ish habenvchi ka a lumakashke; yohmikma Chiki alumaka a pisa yvt ilap inli hosh otvniichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke; yvmmak okvto, hatak vt pisa chi ka, sinakak anukaka, ai itvnowa ai itai okhvkvchi aiena kak o hiohmayvt vba pit anumpuli kak osh im achukma chatuk oka; ahli mak o hvchim achi lishke, yvmmak okvto im vlhtomba chatuk oke.



6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvniichi achukma hosh chim atobba hi oke.

7. Yohmi kia vba pit hvsh anumpuli hokvt it vbillit mih-ija kv, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, hakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi bnna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpulashke: Piki vba ish binili ma! Chi hohchifo hvt holitopashke.

10. Ish apehlichika yvt vlashke. Nana ish ai ahni ka yakni pakna ya a yohmi kv, vba yakni a yohmi mak o chiyuhmashke.

11. Himak nitak ilhpak pim ai vlhpesa kako ish pi ipetashke.

12. Mikmvt nana il aheka puta ish pi kashofi kv, pishno vt nana pim aheka puta il i kashofi chatuk a ish chiyuhmichashke.

13. Mikmvt anukpvlika yoka ik ia chik pim aiahno hosh, amba nan-okpulo a ish pi a hlakofihinchashke: Apehlichika, mikmvt nan-isht-aiahli, micha isht aholitopa aiena kv chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kv hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu loke.

16. Yohmikmvt anonti, nana hvsh hullochi kv nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kv hatak puta im otvna chi

kv̄t, nashuka ya ilapissachi chatuk oka. Ahli mak o hv̄chi miha lishke, yvm̄mak okv̄to im vlhtomba hoke.

17. Amba chishno v̄to nan ish hullochikm̄vt, chi noshkobo ish ahv̄mmi cha, chi nashuka ma ish achifashke.

18. Yohmi cha hatak puta kano na hullochi h̄o chik i holbo hosh, amba ai alum̄aka ai ahanta Ch̄iki ak illa h̄o ish im otvnashke; yohmikma Ch̄iki ai alum̄aka a p̄isa yatuk m̄vt, otvnichi achukma hosh chim atobba he mak oke.

19. Hv̄chim ilayak puta ka yakni paknaka nanilayak sh̄ushi, micha na-lakna aiena kv̄t ai okpv̄ni chatuk, micha huk̄opa puta yv̄t tiwit isht chukowv̄t a huk̄opa ya hv̄chik ai atahlo kashke.

20. Amba hv̄chim ilayak puta ka v̄ba yakni nanilayak sh̄ushi, micha na-lakna aiena kia ai okpv̄ni keyu, mikma huk̄opa puta kia tiwit isht chukowv̄t a huk̄opa keyu ak o hv̄sh ai atahlashke.

21. Kanima yo hv̄chim ilayak vt itonla hokma, hv̄chi ch̄ukv̄sh ak kia mihi yo pit takanla hinla ak inli hoka.

22. Haknip a i p̄ula hv̄t nishkin ak oke. Yohmi hatuk o chi nishkin vt achukma hokma, chi haknip vt momv̄t tohwikelit alotowa hinla hoke.

23. Amba chi nishkin vt ik achukmo hokma, chi haknip momv̄t okhlilit alotowa he. Yohmi ka tohwikeli ch̄i foyuka, yvm̄mak atuk vt ont okhlieli hokma, okhlili yvm̄m̄vt chinto fehna nana mak ahinla keyu?

24. Hatak nana kia i shahli h̄a tuklochit holitobla he keyu; achv̄falit i nukkilli cha, achv̄fa yak o holitobla hinla; keyukm̄vt achv̄falit pit halanli cha, achv̄fa yak o kanimancha hinla hoke. Chihowa micha Mammon it aieninchit hv̄sh holitobla he keyushke.

25. Yohmi hoka hv̄chi ai okchaya hi a nana h̄o hv̄sh pa he, micha nana h̄o hv̄sh ishka he aiena; mikm̄vt hv̄chi haknip ma nana h̄o hv̄sh fohka hi a anukfillit isht hv̄ch ik ilbv̄sho kashke, hv̄chim achi lishke. Ilhfopak vt ilhpak a i shahlikma, anonti haknip vt nafohka ya i shahli h̄o keyu cho?

26. Hushi v̄ba itv̄nowa h̄o ho pesá: yvm̄mak okv̄t nana

ho hokchi keyu, anonti vmot, kanchak kia pit ashachi ho keyu; yohmi kia vba hvch Iki vt ymma ipehinta hoke. Holitopa kv̄t ymma hvsh i shahli fehna ho keyu?

27. Hvsh katima kak osh anukfihinlit isht ilbvsha kv̄t hvchi chaha ka kubit achvfa kia hvsh il achakala hinla cho?

28. Micha nanta katiohmi ho na fohka ya anukfihinlit isht hvsh ilbvsha cho? Na pakanli hochukma lilli oktak aiasha kv̄t kaniohmit offo hoka anukfihinlit ho pesá: ymmak okv̄t toksv̄lit a hoyv̄bli keyu, anonti nana ho shv̄nni keyushke.

29. Yohmi ak inli kia Solomon ak kia nan-isht im a holitopa moma isht a shema kv̄t ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlhpita chī kia, Chihowa hv̄t she-mvchi kv̄t yvmihchi kv̄to, hvchishno a i shahlichī hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa chī? mikmvt nantak o iloh ishka chī ho? micha nantak o eho fohka chī cho? hvch ik acho kashke.

32. Ilvppa puta kak o okla nan ik ithano vhleha hv̄t hoyo chatuk oka; ilvppa moma ka a hvchi bv̄nna hokv̄no vba hvch Iki vt ithana hoka.

33. Amba Chihowa apehlichika, micha nan isht im ai vlhpiesa aiena kak o tikba hvsh hoyashke; yohmikma ilvppa moyuma kv̄t hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokv̄to ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII.

Nv̄nih chaha Chisvs vt anumpuli tok osh a moma; yohmi kv̄t himakfokalechit inla ya na mihacha chī ka imolv̄bbi, 1; 6 micha nana kv̄t holitompa hokv̄to ofi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskv̄tinosi, miha hina ik p̄v̄tho, mikm̄vt okhissa chito, miha hina p̄v̄tha isht anumpuli. 15 Hopaii ilahobi yā ahah! im alna he, 21 v̄banumpa haklo illa he keyu, amba im antia he; 24 tv̄li chito chuka yvt ai itv̄bana chatuk ā chohmi; mikma kv̄na hoh kia ī yimmi keyu hokvt chuka yvt shinuk ō ai itv̄bana chatuk ā chohma hi ā miha.

1. H̄UCHISHNO ā nana ik hv̄ch ī mihacho ka ch̄i ka, inla yā nana hv̄ch ik mihacho kashke.

2. Kanimihchit inla yā nana mihachi hosh hv̄sh mihachi tuk ma, hv̄chishno ma isht hv̄ch ī mihacha he; mikm̄vt isht v̄lhpisa nana hō isht hv̄sh apesa tuk m̄vt, hv̄chishno m̄vt isht hv̄chim v̄lhpisa he akinli hoka.

3. Miha nanta katiohmi hō na hishonluk iskv̄tinosi kv̄t ish itibapishi nishkin a fōka na ish pisa ho kak osh, anonti iti chito yvt ch̄i nishkin ak inli fōka kano chik akostinicho cho?

4. Miha katiohmi hō iti chito yvt chishno chi nishkin ak inli hō fōka ka, ish itibapishi ha, Na-hishonluk iskv̄tinosi ka chi nishkin ā ai ishit ak kohch̄i, ish im acha hinla cho?

5. Nan ilahobi chia hoka, chishno chi nishkin ak ō tikba iti chito ā ish a kohchashke; yohmikmak osh ish pisa achukma cha na hishonluk iskv̄tinosi ka ish itibapishi nishkin a fōka tuk a ish a kohcha hinla hoke.

6. Nana kv̄t holitempa hokv̄no ofi puta ma pit hv̄ch ik imokm̄vt, anonti hv̄ch ī na holitopa puta hatuk ma shukha itikba yā hv̄ch ik ashacho kashke; yv̄mmak keyukma yv̄mmak ash ō iyi isht a hv̄hlich̄i cha, anonti filem̄vt hv̄chishno ash ō hv̄ch̄i okp̄v̄na hinla hoke.

7. Hv̄sh asilhhakma, hv̄ch ima he; hv̄sh hoyokm̄vt, hv̄sh ahayucha he; hv̄sh sokohakma, hv̄chin tiwa he oke.

8. Asilhha aiyuka hokv̄to ishi bano hoke: mikma kv̄na hosh hoyo hokv̄to, ahayuchi hoke; mikma kv̄na hosh soko-ha hokv̄no, in tiwa pulla hi oke.

9. Yohmi ka hatak hv̄sh katima kak osh, ushi osh p̄vska im asilhha ka, tv̄li yō isht ima hinla hō?

10. Keyukm̄vt nv̄ni yō asilhhakma, sinti yō isht ima hinla cho?

11. Yohmi ka nan ik ai vllhpeso hvchia kia hvchim vlla ya na hochukma isht ima kv̄t hvchimponna chatuk a, im asilhha hoka hvch Iki vba binili kv̄t na hochukma isht ima kv̄t i shahlichī ik fehno ka hinla ho?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vllhpisa, micha hopaii puta aiena kv̄t miha hoka.

13. Okhissa iskv̄tinosi ak o hvsh ai abehashke; okhissa yvt chito cha, hina mvt pv̄tha hosh aiokpuloka ya ona hatuk o, yv̄mma ai abeha kv̄t laua hoke.

14. Okhissa yvt iskv̄tinosi cha, hina mvt ik pv̄tho hosh ai okchaya ya ona hatuk o, ik lauwo hosh yv̄mmak oka aha-yuchi hoke.

15. Hopaii ilahobi vhleha chukv̄llhpoba i na fohka fohka hosh hvchim ai vla kia, anukaka yokv̄to nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o paki a ai vmo chatuk o? micha fik a shumvti ak o ai vmo chatuk oh cho?

17. Yv̄mmak inli ho chohmit iti hochukma moma kv̄t vni hochukma ho vni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yv̄mma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna lava ka isht il a yvmihchi tok keyu cho? vm achi kv̄t laua hi oke.

23. Yohmikma otv nichit, Nitak nana ashō hvch ithana li tuk keyu, nan ik vllpeso yohmi hvchia hv̄t a filvmm̄it misha oh ia chá, im achi la hi oke.

24. Yohmi hoka kv̄na hosh v̄m anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yō in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot vla ma, anonti mahli hv̄t mahli cha, chuka yvmmak ash ai ihiso ka, tvli paknaka yō ai itvbana hatuk okvt, ik akamo ki tok.

26. Yohmikma kv̄na hosh v̄m anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka ya shinuk paknaka yō a talali tok a it vllhpisashke.

27. Yvmohmi tuk o umba hatuk mvt aka ituyula na okchitot vla ma, anonti mahli hv̄t mahli cha, chuka yvmmak ash ai ihiso ma, akama tok; micha okpuloka kv̄t aiahli tok oke, ahanchi tok.

28. Atuk o yakohmi tok; Chisvs vt ilvppa ahanchit ont in taiyaha ma, nan isht im av̄chi tuk a okla hv̄t anukhla-kancha tok.

29. Im ai vllpesa mak osh nana im av̄chi tok; amba na holissochi vhleha hokvno ik chohmo ki tok.

## CHAPTER VIII.

Chisvs vt leposi vbi ya hlakofichi, 1. 5 Mikmvt sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokopv̄chi. 23 Michā kaniohmi hosh il iakaya he pim anoli: 28, nan isht ahullo okpulo vhleha ha Chisvs vt kocha weli ma; nan isht ahullo okpulo vhleha hash osh shukha laua ya iba chukowa.

1. **ATUK** osh nv̄nih chaha ya vttvt akowa ma, okla chinto kv̄t iakaiya tok.

2. Mihma leposi vbi yosh vlv̄t ant aiokpv̄chi mvt, Chito-kaka ma! vllpesa ish ahni hokmvt, is sa kashofa hinlvshke, achi tok.

3. Mihma Chisvs vt ibbak a pit weli cha, potoli mvt, Ulhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokpvchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyvn vt mintit im vla tok.

6. Micha im asilhhvt, Chitokaka ma! an tishu hvt palsi isht abeka hosh issikkopa fehna kvv chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyvn ash osh afalaminchi mvt, Chitokaka ma! vm aboha ya ant ish chukowa he si vlhpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kvv ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kvv nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvv laua hosh vba apehlichika ya ai vlvv Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyvn ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlhpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, yvmma tekchi a ishki vt yvnhvt abeka hosh itonla na pisa tok.

15. Mihmvt ibbak a pit potoli ma, yvnhu kvv shivchi tok: mihma yvmmak ash osh wakaya mvt, nan isht im vttu tok.

16. Atuk o opivt taha ma nan isht abullo okpulo ai i foka puta kvv laua ho isht im ai ona tok; yohmi ma shilombish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Yvmmvt hopaii Esaias vt anumpulit, Ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ahla chi mak a tok.

18. Yohmi ma okla chito fehna kvv apehvt ai asha na Chisvs vt pisa mvt, misha in tvnnp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvv chiluk vt im ashakma, vba hushi puta kvv vhpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvvt, Chitokaka ma! vmona kano ivt, aki a ont hohpi la hi a, vhpesa is svm ahnashke, im achi tok.

22. Yohmi kia Chisvs ash osh, Is siakaiyashke; yohmik-ma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvv iakaiya tok.

24. Atuk o mahli kvvllu fehna kvv okhvta ha a tovt kocha ma, peni ash o oka banvtha kvv isht ompohomo tok; yohmi kia yvmmak ashot nusi hosh itonla tok.

25. Mihma nan im ai ithvna vhleha hvv im ai vlvv ant okhvli mvt Chitokaka ma! ish pi okchalinehashke; pilli mak oke, achi tok.



26. Mihma yummak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Michā tani mvt, mahli mikmvt okhvta aiena kash im alvm-mi tok; mihma yokopa ai ahlit talaia tok.

27. Yohmi ma hatak ash osh okla nukhlakancha mvt, Ilvppvt hatak katihmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnrvp Kekesenes yakni a ona ma, nan isht ahullo okpulo ai i fokā kv̄t tuklo hosh anuksho-munta fehna hatuk o, hatak nana kia yemma imma ka ont ia he keyu chatuk o, hatak illi aiasha ya ashvvt kohchvt minti hosh ont afama tok.

29. Mihmvt tahpvlvt okla mvt, Chisvs, Chihowa Ushi chia hv̄t nanta ho isht ish pi ahalaia cho? ik ai ono kisha ho, ish pilbvshacha chi hosh ilvppa ish la hoh cho? achit okla tok.

30. Yohmi ma shukha laua kv̄t impa hosh auet i hopaki ka ai asha tok.

31. Yohmi hatuk o nan isht ahullo okpulo vhleha hash osh im asilhha mvt, Ish pi kocha weli hokmvt, iv̄t shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlepvt, ilhkolit tv̄maha ona cha, nana ka mominchit anoli tok; micha nan isht ahullo okpulo ai i fokā tuk vt nana im a kanihmi tuk a aieninchit anoli tok.

34. Yohmi ma tv̄maha hash osh momvt Chisvs a afamvt ilhkoli tok; atuk osh yummak ash o okla pisa mvt, i yakni a a kohchvt aya hinla ka okla im asilhha tok.

## CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha ha Mahlu im ai impa asha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichu ushetik vt illi tuk a okchalinchit tanichi: micha ohoyo hvt issish umbokafa isht abeka tuk a hlakofichi. 27 Michu hatak nishkin lva tuklo ho i fatummi. 32 Chisvs vt hatak ik anumpolo nan-isht ahullo okpulo ai i foka yatuk a im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvli cha, ilap in tvnaha ak inli ho ona tok.

2. Mihma hatak vt palsi isht abeka hosh potvlhpo pakna itonla ho okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvv chi kashofa hoke, im achi tok.

3. Yohmi ma na holissochi vhleha kaniohmi kvv, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila ha ithana hatuk osh, Nanta katiohmi ho hvchi chukvsh a nan okpulo ishit hvsh anukfilli cho?

5. Na chim ai ashvchika puta kvv chi kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvv ik lauwo cho?

6. Yohmi kia Hatak Ushi yvt yakni paknaka anta kvv nan ai ashvchika puta ka kashofa hi vt im ai vlhpesa hatuk a, hvsh akostinicha chi kak oka, palsi isht abeka ash o, Tanit chi potvlhpo ishi cha, chi chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvv pisa mvt, nukhlakanchvt, hatak a nan-isht im ai ahli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ash o vttvt ia mvt, hatak vt Mahlu hohchifo hosh, tvli holisso ai itahoba ya binili ho ont

pisa tok; mihmvt yvmmak ash o, Is siakaiyashke, im achi tok; mihma wakaya mvt iakaiya tok.

10. Atuk o yakohmi tok; Chisvs vt impa hosh aboha anuka asha ma, pvblikan vhleha, mihmvt nan ashvchi vhleha aiena kvt laua hosh ai vltv yvmmak ash, micha nan im ai ithvna aiena ka ant takla binohli tok.

11. Mihma Falisi vhleha hvv pisa mvt, yvmma nan im ai ithvna vhleha hash o, Katiohmi ho nan hvch ithvnañchi vt pvblikan, micha nan ashvchi vhleha aiena ka it ibai impa cho? im achi tok.

12. Yohmi kia Chisvs vt yvmma haklo mvt, Haknip im achukma hokano alikchi a ai im ai vlvpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yvmmak osh nana hokma, ont oh ithvna; hopoyuksa vhleha ak o hoyot aya li ha tok keyu; amba nan ashvchi vhleha hvv ile kostininha chi mak a tok oke, im achi tok.

14. Yohmi ma Chan nan im ai ithvna vhleha hvv im ai vla mvt, Katiohmi ho pishno, micha Falisi vhleha il aiena kvto nukhaklot nan e hullochi fehna ma, amba nan chim ai ithvna vhleha hvv nukhaklot nan ik hullocho cho? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi vhleha hvv nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvv nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vlvkva lapali kash osh anchi ash hlilvfit ishikma, i shahlit hlilavv okpulo chatuk oke.

17. Mikma hatak puta kvv oka-paki himona ya shukcha sipokni yo apitta chatuk keyu; yvmmak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka paki himona ya shukcha himona yo apit-takmak o, tuklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichi achvfa hosh v<sub>l</sub>a cha, ant aiokp<sub>v</sub>echi m<sub>v</sub>t, Himonasi ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna' v<sub>h</sub>leha aiena kv<sub>t</sub> yohmi ak inli tok.

20. Yvmohmi tuk o ohoyo hv<sub>t</sub> issish umbokafa isht abek<sub>a</sub> tok afv<sub>m</sub>mi auah tuklo hosh, yvmmak ash im ashaka ya mav<sub>t</sub> ona cha, im anchi aposhokv<sub>ch</sub>i a pit potoli tok.

21. Im anchi ak illa h<sub>o</sub> ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa m<sub>v</sub>t, Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanv<sub>l</sub>li v<sub>h</sub>lpisa yv<sub>m</sub>ma fehna h<sub>o</sub> ohoyo yvmmak ash osh hlakofi tok.

23. Mihma Chisvs vt hatak na-pehlichi in chuka yash ona cha, oskula olachi v<sub>h</sub>leha, micha okla yaiya aiena ka ont pisa m<sub>v</sub>t,

24. Oh it<sub>i</sub> kanv<sub>l</sub>li; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hv<sub>t</sub> kocha wihvt taha ma, pit chukowa cha, ibbak a ont halv<sub>l</sub>li ma, ohoyo himita yash osh tani tok.

26. Yohmi ma ilvppak atuk vt annovt yakni yv<sub>m</sub>ma mo-ma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kv<sub>t</sub> iakaiyvt av<sub>t</sub>, tahpahanlv<sub>t</sub>, Lewi ushi chia ma! ish p<sub>i</sub> nukh<sub>a</sub>klashke, ahanchi tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hv<sub>ch</sub>i yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli m<sub>v</sub>t, Na hv<sub>ch</sub>i yimmi tuk pulla mak osh isht a hv<sub>ch</sub>im v<sub>h</sub>lpesashke, achi tok.

30. Mihma nishkin vt i fatumvt okla tok: yohmi ma

Chisvs vt kvlochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvma mominchit ai im annowachi tok.

32. Yvmmvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Islael okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tmahushi puta aiena ka mominchit avt, i sinakak puta kak o nan im ai abahanchi, mihmvt vba apehlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im asha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukfvllhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwoshke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auet tihlela chi ka, hvsh im asilhhashke, im achi tok.

CHAPTA X.

Chisvs vt nan im ai ithvna auah tuklo kvv vbanumpa ha isht anumpohonla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobli kvv nan isht il ai yukpa he miha.

1. YVMOHMI tuk osh nan im ai ithvna auah tuklo kash o itahobit tahli mvt, nana im ai ahlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kv̄t ya-kohmi kak oke: v̄mmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomú; Tamas, mikmvt p̄vblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yv̄mma haksichi tok ak inli ka aiena tok.

5. Auah tuklo ilv̄ppak o Chisvs vt pit tihleli mvt, nan im apesvt, Chentail aiasha pilla hokvno hv̄ch ik aiyo kashke, mikmvt Samalia okla in tv̄maha h̄a ont hv̄ch ik chukowo kashke.

6. Amba Islael in chuka-chv̄fa chukfv̄lhpoba tv̄moa pulla kak o hv̄sh im ai onashke.

7. Michā ia hosh hv̄sh it̄cnova kv̄t, v̄ba isht anumpo-honlit, Ūba ap̄ehlichika yvt olanlosi vl̄vshke, hv̄sh ahan-chashke.

8. Mikmvt abeka ya hlakofichit, leplosi v̄bi puta ka i kashofit, illi puta ka tanichit, nan-isht ahullo okpulo puta ma hv̄sh kocha welashke: pilla h̄o hv̄sh habena hatuk okvt, pilla h̄o hv̄sh imashke.

9. Hv̄chi shukcha atuk ma tv̄li holisso lakna, micha tv̄li hv̄ta, mikmvt tv̄li lakna nana kia fohkit hv̄ch ik ieshokmvt;

10. Anonti nowvt hv̄sh aya hokvt bahta kia, ilefoka lumbo tuklochit, shulush aiena ma tuklochit, tv̄bi nana kia hv̄ch ik iesho kashke; hatak toksv̄li yvt ilhpita he ak o vl̄hpesa hoka.

11. Michā tv̄maha, keyukmvt tv̄maha chito yokmá nana h̄o ont hv̄sh chukowa chi kv̄t, kv̄na hosh vl̄hpesa kv̄t yv̄mma anta ka, hv̄sh ponaklashke; micha yvmmak o hv̄sh āsha tuk osh a kohchvt hv̄sh iashke.

12. Michā chuka yo ont hv̄sh chukowakmvt; hv̄sh ai okpv̄chashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvno, na yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tmaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tmaha yvmmak a tok a i shahla hi oke.

16. Inta! chukvvlhpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichi vhleha, mikmvt miko puta, Chentail okla aiena ka, na hvsh im ai atokola chi ka, vno pulla hatuk mak o yvma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch Iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mahayvt ai vhli ka ona hok mak osh okchaya hi oke.

23. Yohmi kia tmaha chito ilvppa a hvch issikko-

palikma, yihleptv inla yo hvsh onashke. Ahli mak o hvchi miha lishke, IsraeI okla in tmaha puta ka hvch ik hlopullo kisha ho, Hatak Ushi yvt vIa hi oke.

24. Nan-ithvna yvt nan-ithvnanchi ya imaiya keyukma, anonti tishu hvv i shahli ha imaiya ho keyu chatuk.

25. Nan-ithvna yvt nan-ithvnanchi ya itilaikma, anonti tishu hvv i shahli hatuk ma itilaikmak osh im vIhpesa hoke. Chuka-chvfa pehlichika ya Beelsebv okla hochifo tuk vt in chuka-chvfa ya i shahlichu kvv katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kvv ompoholmo tuk osh ik otano ka hi vt iksho ma, anonti nana kvv luma tuk osh ik annowo ka hi vt iksho hoka.

27. Nana ka okhlilika yo a hvchim anoli li ka a tohwi-kelika yo hvsh ai anolashke: micha nana ka haksobish tikelichi hosh hvsh haklo kvv, yvmmak ash aboha pakna yo hvsh ai anolashke.

28. Mikmvt haknvp a vbi kia, shilombish a illicha he keyu yvmmak okvno hvch ik i nukshopo kashke: amba shilombish micha haknvp it aieninchit aiokpuloka ai ilbv-shala hinla kak pulla ho hvsh i nukshopashke.

29. Hushi chipunta yvt tuklokmvt sint achvfa iklvna itatuklo vIhtoba chatuk keyu? mikma yvmvvt, hvch Iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinvv taha yoke.

31. Yohmi hoka ik hvchi nukshopo kashke; holitopa kvv hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa Aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahninchu tuk ma, vno ak kia ilapa Aki vba binili ka itikba ya ak ai ahninchu ka hi oke.

34. Yakni pakna ya nanaiya yo bohvit aya li tok ik



h<sub>v</sub>chim ahobo kashke: nanaiya y<sub>o</sub> a bohli<sub>t</sub> a<sub>y</sub>a li tok keyu, amba b<sub>v</sub>shpo falaia ak a tok.

35. Hatak a<sub>2</sub> i<sub>2</sub>ki ik it im v<sub>l</sub>hpesachot, ushetik a ishki ik it im a v<sub>l</sub>hpesachot, ipok atuk ma ipokni a<sub>2</sub> ik it im v<sub>l</sub>hpesachot a<sub>y</sub>a li ha tok.

36. Mikma hatak in t<sub>v</sub>n<sub>v</sub>p puta kv<sub>t</sub> ilap in chukachvfa ash inla hi oke.

37. Kvna hosh i<sub>2</sub>ki yokmá, keyukm<sub>v</sub>t ishki yokmá, nana h<sub>o</sub> i<sub>2</sub> hullo kv<sub>t</sub> vno a<sub>2</sub> im i<sub>2</sub> shahli hokv<sub>t</sub>, v<sub>m</sub>mi ha he v<sub>l</sub>hpesa keyu hoke: mikm<sub>v</sub>t ushi yokmá, keyukm<sub>v</sub>t ushetik okmá, nana h<sub>o</sub> holi<sub>t</sub>obli kv<sub>t</sub> vno a<sub>2</sub> im i<sub>2</sub> shahli hokv<sub>t</sub>, v<sub>m</sub>mi ha he v<sub>l</sub>hpesa keyu mak inli hoke.

38. Yohmikma kvna hosh im iti-taiyukhvna ya sholi cha, siakaiya keyu hokv<sub>t</sub>, v<sub>m</sub>mi ha he v<sub>l</sub>hpesa keyu mak oke.

39. Kvna hosh im ilhfiopak a<sub>2</sub> ahayuchi tuk m<sub>v</sub>t i<sub>2</sub> kvniá he: mikma kvna hosh vno pulla hatuk mak o<sub>2</sub> im ilhfiopak v<sub>t</sub> i<sub>2</sub> kvnia hokm<sub>v</sub>t, ahayucha he mak oke.

40. Kvna hosh hvchi aiokpvchi hokv<sub>t</sub>, vno a<sub>2</sub> si aiokpvchikma; anonti kvna hosh vno a<sub>2</sub> si aiokpvchi kv<sub>t</sub>, auet sa kanchi tok ma aiokpvchi hoke.

41. Kvna hosh hopaii ya hopaii atuk mak o<sub>2</sub> aiokpvchi hokv<sub>t</sub>, hopaii im ai v<sub>l</sub>htoba mak o<sub>2</sub> isha he: yohmikma kvna hosh hatak a<sub>2</sub>hli achukma ka, a<sub>2</sub>hli achukma atuk mak o<sub>2</sub>, aiokpvchi hokv<sub>t</sub>, hatak a<sub>2</sub>hli achukma im ai v<sub>l</sub>htoba mak o<sub>2</sub> isha hi oke.

42. Mihma kvna hosh chipota v<sub>h</sub>leha ilvppa achv<sub>f</sub>ona kia, nan ithvna yatuk mak o<sub>2</sub> ishka ch<sub>i</sub> ka oka kapvssa isht-ishko achvfa illa h<sub>o</sub> ipeta kia, y<sub>v</sub>mm<sub>v</sub>t kani<sub>o</sub>hmit nan-v<sub>l</sub>htoba hv<sub>t</sub> i<sub>2</sub> hlakofa he keyu, a<sub>2</sub>hli mak o<sub>2</sub> hvchim achi lishke, achi tok.

CHAPTA XI.

Chisvs v<sub>t</sub> vba isht anumpohonli kv<sub>t</sub> a moma; Chan a<sub>2</sub> pit ponaklo tuk a<sub>2</sub> Chisvs v<sub>t</sub> afalaminchit im anoli, 1, 7 micha, Chan Baptist a<sub>2</sub> a<sub>i</sub>ahlit isht anumpuli. 20 Chisvs v<sub>t</sub> t<sub>v</sub>maha kanimi ka na palv<sub>m</sub>mi kv<sub>t</sub> onvtula ch<sub>i</sub> ka anoli, y<sub>v</sub>mmak oka na fehna laua ka ai yv-

mihinchi tuk kia, okla ik ile kostinincho hoka. 25 Chisvs vt Chihowa pit aiokpvchi mvt, Iki vt nan okluha ka ibbak ifoyuki tuk a achi: 28 mikmvt a foha chi kvv hoyvbli puta kvv im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in tvnaha puta ka nan ai ithvnanchi, micha vba isht anumpuli aiena chi hosh yvma vttvt ia tok.

2. Atuk o Klaist vt nan-isht-anta puta ka Chan vt aboha kvvilo anukaka ya a haklo mvt, nan im ai ithvna vhleha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh haklo, micha hvsh pisa aiena tuk vt Chan a ont hvsh im anolashke.

5. Lvpa yvt hopokoyo ma, imomokpulo yvt nowa; leplosi vbi okla hvv i kashofa; mikma ik haponaklo yvt haponaklo; illi tuk vt tani; mihma ilvsha puta ka vbanumpa hvv isht im anuhumpvshke.

6. Yohmi ka kvna hosh vno a ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kvshak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkvchi hokvto miko in chuka puta kak o aiasha hoke.

9. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi yosh chi hina ya tikbanli apoksiacha chi hoke, achit isht holisso tok a ilvppak osh mih mak oke.

11. Ahli mak o hvchim achi lishke, Ohoyo ho a tovt

aiasha ka itintakla hikia kv̄t Chan Baptist a imaiya chatuk keyushke : yohmi nana kia moma ik lauwo hosh v̄ba apehlichika ȳa anta kv̄t, yv̄mma imaiya hoke.

12. Yohmi ma Chan Baptist vt ahanta nitak atuk a ai v̄hlit mihinti ka, v̄ba apehlichika ȳa ishi b̄v̄nna kv̄t achilita fehna, yohmikma achilita puta kv̄t onvtulvt ih̄ishi na himakv̄shke.

13. Hopaii v̄hleha moma micha v̄ba nan v̄lhpisa aiena kv̄t na tikbanli anoli kv̄t, Chan ak o ant im ai v̄hli hoka.

14. Michā hv̄chi yimma hinla hokma, ilv̄ppak osh v̄la he tok Elias mak oke.

15. Kv̄na hosh isht haponakla he haksobish vt i hinlik-mvt, haklashke.

16. Amba himak okla aiasha ilv̄ppak okv̄no nantak o it-apesa la ch̄i cho? Ulla yosh ilhpak a kanchi yo binohmaya hosh ilap b̄ika iti howvt,

17. Oskula h̄a e hv̄chim olachi ka, hv̄ch ik hehloshke; e hv̄ch̄i yaiya ka, hv̄ch ik yaiyoshke, achi ho itilauishke.

18. Chan vt ik impo, micha nan ik ishko aiena hosh aya ma, Yv̄mma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ih̄ishko aienvt aya ma, Yakeh! hatak isikopa, oka-p̄aki ishko shahli, p̄blikan micha nan ashv̄chi v̄hleha aiena ka i kana yoke, achishke : yohmi kia Ahopoyuksa yokv̄to im v̄lla v̄hleha h̄a isht im a holitopa hoke, im achi tok.

20. Yohmi mvt tv̄maha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma! na ch̄i palv̄mmi mak oke : Betsaita ma! na ch̄i palv̄mmi mak oke ; na-fehna puta kv̄t hv̄chishno ȳa hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli ho na p̄ashi tv̄nna anchit hituk chubbi banot mayvt ilekostinincha he a tok oke.

22. Yohmi kia nan v̄lhpisa chinto nitak okv̄no Taia micha Saiton aiena kv̄t im ahleka hoh kia pit im v̄lhpisa kv̄t hv̄chishno yokv̄no i shahla hi oke, hv̄chim achi lishke.

23. Yohmikma Kapenavm chia shutik ak o ont ish talaia

tuk vt, aki vt ai okpuloka mak o ish ona hi oke: na-fehna puta kv̄t chishno ya chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan vlhpisa nitak okvno Sotom yakni vt im ahleka hoh kia, pit im vlhpisa kv̄t, chishno yokvno i shabla hi oke, hvchim achi lishke, achi tok.

25. Nitak yvma fehna ma Chisvs vt anumpuli mv̄t, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kv̄no ish in luhmi tuk osh, vlōsi puta hō ish im otvnichi hoka, yak oke, chim aiahni lishke.

26. Ulhpesashke, Aki ma! yvmmak osh chim vlhpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi ya hatak nana kia ik ithano hō, amba Iki ak banoshke; mikma Iki a hatak nana kia ik ithano hō, Ushi ak illa, micha Ushi ak osh kv̄na hō im otvnichí hok mak bano hoke.

28. Toksvlit ahantvt hoyvbli, micha shapoh i weki puta hvchia mv̄t, momvt hvs svm ai vla na hvchi fohvchi lashke.

29. Um ikonla abana yak o isht hvsh il abanali cha, vno ak o hvs svm ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi a hvsh ahayucha he mak oke.

30. Um ikonla abana ya il abanali ka im vlhpiesa, micha a shapoh hv̄t shohvla hoke, im achi tok.

## CHAPTA XII.

Nan im ai ithvna vhleha hash osh nitak hullo yo onush a hlehli vpa tuk a, vlhpesa, Chisvs vt im ahni, 1. 9 Chisvs vt ibbak bv̄shi yatuk a achukmali tuk o, Falasi vhleha hv̄t vbi bv̄na. 22 Shilombish okpulo ai i foka tuk a Chisvs vt hlakofichi; 31 mihmv̄t Shilombish Holitopa ya ik ahobalot anumpuli kv̄t i kashofa he keyu miha. 38 Falasi vhleha hv̄t Klaist a nan-isht-atokowa im a hoyo. 46 Kv̄na hosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vpv<sup>t</sup> ishtia tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he v<sup>l</sup>hpesa keyu ka, na chim ai ithvna vhleha hvt yohmishke, im achi tok.

3. Yohmi kia ymmak ash osh, Lewi micha ap<sup>e</sup>hvt aya tok aiena kv<sup>t</sup> hohchvfo mvt, kaniohmi tok,

4. Chihowa im aboha hatuk a ont chukowa cha, pvska otvni ymmak oka ilap vt, micha ap<sup>e</sup>hvt aya tok aiena kv<sup>t</sup> vpa he ai im v<sup>l</sup>hpesa keyu, amba naholitompa isht asha ak illa hatuk a vpa tok a, holisso ha hvch ik ai it im anumpulo chatuk oh cho?

5. Ymmak keyukmvt na-holitompa isht asha vhleha hvt nitak hullo nitak puta ma tempel anukaka ya nitak hullo a kobahafi kv<sup>t</sup> ashvchi ha tok keyu ka vba nan v<sup>l</sup>hpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kv<sup>t</sup> ilvppa anta hoke, hvchim achi lishke.

7. Yohmi kia, Uba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Micha ymmak ash vttvt ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh asha tok. Yohmi ma ilvppak ash o nan v<sup>l</sup>hpisa onocha chi hosh okla im ponaklot, Nitak hullo nitak a na hlakoficha he v<sup>l</sup>hpesa cho? achi tok.

11. Yohmi ma ymmak ash osh, Hatak hvchi katima kak osh chukv<sup>l</sup>hpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohcho ka hinla cho?

12. Yohmi ka hatak vt holi<sup>t</sup>opa kv<sup>t</sup> chukv<sup>l</sup>hpoba ya kati<sup>o</sup>hmi ho isht i shahli ho? Yohmi hoka nitak hullo

nitak a nana achukma ka yohma he vlhpesa hoke, im achi tok.

13. Yohmi mvt hatak ash o, Chibbak a chisemochí, im achi tok. Mihma chisemochi tok: yohmi ma falamvt achukmvt taha mvt, in tvnnvp akinli hō chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kiá Chisvs vt ilvppa akostininchi mvt, yvm-mak ash a kohchvt kvnia tok: mihma okla chito hvt iakai-ya ma, yvmmak ash o mominchit hlakofichi tok.

16. Yohmi mvt ilap a okla ik otvnincho ka hi a kvllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesá: ilvppak o vmi Shilombish o onochi likma, yvmmak osh Chentail okla ha vba nan vlhpisa ya im otvnicha hi oke.

19. Yvmmak okvt ik it im paknokmvt, anonti ik tahpvlo ka he; mikma tmaha ai itahoba puta ka im anumpa ha hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pvla i honnula lua shobulli ka ik mosholicho hosh, vba nan vlhpisa ya fihimit isht imaiyacha he.

21. Yohmikma Chentail vhleha hvt yvmma hohchifo hō anukchieta he, achi tok a ont ai aighli tok mak oke.

22. Yvmma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena hō isht im vla tok: yohmi ma yvmmak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu hō? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli hō keyu, amba nanisht-ahullo okpulo i miko Beelsebvak o ishit kohchi hoke, achi tok.

25. Mihma okla im anukfla ha Chisvs vt akostininchi hatuk osh, Apehlichika puta kvv it a kashapvt ilap bika it i sanali hokvt, ont ai okpulo kvv taha chatuk: anonti tmaha

chito, keyukmvt chuka puta kv̄t it a kashapvt ilap b̄ika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebvb ak o nan-isht-ahullo okpulo a ishit kocha weli li hokma, kv̄ta hak o hvchim vlla vt yvmma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kv̄t hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt in chuka ya wehpula hinla hoke.

30. Kvna hosh vno a svbafohka keyu kv̄t, a sanali hoke; mikma kvna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvchika il aiyuka moma, micha Chihowa ik ahobalot anumpuli moma kv̄t i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kvna hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vlhpiesa keyu hvchia kv̄t, katiohmi hosh nana achukma puta ka hvsh anumpula hinla cho? chukvsh a alotowak mak o, itih hv̄t kohchit miha chatuk oka.

35. Chukvsh anukaka ya na holitopa kv̄t asha kak o, hatak achukma kv̄t nana achukma puta ka a yvmohmi chatuk: mikma chukvsh anukaka ya nana ik achukmo kv̄t asha

kak o, hatak ik vlhpeso kv̄t nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anum-puli tuk okmvt, nan vlhpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vlhpiesa he : mikmvt chishno chim anumpa atuk ak o nan isht chim vlhpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kv̄t anumpuli mvt, Nan ithvnanchi ma ! nan-isht-atokowa e chi pisa hinlvshke, achi tok.

39. Yohmi kia afalaminchi mvt, Nan ik vlhpieso, mi-cha haui aiena okla hash osh nan-isht atokowa ya okla hoyo : yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena hō nvni chito ikfoka anukaka ya foka tok a ; yvmmak inli hō ehohmit Hatak Ushi vt nitak tuchina micha ninak tuchina aiena hō yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hieli cha, anumpa onocha hi oke ; yvmmak okvt Chonas vt vbanumpa isht anumpohonli ma, okla ilekostininchi tok okvt ; atuk o Chonas a imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke : yvmmak okvt yakni ont ai vhli pilla minti kv̄t Solomon isht im a hopoyuksaka ya haklot aya tok okvt : yohmi tok o himak a Solomon a imaiya mak osh ilvppa ahan-tvshke.

43. Shilombish okpulo yvt hatak a akohchakmvt, afoha he hoyo kv̄t oka ik ai iksho puta ka hlopullit aya kia, ik ahayucho chatuk ;

44. Yohmikmvt, An chuka ai vttā kohchvt a minti li kash osh falamvt ia lashke ; achi tuk osh onakmvt, yvmmak



ash kvna iksho h<sub>o</sub>, pashpovt, shemvt taiyaha cha hikia h<sub>o</sub>, ont pisa hoke.

45. Yohmikmvt shilombish okpulo untuklo inla yvt ilap a i shahli h<sub>o</sub> ivt ont pehlichit v<sub>l</sub>a ma, yvmmak ash okla pit abeha cha ai asha chatuk; yohmikma hatak yvmmvt ont ishtaiyopi kak o okpulo kv<sub>t</sub> v<sub>m</sub>mona tuk a i shahli chatuk oke. Yohmi ka yvmmak inli h<sub>o</sub> okla nan ik v<sub>l</sub>hpeso ilv<sub>p</sub>-pvt chiyuhma ch<sub>i</sub> hoke.

46. Okla h<sub>a</sub> im anumpuli kv<sub>t</sub> moma h<sub>o</sub>, ishki micha itibapishi v<sub>h</sub>leha aiena kv<sub>t</sub> it im anumpuli bv<sub>n</sub>na hosh koche ya hinli tok.

47. Yohmi ma achvfv<sub>t</sub>, Yakeh! chishki micha ish itibapishi v<sub>h</sub>leha aiena kv<sub>t</sub> chit im anumpuli bv<sub>n</sub>na hosh koche ya hiohmayvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kv<sub>t</sub>a h<sub>o</sub>? mikma itibapishi li v<sub>h</sub>leha ak osh kv<sub>t</sub>a hoh cho? im achi tok.

49. Mihmvt nan im aiithvna v<sub>h</sub>leha aiasha ka imma yo ibbak a pit weli mvt, Hvshki, micha itibapishi li v<sub>h</sub>leha h<sub>a</sub> pisá;

50. Kvna hosh Aki vba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na hokchi nan isht v<sub>l</sub>hpisa; mikma nana a kaniohmi kak o Chisvs vt nan isht v<sub>l</sub>hpisa h<sub>o</sub> isht ithvnanchi, 1. 18 Na hókchi nan isht v<sub>l</sub>hpisa h<sub>o</sub> otv<sub>n</sub>ichi; 24 onush micha haiyukpulo ita tuklo ka isht v<sub>l</sub>hpisa, 31 mvstvt nihi; 33 micha nan isht shatvmmichi ita tuklo ka nan isht v<sub>l</sub>hpisa: micha na kaniohmi h<sub>o</sub> Chisvs vt nan isht v<sub>l</sub>hpisa bano h<sub>o</sub> isht anumpohonli. 36 Onush micha haiyukpulo ita tuklo nan-isht v<sub>l</sub>hpisa h<sub>o</sub> otv<sub>n</sub>ichi; 44 na holi<sub>t</sub>opa luma kv<sub>t</sub> itu-yula, 45 micha nan chumpa, 47 mikmvt nvni isht hokli aiena ka nan isht v<sub>l</sub>hpisa; 53 Chisvs vt falamvt i yakni ak inli h<sub>o</sub> ona tuk o, okla hv<sub>t</sub> kanimanchi.

1. MIHMVT Chisvs vt nitak yvmmak inli ka aboha ya a kohchvt ia mvt, okhv<sub>t</sub>a lapalika yo ont binili tok.

2. Yohmi ma okla laua fehna kv̄t ant im ai itahoba, yohmi ma peni yō pit chukowa cha binili tok; mihma okla laua yash osh momv̄t oka v̄hli h̄a hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kv̄t hina lapalika yō kaha tok; atuk o hushi puta kv̄t ant v̄pvt tahli tok.

5. Kanimi kv̄t tv̄li foka yakni asha fehna keyu hō kaha tok; atuk osh yakni vt i suko keyu hatuk okvt, chekosi fehna offo tok;

6. Atuk o hv̄shi vt kohcha ma, anakshua tok; yohmi kv̄t hakshish vt ik im iksho hatuk okvt, bv̄shit taha tok.

7. Yohmi ma kanimi kv̄t kv̄ti foka yō kaha tok; atuk o kv̄ti vt offo mvt, olv̄bbit ishi tok.

8. Amba inla ka yvt o yakni achukma hō kaha: yohmi tuk mvt achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena hō v̄nit waya tok oke.

9. Kv̄na hosh isht haponakla he haksobish vt i hinlikmvt, haklashke, achi tok.

10. Mihma nan im ai ithv̄na v̄hleha hv̄t im ai ona mvt, Nanta katiohmi hō nan isht vl̄hpisa hō isht ish im anum-puli cho? im achi tok.

11. Mihma afalaminchi mvt, Hv̄chishno yokv̄to nan ik otano v̄ba apehlichika ahalaya puta ka hv̄sh ithana hi okvt hv̄chim vl̄hpisa ha tok; amba yvm̄mak okv̄to im vl̄hpisa keyu hoka.

12. Kv̄na hosh ishikma, mihi yō ima he; mikma in laua kv̄t i shahla hi oke: amba kv̄na hosh ishi keyuk mv̄no, ishi tuk ash kia im ai isha hi oka.

13. Okla pih̄isa hokak osh, pisa keyu; mikmvt hahaklo hokak osh, haklo keyu; micha akostininchi keyu aiena hatuk; yohmi kak o nan isht vl̄hpisa hō isht im anum-puli li hoke.

14. Mihma Esaias vt nana tikbanli anoli kv̄t, Hahaklo hokv̄no hv̄sh haklo kia, hv̄ch ik akostinincho ka he; mikmvt pih̄isa hokv̄no hv̄sh pisa kia, hv̄ch ik ithano ka he.

15. Okla ilvppa chukvsh atuk mvt ni vt taiyaha, mihma haksobish a isht haponahaklo kvv in takobi mvt, nishkin atuk ma okla okhishtvshke; yvmmak keyukmvt nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok a okla ilvppak o ont isht aiahli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lava, micha hatak hochukma aiena kvv nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlvpisa hatuk ma hvsh haklashke.

19. Kvna kia apehlichika isht anumpa ha haklo cha, ik akostinineho, yohmik ma nan okpulo yosh vlv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa ha haklo mvt, na yukpvv ashaliika ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbli chatuk.

22. Mikma kvv foka yo na nihi ai ishi kak kia vbanumpa ha haklo kak oke; yohmi tuk o yakni ilvppak inli nana ai anushkunna, micha nan in laua bvna kvv isht ashvchi aiena kvv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke: micha yvmmak ash osh vnikmvt, achvfa tuk kia kanimi kvv tahlepa achvfa, kanimi kvv pokoli hannali, kanimi kvv pokoli tuchina, yohmi hosh isht waya hoke, achi tok.

24. Mihmvt nan-isht vlvpisa inla yo in takalichit yak

ahanchi mvt, Ūba apēhlichī ka yvt hatak osh im osapa ya na nihi achukma hō hokchi tok a holba hoke.

25. Yohmi tuk kia hatak puta kv̄t nusi hosh mayā takla ma, in tv̄nvp vt v̄la cha, onush ash haiyukpulo yō ant a hokchichi cha, kv̄nia tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pēhlichī in tishu v̄hleha hash osh ona cha, Pī shahli ma! na nihi achukma yō chim osapa ya ish a hokchi tok keyu hō? katiohmi hō anonti haiyukpulo vt asha cho? im achi tok.

28. Mihma, Tv̄nvp osh ilv̄ppa yvmihchi tok, im achi ma; tishu v̄hleha hash osh, Yohmi ka iv̄t yvmmak atuk ma ont aiov̄t il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmmak keyukma haiyukpulo a aiov̄t hv̄sh itahobi takla kv̄t, onush a aieninchit hv̄sh lobba hinla hoke.

30. Itap̄ihvt hiohm̄ayvt av̄sha onashke: atuk o av̄sha onak mak o na-bv̄shli v̄hleha hā, Haiyukpulo ak o tikba aiov̄t itahobit hv̄sh sitohli cha, hv̄sh hukmashke; yohmik-mvt onush ak okv̄no a kanchak ak o pit hv̄sh ai itahobashke, im achi lashke, achi tok.

31. Nan-isht v̄lhpisa inla yō in takalichi mvt, Ūba apēhlichika yvt mv̄stvt nihi achvfa hō hatak vt ishi cha, im osapa ya hokchi tok a holba;

32. Yvmmak okvt iskitini kv̄t na nihi moma ka ik lauwo ho mv̄hli; yohmi kia offot hofantikmvt, haiyukpulo puta ka moma imaiya cha, iti o toba; yohmi na v̄ba hushi puta kv̄t naksish atuk ma ant a binohli chatuk oke, achi tok.

33. Anonti nan isht v̄lhpisa inla yō isht im anumpuli mvt, Ūba apēhlichika yvt pv̄ska shatv̄mmichi yō ohoyo hv̄t ishi cha, tanchi pushi v̄lhpisa tuchina hō ibafohki tuk o, momvt shatv̄mmi tuk a, holba hoke, achi tok.

34. Ilv̄ppa puta ka nan isht v̄lhpisa bano hō Chisvs vt okla laua yatuk ma isht im anumpohonli tok.

35. Hopaii vt anumpuli mvt, Nan-isht v̄lhpisa hō sv̄tih hā isht anumpohonli lashke; yakni toba tok taiyakla ka na lu-

ma asha chatuk puta ka anohonli lashke, achi tok a ont aiahla chi ka, nan-isht v<sub>l</sub>hpisa ho keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna v<sub>h</sub>leha hvt im ai ona mvt, Haiyukpulo osapa anuka asha tok nan-isht v<sub>l</sub>hpisa ka achukmalit ish pim anolashke.

37. Mihma afalaminchi mvt, Na nihi achukma yo hokchi kv<sub>t</sub> Hatak Ushi ak oke.

38. Osapa vt yakni moma kak oke: nihi achukma yvt vba apehlichika im v<sub>l</sub>la ak oke; amba haiyukpulo vto nan okpulo im v<sub>l</sub>la ak oke.

39. Tvrv vt yv<sub>m</sub>ma hokchi tok vt Setan ak oke: av<sub>u</sub>sha ona kv<sub>t</sub> yakni ont im ishtaiyopi kak a he; mikma na bv<sub>u</sub>shli v<sub>h</sub>leha hvt enchil v<sub>h</sub>leha ak oke.

40. Yohmi ka haiyukpulo yvt itahoba cha, luak isht hollokmi chatuk a, yakni ilvppvt ont im ishtaiyopikmvt, yv<sub>m</sub>mak inli ho chiyuhma hi oke.

41. Hatak Ushi vt im enchil v<sub>h</sub>leha ha atohonokma, na yoshubi, micha nan ik v<sub>l</sub>hpeso yohmi v<sub>h</sub>leha aiena ka mominchit im apehlichika atuk ma ai ishit kocha wela he;

42. Mikmvt yv<sub>m</sub>mak atuk ma tv<sub>l</sub>i a bila luak chinto ho pit ai ashacha he: yohmikma yaiya micha noti ahampa aiena hosh yv<sub>m</sub>mak oka aiasha hi oke.

43. Yohmikma hopoyuksa v<sub>h</sub>leha hokvt shohpakali kv<sub>t</sub>, hv<sub>u</sub>shi ak o chiyuhmi hosh Iki im apehlichika atuk ma aiasha hi oke. Kv<sub>u</sub>na hosh isht haponakla he haksobish vt i hinlikmvt, haklashke.

44. Anonti, Uba apehlichika yvt na holitompa luma hosh osapa anuka itonla tuk o, hatak vt yv<sub>m</sub>mak ash o ahayuchi cha, luhmi mvt, na yukpa fehna hatuk osh ia mvt, nana im asha tuk vt mominchit kanchi cha, osapa yv<sub>m</sub>mak ash o chumpa kak o chohmi hoke.

45, 46. Anonti, Uba apehlichika yvt hatak nan chumpa yosh tv<sub>l</sub>i holitompa hochukma hoyot ahanta; yohmi tuk osh tv<sub>l</sub>i holitompa achvfa kv<sub>t</sub> v<sub>l</sub>htoba chinto ahayuchi mvt, ivt

nana im a<sub>sh</sub> tuk vt mominchit ont kanchi cha, chumpa kak o chohmi hoke.

47. Anonti, Ūba apelihika yvt n<sub>u</sub>ni-isht hokli yo okhvta okvchi na ilaiyuka puta pehli;

48. Atuk o alota ma, okla halvllit oka v<sub>h</sub>li isht ona mvt, aka binohli cha, hochukma ka aiov<sub>t</sub> nan aivlbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chi-yubma he; enchil v<sub>h</sub>leha hv<sub>t</sub> kohchvt ayakmvt, hatak haksi v<sub>h</sub>leha hv<sub>t</sub> hopoyuksa v<sub>h</sub>leha ha ibvlhto tuk a filamohlicha he:

50. Mikmvt yvmmak ash o tvli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininchi cho? im achi ma, Yau, Chitokaka ma! okla im achi tok.

52. Yohmi ma, Na holissochi ai<sub>y</sub>uka vba apelihika isht im vl<sub>v</sub>chi kv<sub>t</sub>, hatak chuka-chvfa pehlichi yosh nan im aia-sha ya nana kv<sub>t</sub> himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisvs vt nan isht vlhpisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka v<sub>l</sub>a mvt, i sinakak a, nan ai im abahanchi; yohmi ma okla nukhlakancha mvt, Hatak ilvppvt nan ithana, micha na fehna aiena ka yvmih-chi kv<sub>t</sub>, katimak o ai im vlhtaha tok oh cho?

55. Ilvppvt chuka ikbi ya ushi keyu? ishki vt Meli hoh-chifo keyu? mikma itibapishi v<sub>h</sub>leha mvt Chemis, micha Choses, mikmvt Saimon micha Chutas aiena kak keyu?

56. Mihma in tek v<sub>h</sub>leha hv<sub>t</sub> momvt hvpi takla maya keyu? Yohmi ka hatak ilvppvt katimak o nan ilvppa mo-ma ka ai im vlhtaha tok oh cho? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa hoh chatuk oke, im achi tok.

58. Yohmi mvt okla nan ik i yimmo hatuk mak o yvm-mak atuk ma na fehna ka lauachit a yvmihchi tok keyushke.

CHAPTA XIV.

Chan Baptist vt nan ai ahli fehna hatuk osh Helot a nan i miha hosh aboha kvllo pit fohka, 1, 3 micha noshkobo tupa tok. 13 Chisvs vt pvska lumbo tahlapi, micha nvti tuklo aiena ho hatak tahlepa sipokni tahlapi ho ipeta tok. 22 Chisvs vt vba pit anumpula chi hosh nvtih chaha pit oiya; atuk osh ninak a mahli fehna ma ok-hvta paknaka a nowvt nan im ai ithvna vhleha ha im ia; micha Pita yvt oka kvnia he tuk a okchalinchi. 34 Chisvs vt Kenesalet ona mvt, abeka puta tuk a hlakofichi.

1. YOHMI ma nitak yvmma foka ma, miko Helot vt Chisvs vt annohova ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yvmmak atuk ma ai isht il otvnihinichishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvllo ya fohki tuk a tok.

4. Chan vt, Yvmmak oka ish itauwaya he chim vhpesa keyushke, im achi hatuk o.

5. Yohmi kak o yvmma vbi bvna kia, okla laua yak o i nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak a holioblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvllo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphvta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anumpa kvllo atuk pulla, micha okla ibai-impvt maya tuk aiena hatuk mak o, yvmmak atuk ma ima hi a apesa tok.

10. Micha pit atohno na aboha kvlllo anukaka yak o Chan noshkobo ya a tvbli tok.

11. Mihma yvmma noshkobo hvv amphvta chito fohka ho isht vla cha, ohoyo himita yash ima tok; mihma yvmmak ash osh ishki a isht im ona tok.

12. Yohmi ma nan im ai ithvna vhleha hvv haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvvt yvmma vttvt ia kvv, peni vltot yakni haiaka yo ilhkoli tok; atuk o okla hvv yvmmak ash haklo mvt, aka itvnowa hosh tvmaha puta ka ashvt okla pit iakaiya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke; mikma himak a shoba hosit tahvshke; okla laua ya pit ish tihleli na tvmahushi taloha ka ilhpak vpa chi kvv okla a chum-pashke, achi tok.

16. Yohmi kia Chisvs ash osh, Okla ik aiyo mak kia, impa chi ka hvsh ipetashke.

17. Yohmi ma, Pvska tahlapi, micha nvni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla chi ka apesa tok; mihmvt pvska tahlapi cha nvni tuklo aiena kash o ishi cha, vba pit vba-chakali mvt, ai okpvchi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok; mihma boshulli atampvt asha ka kishi alota auah-tuklo ho okla ishi tok.

21. Yohmi ka okla impa tuk vt, ohoyo vlla aiena kvto asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvv peni pit abeha cha, tikba misha tvnnvp a ilhkola chi ka i miha tok.



23. Micha okla laua yash tishelichit tahli mvt, vba pit anumpula chi hosh ilap illvt nvnih chaha yo pit oiya tok: atuk osh opivt taha ma ilap bano hosh ymma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vhpisa ont isht ai ushtak fehna, Chisvs vt okhvta ha a nowvt ayvt im ona tok.

26. Mihma okhvta a nohowvt aya na nan im ai ithvna vhleha hvt pit pisvt, komunta mvt, Shilup oke, achi tok; mihmvt nukshopa cha, tahpula tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvt kvlo fehna ho pisa mvt, nukshopa tok; micha oka kvnivt ishtia mvt, tahpvlvt, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlhto ma, mahli hvt yokopa tok.

33. Yohmi ma peni anukaka maya tuk ash osh ymmak oka ant aiokpahanchi mvt, Chishno ak osh Chihowa Ushi a chia ho mvhlishke, achi tok.

34. Atuk o ymmak ash o hlopulli mvt, Kenesalet yakni o okla ona tok.

35. Yohmi ma hatak ymma asha tuk vt ymmak ash o akostininchi mvt, inla tohnot yakni ymma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv katiohmi hosh potoli tuk okvt hlakofi aiahli tok.

## CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli i nan v̄lhpisa puta kak o ahninchi kv̄t, Chihowa i nan v̄lhpisa puta ka i shahlichī ka nan i miha tok, 1: 11 micha nana puta nana hosh hatak a okpaiyani kv̄t asha ka anoli. 21 Chisvs vt Kenan ohoyo hō ushetik a hlakofichi, 30 micha okla laua kv̄t im ona na hlakofihinchi tok; 32 micha pvska lumbo untuklo, micha n̄vni chipunta kanomosi aiena hō hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs a im ai v̄la mvt,

2. Nanta katiohmi hō na chim ai ithvna vhleha hv̄t hatak tikba vhleha anumpa kochanli isht i nana v̄lhpisa ha tok a kobv̄ffi cho? okla ibbak achifa keyu hosh pvska v̄pa kv̄t, achi tok,

3. Yohmi kia yv̄mmak ash osh afalaminchi mvt, Nanta katiohmi hō hv̄chishno mvt, Chihowa i nan v̄lhpisa ȳa anumpa kochanli ch̄i nana v̄lhpisa ka isht hv̄sh kobv̄ffi cho?

4. Chihowa yvt apih̄isa kv̄t, Ch̄iki micha chishki aiena ka ish holitoblashke; yohmikma, Kv̄na hosh iki okmá, keyukmvt ishki okmá, nana hō na mihachikmvt, illi mak o illashke, achi tok oka.

5. Amba hv̄chishno vt, Kv̄na kia iki, keyukmvt ishki okma nana kash o v̄m isht ish aiyukpa he tuk a, Ūba-isht aiokpv̄chi oke, im achi: yohmi cha iki okmá, ishki okmá, nana ka ik holitoblo kia nan ik i kanihmo ka hi oke, hv̄sh achi.

6. Yohmi hosh Chihowa i nana v̄lhpisa ȳa anumpa kochanli ch̄i nana v̄lhpisa ȳa isht hv̄sh ai okpv̄nichishke.

7. Nan-ilahobi hv̄chia ma! Esaias vt tikbanli nan isht hv̄chi anohonli hosh,

8. Okla ilv̄ppvt itih hokv̄no a bilikasi isht v̄la mvt, itiv̄lbi ma ishit sa holitoblishke; yohmi kia ch̄ukv̄sh okv̄to auet a hopakishke.

9. Nana avuchi kv̄t hatak ī nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash ō itahobi cha, Haklot, hv̄sh ithaiyanashke ;

11. Nana kv̄t itih h̄a pit chukowa kak osh hatak ā okpv̄ni h̄o keyu : amba nana hv̄t itih h̄a a kohcha, ilv̄ppak osh hatak ā okpv̄ni hoke, im achi tok.

12. Yohmi ma nan im ai ithv̄na v̄hleha hash osh im ai ona cha, Falisi v̄hleha hv̄t anumpa ilv̄ppa haklot issa mvt, ik im v̄lhpieso tuk ā ish akostininchi cho ? achi tok.

13. Yohmi kia yv̄mmak ash osh afalaminchi mvt, Na holokehi moma kv̄t Āki v̄ba binili hosh hokchi tok keyu hokv̄no, tehvt taha hi oke.

14. Ant ik maya, l̄vpa yosh l̄vpa pehlichī okla hoke : yohmi ka l̄vpa yosh l̄vpa yā ilauei kv̄t tuklot yakni kula yā pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilv̄ppa achukmalit pim anolī, achi tok.

16. Mihma Chisv̄s ash osh, Hv̄chishno ak kia nana ik akostinincho kv̄t hv̄chi moma hatō ?

17. Nana kv̄t itih h̄a fohka cha ia kv̄t takoba yā ont fohka tuk osh, anonti ont kohcha chatuk ā, hv̄ch ik akostinincho moma cho ?

18. Amba nana puta kv̄t itih h̄a akohcha hokv̄to chukv̄sh ak ō a minti ; micha yv̄mmak osh hatak ā okpv̄ni chatuk oke.

19. Chukv̄sh ak ō im anukfila okpulo puta, hatak b̄ika v̄bi, havi toba, ohoyo ik im iksho micha hatak ik im iksho it ī lum̄aka puta, hukopa, anumpa ik ah̄lo isht atokoli, Chihowa ik ahobalot anumpuli puta kv̄t a toba hoka.

20. Ilv̄ppa puta kak osh hatak ā okpv̄ni hoke ; amba ibbak ik ahchifo yō isht impa hokv̄no hatak ā okpv̄ni keyu hoke, achi tok.

21. Yohmi ma Chisv̄s vt yv̄mmak ash v̄ttvt ia mvt, Taia micha Saiton aiena yakni ī kaniohmi h̄o ona tok.

22. Mihma Kenan ohoyo hosh yv̄mmak inli h̄o v̄ttvt aya

tuk vt vla cha in tahpula mvt, Chitokaka Lewi ushi chia ma! is sa nukhaklashke; svso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achvfa kia isht ik im afalamincho ki tok. Yohmi ma nan im ai ithvna vhleha hash osh ona cha, Tahpvlvt hvv iakaiya ka, kanompit ish chvffi-chashke, achit im asilhha tok.

24. Yohmi kia yvmmak ash osh afalaminchi mvt, Inla yokvno im aya li ha tok keyu; amba chukfvhlpoba tvmoa Islael in chuka-chvfa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalaminchi mvt, Ulla im pvska ya ishi cha, ofi puta ka pit ipeta he vhpesa keyu hoke, achi tok.

27. Mihma yvmmak ash osh, Ahlishke, Chitokaka ma! yohmi kia ofi puta kvv boshulli osh im pushnayo im ai-impaa chilofa kvno vpa hoke, achi tok.

28. Yohmi ma Chisvs vt afalaminchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma hvshi kanvlli vhpisa yvmmak fehna hq ushetik atuk vt hlakofi tok.

29. Yohmi ma Chisvs vt yvmmak ash vtvt ia mvt, Kalili okhvta bilika yo ona tok; mihmvt nvnih chaha yo pit oiya cha, yvmmak o binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua hq il ai ishit im ai ona mvt, Chisvs iyi ituma ya ont ashachi tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anumpuli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena hq okla pisa mvt, nukhlakancha tok; micha Islael in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke; yohmi hatuk osh nan ik po moma hokvno tishelichi la he

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi hō hvsh ishi hō? im achi tok. Mihma, Untuklo, micha n̄ni chi-punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha n̄ni aiena kash o ishi cha, vba isht aiokp̄vchi mvt, tushtoli cha, nan im ai ithvna vhleha ha ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt āsha ka kishi alota untuklo hō okla ishi tok.

38. Mihma okla impa tuk vt, ohoyo vlla aiena hokvto āsha hō, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, ivt Maktala yakni a ona tok.

CHAPTA XVI.

Falisi vhleha hv̄t, Chisvs vt nan isht atokowa ya vba ya ai im otvni-cha hi a ahni, 1; 6 micha nan im ai ithvna vhleha hv̄t, Falisi vhleha hv̄t nana ithvn̄nanchi ka ī nuktāh̄lv̄t ahah! ahna he ī miha tok. 13 Pita yvt Chisvs ā Chihowa okchaya Ushi, aiahnit yimmi kv̄t miha. 21 Chisvs vt iti-taiyukhvna ai illa he, atuk mvt nitak ont atuchinakma falamvt tana he aiena kv̄t tikbanli anoli; 24 anonti Chisvs ā im antia vhleha hv̄t okla ile kaiyanchi, mikmvt tikba na yukpa ai im vlhtoba he takanli kak o isht ai ilbvsha he mak o achi.

1. FALISI vhleha micha Satusi okla aiena kv̄t ai v̄la cha, yummak ash o imomaka pisa hosh nan isht atokowa ya vba ya auet ai im otvni-cha hinla ka, im ahni tok.

2. Mihma afalaminchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi. Nan ilahobi hvchia ma! shutik pisa yosh kaniohmi hokvno hvsh akostininchi kv, anonti himak nitak isht ai vlpisa kvno hvch ik akostinincho ka hinla cho?

4. Hatak haksi micha haui aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yvmmak ash o issvt ia tok.

5. Atuk o nan im ai ithvna vhleha hvv misha in tvnvp a ona mvt, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nuktahlvt ahah! hvsh aiahnashke, im achi tok.

7. Yohmi ma yvmmak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yvmmak ash o akostininchi mvt, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aien-im pvska isht-shatvmmi ya ahah! hvsh aiahna he, yvmmvt pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma;

kanimi kvto, Elias; mikma inlaka yvto Chelemaias; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hvt na chi yukpvshke: nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli ilvppak o an chvch atuk ma ai ikbit hilechi la hi oke: yohmikma aiokpuloka okhissa puta kvv yvmmak atuk ma ik imaiyacho ka he mak oke.

19. Micha vba apehlichika ishit-tiwa puta ka chishno ak o chima lashke: mikma nana ho yakni paknaka ya ish a takchi hoka, vba yakni-ma a talakcha he: mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvlllochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitompa isht asha pehlichy vhleha, na holissochi vhleha aiena ka nan isht im ai ilbvsha in laua he, micha illichy tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilauehit ishi cha, im alvmminchit ishtia mvt, Na yakohmi kvv chy mishemashke, Chitokaka ma! ilvppak okvt a chy yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hvt vm ashaka yo ish hikiashke; chishno ak osh is si ataklvmmichishke: nana kvv Chihowa ya ahalaya kak o ish ahninchy keyu, amba nana kvv hatak o ahalaya hok mak bano hoka, im achi tok.

24. Yohmi mut nitak yumma foka mā Chisvs vt nan im ai ithvna vhleha hash o, Hatak nana hosh siakaiya bvna hokmut, ile kaiyanchi cha, im iti-taiyukhvna ya sholi hosh siakaiyashke.

25. Kvna kia ilap im ilhfopak a okchalinchi bvna hokvto, i kvnia hi oke: yohmikma kvna kia vno pulla hatuk mak o im ilhfopak vt isht i kvnia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht il aiyukpa hinla cho? yummak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichich cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kvtkanimi kvtk ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

## CHAPTER XVII.

Chisvs vt inlvrt toba, micha Moses Elias ita tuklo kvtk im vla na it im anumpuli, 1. 14 Chisvs vt nvnih chaha vtvtvt akowa mut, haiochichi tuk a hlakofichi; 22 micha illa he atuk mut falamvt tana he tikbanlit anoli. 24 Chisvs vt tvli holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmut itibapishi Chan aiena ka ilap bano ho pehlichich cha, nvnih chaha yo pit oiya tok.

2. Mihmut itikba ya ai inla tobtv hikia tok; mihma nashuka yvt shohpakali kvtk hvshi ak o chiyuhmi ma, im anchi vt tohbi kvtk tommi hak o itilauitok.

3. Yohmi ma Moses micha Elias itatuklo hosh yummak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kvtk pim achukmvshke; vlvpesa ish ahni hok-



ma, ilvppa vlhtipo tuchina ka il ai ikbashke; achvfa kv̄t chishno ak o chimmi hokma, anonti achvfa kv̄t Moses ak o immi hokma, anonti achvfa kv̄t Elias ak o immi hashke, Chisvs a im achi tok

5. Yvmmvt anumpohonli moma ho, hoshonti tohbi kv̄t ant o hoshontikachi tok; mihma anumpa hoshontika auet a kocha kv̄t, Ilvppak osh Svso a holitopa yo, nan-isht a sai yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mvt, hlipvt kaha cha, okla nukshopa fehna tok.

7. Mihma Chisvs vt vlv̄t ant tebli mvt, Ho tani; ik hvchi nukshopa kashke, achi tok.

8. Yohmi ma okla vba chakali mvt, hatak nana kia ik peso, amba Chisvs ak illa tok.

9. Yvmohmi tuk o nv̄nih chaha ya asht akowvt okla minti ma, Chisvs vt yvmmak ash o nan i mihvt, Nana hvsh p̄isa tuk vt hatak nana kia hvch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv̄t im ponaklot, Yohmi ka katiohmi ho na holissochi vhleha hv̄t, Elias ak osh tikba vla pulla he, okla achi cho? achi tok.

11. Mihma Chisvs vt afalaminchi mvt, Elias ak osh tikba vla cha, nan okluha ka falaminchit achukmalit taiyahla he tuk o mv̄hli:

12. Yohmi ka Elias vt himonasi ak kia vla mashko hoke; mihma yvmma okla ik ithano cha, amba nana ho okla ahni tuk mvt, yvmmak atuk ma i yvmihchi tok; yohmi ka Hatak Ushi ak kia mih mak o, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak o yvmmvt isht anumpuli hatuk a nan ithvna vhleha hv̄t akostininchi tok.

14. Atuk o okla laua aiasha kash vlv̄t taha ma, hatak achvfa hosh im vla cha, ant i hvchukbihlept hikia mvt,

15. Chitokaka ma! svso ha ish i nukhaklashke: yvmmak okvt haiochi atuk osh himonna luak a itatohonla fehna, mikmvt oka ma himonna oka itohonla fehna aiena hatuk osh issikkopa fehna hoke.

16. Yohmi h<sub>o</sub> nan chim aiithvna vhleha h<sub>a</sub> isht im v<sub>l</sub>a li tuk a, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka ch<sub>i</sub> cho? nana ka isht ak hvchi ahno h<sub>o</sub> katiohmi foka ch<sub>i</sub> cho? Ilvppak o isht hvs svm vlashke, achi tok.

18. Mihmvt Chisvs vt nan-isht ahullo okpulo y<sub>a</sub> im alvm-mi ma, yvmmak ash a kohcha tok; yohmi ma vlla yash osh hvshi kanvlli v<sub>l</sub>hpisa mih makinli h<sub>o</sub> hlakofi tok.

19. Yvmohmi tuk o Chisvs vt ilap bano ma, nan ithvna vhleha hvt im ona cha, Katiohmi h<sub>o</sub> pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; a<sub>h</sub>li mak o hvchim achi lishke: Na yimmi kvv mvtvt nihi achvfa yak o chohmi hosh hvchi nukfoka hatuk okmvt, nvnih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmvvt kanvlla hinla hoke: mikma nana hosh hvch<sub>i</sub> na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili a okla m<sub>a</sub>ya h<sub>o</sub>, Hatak Ushi a ishit okla ibbak a fohka ch<sub>i</sub> hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenavm a okla ai v<sub>l</sub>a ma, vba isht ai okpvchi tvli holisso a sholi vhleha hvt Pita y<sub>a</sub> im ona mvt, Na hvch ithvnanchi vt vba isht aiokpvchi tvli holisso a bohli chatuk keyu h<sub>o</sub>? achi tok.

25. Mihma yvmmak ash osh, A<sub>h</sub>li; achi tok. Micha aboha y<sub>a</sub> ont chukowa ma, Chisvs vt tikbanli. Saimon vt katiohmi ish ahni cho? m<sub>i</sub>ko vhleha yakni pakna aiasha kvv ilap im vlla yak okmá, keyukmvt hatak inla yak okmá, nanta h<sub>o</sub> v<sub>l</sub>hpoyak i nan v<sub>l</sub>hpisa tvli holisso, micha nosh-

kobo chumpa tvli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik abalayo ho tumvshke.

27. Yohmi kia kil ibetvblecho ka chi ka, ivt okhvta ona cha, nvni isht-vlbi ya pit okvchi; atuk osh nvni tikba kohcha ho ish ishashke: micha itakha ya ish wakvmmikmvt, tvli holisso tushafa kvv foka na ish pisa chi hoke; yvmmak o ish ishi cha, vno, micha chishno, il ita tuklo isht vlhtoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvv akanlosa he, 1, 7 micha ilap i yimmi ahli vhleha hoka e shitelema he keyu ka pi miha: 12 anonti i yimmi vhleha ha i hullo kvv isht anoli mak osh chukvvlhpoba kvnia isht apesvt anumpuli: 15 micha itibapishi iksa ibafohka yatuk osh nana ka pim okpvni hokma, il i kaniohma hi oka pi miha: 20 anonti kvna hoh kia i hohchifo ha kanima yo ai it afama ka ai ibafoka hi vt achi. 21 Chisvs vt hatak okvt nana ka ai iti kaniohmi hokvt, pev iti kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvv Chisvs a im ai vla mvt, Kvta hosh vba apehlichika ya ibafoka kvv moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvv toba cha, vlla chipunta yo chiyuhmi ho keyukmvt, vba apehlichika ya hvsh chukowa he keyu hoke.

4. Yohmi hoka kvna hosh ile akanlosichi kvv vlla iskitini ilvppak o chiyuhmi hokmvt, mihi yosh vba apehlichika ya ibafoka kvv moma i shahla hi oke.

5. Mikma kvna hosh vno a hohchifo hatuk mak o vlla ilvppa chohmi achvfa ka ahninchi hokmvt, vno ak o ahninchi hoke.

6. Amba kvna hosh a yimmi chipunta yakohmi achvfonta

kia ibetvblichi hokmvt, yummak ash o ilap ak o tvli tanchi. botoli osh ikunla ya atakanli ho, okhvta ahofobi fehna yo ai oka illi hok mak osh im vhpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiyi yokma, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yummak oka im enchil vhleha vba yakni aiasha kvv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalincha chi hosh aya hatuk oke.

12. Katiohmi hvsh ahni cho? Hatak vt chukvhlhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt, achvfa yumma isht a na yukpa kvv, yoshubvt ik tvmo ke tuk pokoli chakkali akocha chakkali ka im i shahli chatuk oke, ahli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch Iki vba binili kvv ik ahno kvv, yummak inli ho chiyuhmi hoka.

15. Yohmi ka ish itibapishi hvv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfá, keyukmvt tuklokma, nana ho pehlinchit ish ia na nan anoli tuklo, keyukmvt tuchinakmá nana itih ho anumpa puta mvt isht ai ahlashke.

17. Yohmikma yvmmak atuk ma i haponakla he keyukma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha pvblikan aiena mak o chim ai itilauashke.

18. Ahli mak o hvchim achi lishke, Nana ho yakni pakna ya hvsh a takchi hoka, vba yakni ma a talakcha he; mikmvt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfá hokma, Aki vba binili kvv ai im aiahlicha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itvnaha hoka, yvmma ai iklvnna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apehlichika yvt miko yosh in tishu vhleha ha aheka i hotihvvt pisa bvna ho chohmi hoke.

24. Atuk osh i hotihvvt ishtia ma, achvfá hosh talent tahlepa sipokni pokoli hosh aheka im asha tuk o, ilaueleit im vla tok.

25. Yohmi kia isht atobba hi vt ik im iksho hatuk o, i shahli hash osh yvmvvt, tekchi, micha im vlla vhleha, mikmvt nan im asha tuk moma aiena kvv kvnia na aheka yvt vlhtoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svmi svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kvv kohchvt ia mvt, tishu ilapa ai itilau yvt achvfa hosh, aheka iskvli tahlepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nukthliffi mvt, Aheka chin takali kvv is svv atobbashke, achi tok.

29. Mihma tishu itilau yatuk ash osh iyi ituma aka ya hlipia cha, Is svmi svlaha hokma, mominchit chim atobbi lashke, achit im asilhha tok.

30. Yohmi kia vhpesa ik ahno ki tok: amba aheka ya atobbi pulla chi mak o, yvmmak ash o aboha kvvlo pit fohki tok.

31. Yohmi ma tishu bika vhleha hvv nana kvv yvmohmi na pisa mvt, okla nukhaklo fehna cha, ivv nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is svv aiahni ma, aheka yvmma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvv, vno vt chi nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vhleha ha im issa tok.

35. Yohmi ka hvchishno hvsh moma kvv hvsh itibapishi nana ai ashvchi ya hvchi chukvsh ak o isht hvsh i kashofi keyukma, yvmmak inli ho ohmichit Aki vba binili kvv hvchi yvmihcha he akinli hoke, achi tok.

## CHAPTER XIX.

Falisi vhleha hvv Chisvs a nan im ponaklo ma, Chisvs vt afalaminchi mvt, a hatak vt tekchi iti kvnia ka ik vhpeso ka miha, 3. 13 Chisvs vt vlla chipunta hoka ibbak a onochi cha, vba isht anum-

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1. ATUK o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a katiohmi mak inli ho hatak vt tekchi a kancha hi vt im ai vhpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvlichi ha ya, hatak vt ik iti filvmmicho kashke, im achi tok.

7. Mihma okla hash osh, Yohmi ka katiohmi ho iti kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba vmona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, haui toba mak oke: mikma ohoyo kanchi tuk ash o kvna hosh itauwayakmvt, haui toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yummak ash osh, Hatak moma kv̄t anum-pa ilvppa aiokpv̄cha he keyu, amba kv̄na hō isht ai im v̄lhpe-sa ak illa hinla hoke.

12. Kanimi kv̄t ishki ikfoka anuka ak inli hō yohmi hosh atobvt v̄tta tuk yunvk vt a<sub>2</sub>sha; mikma kanimi kv̄to hatak osh yunvk ikbi tok o, yunvk vt a<sub>2</sub>sha: yohmi ma kanimi kv̄to v̄ba apelihika pulla hatuk mak o, ilap inli hosh yunvk il ikbi tok vt, yunvk vt a<sub>2</sub>sha hoka. Kv̄na hosh ilvppa aiokpv̄cha hinlakmvt aiokpv̄chi mak inlashke, im achi tok.

13. Yumma foka ma yummak atukma ibbak a v̄lla chipunta ya isht umbitepa cha, v̄ba pit anumpula ch̄i ka isht in ai v̄la tok: mihma nan ithv̄na v̄hleha hv̄t okla h̄a im alv̄min chi tok.

14. Yohmi kia Chisvs vt, V̄lla chipunta yvt v̄m v̄la hi a hv̄sh im ahni cha, hv̄ch ik im alammo kashke: ilvppa chiyuhmi kak osh v̄ba apelihika mak oka, achi tok.

15. Mihmvt yummak ash o ibbak a isht umbitepvt tahli mvt, yummak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nan-chi achukma ma! ai okchayvt bilia yoka pisa la hi v̄to nana achukma nanta hak o yvmohmi la hinla cho? im achi tok.

17. Mihma yummak ash osh, Katiohmi hō achukma is si achi cho? achukma kv̄t iksho hō amba achv̄fa illa, yvm̄mvt Chihowa ak oke: yohmi kia ai okchaya yoka ont ish chukowa he ish ahni hokmvt, nan v̄lh̄pisa puta mak o ish holitoblashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlumako kashke, Chik hukopo kashke, Anumpa ik ahlo isht atokolit chik anto kashke.

19. Chiki micha chishki aiena ka ish holitoblashke: mikmvt, Chin chukapanta hatak a ish holitobli kv̄t, chishno akinli ka chim itilauashke, achi tok.

20. Hatak himita yash osh, V̄lla sa tomba mak inli hosh nana ilvppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.



21. Mihma Chisvs vt, Aiahli kak o ish ahni hokmvt, ia cha nan chim asha ka kampilvt, ilbvsha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash osh anumpa yvmma haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apehlichika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvv, hatak nan in laua yosh Chihowa apehlichika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvv okla haklo mvt, nukhlakancha fehna tok: mihmvt, Yohmikma kvvta hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okmvno ilvppvt yohma he keyu, amba Chihowa hokmvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apehvt hvsh itvnowa tuk vt, nan okluha kvv himonvt tobakma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chieyvt, Islael oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hohchifo pulla hatuk mak o issvt aya tuk vt momvt yvmmak atuk a ohmi talepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia tikba tuk vt ont ishtaiyopa hi vt lauakma, anonti ishtaiyopi atuk vt tikba hi vt asha hi oke.

## CHAPTER XX.

Na pilesa vhleha hvt nitak achvfa ka hvshi kanvlli vllhpisa ilaiyuka hq pakvpi a holokchi ilhkoli tok nan isht vllhpisa. Nan isht vllhpisa ilvppak o Chisvs vt ilap im antia vhleha aiahli ka ai ilaiyukachit im atobba hi vt ai isht apesa, 1. 17 Chisvs vt anonti illa chi kvv tikbanlit anoli; 20 mihma Sebeta ushi ishki vt Chisvs a nan im asilhha, mihma afalaminchit i miha. 30 Chisvs vt hatak lvpa tuklo hq hopokoyochi.

1. UBA apehlichika yvt, hatak chuka-chvfa pehlichu osh i pakvpi aholokchi a toksvla chi ka, tohna chi hosh onnahinli fehna ia hq, chohmi hoka.

2. Atuk osh yvmmak ash osh ilhtohno vhleha ha nitak achvfa ka iskvli achvfa chi hq it im apesa cha, pakvpi aholokchi a pit tihleli tok.

3. Atuk osh hvshi kanvlli vllhpisa ont atuchina foka hq kohchvt aya mvt, inla yvt nan-isht vtta ik im iksho hosh ilhpak a kanchi a hiohmaya na pisa tok,

4. Mihmvt yvmmak ash o, Hvchishno ak kia pakvpi aholokchi a pit hvsh abehashke; atukma kaniohmi kak osh ai vllhpesakma, hvch ima lashke, im achi na okla ilhkoli tok.

5. Atuk o anonti hvshi kanvlli vllhpisa isht hannali, mikmvt ont isht chakkali aiena ka kohchvt aya mvt, yvmmak ash inli hq chohmichi tok.

6. Atuk osh hvshi kanvlli vllhpisa isht auah achvfa foka hq kohchvt ia mvt, anonti inla yvt nan-isht vtta ik im iksho hosh hiohmaya na pisa cha, Katiohmi hq nan isht vtta ik hvchim iksho hosh hvsh hiohmaya na shoyubi cho? im achi tok.

7. Mihma yvmmak ash osh, Amba hatak nana kia nan ik pi tohno kvno, im achi tok: mihma yvmmak ash o, Hvchishno ak kia pakvpi aholokchi a pit hvsh abeha ak inlashke; atuk ma kaniohmi kak osh ai vllhpiesakma, mih mak o hvsh ishashke, im achi tok.

8. Yvmohmi tuk o ont opivt taba ma, pakvpi aholokchi in talaiia atuk ash osh nan im apesvchi asho, Na pileasa vhleha ha i howa cha, vlhtoba ha ima: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka ho tohno tuk ash o okla ai vla mvt, hatak achvfa kvv iskvli achvfa aiyuka ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuka ho ishi tok.

11. Micha yvmma okla ishit tahli mvt, chukachvfa pehlichy hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlhpisa achvfa illa ho toksvli tuk a pishno nitak lvshpa ho toksvli kvllo ka isht il ahanta tuk a, ish pi ai itilauuechishke, achi tok.

13. Yohmi kia afalaminchi mvt, achvfa ho, A kana ma! nan ik vlhpeso nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvppak kia chishno a it ilauuechit ima la chi hoke.

15. Vno vmmi hatuk vt vno nana aiahni li hosh kanimihchi la hi vt vm vlhpesa keyu? vno ak osh si achukma kak o, chi nishkin vt ik vlhpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa hokvto laua; amba vlhtoka kak osh achafoa hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompa isht asha pehlichy vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla ha ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebete ushi vhleha ishki osh ushi a pehlinchit im ona cha, aiokpahanchi kvt, nana achvfa ho im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yvmmak ash osh, Svso tuklo ilvppvt ish apehlichika ya achvvt chibbak isht-impakimma ya ont a binilikma, anonti achvfa kvt vlhfvbekimma ya asha hi a ish im apesashke, im achi tok.

22. Yohmi kia Chisvs vt afalaminchi mvt, Nana ho hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yvmma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yvmmak ash osh, Pi yvmohma hinla hoke, im achi tok.

23. Mihma yvmmak ash o, Um isht-ishko yoka hvsh ai ishka chi ho mvhli; mikmvt baptismo isht a sa baptismo ka isht hvchi baptisma chi ho mvhli hoke; yohmi kia svbbak ishtimpakimma, micha vlhfvbekimma aiena aiasha hokvno vno yosh ima la hi o keyu, amba Aki vt kvna ho im atahli tok mak illa hi oke, achi tok.

24. Yohmi ma pokoli kash osh haklo mvt, itibapishi tuklo kash o isht ik i yukpo fehna tok.

25. Yohmi kia Chisvs vt yvmmak ash o i howa mvt, Chentail miko vhleha hvvt ai i shahlit pehlichi chatuk, mikma i hochitoka vhleha hvvt nana im ai vlhpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh ai i shahlit hvch itintakla ya anta bvna hokmvt, yvmmak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmvt, yvmmak osh nan isht hvchim vtta yashke.

28. Hatak Ushi vt ilapo ak o nan isht im vtta chi ho aya ha tok keyu: amba nan isht vtta chi, mikmvt laua ho ilap

im ilhfopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kvv yvmmak ash o iakaiya tok.

30. Atuk o hatak lva tuklo kvv hina lapalika yo chiya tuk osh, Chisvs vt ont ia ho haklo mvt, pit tahpvlvt, Chitokaka Lewi ushi chia ma! ish pi nukh<sub>h</sub>aklashke, achi tok.

31. Yohmi ma okla laua yash osh, yvmmvt nukchinta chi ka, im alvmmi tok; yohmi kia yvmmak o i shahlichit tahpvlvt, Ish pi nukh<sub>h</sub>aklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukh<sub>h</sub>aklo cha, nishkin ash pit potoli tok: yohmi ma mih mak inli ho nishkin ashot falamvt pisa ma, yvmmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti nachumpa v<sub>h</sub>leha, micha na-kanchi v<sub>h</sub>leha aiena ka tempel a a kocha weli. 18 Micha iti v<sub>h</sub>lpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aiahli ka ya pim anoli. 23 Kanimi kvv nan isht ai v<sub>h</sub>lpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblich, 28 micha hatak ushi tuklo, 33 micha na-pilesa v<sub>h</sub>leha pakvpi a holokchi i pota tuk nan isht apesa hosh Chu okla nan im ai ashvchi a isht otvnichi.

1. YVMOHMI tuk o Chelusalem pit bilika okla onvt Alif nvnih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tv<sub>h</sub>mahushi hvchi chapaka auet talaia ka hvsh onashke; yokmikmvt mih mak inli ho issuba hakso-bish falaia ushi ilauei kvv asinta ho hvsh pisa chi hoke: yvmma hvsh i hotofi cha, isht hvsvm vlashke.

3. Micha kvna kia nana ka hvchim achi hokma, Chitokaka yak osh bvnna hatuk oke, hvsh im achashke: yohmikma mih mak inli hō auet pila chī hoke, im achi tok.

4, 5. Hopaii vt anumpohonlit, Saion ushetik a, yakeh! chī miko chukvsh yohbi achukma, issuba haksobish falaia a toba tok issubushi haksobish falaia yō om binili hosh ayvt chim vlvshke, hvsh im achashke, achi tok a ont aiahla chī mak o ilvppa moma kvv a yakohmi tok.

6. Mihma nan ithvna yash osh itiachi mvt, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash o isht vla ma, im ilefoka ya om pullit tahli cha, yvmmak ash o okla om binilichi tok.

8. Yohmi ma okla chinto fehna hosh hina ya im anchi a okla pulli tok; kanimi mvtō iti naksish o vmtō hina ya pulli tok.

9. Yohmi ma okla chito tikba itvnowa tuk, mikmvt iakaiya aiena kash osh, tahpvlvt, Lewi Ushi a Hosanna im ahanchashke. Chitokaka i hohchifo hō il ai eshi hosh aya hokvt hōlitopa mak oke. Shutik tvbokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tvmaha hash osh momvt nukhlakancha mvt, Ilvppvt kvta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mvt, tempel anukaka ya nana a kanchi, micha a chumpa aiena maya tuk ash mominchit kocha pit tihleli mvt, ai impa tvli holisso ai itatoba puta, mikmvt pvchi vlvpoba akanchi abinohli aiena kash halvllit filemohlit kinahlichī tok.

13. Mihmvt, Um aboha hvv vba pit ai anumpuli chuka yō hohchifa he, achi hosh holisso tok; yohmi kia hvchishno vto na-hukopa vhleha in chuka yō hvsh ikbishke, im achi tok.

14. Mihma lvpa, micha hanali okpulo puta kvv tempel anukaka ya im ai vla ma, yvmmak oka hlakofichi tok.

15. Mihma na holitompa isht a<sub>u</sub>sha pehlich<sub>i</sub> v<sub>h</sub>leha, mi-cha na holissochi okla aiena kv<sub>t</sub>, y<sub>u</sub>mmv<sub>t</sub> na fehna puta ka y<sub>u</sub>mihchi, mikma tempel anukaka ya v<sub>l</sub>la vt Lewi Ushi a Hosanna im ahanchashke, achi aiena ka pisa mv<sub>t</sub>, okla isht ik i yukpo fehna tok.

16. Mihmv<sub>t</sub> y<sub>u</sub>mmak ash o, Ilvppv<sub>t</sub> nana achit may<sub>a</sub> ka ish haklo cho? im achi tok; Mihma Chisvs vt, Yau, vlo<sub>s</sub>i mikmv<sub>t</sub> pishi puta itih ha Chihowa hv<sub>t</sub> a holitopa he ish apesa tok achi holisso ka, himonna kia hvch ik it im anum-pulo chatuk oh cho? im achi tok.

17. Mihmv<sub>t</sub> y<sub>u</sub>mmak ash o issv<sub>t</sub> tv<sub>m</sub>aha a kohchv<sub>t</sub> ia mv<sub>t</sub>, Betani a ona cha, y<sub>u</sub>mmak o ont nusi tok.

18. Atuk osh onnahnli ma falamv<sub>t</sub> tv<sub>m</sub>aha ia hosh aya mv<sub>t</sub>, hohchvfo tok.

19. Micha fik vpi vt tikba ya hikia na pit pisa mv<sub>t</sub>, y<sub>u</sub>mmak ash o ona; yohmi kia nana kia takanli na ik ahayucho; amba hishi ak illa tok; mihmv<sub>t</sub>, Himak a pilla ma nitak nana vni yvt ik chi a tobo kashke, im achi tok. Mihma chekosi mak inli ho fik vpi vt bvsh<sub>t</sub> taha tok.

20. Yohmi ma nan ithvna yvt pisa cha, okla okokko! aiahni mv<sub>t</sub>, Chekosi fehna ho fik vpi vt bvsh<sub>t</sub> taha cha, achi tok.

21. Mihma Chisvs vt afalaminchi mv<sub>t</sub>, Ahli mak o hvchi miha lishke, Na yimmi kv<sub>t</sub> hvchi anukfoyuka, miha ik hvchi nukwiyo hokmv<sub>t</sub>, fik vpi nana a kanimihchi ilvppak bano ho hvsh y<sub>u</sub>mihcha hi o keyu, amba, Nvnih chaha ilvppa kanvllit ivt okhvta hak o pit ish okvtulashke, hvsh im achi aienakma, y<sub>u</sub>mohma hinla hoke.

22. Micha hvchi yimmi hosh nan okluha ka nana ho anumpa ilbvsha isht hvsh asilhha hokv<sub>t</sub>, hvsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht a<sub>u</sub>sha pehlich<sub>i</sub> v<sub>h</sub>leha, mikmv<sub>t</sub> okla i hochitoka v<sub>h</sub>leha aiena kv<sub>t</sub> im ai v<sub>l</sub>a cha, Nan isht ai v<sub>h</sub>pesa nanta mak o ilvppa puta ka isht ish yakohmichi cho? miha kvta hosh nan isht ai v<sub>h</sub>pesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhhvchi lashke; yvmmak o hvs svm anoli hokma, vno vt yvmmak inli ho chohmit nan isht ai vhpesa nana ho ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Uba yak o minti ha tok: il achi hokma; Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvv Chan a hopaii o okla ahni hatuk oka, Hatak ak a tok: achi kvv okla ha il i nukshopvshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithanoshke, im achi tok. Mihma yvmmak ash osh, Yohmi ka vno ak osh nan isht ai vhpesa nana ho ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pakvpi a holokchi a ont ish toksvlashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Ahli mak o hvchim achi lishke, Pvblikan vhleha, micha havi puta kvv hvchi tikba Chihowa apehlichika ya pit abehiha hoke.

32. Chan vt ai vhpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha havi puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.



33. Nan isht vlpisa inla ka hvsh haklashke; Hatak chuka-chvfa pehlichu achvfa hosh pakvpi a hokchit tahli cha, kvti apushi isht a hovitvhit apakfobli mvt, oka-paki ai vlhto a yvmma anukaka ya a kulli cha, chuka chaha ya ikbit tahli mvt, hatak na pilesa vhleha ho pota cha, yakni hopaki ho ia tok.

34. Atuk osh nan vni waya ai ona hosi ma, yvmmak ash vni waya ka ont isha chi ho, in tishu vhleha ha hatak na pilesa vhleha hash pit in tihleli tok.

35. Atuk o hatak na pilesa vhleha hvv in tishu vhleha hash o hoklit ishi cha, achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kvv tikba atuk a i shahli ho pit tihleli tok: yvmmak ash kia yvmmak atuk mak inli ho okla itilauvchi tok.

37. Yohmi kia ont ishtaiyopi fehna ma, Svso ha hovitvbla chi hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla iti hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onakmvt, hatak na pilesa vhleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi vhleha yvmmak atuk ma issikkopalit vmoli cha, pakvpi a holokchi yash hatak na pilesa vhleha inla yvto ont ai vlpiesakma na waya ka ihima he fehna ho, i pota he mak oke, im achi tok.

42. Mihma Chisvs vt, Tvli yvmma chuk-ikbi vhleha hvv shitilema yash o, yvmmak ash fehna hosh chukbika nutaka in tola hovitvpa i shahli ho tobvshke: ilvppa Chihowa hosh yvmihchi ho, pi nishkin a i na fehvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa avehlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kvna hosh tvli ilvppa onvtulakmvt, litoa he ; amba ilap ak osh kvna ho onvtula hokmvt, botolichit kancha hi oke, im achi tok.

45. Mihma na holitompa isht asha pehlichi vhleha micha Falisi vhleha aiena kvv, yvmmvt nan isht apesa ka haklot tahli mvt, yvmmvt ilap ak o isht anumpuli hatuk a okla akostininchi tok.

46. Yohmi kia yvmmak oka hopaii ak o okla ahni hatuk oka, yvmmak ash o iti hoklit ishi bvnna tuk kia okla chito ak o i nukshopa tok.

## CHAPTA XXII.

Itauwayachi ai impa he tok ik itvnahe ki tok nan isht vllhpisa, 1 ; 12 ai itauwaya aya he i nafohka ya ik fohko hosh i palvmma he im vllhpisa ; 15 Chisvs vt Falisi vhleha, micha Helotian okla aiena kvv Sesa ya tvli holisso im itahobi ka vllhpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hvv illi yvt falamvt tana hi oka ik yimmo chatuk a isht anumpuli ; 34 nan vllhpisa chinto moma i shahli, 41 kaniohmi kak osh Klaist vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vllhpisa ho isht im anumpulit,

2. Uba apehlichika vt hatak miko yosh ushi ohoyo itauwaya chi ho, impa im atahli ho chohmi boke.

3. Micha im annoa tuk vhleha ha ont i howvt itauwaya ai impa ka isht vla chi ho, in tishu vhleha ha pit tihleli tok ; yohmi kia okla minta hi a ik ahno ki tok.

4. Mihma anonti tishu inla yo pit tihleli mvt, Inta ! an tvbokoli impa ha atahli lishke ; a wak-hobvk, micha nana vllhpitvt nia puta kvv illi ma, nan okluha kvv vllhtahvshke ; itauwaya ai impa ka hvsh mintashke, achit im annoa tuk vhleha ha hvsh im anolashke, im achi tok.

5. Yohmi tok kia yvmmak ash o nan-isht ik ahno hosh kanima pit ilhkolit, achvvt im osapa ia ma, anonti achvvt im ai itatoba ia tok.

6. Yohmi ma akashampa kvto in tishu vhleha hatuk ash iti hoklit ishi cha, kanimanchi fehvt, polaka okla illichitok.

7. Atuk o miko vt yvmmak ash o haklo mvt, anukshomunta fehna tok: mihmvt in tvshka chipota laua ka pit tihlelit, hatak vbi vhleha yvmmak ash o vbit tahli mvt, in tmaha ha hukmit tahli tok.

8. Yohmi mvt in tishu vhleha hash o, Itauwaya ai impa hamo vlhtavrshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua kvv kaniohmi ho hvsh pisakmvt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yvmmak ash osh ilhkoli mvt, hina ai itafamoa puta ka itvnowvt, okpulo, mikmvt hochukma aiena laua kvv kaniohmi ho pisa mvt, mominchit hoyot itahobi tok: yohmi ma itauwaya ai impa yash osh im annoa tuk vhleha ha isht alotvt kvnia tok.

11. Atuk o im annoa tuk vhleha hash pisa chi hosh miko vt ant chukowa mvt, hatak vt ai itauwaya aya he i nafohka ya ik fohko hosh yvma asha na pisa tok.

12. Michi yvmmak ash o, A kana ma! katiohmi ho ai itauwaya aya he i nafohka vt iksho ho ilvppa ant ish chukowa tuk oh cho? im achi tok. Mihma yvmmak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmvt iyi aiena ka ho takehi cha, isht ivt koche aiokhlilika ya ont hvsh kanchashke: yvmmak oka yahaya, mikmvt noti ahampa aiena mak osh aiasha hi oke, im achi tok.

14. Im annoa hokvto laua kia, amba vlhtoka kak osh achafoa hoka, achi tok.

15. Yvma foka ma Falisi vhleha hvv ilhkoli mvt, kaniohmit yvmmak ash ilap im anumpa ho isht a yukacha hinla kvv isht anumpulit maya tok.

16. Mihmvt ilap nan im ai ithvna vhleha ha, Helotian iksa ai itapeha ho pit in tihleli mvt, Nan ithvnanchi ma!

chishno vt aiahli chia achukma chatuk; mikmvt Chihowa i hina aiahli mak o ish ithvnanchi chatuk, hatak nana kia nan isht ik chim ahobo chatuk; mikmvt hatak vt chim it i shashohli keyu chatuk a il ithaiyanvshke.

17. Yohmi hokvt kaniohmi ho chim anukfila hokmvt ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yvmvt im anukfila ai vlhpesa keyu atuk a, Chisvs vt akostininchi mvt, Katiohmi ho nan ilahobi vhleha hvchia hvt imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yvmak ash o, Ilvppvt kvta hak o holbvt toba ho, mikmvt kvta ho a hohchifo ho? im achi ma,

21. Sesa yak oke, okla im achi tok. Yohmi ma yvmak ash osh, Yohmi hoka nana kvv Sesa yak o immi hokma, Sesa yak o hvsh imashke: mikmvt nana kvv Chihowa yak o immi hokmvno, Chihowa yak ashke, im achi tok.

22. Yohmi ma okla haklo mvt nukhlakancha cha, yvmak ash o issvt, okla ilhkoli tok.

23. Mih nitak mak inli ka Satusi vhleha hvt, illi yvt falamvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hvt untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmvt vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kvv mihinli ma, mahaya mvt isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yvmma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisvs vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yvmmak okvno, Chihowa hvv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hvv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yvmmak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achvfa hosh yvmmvt vba nan vlpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlpisa katima kak osh nan vlpisa holitopa kvv moma i shahli cho? achi tok.

37. Mihma Chisvs vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlpisa in tikba, mikmvt moma i shahli mak oke.

39. Mikma atukla kvv yvmmak inli ho chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlpisa tuklo ilvppak o nan vlpisa moma, micha hopaii holissochi tok aiena kvv a shaiyahli hoke, im achi tok.

41. Falisi vhleha hvt itvnahvt chiya takla ma, Chisvs vt i ponaklot,

42. Klaist a katiohmi isht hvchim anukfla cho? yummvt kvta hak o ushi o? achi ma, Lewi ak o ushi oke, okla im achi tok.

43. Mihma yummak ash osh, Yohmi ka katiohmi ho Lewi vt Shilombish isht anukfoyuka mvt, yummak oka hochifo cha,

44. Chitokaka yvt an Chitokaka ya, Svbbak ishtimpakimma ya ish binili na chin tenvp vhleha chiya ai o hikia yo ikbi lashke, im achi tok oh cho?

45. Yohmi ka Lewi vt yummak oka Chitokaka hochifo tok okma, anonti yummvt katiohmi hosh ushi ahinla cho? im achi tok.

46. Yohmi ma hatak nana hosh yummak ash o anumpa achvfa kia im afalamincha hinla kvv iksho ma, anonti nitak yumma ai vhlit mihinti ka himmakma hatak nana kia ik nukwiyo hosh nan im ai asilhhvchi kvv iksho ki tok.

### CHAPTER XXIII.

Chisvs vt nan im ai ithvna vhleha hvt na holissochi micha Falisi aiena kvv nana isht ithvnanchi kvno im antia he, amba nana a katiohmi yokvno okla ik iakaiyo ka hi a im apesa, 1. 13 Chisvs vt na holissochi micha Falisi vhleha aiena kvv im a yvmohma he vhpesa hoka, na palvmmi kvv onvtula chi ka tikbanli anoli, 37 na palvmmi kvv ai imma tikeli ka ithana hatuk osh Chelusalem a Chisvs vt isht yaiya.

1. YUMMA foka ma Chisvs vt okla chinto, mikmvt ilap nan im ai ithvna vhleha aiena kash o im anumpuli mvt,

2. Na holissochi vhleha, micha Falisi vhleha aiena kvv Moses im aiasha ya chieyvshke.

3. Yohmi hoka nan okluha puta ka nana ho hvsh holitobla hi a hvchi miha hokma, yummak atuk ma holitoblit a hvchi yvmohmashke: amba okla nana a katiohmi hokvno hvch ik holbo kashke: yummak okvt anumpuli tuk kia yohmi keyu hoka.

4. Shapoh weki shali ka palvmma hinla ho takchit tahli

cha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanvllicha hi a okla ahni keyu hoke.

5. Amba nana a kaniohmi puta kv, hatak vt pisa chi kak o, yvmohmi hoke : i failaktili ya okla hopvkvlli mv, anonti im anchi aposhokvchi ma hofalohli chatuk,

6. Mikmv impa aasha ka aiasha holitopa i shahli puta kak o im ai achukmakmv, anonti sinikak puta anukaka ma ai-o-minili holitopa i shahli puta kak o im ai achukma chatuk,

7. Mikmv ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmmv Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hochifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmmv Klaist ak oke.

11. Amba kvna hosh moma i shahli kv hvch ibafoka hokmv, hvchin tishu mak a hi oke.

12. Mikma kvna hosh ilefehkvchi hokmv, aka ona he ; mikma ile akanlosechi hokmv, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba apelhichika ya hatak inla puta ka hvsh im okhishta hokv : mikmv hvchishno vt yvmma pit hvch ik abeho mv, anonti pit abeha he tuk a, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmv peh ilahobi kv vba pit anumpuli hosh hvsh falaiachi hoka : yohmi hokv na palvmmi chito i shahli hosh hvchim vlhpisa hi oke.

15. Na holissochi vhleha, mikmv Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achvfa kia ikbi hvchi bvna kv̄t, okhvta mi-  
cha yakni aiena ka hvsh v̄lhfullihinchi hoka: atuk o ym-  
mak ash osh tobakma, anonti aiokpuloka im v̄lla fehna kv̄t  
hvchishno ā chohmi tuklo h̄o hvsh ikbi hoke.

16. Kvna hosh anumpa kv̄llo ā tempel ak o isht ai a miha  
hokvno nana keyu; amba kvna hosh tv̄li holisso lakna tem-  
pel anukaka āsha kak o anumpa kv̄llo isht ai a miha hok-  
mv̄to, nan il aiahlich̄a he v̄lhpesa, hvsh achi, na pehlich̄i  
lv̄pa hvchia ma! na hvch̄i palv̄mma he mak oke.

17. Nan im anukfila iksho, micha lv̄pa aiena hvchia ho-  
ka, tv̄li holisso lakna yak okmá, keyukmv̄t tempel ā tv̄li ho-  
lisso lakna yv̄t isht a holitopa kak okmá, nanta hosh ī shahli  
h̄o?

18. Mich̄a kvna hosh anumpa kv̄llo ā alta yak o isht ai  
a miha hokvno nana keyu; amba kvna hosh v̄ba pit isht  
aiokpv̄chi vt yv̄mma pakna onv̄tonla kak o, nan il aiahlich̄a  
he v̄lhpesa, hvsh achi.

19. Nan im anukfila iksho, micha lv̄pa aiena hvchia ma!  
v̄ba pit isht aiokpv̄chi ak okmá, keyukmv̄t alta ya v̄ba pit  
isht aiokpv̄chi vt isht a holitopa kak okmá, nanta hosh ī  
shahli h̄o?

20. Yohmi hoka kvna hosh anumpa kv̄llo ā alta yak o  
isht ai a miha hokmv̄t, yv̄mmak ash o, micha nana hosh  
yv̄mma onv̄tonla ka mominchit anumpa kv̄llo ā isht ai a  
miha hoke.

21. Mich̄a kvna hosh anumpa kv̄llo ā tempel ak o isht ai  
a miha hokmv̄t, yv̄mmak ash o, micha yv̄mma anukaka ai  
asha aiena kak o anumpa kv̄llo ā isht ai a miha hoke.

22. Yohmikma kvna hosh anumpa kv̄llo ā v̄ba yak o isht  
ai a miha hokmv̄t, Chihowa im aiasha, micha yv̄mma om bi-  
nili hatuk ma aieninchit anumpa kv̄llo ā isht ai a miha hoke.

23. Na holissochi v̄hleha, micha Falisi v̄hleha, nan ilaho-  
bi hvchia ma! na hvch̄i palv̄mma he mak oke: mint, mik-  
mv̄t anise, micha kv̄mm̄in aiena kv̄t ont isht pokoli kash osh  
hvch̄i kv̄nia hoka; yohmi mv̄t nan v̄lhpesa kv̄llo ī shahli,  
nana ai v̄lhpesa, micha nana ī nukhaklo, mikmv̄t na yimmi  
aiena hokvno hvsh a haksichishke: ilv̄ppa puta hoka hvchi



yvmohma he vlhpesa hatuk, yohmikmvt yvmmak ash kia hvsh a haksicha he tuk keyu hoke.

24. Na pehlichu lpa ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vlhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: seplka tohbit vlhtaha yak o hvsh chiyuhmi hoka; yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvv isht alotowa chatuk oke.

28. Yohmi ka hvchishno ak kia paknanli vt vlhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vlhpieso aiena bano hosh ishit hvchi alotowa kvv, yvmmak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: hopaii vhleha, i seplka ya hvsh im ikbi mvt, anonti hopoyuksa vhleha ha tok isht ithaiyana he seplka ya hvsh aioklichi chatuk,

30. Mihmvt, Pin tikba vhleha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vlhpisa ya hvsh alotolashke.

33. Sinti hvchia, sinti chilita isht unchululi hvchia hvv, katiohmi kak osh aiokpuloka ai ilbvsha he vlhpisa ya hvsh i hlakofa hinla cho?

34. Yohmi hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlich i aiena he; mikmvt kanimi ma hvchi sinakak puta hvsh a fummikmvt, hvsh ilbvshachi kv tvmaha puta ma isht hvsh aya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel a im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhli kv t, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa asha ka onvtula he mak oke.

37. Chelusalem, Chelusalem, hopaii vhleha vbi, micha auet chi kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlhpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak a pilla ma, Hvs sa pisa chi keyu; amba, Chitokaka i hohchifo ho mihnti hokvt holitopa mak oke, hvsh acha chi hok mak a hi oke, hvchim achi lishke, im achi tok.

## CHAPTA XXIV.

Chisvs vt ishtaiyopi mak o tempel a a kohcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kv yvmohma he, micha na palvmmi kv ibafoka he miha: 32 mikmvt nana a mihiha kv ont aighla hi oka, iti vlhpoba fik achi kv hishi toba chi hosh bokobli chatuk a nan isht apesvt anumpuli: 42 micha ahah! ahnit im vltaha he im apesa.

1. YUMOHMI mvt Chisvs vt kohcha mvt, tempel a issvt kanima ia tok: mihma nan im ai ithvna vhleha hv t, tempel vt toba kv kaniohmi puta ka pisacha chi hosh im ai vla tok.

2. Mihma Chisvs vt, Na yakohmi puta moma ka hvch ik

peso cho? ahli mak o hvchim achi lishke, Ilvppak oka tvi vt achvfona kia aka ik itolo ke tuk osh, it on tvkanchit itonla kv̄t iksho ka hi oke, im achi tok.

3. Yvmohmi tuk o yvmmak ash osh nv̄nih chaha Alif paknaka ya asha ma, nan ithvna v̄hleha hv̄t lumvt im ai ona mvt, Nitak kaniohmikmak o nana kv̄t ai yakohma hi o, mi-cha ish minta he, mikmvt yakni vt ont ai v̄hli aiena ch̄i isht atokowa kv̄to nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hv̄sh aiahni na hatak nana kia ik hv̄chi yoshublecho kashke.

5. Lawa hosh sa hohchifo h̄a ishit hohchifo kv̄t itvnowa cha, Klaist sia hoke, acha hi oka; mikmvt lauachit yoshub-licha he oka.

6. Yohmikma tv̄nvp asha, micha tv̄nvp asha he annoa aiena ka hv̄sh hakla hi oke: ahah! hv̄sh aiahni cha ik hv̄chi komunto kashke: ilvppa puta kv̄t moyumvt ont a yvmohmi pulla hi oka: yohmi kia ont ai ishtaiyopi kv̄no keyu k̄isha hi oke.

7. Okla achvfa kv̄t okla mak inli ka it amokvfa he, mik- mvt ap ehlichika achvfa kv̄t ap ehlichika mak inli ka it amo- kvfa hi oka: yohmikma hohchvfo chinto, micha ililli puta, mikmvt yakni winakv̄chi aiena kv̄t yakni kaniohmi ka ai itulvt aya hi oke.

8. Ilvppa puta kak osh nanukh̄aklo ai ishtia v̄mmona mak oke.

9. Yohmikma hv̄ch issikkopa ch̄i ka hv̄ch ishit okla ibbak hv̄chi fohki, mikmvt hv̄ch illicha hi oke; micha sa hohchifo pulla hatuk mak o oklushi moyumvt hv̄ch̄i nukkillla hi oke.

10. Yvmma fokakma ibetv̄bli kv̄t laua he, micha ilap b̄ika atuk kia ishit okla h̄a im issa, micha ilap b̄ika it̄i nukkillla hi oke.

11. Mikma hopaii ilahobi vt hiohli kv̄t laua cha, laua o yoshublicha hi oke.

12. Mikma nan ik v̄lhpeso bieka hatuk mak o i hullo atuk vt kapv̄svt taha kv̄t laua hi oke.

13. Yohmi kia kv̄na hosh achunanchit mahayvt ai v̄hli ka ona hok mak osh mihi yosh okchaya hi oke.

14. Yohmi ka vba ap<sup>h</sup>lichika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he : yvmohmi mak o ont ishtaiyopi kv̄t v̄la hi oke.

15. Yohmi hoka nan okpv̄ni a i nukkilli vlhpesa ka hopaii Taniel vt isht anumpuli tok a, aholitopaka ya a hikia na hvsh pisa hokma, kv̄na hosh ilvppa it im anumpuli hokmvt, akostininchashke.

16. Yohmikma kv̄na hosh Chutea, ya maya tuk mvt, nvnih chaha puta ka pit ik o yihlepá ;

17. Aboha pakna yo anta tuk vt akowvt, im aboha ya nana kia ont kohchit ik esho kashke ;

18. Mikma osapa anuka yo anta tuk mvt, falamvt im ilefoka ya ont ik esho kashke.

19. Yohmikma nitak yv̄mma fehna ka kv̄na hosh vlla i foka hatuk, micha pishechi atuk aiena hokvto i palv̄mma he mak oke.

20. Yohmi kia hvsh yihlepa hi a hvsh̄tula yokmá, keyukmvt nitak hullo nitak okmá, ik nano ka hi a vba pit hvsh asih̄h̄lashke.

21. Yv̄mma fehnakma na palv̄m̄mi kv̄t chinto fehna hosh takanla he, yakni vt toba v̄m̄mona tok ai v̄h̄lit mihintit himak a ai v̄la ka, yv̄mma chohmi kv̄t takali chatuk keyu, mikmvt himmakma nitak nana yv̄mma chohma he keyu ka hi oke.

22. Yohmi ka nitak yv̄mma chohmi ka ik falaiacho ho keyukma, hatak nana hosh okchaya he keyushke : yohmi kia nan vlhtoka vlheha ak pulla tuk mak o nitak yv̄mma puta kv̄t ik falaio ka hi oke.

23. Yvmohmikma hatak nana kia, Yakeh ! ilvppa Klaist vt antvshke, achi ; keyukmvt yv̄mma antvshke, hvchim achi hoh kia, ik hvchi yimmo kashke.

24. Klaist ilahobi v̄hleha, micha hopaii ilahobi v̄hleha aiena kv̄t hioh̄lit nan isht atokowa chinto puta, mikmvt na fehna puta aiena ka okla otv̄nicha he ; yvmohmi cha, yv̄mmvt yohma hinlakma, nan vlhtoka, v̄hleha fehna atuk kia yoshublich̄a hi oke.

25. Yakeh! tikbanli hvchim anoli lishke.

26. Yohmi hoka, yakeh! yvmmvt yakni haiaka ya anta hoke, hvchim achi hoh kia, kohchvt hvch ik aiyo kashke: micha, yakeh! vba potvlhpo a lumaka yak o yvmmvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yvmmak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palvmmi nitak yvmmak atuk a in chekosikma, hvshi vt okhlilikma, anonti hvshi ninak aya mvt ik tommo ka he: mikma fochik puta kvv vba ya asht aka fohopakma, nan isht aiahlika puta vba shutik ash osh faiokahancha hi oke.

30. Yvmma fokakma, Hatak Ushi a isht atokowa kvv vba ya auet a haiaka hi oke: yohmikma oklushi moma yakni paknaka aiasha kvv yahaya he, mikma Hatak Ushi vt nan isht aiahlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yvmmak ash osh im enchil vhleha ha isht-pufa ola chinto ieshi ho tihlihinlikma, ilap atokoli tok vhleha ha a mahli ushta shutik ont ai vhli achvfa ka vhlit ivt in tvnvp pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yvmmak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk:

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kvv ont aiahla chi hoke.

35. Vba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yvmmak a he, micha hvshi kanvlli

vlhpisa a he aiena hokvno, hatak nana hosh, mikmvt euchil puta vba aiasha mak osh pit ithana keyu h<sub>o</sub>, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli h<sub>o</sub> chiyuhma hi oke.

38. Oka falama yvt ik aiyo k<sub>i</sub>sha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli h<sub>o</sub> chiyuhma hi oke.

40. Yvmma fokakma tuklo kv<sub>t</sub> osapa ya a<sub>h</sub>swa tuk ma; achvfa h<sub>o</sub> ai eshi na achvfa kvto anta he.

41. Ohoyo tuklo kv<sub>t</sub> nana a botoli a botoli hosh a<sub>h</sub>swa tuk ma; achvfa h<sub>o</sub> ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa h<sub>a</sub> hvsh ithana keyu kv<sub>t</sub>, o<sub>k</sub>chvt hvsh hoyashke.

43. Yohmi kv<sub>t</sub> hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, o<sub>k</sub>cha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu a<sub>h</sub>hli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta ch<sub>i</sub> ka, atokoli tok oh cho?

46. Yvmohmi hosh ahanta h<sub>o</sub>, i shahli hatuk vt vla cha ant pisa ch<sub>i</sub> ka, tishu yvmmvt na yukpa hi oke.

47. Ahli mak o hvch<sub>i</sub> miha lishke, Yvmmak atuk ma nana im a<sub>h</sub>sa ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hv̄t ai v̄la he tuk vt v̄banvblichishke, achi;

49. Yohmi cha tishu b̄ika v̄hleha hash o bolit ishtia, yohmi mv̄t ishkot haksi v̄hleha h̄a it ibai impvt ibai ishkot ahanta hokmv̄no;

50. Tishu yv̄mma i shahli hatuk vt, yv̄mmak ash osh v̄la ch̄i ik ahno nitak, mikmv̄t ik akostinincho i hv̄shi kanv̄lli v̄lhpisa h̄o v̄la hi oke.

51. Yohmikmv̄t yv̄mmak ash o chanlit ita hokofi cha, nan ilahobi v̄hleha isht ai im v̄lhtoba mak o ibafohkit im apesa he: yv̄mmak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi v̄la hi oka isht anumpuli: yohmi kv̄t, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt v̄la cha nana apesa hi okvt isht anumpuli.

1. **YUMMA** fokakma v̄ba apelihika yvt ohoyo himithoa hatak ik halelo pokoli hosh p̄vla sholit, hatak himona itauwaya ch̄i ka afamvt ilhkoli tok o chohma he.

2. Mihmv̄t tahlapi hosh hopoyuksa yokma, anonti tahlapi kv̄to ik hopoyukso ya tok.

3. Ik hopoyukso v̄hleha hatuk ash osh p̄vla h̄a okla ishi kia, bila yano okla ik esho ki tok.

4. Amba hopoyuksa hatuk okv̄to bila yvt aiv̄lhto a abeha h̄o p̄vla h̄a aieninchit okla ishi tok.

5. Hatak himona ohoyo itauwaya chin tuk ash osh ile sv̄lahachit anta na nosilhv̄t taha cha, okla nusi tok.

6. Atuk o ninak ont iklv̄nna ma tahpahanla kv̄t, Inta! hatak himona ohoyo itauwaya chin tuk ash osh mintishke, iv̄t ont oh afamá, achi tok.

7. Yohmi ma ohoyo himithoa yv̄mmak ash osh momvt tanit i p̄vla h̄a okla aiiskiachi tok.

8. Mihma ik hopoyukso v̄hleha hash osh hopoyuksa

vhleha hash o, Pim p<sub>v</sub>la hv<sub>t</sub> mosholi hoka, hv<sub>ch</sub>i bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; y<sub>u</sub>mmak keyukma, p<sub>i</sub>shno micha hvchishno aiena ka hv<sub>p</sub>im ona he keyu hoka: amba i<sub>v</sub>t kanchi vhleha hak o ont hvsh in chumpa he, hvsh ahna he vlhpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh v<sub>l</sub>a tok; mihma im vlhtaha tuk vhleha hash osh ap<sub>i</sub>hv<sub>t</sub> ai itauwaya ya pit abeha na okhissa yvt vlhk<sub>v</sub>ma tok.

11. I himmak o anonti ohoyo himithoa kashapa kash osh ai v<sub>l</sub>a mvt, Chitokaka ma! Chitokaka ma! ish pin tiwashke, achi tok.

12. Yohmi kia y<sub>u</sub>mmak ash osh afalaminchi mvt, Ahli mak o hv<sub>ch</sub>im achi lishke, Hvch ithanali keyushke, achi tok.

13. Yohmi ka Hatak Ushi vt ai v<sub>l</sub>a he nitak, mikmvt hvshi kanvlli vlhpisa aiena hoka pit hvsh ithana keyu hokvt, okchvt hvsh hoyashke.

14. Uba ap<sub>e</sub>hlichika yvt, hatak osh yakni hopaki nowvt aya ch<sub>i</sub> hosh in tishu vhleha ha itahobi cha, nana im a<sub>sh</sub>a tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyuka ka ai vlhtokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, y<sub>u</sub>mmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, y<sub>u</sub>mmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha y<sub>u</sub>mma i shahli hash osh v<sub>l</sub>a cha, y<sub>u</sub>mmak ash i hotinv<sub>t</sub> pisa tok.

20. Yohmi ma talent tahlapi ishi tuk ash osh, anonti



talent tahlapi mak inli ka aieninchit isht v<sub>l</sub>a mvt, Chitokaka ma! yakeh! talent tahlapi h<sub>o</sub> is s<sub>v</sub>ma tok: y<sub>v</sub>mmak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, U<sub>l</sub>hpiesvshke, tishu aiahli achukma chia ma! nana kanomosi ka aiahli chi achukma hoka, nana l<sub>a</sub>wa pehlichi a chikbi la ch<sub>i</sub> hoke: ch<sub>i</sub> shahli nan isht im ilaiyukpa ya ish chukowashke, im achi tok.

22. Mihma talent tuklo h<sub>o</sub> ishi tuk ash kia v<sub>l</sub>a mvt, Chitokaka ma! yakeh! talent tuklo h<sub>o</sub> is s<sub>v</sub>ma tok: y<sub>v</sub>mmak atuk a talent tuklo mak inli ka isht ahayuchi li tuk oke, achi tok.

23. I shahli hash osh, U<sub>l</sub>hpiesvshke, tishu aiahli achukma chia ma! nana kanomosi ka aiahli chia achukma hoka, nana l<sub>a</sub>wa pehlichi a chikbi la ch<sub>i</sub> hoke: ch<sub>i</sub> shahli nan isht im ilaiyukpa ya ish chukowashke, im achi tok.

24. Yohmi ma talent achvfa h<sub>o</sub> ishi tuk ash osh v<sub>l</sub>a mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai v<sub>m</sub>o chatuk; mikmvt chishno ak osh ish m<sub>v</sub>shlichi tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, i<sub>v</sub>t chin talent a yakni anuka yo luhmi li tuk oke: yakeh! chimmi hatuk v<sub>t</sub> yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvt, vno ak osh hokchi li tuk keyu kia ai v<sub>m</sub>o likmvt, anonti vno ak osh a m<sub>v</sub>shlichi li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kv<sub>t</sub> v<sub>m</sub>mi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. K<sub>v</sub>na hosh ishi hok mak o ima na lauv<sub>t</sub> im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yvmmak oka yahaya micha noti ahampa aiena mak a hi oke, im achi tok.

31. Hatak Ushi vt, enchil vhleha moma kv̄t apiha h̄o, ilap isht aholitopaka il ai ish̄it v̄la he, yohmikmvt im ai om binili holitopa yatuk ma om binila he oke.

32. Yohmikma itikba ya oklushi moma kv̄t ai itahoba he: yohmikma yvmmak ash osh yv̄mma achafolichit it̄i filamoh̄lichi kv̄t, chukfv̄lh̄poba apesv̄chi vt chukfv̄lh̄poba ya isi kosoma it̄i filamoh̄lichi chatuk mak o chiyuhma he.

33. Mikmvt chukfv̄lh̄poba ya im ibbak isht-impak imma yak o ashachikmvt, amba isi kosoma yokvno v̄lhfv̄bekimma yo ashacha he.

34. Yohmikmvt M̄iko ash osh im ibbak isht-impak-imma āsha kash o, Āki ī holitopa hv̄chia ma! ho minti, v̄ba apelh̄chika yakni vt ik tobo k̄isha mak o hv̄chim v̄lhtaha tok vt hv̄sh ai ahantashke.

35. V̄no vt sa hohchv̄fo ma, ilhpak ā hv̄s sv̄peta tok: sa tukshila ma, nana h̄o hv̄s sv̄shkochechi tok: hatak ik ithano sia hatuk ā, aboha ya ik chukowa, hv̄s sv̄m aiahni tok:

36. Sa nipi bano ma, nana hv̄s sa fohkichi tok: si abeka ma, ant hv̄s sa pesa tok: v̄no vt aboha kv̄llo f̄oka li ma, ant hv̄s sa nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma! katiohmi kash o chishno vt chi hohchv̄fo tuk ā, e chi pisa cha nana e chipeta tok o? micha chi tukshila tuk ā, nana e chishkochechi tok o?

38. Katiohmi kash o hatak ik ithano chia hatuk ā e chi pisa cha, aboha ya ik chukowa, e chim aiahni tok o? mihmvt chi nipi bano tuk ā, nana e chi fohkichi tok o?

39. Michā katiohmi kash o chi abeka, mihmvt aboha kv̄llo ish f̄oka aiena tuk ā, e chi pisa cha, a chi nowa tok oh cho? acha he.

40. Mikma M̄iko vt afalaminchikmvt Āhli mak o hv̄chi miha lishke, Itibapishi li vhleha yakohmi ka moma ik lauwo achv̄fona ka kaniohmi h̄o hv̄sh ai ī yvmohmi tuk okvt, v̄no ak o hv̄s sa yvmohmi mak atuk oke, im acha hi oke.

41. Yolmikmvt ibbak v̄lhfv̄beka imma āsha tuk ash kia,

Issikkopa he vhpesa hvchia hvt, a filvmmitt luak ataha iksho, Setan micha imi shilombish okpulo vhleha aiena im vlltaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk a, aboha ya ik chukowa hvch ik svm ahno tok : si abeka, micha aboha kvllo foka li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kvtt, Chitokaka ma ! katiohmi kash o chi hochaiyafu, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kvllo ish foka aiena ka e chi pisa cha ke chi apelacho ke tuk oh cho ? acha hi oke.

45. Yohmikma yvmmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achvfona kia katiohmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTER XXVI.

Na pehlichu vhleha hvt it afama cha, Chisvs a vba chi kvtt isht anumpuli, 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskaliot vt Chisvs a tvli hvta pokoli tuchina ho isht kanchi. 17 Chisvs vt nan im ai ithvna vhleha ha nan vbanvblit ontia it ibai impa ; 26 mihmvt opiaka na holitopa impa isht vhpisa ka apesa, 30 mihmvt kohchvt nvnih chaha Alif a ona ; mihmvt Pita yvt ik ithano miha chi ka tikbanlit anoli. 36 Chisvs vt Ketsemane osapushi ont chukowa cha, vba pit anumpuli. Chutas Iskaliot vt hatak na-halupa sholi bieka ho pehlichu cha, Chisvs a ont ishi. 57 Okla hvt Chisvs a ishi mvt na holitopa isht asha pehlichu in chuka holitopa isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il ahobi : yohmit ashvchi tok vt nukhaklo.

1. ATUK o yakohmi tok ; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hvt a<sub>h</sub>sha chi, mikma Hatak Ushi vt iti-taiyukhvna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht a<sub>h</sub>sha pehlichu vhleha, mikmvt na holissochi vhleha, mikmvt okla ha i hochitoka vhleha aiena kv<sub>t</sub> na holitompa isht a<sub>h</sub>sha pehlichu Kaiafas hohchifo ho im aboha holitopa ya ai itvnaha tok.

4. Mihmvt haksichi hosh Chisvs a okla ishi cha, vba hinla kv<sub>t</sub> it im anumpulit may<sub>a</sub> tok.

5. Yohmi kia, Impa chito a<sub>h</sub>sha nitak ak o keyu ho, yvmmak keyukma okla hvt i sanali fehna hinla yoba ka achi tok.

6. Atuk o Chisvs vt Betani a Saimon leplosi vbi a tok in chuka ya a<sub>h</sub>sha ma,

7. Ohoyo pash-ahama holitompa fehna alabasta itombushi achvfa ho ishi kv<sub>t</sub> im ona mvt, impa hosh a<sub>h</sub>sha ma, noshkobo a ont o fohobli tok.

8. Yohmi kia nan im ai ithvna vhleha hash osh pisa kv<sub>t</sub>, okla ik im vlhpeso fehna mvt, Katiohmi mak o ilvppvt yakohmit okpulo cho?

9. Pash-ahama ilvppvt lava kia isht vlhtoba cha, ilbvsha vhleha ha i holhpela hinla tuk oka, achi tok.

10. Chisvs vt akostininchi mvt, Nanta katiohmi ho ohoyo ha hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim a<sub>h</sub>sha bilia cha tuk: amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna yo vbanumpa ilvppvt isht ai anuhumpakma, nana ka ohoyo ilvppvt yakolimichi tuk a yvmmak ash o isht ithaiyana hi a, anohowa hi oke, im achi tok.

14. Yvmma foka ma auah tuklo tuk ash achvfv<sub>t</sub> Chutas Iskaliot hohchifo hosh ivt na holitompa isht a<sub>h</sub>sha pehlichu vhleha hash o im ona tok.

15. Mihmvt, Yvmmak oka ishit hvchim issa la chī ka nanta hō hvs svma hinla cho? yvmmak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yvmma ai vhlit mahaya ka yvmmak ash o kaniohmichit ishit im issa he akostininchi bahana tok.

17. Yohmi tuk o pvska ik shatvmmo vpa nitak vmona hō nan ithvna vhleha hv Chisvs a im ai ona mvt, Ubanvblit-ont ia ish impa chī ka, katima yak o ont e chim ai atahla hi a ish ahni cho? im achi tok.

18. Mihma yvmmak ash osh, Ivt tvmaha ha hvsh onak mvt, hatak yvmmak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chī hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisvs vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichī cha impa chī hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshīt okla ha hvsh im issa chī hoke, achi tok.

22. Mihma okla nukhaklo fehna mvt, achvfaiyukvt momvt, Chitokaka ma! vno ak oh cho? im achi tok.

23. Mihma yvmmak ash osh afalaminchi mvt, Kvna hosh ampo a ibbak a pit svb ai okvchikmvt, mihi yosh svshīt okla ha im issa chī mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i palvmma chī mak oke; hatak yvmmak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mvt, A shali ma! vno ak oh cho? achi ma, Ahli, ish mihvshke, achi tok.

26. Mihmvt okla impa hosh maya ma, Chisvs vt pvska ya ishi cha, vba pit aiokpvchi mvt, tushahlichī cha, nan ithvna

vhleha hash o pit ima mvt, Ilvppvt sa haknip mak oke ;  
ishit oh vpa, achi tok.

27. Mihmvt isht-ishko ya ishi cha vba pit aiokpvchi mvt,  
yvmmak ash o pit ima mvt, Hvsh moma kvv hvsh ish-  
kashke.

28. Ilvppak okvt svssish nan isht vlvpisa himona, laua  
kvv nan ai ashvchika puta isht i kashofa he mak o, hlatapa  
hatuk oka.

29. Yohmi kia himak a pilla ma pakvpi vnit waya ilvppa  
ak ishko mak atuk osh himonvchit Aki apehlichika ya a  
hvch ibai ishko la he nitak mak a hi oke, hvchim achi lish-  
ke, achi tok.

30. Mihma vba isht taloa ya okla talovt issa mvt, okla  
kohchvt nvnih Alif a pit ilhkoli tok.

31. Yohmi ma Chisvs vt yvmmak ash o, Himak ninak a  
vno ak atuk mak o hvsh moma kvv hvch ibetvbla chi hoke.  
Chukvvlhpoba apesvchi a issot kanchi likma, chukvvlhpoba  
atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Ka-  
lili a ona la chi, im achi tok.

33. Pita yvt afalaminchi mvt, Moma kvv chishno ak atuk  
mak o isht ai ibetvbli kia, vno yokvto nitak nana si a ibetv-  
la he keyushke, im achi tok.

34. Mihma Chisvs vt, Ahli mak o chi miha lishke, Himak  
ninak a akaka yvt ik olo kisha ho, hituchina ha chik svthano  
ka ish miha chi hoke, im achi tok.

35. Pita yash osh, Chi awant svlla chi ik nana kia, ak  
chithano miha la he keyushke, im achi tok. Mihma nan  
ithvna vhleha hvv momvt yvmmak inli ho miha tok.

36. Yvmma foka ma Chisvs vt yvmmak ash o pehlich  
cha, yakni Ketsemane hohchifo ho ona mvt, nan im ai ithv-  
na vhleha hash o, yvmma ivt ont vba pit anumpvli li takla  
ka, ilvppak inli ho hvsh chiyashke, im achi tok.

37. Mihmvt Pita, micha Sebete ushi tuklo aiena kvno  
pehlich cha ia tok ; mihmvt nukhaklo fehvvt i wekit kvnia  
tok.

38. Yohmi mvt yvmmak ash o, Sa shilombish vt nukhak-

lo fehna, illa he ak kia chiyuhmishke : ilvppak inli ho chiyvt hvs svb ai okchashke, im achi tok.

39. Mihmvt achakalit ivt misha ituma ona mvt, hlipivt itula cha, vba pit anumpuli mvt, Aki ma ! yohma hinla yoba hokma, isht-ishko ilvppvt a kanvllashke : yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai okcha na hvshi kanvlli achvfa ka ona hinla keyu mak oh cho ?

41. Okchvt vba pit hvsh anumpohonli cha, ayoshuba ya hvch ik iba chukowo kashke : shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt, Aki ma ! isht-ishko ilvppa ai ishko li ha yo keyukma, a kanvlla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kv, anumpa yvmmak ash inli ho miha tok.

45. Yohmi mvt nan im ai ithvna aiasha kash o vla mvt, Himmak mak o mayvt nusit hvsh fohashke ; inta ! hvshi kanvlli vlhpisa hv ai ona mak oke ; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho taní, kiloh ilhkolí, yakeh ! sa haksichit okla ibbak sa fohka chi hokvt olanlosi vlshke, im achi tok.

47. Mihma anumpohonli moma ho, auah tuklo atuk achvfa Chutas vt na holitompa isht asha pehlichí vhleha micha okla i hochitoka vhleha aiena im anumpa ho okla chinto bvshpo falaia puta, mikmvt iti tvptua aiena sholi ho, pehlichí cha vla tok.

48. Yohmi kv haksichit okla ibbak fohka chi, yvmmak okvt isht akostinicha hi a im anoli kv, Kvna ho ont i suk-sowa likma, yvmmak osh mih mak a chi hoke ; kullochit hvsh ishashke, achi tok.

49. Mihmvt yvmmak ash osh Chisvs a im ona mvt, A shahli ma ! na chi yukpashke, achi mvt, i suksowa tok.

50. Mihma Chisvs vt, A kana hvt katiohmi hō ish la cho? im achi tok. Yohmi ma okla ai onvt Chisvs ash o iti hoklit ishi tok.

51. Yohmi ma Chisvs a apēhvt aya tuk vt achvfa hosh ibbak atuk ma i bvshpo falaia ya pit ishit shufi mvt, na holitompa isht asha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke: kvna hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashalika enchil vhleha lechvn auah tuklo atampa ka auet vma hinla ka ik chim ahobo cho?

54. Yohmi hokma katiohmi hosh yakohma hi a tok vt Baibil vt ont aiahla hinla cho? im achi tok.

55. Chisvs vt hvshi kanvlli vlhpisa yvmmak inli hō okla laua yash o, Hatak hukopa yo ayvt i kohcha hō chiyuhmit bvshpo falaia, mikmvt iti tvptua aiena sholi hosh hvs svsha chi kvt hvsh itvnowa cho? tempel anukaka ya nana ai ithv-nanchit nitak moma hvch itintakla binili li ka iti hoklit hvch ik sasho chatuk oke, im achi tok.

56. Yohmi kia hopaii vhleha hvt holissohonchi tok a ont aiahla chi mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a iti hoklit ishi tuk vhleha hash osh yvmmak ash o ilauevit ivt na holitompa isht asha pehlichī i shahli Kaiafas a isht im ona tok; yvmmak o na holissochi vhleha, mikmvt hochitoka vhleha aiena kvv ai itvnavvt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitompa isht asha pehlichī i shahli im aboha holitopa hatuk ma ont chukovvt, ont ishtaiyopi ka pisa chi hosh tishu vhleha ha takla ont binili tok.

59. Mihma na holitompa isht asha pehlichī vhleha, micha hochitoka vhleha, mikmvt nan-apesa moyuma kvv Chisvs a



vba chi kv̄t, anumpa ik aḥlo isht atokola hi a hoyot aiasha tok.

60. Yohmi kia ik ahayucho tok. Anumpa ik aḥlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik aḥlo isht atokoli vt tuklo hosh v̄la tok;

61. Mihmvt, Ilv̄ppvt Chihowa in tempel a okp̄vni li tuk mvt, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht aḥsha pehlich̄i i shahli vt wakaya mvt, afalaminchit, Afalaminchit nana kia chik acho cho? nanta mak o yakohmit isht chi atokoli cho? im achi tok.

63. Yohmi kia Chisvs vt nana ik acho ki tok. Mihma na holitompa isht aḥsha pehlich̄i i shahli vt anumpuli mvt, Chishno ak osh Klaist Chihowa Ushi chia hatuk okmvt, keyukma nana hatuk okmvt, ish pim anola he mak o Chihowa okchaya pulla ka isht a chim apesa lishke, im achi tok.

64. Mihma Chisvs vt, V̄lhpesa ish mihv̄shke: yohmi kia, Himak a pilla ma Hatak Ushi vt nan okluha im aiya im ibbak-ishtimpakimma ya binili, micha v̄ba hoshonti anukaka minti aiena h̄o hv̄sh pisa hi oke, hv̄chim achi lishke, im achi tok.

65. Yohmi ma na holitompa isht aḥsha pehlich̄i i shahli ash osh im ilefoka, im anchi aieninchit ita hlilv̄ffi mvt, Chihowa ik ahobalot anumpa h̄a anumpulishke; himmakma nan-isht ai atokowa katiohmi h̄o iloh ahna hinla cho? inta! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila ch̄o? achi ma, okla afalaminchi mvt, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalich̄i mvt,

68. Klaist chia ma! kv̄na hosh chisso hokma, akostininchit pin anol̄i, achi tok.

69. Yohmi ma Pita yvt aboha holitompa kocha ya aḥsha

tok: mihma ohoyo himita yosh yummak ash o vla mvt, Chishno ak kia Chisvs Kalili vta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, yumma maya kash o, Ilvppak kia Chisvs Nasalet vta ya awant aya kamo, im achi tok.

72. Mihma anonti anumpa kvllo isht il onochit ik ithano ilahobit, Hatak yumma ithana li keyushke, achi tok.

73. Atuk o in chekosi ma bilikasi hiohmaya tuk ash osh ai vla mvt, Pita yash o, Chishno ak kia okla yumma ish ib ai achvfa yatuk o pullvshke; chim anumpa hvv chi otvnichi hoka, im achi tok.

74. Yohmi ma yummak ash osh, Hatak yumma ithana li keyushke, achit ik ahobalot anumpulit anumpa kvllo isht il onochit ishtia tok. Mihma chekosi mak inli ho akaka yvt ola tok.

75. Yohmi ma Pita yash osh, Akaka yvt ik olo kisha ho, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

## CHAPTA XXVII.

Na holutompa isht asha pehlich vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksiteli. 19 Pailat tekchi vt Chisvs a nana ik kanimihcho hok bano im ahni; yohmi kia na holutompa isht asha vhleha hvv nan ahni kak o vhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvv halupa yo noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahovhlich ma; 50 Chisvs vt chitoli fehvvt tahpvla mvt, illit kvnia, illi ma na fehna kvv ai yvmohmi. 57 Chosef Alimahlea vta yak osh, Chisvs vt iti-taiyukhvna takali tuk a ishit akvchi, miha hatak illi ai asha himona ilap immi ak inli ho fohkit bohli.

62 Na holitompa isht a<sub>2</sub>sha pehlichī v<sub>2</sub>hleha hak osh asihihla ma, Pailat vt tvshka chipota ya<sub>2</sub> atoinchi na Chisvs ahollopi a<sub>2</sub> atoni.

1. ONT onnvt taha ma na holitompa isht a<sub>2</sub>sha pehlichī v<sub>2</sub>hleha hv<sub>2</sub>t moma, micha okla i<sub>2</sub> hochitoka v<sub>2</sub>hleha aiena kv<sub>2</sub>t Chisvs a<sub>2</sub> vba chi<sub>2</sub> kv<sub>2</sub>t isht it im anumpulit maya tok.

2. Micha yvmmak ash o<sub>2</sub> okla takchi mvt, ilaelit isht iv<sub>2</sub>t, nahullo miko Pantivs Pailat ibbak a<sub>2</sub> ont fohki tok.

3. Yvmma foka ma yvmma ishit okla ha<sub>2</sub> im issa tuk Chutas ash osh yvmma illi issa na pisa mvt, inlv<sub>2</sub>t im anukfila cha, tvli hv<sub>2</sub>ta boshulli pokoli tuchina kash o<sub>2</sub> falaminchit na holitompa isht a<sub>2</sub>sha pehlichī v<sub>2</sub>hleha micha hochitoka v<sub>2</sub>hleha aiena ka isht om ona mvt,

4. Nan ashvchi keyu issish o<sub>2</sub> ishit okla ha<sub>2</sub> im issa li hokvt ashvchi lishke, achi tok. Mihma, Yvmmvt nanta isht pi ahalaia cho? yvmmak okvno chishno ak inli hosh ish pisashke, achi tok.

5. Mihma tvli hv<sub>2</sub>ta boshulli a<sub>2</sub> tempel anukaka ya<sub>2</sub> pit fohobli cha, kocha ia mvt, ont ile nuksiteli tok.

6. Yohmi ma na holitompa isht a<sub>2</sub>sha pehlichī v<sub>2</sub>hleha hash osh tvli hv<sub>2</sub>ta boshulli ash ishi mvt, Tvli holisso ai itahoba holitopa ya<sub>2</sub> pit fohka he vlhpesa keyu, issish o<sub>2</sub> isht vlhtoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka a hollopa hi vt shuti-tvna im osapa yo isht chumpa tok.

8. Yvmohmi hatuk o<sub>2</sub> osapa yvmmvt, Osapa issish hohchifo tok vt himak nitak a<sub>2</sub> moyuma hoke.

9. Yvmohmi ma hopaii Chelemaias vt anumpuli mvt, Is-lael ushi v<sub>2</sub>hleha hv<sub>2</sub>t ai vlhtoba he okla apesa tok mak o<sub>2</sub> ai vlhtoba he vlhpesa tuk vlhtoba tvli hv<sub>2</sub>ta boshulli pokoli tuchina ka okla ishi tok.

10. Micha Chitokaka yvt vm apesa tok mak o<sub>2</sub>, shuti-tvna atuk im osapa yo isht atobbi tok; achi tok a<sub>2</sub> ont aiahli tok.

11. Mihma Chisvs vt nahullo miko itikba ya<sub>2</sub> hikia tok; mihma nahullo miko vt yvmmak ash o<sub>2</sub> i<sub>2</sub> ponaklot, Chishno ak osh Chu okla ha<sub>2</sub> i<sub>2</sub> miko chia mak oh cho? achi

tok. Mihma Chisvs vt, Uhpesa hō ish mihvshke, im achi tok.

12. Atuk o na holitempa isht asha pehlichī vhleha, mikmvt hochitoka vhleha aiena kv̄t nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lawa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo miko ash osh nukhlakancha fehna tok.

15. Michà vbanvblit ontia impa ashakma, kvna hō okla ahnikma, nahullo miko vt yukvt talakchi atuk a okla hā imi hotofi chatuk a tok.

16. Atuk o yvmma fehna ma annohōwa fehna chatuk yukvt talakchit Balabas hohchifo hosh okla hā im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla hā im issa hatuk a, ithana hatuk osh, okla itvnahvt taiyaha ma, Kvta mak o hvchimī hotofi la he a hvsh aiahni cho? Balabas ak okmá, keyukmvt, Chisvs osh Klaist hohchifo kak okmá, katimampo kak a chi cho? im achi tok.

19. Mihmvt nan-apesa aiasha ya ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik sv̄m ai achukmo kv̄t an laua hatuk oka, hatak ahli achukma yvmma nana chik kanihcho kashke, achi tok.

20. Yohmi kia na holitempa isht asha pehlichī vhleha, micha hochitoka vhleha aiena hokvto Balabas ak o okla asilhaha cha, Chisvs ak o vba chi ka, okla laua ya atohnochi tok.

21. Nahullo miko ash osh afalaminchi mvt, Tuklo ka katimampo hvchim i hotofi la hi a hvsh aiahni cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo miko ash osh, Katiohmi hō? nan okpulo nanta mak o yvmohmi tuk oh cho? achi tok, Yohmi

kia i shahlichit tahpvlvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba yahapa kak osh i shahlit toba pulla li a akostininchi mvt, oka kapvssa ya ishi cha, okla itikba ya ibbak ai achifa mvt, Hat tak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtvt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota pehlich i i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kushak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yukpashke, achi tok.

30. Mihmvt yvmmak ash o okla on tuftua, micha kushak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvhlich a chi hosh ilaelit ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmvt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ishkot pisa mvt, ishka he keyu ki tok.

35. Mihma yummak ash o iti-taiyukhvna okla ahonvhli-chi mvt, na shoeli o im ilefoka yatuk ash isht iti hopela tok; hopaii vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiahla chi mak a tok.

36. Micha okla hash osh yummak o aka binohli cha, yummak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISUS CHU OKLA I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititai-yukhvna ahonvhla tok; achvfa kvvtt ibbak isht impakimma yo takali ma, anonti achvfvtt vlvfbekimma yo takali tok.

39. Mihma yumma bilikasi ont ihiya kvvtt yummak ash o ik ahobalot pit i yuchunukli beka tok.

40. Mihmvt, Tempel a okpvni cha, anonti nitak tuchinak-ma ikbit tahli chia hvt, ish ile okchalinchashke, Chihowa a Ushi chia hokmvt, iti-taiyukhvna ya auet akowá, achi tok.

41. Na holutompa isht asha peblihi vhleha ak kia na holissochi vhleha, micha hochitoka vhleha ai itapeha kvvtt yummak ash o ishit yopulvt,

42. Inla yokvno okchalinski hatuk okak osh, ilap inli kvvto ile okchalinka he keyushke. Ilvppak osh Israel a i miko yatuk okmvt, himonasi ak o iti-taiyukhvna ya auet ik akowá, yohmikmak o iloh i yimmashke.

43. Chihowa ya anukcheto atuk oka, yummak osh i hullo hatuk okmvt, himonasi a ant ik hlakofichí; Chihowa Ushi sia hoke, achi hatuk oka achi tok.

44. Hatak hukopa tuklo yumma apihvt iti-taiyukhvna ahonvhla tuk kak kia ik ahobalo kvvtt, yummak inli ho, choh-michi tok.

45. Yohmi ma hvshi kanvlli vlvhpisa ont isht hannalik fehna ai vhlit ivt, hvshi kanvlli vlvhpisa isht chakkali ona ka, yakni moma ka ai okhlilit kvvnia tok.

46. Yohmi ma hvshi kanvlli vlvhpisa ont isht chakkali foka ma, Chisus vt chitoli fehna hosh tahpvlvt, Eli, Eli, lama sabakhiani? achi tok; yummvt an Chihowa ma! an

Chihowa ma! nanta katiohmi ho is sa kanchi cho? achi hoke.

47. Mihma yvmma hiohmaya tuk vt kanimi kv̄t haklo mvt, Hatak ilvppvt Elias a pit i howvshke, achi tok.

48. Mihma mih mak inli ho achv̄vt malelit ia mvt, na shatv̄m̄mi o ont ishi cha wineka alotoli mvt, kushak o takalichi cha, yvmmak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalinchit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahpva mvt, fiopissa tok.

51. Yohmi ma nantv̄nna tempel anukaka takali tuk vt paknaka ak o a hlilav̄t ia mvt, aka ont taha cha tuklo tok: mihma yakni vt winakahanchi ma, tv̄li hochito puta kv̄t bakahli tok.

52. Mihma hatak ahollopi puta kv̄t tiwa ma, v̄banumpuli puta haknip mav̄vt nusi tuk vt lava kv̄t tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tv̄maha holitopa ya onvt lava ka i haiaka tok.

54. Sintulion micha apihvt mav̄vt Chisvs a apesv̄chi tuk aiena kashi osh yakni winakv̄chi, mihmvt nana kv̄t ai yakohmi puta na pisa mvt, okla nukshopa fehna mvt, Ilvppak okvt Chihowa ha Ushi yo mv̄hli tuk pullv̄shke, achi tok.

55. Yokmi ma ohoyo lava Chisvs a apehvt Kalili a asht, mintit yvmma nan im atahli yatuk vt yvmma maya cha, auet mishema ho pit pisa tok.

56. Yvmma takla maya kv̄t, Meli Maktalene micha Meli, Chemis, mikmvt Choses aiena ishki, mikmvt Sebete ushi v̄hleha ha ishki ak osh aiena tok.

57. Ont opiv̄t taiyaha ma hatak nan in laua Alimahlea vtta Chosef hohchifo hosh, yvmmak kia Chisvs a nan im ai ithv̄na ak inli tuk osh va tok.

58. Michā ia mvt, Chisvs haknip a Pailat a ont im asilhha tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, yvm-mak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tvli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vlhtaha nitak atuk auet achakaya nitak o na holitempa isht asha pehlich i vhleha, micha Falisi vhleha aiena kvv Pailat a ant im ai itvnaha cha,

63. Pi shahli ma! na haksichi yvmmvt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvvllot vlhkama na nitak atuchina ka onashke; yvmmak keyukma nan im ai ithvna vhleha hvv ninak a ai vlvt hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlhpeso kvv vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvsh-ke: oh ilhkoli cha, kanimihchit hvsh a kvvlocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvvlochit kaiyanchi tok.

## CHAPTA XXVIII.

Nitak ont atuchina onnahinli fehna ohoyo tuklo kvv Chisvs ahollopi tuk a ona; yvmma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vhleha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tmaha chito ya ona cha, ahollopi nana a kaniohmi tuk a na holitempa isht asha pehlich i vhleha ha im anoli. 15 Chisvs vt nan im ai ithvna auah achvfa ka Kalili ak o ai i haiaka, 19 micha vbanumpa ha oklushi puta ka isht im anumpohonlit itvnohowa he a im apesa.



1. YUMOHMI tuk o nitak hullo vt ont taha tuk wek nitak vmona chi hosh onvt mihinti ma, Meli Maktalene, micha Meli achvfa itatuklo kv̄t sepv̄lka yash pisvt aya hosh itonachi tok.

2. Yohmi ma yakni vt winakv̄chi fehna tok: Chitokaka im enchil osh vba mintit v̄la cha, tv̄li okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malv̄tha ak o chiyuhmi ma, im ilefoka yvt tohbi kv̄t okti pushi ak o chiyuhmi tok.

4. Mihma nan atoni v̄hleha hatuk vt yv̄mma i nukshopa kv̄t wv̄nihinchi mv̄t, illi yo chiyuhmi tok.

5. Yohmi ma enchil vt anumpuli mv̄t, ohoyo hash o, Ititaiyukhv̄na ahonv̄hlvt illi tuk Chisvs ak o hv̄sh hoyo ka hv̄chim ithanali hoka, ik hv̄chi nukshopo kashke.

6. Iv̄ppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesá.

7. Michā tushpvt iv̄t, illi tuk vt falamvt tani cha, hv̄chi tikba Kalili a ia chi ka, yv̄mmak o ont hv̄sh a pisa chi hoke, nan im ai ithv̄na v̄hleha h̄a ont hv̄sh im anolashke: inta! hv̄chim anoli li mak oke, im achi tok.

8. Yohmi ma nukshopa, mikmv̄t nayukpa fehna aiena hosh sepv̄lka ya ashv̄vt tushpvt itiachi tok; mihmv̄t nan im ai ithv̄na v̄hleha hatuk a anumpa isht im ona chi kv̄t tihlahaya tok.

9. Atuk o nan im ai ithv̄na v̄hleha h̄a im anolit ia hosh ayvt okla ma, Chisvs vt afama cha, Na hv̄chi yukpashke; achi tok. Mihma iv̄t yv̄mmak ash o iyi a ont halv̄lli cha, aiokpahanchit okla tok.

10. Yohmi ma Chisvs ash osh, Ik hv̄chi nukshopo kashke: Oh ia cha, itibapishili v̄hleha h̄a ont hv̄sh im anolikma, Kalili a okla ai onvt yv̄mmak o a sa pesashke, im achi tok.

11. Yohmi na itiachi hosh ayvt okla ma, nan atoni v̄hleha hatuk kaniohmi kv̄t tv̄maha h̄a ona cha, nana kv̄t kaniohmi tuk a mominchit na holitompa isht asha pehlichī v̄hleha h̄a im anoli tok.

12. Mihma yv̄mmak ash osh hochitoka v̄hleha ai itapihv̄t

itvnaha cha, it im anumpulit okla in taiyaha mvt, tvshka chipota vhleha hash o tvli holisso lawa ka ima cha,

13. Nan im ai ithvna vhleha hv̄t ninak o ai vla cha, nusi hosh e maya takla ma, ant hukopvt ishit kvnia tuk oke, hv̄sh achashke.

14. Yohmikma ilvppak atuk mvt nahullo miko haksobish a afohka hokma, yvmmak oka e hopohlvchi cha, e hv̄chi hlakofichashke, achi tok.

15. Yohmi ma tvli holisso ash o okla ishi mvt, nan im abvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annohoa hoke.

16. Yohmi ma nan ithvna auah achvfa kash osh Kalili a ilhkolit, nv̄nih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Ūba yakni, micha yakni ilvppa aiena nan-isht im ai ahlika puta moma kv̄t v̄mmi toba hoke.

19. Yohmi hoka hv̄sh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena h̄o isht a hochifochit hv̄sh baptismo h̄onchashke:

20. Nan okluha ka nana h̄o hv̄chim apesa li tuk a holi-tobla he mak o hv̄sh im abahanchashke: yohmikma yakeh! vno vt hv̄chi awant aya li bilia h̄o, yakni vt ont ai v̄hla hi oke, achi tok oke. Amen.

# UBANUMPA MAK.

UT HOLISSOCHI TOK.

---

## CHAPTER I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yvmmak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kohchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onnvt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leposi vbi yo hlakofichi.

1. CHISVS Klaist Chihowa Ushi im vbanumpa ai ishtia vmmona kvv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kvv, Chitokaka ataya hi a apoksiachit i hina puta ka oh apissvlichí, ahan-chishke, achit hopaii vhleha i holisso ha a holisso tok ak o ai itilauí tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kositinchit baptisma hi a isht anumpohonli tok.

5. Yohmi ma Chutea yakni ai asha tuk, micha Chelusalem ai asha tuk aiena kvv, momvt yvmmak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup uskofvchi yo uskofaiyachi tok: mihmvt hawa, mi-  
cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Uno a a  
shahli fehna hosh auet siakaiyvt minti, yvmmak okvno vno  
vt i shulush isht-talakchi yak kia a hlipivt hotofi la he si  
ahoba keyu hoke.

8. Uno vto oka yo isht hvchi baptismochi li mvhli hatuk;  
amba yvmmak okvto Shilombish Holitopa yo isht hvchi  
baptismocha chi hoke, achi tok.

9. Atuk o nitak yvmma foka ka yakohmi tok: Chisvs vt  
Nasalet Kalili talaia ka vttvt mintit vla cha, Chatan ak o  
Chan a ai im a baptismo tok.

10. Micha oka ya ai vttvt kocha ia mak inli ho, vba shu-  
tik vt auet tiwa na Shilombish Holitopa yvt pvchi-yoshuba  
chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hvt auet takali kvv,  
Chishno ak osh Svso a holitopa chia hoke; chishno ak o  
nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yvt  
yakni haiaka ya pit chvffichi tok.

13. Yohmi na yakni haiaka yvmma nitak pokoli ushta ho  
ahanta na Setan vt imomaka pihisa tok; mihma napoa ok-  
pulo puta ka itintakla ahanta tok; mihma enchil vhleha  
hosh nan-isht im anta tok.

14. Chan vt aboha kvllo fohka ha yo, Chisvs vt Kalili a  
vla cha, Chihowa apehlichika isht anumpa hanta ya isht  
anumpohonli tok.

15. Mihmvt, Nana kvv ont aiahlit taha na Chihowa apeh-  
lichika yvt olanlosi vlvshke; ile kostininchit, vbanumpa ha  
ho yimmí, ahanchi tok.

16. Atuk osh Kalili okhvta lapalika ya aya mvt, Saimon  
vt itibapishi Antilu itatuklot, nvni-hokli yatuk okvt, nvni-  
isht-hokli a okhvta pit okvchi hosh abashwa na pisa tok.

17. Mihmvt Chisvs vt, Mintit vno ak o hvs si apeha na  
hatak hokli yo hvch ikbi lashke, im achi tok.

18. Yohmi ma mih-makinli ho i nvni-isht-hokli yash issa  
cha, iakaiyvt okla tok.

19. Mihma yvmmak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anuka ya nuni-isht-hokli aiskiachi hosh chiya na pisa tok.

20. Mihmvt mih makinli hō yvmmak ash o pit i howa tok; mihma yvmmak ash osh iki Sebete vt hatak ilhtohto vhleha hō iba taklvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avvchi ka okla anukhlakan-cha tok: yvmmak okvt nana kvv ai im vvhpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh asha tuk osh, tahpvlt,

24. Ikikke! Chisvs Nasalet ai vtta chia ha nanta hō isht e chi ahalaia cho? kvna hō chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukchintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpvla mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nanisht avvchi himona nanta mak oh cho? ai im vvhpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli hō yvmmak ash isht annoa kvv Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yō okla ont abeha tok.

30. Mihma Saimon tekchi ishki yvt-yvnha hosh itonla tuk o, ashalika yvmmak ash im anoli tok.

31. Mihma ona cha ibbak a halvllit, tanichi tok; mihma yvna hash osh ashalika shipa na nan isht im vta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk a, mominchit okla isht im ai vla tok.

33. Mihma tmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk a laua ho hlakofichi mvt, nan-isht-ahullo okpulo mvt laua ho kocha weli tok: mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tmaha maya kak o kil ohona na yvmmak ma vba isht ai anumpohonli lashke, yvmmak a he mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht ai anumpohonlit, nan-isht-ahullo okpulo puta ka kocha wihinli tok.

40. Mihma leposi vbi yosh ayvt im ona cha, i hvchukbihleptv im ilvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak a pit welit, potoli mvt, Ulhpesa ahni lishke; chi kashofashke, im achi tok.

42. Mihma anumpulit ont issa makinli ho, leposi ash ot ashalika i kvnia na yvmmak ash osh kashofa tok.

43. Mihma ik annoo ka hi a kvllochi fehna hosh yvmmak ash i mihvt taiyahli cha, ashalika kanima pit chvffichi;

44. Yohmi mvt ahah! aiahnit hatak kvna kia na chik im anolo kashke; amba chi hlakofi hokvt okla ha nan im atokowa chi ka, ia cha, na-holitompa-isht vta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yummak ash osh ia mvt, anoli fehvvt, nana kash kanima moma ai im annoachi, yohmi na Chisvs vt himmakma ile haiakvchit ayvt tmaha ha chukowa he keyu hosh, amba kochvt yakni haiaka yak o vtvtvvt aya tok : yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yo hlakofichi, 1 : 13 Chisvs vt Mahlu vt nan im ai ithvna toba chi ka i miha ; 15 micha pvblikan vhleha mikmvt nan ashvchi vhleha aiena ibai impa ka nan isht mihachi ma kaniohmi ho yohmi hatuk vt anoli. 18 Mihmvt nan im aiithvna vhleha ha nan ik hullocho hoka nan isht mihachi ; mihma yvm-mak ash osh ik yohmo kvv im ai vlhpesa atuk a miha mvt ; 23 nan im aiithvna vhleha ha nitak hullo kobvffi ho nan isht mihachit asha ma, yummak okvt nitak hullo kobvffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok : mihma aboha anuka asha ka annoa tok.

2. Yohmi ma ashalika lavvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa ha isht im anumpohonli tok.

3. Yohmi ma hatak vt palsi isht abeka ho ushtvt it i shoyulit, isht im vla tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok ; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma ! na chim aiashvchika puta kvv chi kashofa mak oke, im achi tok.

6. Yohmi kia na-holissochi vhleha kanimi kvv yumma binohmaya tuk vt, chukvsh anukaka isht anukfillit,

7. Na katihmi ho hatak ilvppvt yakohmichit Chihowa ik ahobalot anumpuli cho ? Kvta hosh nan ai aiashvchika puta ka kashofa hinla ho ? Chihowa ak illa keyu ?

8. Mihma yakohmichit okla im anukfila ka Chisvs vt ilap chukvsh ak inli ka isht akostinichi mvt, ashalika, Na katih-

mi ho ilvppa puta ka hvechi chukvsh anukaka isht hvchim anukfila cho?

9. Palsi isht abeka atuk a, Na chim ai ashvehika puta kv̄t chi kashofa hoke; im achi kak okmá, keyukmvt, Wakayvt, chi potvlhpo a sholi cha, nowá, achi kak okmá, kati-ma kak osh ahchiba kv̄t ik lauwo cho?

10. Yohmi kia Hatak Ushi vt yakni paknaka nan aiashvchika puta ka kashofa hi vt ai im vllhpiesa hatuk a hvsh akostininha chi kak o.

11. Palsi isht abeka yash o im anumpulit, Tanit, chi potvlhpo a sholi cha, chin chuka ish iashke; chim achi lishke, im achi tok.

12. Mihma ashalika yvmmak ash ot tanit, potvlhpo ash sholi cha, okla momvt pisa na kohchvt ia tok: yohmi na momvt nukhlakanha mvt, Nitak nan ash ilvppa chohmi na e pisa chatuk keyushke, ahanchit Chihowa ya pit holitoblichit tok,

13. Atuk o anonti kohchvt ia mvt, okhvta lapalika yo ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh aya mvt, Lefai Alfevs ushi vt tvli-holisso abohli a asha na pisa mvt, yvmmak ash o, Is siakaiyashke, im achi tok.

15. Atuk o yakohmi tok: Chisvs vt yvmma im aboha anuka ya impa hosh asha ma, pvblikan micha nan-ashvchi vhleha aiena kv̄t laua hosh Chisvs, micha nan im ai ithvna vhleha aiena ka takla binohmaya akinli tok: yvmmak okvt laua hatuk osh, okla apihvt aya tuk a tok.

16. Michā na-holissochi vhleha, micha Falisi vhleha aiena kv̄t, yvmmvt pvblikan vhleha, micha nan ashvchi vhleha aiena ka it ibai-impā na pisa mvt, nan im ai ithvna vhleha hash o, Katiohmi ho pvblikan vhleha, micha nan-ashvchi vhleha aiena kv̄no it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi a bvna keyu, amba abeka kak oke: nan-ashvchi ik im iksho vhleha ho hohoyot aya li tok keyu,



amba, nan-ashvchi vhleha yosh ile kostinicha chi kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakmveno okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht akvlli chatuk keyu: yvmmak keyukma, na hlilafa himona vlvkva atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlich na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kvv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kvv hohchevfo mvt, nana ka bvna cha, a katiohmi tok:

26. Michi na holitempa isht vta i shahli Abaiahla vt ahanta nitak a Chihowa im aboha ya pit chukowa cha, yvmma ai vpa he vlvpesa hatuk keyu, amba na-holitempa isht asha vhleha kak a he tuk a, pvska holitopa ya vpa mvt,

anonti apehvt aya tuk ma ipeta tok a himonna kia holisso hvch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vlhpisa a tok : hatak ak osh nitak-hullo ak o im vlhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

### CHAPTER III

Chisvs vt hatak ibbak shila hlakofichi, mihma yvmmak o Falisi vhleha hvt vbi bvna hatuk o Chisvs vt kochvt kvnia, 1; 10 mihma okla laua apehvt ilhkoli na lauachit hlakofichi. 13 Mihmvt anum-peshi auah tuklo ho atokoli. 20 Chisvs a i kanomi vhleha hvt tasimbo ho im ahoba, 22 mihma Falisi vhleha hvt Chisvs a ik ahobalot anumpuli; yohmi ma yvmma okla miha ka ahli keyu ka atokolit im anoli. 31 Kvna hosh Chihowa nana aiahni puta ka yvmohmi hokvt Chisvs a i kanomi fehna mak oke.

1. ATUK osh anonti sinakak a ont chukowa ma, yvma hatak vt ibbak shilvt illi yosh asha tok.

2. Mihma nitak-hullo nitak a hlakofichikma, nanakma, nan-vlhpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya wakayvt a hikia, im achi tok.

4. Mihmvt, Nitak-hullo nitak a nan achukma ho yvmohmi, keyukmvt achukma keyu ho yohmi kak okma; ilhfio-pak okchalinchi, keyukmvt vbi kak okma, nanta kak osh ai vlhpesa cho? im achi tok. Yohmi kia nan ik acho hosh maya tok.

5. Mihma okla chukvsh kvllo ka isht nukhaklot, ik im vlhpiesot filemvt pisa mvt, hatak ash o, Chisemochi, im achi tok. Mihma chisemochi tok; yohmi ma ibbak ash osh falamvt hlakofit in tvnvp ak inli ho chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kv yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hash

pehlichy cha, filvmmity okhvt a tok: mihma Kalily, micha Chutea aiena minty,

8. Michy Chelusalem minty, anonty Itumea, michy Chatan mish-tvnnvp minty, michy Taia, michy Saiton a fullota minty aiena okla chinty kvty nan aiyaka fehna ka yvmihchy hq okla haklo mvt, iakaiyvty okla chinty fehvty im ay ona tok.

9. Mihma okla laua hokvty ik atehlefo ka chy kak o, peny vty im vltaha chy kvty, nan im ay ithvna vhleha ha i miha tok.

10. Lauachity hlakofichy hatuk; yohmy hatuk oka, nan i palummit aiasha atuk vty momvty yvmmak ash halely bnnvty okla a hvhlichy tok.

11. Mihma shilombish okpulo puty kvty yvmmak ash pisy mvt, itikba aka hlipkvchy mvt, tahpahanvty, Chishno ak osh Chihowa Ushy chy mak oke, achy tok.

12. Mihma yvmmak ash ot ilap a ik otvnycho ka chy ka, yvma kvlochity im apesa tok.

13. Mihmvy nvnih chaha yo ont oiyay cha, kvna hq ilap aiahny hosh hoyo na, okla im ay ona tok.

14, 15. Mihma tohno na yvmmvty ilapay aphevty aya chy, vbanumpa isht ahanta he; michy abekay puty hlakofichity, nan-isht-ahullo okpulo kochay welay he aienay kvty, ay im vlvpesay chy kay auah tuklo hq atokoly tok.

16. Mihmvy Saimon atuk a Pity hochyfo tok.

17. Mihmvy Sebety Ushy Chemis ityapishy Chan itatuklo, yvmmak ash o Boaneches hochyfo, yvmmvty Hilohay ushy, achy hoke.

18. Mikmay Antily, mikmvy Fillipy, michy Bahlolomy, mikmvy Mahly, michy Tamay, michy Alfevy ushy Chemis, mikmvy Tatevy, michy Kenan hatak Saimon aienay,

19. Mikmvy yvmmak ash ishyt inlay im issay tok Chutasy Iskalyoty vty aienay tok: mihmay chukay chukoway tok.

20. Mihma okla laua yash osh anonty ant ay itahobay nay ilhpak ak kyay oklay vpay he keyuy kay chohmy tok.

21. Yohmy may i kanomy vhlehay hvty haklo mvt, Tasimbo hoke, achy chy, hoklay chy hosh oklay ilhkoly tok.

22. Atuk o nay holissochy vhlehay Chelusalem minty tuk

ash osh, Beelsebub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yvmmak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho ?

24. Micha apelihchika achvfa kvit it a kashapvt ilap ash inli it im i sanali hokmvt, apelihchi achvfa yvmmak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yvmmvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu: vmmona hak o hatak hlampko yak o takchi ho keyukmvt; amba yvmmak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvit i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yvmmvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvit ai vla cha, kocha ya ont hiohmavvt, inla atohnot yvmmak ash pit hoyo tok.

32. Mihma okla laua vt a fuloblit binohmaya tok; yvmmak ash osh, Yakeh! chishki micha chitibapishi vhleha aiena kvit kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho ? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yvmmak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vllhpisa; micha kaniohmi kak o Chisvs vt nan isht vllhpisa ho isht anumpuli, 1; 14 na hokchi isht vllhpisa yvt atokovt annoa. 21 Kvna hosh Chihowa im anumpa ha ithana hokvto, ai ithana kvt inla asha ka im avcha he tuk: 26 vbanumpa hanta hatak chukvsh a fohka hokvt na-nihi yakni a holokchi yvmak oka yakohmi hosh ahni keyu kia, offot mahayvt waya cha, vlmo ona chatuk a chiyuhmi hoke: 30 micha mvstvt nihi ak o it vllhpisa akinli. 35 Chisvs vt kocha umba, mahli kvllo ka im anumpulit yukobli.

1. ATUK osh anonti okhvta lapalika ya nan ai im avchit ahanta tok; yohmi ma okla chinto fehna kvt im ai itahoba: yohmi na yvmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli ho maya tok.

2. Mihma nana ka lauachit nan-isht vllhpisa ho isht im abahanchi tok: mihmvt nan isht im avchi kvt;

3. Inta! ho haponaklo; na-hokchi vt na-hokcha chi hosh ia tok oke.

4. Atuk o hokchi ma, yakohmi tok; kanimi kvt hina lapalika yo kaha tok; yohmi tuk o vba hushi puta kvt ant vpvv tahli tok.

5. Mihma kanimi kvv tvi foka yakni asha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. Yohmi kia hvshi vt kohcha ma, anakshvvt hakshish vt iksho hatuk okvt, bvshit kvnia tok.

7. Mihma kanimi kvv kvv foka yo kaha tok: atuk o kvv vt offo cha, ai olvbi na ik wayo ki tok.

8. Mihma inlaka yvto yakni achukma yo kaha tuk osh, offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tahlepa avvfa vnit waya tok.

9. Mihmvt, Kvna hosh haksobish isht haponakla hi vt i hinlikmvt, haklashke, im achi tok.

10. Atuk o ilap banot asha ma, yvma aiasha tuk vt

auah tuklo kash it apeha cha, nan-isht vlhpisa hash im a ponaklo tok.

11, 12. Hvchishno ak okvto Chihowa apehlichika nan ik otano ka hvsh ithana hi vt a hvchim vlhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinincho ka he mak o, ilvppa puta kv̄t nan-isht vlhpisa hō ai im vlhtaha hoke: yvmmak keyukma nitak kanima ka chukvsh vt inlv̄t toba cha, nan im ai ashvchika puta kv̄t i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano cho? mih kv̄to katiohmi hosh nan-isht vlhpisa puta moma ka hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hv̄t a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli hō Setan vt vl̄t chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tv̄li foka yakni a holokchi mak oke: yvmmak okv̄t vbanumpa hā haklo mvt, ashalīka na-yukpv̄t ai okpv̄chi hoke.

17. Yohmi kia ilap hakshish vt ik im iksho, yohmi hokv̄t chekosi takla kak bano hō kv̄llot hiohmaya hoke: atuk mvt vbanumpa pulla hatuk mak o nan ilbv̄sha, keyukmvt na-palv̄m̄mi kv̄t ashakma, chekosi mak inli hō ibetv̄bli chatuk oke.

18. Mikma yakohmi kak osh kv̄ti foka yo a holokchi mak oke.

19. V̄banumpá hā haklo; yohmi tukmvt yakni ilvppa nan isht im anukfila, micha nan in laua bv̄nna kv̄t isht ashvchi, mikmvt nana inla puta ai anushkunna aiena kv̄t ibai alota cha, vbanumpa hash ai olv̄bit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa hā haklo mvt, yvmmak ash yimmi cha, vnit wayvt, kanimi kv̄t achvfa tuk vt pokoli tuchinakma; kanimi kv̄t pokoli hannali; anonti kanimi kv̄t tahlepa achvfa ona hoke, im achi tok.

21. Mihmvt, Pv̄la hā tanchi isht-vlhpisa nutaka, keyuk-

mtv topa nuta yokmá, nana hō talali cha, ai-ō hikia ik o hi-lecho ka hi o toba hō?

22. Nana kvv ik otano ka hi osh luma kvv ikshokma, anonti nana kvv ik haiako ka hi osh luma tuk vt iksho, amba haiaka he ak o bano hoke.

23. Hatak nana hosh haksobish isht haponakla hi vt i hinlikmtv, haklashke, im achi tok.

24. Mikmtv, Nana hvsh haklo kvv ahah! hvsh aiahnashke: nan-isht vllhpisa nana hō isht hvsh apesa tuk mvt, hvchishno vt isht hvchim vllhpisa hi oke; mikma na haponaklo hvchia hoka i shahlit hvchim ivllhta hi oke.

25. Kvna hosh ishi hokmtv, mihi yosh im ivllhta he; mikma kvna hosh ik im iksho tuk ma, mihi yō ishi tuk ash kia im ai isha hi oke, im achi tok.

26. Mihmtv, Chihowa apehlichika yvt hatak osh na-nihi o yakni anuka pit hokechi:

27. Yohmi cha ninak a nusit, nitak ma tahanikma, nan-nihi ash ot offot hofantit taiyaha ka, yakohmi kak osh ik aiahno;

28. Yakni ak osh ilap inlit wayachi hoka: vmmona ka vpi atuk mvt, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vlmo ona hatuk oka, ashalika isht-vlmo isht iba chukowa chatuk ak o chiyuhmi hoke, achi tok.

30. Mihmtv Chihowa apehlichika ya nanta hak o ohmichit, nan-isht vllhpisa nanta mak o il ai itilauecha chi cho?

31. Mvstv nihi yvmmak okvt yakni anuka a holokchi kvv, na-nihi yakni paknaka moma ka iskitini kvv ik lauwo;

32. Yohmi kia holokchi mvt, offot isht mahayvt, chito kvv haiyukpulo moma imaiya ma, naksish vt hochitot filamohli: yvmohmi na vba hushi puta kvv hoshontika nutaka a nusi ka chiyuhmi hoke.

33. Mihmtv ai akostinicha hinla ka, anumpa hash nan-isht vllhpisa yvmma chohmi ka lauachit isht ai anumpohonli beka tok.

34. Amba nan-isht vllhpisa hō keyukmvno ik im anum-

pulo; micha ilapo banot maya hokma, nan im ai ithvna vhleha ha nana moma ka achukmalit im anoli beka tok.

35. Atuk osh nitak yvmmak atuk vt ont opivt taha ma, yvmmak ash o, Misha tvnrvp ak o pit keho hlopullí, im achi tok.

36. Mihma okla laua kash kanima pit yuhli mvt, yvmmak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvv kocha: yohmi na oka banvtha kvv peni ash ai-issot pit vlvpihinta ma, polaka alota tok.

38. Mihma yvmmak ash osh nusi hosh peni asha ka pilla ho vlvpishi on itonla tok: atuk o okla ont okchvli mvt, Nan ithvnanchi ma! pilla chi ka nan-isht chik ahno cho? im achi tok.

39. Mihma wakaya cha, mahli hash im alvmmmit okhvta hash, Nuktanlvv lumvt ish talaiashke, im achi tok. Mihma mahli hvv issa na yokopa achukmvt talaia tok.

40. Mihma, Na katihmi ho hvchi nukshopa fehna cho? na katihmi ho na-yimmi kvv ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katiohmi mak atuk a mahli, micha okhvta aiena kak kia im antia cho? im achit maya tok.

## CHAPTER V.

Chisvs vt nan-isht-ahullo okpulo laua ho kohchichi, 1; 13 mikmvt shukha aya achvfa ho ont abeha chi ka im ahni. 25 Chisvs vt ia cha ushetik a ont hlakoficha chi ho Chailvs vt im asilhha: mihma ia tuk osh takla ya ohoyo issish ont ia isht abeka yo hlakofichi, 35 mihmvt Chailvs ushetik vt illi tuk a falaminchit tanichi.

1. **ATUK** osh okhvta hash mish tvnrvp pit tanvblit Katalenes yakni a okla ona tok.

2. Mihma yvmmak ash ot peni kohchvt ia kash o chekosi ma, hatak vt shilombish okpulo ai i foka hosh, yvmmak



okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli yoka isht takcha hi o keyu tok.

4. Yvmmak okvt iyi isht talakchi, micha tvli itatakvli aiena ka isht talahakchi kvv, tvli itatakvli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostinicha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt avvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokpvchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik sulbvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hvv hatak yvmma ish a kohchashke, im achi ha tok.

9. Mihmvt i ponaklot, Chi hohchifo hvv nanta hoh cho? achi tok. Mihma afalaminchi mvt, Pi laua hoka, sa hohchifo hvv Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvmma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vlvhpesa im ahni tok. Yohmi ma nan-isht ahullo okpulo vvhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmmvt tahlepa sipokni tuklo foka tuk osh, yihlepa fehvt sakti chaha yo okhvta ha pit ai oka kahvt oka ai illi tok.

14. Mihma shukha laua ya impvchit maya tuk ash ot yihlepvv, vmaha, micha haiaka asha tuk aiena ka ont okla

anoli tok: yohmi ma nana mak osh yvmohmi tuk okma pisa chi hosh ilhkoli tok.

15. Atuk osh Chisvs a okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh aasha na, okla pisa tok; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk; mihma shukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yvmmak ash o okla im asihihla tok.

18. Yohmi na peni a ont chukowa ma, nan-isht-ahullo okpulo ai i foka tuk ash osh awant aya hinla kvv im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chi nukhaklo cha, na chinto fehna ka a chim ataiyahli tuk a chi kanomi vhleha ha ish im anolashke, im achi tok.

20. Mihma filvmmmit ia mvt, na chinto nana mak o Chisvs vt im a tahli tuk a Tekapolis a ai anohonli tok. Yohmi ma okla momvt nukhlakancha tok.

21. Mihma Chisvs ash ot peni fohka cha okhvta in tvn-  
nvp ash inli ho pit tanvbli ma, okla laua hosh im itahoba tok; mihma okhvta pit bilika ho anta tok.

22. Mihma sinakak apesvchi vhleha achvfa Chailvs hoh-  
chifo hosh vla cha, yvmmak ash ant pisa mvt, iyi ituma ya hlipvt,

23. Im ilbahasha fehnvt, Svso tek iskitini vt illi mak osh itonlvshke: ish ona cha, hlakofa he mak o chibbak a ont isht ish umbitepa hokbano chim ahni lishke: yohmikma okchaya he banoshke, im achi tok.

24. Mihma Chisvs vt awant ia tok: mihma okla laua kvv a hahlhinchit apehvt aya tok.

25. Atuk o ohoyo achvfa hosh yvmmvt issish ont ia vbi tok a afvmmi auah tuklo;

26. Yohmi hatuk o alikchi lava ka nan isht i palvmmi ai im a pisvt, nana im aasha tuk vt moma kampilvt tahli; yohmi

kvt achukma hi vt iksho, amba okpulo kvt i shaht ia bano tok.

27. Atuk osh Chisvs a haklo mvt, okla itakantvli ka asha ka imma yo ont chukowvt, im anchi ya ont potoli tok.

28. Yohmi kvt im anchi ak illa ho ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika shipa tok : mihma ililli yvmmak atuk a a hlakofi kvt ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a kohcha kvt mih-makinli ho akostininchi hatuk osh, okla laua itintakla ash a filemovt, Kvta hosh vm anchi ya potoli cho? achi tok.

31. Mihma nan im ai ithvna vlheha hvt, Okla laua hvt chi a kantvilit kvnia ka ish pisa kvt, Kvta hosh sa potoli cho? ish achi ha cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshovt vwnihinchi hosh vlv, itikba ya ant hlipia mvt, ai ahli mak o im anoli tok.

34. Mihma yvmmak ash osh, Svso tek ma! na chi yimmi yak osh chi hlakofichi hoke; nuktaiyalvt, micha ililli hatuk a ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi a ish im ahchibali na himak a cho? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta na; amba na chi yimmi kak illashke, im achi tok.

37. Mihmvt hatak nana kia apehvt aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi h<sub>o</sub> yakohmit yahapvt, yaiyvt hvsh aiasha cho? ohoyo himita vt illi h<sub>o</sub> keyu, amba nusi hoke, im achi tok.

40. Mihma ishit yopulvt olvli tok. Yohmi kia yvmmak ash o mominchit kocha welit tahli mvt, ohoyo himita i<sub>ki</sub> micha ishki itatuklo, mikmvt apehvt aya tuk ash aiena h<sub>o</sub> pehlichy cha, kanima ohoyo himita vt ai itola kash pit chukowa tok.

41. Mihmvt ohoyo himita yash ibbak a ont halvli mvt, Talihla kumi, im achi tok; yvmmv<sub>t</sub> toshowa kv<sub>t</sub>, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vtta tok afvmmi auah-tuklo hatuk okvt. Yohmi ma nukhlakancha chinto fehna okla nukhlakancha tok.

43. Yohmi ma yvmmak oka hatak nana kia ik akostinincho ka hi a i miha tok; mihmvt nanasi kia i hoyo na impa hinla ka miha tok.

## CHAPTA VI.

Chisvs vt vbanumpa isht anumpohonli: yohmi ma im ai okla achvfa yvt kaniman<sub>chi</sub>, 1. 7 Vbanumpa isht anumpula chi ka im anumpe-shi auah<sub>tuklo</sub> ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan a aboha kvllo fohki; atuk osh tekchi ash osh anukfohki<sub>chi</sub> h<sub>o</sub>, noshkobo tvbli tok. 30 Im anumpe-shi v<sub>h</sub>leha hv<sub>t</sub> falamvt Chisvs a im ai ona: 34 Chisvs vt hatak tahlepa sipokni tahlapi h<sub>o</sub> nan im avvchit ahanta mvt, pvska lumbo tahlapi, micha n<sub>v</sub>ni tuklo aiena tuk a okla ha impvchi.

1. ATUK osh yvmmak ash vttvt ia mvt, ilap i yakni ash inli h<sub>o</sub> ona; yohmi ma nan im ai ithvna v<sub>h</sub>leha hv<sub>t</sub> apihvt aya tok.

2 Atuk o nitak-hullo nitak ai ona ma, sinakak anukaka yo nana ai ithvn<sub>an</sub>chi tok; mihma yv<sub>mm</sub>a haklo mvt, lauv<sub>t</sub> nukhlakancha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yvmmv<sub>t</sub> anukfohka tuk o, nafehna yakohmi puta kv<sub>t</sub> ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu ho? mikma in tek vhleha mvt ilvppa pi takla maya keyu ho? achi tok. Mihmvt yvmmak ash o okla isht ai ibetvbli tok.

4. Yohmi kia Chisvs ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yvmmak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa ho ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tmahushi taloha ka fullokvc hit ayvt nan-ithvnanchi tok.

7. Atuk osh auah-tuklo kash o hoyo cha, tuklo aiyukachit kanima pit tihleli mvt, nan-isht-ahullo okpulo vhleha ha ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli ho-lisso kia i shukcha ya ik foko ka he;

9. Amba shulush ak o honla he; mikmvt nafohka lumbō tuklochit ik fohko ka chi ho im apesa tok.

10. Mihmvt peh kanima yo aboha ya ont hvsh chukowakmvt, yvmmak o hvsh ai ahashwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yvmmak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi asha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tmaha yvmmak atuk a i shahla hi oke im achi tok.

12. Mihma ilhkoli mvt, hatak puta kvv ile kostininha he ak o isht anumpohonli tok.

13. Michā nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kv̄t kanima annoa kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk o na-fehna puta kv̄t yvmmak ash o ai isht il otvnihinchishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii v̄hleha ha tok achv̄fona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tv̄bli li chash oka: illi tuk vt tani hoke, achi tok.

17. Helot vt itibapishi Filip a tekchi, Helotias ak atuk pulla mak o, ilap inlit pit on tihlelit, Chan a ishit takchi mvt, aboha kv̄llo fohki tok: yvmmak oka itauwaya tuk okvt.

18. Chan vt Helot a, Chitibapishi tekchi a ish itauawaya hi a chim v̄lhpesa keyu hoke, im achi tuk a tok.

19. Yohmi hatuk o Helotias vt yvmmak ash o i nukkilli cha, v̄bi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai v̄lhpiesa, micha ai ahli achukma hoka ithana hatuk osh, holitoblit nan ik i kanihmo ka hi a ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukpv̄t i haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai vtta tok nitak o i hochitoka v̄hleha, kv̄pitv̄ni hochito, mikmvt Kalili i holitompa v̄hleha aiena ka opiaka impa im ikbi tok.

22. Atuk o Helotias yvmmak ash ushitek vt ant chukowa cha, hihla ma, Helot micha apehv̄t binohmaya tuk aiena kash ot na-yukpa ma, miko yash ot ohoyo himita ash, Peh nana ho ish ahni cha is sv̄m asilhhakma, chima lashke, im achi tok.

23. Mihmvt anumpa kv̄llo im isht il ai onochit peh nana ho is sv̄m asilhhakma, apehliechi li iklv̄nna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash o,

Nanta hak o asilhha la chi cho? ont im achi ma, yvmmak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is svma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kvllo ikbi tuk pulla, micha apehvt binohmaya hatuk pulla mak o ik im ai ahlo ka hi a ik ahno ki tok.

27. Mihmvt miko ash ot ashalika nan-atoni pit chvffichi mvt, noshkobo ya isht vla hi a im apesa tok; mihma ia mvt, aboha kvllo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvvt illi haknip ash ishit, hatak illi aiasha y bohli tok.

30. Mihma anumpeshi vhleha hash ot Chisvs a ant im ai itahoba cha, nana ka a kaniohmi tuk, micha nan avvchi tuk puta ka mominchit im anoli tok.

31. Mihma yvmmak ash o, Hvchishno banot filvmmmit haiaka oh ia cha, chekosi takla ka mayvt ho fohá, im achi tok; lauvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lauua tok: micha tvamaha puta ka a kohchvt aka itvnowa hosh yvmmak ash pit yihlepa tuk osh, yvmmak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lauua fehna ho pisa mvt, chukfvllhpoba yosh apesvchi iksho ho itilauui hatuk o i nukhaklo tok: mihmvt himona nana ka lauua-chit im avvchit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tvmahushi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipeta, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesa, achi ma; okla pisa mvt, Tahlapi cha, nvti tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohlicha chi ka, im apesa tok.

40. Mihma tahlepa achvfa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvti tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvti tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvti pit aiena kvv kishi auah-tuklo ho ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tihlelit anta takla ma, nan im ai ithvna vhleha hash osh peni pit vlhto cha, tikba ivt mish tvnvp Betsaita okla ona chi ka, mih makinli ho i miha tok.

46. Atuk osh okla hash kanima pit tihleli mvt, vba pit anumpula chi hosh nvti chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvllo fehnvt aiasha na pit pisa tok: atuk osh ninak isht vlpisa



ont ai ushta foka h<sub>o</sub> okhvta paknaka y<sub>a</sub> a noh<sub>o</sub>wvt, ayvt im ona, yohmi kv<sub>t</sub> ont ia hi a aiahni tok.

49. Yohmi kia yvmmvt okhvta paknaka y<sub>a</sub> a noh<sub>o</sub>wvt aya na okla pisa mvt, shilup atuk o okla im ahoba mvt, tahp<sub>v</sub>la tok.

50. Momvt okla pisa hatuk osh komunta lia tok. Mihma ashalika pit im anumpulit, Hvchi nuktanla achukmashke. Ūno ash sia hoke, hvchi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakanha atampa fehna mvt, okokko! aiahni tok.

52. Yohmi kv<sub>t</sub> okla ak osh chukvsh kv<sub>l</sub>lo hatuk osh, pvska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesalet yakni a okla ai v<sub>l</sub>a mvt, v<sub>h</sub>li h<sub>a</sub> ont ataiyvli tok.

54. Mihma peni ash okla a kocha wiha ma, mih makinli h<sub>o</sub> yvmmak ash okla pit ithana tok.

55. Mihmvt yihleptv<sub>t</sub> yakni auet a bilika ka mominchit hlopullit ayvt, abeka puta tuk ash topa onochit sholit, yvmmak ash osh kanima y<sub>o</sub> anta na haklo mvt, isht itvnowa tok

56. Mihmvt tvmahushi, okmá, keyukmvt, tvmaha chito yokmá, yakni kocha yokmá nana peh kanima y<sub>o</sub> ona hoka, abeka y<sub>a</sub> okla ai itvnaha y<sub>a</sub> ashachi mvt, yvmmak ash o im ilefoka a aposhokvchi ak oh kia okla potola hinla ka, okla im asilhha tok: mihma yvmmak ash okla potonli aiyuka hokvto, momvt hlakofi tok.

CHAPTA VII.

Chisvs nan im ai ithvna v<sub>h</sub>leha hv<sub>t</sub> ibbak ik ahchifo hosh isht impa ka, Falisi v<sub>h</sub>leha hv<sub>t</sub> nan isht mihachi, 1; 8 mihma ilap ak osh anumpa kochanli nan v<sub>h</sub>lpisa tikba in tonla cha, Chihowa i nan v<sub>h</sub>lpisa h<sub>a</sub> isht kobvffi hatuk a Chisvs vt atokolit im anoli: 14 yohmi kv<sub>t</sub> nana hosh hatak chukvsh a a kocha ilvppak osh hatak a okpvni hoke, achi, 24 Chisvs vt Silofenician ohoyo ushetk a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi kanoimi Chelusalem minti tuk aiena kv̄t ant im ai itahoba tok.

2. Atuk osh nan im ai ithvna vhleha kanimi kv̄t, ibbak liteha yo, yvmmvt ibbak ik ahchifo kak o miha, pvska isht vpa hosh maya na pisa mvt, nan isht a mihachi tok.

3. Yohmi kv̄t Falisi vhleha, micha Chu okla moma aiena kv̄t in tikba vhleha nan im vlhpisa halanli fehna hatukosh, achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit v̄la kv̄t, ibbak achifa ha yo keyukmvt, impa keyu beka tok. Michā nana inla ishtishko, micha ampo, mikmvt asonak lakna, anonti aiimpa achifa aiena ka a puta chohmi nan-isht-a hullocha he im vlhpisa tok vt lauvt asha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hv̄t pin tikba vhleha nan im vlhpisa ya ik halanlo hosh, amba ibbak vt ahchifa keyu ho pvska isht vpa cho? achi tok.

6. Mihma afalaminchi mvt, Nan ilahobi hv̄chia ha vlhpisa ho tikbanli Esaias vt isht hv̄chi anohonli tuk vt, okla ilvppvt iti-v̄lbi yokvno isht sa holiobli kia, chukvsh okvto auet a hopakishke.

7. Yohmi kia nana av̄vchi kv̄t hatak i nan-vlhpisa yo ithvnanchi hokvt, nana vlhpesa hi o keyu ho okla si aiokpalanchishke, achit holissochi tok.

8. Yohmi kv̄t Chihowa i nan-vlhpisa hoka naksika pit hv̄sh bohli cha, hatak i nan-vlhpisa, ampo, micha ishtishko aiena achifa ho hv̄sh halanlishke; yohmikmvt nana yvmma ai itilau ka hv̄sh a yvmohmi kv̄t lauvshke, im achi tok.

9. Mihmvt hv̄chishno hv̄chi nan vlhpisa ya hv̄sh ai ahlichā chi kv̄t, Chihowa i nan-vlhpisa ya aiahli hosh hv̄sh shiti-lemvshke.

10. Moses okvto, Chiki, micha chishki aiena ka ish holioblashke: yohmikma, Kvna hosh iki okmá, keyukmvt ishki

okmá, nana h<sub>o</sub> shitilemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vlpisa hoke, achi mak okvt nan ik i kanihmo kashke, hvsh achi;

12. Yohmikmvt himmakma iki, ishki ita tuklo ka nana kia isht im vtta hi a hvch ik im ahnot,

13. Hvchin tikba vhleha i nan-vlpisa isht hvsh avvchi pulla hosh Chihowa im anumpa ha hvsh akshochishke; micha nana yvmma ai itilau ka a hvchi yvmohmi kv<sub>t</sub> lauvshke, im achi tok.

14. Micha okla hash mominchit hoyot itahobit taiyahli mvt, Hvsh moma kv<sub>t</sub> hv<sub>s</sub> sa haponaklot, hvsh akostinin-chashke.

15. Nana hak osh kocha mayvt hatak a itih fohka kv<sub>t</sub>, okpvna hi vt ikshoshke: amba nana kv<sub>t</sub> a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vtvt aboha ont chukowa ma, nan im ai ithvna vhleha hash osh nan-isht vlpisa kash isht im a ponaklo tok:

18, 19. Mihma, Hvchishno ak kia na hvch ik akostinincho fehna akinli h<sub>o</sub>? peh nana hosh kocha mayvt hatak a itih fohka kv<sub>t</sub> okpvna he keyu, chukvsh ak o pit chukowa h<sub>o</sub> keyu hokvt, amba takoba yak o ont chukowa tuk mak osh, anonti a hlopulli kv<sub>t</sub> ilhpak moma ka ai it im vhpesvchi ka hvch ik akostinincho cho? achi tok.

20. Mihmvt, Nana kv<sub>t</sub> hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfla okpulo, haui puta, ohoyo ik im iksho, micha hatak ik im iksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, haui anukfohka, nishkin isht ik ai

vlhpeso, Chihowa ik ahobalo, ilefehuvchi, im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak ō asht kohcha hosh hatak ā okpvni hoke, achi tok.

24. Mihmvt yvmmak ash asht wakaya mvt, ivt Taia micha Saiton aiena yakni vhli hā ona cha, aboha ont chukowa mvt, hatak nana kia ik akostinincho ka hi ā ahni tok; yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish okpulo ai ī foka hatuk ō, yvmmak ash pit haklo mvt, onvt iyi ituma yā hlipia tok oka.

26. Ohoyo hv̄t Klik osh Silofenisian im okla ai achvfa a tok: mihmvt ushetik ā na-shilombish okpulo ā ai ishit ī kohcha hinla ka yvmmak ash ō im asilhha tok.

27. Yohmi kia Chisvs vt, Ulla vhleha ak osh tikba kaiya ha yō; vlla vhleha ī pv̄ska yā ishi cha ofi puta ka pit ī pila he vlhpesa keyu hoka, im achi tok.

28. Mihma afalaminchi mvt, Ahlishke Chitokaka ma! yohmi kia ofi puta kv̄t ai impa nuta yā vlla vhleha im pv̄ska boshulli yak ō ai vpa chokvmo, im achi tok.

29. Mihma yvmmak ash ō, Anumpa ilvppa pulla hatuk mak ō ish iashke; chiso tek ā nan-isht-ahullo okpulo vt a kohcha hoke, im achi tok.

30. Atuk ō ilap in chuka yash ona mvt, nan-isht-ahullo okpulo vt a kohcha tuk ō, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni ā iklv̄nna hlopullit ayvt Kalili okhvta hā ona tok.

32. Mihma achvfa hosh ik haponaklo, micha anumpuli anuktuklo aiena hatuk ō yvmmak ash isht im v̄la; yohmi mvt yvmmak ash ō ibbak ā isht umbitepa hinla ka, okla im asilhha tok.

33. Mihma yvmmak ash ō okla laua yā a kohchit nak-sika isht ona cha, haksobish ā ibbak ushi pit hiohlichy mvt, tofa cha, isunlvsh a pit halelichy tok.

34. Mihmvt, pit vba chakalit pisa mvt, hihvt, Effahlá, im achi tok: ymmut ish tiwashke, achi hoke.

35. Mihma ymmak ash osh ashalika haksobish vt wakama ma, anonti isunlvsh isht talakchi vt yuhapa na kohchi achukmvt anumpuli tok.

36. Yohmi ma hatak nana kia okla ik im anolo ka chi ka, im apesa tok. Yohmi kia i shahlichit im apesa kak o, anonti okla anoli kv̄t isht i shahli fehna tok.

37. Mihmvt nukhlakancha kv̄t atampa fehna mvt, Yvm-mak okvt nan okluha kv̄t vlpesa bano ho yvmihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvni chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha ha nan isht ai atokowa ya i haiakvchi ik bvnno; 14 mihma nan im ai ithvna vhleha hv̄t Falisi vhleha, micha Helot aiena i na-pvska ishit-shatvmmi a ahah! okla im ahna chi ka i miha. 22 Betsaita ya hatak lvpa yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi puta ma e pihisa chi hokvto ik pi nukwaiyo ka hi a, Chisvs vt pim abahanchi.

1. NITAK ymma foka ma okla hv̄t laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,

2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kv̄t okla ik impo ho in chuka ya pit yuhli li hokma, kanimi kv̄t mishema ho minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fibobla hinla ho? im achi tok.

5. Mihma i ponaklot, Pvska yvt katohmi ho hv̄sh ishi ho? im achi ma, Untuklo, achi tok.

6. Mihma okla hvt binohla chi ka apesa tok; micha pvska untuklo kash ishi cha, vba pit aiokpuchi cha boshullichi mvt, okla ha itikba in talohla chi ho nan im ai ithvna vhleha hash ima ma, yvmmak ash osh okla hash itikba in talohli tok.

7. Michā n̄vni chipunta kanomosi ka okla isht aya tok; atuk o yvmmak ash o vba pit isht aiokpuchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok: mihma ilhpak boshulli atampvt asha ka kishi untuklo ho okla ishi tok.

9. Mihma okla impa tuk vt tahlepa sipokni ushta foka tuk a tok; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi ho ona tok.

11. Mihmi Falisi vhleha hvt ayvt ai v̄la cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma ho hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kv̄t pvska achvfa ka ont ia keyu ho okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisvs vt akostininchi mvt, Na katihmi ho pvska vt ik hvchim iksho kak atuk a hvsh miha cho? hvch ik akostinincho, mikmvt hvch ik ithano aiena kv̄t moma ho? hvchi chukvsh vt kullo kv̄t moma ho tuma!

18. Hvchi nishkin vt asha kv̄t hvch ik peso cho? micha hvchi haksobish vt hinli kv̄t, hvch ik haponaklo h̄o? mikmvt hvch ik ithano cho?

19. Pvska tahlapi h̄o hatak tahlepa sipokni tahlapi ka in tushahlichī li ma, boshulli vt kishi alota katohmi h̄o hvsh ishi ha tok o? im achi ma, Auah-tukló, okla achi tok.

20. Anonti tahlepa sipokni ushta ma, untuklo tuk a a boshulli vt kishi alota katohmi h̄o hvsh ishi ha toko? achi ma, Untuklo, im achi tok.

21. Yohmi ma, Katiahmi h̄o na hvch ik akostinincho hoh cho? im achi tok.

22. Atuk osh Betsaita v̄la; yohmi ma hatak l̄pa ȳo okla isht im ona mvt, yvmmak ash potola ch̄i ka im asilhha tok.

23. Mihma hatak l̄pa yash o ibbak a halv̄lli cha, tv̄maha h̄a ishit kohcha; yohmi mvt nishkin a im on tofa cha, ibbak a isht umbitepa mvt, Nanasi kia ish pisa cho? achit i ponaklo tok.

24. Mihma v̄ba chakali mvt, Hatak vt iti yak o chohmi hokak osh itv̄nowa h̄o pisa lishke, achi tok.

25. Yohmi ma anonti nishkin ash o ibbak isht umbitepa mvt, v̄ba chakalichi tok: mihma hlakofi cha, hatak moma ka p̄isa achukma tok.

26. Mihma in chuka pit chv̄ffichi mvt, Tv̄maha h̄a ont chik chukowokmvt, anonti tv̄maha āsha ka achv̄fona kia chik im anolo kashke, achi tok.

27. Mihmvt Chisvs vt nan im ai ithv̄na vhleha h̄a ai itapehvt kohchvt ivt, tv̄maha Sesalea Filippi ya ona tok: mihmvt takla ya nan im ai ithv̄na vhleha hash i ponaklot, Okla hv̄to kv̄ta sia h̄o miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kv̄to Hopaii vhleha ha tok achv̄fona mak oka, achi hoke, achi tok.

29. Mihma, Amba hvchishno v̄to kv̄ta h̄o hv̄s si achi h̄o? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yv̄mma hatak nana kia ik im anolo ka ch̄i ka kv̄llochit i miha tok.

31. Mihmvt Hatak Ushi vt nan-isht ai ilbvsha in laua chi, micha hochitoka vhleha, mikmvt na-holitompa isht a<sub>u</sub>sha pehlichy vhleha, anonti na-holissochi vhleha aiena ka ai im a kvllakshit illa he ; atuk mvt nitak atuchinakma anonti tana hi a isht im avvchit isht ia tok.

32. Mihmvt anumpa yvmmak ash o haiakvchit anumpo honli tok. Mihma Pita yvt halvli cha, im alvmmmit isht ia tok.

33. Yohmi ma yvmmak ash osh filemvt nan im ai ithvna vhleha hash pisa mvt, Pita yash im alvmmmit, Setan chia hvv vm ashaka yo ish hikiashke : chishno vto Chihowa ai im anukfila hano ish ahninchy keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chikmvt, ik ile holitoblot im ititaiyukhvna ma sholi cha, siakaiyashke.

35. Kvna hosh ilap im ilhfiopek a okchalinchi ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfiopek a kanchy hokvto, mihi yosh okchalincha hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinla cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholitopa il ai ishit, enchil holitopa vhleha aiena pehlichit avvt vlakmvt, i hofahya ak inla hi oke, im achi tok.

## CHAPTER IX.

Chisvs vt nvnih chaha oiyvt pakna ont hikia mvt inlvv toba, 1 ; 11 mikmvt Elias vt vla he achi chatuk a, Chan Baptist ak osh mih mak atuk o anoli ; 14 mihmvt hatak achvfa hosh shilombish ok-



pulo anukfohka kv̄t ik haponaklo, micha anumpula he keyu ka aiena tuk ̄o hlakofichi; 30 mihmvt ititaiyukhvna a takalit illi tuk mvt, anonti falamvt tana hi vt atuklanchit anoli; 33 nan im ai ithvna vhleha hv̄t nafehna bvnvt āsha ka, Chisvs vt nan isht ī miha, 38 mihma kv̄na hosh nan isht ahullo okpulo yā ilap hohchifo ak ̄o isht kocha weli hoka ik ataklv̄mo ka hi ā ī miha; 42 na yimmi im anukfila ik hochito puta yoshubli ka ai v̄lhpesa keyu ka miha.

1. MIHMVT, Ahli mak ̄o hv̄chim achi lishke, Ilvppa hioh-maya ka kanimi kv̄t ik illo hosh Chihowa apelhichika yvt nan-isht ai ahlika yā ai it ishit v̄la na pisa chi kv̄t, āsha hoke, im achi tok.

2. Atuk osh yvmmak atuk ā nitak hannali ma, Chisvs vt Pita, micha Chemis, mikmvt Chan aiena ka yvmmak bano h̄o pehlichichaha yv̄ pit oiya tok: mihmvt inlv̄t tobtv̄t itikba hikia tok.

3. Mihma im ilefoka yvt shohmalali tohbit kv̄nia kv̄t, okti pushi ak ̄o chiyuhmi tok: yohmi hatuk ̄o nantv̄nna tohbichi nana ak osh ī shahlichit tohbicha he keyu ki tok.

4. Mihma Elias, micha Moses itatuklo hosh ant ī haiaka tok: mihmvt yvmmak ash osh Chisvs ā it im anumpulit okla tok.

5. Yohmi ma Pita yash ot anumpuli mvt, Chisvs ash ̄o, Pi shahli ma! ilvppa e maya kv̄t pim achukm̄vshke: yohmi ka v̄lhtipo tuchina kak ̄o il ikbi na achv̄fv̄t chimmi hokma, anonti achv̄fv̄t Moses ak ̄o immi hokma, anonti achv̄fa kv̄t Elias ak ̄o immi hashke, im achi tok.

6. Yohmi ka okla nukshopa fehna hatuk ̄o nana a miha ik ithano ha tok.

7. Yohmi ma hoshonti hv̄t ant im okhlilichi tok: mihma hoshonti anukaka yā auet anumpuli kv̄t, Ilvppak osh Svso ā holitopa mak oke, hv̄sh ī haponaklashke, achi tok.

8. Mihma ashalika filemvt okla hopokoyo kv̄t, hatak inla nana kia ik peso; amba Chisvs ash bano h̄o ai it apiha tok.

9. Atuk ̄o nvnih asht okla akowvt minti ma, nana ka okla pisa tuk vt hatak nana kia ik im anolo mak ̄o, Hatak Ushi vt illi tuk vt tani ha ya hi a, ī miha tok.

10. Atuk o anumpa yummak ash o ilap illvt okla ithanvt, Illi tuk osh tani kv̄t nanta hak oh chishba? ahnit ilap bika it im a ponaklot itvnowa tok.

11. Mihmvt im a ponaklot, Na katihmi hō na-holissochi v̄hleha hv̄t, Elias ak osh t̄ikba v̄la pulla he, okla achi cho? achi tok.

12. Mihma afalaminchi mvt, Ahli, Elias ak osh t̄ikba v̄la cha, nan-okl̄uha ka ant falaminchit apoksiacha he; mikmvt Hatak Ushi vt kaniohmit nana l̄awa ka isht ai ilbv̄sha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt v̄la ahli ho mv̄hli: yohmi na okla kanimihchi b̄v̄na kv̄t yummak ash o im ai yvmihchi tuk oke, hv̄chim achi lishke, im achi tok.

14. Atuk osh nan im ai ithv̄na v̄hleha aiasha ka ona mvt, okla chinto fehna kv̄t aiasha ma, anonti na-holissochi v̄hleha hv̄t yummak ash o nan im asilhhv̄chit m̄aya na ont pisa tok.

15. Mihma okla hv̄t yummak ash o pisa mvt, mih makinli hō okla nukhlakancha fehvt, yihleptv̄t im ai onvt, okla aiokpv̄chi tok.

16. Mihma na-holissochi v̄hleha hash o i ponaklot, Nanta mak o hv̄sh it im asilhhv̄chi hatuk o cho? achi tok.

17. Yohmi ma okla laua yash osh achv̄vt afalaminchi mvt, Nan-ithv̄nanchi ma! sv̄so hv̄t na-shilombish ik anum-pulo yo il ai eshi hatuk o ishit chim v̄la lishke.

18. Yohmi ka kanima yo ai ilhkolicikhmvt, haiochichechi chatuk: mikma itukpokpokit noti ahampvt, chunnvt taha chatuk; yohmi hō na chim ai ithv̄na v̄hleha h̄a ymma kohcha ch̄i ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hv̄chia ma! hv̄chi takla ahanta li katiohmi foka ch̄i cho? nana ka isht ak hv̄chi ahno hō katiohmi foka ch̄i cho? Isht hv̄s sv̄m v̄lashke, achi tok.

20. Mihma yummak ash o okla isht im ona tok: mihma yummak ash pisa ma, na-shilombish ash osh mih mak-inli

h<sub>o</sub> haiochichechi tok; mihma aka itula cha, shalali mvt itukpokpoki tok.

21. Mihma iki ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvna kvv luak, mikmvt oka aiena ka it a kanchi beka tuk oke: yohmi kia nana h<sub>o</sub> ish kanimihcha hinlakmvt, ish pi nukkaklo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kvv ai i yvmohma hinla hoke, im achi tok.

24. Mihma vlla ya iki yash ot mih makinli n<sub>o</sub> nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hvv yihlevvt ant ai itahoba ka, Chisvs vt pisa mvt, na-shilombish okpulo ash o im alvmmitt, Na shilombish ik anumpulo, mikmvt ik haponaklo aiena chia hvv ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpvlvt, yvmmak ash o haiochichechi fehna cha, a kohcha tok: mihma yvmmak ash ot illi yo chohmi tok: yohmi hatuk o, Illishke, achi kvv laua tok.

27. Yokmi kia Chisvs ash osh ibbak a halvlli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi h<sub>o</sub> pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kvv nana h<sub>o</sub> isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kvv nan im ai ithvna vhleha ha nan im avvchi kvv, Hatak Ushi vt hatak puta ibbak a fohka hoka, okla

vba chi hoke : atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvmma okla ik akostinincho ; yohmi mvt i ponaklo nukshopa tok.

33. Atuk o yvmmak ash ot Kapenavm a vla tok : mih-mvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o ? achi tok.

34. Yohmi kia lumvt okla maya tok : yohmi kvv takla ya, Kvta hak osh moma i shahli ahanta chishba ? ahnit ilap bika okla isht it im anumpuli tuk a tok.

35. Mihma binili mvt, auahtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwokmvt, anonti moma in tishu a hi oke, im achi tok.

36. Mihmvt vlla yo halvlli cha, itintakla binilichi tok : atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfona ka holitoblikmvt, vno ak o sa holitoblik hoke : mikma kvna hosh vno a sa holitoblik mvt, vno ak o sa holitobli ho keyu, amba auet sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma ! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafohkoshke : yohmi ma il im alvmmi kano, ik pibafohko hoka, achi tok.

39. Yohmi kia Chisvs ash osh, Hvch ik im alammo kashke : hatak vt sa hohchifo pulla hatuk mak o na fehna ka isht ai yvmihchi hokvt vno a yvmmak fokalechit na sa mi-hacha hi vt iksho hoka.

40. Mikma kvna hosh hvvishno a hvv i sanali keyu hokvto, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vlhtoba ka i hlakofa he keyu, ahli mak o hvch im achi lishke.

42. Micha kvna hosh a yimmi vhleha chipunta ilvppa achvfona ma ibetvblichi hokmvt, ilapa ak o tanchi botoli tvli ak osh ikunla ya a takanli ho okhvta ha oka kvnia hokmak osh, im vlpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh, chim vlpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh chim vlpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke : nishkin achvfa yosh Chihowa apelhichika ya ont ish chukowa hok mak osh chim vlpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi bano kvv, vba isht aiokpvchi vt hvpi isht ai yvmma hi a ohma hi oka.

50. Hvpi vt achukma ; yohmi kia hvpi vt homi kvv i kvnia hokma, nanta hak o isht hvsh homincha hinla cho? Hvpi a hvchishno inli il anit hvsh ieshikmvt, hvchishno bika ma hvsh it i nanaiya achukmashke, achi tok.

CHAPTA X.

Chisvs vt Chutea yak o nan im ai avchit anta, mihmvt it i kvnia holisso hak o Falisi vhleha ha isht it im anumpuli, 1 ; 13 vlla chipunta ya halvllit sholi. 17 Chisvs vt hatak himita nan in laua yo

aiokpvc hit imomaka pisa : 28 mikmvt kvna hosh ilap ak o holitobli pulla hosh nan okluha ka issvt aya tuk okvno im atobba hi vt miha : 32 ilap vt ititaiyukhvna a takalit illi tuk mvt anonti, falamvt tana hi vt himmakma Chisvs vt anoli : 35 Chemis Chan ita tuklo kvv Chisvs a nana im asilhha ; mihma Chisvs vt ilap ma nana ho im achi mvt ; 46 ik hoponayo Batimevs a hoponayochi.

1. MIHMA yvmmak ash o asht wakayvt minti mvt, Chatan hlopullit mish-tvnnvp a ayvt Chutea yakni a vla tok : mihma okla hvv im ai itahoba na ai yakohmi yatuk okvt, anonti nan im avchit ahanta tok

2. Mihma Falisi vhleha hvv im ai vla mvt, imomaka pisa hosh, Hatak vt tekchi a kancha he vlvpesa hoh cho ? achit i ponaklo tok.

3. Mihma yvmmak ash osh afalaminchi mvt, Moses vt nanta hak o hvchim apesa tok o ? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvvlo pulla kak o nan vlvpisa ilvppa hvchim ikbi tok.

6. Amba nan okluha toba vmmona ka Chihowa hvv nakni, tek ita tuklo ho ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yvmmak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvv nana ka it a hkvllichi ha ya, hatak nana kia ik it i filvmmicho kashke, im achi tok.

10. Atuk o aboha anukaka may a ho nan im ai ithvna vhleha hash osh anonti na mihi yash inli ho i ponaklo tok.

11. Mihma kvna hosh tekchi a kanchi cha, inla yo it auwaya hokmvt, havi tobvvt yvmmak ash o isht ik vlvpisalo hoke.

12. Mikma ohoyo hvv i hatak a kanchi cha, inla yo auwaya hokmvt, havi toba hoke, im achi tok.

13. Mihma yvmmak ash ot potola chi ho vlla chipunta

ya okla isht im ai vla tok : atuk ak o nan im ai ithvna vhleha hvt nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vllhpieso fehna cha, Ulla chipunta yvt vm ai vla hi a hvsh ahni cha, hvch ik im alammo kashke : ilvppa chohmi kak osh Chihowa apelihika mak oka.

15. Ahli mak o hvchim achi lishke, Kvna hosh vlla iskitini ak o chiyuhmit Chihowa apelihika ya aiokpvchi ho keyukmvt, yvmmak oka chukowa he keyu hoke, im achi tok.

16. Mihmvt yvmmak ash o ishit sholi cha, ibbak a isht umbitepa mvt, yukpali tok.

17. Mihmvt kohchvt ivt hina ont fohka ma, achvftv malelit mintit ant i hvchukbihlepa mvt, Nan-ithvnanchi achukma ma ! ai okchayvt bilia ya pisa la he vllhpesa kvto nanta hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si achi cho ? achukma vt iksho ; amba achvfa kak illa : yvm-mvt Chihowa ak oke.

19. Anumpa vllhpisa, Haui chik tobo kashke : Kvna kia chik bo kashke : Nana kia chik hukopo kashke : Anumpa ik ahlo isht atokolit chik ahanto kashke : Kvna kia chik haksicho kashke : Chiki, chishki aiena ka ish holitoblashke, achi puta ka ish ithanvshke, im achi tok.

20. Mihma afalaminchi mvt, Nan ithvnanchi ma ! vlla sa tomba kash inli hosh ilvppa puta ka holitoblit isht mihinti li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana achvfa hosh ik chim onoshke ; ish ia cha, nana hosh chim ashakmvt, ish kampila cha, ilbvsha puta ka ish imashke : yohmik mak osh na holitompa kvv vba yakni ya chin tonla he mak oke : mikmvt mintit ititaiyukhvna ant ish eshi cha, is siakaiyashke, im achi tok.

22. Mihma yvmmvt nan in laua fehna hatuk osh anumpa yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai ithvna vhleha hash o, Na palvmmi nana kvv a fehna ho nan

in laua vhleha hv̄t Chihowa apēhlichika yā chukowa hi oke, im achi tok.

24. Mihma nan ithvna vhleha hash osh anumpa yv̄mma achi ka okla nukhlakancha tok. Yohmi kia Chisvs ash ot anonti anumpuli mvt, Ūlla vhleha ma! im ilayak ai anukchieto hosh ahanta kv̄to Chihowa apēhlichika yā chukowa kv̄no palv̄m̄mi kv̄t katiohmi fehna hoh chishba!

25. Kamel vt chofak ushi nishkin a hlopulli ka palv̄m̄mi kv̄t, hatak nan in laua yosh Chihowa apēhlichika chukowa ka ik lauwashke, im achi tok.

26. Mihma okla nukhlakancha atampa fehna mvt, Yohmikma kv̄ta hosh okchaya hinla cho? ilap bika it im achit maya tok

27. Mihma Chisvs vt atokolit pisa mvt, Hatak okmv̄no yohma he keyu kia, amba Chihowa hokv̄no ai yohmi hoke. Chihowa yak okmv̄no nan okluha kv̄t aiahli chatuk oka, achi tok.

28. Yohmi ma Pita vt, Yakeh! pishno vto mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak o hv̄chim achi lishke, Hatak nana hosh vno pulla, micha vbanumpa aiena hatuk mak o, in chuka, keyukmvt itibapishi vhleha, in tek puta, iki, ishki, keyukmvt tekchi, mikmvt vlla, micha yakni aiena ka issvt aya hokv̄to,

30. Mihi yosh okchaya takla kv̄t chuka, itibapishi vhleha, micha in tek vhleha, mikmvt ishki, micha vlla, anonti yakni aiena kv̄t mihi atuk a ohmi tahlepa achvfa ho pisa he; mikmvt nan ishtai ipalv̄m̄mi mvt im aiena tukmvt, anonti yakni inlakma aiokchayvt bilia yā pisa hi oke.

31. Yohmi kia tikba yatuk vt ont ishtaiyopa hi vt lawakma, anonti ishtaiyopi atuk vt tikba ya hi vt lauv̄t asha hi oke, achi tok.

32. Micha Chelusalem ilhkoli hosh hina vlhtot asht aya ma, Chisvs vt tikba hikv̄t ia ma, okokko! okla ahni mvt, iakaiya kv̄t nukshopvt okla itv̄nowa tok. Mihma auah-tuklo kash o i howa cha, ilap nana im a kaniohma chi kv̄t im anolit,



33. Inta! Chelusalem a iloh ilhkolishke; yohmi ka Hat-  
tak Ushi vt na-holitompa isht a<sub>2</sub>sha pehlichy v<sub>2</sub>hleha, micha  
na-holissochy v<sub>2</sub>hleha aiena ka ibbak fohka ch<sub>2</sub>; mikma illa  
he anumpa onochy cha, Chentail okla h<sub>2</sub>o ibbak fohka ch<sub>2</sub>  
hoke.

34. Mikmvt yvmmak ash o okla ishit yopula, micha fvm-  
mi, mikmvt on tuftua aiena cha, okla vba ch<sub>2</sub> hoke: atuk-  
ma nitak ont atuchinakma falamvt tana hy oke, achy tok.

35. Mihma Sebetey ushy Chemis, micha Chan ita tuklo  
kvt im ona mvt, Nan-ithvnanchy ma! nana h<sub>2</sub>o il ahnikma,  
ish pim aiahlichy hokbano il ahnishke, achy tok.

36. Mihma, Nanta hak o hvch<sub>2</sub> yvmihchy la hy a hvsh  
ahny cho? im achy tok.

37. Chim a holitopa ya achvftv chibbak isht impak-imma  
ashakma, anonty achvftv v<sub>2</sub>lhfvbekimma a<sub>2</sub>sha hosh, e chyay  
hy ak o ik yohmy ish ahnashke, im achy tok.

38. Yohmy ky Chisvs ash osh, Nana h<sub>2</sub>o hvsh asilhha  
hokvt hvsh akostininchy keyushke: isht-ishko vno vt ay ish-  
ko la ch<sub>2</sub> ky hvsh ay ishka hynla cho? mikmvt baptismo a  
vno vt isht baptismo ly ky hvchishno vt isht a hvchy bap-  
tismo hynla cho? im achy tok.

39. Mihma, Py yvmohma hynlvshke, im achy tok. Mihma  
Chisvs ash osh, Isht-ishko vno vt ay ishko ly ky hvsh ay ish-  
kokmvt, anonty baptismo vno vt isht a baptismo ly aiena ky  
isht a hvchy baptyisma ch<sub>2</sub> ho mvhly hoke.

40. Amba sabbak ishtimpak imma, micha v<sub>2</sub>lhfvbekimma  
aiena a<sub>2</sub>sha hy okvno ima la hy o keyu; amba kvna h<sub>2</sub>o im  
v<sub>2</sub>lhtaha mak a he oke.

41. Mihma pokoly kash ot haklo mvt, Chemis, Chan ita  
tuklo kash okla isht ik y yukpo fehna tok.

42. Yohmy ky Chisvs vt yvmmak ash o hoyo cha, Chen-  
tail okla y m<sub>2</sub>iko v<sub>2</sub>hleha hvt ay y shahlyt pehlichy chatuk:  
mikma y hochitoka v<sub>2</sub>hleha hvt nana kvt im a v<sub>2</sub>lhpiesa mak  
osh okla ha y yvmihchy chatuk a hvsh ithaiyanvshke.

43. Yohmy ky hvchishno yokvto hvchy yvmohma he key-  
ushke: amba hvchy kanima mvt y shahly bvnna hosh hvch  
ibafoka hokmvt, nan-isht hvchym v<sub>2</sub>tta ya he.

44. Mikma hvchi kanima hosh moma i shahli hvchi bun-nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya tok keyu : amba ilapo ak osh nan isht vtta he, anonti lawa kv̄t isht a hlakofa hi a ilap im ilhfopak a isht atobba he mak a tok oke, im achi tok.

46. Mihma Cheliko a okla ai v̄la tok : atuk osh nan im ai ithvna v̄hleha, micha okla lawa fehna aiena h̄o pelichi cha Cheliko ash a kohchvt ia ma, Timevs ushi Batimevs lvpa yvt hina lapalika ȳo a binilit nan asilhha tok.

47. Atuk osh yvmmak ash ot Chisvs Nasalet minti yatuk o haklo mvt, tahpvlvt, Chisvs Lewi ushi chia hv̄t is sa nuk-haklashke, ahanchi tok.

48. Mihma nukchinta chi i ka, i miha kv̄t laua tok : yohmi kia yvmmak o i shahlichi fehvt tahpvlvt, Chisvs Lewi ushi ma ! is sa nukhakashke, ahanchi tok.

49. Mihma Chisvs vt hikia cha, yvmmak ash o hoyo hi a miha tok. Mihma hatak lvpa yash o ont hoyot, Chi nuk-tanla achukmashke, auet chi hoyo hoke ; wakayá, im achi tok.

50. Mihma im anchi ash o kanima pit bohli mvt, waka-yvt, Chisvs a ima ona tok.

51. Mihma Chisvs vt afalaminchi mvt, Nanta mak o chi yvmihchi la hi a ish ahni cho ? im achi tok : mihma hatak lvpa yash osh, A shahli ma ! hoponayo la hi a, im achi tok.

52. Mihma Chisvs ash ot, Ish iashke ; na chi yimmi hv̄t chi hlakofichi hoke, im achi tok. Mihma ashalika hoponayo mvt, hina fohkv̄t Chisvs a iakaiya tok.

## CHAPTA XI.

Chisvs vt issuba haksobish falaia himita om binili cha, Chelusalem ont chukowa, 1. 12 Fik vpi ȳo nitak nana ik ano ka hi a, Chisvs vt im apesa : 15 mihmvt nan-itatoba v̄hleha tempel anukaka asha tuk a kocha pit tihleli. 27 Kanimi kv̄t nan isht ai v̄lhpesa nana h̄o isht ai yvmohmi hatuk a a ponaklo tuk kia, yvmmak ash o Chisvs vt im a tv̄blich.

1. **ATUK** osh Chelusalem bilika Betfachi, micha Betani ita tuklo, Alif nvnih fehna hō ai v̄la ma, nan im ai ithvna v̄hleha hash tuklochit tihleli tok.

2. Mihmvt, Ivt tmahushi hvchi chapaka auet talaiia ka hvsh onashke: yohmikmvt yv̄mma ont hvsh chukowa mih makinli hosh, issuba himita hatak vt ik om binilo k̄isha yvt asinta na hvsh pisa ch̄i hoke: yv̄mma i hotofit isht hvsh lashke.

3. Yohmi ka hatak nana kia, Na katihmi hō ilv̄ppa hvsh yvmihchi hō? hvchim achi hokma, Chitokaka yak osh bv̄nna hatuk oke, hvsh achashke: yohmikma mih makinli hō auet pila ch̄i hoke, im achi tok.

4. Mihma it iachi mvt, hina tuklot ant ai it afama hō, issuba himita yvt okhissa kocha ya asinta na ont pisvt okla cha, i hotofi tok.

5. Mihma yv̄mma hiohmaya tuk vt kanimi kv̄t, Nanta mak o hvsh katihmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.

7. Mihma issuba himita yash o Chisvs a isht im v̄la cha, im anchi puta ka om pv̄lli na yv̄mmak ash osh o minili tok.

8. Mihma hina ya im anchi puta ka pv̄lli kv̄t laua ma, anonti kanimi kv̄t iti naksish o vmot hina ya pv̄lli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv̄t holitopa mak oke.

10. P̄iki Lewi apelhichi vt Chitokaka i hohchifo il ai eshi hosh aya kv̄t, holitopashke; shutik tv̄bokaka fehna, Hosanna ai ahanchashke, achi tok.

11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opiv̄t taha aiena hatuk o, auah-tuklo kash o pehlichy cha, pit kohchvt Betani a ia tok.

12. Atuk osh ont onna ho, Betani a asht okla minti na, yv̄mmak ash osh hohchvfo tok.

13. Michā fik v̄pi vt hishi a sha hosh, mishema ka hikia

h<sub>o</sub> pit pisa tok ; mihmvt yvmma nana kia ahayuchi li yoba hinla ká, ahni cha, ona tok ; atuk osh ona mvt, fik vt a nuna ik ai ono kisha hatuk o, nana kia iksho h<sub>o</sub>, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo h<sub>o</sub> biliashke. Mihma nan im ai ithvna vhleha hv<sub>t</sub> haklo tok.

15. Atuk osh Chelusalem a okla ai v<sub>l</sub>a tok : mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvli holisso a bohli<sub>t</sub> itatoba ai-imp<sub>a</sub>, micha pvchi v<sub>l</sub>hpoba kanchi vhleha im ai om-binili aiena tuk ash halvllit filemohlit kinahlich<sub>i</sub> tok.

16. Mihmvt hatak nana kia ai v<sub>l</sub>beha ya tempel a isht hlopulla hi a ik im ahno ki tok.

17. Mihmvt nan im avchit, Um aboha ya oklushi moma kv<sub>t</sub> vba pit ai anumpuli chuka hochifa hi oke, achi hosh holisso h<sub>o</sub> keyu ? yohmi kia hvchishno yokvto na hukopa vhleha in chuka yo ish ikbishke, achi tok.

18. Mihma na-holissochi vhleha, micha na-holitompa isht asha pehlich<sub>i</sub> vhleha aiena kv<sub>t</sub> haklo mvt, okla ak osh momvt, yvmmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tv<sub>m</sub>aba hash a kohchvt ia tok.

20. Atuk o onnahinli ma, fik vpi ash ot ak-isht-v<sub>l</sub>a pit vhlit bvsh<sub>t</sub> kvnia tuk o pit piv<sub>t</sub> ont ilhkoli tok.

21. Mihma Pita vt pit anukfilli mvt, Yakeh ! a shahli ma ! fik ik ano ka hi o ish im apesa kash bvsh<sub>t</sub> kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla h<sub>o</sub> hvchim achi lishke, Kvna kia nvni<sub>h</sub> chaha ilvppa, Kanvllit, okhvta hak o pit ish okvtulashke ; im achi cha, chukvsh mvt anuktuklochi ik im iksho, amba nana h<sub>o</sub> miha tuk vt ont aiahla hi a yimmi hokmvt, im aiahla hi oke.

24. Yohmi hoka vba pit hvsh anumpulikmvt, hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chim aiahla hi oke.

25. Micha v̄ba pit anumpulit hv̄sh hikiakmvt, nana a hv̄chi kaniohmi tuk ashakma, hv̄sh i kashofashke: yohmi na hv̄chishno na hv̄chim aiashv̄chika puta ka Iki v̄ba binili kv̄t hv̄chi kashofi makinlashke.

26. Amba hv̄sh i kashofi keyu hokmvno, hv̄ch Iki v̄ba binili kv̄t hv̄chishno a na hv̄chim aiashv̄chika puta ka hv̄chi kashofa he keyu akinli hoke, im achi tok.

27. Atuk o anonti Chelusalem a okla ai v̄la tok: mihma yvmmak ash ot tempel anukaka ya nowvt hikikja ma, naholitompa isht-asha pehlichī vhleha, micha naholissochi vhleha, mikmvt hatak hochitoka vhleha aiena kv̄t im ai v̄la tok.

28. Mihmvt, Nan isht ai v̄lhpesa mak o ilv̄ppa puta ka ish yakohmichi cho? micha ilv̄ppa puta ka ish yakomichi ka nan isht ai v̄lhpesa ka kv̄ta hosh chim apesa tok oh cho? im achi tok.

29. Mihma Chisvs vt afalaminchi mvt, Ūno ak kia nana achv̄fa ka hv̄chi ponaklo likma, hvs sv̄m anolashke; yohmikma, vno vt nan-isht-ai-v̄lhpesa kaniohmi h̄o ilv̄ppa puta ka isht ai yakohmichi li hatuk vt hv̄chim anoli lashke.

30. Chan i baptismo vt v̄ba yakni a minti hokmá, keyukmvt hatak akinli hokmá, nanta tuk oh cho? oh vm anolí, im achi tok.

31. Mihma ilap b̄ika it im anumpohonlit, Ūba yak a tok: il achi hokma, Yohmik mak o katiohmi h̄o hv̄ch ik i yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kv̄t Chan a hopaii fehna hoke, ahni hatuk o, okla hak o i nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Ūno vt nan isht ai v̄lhpesa kaniohmi h̄o ilv̄ppa puta ka isht ai yakohmichi li tuk vt ak hv̄chim anoloshke, achi tok.

## CHAPTER XII.

Pak-vpi a holokchi yo hatak toksvli ai vlpesa keyu vhleha i pota tok o isht vlpisa, 1. 13 Falisi vhleha hvt Sesa tvli holisso im itahobi ak o Chisvs a isht i ponaklo ho, anumpa falama ima. 18 Satusi vhleha hvt hatak illi falamvt tana hi ak o, Chisvs a isht i a ponaklo ho, im anoli: 28 anumpa vlpisa puta kvv kanima kak osh moma i shahli hatuk a Chisvs vt im anoli: 35 Klaist vt kvna hak o ushi ahinla ka, ponaklo: micha nan im ai ithvna vhleha ha ahah! im ahna chi ka, i miha. 41 Ohoyo ilbvsha i hatak illi yosh mait tuklo ho tvli holisso abohli ya ont apitta ho, Chisvs vt im ahnichi.

1. MIHMUT nan-isht-vlpisa ho isht im anumpulit ahanta mvt, Hatak osh pak-vpi aiasha ya hokchi cha, kvv apushi isht a holitvchit apakfobli cha, oka-paki ai vlbeha ya kulli cha, chuka chaha yo ikbi mvt, hatak toksvli vhleha ho i pota cha, yakni hopaki ho ia tok.

2. Atuk osh waya he ai vlpesa ma, pak-vpi aholokchi nana waya ka, hatak toksvli vhleha hash ot ipeta chi ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofahyalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvmmak ash o okla vbi tok: mihma inla yvt laua ho pit yuhli kash kia, pit aieninchit kanimi ka boli mvt, anonti kanimi ma vbi tok.

6. Yohmi hatuk o iso achvfa, i holitopa fehna yosh im anta moma mvt, Svso hokvno okla holitobla chi hoke, achi mvt, ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hv-pimmi hashke; it im achit maya tok.

8. Michi yvmmak ash o it i hoklit vbi cha, pakvpi a holokchi a ai ishit kocha pila tok oke.

9. Yohmi kvno, pak-vpi aholokchi immi atuk vto nanta hak o katiohma chi cho? Yvmmak ash ot vla cha, hatak toksvli vhleha hash o vbit tahlikmvt, pakvpi a holokchi ash inla ho im issa chi hoke.

10, 11. Yohmi ka, Tvli yvma chuk-ikbi vhleha hvt shiti-  
 lema chash o, yvmvvt chukbika nutaka in tola holitopa i shahli ho tobvshke. Ilvppa Chitokaka yvt yvmihchi ha tok o, hvpi nishkin a i na-fehvvshke, achi Holisso Holitopa ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli tuk a okla ithana hatuk osh, yvmmak ash o hoklit ishi bvna hokak osh, okla ak o i nukshopa tok: mihmvt yvmmak ash o issvt filamohlit taha tok.

13. Mihmvt ilap im anumpa akinli ho isht ai isht kanv-pacha chi ka, Falisi vhleha kanimi, micha Helotian iksa aiena ho pit on tihleli tok.

14. Atuk o yvmmak ash ot ai vla mvt, Nan-ithvnanchi ma! chishno yokvt aiahli chia, mikmvt hatak nana kia nan isht ik chim ahobo; hatak nashuka yak o ish pisa ho keyu hatuk okvt; amba Chihowa nana aiahni ak o aiahlit ish ithvnanchi chatuk a il ithaiyanvshke. Noshkobo isht chumpa tvli holisso ya Sesa yak o ima he ai vlhpesa hokma, keyukma, nanta cho?

15. Pi kvniakma, ik pi kvniokma nanta chi cho? im achi tok. Yohmi kia okla nan ilahobi ka ithvna hatuk osh, Na-katihmi ho vmomaka hvs sa pesa cho? iskvli isht hvs svv vla na pisa lashke, im achi tok.

16. Mihma okla isht im vla tok. Mihma, Ilvppvt kvta hak o holbvt toba ho, mikmvt kvta ho a hohchifo ho? im achi tok. Mihma Sesa yak oke, okla im achi tok.

17. Mihma Chisvs vt afalaminchi mvt, Nana puta kvv Sesa yak o immi hokma, Sesa yak o hvsh imashke; mikmvt nana puta kvv Chihowa ak o immi hokma Chihowa ak o hvsh imashke, im achi tok. Mihma okla i nukhlakancha tok.

18. Yohmi ma Satusi vhleha hvt, Illi yvt falamvt tana he keyu; achi mak osh im ai vla cha, i ponaklot,

19. Nan-ithvnanchi ma! Kuna hoh kia itibapishi hvt tekchi a<sub>u</sub>sha hosh vlla vt iksho h<sub>o</sub> illikma, itibapishi ash osh tekchi atuk a itauwaya cha, itibapishi im vlla ai ikba hi o, Moses vt holisso pim ikbi tok.

20. Atuk o itibapishi hvt untuklot a<sub>u</sub>sha tok; mihma akni ak osh tekchi a<sub>u</sub>sha tuk osh, vlla iksho h<sub>o</sub> illi tok.

21. Mihma iakaiya kash osh itauwaya tuk osh, anonti vlla vt iksho h<sub>o</sub> illi tok: mihma ont atuchina kv<sub>t</sub> mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok a yv<sub>m</sub>ma katima aiyukali mak o tekchi mak a hi oh cho?

24. Mihma Chisvs vt afalaminchi mv<sub>t</sub>, Holisso Holitopa, micha Chihowa nan isht im aiahli ka aiena ka hvch ik ithano hatuk osh hvsh ashvckhi h<sub>o</sub> keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli h<sub>o</sub> chiyuhma hi oke.

26. Mikma illi yv<sub>m</sub>mak okvto tana he ak o miha hosh Chihowa hvt bv<sub>f</sub>aha anuka a kaniohmit im anumpuli mv<sub>t</sub>, Uno ak osh Eblaham in Chihowa sia, mikmv<sub>t</sub> Aisaak in Chihowa siakmv<sub>t</sub>, anonti Ch<sub>e</sub>kob in Chihowa sia hoke, achi tok a Moses i holisso ha a hvch ik peso chatnk oh cho?

27. Yv<sub>m</sub>mak okv<sub>t</sub> illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvfv<sub>t</sub> vla cha, okla it im anumpulit maya ka haklot, yv<sub>m</sub>mak ash osh vlhpesa fehna isht i miha na akostininchi mv<sub>t</sub>, Nan-vlhpisa moma i shahli katima kak osh v<sub>m</sub>mona fehna hoh cho? achit i ponaklo tok.

29. Mihma Chisvs vt afalaminchit, Nan vlhpisa moma i shahli v<sub>m</sub>mona fehna kv<sub>t</sub>, Israel vhleha ma! ho haklo, Chitokaka hvpin Chihowa vt Chitokaka achvfa hoke.

30. Mich<sub>a</sub> Chitokaka chin Chihowa ya chi chukvsh a a



mominchit, chi shilombish a uhvlinchit, mikmvt chim anukfila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shahli vmmona hoke.

31. Mikma atukla kv̄t yvm̄mak inli hō chohmi hoke, Chin chuka-panta hatak a ish holitobli kv̄t, chishno akinli ka chim itilauashke, achi hoke: nan vlhpisa inla vt ilvppa i shahli kv̄t ikshoshke, im achi tok.

32. Mihma na-holissochi ash ot, Vlhpesa nan-ithvnanchi ma! aiahli mak o ish mihvshke; Chihowa hv̄t achvfa; yohmi ka inla mvt iksho hō yvm̄mak illvshke;

33. Mikma yvm̄mak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kv̄t ilapa ai itilauēchi kak osh vba isht aiokpv̄chi nana achvfa nipi vt momvt lua puta ka, micha vba isht aiokpv̄chi aiena ka moma i shahlishke, im achi tok.

34. Mihma yvm̄mvt vlhpesa fehna miha na Chisvs vt pisa mvt, Chihowa apehlichika ya auet ish i hopaki keyushke, im achi tok. Mihma yvm̄mak ash i himmakma hatak nana kia ik nukwiyot nana ik im asilho ki tok.

35. Mihma Chisvs vt tempel anukaka nan avchit ahanta mvt, anumpulit, Katiohmi hō na-holissochi vhleha hv̄t Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Svbbak ishtimpakimma ya ish binili na chin tv̄nvp vhleha ha chiyi ai-o-hikia ya ikbi lashke, im achi kv̄no, achi tok.

37. Yohmi kv̄t Lewi vt ilapo akinli kv̄t yv̄mma Chitokaka hochifo tok; yohmi ka katiohmi kak osh yvm̄mvt ushi yoh cho? achi tok. Mihma hatak holitompa keyu kv̄to momvt i haponaklo kv̄t na-yukpa tok.

38. Mihma nan isht ai im avchit ahanta kv̄t, Na-holissochi vhleha na-fohka hofaloha abehkv̄chit itv̄nowa kv̄t im achukma, micha ilhpak a kanchi ya ai it aiokpv̄chi aiena kak osh im achukma;

39. Mikmvt sinakak a aiasha holitopa i shahli, mikmvt impa chito a sha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka a wehpuli, mikmvt peh vbanumpuli ilahobi kv̄t anumpa ilbvsha falaia-chit itvnowa yoka, ahah! hvsh im ahnashke; yvmmak okvto nana palvmmi kv̄t i shahli hosh im vhpisa hi oke, im achi tok.

41. Mihmvt Chisvs vt tvli holisso abohli i chapaka yo ashvt okla hv̄t tvli holisso tvli holisso a bohli pit apitta ka pisa tok. Mihma nan in laua atuk vt lauachit pit apitta kv̄t laua tok.

42. Mihma ohoyo i hatak illi ilbvsha achvfa hosh vla mvt, mait tuklo yvmmvt sint achvfa ik ono ho pit abehli tok.

43. Mihma nan im ai ithvna vhleha hash o hoyot, Ahli mak o hvchim achi lishke, Ohoyo i hatak illi ilbvsha ilvp-pak osh tvli holisso abohli pit apittvt aiasha ka moma i shahlichit fohkishke.

44. Moma kvto nan in laua im atampa hatuk osh okla bohli hatuk: amba yvmmvt ilbvsha yatuk vt ishi tuk vt mominchit pit bohli, isht okchaya he tuk ash kia mominchishke, im achi tok.

### CHAPTA XIII.

Tempel, micha Chelusalem aiena kv̄t aiokpulokv̄t taha hi a Chisvs vt tikbanli anoli: micha nana kv̄t ont ik a yakohmo takla ka, nana kv̄t isht ahoba kv̄t kaniohma he, 1; 14 micha na-palvmmi kv̄t a kaniohma he aiena ka anoli: 24 mihmvt ilapvt aya chikma a kaniohma he puta ka anoli. 28 Fik vpi ak o nan isht it apesa hosh nana kv̄t ai yakohma chi ka, ai onvt mahaya hi a anoli: 32 nitak kaniohmi, hvshi kanvlli nana ho ai yakohma hi a, hatak nana hosh ithana keyu hatuk o, moma kv̄t il anuktahlvt vba pit anumpohonlit im vltahvt maya chi ka, miha.

1. MIHMVT tempel a a kohchvt iak fehna, nan im ai ithvna vhleha hv̄t achvfv̄t, Nan-ithvnanchi ma! tvli hochito

puta, micha chuka hochito puta aiena kvt a kaniohmi hosh yak aiasha ka, pisá, im achi tok.

2. Mihma Chisvs vt afalaminchi mvt, Chuka hochitoka yak hiohmaya ka ish pisa cho? tvli vt achvfa kia aka ik itulo ka hi vt it on tvlkanchit itonla kvt iksho hoke, im achi tok.

3. Atuk osh tempel in chapaka Alif nvnih paknaka ya aasha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o ilvppa puta kvt yohma hi o, micha ilvppa puta kvt ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itvnowa cha, Klaist sia mak oke, achi kvt laua he, micha lauachit yoshublichia hi oke.

7. Yohmikma tvnvp aasha, micha tvnvp aasha he annoa puta aiena ka hvsh haklokmvt, ik hvchi komunto kashke: ilvppa puta kvt moyumvt ont a yvmohmi pulla hi oke; yohmi kia ont ai-vhli kvto ik ai ono kisha hoke.

8. Okla achvfa kvt okla makinli ka it amokvfa he, mikmvt apelihchika achvfa kvt apelihchika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhaklo ai ishtia vmmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohowa he: micha atokowa hvsh im anola chi ka, vno pulla hatuk mak o na pehlichia vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vlhtaho kashke:

amba hvshi kanvlli yvmma fehna ka nana ho hvchi nukfoh-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso ha illi issa he ; mikma vlla vhleha hvv iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kvv hvchi nukkilli hi oke: yohmi kia kvna hosh aiahlit mahayvt ai vli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okpvni a i nukkilli vhpesa kvv a hikia he keyu kvv hikia na hvsh pisakmvt, (kvna hosh ilvppa it im anumpulikmvt akostininchashke,) yohmikma Chutea ya asha tuk mvt nv-nih chaha pit a yihlepashke.

15. Mikma kanima hosh aboha paknaka ahanta tuk mvt aboha ya akowa cha in chuka ya nana kia ai ishit kohcha chi kvv, ont ik chukowo kashke.

16. Yohmikma osapa anukaka yo anta tuk mvt, i nafohka ya isha chi kvv, falamvt ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvt vlla pishechi atuk aiena hokvto ai i palvmma he mak oke.

18. Micha hvstula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kvv nana toba vmmona Chihowa hvv nan ikbi tok ai vhlit mihinti ka yvmma chohmi kvv iksho chatuk: mikmvt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vlhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvt yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tobt hiohli kv̄t nan isht atokowa puta, micha nafehna puta aiena ka otv̄nihinchit, yohma he yobakma, nan-vlhtoka v̄hleha nana kia yoshublich̄a hi oke.

23. Yohmi kia yakeh! nan okluha ka tikbanli hv̄chim anoli li tuk oke, ahah! hv̄sh aiahnashke.

24. Amba na-palv̄m̄mi yv̄mmak atuk a misha foka nitak okv̄no, hv̄shi vt okhlilikma, anonti hv̄shi ninak aya mvt ik tom̄mo ka he.

25. Mikma v̄ba fochik puta kv̄t aka fohopakma, v̄ba shutik nana aiasha puta kv̄t winakv̄cha hi oke.

26. Yv̄mma fokakma, Hatak Ushi vt nan-isht-aiahl̄ika chinto, micha isht a holitopaka chinto aiena ka il ai eshi hosh hoshonti anuk̄aka mihinti na okla pisa hi oke.

27. Yv̄mma fokakma yv̄mmak ash ot im enchil v̄hleha h̄a pit tihleli na ilap i nan-vlhtoka v̄hleha h̄a a mahli ushta yakni atahaka ya ai v̄hlit shutik ont ataha pit ai v̄hli ka a hoyot itahoba hi oke.

28. Inta! fik v̄pi nan isht vlhpisa ka hv̄sh ai ithvnashke; Yv̄mmak okvt hishi toba ch̄i hosh bokoblit tahakma, toffa ch̄i kv̄t olanlosi ka hv̄sh ithana hoke.

29. Yohmi hokvt hv̄chishno vt yv̄mmak o hv̄sh chiyuhmi; na-yakohmi puta kv̄t ont aiahli na hv̄sh pisakmvt, ai vl̄a hosi, okhissa ak kia ai itukonofa hoka hv̄sh ithanashke.

30. Ahli mak o hv̄chim achi lishke, Himak a okla maya ilv̄ppvt ont ik taho k̄isha ho, nana ilv̄ppa puta kv̄t a yv̄mohma ch̄i hoke.

31. V̄ba shutik, micha yakni aiena kv̄to ont ai iksho ka he, amba v̄m anumpa puta hatuk v̄to ont ai iksho ka he keyushke.

32. Yohmi kia nitak yv̄mmak a he, micha hv̄shi kanv̄lli isht vlhpisa yv̄mmak a he aiena hokv̄no, hatak nana hosh pit ithana keyu, enchil v̄hleha v̄ba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt v̄ba pit hv̄sh anumpohonlashke: nitak ont ai vlhpesa hi a hv̄sh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu v̄hleha hash o chuka apesv̄chi

atokoli mvt, mominchit a toksvli aiyuka im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chuka chvfa pehlichi vt opiakmá, keyukmvt ninak iklvnna hokmá, akaka ohonla kak okmá, keyukmvt, onnahinli kak okmá nana ho vla hi a hvsh ithana keyu hokvt.

36. Yummak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

#### CHAPTER XIV.

Na-holitompa isht asha micha na-holissochi vhleha aiena kvv Chisvs a ilicha chi kvv anumpa it im achvfa, 1: 3 micha ohoyo hosh pashi ahama Chisvs noshkobo yo o fohopli. 10 Chutas Iskaliot vt Chisvs a ishit okla ibbak a fohka chi kvv inla nan isht it im apesa. 12 Chisvs ak osh miha ho, nan im ai ithvna vhleha hvv vbanvblit ont ia isht-vlhvpa ha atahli: mihma Chisvs vt ibai impa hosh nahaksichi a atokolit bihlibli; 22 mihmvt Chitokaka im ai-impvt asha hi a apesa; 27 nan im ai ithvna vhleha hvv issvt tvmoa he, 33 mikmvt Pita yvt ilapa ik ithano miha he puta ka Chisvs vt tikbanli anoli. 32 Chisvs vt Ketsemane a ont chukowa, cha, vba pit anumvpli; micha nan i palvmmmit ahanta. 43 Chutas vt vla cha Chisvs a ant yukachit ishi ma, nan ai ithvna vhleha hvv issvt tamoa: 53 Chisvs a Kaiafas a okla isht im ona mvt, ik ahobalo fehna, mihmvt illi issa; 66 Pita yvt i shahli ha ik ithano miha tuk osh anonti falamvt nukhaklo.

1. YUMMAK atuk o i nitak tuklo ma, vbanvblit ont ia, micha pvvka ik shatvmmo aiena kvv asha tok: mihma naholitompa isht asha pehlichi vhleha, micha naholissochi okla aiena kvv yummak ash o kaniohmit haksichit okla ishi cha, vbi bvvvvt maya tok.

2. Yohmi kia, Impa holitopa maya nitak ano keyu kashke, yummak keyukma, okla hvv isht ik ai vlvhesot asha hinla hoke, okla achi tok.

3. Mihma yvmmak ash osh Betani tvmaha Saimon leplosi-vbi a tok in chuka yo impa hosh a<sub>2</sub>sha ma, ohoyo hv<sub>2</sub>t spiknat nan-ahama toba h<sub>2</sub>o alabasta kotobushi vlhto, holi-topa fehna h<sub>2</sub>o ishi hosh vla tok: mihmvt kotobushi ash o<sub>2</sub> koli mvt, yvmmak ash o<sub>2</sub> neshkobo ha<sub>2</sub> o<sub>2</sub> fohopli tok.

4. Yohmi ma kanimi mvt chukvsh anukaka isht ik im vlhpeso fehna kv<sub>2</sub>t a<sub>2</sub>sha tok; mihmvt, Na katihmi h<sub>2</sub>o nan-ahama ilvppvt yakohmit okpulot kvnia cho?

5. Ilvppvt iskvli tahlepa tuchina atampa kia aivlbi cha, ilbvsha vhleha ha<sub>2</sub> i holhpela hinla tuk oka, achi tok. Mihmvt ohoyo hash o<sub>2</sub> okla nan isht mihachi tok.

6. Mihma Chisvs vt, Ik a<sub>2</sub>sha, nanta katiohmi h<sub>2</sub>o hvsh achibvchi hosh? nana achukma fehna mak o<sub>2</sub> a si ai yvmihchi hoke.

7. Yohmi hoka ilbvsha yak okvto hvchim a<sub>2</sub>sha bilia chatuk: yohmi hokvt yvmmak okvno peh nitak kaniohmi h<sub>2</sub>o hvchishno hvsh ahnikmvt, nana achukma ka hvsh i yvmihcha hinla hoke; amba vno vto hvchi takla anta li bilia keyushke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi<sub>2</sub> ka, tikbanli ahvmma chi<sub>2</sub> hosh vla ha tuk oke.

9. Ahli mak o<sub>2</sub> hvchim achi lishke: Ubanumpa ilvppvt yakni moma ka kanima fehna h<sub>2</sub>o ai anuhumpakma, nana ai yakohmichi tuk ilvppak ash kia yvmmak ash o<sub>2</sub> isht ithaiyana hi a, anohowa hi oke, achi tok.

10. Mihma auah-tuklo kash achvft Chutas Iskaliot vt yvmmak ash o<sub>2</sub> ishit na-holitompa isht a<sub>2</sub>sha pehlichhi vhleha ibbak fohka chi<sub>2</sub> hosh im ona tok.

11. Mihma yvmma okla haklo mvt, na-yukpa mvt, tvli holisso ima he apesa tok. Mihma kaniohmi kak osh ai vlhpesa na yvmmak ash o<sub>2</sub> ishi cha, yvmma ibbak fohka hinla kv<sub>2</sub>t anukfihinli tok.

12. Atuk o<sub>2</sub> pvska ik shatvmmo nitak vmmona ka vbanvblit ontia ya<sub>2</sub> okla ai vbi ma, nan im ai ithvna vhleha hash osh, Katima yak o<sub>2</sub> il ia cha, il atahli na vbanvblit ont ia ya<sub>2</sub> ish impa hinla kv<sub>2</sub>t ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvmaha ha ont hvsh chukowashke : mikma hatak vt lukfi kotoba oka vlhto ho sholi kv̄t hvchi afama chi hoke : apihvt hvsh iashke.

14. Mihma kanima yo ont chukowakma, chuka yv̄mma v̄tta hatak ash o, Nan-ithvnanchi vt, Ubapotvlhpo ai impa aboha hv̄t katima yak o talaiia ho, nan vm ai ithvna vhleha ha pehlichit vbanv̄blit ont ia ya it ibai impa la chi cho ? achishke, hvsh im achashke.

15. Mikma vba-potvlhpo yosh chito, nana vlhtaha achukma ho hvchim anola chi hoke : yv̄mmak o hvsh a pim atahlashke, im achi tok.

16. Mihma nan im ai ithvna ash osh iv̄t, tv̄maha ha ont chukowvt okla mvt, nana ai im anoli tuk ash ai vlhpiesa na pisvt okla tok : micha vbanv̄blit ont ia ya atahlit okla tok.

17. Atuk o ont opia ma yv̄mmak ash ot auah̄tuklo kash o pehlich̄i cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke ; Sv̄bai impvt hvsh maya kv̄t hvsh achvfona mvt, sv̄shit inla ibbak hv̄s sa fohka chi hoke, achi tok.

19. Mihma okla nukh̄aklo fehna mvt, achvf-aiyukvt, Uno ak oh cho ? im achi ma, an̄onti inla mvt, Uno ak oh cho ? achit isht mah̄aya tok.

20. Mihma afalaminchi mvt, Auah tuklo kv̄t achv̄vt ampo achvfa ho a sv̄bai impa kak oke.

21. Hatak Ushi yokv̄to isht a holih̄iso tok mak o aya ho mv̄hlishke : amba Hatak Ushi a ishit inla ibbak fohki yv̄mmak okv̄to i palv̄mma chi mak oke : hatak yv̄mmak okvt ik tobo tok okmak osh im achukma hatuk mak a chi hoke, im achi tok.

22. Mihma impa hosh maya ma, Chisvs vt pv̄ska ya ishi cha, vba isht aiokpv̄chi mvt, tushahlich̄i cha, yv̄mmak ash o ima mvt, Ishit oh vp̄á, ilv̄ppvt sa hakn̄ip mak oke, achi tok.

23. Anonti isht-ishko ya ishi cha, vba pit aiokpv̄chit issa mvt, yv̄mmak ash o ima tok : mihma momvt okla ishko tok.



24. Mihma, Ilvppvt svssish nan-isht-vlhpisa himona hosh la<sub>w</sub>a ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa apelihchika yak o ai ishko la he nitak mak a hi oke, im achi tok.

26. Mihma vba-isht-taloa ya okla taloa mvt, kohchvt Alif nvnih ha pit ilhkoli tok.

27. Mihma Chisvs ash osh, Hvsh moma kv<sub>t</sub> himak ninak a vno pulla kak o hvsh ibetvbla chi hoke: Chukv<sub>l</sub>hpoba apesvchi a issot boli likma, chukv<sub>l</sub>hpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kv<sub>l</sub>lochit anum-pulit, Chi awant svlli hokmvt, kaniohmi kak osh ak chithano ka miha la he keyushke, achi ma, momvt yvmmak inli ho miha tok.

32. Mihma osapushi Ketsemane hohchifo talaia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhaklot isht alotowa tok.

34. Mihmvt yvmmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Aki Abba ma! nan okluha kv̄t a chim aiāhli bano hoke; isht-ishko ilv̄ppa is sā kanv̄llichashke: ik yohmi kia v̄no ak osh nan ahni li kak keyu, amba chishno ak osh nana hō ish ahni mak ashke, achi tok.

37. Micha v̄la mvt, nusi hosh m̄aya na ant pisa cha, Pita ash o, Saimon chia hv̄t chi nusi hō? hv̄shi kanv̄lli v̄lhpisa achv̄fa takla ka chi ōkcha he keyu cho?

38. Ōkchv̄t v̄ba pit hv̄sh anumpv̄lashke, yv̄mmak keyukmvt anukp̄vli hō ish iba chukowa hinlv̄shke. Shilombish okv̄to im v̄lhtaha ho mv̄hli kia, amba haknip ak osh tikambi hoke, im achi tok.

39. Mihmvt anonti kanima ia cha, v̄ba pit anumpuli mvt, anumpa mihi ash inli hō miha tok.

40. Micha falamvt v̄la ma, nishkin ak osh weki hatuk osh, anonti nusi hosh m̄aya na ant pisa tok: mihma nana hō okla im acha hi vt ik ithano ki tok.

41. Atuk ō ont isht atuchina v̄la mvt, Himmak mak o, m̄ayvt nusit hv̄sh fohashke: ont ai v̄hli hoke, hv̄shi kanv̄lli v̄lhpisa hv̄t ai onv̄shke: yakeh! Hatak Ushi a ishit nanashv̄chi v̄hleha ibbak ā fohka ch̄i mak oke.

42. Ho tan̄i; kiloh ilhkoli, sv̄shit okla ibbak sa fohka ch̄i hokvt olanlosi v̄lv̄shke, im achi tok.

43. Yohmi ma mih makinli hō anumpuli moma na auah tuklo atuk achv̄fa Chutas vt okla chinto na-holitompa isht āsha pehlich̄i v̄hleha, micha na-holissochi v̄hleha aiena aiasha ka a minti hosh bv̄shpo falaia, micha iti tv̄ptua aiena sholi hō it apehv̄t v̄la tok.

44. Yohmi kv̄t ishit okla ibbak fohka ch̄i yv̄mmak osh ot nana apesvt, Kv̄na hō ī suksowa likma, yv̄mmak osh m̄ih mak ach̄i hoke; yv̄mmak ō hv̄sh ishi cha, achukmalit ishit hv̄sh iashke, im achi tuk a tok.

45. Atuk osh v̄la makinli hosh, yv̄mmak ash ō apissanlit iv̄t im ona mvt, A shahli ma! A shahli ma! achi mvt, ī suksowa tok.

46. Mihma yv̄mmak ash ō ibbak onochit okla ishi tok.

47. Mihma bil̄ikasi hiohm̄aya tuk vt achv̄fv̄t bv̄shpo falaia

y<sub>o</sub> ishit sh<sub>u</sub>fi mvt, na-holitompa isht a<sub>s</sub>ha pehlichi in tishu h<sub>a</sub> ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak h<sub>u</sub>kopa y<sub>o</sub> ayvt i kohcha h<sub>o</sub> chiyuhmit bvshpo falaia, micha iti tvptua aiena sholi hosh hvs svsha ch<sub>i</sub> kv<sub>t</sub> hvsh itvnowa cho?

49. Nitak moma ka tempel anukaka y<sub>a</sub> hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla ch<sub>i</sub> kak o hvsh yakoh-mishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kv<sub>t</sub>, yvmmak ash iakaiyvt aya tuk o, hatak himita vhleha hv<sub>t</sub> it i hokli tok.

52. Mihma linen anchi ash o kanchi cha, nipi bano hosh mokofit mvllelit i kvnia tok.

53. Mihma Chisvs ash o na-holitompa isht asha i shahli y<sub>o</sub> okla isht im ia tok; mihma yvmma na-holitompa isht a<sub>s</sub>ha pehlichi vhleha, micha hochitoka vhleha, mikmvt naholissochi okla aiena kv<sub>t</sub> momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht a<sub>s</sub>ha i shahli im aboha holitopa yak kia ona tok: mihmvt tishu vhleha h<sub>a</sub> takla ashvt luak libesha tok.

55. Mihma na-holitompa isht a<sub>s</sub>ha pehlichi vhleha, micha nan-apesa moma aiena kv<sub>t</sub> Chisvs a nan isht im ai atokowa na vba ch<sub>i</sub> kv<sub>t</sub>, okla akostininchi bvna tuk osh, ik akostinincho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okpvnish, nitak tuchinakma, inla yosh ibbak o isht toba keyu h<sub>o</sub> ikbi la ch<sub>i</sub> hoke, achi ka e haklo tuk oke, achi tok.

59. Yohmi kia yvmvt okla nan isht atokoli kv<sub>t</sub> ont ik itibai achvfo akinli tok.

60. Mihma na-holitompa isht asha i shahli ash osh iklvn-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kv̄t nan isht chi atokoli ka katiohmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-asha i shahli yash ot i nafohka ya it a hlilvffi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvh-pesa kak o, momvt okla anumpa onochi tok.

65. Mihma kanimi kv̄t on tuftua mvt, anonti nashuka ya ompohomo cha, ibbak bonunta isht isso cha, Akostininchit anolí, achi tok: mihma tishu vhleha hv̄t ibbak pv̄tha ya okla isht pvsaha tok.

66. Mihma Pita yv̄to nutaka aboha holitopa anukaka ya asha na ohoyo himita na-holitompa isht asha i shahli in tok-sv̄li vhleha hv̄t achv̄vt v̄la tok.

67. Mihma Pita yv̄t libisha hosh asha na ont pisa cha atokolit pisa tok: mihmvt Chishno vt Chisvs Nasalet v̄tta ya awant ish aya tuk akinlishke, achi tok.

68. Yohmi kia Pita yv̄t ik ithano ilahobit, yv̄mma ithana li keyu; mikmvt nana ish miha kak kia ak chim akostininchoshke, acki tok. Micha kohchv̄t apishia ya ona ma, aka-ka yv̄t ola tok.

69. Atuk o anonti ohoyo himita yosh yv̄mmak ash o pisa mvt, bilíkasi hiohmaya kash o, Ilvppak osh yv̄mma pit ai achv̄fa mak oke, im achi tok.

70. Mihma anonti yv̄mma ik ithano, miha tok. Yv̄mmak atuk a in chekosi ma bilíka hiohmaya tuk ash ot anonti Pita

yash o, Chishno ak kia okla yvmma ish ibai achvfa yatak o pullvshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hvsh maya ka ithana li keyushke, achit ik ahobalot anumpulit anumpa kvlllo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik svthano ish miha chi hoke, im achi tok Chisvs im anumpa hash pit ithaiyana tok. Mihma yvmma anukfieli mvt, yahaya tok.

CHAPTA XV.

Chisvs a okla takchi cha, Pailat ibbak fohki, 1; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okvno ititaiyukhvna ahonvhltv illa chi ho im issa: 17 mihma tvshka chipota vhleha hvt yvmmak ash o kvti tvnna yo iachukolichi cha, isso: 20 mihmvt ititaiyukhvna ahonvhla chi mak o ilauct ia. 21 Chisvs a Kolkohla ya okla isht ona mvt, hatak hukopa tuklo itin takla yo a tak alichit ititaiyukhvna ahonvhlich; 29 mihma na-holitompa isht asha vhleha, micha okla puta kvv ishit yopula: 33 hvshi vt okhlilit kvnia ma, Chisvs vt Chihowa ha pit in tahpahanlvv illi. 38 Nantvna holitompa tempel anukaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhvna a takali ka, ohoyo kanimi kvv pisa. 42 Choscf vt Chisvs haknlp ititaiyukhvna takali tuk a ishit akvchi cha, sepvilka himona ilap i hikia tuk vt fohki.

1. ATUK o onnahinli makinli ho na-holitompa isht asha pehlich hash osh hochitoka vhleha, micha na-holissochi okla, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht ivv, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho? achi tok. Mihma Chisvs vt, Vlhpesa ho ish mihvshke, im achi tok.

3. Mihma na-holitompa isht asha pehlich vhleha hvt

yvmmak ash o nana ilaiyuka laua ho isht onochi tok: yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik acho há cha? yakeh! nana ka isht a chi atokoli ka laua fehnvshke, achi tok.

5. Yohmi kia Chisvs ash ot nana ik acho moma tok. Yohmi hatuk o Pailat ash osh, okokko! aiahni tok.

6. Mihma vbanvblit ont ia impa aasha ka ilap mak osh, kanima yo okla ahnikma, yukvt talakchi atuk a achvfalit im i hotofi chatuk a tok.

7. Mihma achvfa hosh, Balabas hohchifo kvv nan-vlhpisa ya itibai i sanalit ahashwa cha, nan-vlhpisa i sanali kvv hat tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlvt, nana ka ai i yvmihchi bilia yatuk vt yvmihcha chi ka okla im ahni tok.

9. Yohmi kia Pailat ash osh afalaminchi mvt, Chu okla i Miko ak o hvchim i hotofi la chi ka hvsh ahni cho? im achi tok.

10. Yvmmak okvno na-holitompa isht aasha pehliche vhleha hvv i nukkilli kak osh ishit ibbak fohki tuk a ithana hatuk okvt.

11. Yohmi kia na-holitompa isht aasha pehliche vhleha hash ot Balabas ak o im i hotofi pulla chi ka okla ha isht a nukfohkichi tok.

12. Mihma anonti Pailat ash ot afalaminchi mvt, Yohmi ka Chu okla i Miko hvsh achi yvmmak amo nanta ho kati-michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o ahonvhlvchi, achi tok.

14. Yohmi ma Pailat ash ot, Nanta katiohmi ho nan ik achukmo nanta mak o yvmohmi tuk oh cho? im achi tok. Mihma yvmmak o okla isht i shahliche fehnvt tahpvlvt, Ititaiyukhvna ak o ahonvhlvchi, achi tok.

15. Yohmi ma Pailat ash ot okla ha yukpali bvna kvv, Balabas ak o im i hotofi tok: micha Chisvs ash o fvmmi mvt, ititaiyukhvna ahonvhlvt illa chi mak o, yvmmak ash o ishit okla hash ibbak fohki tok:

16. Mihma tvshka chipota vhleha hash ot yvmmak ash o halvllit isht ivt nan ai apesa Pletolium hohchifo hō isht ona tok : mihmvt aya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tvnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo ha kvshak ishit isso mvt, on tuf-tvvt, anonti hvchikbihleptv hikia cha, aiokpvchi aiena tok.

20. Mihmvt yvmmak ash o okla ishit yopula hayosh na-fohka hummakbi ash o i shvfi cha, ilap i na-fohka yash inli hō okla fokvchi mvt, ititaiyukhvna ahonvhliha chi mak o kocha isht ia tok.

21. Mihma Saimon Silinian hatak Aleksanta, micha Lvfvv aiena iki vt yakni kocha vttvt minti hosh aya ma, im ititai-yukhvna ya shola chi ka okla atohnochi tok.

22. Mihma yvmmak ash o yakni Kolkohla, yvmmvt to-showakma, Noshkobo foni aiasha achi hō okla isht ona tok.

23. Mihmvt ishka chi ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yvmmak ash o okla ititaiyukhvna ahonvhli-chi mvt, hatak achvfa kvv kaniohmi aiyuka isha chi kvv nan isht a shoelit mavvt, i na-fohka yash okla it i hopela tok.

25. Yohmi kvv hvshi kanvlli vlvpisa ont atuchina hō ititaiyukhvna ya okla ahonvhlihi tok

26. Mihma anumpa isht ai onvtula hatuk holisso kvv pak-naka ya CHU OKLA I MIKO YOKE, achi hosh a ho-lisso tok.

27. Micha hvkopa tuklo hō achvfvv ibbak ishtimpak-imma takali ma, anonti achvfvv im vlvhfvbekimma takali hō it aieninchit ititaiyukhvna ahonvhlihi tok.

28. Mihma holisso holitopa yvt achi kvv, Micha nan-vlhpisa kobvffi vhleha hō iba holhtiena tok achi hatuk vt ont aiahli tok oke.

29. Mihma itvnowvt aya mvt, yvmmak ash o ik ahobalot pit i yuchunuklit, Tempel a okpvni cha anonti nitak tuchi-nakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht a<sub>sh</sub>a pehlichí v<sub>h</sub>leha, micha na-holissochi v<sub>h</sub>leha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma ch<sub>i</sub> ka, himonasi ak o Is<sub>l</sub>ael i m<sub>i</sub>ko Klaist vt ititaiyukhvna ya v<sub>t</sub>v<sub>t</sub> auet ik akowá, it im achit m<sub>a</sub>ya tok. Mihma apehvt ititaiyukhvna ahonv<sub>h</sub>la kash kia y<sub>u</sub>mmak ash o na-mihachi tok.

33. Atuk o hvshi kanv<sub>l</sub>li v<sub>h</sub>hpisa isht hannali kv<sub>t</sub> ai ona ma, okhlili hv<sub>t</sub> yakni mominchit takali na hvshi kanv<sub>l</sub>li v<sub>h</sub>hpisa ont isht chakkali ka ona tok.

34. Mihma hvshi kanv<sub>l</sub>li v<sub>h</sub>hpisa ont isht chakkalik fehna, Chisvs ash ot chitoli hosh tahp<sub>r</sub>vt, Eloi, Eloi, lama sabakhlani, y<sub>u</sub>mmvt toshowa kv<sub>t</sub>, An Chihowa ma! an Chihowa ma! nanta katiohmi h<sub>o</sub> is sa kanchi cho? achi hoke.

35. Mihma bil<sub>i</sub>ka hiokm<sub>a</sub>ya tuk vt kanimi kv<sub>t</sub> haklo mv<sub>t</sub>, Yakeh! Elias ak o i howvshke, achi tok.

36. Mihma achv<sub>r</sub>vt malelit iv<sub>t</sub> na-shatv<sub>m</sub>mi o wineka ont alotoli cha, k<sub>u</sub>shak o takalichit ishka ch<sub>i</sub> ka pit ima mv<sub>t</sub>, Ik ashá, Elias vt v<sub>l</sub>a cha ant ishit akvchikmá nana ch<sub>i</sub> hokmá, keho pisá, achi tok.

37. Mihma Chisvs ash osh chitoli hosh anumpuli mv<sub>t</sub>, fiopa issa tok.

38. Mihma nantv<sub>n</sub>na tempel an<sub>u</sub>kaka takali kash ot paknaka ai it a hlilav<sub>t</sub> ia mv<sub>t</sub>, aka ont taha cha tuklo tok.

39. Mihma Sintulion vt im a chapaka hikia tuk vt, y<sub>u</sub>mmvt chitolit makachi cha, fiopa issa na pisa mv<sub>t</sub>, Hatak ilvppvt Chihowa Ushi yatuk o pulla mv<sub>h</sub>lishke, achi tok.

40. Mihma ohoyo aiena hosh mishema h<sub>o</sub> p<sub>i</sub>sv<sub>t</sub> hiohm<sub>a</sub>ya ma, Meli Maktalene, micha Chemis iskitini, mikmv<sub>t</sub> Choses aiena ishki Meli, mikmv<sub>t</sub> Salome aiena kak osh takla hinli tok.

41. Yohmi kv<sub>t</sub> Kalili a anta ma, ohoyo ilvppak osh apehvt ay<sub>v</sub>t, nan isht im ashwa tok: mihma apehvt ay<sub>v</sub>t Chelusalem a ai v<sub>l</sub>a tuk vt ohoyo inla yvt laua hosh pit ai okluha tok.



42. Atuk o ont opivt taha ma, nana il ai atahli nitak, yummvt nitak hullo vt onnvt a<sub>2</sub>sha ho,

43. Chosef Alimahlea v<sub>2</sub>tta, nan-apesa holitompa hosh, yummak kia Chihowa apehlichika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kv<sub>2</sub>t nukhlakancha tok, micha Sintulion a hoyo mvt, illi tuk a ahchibakmá, nana tuk a, i ponaklo tok.

45. Micha sintulion a isht ai akostininchi mvt, haknip ash Chosef a im issa tok.

46. Mihma yummak ash ot linen lapushki yo chumpa mvt, yummak ash ishit akvechi cha, linen a a bonulli cha, sepv<sub>2</sub>lka tvli yosh kulvt toba ho ont bohli cha, tvli yo tonolichit sepv<sub>2</sub>lka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kv<sub>2</sub>t yummak ash a bohli ka piv<sub>2</sub>t okla tok.

CHAPTA XVI.

Enchil osh Chisvs vt falamvt tani tuk a ohoyo im anoli, 1. 9 Chisvs vt falamvt tani ha yvt Meli Maktalene a im otvni tuk osh, 12 nan im ai ithvna v<sub>2</sub>hleha ha tuklot i haiaka: 14 atuk o<sub>2</sub>sb i himmakma auah-chvfa kash ont im otvni: yohmi mvt na yimma he keyu tuk a nan isht i miha; 15 micha vbanumpa ya kanima moyuma isht ai anumpohonla chi ka im apesa; 19 mihmvt vba ya ia ma, vba isht anumpa hv<sub>2</sub>t anuhumpa.

1. **ATUK** osh nitak hullot issa ma, Meli Maktalene, micha Chemis ishki, mikmvt Salome aiena kv<sub>2</sub>t ivt yummak ash o ont ahv<sub>2</sub>mma chi kv<sub>2</sub>t, na-balama okla chumpa tok.

2. Atuk osh wek chukowvt ia nitak vmmona onnahinli fehna hv<sub>2</sub>shi kohcha ho sepv<sub>2</sub>lka yash okla ona tok.

3, 4. Mihmvt, Kvta hosh tvli vt chito fehna kash o sepv<sub>2</sub>lka okhissa a pim a kanv<sub>2</sub>llich<sub>2</sub>a chi ho? ilap bika it im achi tok: mihmvt okla pit hopokoyo kash osh, a kanv<sub>2</sub>lli tuk a, okla pit pisa tok.

5. Micha sepv<sub>2</sub>lka ya okla pit chukowa mvt, hatak himita

yvt na-fohka tohbi falaia fohka hosh, ishtimpak imma tun-  
nvp a binili h<sub>o</sub>, okla pisa cha, nukhlakancha tok.

6. Mihma yummak ash ot, Ik hvchi nukshopo kashke,  
Chisvs Nasalet vtta yvt ititaiyukhvna ahonvhla tuk ash o  
hvsh hoyoshke: tani tuk oke: ilvppa ikshoshke: okla a  
bohli tuk a, pit ho pesá.

7. Yohmi kia hvsh ia cha, nan im ai ithvna vhleha, Pita  
aiena ka, yummak okvt hvchi tikba Kalili a ia he tuk a, ont  
hvsh im anolashke: yummak o hvchi miha tuk mak oka,  
yummak o hvsh a pisa chi hoke, im achi tok.

8. Mihma tushpvt pit okla kohcha mvt, sepvka yash  
ashvvt pit yihlepa tok: nukhlakancha, wvnihinchi, micha  
nukshopa aiena hatuk osh, kvna kia nanasi kia okla pit ik  
im acho ki tok.

9. Michá Chisvs vt wek chukowvt ia nitak vmmona on-  
nahinli fehna h<sub>o</sub> tani tuk vt, Meli Maktalene, yummak o  
nan-isht-ahullo okpulo untuklo ka a kohchi tuk ash nan  
tikba i haiaka tok.

10. Mihma yummak ash osh ivt apehvt itvnowa yatuk vt  
nukhaklot yaiya hosh maya ma, ont im anoli tok.

11. Mihma yummak ash osh okchaya na yummvt pisa  
tuk a okla haklo mvt, ik yimmo ki tok.

12. I himmakma yummak ash osh, tuklo hosh itvnowvt  
ayvt, yakni kocha itonachi ma, anonti ai inlv<sub>t</sub> i haiaka tok.

13. Mihma itiachi cha, kashapa kash o ont im anoli tok:  
mihma yummak ash kia okla ik i yimmo ki tok.

14. Atuk o i himmakma auah-chvfa hash osh impa hosh  
maya h<sub>o</sub> ont i haiaka cha, tani ha ya inla yvt pisa tuk a  
okla ik i yimmo hatuk oka, na yinma he keyu, micha chv-  
kvsh kvllo aiena ka nan isht ai i miha tok.

15. Mihmvt, Yakni moma ka ivt, vbanumpa h<sub>a</sub> hatak hi-  
kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke ;  
amba kvna hosh ik yimmo hokvto, issikkopvt bilia im vhpisa  
hi oke, im achi tok.

17. Michá na-yimmi vhleha hokvno nan-isht atokowa ya-  
kohmi kak osh a takanlit aya hi oke. Uno sa hohchifo h<sub>a</sub>

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mikmvt ishkot illi nana kia ishko hoh kia, nan ik kanihecho ka he: abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvv a takanlit aya hatuk ash isht aiahlichu ma, kanima moma ka vba isht ai anumpohonlit itvnowa tok oke. Amen.

# Ў BANUMPA LUK

ЎТ HOLISSOCHI TOK.

---

## CHAPTA I.

Luk vt Hliopilvs a pit im anumpuli, 1. 5 Enchil vt Sakalias a ont im otvni: 13 mihmvt ushi a<sub>sha</sub> hi a i miha; 24 Elisabet vt vlla shali cha, ile luhmi. 26. Enchil vt ohoyo himita Meli a ont i haiaka; yohmi mvt Shilombish Holitopa yosh nan anukfilli ho, Klaist ishki a toba pulla hi a i miha. 39 Meli vt Elisabet a ont i nowa mikmvt ita tuklo kv<sub>t</sub> Chihowa ya aiokpahanchi. 57 Chan vt vtta cha, hakshup tvpa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmmonvt isht auehinchi ka nishkin isht pisvt, nana ka isht ahashwa tuk vt yvmma pim anohonli tok mak osh lava kv<sub>t</sub> yvmmak atuk a isht anumpa holisso ha ikbi tuk o,

3, 4. Ūno ak kia nan vmmona isht-auehinchi ka nana kv<sub>t</sub> akaniohmi tok puta ka mominchit asilhhit achukmalit akostinichi li tuk vt, chishno vt nana ka isht chim annoa tuk a aia<sub>h</sub>li ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak a, na-holitompa isht vtta achvfa Sakalias hohchifo kv<sub>t</sub>, Abia apehlichika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kv<sub>t</sub> Elisabet a tok.

6. Mihi yosh yvmmvt tuklot Chihowa yvt pisa ho aia<sub>h</sub>li biekvt, anumpa vlhpisa puta, mikmvt nan-vlhpisa ilaiyuka Chihowa yvt apihisa tok a moma ka i shanaiya iksho hosh ahashwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vlhpiesa ma, yvmmvt na holitompa isht asha Chihowa itikba ya isht ai ahanta chi ka, na holitompa isht asha nan im vlhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tvnnvp o hikivt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa na ; vba pit ish asilhha tok vt chim vlhpesa mak oke : yohmi ka chi tekchi Elisabet vt vlla nakni o chi shala he ; mikma yvmma Chan ish hochifa he ;

14. Yohmikmvt na chi yukpvt chim achukma fehna he ; yohmikma yvmmvt vtta ka na yukpa kvv laua hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvt alotowa hi oke.

16. Yvmohmikmvt yvmmak okvt Islael isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vlhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kvv, Vno vt Chiho-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa ha ont im ai vlhpiesak-mvt aiahla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aiahli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha yo, tekchi Elisabet vt vlla i fohka cha, Hatak puta itintakla sa hofahya kvv a takali tuk a isht kancha chi hosh, auet sa pihisa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo him-ita yvt hatak Chosef hohchifo hosh, Lewi in chuka-chvfa isht atiaka yo, im vlhpoa hosh ohoyo himita hohchifo mvt Meli osh, Kalili yakni tvmaha Nasalet hohchifo ho anta ho, Chihowa yvt Kebliel a pit i chvffichi tok.

28. Yvmohmi na enchil ash ot im aboha ha ant chukowa mvt, Holitopa fehna chia hvv na chi yvkvashke; Chihowa hvv chi halvlli hoke, holitopa kvv ohoyo puta moma ka ish imaiyvshke, achi tok.

29. Mihma yvmmak ash ot pisa mvt, yvmvvt nana ahanchi ka nukhlakancha mvt, nan isht aiokpvchi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kashke; Chihowa ish i holitopa hi vt chim vlhpesa tuk oke.

31. Yohmi kvv yakeh! vlla yvt chi fohka cha, vlla nakni o ish ishikmvt, hohchifo ha Chisvs ish hochifa he mak oke.

32. Yvmmak osh Chitokaka tobvt ahantvt, Nana moma i shahli Ushi hohchifa he; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichhi na bilia he: yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he; yohmikma Nana moma i shahli nan isht im aiahlika yvt chi o hoshontikacha hi oke; yohmi hoka na-holitopa kvv chim vtta hi vt yvmmak kia Chihowa Ushi hohchifa hi oke.

36. Micha yakeh! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke: chim anuhumpa tuk mak o nana kvv vm ai vlvpiesashke, im achi tok. Mihma enchil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nvnih foka tvnaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok; Meli vt aiokpvchi na Elisabet vt haklo ma, vlla yvt ikfoka anuka ilhkoli tok; yohmi ma Elisabet vt Shilombish Holitopa isht anukfohkvt alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke: mihma chikfoka anuka a toba mvt holitopvshke.

43. An Chitokaka ishki vt ayvt vm vla ilvppvt katiohmi ho a yakohmi cho?

44. Yakeh! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kv̄t sak-foka anuka ya ilhkoli kano.

45. Chitokaka yvt yv̄mma nana ho im anoli tuk a ont aiahlit taiyaha hi oka, na yimmi tuk yv̄mmv̄to na yukpv̄sh-ke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukv̄sh vt Chihowa si okchalinchi a ai isht ilaiyukpv̄shke.

48. Yv̄mmak okv̄t in tishu ohoyo ilbv̄sha ya i nukh̄aklot pisa tuk oke: yohmi hoka himak p̄illv̄t ia ka hatak isht ai unchululi puta kv̄t na-yukpa sia hochifa hi oke.

49. Yv̄mmak osh nana moma imaiya mak osh nafehna chinto ka a yvmihchi tuk oke: yohmi kv̄t hochifo hv̄t holitopa yoke.

50. Micha hatak it ai unchululi ia puta ka ilapa im antia v̄hleha h̄a yv̄mmv̄t i nukh̄aklo kv̄t ai in takali mak oke.

51. Yv̄mmak okv̄t ilapo shakba isht imaiyachi chatuk: ilapunla v̄hleha hv̄t ilap chukv̄sh nan isht im anukfilv̄t ma-yakma, yv̄mmak okv̄t it a fimibli chatuk oke.

52. Yv̄mmak okv̄t hochitoka v̄hleha im aiasha puta tuk a ai isht akakohlikm̄v̄t, anonti ilbv̄sha v̄hleha ak o holitobli-chi chatuk oke.

53. Hohchv̄fo ya yv̄mmak okv̄t na hochukma puta ka isht fihoblikm̄v̄t, anonti nan in laua yano nana kia ik im ikshochit kanom pit tihleli chatuk oke.

54, 55. Eblaham, mikm̄v̄t yv̄mma isht ai unchululi ka i nukh̄aklot a bilia hi vt pin tikba v̄hleha h̄a pim anumpohonli tok vt ithaiyana m̄v̄t, in tishu Israel a apelahanchi chatuk oke, achi tok.

56. Mihm̄v̄t Meli vt yv̄mma awant anta na hv̄shi tuchi-na foka m̄v̄t, falamv̄t in chuka ona tok.

57. Yohmi ma Elisabet vt vlla in tonla hi vt ont ai im v̄lhpiesa m̄v̄t, vlla nakni o sholi tok.

58. Mihma in chuka panta āsha, micha i kanomi v̄hleha aiena kv̄t, Chitokaka yvt yv̄mma i nukh̄aklo fehna tuk a okla haklo m̄v̄t, ibai yukpa tok.



59. Atuk o yakohmi tok: nitak ont isht untuchina ma vlla ya hakshup tvblit itvnowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hochifa chi hoke, achi tok.

61. Mihma Chi kanomi hvt. kanima mvt hochifo ilvppa isht a hochifo kv̄t iikshoshke, okla im achi tok.

62. Mihmvt iki ak osh nana ho hochifa-hi a ahnik mak a chi ka, okla pit avvchi tok.

63. Mihma yvmmak ash ot aholissochi a hoyo cha, Hohchifo hvt Chan oke, achit holissochi tok. Mihma, Na katihi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annvt Chutea yakni nv̄nih foka yash mominchit a hlopulli tok.

66. Mihma okla yvma haklo tuk vt moyumvt, Ulla katioma chi hosh ilvppvt yakohmi cho? ahanchit chukvsh anukaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkv̄t alotovt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-auehinchi ka itih isht ai anumpohonli tok mak osh, pishno vt pin tv̄vvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaia ka i nukh̄aklot pih̄isa cha, nan isht vlhtoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kv̄t pishno vt pin tv̄vvp vhleha ibbak ma il ai in hlakofikmvt, pi okchayvt nitak il ai ahanta kv̄t, nukshumpa iksho hosh nan-ashvchi ikshot ai vlhpiesa hosh im antivt, itikba ma il ah̄ashwa he mak o, auet pim aiahna hi vt

ilap i nan-vlhpisa holitopa anumpa kullo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aiahlichi mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yummak atuk pulla mak o ai okhlilika, mikmvt ai-illi ai o hoshonti aiena anuka-ka aiasha tuk a in tohwekelicha chi, mikmvt hvv iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auet pi on tommishke.

80. Yvmohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

## CHAPTER II.

Chisvs vt Behlehem ak o ai vtta cha, vlhpoba ai-impv peni yo fohka, 1. 8 Chukvvlhpoba apesvchi vhleha Behlehem bilika asha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vla cha, ibai achvfvv Chihowa ha okla aiokpahanchi. 21 Chisvs vt hakshup tvpa; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukova; yohmi cha hatak okchalinchihimona vtta tuk a pisa mvt, Chihowa ha pit aiokpahanchi. 40 Chisvs vt afrmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak yvmma foka ma, yakni yvmmvt okluyuhvt holissa hi a Sesa Akvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvvt vlhpisa vmmona tok.

3. Mihma momvt ilap in tvamaha aiyuka a holissa chi hosh ilhkoli tok.

4, 5. Mihma Chosef ak kia, yummvt Lewi in chuka-chufa yo isht-ai-unchululi hatuk okvt, Kalili yakni Nasalet tmaha ha vttvt kohchvt ia mvt, Chutea yakni Lewi in tmaha Behlehem hohchifo ho tekchi vvhpoa Meli vt vlla in tola hosi ho, it iba holissa chi hosh ona tok.

6. Atuk o yakohmi tok: yvmma ont ahashwak fehna, yummvt vlla in tola he nitak vt ont ai vvhpiesa tok.

7. Mihmvt ishi ahpi kvv vlla nakni osh in tola cha, yvm-mak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yvmmak inli ka chukvvhlpoba apesvchi vvhleha hvv vvhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekali chinto kvv ai on tommit talaiia ma, okla nukshopa fehna tok.

10. Mihma enchil ash ot, Hvchi nukshopa ná; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchi, yummvt Klaist Chitokaka mak osh Lewi in tmaha ha a hvchim ai vtvshke.

12. Yohmi ka atokowa kvv ilvppak o yakohmi ha chi hoke: Ullosi vt nahlilahli o a bonunta hosh, issuba ai ilhpitta yo fohkvv itonla ho ont hvsh pisa chi hoke, im achi tok.

13. Yohmi ma i mih-makinli ho enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topá; mikmvt yakni paknaka ma ik a nanaiyá: mikmvt hatak a nana achukma im anukfilli aiena kvv ik ai ituyulá, ahanchi tok.

15. Mihma yakohmi tok: enchil okla hash osh issvt vba ya ivt taha ma, chukvvhlpoba apesvchi vvhleha hash osh, Inta! Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tvshpvt itvnowvt ona cha, Meli, Chosef ita

tuklo ka, micha vllōsi atuk mvt issuba ai ilhpitta yō fohkvt itonla aiena hō okla pisa tok.

17. Yakohmit ont pisa mvt, vlla yvmma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukvllhpoba apesvchi vhleha hvt im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukvsh anukaka isht ithaiyanvt, anukfihinli tok.

20. Mihma chukvllhpoba apesvchi vhleha hash ot nana kv̄t im ai annoa tuk ash fehna ka oklvhvlinchit haklo, micha pisa aiena mvt, Chihowa ya holitoblichit aiokpahanchit, falamvt okla ilhkoli tok.

21. Yvmohmi tuk o nitak ont isht untuchina ma, vlla ya hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohchifo tok.

22–24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh vta hokvto moyumvt Chitokaka ma pit im a holitopa he mak o, Chitokaka i nan-vlhpisa ha a holihiso hatuk oka, yvmmak ash Chitokaka ima chi, micha nan-isht aiokpvchi vt pvchi yoshuba tuklo, keyukmvt pvchi himita yosh tukla hi o, Chitokaka i nan-vlhpisa yvto ahanchi hatuk oka, isht aiokpvcha chi hosh Chelusalem a itvlachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv̄t yvmmak okvt hatak vlhpiesa, Chihowa ma holitobli aiahli hosh Israel okla nayukpali a pit hohoyo hosh anta tok: yohmi ma yvmmak oka Shilombish Holitopa yvt anukfoyuka tok.

26. Yohmi kv̄t yvmmak okvt Chitokaka i Klaist a ik peso kisha hokvto, illa he keyu ka, Shilombish Holitopa yvt tikbanli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka hō ayvt tempel a ant chukowa tok: atuk

o ai yvmohma he nan-vlhpisa ha isht ai yvmihcha chi hosh iki, ishki ita tuklo kv̄t vl̄losi Chisvs a sholi cha, ant chukowa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hv̄t na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Islael mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kv̄t yvmma nana kv̄t isht anumpa ka, anukhlakancha tok.

34, 35. Mihma Simeon ash ot, yvmmvt ai yukpvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Islael okla hv̄t isht ai akakoha, mikma anonti a tana he aiena kv̄t lava he: micha nan-isht-atokowa ka i sanalit isht anumpohonli na chukvsh lava nan isht im anukfila puta mvt ai otaiyana he mak o isht ai vlhtoka hoke; ahli, mikmvt chishno chi shilombish ma aieninchit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kvnia tok.

37. Yohmi kv̄t vlhtaklv̄t hikia tuk a afvmmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokpvchi akinli tok: mihmvt isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mominchit nana ka ont aiahlichit taiyahli mvt, falamvt, Kalili yakni ilap o in tmaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impa holitopa ashakma iki, ishki ita tuklo kvv afvmmikma Chelusalem a itiachi beka tok.

42. Atuk osh impa holitopa isht asha yvmmak oh chatuk mak osh ont ai vllhpiesa ma, yvmmak ash ot afvmmi auah tuklo ho, Chelusalem a ilhkoli tok.

43. Atuk osh nitak vllhpisa hatuk vt ont in taha cha, falamvt itiachi ma, vlla Chisvs ash ot olvvlaka Chelusalem a anta hokak o; Chosef, micha ishki ita tuklo kvv ik akostinicho ki tok.

44. Amba okla it apehvt asht aya ka takla aya he ak o im ahombvt, avvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kvv falamvt Chelusalem a itiachi tok.

46. Atuk ak o yakohmi tok: nitak ont atuchina ho yvmmak ash ot tempel anukaka ya hatak nan-ithvnanchi vhleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svsó hvt nanta katiohmi ho ish pi yakohmichi na chiki ita tuklo li kvv nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a kaniohmi ka isht ahanta la he vllhpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinicho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chukvsh ma isht il anukfohkit iesli tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shahlit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a atokowa anoli; 20 anonti aboha kv̄llo fohka. 21 Chisvs vt baptismo, yohmi ma yummak okvt Chihowa ha Ushi pulla hatuk vt annoa. 23 Alvm ak o isht ai unchululit mihinti ho, Chisvs vt hatak a toba tok a vlhtokowa annoa.

1. TIBELIUS Sesa yvt miko tobtv ahanta tok afvmmi ont isht auah tahlapik fehna, Pontivs Pailat vt Chutea yakni apelihchi ma, Helot vt Kalili ak o apelihchi ma, anonti itibapishi Filip vt Itulea, micha Hlakonitis yakni aiena ka apelihchi ma, Lisantias mvt Abilene ak o apelihchi ho,

2. Annas, micha Kaiafas ita tuklo kv̄t na-holitompa isht asha i shahli yosh ashwa ho, Chihowa im anumpa hv̄t Chan Sakalias ushi a yakni haiaka yo im ai ona tok.

3—6. Yvmohmi ma hopaii Esias im anumpa holisso ha a holihiso kv̄t, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlechí: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilauí iksho ke tuk vt itilauit tahashke: yohmikma hatak moma kv̄t Chihowa i nan okchalínchi a pisa he mak oke, achishke; ahanchi tok mak o, yummak okvt ai ashvchika puta ka isht a kashofa chí ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma chí hosh okla laua yvt ai vla ma, Sintí chilita isht-atiaka hv̄chia ma! na palvmmi mihinti ka hv̄sh i hlakofa hi a, kv̄ta hosh hv̄chim anoli tuk oh cho?

8. Yohmi hokvt ile kostininchi ai it vlpesa mak o vnit hvsh wayashke; micha, Himona Eblaham ak osh piki yoke, acha hi okvno hvch ik il anukfillo kashke; Chihowa hvv tvli yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla ya ai itonla hoke; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chi ho? achi tok.

11. Mihma afalaminchi kvv, Kvna hosh na-fohka yvt in tuklokmvt, kanima hosh ik im ikshokma ik in chvfali; mikma kanima hosh ilimpa hvv im a sha kvv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai vla mvv, Nan-ithvnanchi ma! nanta hak o e katiohma chi cho? im achi tok.

13. Yohmi ma, Nana hvchim vlpesa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chi ho? achi tok: yohmi ma yvmmak ash o, Hatak nana kia hvch ik o mahlantokmvv, anonti kvna kia a holvbit hvch ik wehpulo kashke; yohmikmvv na hvchim ai vltoba ma, Vlpiesa akinli hvsh aiashke, im achi tok.

15. Okla hvv nana ka pit hohoyo hosh a sha hatuk, atul osh hatak moma kvv, Chan a yvmmak osh Klaist mak okma, keyukma, nanta ho chishba? ahnit chukvsh a isht anukfielit okla aiasha ma,

16. Chan ash ot mominchit im anumpullit, Vno yokvto oka yo isht hvchi baptismochi li mvhli; yohmi kia achvfa kvv a shahli fehna hosh mihinti ka i shulush isht-talakchi a vno vt hilitoli la hi o si ahoba keyu hoke; yvmmak osh Shilombish Holitopa, micha luak aiena ho isht hvchi baptismocha hi oke.



17. Yummak osh i nan-isht mvshahchi yvt ibbak a foyuka: yohmi kv̄t i nan-anihechi yatuk ma achukmali fehnvt kashofa he; mikmvt onush atuk ma kanchak a pit ashachikmvt, amba hakhlopish okvno luak vt moshola he keyu a isht hukma hi oke, ahanchi tok.

18. Micha okla ha nana inla mvt laua ho isht ai i mihivt, vbanumpa ha isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk, micha Helot vt nan ik vlpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vlpesacho ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi asha hosh pvchi-yoshuba chiyuhmit vba mintit im vla ma, vba ya anumpa hv̄t auet takali kv̄t, Chishno ak osh svso a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afvmmi pokoli tuchina ka ona foka hosh, peh im ahoba kvno, Chosef ak o ushi a tok: mihma yvmvt Heli ak o ushi a tok.

24. Mihma yvmvt Mahlat ak o ushi a tok: mihma yvmvt Lefai ak o ushi a tok: mihma yvmvt Melchi ak o ushi a tok: mihma yvmvt Channa ak o ushi a tok: mihma yvmvt Chosef ak o ushi a tok.

25. Mihma yvmvt Mattahlias ak o ushi a tok: mihma yvmvt Amos ak o ushi a tok; mihma yvmvt Naum ak o ushi a tok; mihma svmmvt Esli ak o ushi a tok: mihma yvmvt Nakke ak o ushi a tok:

26. Mihma yvmvt Maath ak o ushi a tok: mihma yvmvt Mattahlias ak o ushi a tok: mihma yvmvt Semei ak o ushi a tok: mihma yvmvt Chosef ak o ushi a tok: mihma yvmvt Chuta ak o ushi a tok:

27. Mihma yvmmvt Choanna ak 0 ushi a tok: mihma yvmmvt Lehesa ak 0 ushi a tok: mihma yvmmvt Solobabel ak 0 ushi a tok: mihma yvmmvt Salahliel ak 0 ushi a tok: mihma yvmmvt Neli ah 0 ushi a tok:

28. Mihma yvmmvt Melchi ak 0 ushi a tok: mihma yvmmvt Alli ak 0 ushi a tok: mihma yvmmvt Kosam ak 0 ushi a tok; mihma yvmmvt Elmolam ak 0 ushi a tok: mihma yvmmvt El ak 0 ushi a tok.

29. Mihma yvmmvt Chose ak 0 ushi a tok: mihma yvmmvt Eliesel ak 0 ushi a tok: mihma yvmmvt Cholim ak 0 ushi a tok; mihma yvmmvt Mathlat ak 0 ushi a tok: mihma yvmmvt Lefai ak 0 ushi a tok.

30. Mihma yvmmvt Simeon ak 0 ushi a tok: mihma yvmmvt Chuta ak 0 ushi a tok: mihma yvmmvt Chosef ak 0 ushi a tok: mihma yvmmvt Chonan ak 0 ushi a tok: mihma yvmmvt Eliakim ak 0 ushi a tok.

31. Mihma yvmmvt Melea ak 0 ushi a tok: mihma yvmmvt Menan ak 0 ushi a tok: mihma yvmmvt Mattahla ak 0 ushi a tok: mihma yvmmvt Nahlan ak 0 ushi a tok: mihma yvmmvt Lewi ak 0 ushi a tok.

32. Mihma yvmmvt Chesse ak 0 ushi a tok: mihma yvmmvt Obet ak 0 ushi a tok: mihma yvmmvt Boos ak 0 ushi a tok: mihma yvmmvt Salmon ak 0 ushi a tok: mihma yvmmvt Naason ak 0 ushi a tok.

33. Mihma yvmmvt Aminatab ak 0 ushi a tok: mihma yvmmvt Alam ak 0 ushi a tok: mihma yvmmvt Eslom ak 0 ushi a tok: mihma yvmmvt Fales ak 0 ushi a tok: mihma yvmmvt Chuta ak 0 ushi a tok.

34. Mihma yvmmvt Chekob ak 0 ushi a tok: mihma yvmmvt Aisaak ak 0 ushi a tok: mihma yvmmvt Eblaham ak 0 ushi a tok: mihma yvmmvt Hlala ak 0 ushi a tok: mihma yvmmvt Nachol ak 0 ushi a tok.

35. Mihma yvmmvt Saluk ak 0 ushi a tok: mihma yvmmvt Lakau ak 0 ushi a tok: mihma yvmmvt Falek ak 0 ushi a tok: mihma yvmmvt Hebeh ak 0 ushi a tok: mihma yvmmvt Sala ak 0 ushi a tok.

36. Mihma yvmmvt Kainan ak 0 ushi a tok: mihma

yummvt Alfaksat ak o ushi a tok : mihma yummvt Sem ak o ushi a tok : mihma yummvt Noah ak o ushi a tok : mihma yummvt Lamek ak o ushi a tok.

37. Mihma yummvt Mehlusala ak o ushi a tok : mihma yummvt Enok ak o ushi a tok : mihma yummvt Chalet ak o ushi a tok : mihma yummvt Maleleel ak o ushi a tok : mihma yummvt Kainan ak o ushi a tok.

38. Mihma yummvt Enos ak o ushi a tok : mihma yummvt Seth ak o ushi a tok : mihma yummvt Alam ak o ushi a tok : mihma yummvt Chihowa ak o ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yo sinakak a nan ai ithvnanchi: 28 mihma okla hvt ik im vlhpeso mvt, vbi brnna; 31 Chisvs vt Kapenavm a ona cha, nitak hullo ya nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 43 Kalili fullota ka vbanumpa ya isht ai anumpohonli.

1. CHISVS vt Shilombish Holitopa isht anukfohkvt im alotowa hosh, Chatan vttvt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yvmma fehna ka nanasi kia vpa tok keyu: atuk osh yummvt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, tvi ilvppvt pvaska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvaska yak bieka ho ai okchaya he keyu; amba Chihowa im anumpa moma kak ashke; achi kvv hollisso hoke, im achi tok.

5. Mihma Setan ash ot yvmmak ash ilaueleit nvnih chaha

yō isht oiya cha, yakosi itin takla fehna hō mīko apehlichī puta yakni aiasha ka mominchit ī haiakvchi tok.

6. Mihmvt Setan ash ot, Nan im aiahlika, micha im a holitopaka aiena ilvppa mominchit chima lashke; yvmmvk okvt vno ak o vmmi toba tok: yohmi ka kvna hō vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvt chimmi hashke, im achi tok.

8. Mihma Chisvs ash ot afalaminchit, Setan chia hvv vm ashaka yak o ish hikiashke; Chitokaka chin Chihōwa yak o ī hvchukbihleptv ish aiokpahanchashke; micha yvmmak illa hō holitoblit ish im antiashke; achi kvv hollisso hoka, im achi tok.

9. Mihma yvmmak ash ot Chisvs ash o ilaelit Chelusalem a ont isht chukowa cha, tempel wishakchi yō ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno a chi apesahancha chī ka, im enchil vhleha hā atohno na ibbak a okla vba isht takalihinchit chisht aya na nitak kanima kia chiyi ya tvli isht chik ai isso ka hi a, achi hosh hollisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa ya imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno ī filvmmi ia tok.

14. Yohmi ma Chisvs ash ot Shilombish nan-isht im aiahli ka yvt anukfoyuka hosh falamvt Kalili a ona tok: mihma yvmma isht annoa kvv yakni yvmma a bilika a mominchit hlopulli tok.

15. Mihma yvmma ī sinakak a puta ka nan ai ithvnan-chit ahanta ma, momvt ahninchī tok.

16. Yohmi ma ai vttvt hofanti tok Nasalet mak o vla tok; mihmvt a yohmi atuk okvt, nitak hullo nitak a sinakak a ont chukowa cha, hollisso it im anumpula chī hosh wakayvt hikia tok.

17—19. Mihma hopaii Esaias i holisso ho ant ima tok: yohmi ma holisso hash wakvmmi mvt, yvmma a holisso kvv, Ilbvsha puta ka vbanumpa isht im anumpuli la hi a yvm-mak osh nan isht si ahvmmi tuk okvt, Chitokaka im i shi-lombish vt si onvtuyula hoke: chukvsh nukhaklo puta ha-tuk kia hopohlvchit, yuka vhleha hatuk ma isht a hlakofa he; mikma lva puta yatuk mvt isht a hoponaya he, micha issikkopa puta kvv a sha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi ho ahayuchi tok.

20. Michā holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hvchi haksobish a isht hvsh haklo kvv ont aiahli hoke, im achit isht ia tok.

22. Yohmi ma moma kvv nan ia atokowa ma pivvt, anum-pa hochukma kvv itih ha a kohoncha ka okokko! aiahni tok: mihmvt, Ilvppvt Chosef ushi keyu ho? okla achi tok.

23. Mihma, Alikchi a chishno inlit ile hlakofichí: nana kvv Kapenavm a a yvmohmi na e haklo tuk okma, chi yakni ilvppak inli ma a yvmihchí, achi anumpa isht vlhpisa ilvppak o hvsvm achi pulla chi hoke, im achi tok.

24. Mihmvt, Ahli pulla ho hvchim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yolmi kia aiahli mak o hvchim anoli li: Elias vt ahanta nitak a vba vt ai okshilitvt kvnia na afvmmi tuchina hvshi hannali; yohmi na hopoa chinta fehvvt a hlopulli ka, Israel okla ha ohoyo i hatak illi vt lauvt aiasha tok.

26. Yohmi kia yvmma achvfona kia im aya hi vt Elias vt ik vlhtoko: amba Saiton yakni Salepta tvnaha, ohoyo i hatak illi yvmmak illa tok.

27. Michā hopaii Elisevs vt ahanta nitak a Israel okla ha leplosi vbi kvv lauvt aiasha tok: yohmi kia yvmmak ash ot achvfona kia ik hlakofo ho, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kvnia tok.

29. Mihmvt okla wakaya cha, yvmmak ash o tmaha ha kohcha pit chvffichi mvt, itehpelvt aka pit kancha chi hosh ilauelit, in tmaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmvt Kapenamv tmaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i foka hosh anta tok: atuk osh yvmmak ash ot chitolit tahpvlvt,

34. Ikikke! Chisvs Nasalet minti chia ha nanta ho isht e chi ahalaia cho? ish pissikkopala chi hosh ish la hoh cho? kvna ho chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvmma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvnhā fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvnhā hash im olvbbi: yohmi ma yvmmak ash o yvnhā hvt ai issvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt okvtula ma, ililli ilaiyuka isht abeka im asha tuk puta kv̄t momvt yummak ash o im ai ona tok; yohmi ma ibbak vt aieninchit mominchit isht umbitepv̄t hlakofihinchi tok.

41. Mihma nan-isht-ahullo okpulo puta kv̄t laua ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yummak ash im olvbbi mvt, ilap ak osh Klaist atuk a ithvna ka, yv̄mma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haia-ka yo ona tok: mihma okla hv̄t hoyot itvnowvt im ai ona mvt, ai i filv̄mmit kanima ik aiyo ka ch̄i ho, im olvbbi tok.

43. Mihma tv̄maha inla ak kia Chihowa apéhlichika ya isht im anumpohonli la ch̄i hoka, yv̄mma a he mak osh aya li ha tok okvt, im achi tok.

44. Mihmvt sinakak pv̄ta Kalili aiasha ka v̄banumpa isht ai anumpohonli tok.

CHAPTA V.

Chisvs vt Saimon ī peni yo fohkvt asha hosh okla ha nan-ithvnan-chi, 1: 4 Saimon vt, Chisvs osh ī mihvt nan anukfilli pulla ho, himona ka n̄vni lava fehna hokli: 11 mihma Saimon, Chemis, micha Chan aiena kv̄t Chisvs a apeha. 12 Chisvs vt leplosi v̄bi yo hlakofichi: 16 atuk osh v̄ba pit anumpula ch̄i hosh haiaka ia; 17 mikmvt hatak p̄alsi isht abeka yatuk a hlakofichi; 27 Chisvs vt Leifai nan im ai ithvna toba ch̄i ka ī miha: 29 micha pv̄blikan v̄hleha mikmvt hatak nan-ashv̄chi v̄hleha aiena ka yv̄mmvt ai v̄lhpesa ho ibai impa hatuk vt miha; 33 ilap nan im ai ithvna v̄hleha hv̄t kanihmit nan ī palv̄mma he anoli.

1. **ATUK** o yakohmi tok; okla hv̄t Chihowa im anumpa ha hakla ch̄i kv̄t yv̄mma ash atehlifichit kaiyanchi ho, Chenesalet hohtak lapalika yo hikia;

2. Yohmi cha peni tuklo kv̄t hohtak lapalika ya takohnli na pisa tok: yohmi kia hatak n̄vni v̄bi v̄hleha hatuk vto a kocha wiha tuk osh n̄vni isht-hokli achv̄fa hosh maya ha tok.

3. Mihmvt peni achv̄falit Saimon ak o immi yo pit chuk-

owa mvt, oka alaka takali tuk a kanvlichit mishemanchit pit takalicha hinla ka, im ahni tok. Mihmvt binili cha, peni yo fohkvt a<sub>2</sub>sha hosh okla ha nan ithvnanchi tok.

4. Anumpuli kv<sub>2</sub>t ont issa mvt, Saimon ash o, Ahofom-bika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il a<sub>2</sub>sha na oyunna kv<sub>2</sub>t nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nvni lava fehma ho hokli na i nvni isht hokli vt mitafa tok.

7. Yohmi ma im itapela vhleha hv<sub>2</sub>t peni achvfa ya a<sub>2</sub>sha tuk vt vla cha, ant apela hinla ka, okla pit im avchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhv<sub>2</sub>t isht ivt okla tok.

8. Saimon Pita yvt yakohmi na pisa mvt, Chisvs iyikalah<sub>2</sub> ya pit tikinlit aka hlipiv<sub>2</sub>t, Hatak nan-ashvchi sia hoka a filvmm<sub>2</sub>t, kanima ish iashke, Chitokaka ma! achi tok.

9. Himonna okvchit kohchi kv<sub>2</sub>t, nvni yvt yohmi ho hokli kv<sub>2</sub>t, ilapo, micha inla apehv<sub>2</sub>t aya tuk vt momvt nukhlakan-cha tok.

10. Mihma Saimon im itapela, Sebete ushi, Chemis, micha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla ha hatak ak o ish hokla chi ho<sub>2</sub>ke, im achi tok.

11. Mihma i peni ash v<sub>2</sub>hli ha okla ant itaiyali mvt, nana moma kv<sub>2</sub>t a<sub>2</sub>sha na issa cha, yvmmak ash okla iakaiya tok.

12. Atuk o yakohmi tok; yvmmak ash ot tv<sub>2</sub>maha kani-ohmi ho anta tuk o, hatak vt leplosi isht ai vbi fehma hosh anta tuk osh, Chisvs a pisa mvt, hlipiv<sub>2</sub>t itola cha, im ilbvshv<sub>2</sub>t Chitokaka ma! chishno vt v<sub>2</sub>lhpesa ish ahnikmvt, is sa kashofa hinlvshke, im achi tok.

13. Mihma ibbak pit welit potoli mvt, V<sub>2</sub>lhpesa ahni lish-ke; chi kashofashke, im achi tok. Yohmi ma leplosi ash ot ashalika a mokofvt kv<sub>2</sub>nia tok.

14. Mihma hatak nana kia ik im anolo ka chi ka i miha



mv̄t, amba iv̄t na-holitompa isht vt̄ta yak ̄ ont im ile haia-  
kv̄chi cha, na ch̄i kashofa ka nan-isht-ai im atokowa mak ̄  
Moses vt̄ nan apesa tok a, nana ka ish bohlashke, im achi  
tok.

15. Yohmi kia yohmi ha yak ̄ isht ī shahlit kanima mo-  
ma ka yvm̄mak ̄ ai annoa tok: yohmi ma im a haponakla  
ch̄i, micha haknip ik achukmo puta kv̄t a hlakofa ch̄i hosh  
okla chinto fehn̄vt ai it̄vnaha tok.

16. Mihma ilap ill̄vt ai ī mokofvt, yakni haiaka ona cha,  
v̄ba pit anumpohonli tok.

17. Atuk ̄ yakohmi tok: nitak kaniohmi h̄o nana ithv̄-  
nanchi hosh ahanta ma, Falisi v̄hleha, micha nan-v̄lhpisa  
ithv̄nanchi v̄hleha aiena kv̄t Kalili yakni t̄vmaha aiasha  
moma, micha Chutea, mikm̄vt Chelusalem aiena ka asht  
kohchvt̄ aya. kv̄t yvm̄ma binohm̄aya tok: yohmi ma Chito-  
kaka nan-isht im aiahlika yvt̄ okla ma hlakoficha ch̄i kv̄t ai  
iklv̄nn̄vt takali tok.

18. Yohmi ma hatak kanohmi kv̄t hatak vt̄ p̄alsi v̄bi yo  
potv̄lhpo ai it̄ ī sholit isht v̄la tok: mihm̄vt kaniohmit yvm̄-  
ma pit isht chukowa cha, itikba yā ont bohla hinla kv̄t,  
okla akostininchi b̄vnna tok.

19. Mihm̄vt okla hak osh laua fehna hatuk ̄, kaniohmit  
pit isht chukowa hinla kv̄t ik akostinincho mv̄t, aboha pak-  
naka yō okla pit oiya cha, pit hlopullichit in topushi ash  
fokit iklv̄nna ka Chisvs itikba yā pit bohli tok.

20. Mihma okla na yimmi ka pisa mv̄t, Hatak chia kv̄t  
na chim ai ashv̄chika yvt̄ ch̄i kashofa hoke, im achi  
tok.

21. Mihma na-holissochi v̄hleha, micha Falisi v̄hleha  
aiena kv̄t, Ilv̄ppvt kv̄ta hokak osh Chihowa ik ahobalot  
anumpuli cho? Kv̄ta hosh nan-ai ashv̄chika yā kashofa  
hinla? Chihowa ak illa keyu? aiahnit okla im anukfil̄vt  
aiasha tok.

22. Yohmi kia yvm̄ma im anukfila hā Chisvs vt̄ im akos-  
tininchi mv̄t, anumpulit, Nanta mak ̄ hv̄chi chukv̄sh anu-  
kaka isht hv̄chim anukfila cho?

23. Na chim ai ashv̄chika puta kv̄t ch̄i kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka ya ai im v̄lhpiesa hatuk a hvsh akostinicha ch̄i kak oka, im achi mvt, p̄alsi v̄bi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt p̄isa na tanit ai onvtola tuk ash ishi mvt, Chihowa ya holitoblichit aiokpahanchit in chuka ia tok.

26. Mihma okla momvt nukhlakancha fehvt, Chihowa ya holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho piesvshke, achi tok ;

27. Atuk o nana kv̄t a yakohmi ha ya kohchvt ia mvt, p̄vblikan vt Lefai hohchifo hosh tv̄li holisso abohli ya asha na ont pisa mvt, Is si akaiyashke, im achi tok.

28. Mihma nana moma kv̄t asha na issvt wakaya mvt, iakaiya tok.

29. Mihmvt Lefai ash osh ilap in chuka akinli h̄o yvm-mak ash o impa chinto fehna im ai ikbi tok : mihma p̄vblikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia i na-holissochi v̄hleha, micha Falisi v̄hleha aiena kv̄to yvmma nan im ai ithvna v̄hleha h̄a lumvt nana mihachit, Nanta katiohmi h̄o p̄vblikan v̄hleha, micha nan-ashvchi v̄hleha aiena ka it-ibai impvt, nan it ibai ishkot hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi a bv̄nna keyu ; amba abeka mak oh chatuk oke.

32. Hopoyuksa v̄hleha ak o hoyot aya li ha tok keyu : amba nan-ashvchi v̄hleha hv̄t ile kostinicha ch̄i kak atuk oke, im achi tok.

33. Yohmi ma, Nanta katiohmi h̄o Chan nan im ai ithvna v̄hleha hv̄to chekosikma nahullochit, v̄ba pit anumpuli aienvt ahashwa, mikma Falisi v̄hleha nan im ai ithvna v̄hleha ak

kia yvmohmi akinli hokak o, amba chimmi hvto impvt nan-ishkot aiasha cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvv nukhaklot nahullocha hinla, hvsh im apesa vlhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhaklot nahullocha hi oke.

36. Mihmvt nan isht vlhpisa ho aieninchit isht im anum-puli mvt, Hatak nan ak osh na-fohka himona a hlilafa ka na-fohka sipokni a akvlli chatuk keyu: yvmmak keyukma himona yvt hlilaffikmvt, anonti himona ya a hlilafa tuk okvt sipokni a ai it im vlhpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlichichay hlayakma, anonti shukcha yash ot okpulo chatuk.

38. Amba oka paki himona yvt shukcha himona yo vlhto hok mak osh tuklot nan ik kanihmo chatuk oke.

39. Micha hatak nan ak osh oka paki siponki a ishko ha yvt ashaliika himona ma bvna chatuk keyu: sipokni ak osh achukma kvv i shahlishke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vlhpesa hatuk a, Chisvs vt anoli, 1: 8 mihmvt ibbak shila yatuk a hlakofichi. 12 Chisvs vt ninak a vba pit anum-pohonli na onna mvt, vbanumpeshi auah-tuklo ka atokoli; 17 yohmi mvt hatak abeka laua ka hlakofichi. 20 Hatak kanihmi hosh holitopa he, mikma hatak kanihmi ho na-palvmmi kvv onvtula he puta ka, Chisvs vt otr-nichi. 27 Pin tvnvp vhleha kia e holitoblit, nan isht ai achukma he puta ma il i yvmohma hi a Chisvs vt pi miha; mikmvt okla moyuma ka il i kana hi ak o, pim ahni; 37 hatak inla a sha ka nan ik achukmo imma hokvno im anukfillit kil anum-pulo ka hi a, pim avvchi. 43 Iti a ilap vni akinli kak o isht ithvna chatuk: mikma hatak a ilap nana a kanihmi kak o isht akostininchi chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmmona ho, yummak ash ot osapa taloha ha hlopullit aya tok: yohmi ma nan im ai ithvna vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kv̄t, Nanta katiohmi ho nana ka nitak hullo nitak a a yohma he vlhpesa keyu kv̄no hv̄chi yvmohmi cho? im achi tok.

3. Mihma Chisvs ash ot afalaminchi mvt, Lewi vt ilapo, micha apehvt aya tuk aiena kv̄t hohchvfo mvt, nana a kaniohmi tok;

4. Yohmi kv̄t kaniohmit Chihowa im aboha ha pit chukov̄t, pv̄ska otv̄nni a ishi cha vpa mvt, apehvt aya tuk ash kia ipeta tok: yummak oka ai vpa he vlhpesa keyu, amba na-holitompa isht asha ak illa ha tok oka, ilv̄ppak kia holisso ha hv̄ch ik a pesó chatuk oh cho? achi tok.

5. Mihmvt Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yv̄mma asha tok.

7. Mihma na-holissochi vhleha, micha Falisi vhleha aiena kv̄t nan vlhpisa onocha chi hosh, nitak-hullo nitak a na hla-kofichikmá, nanta chi chishba? ahnit apesv̄chi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklv̄nnaka ya ont hikiá, im achi tok. Mihma yummak ash ot wakaya mvt, ont hikia tok.

9. Mihma Chisvs ash ot okla hash, Nana achvfa ho hv̄chi ponaklo lashke: Nitak hullo nitak a nana achukma kak o a yvmohmi kak okmá, keyukmvt nana ik vlhpeso yak o a yvmohmi kak okmá, ilhfipak a okchalínchi kak okmá, keyukmvt tv̄bli kak okmá, nana kak osh ai vlhpesa hoh cho? im achi tok.

10. Mihmvt filemovt okla hash o momínchit pisa mvt, hatak ash o, Chibbak a chisemochí, im achi tok: mihma yv̄-

mihchi tok : yohmi ma ibbak ash osh falamvt achukmvt taha mvt, in tvnnpv akinli h<sub>o</sub> chiyuhmi tok.

11. Mihma okla hvt anukhobela fehna tok : yohmi mvt Chisvs a nana h<sub>o</sub> kvnihcha chi kv<sub>t</sub> it i mihvt aiasha tok.

12. Mihma nitak yvmma foka ka, yakohmi tok : vba pit anumpula chi hosh kohchvt nvnih chaya y<sub>o</sub> ont oiya tok ; micha ninak a Chihowa pit im asilhhvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yvmmak ash auah-tuklo h<sub>o</sub> ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita y<sub>o</sub> hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hohchifo :

16. Michu Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali y<sub>o</sub> ant hikia ma, nan im ai ithvna yvt l<sub>aw</sub>a, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo y<sub>o</sub> isht issikkopa yatak aiena kv<sub>t</sub> yvmma im a haponakla chi, micha haknip ik in chukmo puta atuk vt im a hlakofohla chi hosh im ai vlv<sub>t</sub> hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bvna tok.

20. Mihma ilap nishkin ash nan im ai ithvna vhleha h<sub>a</sub> isht on talohli mvt, Ilbvsha hvchia ma ! Chihowa apehlichika yak osh hvchimmi hokvt na hvchi yukpvshke.

21. Himonasi hokvno hohchv<sub>f</sub>ot aiasha hvchia mvt, hvchi kaiya hi okvt na hvchi yukpvshke. Himonasi hokvno yah<sub>a</sub>-yvt hvsh aiasha mvt, hvsh yukpa hi okvt na hvchi yukpvshke.

22. Hatak Ushi pulla atuk mak o hatak puta mvt hvchi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilauechit kahancha hi oke: yohmikma na hvchi yukpvshke.

23. Yakeh! nan-isht-vlhtoba hvt chinto hosh vba ya hvchin tonla hokvt, nitak yvmma fehnakma, na ho yukpa: na hvchi yukpvt hvsh mvlashke: yvmma in tikba vhleha hvt hopaii puta ka yvmmak inli ho i yvmihchi beka tok oke.

24. Amba nan in laua hvchia hvtto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvtto hvchi hohchvfa hi okvt na hvchi palvmmi mak oke. Himonasi a hvchi yukpa hokvto hvchi nukhaklot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlikma, na hvchi palvmmi mak oke: in tikba vhleha hvt hopaii ilahobi puta ka yvmmak inli ho i yvmihchi tok oka.

27. Amba hvsh haklo hvsh puta kvno hvchin tvnvp vhleha ma i hullot, hvchi nukkillikma nana achukma ho hvsh i yvmohmashke.

28. Nan ik vlhpeso isht hvchim anukfillit na hvchi miha-chi ya na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tvnvp ma pit ish i weli makinlashke: mikmvt kvna hosh chim anchi a chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kvv hvchishno a a hvchi yohma hi a, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno a hvchi hullo na mihi yo hvsh i hullo hokvto, nanta ho isht a hvchi yukpa cho? nan-ashvchi vhleha hvt, kanima hosh ilap a i hullo hokvno i hullo chatuk akinli hoka.

33. Micha kanima kvv hvchishno a nana achukma ka isht a hvchi yvmohmi ho hvchishno mvt nan achukma ka isht

hush ai i yvmohmi hokvto, nanta hō isht hvchi yukpa cho? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hush i-pota hokvto, nanta hō isht a hvchi yukpa cho? nan-ashvchi vhleha ak kia yvmmak atuk ash inli ohmi hō isha chi kv, nanashvchi bika ya i pota chatuk oka.

35. Amba hvchishno vto hvchin tvnpvputa ka hush i hullo, mikmvt nana achukma hō hush yvmohmikmvt; anonti nana kia isht ai vlhtoba hi a ik aiahno hosh hush i potashke: yohmikma isht a hvchim vlhtoba hokvto chinta he; micha Nana moma imaiya im vlla hvchia ha hi hoke. Yvmmak okvt ilap a ik aiokpacho, micha nan vlhpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukhaklo bano kv, hvch iki vt nan i nukhaklo bano yoka yvmmak inli hō hush chiyuhmashke.

37. Inla ya ik vlhpesachot nan hvch ik apeso kashke. Yohmik mak osh nan ik hvchim vlhpiso ka he mak oke: isht a hotopa he anumpa ha hush onochi ná: yohmikmak osh hvchishno vt isht a hotopa he anumpa hv ik hvchi onvtulo ka hi oke: inla ya i kashofit hvchim i haksashke; yohmikmak osh hvchishno mvt hvchi kashofa hi oke.

38. Hush ihimashke: yohmikmak osh hvchishno mvt hvsh habihina hi oke: vlhpisa achukma, vlhtekvchit, mikmvt faiokvchit it ai isso hosh ont atampvt hlahaya ho, hatak vt hvch il ai vskofvchi anukaka ya pit hvchim apitta hi oke. Nan isht vlhpisa hvchishno vt isht hush apesa tuk a, yvmmak inli hosh hvchishno ma isht hvchim vlhpisa hi oke, hvchim achi lishke.

39. Mihmvt nan isht apesvt anumpulit, Lvpa yvt lvpa ya halvllit isht aya hinla? tuklot yakni chiluk kia pit ik kaho ka hinla hō?

40. Nana ithvna vt nan ithvnanchi a i shahli chatuk keyu: amba nana ka imponnvt aiahli hok mak osh moma kv nan-ithvnanchi ak o ai itilaua hi oke.

41. Micha nanta katiohmi hō na hishonluk iskvtnosi kv

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvt chi nishkin a foka ka ak chī kohchī, ish acha hinla cho? chishno chi nishkin akinli kvno iti chito yosh foka ka chik peso kvt; nan-ilahobi chia hoka, iti chito yak o tikba ishit chi nishkin a ish a koh-chashke; yohmikmak osh ish pisa achukma hosh ish itibapishi nishkin a nahishonluk iskvtnosi kvt foka ka ish kohcha hinla hoke.

43. Iti achukma kvt vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvninchi chatuk: hatak vt kvvti hak o fi k a ai vmo chatuk keyu: yohmikmvt bissvpi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlhpesa keyu kvvto chukvsh a nana okpulo yosh i foka hatuk osh, nana kvv vlhpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchī mihīha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvv, nana mihīha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvlli hvv kvvllot ai isso fehna tok: yohmi kia tvli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvv kvvllot ai isso fehna tok; yohmi ma



chekosi makinli ho kinafa mvt, chuka yummvt okpulo kv̄t ai okluha tok, im achi tok.

CHAPTA VII.

Chisvs vt Kapenav̄m a ona cha, Sintulion na-yimmi ka ahninch̄i mvt, 1; 10 in tishu ha hlakofichi. 11 Nain a ona cha, ohoyo i hatak illi ushi illi tuk a falaminchit tanichi. 18 Chan vt aboha kv̄llo foka mvt, yvm̄mak osh Klaist mak okma, keyukma, nana hatuk ma Chisvs a pit i ponaklo: 22 mihma ilap vt nana kv̄t a fehna kia yvm̄michi tok puta kv̄t Chisvs vt im anoli: 24 mihmvt Chisvs vt Chan a isht anumpulit atokowa ka anoli. 37 Ohoyo hv̄t nanashv̄chi yo ik yohmi, im aiahni na iyi ya nan-ahama a hv̄m̄mi; mihma ohoyo hash hopohl̄v̄chit nan im ai ashv̄chika ya i kashofi.

1. OKLA hv̄t haponaklot aiasha na nana ka mihvt ont in tayaha mvt, Kapenav̄m a ont chukowa tok.

2. Mihma Sintulion achv̄vt in tishu, yvm̄mvt i holiropa chatuk osh, abeka cha, illa hosi tok.

3. Atuk osh Chisvs a pit haklo mvt, va cha, in tishu hash hlakoficha hinla ka, pit im aiahni hosh, Chu okla in tikba v̄hleha ha pit in tihleli tok.

4. Atuk o yvm̄mak ash ot Chisvs a im ai ona mvt, im asilhha kv̄t achilita fehvt, Ilv̄ppa ai i yvm̄ihcha he v̄lhpiesa fehna;

5. Yvm̄mak okvt pim okla talaia ha pi holioblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash ona hosit taha ma, Sintulion ash osh i kana v̄hleha ha pit in tihleli mvt, Chitokaka ma! ayvt ik chim ahchibo kashke: chishno vt vm̄ aboha ya ant ish chukowa he si ahoba keyu hoka.

7. Yohmi kv̄t anonti vno akinli hosh ayvt ont chi pisa la he si ahoba keyu kv̄t vm̄ anukfila atuk oke: amba anum-pa bano ho ish mihakma, an tishu hatuk mvt hlakofa hinlv̄shke.

8. Uno ak kia hatak tv̄shka chipota v̄hleha pehlichit i shahli nutaka ahanta chatuk sia hoka: yohmi kv̄t achv̄fa ka, Iá, im achi likma, ia hoke: mikmvt inla ma, Mintí, im achi

likma, minti hoke : mikmvt an tishu ha, Ilvppa yakohmichi, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehnvt, filemvt hikia cha, apehvt aya tuk okla hash, Islael okla ha kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yvmmt yakohmit itvnowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok : tvnaha Nain hohchifo ho ia tok ; mihma nan im ai ithvna laua, micha okla laua aienvt apehvt ilhkoli tok.

12. Atuk osh tvnaha okhissa ya i bilika vla ma, hatak vt ohoyo i hatak illi yo ushi yosh, ishki a yvmmak osh i bano chatuk osh illi na okla sholit kohcha tok ; yohmi ma tvnaha okla hvvt lauvt yvmma apehvt aya tok.

13. Mihma Chitokaka yvt ishki atuk a pisa mvt, i nukhaklo cha, Ish yaiya na, im achi tok.

14. Mihmvt yvmmak ash ot ai onvtola kash ant potoli tok : mihma sholi tuk vt lumvt hieli tok. Mihma, Hatak himita chia hvvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok ; mihma yvmmak ash ishki a pit ima tok.

16. Mihma okla moma ka nanukshopa kvvt ai anukfoyuka tok : mihmvt Chihowa ya holitoblichit aiokpahanchit, Hopaii chinto kvvt pitintakla ya a tobvvt hikivshke ; micha Chihowa yvt im okla ha i nowvt ayvshke, okla achi tok.

17. Mihma yakohmit Chisvs isht ai annoa kvvt Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvvt nana kvvt a yakokmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokma, ak chu ? himmak pilla hak o inla yo e hoyo chi cho ? achi tok.

20. Hatak ash ot ayvt im it onachi mvt, Chan Baptist vt, Chishno ak osh aya he tuk mak o chia hokma, ak chu ?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21. Mihma hvshi kanvlli vlhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i foka puta aiena kvv lauau ho hlakofichi tok: mihmvt lva vt lauau atuk a hoponayochi tok.

22. Mihmvt Chisvs vt afalaminchi mvt, Oh ia cha, nana ka hvsh pisa tuk, mihmvt hvsh haklo tuk aiena kvv Chan a ont oh im anoli; lva yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa hvv isht im anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kushak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in lauau hokvto, hatak miko vhleha in chuka ak o aiasha cho kvmo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvv hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tovt ai vta tok puta ka hopaii chito kvv Chan Baptist a imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa apelihika yvno anta kvv, Chan a imaiya hoke.

29. Yohmi ma Chan a okla im a haponaklo tuk vt moyuma, micha pvblikan vhleha aiena kvv Chan a i baptismo ya isht a baptismot, Chihowa ya im aiahlichei tok.

30. Amba Falisi vhleha, micha nan-vlhpisa ithvnanchi

vhleha aiena kvto ilapo yokvto yvmmak ash o ik im a baptismo, Chihowa nana im aiahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap bika it i howvt, Oskula ha e hvchim olachi ka, hvchik heh-loshke; illi isht taloa isht e hvchi yaiya ka, hvch ik yaiyoshke, ahanchi ho chiyumishke.

33. Chan Baptist vt pvaska yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

36. Mihma ibai impa hinla ka Falisi achvvt im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tmaha yvmma anta tuk osh, Falisi in chuka ya Chisvs vt asht impa na akostinichi mvt, a l a b a s t a kotoba nan-ahama balama vlhto ho isht ona mvt,

38. Im asha-ka iyi pit a chiya ka ont hikvt yahaya cha, iyi ash nishkin okchi yak o isht achivvt, anonti ilap noshko-bo pashi akinli ho ishit kasholinchi mvt, iyi a i suksohowvt, nan ahama balama ash o isht a hvmmi tok.

39. Mihma Falisi vt yvmmak ash o hoyo tuk ash ot, yvmma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kvv vm ashvshke, im achi tok. Mihma

yummak ash ot, Nan ithvnanchi ma! ish mihashke, achi tok.

41. Mihma, Hatak nan-ahekuichi achvfa yumma aheka im in takohnli kv̄t tuklo tok: achvfa kv̄to aheka yvt iskvli tahlepa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yummak ash ot i kashofi tok. Yohmi ka, Um anoli; katimampo kak osh yumma i hullc kv̄t i shahlicha hinla cho? achi tok.

43. Saimon ash ot afalaminchi mv̄t, Laua i shahli tuk o i kashofi kak a hinla, ahni li, achi tok. Mihma, Pit v̄lhpesv̄chit ish anukfilli mv̄hlishke, im achi tok.

44. Mihmv̄t ohoyo a hikia ka pit filema mv̄t, Ohoyo ilv̄ppa ish pisa cho? chim aboha ant chukowa li ma, chishno v̄to saiyi isht achifa he oka kapv̄ssa kia chik samo ke tuk: amba ilv̄ppak okv̄to nishkin okchi yo saiyi ya isht achifa mv̄t, ilap noshkobo p̄ashi ak o isht kasholihin-chishke.

45. Chishno v̄to chik sa suksowo ke tuk: amba ohoyo ilv̄ppak okv̄to, ilv̄ppa ant chukowa li tuk takla ka, saiyi ya i suksohōwa kv̄t ik iesoshke.

46. Chishno v̄to sa noshkobo h̄a nan-ahama isht chik sv̄m a hv̄mmo ke tuk; amba ohoyo ilv̄ppak okv̄to saiyi ya nan-ahama isht ahv̄mmishke.

47. Yohmi hokv̄t, Nan im ai ashv̄chika yvt laua tuk vt kashofa hoke: mihi yosh nan i hullo fehna hatuk okv̄t, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmv̄t ohoyo hash o, Chim ai ashv̄chika puta kv̄t chi kashofa mak oke, im achi tok.

49. Mihma it apehvt asht impa tuk yummak ash ot, Ilv̄ppvt kv̄ta hokak osh nan-ai ashv̄chika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukpv̄t ish ayashke, im achi tok.

## CHAPTER VIII.

Chisvs vt im anumpeshi vhleha, micha nan-isht im vttta vhleha ohoyo aienvt apihvt aya hō, vbanumpa isht anumpuli, 1. 4 Na hokchi isht vlhpisa anumpa; 6 micha yvmmak atuk vt vlbitvt achukma annoa. 16 Pvlā tohwikeli isht vlhpisa; 21 kvna hosh Klaist im anumpa puta ka im antia hokvto, yvmmak o i kanomi fehna mak oke. 22 Chisvs vt kocha umba mahli kvllo ka yukobli; 26 mihmvt nan-isht-ahullo okpulo lāwa hō hatak achvfa ka a kocha weli: yohmi ma, shukha lokoli achvfa hō ont abeha chī ka, vlhpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a falaminchit tanichi.

1. **ATUK** osh i himmakma yakohmi tok: tvmaha, micha chuka lokoli puta aiena ka mominchit a hlopullit ayvt, vbanumpa isht anumpohonli; micha Chihowa apehlichika ai isht ilaiyukpa anumpa hā otvninchit isht anumpohonli tok: mihma auah tuklo kash ot apehvt aya ma,

2. Michā ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vttta Chusa a tekchi, micha Susanna, mikmvt inlaka mvt laua hosh nana im asha tuk vt, Chisvs a isht apelvchi tuk vt apehvt aya akinli tok.

4. Okla lāwa fehnvt tvmaha moma ashvt minti kvv im ai itvnaha ma, nana isht apesa hosh im anumpuli tok.

5. Na hokchi vt i nanihi hokchit ia tok; atuk osh hokechi ma, kanimi kvv hina lapalika yo kaha tok: atuk o a hvhlichī; yohmi na hushi puta vba itvnova kvv ant aiowvt vpa tok.

6. Mihma kanimi kvvto tvli yo ai o kaha tok: atuk osh offo mak inli hosh a shummi takanli kvv ik im iksho hatuk okvt, bvshit kvnia tok.

7. Anonti kanimi kvvto kvvti foka yo a kaha tok: atuk o kvvti ash ot awant offo cha, olvbbit ishi tok.

8. Yohmi ma inla kvto yakni achukma hō ai o kaha tuk osh offot, nihi achvfa tuk kia tahlepa achvfa vnit waya tok : ilvppa puta ka achit ont in taiyaha mv̄t, Kvna hosh isht haponakla he haksobish vt i hinlikmv̄t, haklashke, chitoli hosh achi tok.

9. Mihma nan im ai ithvna v̄hleha hash ot, Ilvppvt nan-isht v̄lhpisa katiohmi ha hinla hoh cho? achit i ponaklo tok.

10. Mihma, Hvchishno ano Chihowa apēhlichika ya nana kv̄t ik otaiyano ke tuk a hv̄sh akostinincha he mak osh hv̄chim v̄lhpisa hoke : amba inla ka yokvto p̄isa kia, pisa he keyu ; mikmv̄t haklo kia, ik akostinincho ka ch̄i hō nan-isht v̄lhpisa anumpa ha ch̄i ha tok.

11. Nan-isht v̄lhpisa kv̄t ilvppak oke. Na-nihi ak osh Chihowa im anumpa mak oke.

12. Hina lapalika kaha kv̄t, anumpa h̄a haklo kak oke : yohmi ma Setan vt ayvt, okla yimmit ik okchayo ka ch̄i ka, anumpa h̄a ch̄ukv̄sh ash a kohchit im ishi chatuk oke.

13. Tvli yo ai o kaha kv̄to, anumpa h̄a haklokmv̄t, na yukpa hosh ahninch̄i kak oke ; yakohmi kak osh hakshish vt iksho ; yohmi hosh chekosi takla hokvno yimmi tuk osh, nana kv̄t ont a palvmmikma, mokohli hoke.

14. Mikma kv̄ti foka yo a kaha kv̄to, anumpa h̄a haklo tuk kia, yakni pakna ahantv̄t nan-isht a katiohmi puta, mikmv̄t nan in laua b̄vna, micha na-washoha puta isht a nukfoyuka kak osh ai im olv̄bbi na vnit ahlit ik wayo kak oke.

15. Amba yakni achukma yo ai o kaha kv̄to, yv̄mmv̄t ch̄ukv̄sh achukma aiahli mak osh anumpa h̄a haklokmv̄t, ieszit achunanch̄i cha, vnit waya kak oke.

16. Hatak nan ak osh p̄vla h̄a luachi mv̄t, nan-aīvlhto yo isht ompohomokmá, keyukmv̄t topa nutaka yo pit tala-likmá, nana chatuk keyu ; amba kvna hosh ant chuko-wakmv̄t tohwikeli ka pisa ch̄i ka, p̄vla ai-o-hikia yak o o hilechi chatuk oke.

17. Na luma p̄ana hatuk osh ik otaiyano ka hi vt iiksho :

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kv̄t, Ahah! hvsh ahnashke; kv̄na hosh īshi hokmak o, mihi yō ima hi oke: mikmvt kv̄na hosh īshi keyu tuk mv̄no, mihi yō īshi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi v̄hleha aiena kv̄t im ai v̄la kia, okla hak osh atehlefvt kv̄nia hatuk o, a hikia ka ona he keyu ki tok.

20. Mihma, Chishki, micha chitibapishi v̄hleha aiena kv̄t chi pisa bv̄na hosh, kocha yā hiohm̄ayvshke, achit im anoli tok.

21. Mihma yvm̄mak ash ot afalaminchi mvt, Chihowa im anumpa hā haponaklo cha, mihi yō ai yvm̄ohmi v̄hleha ilv̄ppak osh vshki, micha itibapishi li v̄hleha aiena mak oke, im achi tok.

22. Atuk osh nitak kaniohmi hō yakohmi tok: nan im ai ithv̄na v̄hleha hash ai it apehvt peni ont chukowa tok; mihmvt, Oklv̄ta mish-tv̄nvp ak o pit eho tanv̄blashke, achi tok. Mihma peni ash okla oka tobli tok.

23. Atuk o yakohmit peni ā asht itv̄nowa ma, yvm̄mak amo nusi tok: atuk o mahli chito kv̄t okhv̄ta hash on itu-yula; yohmi ma oka yvt ibai alota na ai isht-kv̄nvp̄t ai ī palv̄mma he pullvt aiasha tok.

24. Yohmi cha okla onvt yvm̄mak ash okchv̄li mvt, Pithv̄nanchi ma! Pithv̄nanchi ma! pilli mak oke, achi tok. Mihma yvm̄mak ash ot tani cha, mahli micha oka poakv̄chi aiena kash im alv̄m̄mi tok: mihma yvm̄mak ash ot yokopa na chulusvt talaia tok.

25. Mihma yvm̄mak ash ot, Na hv̄chi yimmika mv̄to? im achi tok. Mihma okla nukshopā hatuk okvt, nukhlakanchvt, Ilv̄ppvt hatak katiohmi mak oh cho? ilv̄ppvt mahli, oka aiena kak kia nan ī miha ma, im antiv̄shke, it im achit m̄aya tok.

26. Atuk osh Katalenes okla ī yakni Kalili auet i chapa ka talaia ka, okla ont ataiya tok.

27. Yohmi na yvm̄mak ash ot pit kohchvt ia ma, hatak achv̄fa kv̄t nan-isht-ahullo okpulo puta kv̄t ai ī fok̄a tok ho-



paki hosh, na fohka kia fohka chatuk keyu, mihmvt chuka y<sub>o</sub> ai v<sub>t</sub>ta chatuk keyu, amba hatak illi aiasha yak o ai v<sub>t</sub>ta chatuk osh, tmaha h<sub>a</sub> a kohchvt aya hosh afama tok.

28. Mihmvt Chisvs a pisa mvt, chitolit tahpula mvt, yvmmak ash itikba ya aka hlipivt chitoli hosh anumpulit, Chisvs Chihowa nana moma imaiya Ushi chia h<sub>a</sub>, vno vt nanta h<sub>o</sub> isht chi ahalaia li cho? chik svlvshalo ka ch<sub>i</sub> mak o, chim asilhha lishke, achi tok.

29. Yvmmak okvt shilombish okpulo vt hatak ash a kohcha ch<sub>i</sub> ka, im apesa ha tok. Yvmmak okvt himonna hak-sinchit hohokli beka tok; yohmi hatuk a yvmmak okvt tvli ita-takvli, micha iyi ai vlhpitta tvli aiena isht talakchi h<sub>o</sub> okla apesvchi ha tok: yohmi kv<sub>t</sub> isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hohchifo hv<sub>t</sub> nanta h<sub>o</sub>? achi tok: mihma yvmmak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka ch<sub>i</sub> ka, okla im asilhha tok.

32. Yohmi ma nvni<sub>h</sub> pilla yvmmak oka shukha laua yvt ai impa hosh aiasha tok: yohmi ma yvmmak o okla ont abeha ch<sub>i</sub> ka vlhpesa, im ahna ch<sub>i</sub> ka, im asilhha tok. Yohmi ma vlhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash o ont chukowa tok. Yohmi ma shukha laua yash osh nvni<sub>h</sub> chakpatali ka asht aka pit yihlepa fehvt, okhvta ont ai oka kahvt, nuksakkit illi tok.

34. Yohmi ma yvmma apesvchi vhleha hv<sub>t</sub> nana kv<sub>t</sub> ai yvmohmi ka pisa mvt, yihlepvt ivt, tmaha mikmvt haiaka aiasha tuk aiena ka ai im anoli tok.

35. Yohmi ma nana kv<sub>t</sub> ai yvmohmi tuk ash okla pisvt ilhkoli tok. Atuk osh Chisvs ash im ai vla cha, hatak nan-isht-ahullo okpulo puta kv<sub>t</sub> a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok: yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmolhmi ma Katalenes yakni ai i bilika tuk vt okla laua kv̄t nanukshopa chinto kv̄t ai onvtuyula hatuk osh, yvmmak okvt i filv̄mma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kv̄t a kocha wiha tuk hatak ash ot awant aya hinla kv̄t, im asilhha tok: yohmi kia Chisvs ash ot, Chin chuka yak o falamvt ish ona cha, Chihowa hv̄t nana chinto nana mak o a chi yvmihchi tuk a, ont ish anolashke, achit pit chv̄ffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, tv̄maha hash mominchit ai anoli tok.

40. Atuk o yakohmi tok; Chisvs ash ot falamvt vla ma, okla hv̄t momvt hoyo hosh aiasha tuk okvt, okla na yukpvt aiokp̄v̄chi tok.

41. Yohmi ma hatak vt Chailvs hochifo hosh, sinakak apesv̄chi yosh vla tok; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achv̄fa illa hosh, afv̄m̄mi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh aya ma, okla chinto kv̄t ai a folubl̄it kv̄nia tok.

43. Yohmi ma ohoyo hv̄t issish um-bokafa tok afv̄m̄mi auah-tuklo hatuk osh, nana im asha tuk a mominchit alikchi puta kak o ai ataiyaha kia, achv̄fona ma a hlakofa he mvt iksho hosh, aya tuk osh,

44. Im ashaka ona cha, im anchi aposhokv̄chi ya pit potoli tok: yohmi ma ashalika issish ont ia tuk vt i hokofa tok.

45. Mihma Chisvs vt, Kv̄ta hosh sa potoli cho? achi tok. Kv̄na hatuk keyu ka momvt miha ma, Pita yvt, micha apehv̄t aya tok aiena kash ot, Pi shahli ma! okla chito vt chi a folubl̄it chi atehlifichi fehna hokak o, Kv̄ta hosh sa potoli, ish achi cha? achi tok.

46. Mihma Chisvs ash ot, Kvna hosh sa potoli tuk, nanisht aiahlika yvt a si a kohcha ka akostininchi li hoka, achi tok.

47. Yohmi ma ohoyo hash ot ilapvt luma keyu kv akostininchi mvt, wvnihinchit ona mvt, itikba ya aka ont hlipia cha, nana kaniohmi ho yvmmak oka potoli tuk, micha kaniohmit ashalika hlakofi tuk aiena kvt okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa bieka anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesvchi in chuka ya achvvtvvt minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmí, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahli mvt, yvmmak ash ibbak a halvli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyo hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kvt a yvmohmi tuk ash hatak nana kia ik im anolo ka hi o i miha tok

## CHAPTER IX.

Chisvs vt im anumpeshi auah-tuklo ka vbanumpa isht anumpula chi, micha nana kvt isht ahullo fehna kia yvmihchi a puta hosh im ai vllpesa hatuk vt otrninha chi ho, pit tihleli, 1. 7 Helot vt, Chisvs a pisa bvnna. 17 Chisvs vt pvska lumbo tahlapi, micha nuni chipunta tuklo aiena tuk a, hatak tahlepa sipokni tahlapi ka impvchi: 18 micha ilapa kvna hak o okla im ahoba hatuk a ponaklo tok; 22 micha ilap vt illi tuk osh, anonti falamvt tana he aiena kvt tikbanli anoli: 23 yohmi mvt nan im ai ithvna vhleha ilapa holi-tobli pulla kvt, ile kaiyancha he, micha na-palvmmi puta ma pisa chi aiena kvt im vltaha hi a, i miha. 28 Chisvs vt vba pit anumpula chi hosh nvnih chaha pit oiya atuk osh, vba pit anumpulit ahanta moma hosh pisa ka inlvv toba. 37 Vlla yosh nan-isht-ahullo okpulo isht abeka tuk a Chisvs vt hlakofichi: 43 mihmvt anonti ilap i palvmmi illa hi vt tikbanli anoli; 46 nan im ai ithvna vhleha hvv ilap na-fehna bvnna im anukfila puta ka im oktvbli: 51 Sa malia okla hvv Chisvs a ik aiokpacho kvt okla illit taha chi ka, Chemis, Chan, Ita-tuklo kvt ahni ma, Chisvs vt nan isht i miha; 57 hatak kaniohmi kvt chukvsh a mominchit isht im antia he keyu kvt asha hatuk o, nan i miha.

1. YUMOHMI mvt ilapo nan im ai ithvna vhleha auah-tuklo kash hoyot itahobi mvt, nan-isht-ahullo okpulo puta imaiyvt, mikmvt abeka ilaiyuka puta ma hlakofihinja chi ka, nan aiahlika ya isht im apesa tok.

2. Yohmi mvt, Chihowa apehlichika yoka isht anumpo-honlit, anonti abeka puta ma hlakofihinja chi mak o pit tihleli tok.

3. Yohmi mvt, Itvnowvt hvsh aya kvt tvbi kia, mikmvt shukcha, micha pvska, anonti tvli holisso, ilefoka lumbo mvt tuklo aiyyuka, peh nanasi kia hvch ik isho kashke.

4. Mikmvt chuka nana ho ont hvsh chukowakmvt, yvm-mak o hvsh ahashwa tuk osh, kohchvt hvsh iashke.

5. Micha kvna kia ik hvchi aiokpachokma, tmaha yvm-ma a kohchvt hvsh iakmvt, nan-isht im atokowa mak o hituk tohbi ka hvch iyi ya tahtulit hvsh a kanchashke, im achi tok.

6. Mihma okla ivv tmaha puta ka hlopullit ayvt, vba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kv̄t, Chan ak osh illi tuk vt falamvt tani tuk, achi ma; anonti kanimi kv̄t, Elias ak osh ant haiaka, achi: mihma inlaka mvt hopaii v̄hleha tikba ya tok ak osh achv̄vt falamvt tani hoke, achi hoka, katiohmi ahnit ik im v̄lhpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a hahaklo li ka yummak osh kv̄ta hoh cho? achi tok. Mihmvt yummak ash pisa bv̄nna tok.

10. Mihma v̄banumpeshi v̄hleha hash ot falamvt ai v̄ona mvt, nana ai yvmihchi tuk vt mominchit okla im anoli tok. Mihma yummak ash ot pehlinchit il a lumvt, naksika tv̄maha hohchifo Betsaita ai i bilika yakni haiaka yo ia tok.

11. Mihma okla hv̄t akostininchi mvt, yummak ash o pit iakaiya tok; mihma yummak ash ot im aiokpahanchit, Chihowa apehlichika isht im anumpohonlit, yummak okvt hla-kofi bv̄nna hokv̄no hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai v̄lv̄t, Yakni haiaka yo il aiasha hoka, okla laua ya ish in tohno na ilhkolit tv̄maha puta, micha a kocha chuka hiohli yakni auet a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yummak ash ot, Impa oh ipetá, im achi tok. Yohmi ma, Pvska tahlapi, mikmvt n̄vni tuklo aiena misha keyu hosh pin chiyv̄shke; kanima yo iv̄t okla moma ilv̄ppa ilhpak a kil in chumpo hokmvt, okla achi tok.

14. Yohmi ka hatak vt tablepa sipokni tahlapi foka ha tok. Yohmi ma nan im ai ithv̄na v̄hleha hash o, Pokoli tahlapi aiyukvt ia ho ho binohlichí, im achi tok.

15. Yohmi ma yvmihchit, mominchit okla binohlichí tok.

16. Yohmi ma yummak ash ot pvska tahlapi, micha n̄vni tuklo aiena kash o ishi cha, pit v̄ba chakalit aiokpv̄chi cha, tushahlichí mvt, okla laua ya in talohla chi ho, nan im ai ithv̄na v̄hleha hash pit ima tok.

17. Mihma okla impvt momvt kaiya tok ; mihma okla im atampa tuk a, boshulli yvt kishi auah-tuklo hō okla aiowa tok.

18. Atuk o yakohmi tok : nan im ai ithvna vhleha ak illa hosh apiha hō antvt, vba pit anumpuli tok : atuk osh yvm-mak ash o i ponaklot, Okla hvto vno vt kvta sia hō achi hō ? achi tok.

19. Yohmi ma afalaminchi mvt, Chan Baptist ; amba kanimi kvto, Elias ak o achi : mikma inlaka yvto, Hopaii vhleha tikba ya tok ak osh achvfvf falamvt tani hoke, okla achishke, achi tok.

20. Amba, Hvchishno vto vno vt kvta sia hō hvsh achi hō ? im achi ma, Pita yvt afalaminchit, Chihowa i Klaist á, achi tok.

21. Yohmi ma yvmma hatak nana kia okla ik im anolo ka chi ka, achukmalit kvllochit i miha mvt,

22. Hatak Ushi yokvt nan isht ai ilbvsha kvv in laua chi, yohmikmvt hochitoka vhleha, micha na holitompa isht asha pehlichy vhleha, mikmvt na holissochi puta aiena mvt ik i yimnot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kvv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakaiyashke.

24. Kvna kia ilap im ilhfopak a okchalinchi bvna hokmvt, i kvnia hi oka ; amba kvna hosh vno pulla hatuk mak o im ilhfopak vt isht i kvnia hokmvt, mihi yosh il im okchalicha hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchi hokmvt, nanta hō isht ilaiyukpa hinla cho ?

26. Kvna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit avvt vlakmvt, i hofahya hi oke.

27. Yohmi kia Chihowa apelihchika ya pisa ha keyuk

mt, illa chī keyu kv̄t ilvppa kanimi mt̄ hiohmaya hoke : ahli mak ̄ hv̄chim anoli lishke, achi tok.

28. Ilvppa puta ka ahanchi tuk ash nitak ont isht untuchina foka ma, Pita, micha Chan, mikmt̄ Chemis aiena ka pehlichī cha, nvnih chaha ȳo vba pit anumpula chī hosh ia tok.

29. Atuk osh vba pit anumpuli ma, nashuka yvt̄ inlv̄t toba ma, ī na-fohka yvt̄ tohbit shohmalili tok.

30. Yohmi ma hatak tuklo kv̄t, yvmmvt̄ Moses, micha Elias ita-tuklo mak osh yvmmak ash ant im anumpulit okla tok.

31. Yvmmak okvt̄ nan-isht a holitopa ahli ka il aieshi hosh ant otaiyanit okla cha, yvmmak okvt̄ Chelusalem a ai illa hi a, isht anumpohonlit okla tok.

32. Yohmi kia Pita, micha inlaka aiena yvmma apehvt̄ aya tuk ash ot nosilhha fehna tok : atuk osh okla ont okchvt̄ taha mt̄, isht-a holitopaka yash, micha hatak tuklo kv̄t apehvt̄ hieli tuk ash aiena ka okla pisa tok.

33. Atuk ̄ yakohmi tok ; yvmmak ash ot ai ī filv̄mmit tamovt̄ okla ma, Pita yash osh Chisvs ash, Pī shahli ma ! ilvppa e maya kv̄t pim achukmv̄shke : yohmi ka vlhtipo tuchina ka il ikbashke, achvfa kv̄t chimmi hokma, anonti achv̄vt̄ Moses ak ̄ immi hokma, anonti achvfa kv̄to Elias ak ̄ immi hashke, achi tok : yvmmak ̄ miha li, ahni keyu hosh :

34. Yvmmak ash ot yakohmichit anumpohonli moma na hoshonti aya kv̄t, ant ̄ hoshontikachi tok ; yohmi ma hoshonti anukaka ya pit chukovvt̄ ia kv̄t, okla nukshopa tok.

35. Yohmi ma hoshonti anukaka ya auet ai anumpa kv̄t, Ilvppak osh Svso a holitopa mak oke, hv̄sh ī haponaklashe, achi tok.

36. Atuk ̄ anumpa hash ot ont taha ma, Chisvs ak illa hosh hikia na okla pisa tok. Yvmohmi ma nana yakohmi kash okla nana ik achot, nana h̄o p̄isa tuk vt̄ achvfonv̄chi mt̄ hatak nana kia nitak yvmma foka ka ik im anolo beka tok.

37. Atuk ̄ yakohmi tok : ont onna ma nvnih hash okla asht akovvt̄ minti ma, okla lava kv̄t ont afama tok.

38. Yohmi ma okla ha takla aya tuk vt hatak achvvt chitolit mihvt, Nan-ithvnanchi ma! suso ha ish pisakbano chim ahni lishke, vm vlla yvt yummak bano hatuk oke.

39. Yohmi ho shilombish okpulo yvt ishikma, ashalika tahpahanla hoke; mikmvt haiochichehit itukpokpokihinchi beka hoke: yohmi kvv kanihmit i filvmma he keyu chohmit, haknip litolit hotopahanlishke.

40. Yohmi ho na chim ai ithvna vhleha hak o yvmma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ahli ai i shanaia fehna okla hvchia ma! hvch iba takla ahantvt, nana ka isht ak ahno ho katielmi foka chi cho? Chiso ha ilvppa ishit minti.

42. Mihma ishit minti hosh aya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alvmmi cha, vlla yash hlakofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kvv nana ka Chisvs vt ai yvmihchi tuk puta kash momvt, okokko! okla aiahnit maya takla ma, yummak ash osh ilap nan im ai ithvna vhleha hash,

44. Anumpa ilvppa puta kvv hvchi haksobish atuk ma ik a fohoka, hvsh ahnashke; Hatak Ushi yokvt hatak puta ibbak a i foyuka hi oke.

45. Yohmi kia anumpa ilvppa okla ik akostinincho ki tok: mihma na miha kash ik im ai otano; yohmi hoka yummak ash okla ik ai ithaiyano ki tok: mihmvt anumpa yummak ash im asilhhvchi okla nukwia tok.

46. Yohmi ma, Katima kak osh holitopa kvv moma i shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila ha Chisvs vt im akostininchi mvt, vlla yo ishit, il a bilikvchit binilichi tok.

48. Mihmvt, Kvna hosh vlla ilvppa vmmi hohchifo ho ahnichi hokvto, vno ak o si ahnichi hoke: mikmvt kvna



hosh vno a si ahninchi hokmvt, yummvt auet sa kanchi tok ma pit ahninchi hoke: kanima hosh moma ik a lauwo kvv hvchi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchi mvt, Pi shahli ma! achvfa hosh chi hohchifo ha nan-isht-ahullo okpulo puta ka ishit kocha weli hosh anta ho e pisa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hvch ik im alammo kashke: kvna hosh pi sanalit anta keyu hokvto, pibai achvfa hoke.

51. Atuk o yakohmi tok: yvmmak ash o aiokpanchit vba ya isht ia chi nitak vt ont vlpiesa hatuk o, Chelusalem a ia chi kvv ai anukfoyokvt nashuka ya pit filimmi tok.

52. Mihmvt nan ont im atahla chi ho, anumpa shali vhle-ha ha tikba pit tihleli tok: yohmi na okla ivt Samalitan okla in tmahushi o ont chukowa tok.

53. Yohmi ma yvmmak okvt Chelusalem a ia ho fehna nashuka yatuk o, okla ik aiokpacho ki tok.

54. Yohmi na nan im ai ithvna Chemis, micha Chan ita tuklo kvv yakomi ka pisa mvt, Chitokaka ma! Elias vt yvmihchi tok akinli ho chohmichit, pishno mvt luak vba minti kvv aka itula cha, okla ilvppa hushmit tahla chi ka il im apesa hinla ka, ish ahni cho? achi tok.

55. Mihma yvmmak ash ot filemvt im alvmmi mvt, Hvchi chukvsh ai im anukfila a kaniohmi hosh hvsh aya kvv hvch ik ithanoshke.

56. Hatak Ushi vt hatak puta ka vba chi hosh aya ha tok keyu, amba okchalincha chi ha tok oke, achi tok. Mihma ilhkolit tmahushi inla yo ona tok.

57. Atuk o yakohmi tok; ia hosh okla itvnowa ma, takla ya hatak achvvt, Chitokaka ma! kanimak fehna chik aya kia, vno vt chiakaiya la chi hoke, im achi tok.

58. Mihma Chisvs ash ot, Chula puta kvv chiluk vt im ai ashakma, vba hushi puta kvv vlpichik vt im asha hoke: amba Hatak Ushi okvto noshkobo ha kanima a bohla hi vt ik im iiksho hoke, im achi tok.

59. Mihmvt inla yo, Is siakaiyashke, im achi tok. Yoh-

mi kia yvmmak ash ot, Chitokaka ma! vllhpesa, vm ahni na ivt, aki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apeshchika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kvv, Chihowa apeshchika ya ahalaia he vllhpesa keyu hoke, achi tok.

## CHAPTA X.

Chisvs vt nan im ai ithvna vllheha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vllhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vllhpesa hatuk a, Chisvs vt im anoli; 25 Chisvs vt nan-vllhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vllhpisa yvmmak o, ilapvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyukachit tvma-ha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-wayaya yvt ai-vlmo-ona hokvto laua mvhli ho, amba na-toksvli vllheha hak osh chvbehasishke: yohmi hoka na-wayaya yvt ai-vlmo-ona ka in Chitokaka ya hvsh im asilhabanchi na na-toksvli vllheha ha i na-wayaya yvt ai-vlmo-ona ka pit apittashke.

3. Hvsh itvnowashke: yakeh! chukfvllhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vlhto, micha bahta, mikmvt shulush

aiena ka isht hvch ik ayo kashke : micha hina takla ya hatak nana kia hvch ik aiokpacho kashke.

5. Mikmvt chuka nana hō ont hvsh chukowa kv̄t nan tikba, Na-nanaiya kv̄t chuka ilvppa ant iba fokashke, ahnit hvsh mihashke ;

6. Mikma na-nanaiya ushi vt yv̄mma anta tukma, nan-isht hvsh il a nanaiya mvt ai onvtuyulashke : amba keyukmv̄no, nan-isht hvsh il a nanaiya yvt hvchī falama hi oke.

7. Mikmvt chuka yv̄mmak ash inli hō ahāshwvt, peh nana hoh kia hvch ipetakma, v̄pvt hvsh ishkashke : toksvli vt im vlhtoba he ak osh im ai vlhpesa hoka. Chuka vbaiyv̄chit hvch ik itvnowo kashke.

8. Mikmvt tv̄maha nana hō ont hvsh chukowa ka, okla hvchi aiokp̄chikma, impa nana hosh hvchi tikba talaia hokma, hvsh pashke.

9. Yohmikmvt abeka yvt yv̄mma āshakma, ho hlakofichī : yohmikmvt Chihowa apēhlichika yvt hvch ī bilika vlshke, hvsh im achashke.

10. Amba tv̄maha nana hō ont hvsh chukowa na ik hvchi aiokpachokma, yv̄mmak ash a kohchvt ivt, hina bvshkvchi puta ka hvsh ona cha,

11. Hvchin tv̄maha ī hituk tohbi vt pi a lapali tuk a, hvchi o kashofit e kanchishke : yohmi kia Chihowa apēhlichika yato hvch ī bilika v̄la hoka, hvsh ithaiyanashke, hvsh im achashke.

12. Yohmi kia nitak yv̄mma fehnakma Sotom vt im ahleka hoh kia pit im vlhpisa kv̄t, tv̄maha yv̄mma ī shahla hi oke.

13. Kolasin ma ! na chī palv̄mmi mak oke ; Betsaita ma ! na chī palv̄mmi mak oke ; na-fehna puta kv̄t hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli hō na-pāshi tv̄nna fohka cha, hituk chubbi anuka binoh-mayvt ile kostininha hi a tok oke.

14. Yohmi kia nan ai-vlhpisa chinto nitak okv̄no Taia, micha Saiton ita-tuklo kv̄t im ahleka hoh kia pit im vlhpisa kv̄t, hvchishno a ī shahla hi oke.

15. Yohmikma Kapenavm chia hv̄t slutik ak o ont ish talaia tuk vt, aka iv̄t ai-okpuloka mak o pit ish a kv̄nia hi oke.

16. Mikma kv̄na hosh hv̄chi haponaklokmtv̄t, vno a a haponaklo hoke : mikma kv̄na hosh hv̄chishno a hv̄chi shitilemakmtv̄t, vno a sa shitilema hoke : mikmtv̄t vno a sa shitilemakmtv̄t, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai v̄la mvt, Chitokaka ma ! chi hohchifo pulla kak o nan-isht-ahullo okpulo puta kak kia pim antihyv̄shke, achi tok.

18. Mihma yvmmak ash ot, Setan vt malv̄tha kv̄t v̄ba vtvtv̄t aka minti chatuk a, chiyuhmi h̄o pisa li kv̄no.

19. Yakeh ! sinti chilita puta, mikmtv̄t halambia puta aiena ka hv̄sh a hv̄hlih̄inchi : micha na tv̄nvp nan-isht ai im ah̄li ka ma mominchit a hv̄sh imaiya chi mak o nan isht aiah̄lika ya hv̄ch ima lishke : yohmi ka nana hosh a kaniohmit hv̄chi hotopala hi vt iksho ka hi oke.

20. Yohmi kia shilombish okpulo puta kv̄t hv̄chim antia ilv̄ppak okv̄no nan ik hv̄chi yukpo kashke ; amba hv̄chi hohchifo puta kv̄t v̄ba ya a holisso, yvmmak o na hv̄chi yukpa v̄lhpesa hoke, im achi tok.

21. Hv̄shi kanv̄lli v̄lh̄pisa yv̄mma fehna ma Chisvs vt chukv̄sh na yukpa mvt, Aki, v̄ba, mikmtv̄t yakni ita-tuklo in Chitokaka ma ! na yakohmi puta ka na kostini, micha nan-ithv̄na aiena kv̄no ish in luhmi tuk osh, v̄losi puta h̄o ish im otv̄n̄inchi hoka, yak oke, chim aiah̄ni lishke, v̄lh̄pie-sv̄shke, Aki ma ! yvmmak osh chim v̄lh̄piesa hatuk oka :

22. Nan okluha ka Aki vt sv̄bbak a a fohkishke ; yohmi ka kv̄na hosh Ushi yoka hatak nana kia ik ithano h̄o, amba Iki vt ak illa hoke : mikmtv̄t kv̄na hosh Iki yoka kv̄na kia ik ithano h̄o, amba Ushi vt ak illa ; micha Ushi vt kv̄na h̄o im otv̄n̄inchi mak bano hoke, achi tok.

23. Yohmi mvt nan im ai ithv̄na v̄hleha a hieli ka pit filema mvt, yvmmak ash bano h̄o, Nishkin vt hv̄chishno nana hv̄sh p̄isa ka p̄isa kv̄to na yukpv̄shke.

24. Hopaii v̄hleha, micha m̄iko v̄hleha aiena kv̄t laua hosh

hvehishno nana hvsh pihisa ka pisa bvna tuk osh, ik peso ki tok: micha hvehishno nana hvsh hahaklo ka haklo bvna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnnvt, Nan-ithvnanchi ma! ai okchayvt bilia ya pisa la hi okvto, nanta ho katiohmi la chi cho? achi tok.

26. Mihma yvmmak ash ot, Nan-vlhpisa holisso ha katiohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishke: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvfv Chelusalem vtvt Cheliko ia tuk osh, hatak hvkopa vhleha ont iba chukowa na i nafohka ya im apoyua cha, isskkopalit boyuhli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tvnvp o ant ia tok.

32. Mihma Lefait hatak ak kia yvmmak ash vlv ant pisa kia, yvmmak ash inli ho apakfompvt hina in tvnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlv pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmit, afohlit in tahli cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, iskli tuklo ka ishit kohchit, afoha chuka apesvchi yash ina mvt, Ilvppa ish apistikelashke: micha atampa kvv kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hukopa vhleha ont im isht kanvpa tuk a in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot tmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vta in lauvt isht ik im ai vlvpieso mvt, yvmmak ash o im ai vlvv, Chitokaka ma! sa nakfish vt si apela hi a ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mvt, Mahla ma! Mahla ma! nana ka ahalaivt im anukfila isht ik chim vlvpieso kvv chin lauvshke.

42. Yohmi kia nana ai vlvpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

## CHAPTER XI.

Chisvs vt nan im ai ithvna vhleha ha vba pit anumpuli im avvchi, 1; 14 nan-isht abullo okpulo kohchichi: 28 mikmvt kvna hosh Chiho-

wa im anumpa ha im antia hokvto holitopa ka anoli; 37 Falisi okla nana ka ilahobi, yvmmak oka nana palvmmi onvtula he puta ka atokowa anoli.

1. **ATUK** o yakohmi tok: a kaniohmi ho antvt vba pit anumpuli tuk osh ont issa ma, nan im ai ithvna vhleha ha achvft, Chitokaka ma! Chan vt nan im ai ithvna vhleha ha im avchi tok a, chohmit pishno ma vba pit anumpuli ka, ish pim avchashke, im achi tok.

2. Mihma yvmmak ash ot, Uba pit hvsh anumpulikmvt, Piki vba ish binili ma! Chi hohchifo hvt holitopashke. Ish apehlichika yvt vlashke. Nana ish aiahni ka vba ya a yohmi kvv yakni ilvppak ma a yohmi makinlashke.

3. Nitak moma ilhpak vt a pim vhpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpvlika imma hokvno ik iba chukowa, chik pim ahno kashke; amba nanokpulo ya ish pi a hlakofihinchashke, hvsh achashke, im achi tok.

5, 6. Mihmvt yvmmak ash ot, Hvsh katima kak osh chi kana hvt asha tuk osh, ninak iklvna ho ayvt ish onvt, A kana hvt nowvt aya tuk osh vm vla ho, nana kia itikba ma talali la hi vt ik svv iksho hoka, pvvka tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvv, Chik svv ahchibalo kia, himak ano okhissa vt vvhkama ho, vm vlla vt si apihvt topa ha kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yvmmak ash osh im ahchivchi fehna kak o tani cha, laua kvv kaniohmi ho bvvnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoykmvt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke : micha kvna hosh sokohakma, in tiwa pulla hi oke, hvchim achi lishke.

11. Hvsh kanima kvt iki atuk o, ushi vt pvska im asilhhakma, yvmmak ash tvli yo ima hinla? keyukmvt nuni yo asilhhakma, nuni a he tuk ash sinti yo ima hinla ho?

12. Yvmmak keyukmvt, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vlhpesa keyu kia, hvchim vlla ya nana achukma puta ka isht ima hokvto hvchimponna ka, hvch iki vba binili kvt i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok : nan-isht ahullo okpulo vt a kohcha mvno, ik anumpulo ash ot anumpuli tok; mihma okla hvv anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsebv b ak o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kvv, nan-isht-atokowa kvv vba a minta hi a im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achvfa kvv it a kashapvt ilapo ash inli it im i sanali hokvt, ont aiokpulokvt taha hoke : mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmvt, im apehlichika yvt katiohmi hosh talaiia hinla cho? vno vt Beelsebv b ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsebv b ak o nan-isht ahullo okpulo puta ka isht kocha weli li hokma, hvch iso vhleha hvto kvta hak o yvma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi o nan isht ahullo



okpulo puta ka isht kocha wihinli li hokma, yohmi hok-  
muno, Chihowa apehlichika yvt hvchim vla mak oke.

21. Hatak hlampko yosh na-halupa ai im vlhtaiyaha hosh  
in chuka apesvchi hokvno, nana kv̄t aiyubaka hoke.

22. Amba kv̄llo kv̄t ilapo ā i shahli hosh ant i kohchvt,  
imaiyachi hokmak osh, i na-halupa ai anukchieto tuk ash  
mominchit im ai eshi cha, nana immi hatuk ash inla im it a  
kv̄shkoli chatuk oke.

23. Kv̄na hosh vno ā sv̄b ai achvfa keyu kv̄t vm̄ i sanali  
hoke; mikma kv̄na hosh sv̄ba hoyo keyu hokvto na fimmi  
yoke.

24. Shilombish okpulo yvt hatak ā a kohchakmvt, a foha  
he hoyot haiaka oka ik ai iksho puta ka hlopullit aya kia ik  
ahayucho mvt, An chuka ai vttvt kohchvt a minti li kash osh  
falamvt ia lashke, achi hoke.

25. Atuk osh onakmvt, yvmmak ash ot pashpovt shemvt  
taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt ok-  
pulo kv̄t ilapo ā i shahli ho ont pehlichit vla na, yvmmak  
ash okla pit abeha cha, aiasha hoke; yohmikma hatak yvm-  
ma nana kv̄t ont ai-isht im aiyopa kak osh ik achukmo kv̄t  
vm̄mona tuk ash i shahli hoke, im achi tok.

27. Atuk o yakohmi tok; ilvppa anumponhli moma ho,  
ohoyo achvvt okla takla hikia tuk vt chitoli hosh mihvt,  
Ikfoka yvt yvmmak osh chisht aya tuk, mikma i pishi ma  
ish a pihishi tuk ā aiena kv̄to holitopvshke, im achi tok.

28. Yohmi kia yvmmak ash ot, Ahli, na-yukpa aiahli  
kv̄to Chihowa im anumpa hā haklo cha, im antia hak oke,  
achi tok.

29. Atuk o okla hv̄t itahobvt ant a laua fehv̄t taha ma,  
Hatak himonasi āsha ilvppvt ai vlhpesa keyushke; nan-isht  
atokowa okla hoyo; yohmi kia nan-isht atokowa nana hosh  
in takala he keyu, amba hopaii Chonas nan-isht im atokowa  
kak a hi oke.

30. Chonas vt Ninefeh okla hā isht ai im atokowa tok ā,  
Hatak Ushi mvt hatak himonasi āsha ilvppa ai in chiyuhmi  
makinla hi oke.

31. Nana vlhpisa chinto nitak okvno oka-mahli ohoyo miko vt hatak himonasi asha ilvppa awant likia cha, atokowvt anumpa onocha hi oke; yvmmak okvto yakni ont ai vhli pilla vttvt minti kvv, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana vlhpisa chinto nitak okvno Ninefeh okla hvv hatak vt himonasi asha ilvppa iba takla wakayvt hiohmayvt, atokowvt anumpa onocha hi oke; yvmmak okvto Chonas vt vbanumpa ont isht im anumpohonli ma, ile kostininchi tok okvt; atuk o yakeh! Chonas a imaiya mak osh ilvppa ahantvshke.

33. Hatak nana ak osh pva ha pvlali kvv a lumaka ho talali chatuk keyu, keyukmvt tanchi isht-vlhpisa nutaka yo talali chatuk keyu, amba kvna hoh kia ant chukowakmvt tohwikeli ka pisa chi ka, pva ai-o hikia ak o o hilechi chatuk.

34. Haknip a i pva hvv nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvo, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kvv a chi foyuka yvmvvt ik okhlilo kashke.

36. Yvmohmi ka chi haknip vt im a kanima kvv ai okhli-likaa iiksho hosh tohwikeli banot alotowa hokma, moma kvv tohwikelit alotowa kvv, pva lua achukma kvv chim a tohwikelichi chatuk a a chiyuhma hinla hoke, achi tok.

37. Yvmohmit anumpohonli moma na Falisi achvvt, yvmmak ash ot ont ibai impa hinla ka im ahni tok: mihma ont chukowa cha, impa chi hosh binili tok.

38. Yohmi ma Falisi ash ot pisa mvt, ik impo kisha kvv ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hvchia hvv isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai vlhpeso banot isht hvchi alotovshke.

40. Nan anukfila iksho hvchia ma! nana ka paknaka ya ikbi mvt, anukaka yak kia ikbi akinli tok keyu cho?

41. Amba yohmi kia nana hvchim a<sub>u</sub>sha kv<sub>t</sub> hvsh habenv-chashke: yohmikma yakeh! nana puta kv<sub>t</sub> a hvchim v<sub>l</sub>h-pesa bano hoke,

42. Amba Falisi hvchia ma! na hvch<sub>i</sub> palv<sub>m</sub>mi mak oke, m i n t , micha l u , mikmvt haiyuk<sub>p</sub>olo ilaiyuka puta waya it a kashkoa ont isht pokoli kak osh hvch<sub>i</sub> kv<sub>n</sub>ia, mikmvt nana ai-v<sub>l</sub>hpiesa ka, micha Chihowa holitobli aiena hokvno hvsh vbanv<sub>b</sub>li hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvch<sub>i</sub> palv<sub>m</sub>mi mak oke, sina-kak puta an<sub>u</sub>kaka aiasha holitopa puta, mikmvt ilhpak a kanchi ai it aiokp<sub>v</sub>chi aiena kak o hvchim ai achukma hoka.

44. Na-holissochi v<sub>h</sub>leha, micha Falisi okla aiena nan-ilahobi hvchia ma! na hvch<sub>i</sub> palv<sub>m</sub>mi mak oke; a-hollopi vt otani keyu h<sub>o</sub>, hatak vt a novvt vbanopoli kia, yvmvvt ik akostinincho chatuk a hvch itilau<sub>i</sub> hoka, im achi tok.

45. Mihma nan-v<sub>l</sub>hpisa ithvnanchi v<sub>h</sub>leha hv<sub>t</sub> achv<sub>f</sub>vt afalaminchit, Nan-ithvnanchi ma! ilvppa yak ish achi kv<sub>t</sub> pishno a aieninchit nan isht chik pi ahobaloshke.

46. Mihma yvmmak ash ot, Nan-v<sub>l</sub>hpisa ithvnanchi hvchia ma! hvchishno ak kia na hvch<sub>i</sub> palv<sub>m</sub>mi mak oke; nana weki shali ka palv<sub>m</sub>ma hinla h<sub>o</sub> hatak a hvsh shalihinchi mvt, hvchishno yak okvto nana weki ash hvch ibbak ushi achv<sub>f</sub>ona kia ishit hvch ik potolo hoka.

47. Na hvch<sub>i</sub> palv<sub>m</sub>mi mak oke: hopaii puta ka hvchin tikba v<sub>h</sub>leha hv<sub>t</sub> v<sub>b</sub>i tok a i sepv<sub>l</sub>ka y<sub>o</sub> hvsh ih<sub>i</sub>kbi hoka.

48. Hvchin tikba v<sub>h</sub>leha hv<sub>t</sub> yvmmak oka ahambi mv<sub>h</sub>li ma, hvchishno vt i sepv<sub>l</sub>ka puta ma hvsh ih<sub>i</sub>kbi kv<sub>t</sub>, hvchin tikba v<sub>h</sub>leha hv<sub>t</sub> nana a kaniohmi tok a hvsh im ahn<sub>i</sub>nchi kv<sub>t</sub> isht atokowa mak o hvsh ieshi mv<sub>h</sub>lishke.

49. Yvmohmi ka Chihowa i hopoyuksaka yak kia yak achi tok. Hopaii v<sub>h</sub>leha, micha vbanumpeshi v<sub>h</sub>leha aiena ka pit in tih<sub>l</sub>ihinli likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii v<sub>h</sub>leha im issish vt hlatahampa tok moyuma ka, himonasi hatak ah<sub>u</sub>shwa ilvppak o im a hoy<sub>a</sub> hi oke.

51. Ebel a im issish a tok a ai vhlit mihintit Sakalaias al t a micha t e m p e l i t i n takla ai vbi tok issish ak o ant ai vhli yvmmak o himonasi hatak aiasha ilvppak o im a hoya he mak oke, aiahli mak o hvchi miha lishke.

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa ya ishit hvsh kanchi hoka : hvchishno ak kia pit hvch ik chukowokmvt, inla yvt pit abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kv t a tushpalechit, yvmmvt nana ilaiyuka miha he tuk, okla achibvchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

## CHAPTA XII.

Chisvs vt nan-im ai ithvna vhleha ha nana ka peh ilahoba he imma hokvno ahah ! okla ahna chi ka i miha, 1 ; 13 yohmi mvt nan im ai ithvna vhleha hv t chukvsh a nan ilaiyuka isht ik asitio ka chi ka, hatak nan in laua yosh nana ai isht ilaiyukpvt ahanta tuk o, nan illi hv t ashali ka a mokofit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kaniohmi puta hokvno chukvsh isht ik anushkunno ka hi a i miha ; 31 micha hatak shilombish okchaya he ak o na tikba anuk-fihinli ; 36 yohmikmvt Chitokaka yvt aya hi a, tikbanli im vlhtaha he puta ka isht im anumpuli. 54 Chisvs vt okla ha, ilap ak osh Klaist mak atuk a ik akostinincho ka, nan isht i miha ; yohmi mvt Chihowa ha iti nanaiya pulla hi a i miha.

1. YUMOHMI ai itin takla ma, okla laua kv t atampa fehna hosh itvnaha, yvmohmi cha ilap bika okla it i hvhlihinch ma, yvmmak ash ot nan im ai ithvna vhleha hash, Falisi vhleha i pvska isht shatvmmi, yvmmvt nan-ilahobi yak oka, ik kaniohmi kia ahah ! hvsh aiahnashke.

2. Nana kv t ompoholmo tuk vt ik wakamo ka he, mikma nana kv t luma tuk vt ik otaiyano ka he aiena kv t iksho ka hi oke.

3. Yvmohmi hoka nana hō aiokhlilika ya hvsh ai anum-pohonli tuk ma, a tohwikeli yō a hakla he; mikmvt hakso-bish ont tikelichit abohushi anukaka yō hvsh ai anumpohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, him-makma nana hō a kaniohma he mvt ik im iksho yvmmak okvno hvch ik i nukshopo kashke, hvchim achi lishke.

5. Amba kvna hō hvsh i nukshopa he okvno hvchim anoli lashke; Illichi ha mvt, ai-okpuloka ya pit kancha hi vt im vlpiesa yvmmak o hvsh i nukshopashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kv t sint tuchina hō ai vlbi chatuk keyu? Yohmi kv yvmmak okvt achvfona kia Chihowa itikba ya ai a haksi keyu chatuk oke.

7. Yohmi ka hvchishno hvchi pashi puta noshkobo ai o hieli kak kia moyumvt holhtinv taha yoke. Yohmi hoka ik hvchi nukshopo kashke; holitopa kv hushi chipunta lau ka hvsh i shahli hoke.

8. Kvna hosh vno a hatak itikba ya Klaist oke, si achit si ahninchi tuk ma, mihi yō Hatak Ushi vt Chihowa im enchil puta itikba ai ahninchit, Um antia yoke, achit aiokpvcha he akinli hoke.

9. Amba kvna hosh hatak puta itikba vno a ik si ahniechot, Ahalaiia li keyu, achi tuk ak o, mihi yō Chihowa im enchil itikba ya ik ahniechot ik ahalaiyo ka hi oke.

10. Mikma kvna hosh Hatak Ushi a na mihachit anum-puli tuk okvto, i kashofa he; amba kvna hosh Shilombish Holitopa ak o ik ahobalot anumpuli tuk okvto, i kashofa he keyu kv mohmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kv hvch ik anukfillo kashke.

12. Nana hō hvsh acha he vlpesa ka Shilombish Holitopa ak osh hvshi kanvlli yvmmak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvvt, Nan-ithvnanchi ma!

itibapishi li ha ish i miha na, nana kv̄t vlhtoshowvt p̄bbak a p̄i fohka tuk a a kashv̄blashke, im achi tok.

14. Mihma yv̄mmak ash o, Hatak chia ha, kv̄ta hosh nana hv̄chim apesa yokmá, keyukmvt nana hv̄chi itakv̄shkoli yokmá, nanta h̄o sakbi tok oh cho? im achi tok.

15. Mihmvt, Ahah! hv̄sh aiahni cha, nan in laua bv̄nna ya hv̄ch ik ahalaiyo kashke: hatak vt nana kv̄t laua h̄o il aieshi kak o im ilhf̄iopak vt takali h̄o keyu hoke, im achi tok.

16. Mihmvt okla hash nan-isht vlhp̄isa h̄o isht im anum-pulit, Hatak nan in laua achv̄fa hosh im osapa yvt nana waya fehna tok.

17. Mihmvt, Nana a waya puta ka kanima ai ashachi la hi vt ik sv̄m iksho kv̄to, nanta ak o katiohmi la chi cho? achit il anukfilli tok.

18. Mihmvt, Ilvppak o yakohmi lashke; an tanchi in chuka yak o yuhli lish, chito i shahli h̄o ikbi lashke: micha yv̄mmak o a nan a waya, micha na hochukma puta ka mo-minchit ashachi lashke.

19. Mikmvt sa shilombish a, Sa shilombish ma! na hochukma laua kv̄t afv̄m̄mi laua taha he vlhp̄esa ka achukmalit ashachit chin tahl̄ishke; peh nan ik pilesot fohvt, impvt, nan-ishkot, nan isht ish ilaiyukpashke, im achi lashke, achi tok.

20. Yohmi kia Chihowa yokv̄to yv̄mmak ash, Ik hopo-yukso chia ma! chi shilombish a falaminchit himak ninak a chim a hoya chi hoke; yohmikm̄vno nana ish atahli tuk amo kv̄ta h̄o immi ha chi cho? im achi tok.

21. Yohmi ka kv̄na hosh na hochukma puta ma ilap inli isht im atahlit ahanta hosh, anonti Chihowa ai imma hokv̄no nana kv̄t im vlhtaiyaha tuk keyu kv̄t yv̄mmak o chiyuhmi hoke, achi tok.

22. Mihmvt nan im ai ithv̄na v̄hleha hash, Yvmohmi hoka hv̄chi ai okchaya hi a nana h̄o hv̄sh pa he; mikmvt hv̄chi haknip ma nana h̄o hv̄sh fohka hi a anukfillit hv̄ch ik ilbv̄sho kashke, hv̄chim achi lishke.

23. Okchaya kv̄t holitopa kv̄t ilhpak a i shahlikma, anonti haknip vt holitopa kv̄t na fohka ya i shahli hoke.

24. Fvla chito puta ka anukfillit ho pesá: yummak okvt nana kia hokchi cha vmo hō keyu: mikmvt yummak okvt vllhpoyak in chuka, micha kanchak aiena kia im a<sub>u</sub>sha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kv<sub>t</sub> hvchi chaha ka k u b i t achvfa kia hvsh il achakala hinla cho?

26. Nana kv<sub>t</sub> moma ik a lauwo hoka hvsh yvmihcha he keyu kv<sub>t</sub>, nanta katiohmi hō inla yokak heno anukfillit hvsh pisa cho?

27. Lilli puta kv<sub>t</sub> katiohmit offot hofantit mahaya ka anukfillit ho pesá; yummak okvt toksvlit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kv<sub>t</sub> ilvppa achv-fona kia chohmi tok keyu, hvchim achi lishke.

28. Yohmi ka Chihowa hv<sub>t</sub> hvshuk himak nitak a kovi hā hiohmaya tuk osh, onna hā apalvska pit vllhpita chi<sub>i</sub> kia, shemvchi kv<sub>t</sub> yvmihchi kvto, hvchishno a i shahlichichosh ik hvchi shemacho ka hinla cho? nā yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kv<sub>t</sub> hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kv<sub>t</sub> hoyo chatuk mak oke: ilvppa chohmi puta ka a hvchi bv<sub>u</sub>na bokvno hvch Iki vt ithana hoke.

31. Yohmi kia amba Chihowa apelihchika yak o hvsh hoyashke; mikmvno ilvppa moyuma kv<sub>t</sub> a hvchim ibakaha hi oke.

32. Apehlichika ya hvch ima kv<sub>t</sub> im achukma hoka, chukvllhpoba aya ik lauwo hvchia mv<sub>t</sub>, ik hvchi nukshopo kashke.

33. Na hvchim a<sub>u</sub>sha kv<sub>t</sub> hvsh kanchi cha, ilbvsha ya hvsh habenvchashke: tvli holisso i shukcha yummak okvt nitak nana ont a sipokna he keyu, nā-holitompa nitak nana taiyaha he keyu vt vba itonla; hukopa nana hosh ai i bilin-

cha he keyu, mikma shushi mvt okpna he keyu, yak o isht hvsh il atablashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlhtahvt, pva puta mvt hvchin lihimbashke.

36. Yohmikmvt hvchishno ak kia hatak osh i shahli hvt ohoyo ipetvchi ia tuk osh falamvt vla chi, atuk osh vla cha sokohakma, ashalika in tiwa chi cha, pit hoyo hosh aiasha ho hvsh chiyuhmashke.

37. Chitokaka yvt ayvt vlv, okchvt asha na ont pisa ka, tishu vhleha yvmmvt na-yukpa mak oke: ahli mak o hvchim achi lishke, Ilap ash osh nan isht il ai vskufvchit tahli cha, yvmmak osh impa chi ka binohlichikmvt, wakayvt nan isht im vtta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu vhleha yvmmvt nayukpa hi oke.

39. Hatak chuka chvfa pehlichy vt in chuka ahanta kvv hvshi kanvlli vlhpisa kaniohmi kak o hukopa yvt vla hi a akostininchy hokmvt, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mvt, hvchim vlhtahashke: yvmmak a he hvch ik aiahno hvshi kanvlli vlhpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmvt peh moma kak o isht ish im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aiahli, mikmvt hopoyuksa achukma aiena tuk o, mihi yo i shahli hvt ont ai-vlhpiesakma nan-vpa hvt ai immi ha he vlhpesa ka, ipihinta chi ka, ilap in chuka chvfa yash pehlichy ikba chi cho?

43. I shahli hvt ayvt vla kvv, yakohmi hosh ahanta na ant pisa ka, tishu yvmmvt na yukpa mak oke.

44. Ahli mak o hvchim achi lishke: Nana im asha ka moma apesvchi o ikba hi oke.



45. Yohmi tuk kia tishu yvmmak ash osh chukvsh anuk-aka, A shahli hv̄t ai v̄la he tuk vt v̄banv̄blichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok mvno ;

46. Tishu yv̄mma i shahli hash ot ilapvt yv̄mma pit hoyo nitak keyu, micha ik akostinincho ai itin takla hv̄shi kanv̄lli v̄lh̄pisa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yv̄mmak ash ot fahama l̄awa isht boa hi oke.

48. Amba ik akostinincho hosh nana ka isht a fv̄ma he v̄lh̄pesa ka yvmohmi hokmv̄to, fahama ik lauwo h̄o isht fv̄ma hi oke : kv̄na h̄o lauachit ima tok ma, mihi ȳo laua h̄o im a hoya hi oke : micha kanima h̄o hatak vt lauachit ibbak fohki tuk ma, mihi ȳo laua i shahli h̄o im a hoya hi oke.

49. Yakni paknaka ȳa luak o ai ȳo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke.

50. Yohmi kia baptismo isht a baptismo la ch̄i kv̄t v̄m āsha : yohmi ka yvmmv̄t ont ai yvmohma ch̄i takla hokv̄no a palv̄m̄mi fehv̄shke.

51. Yakni paknaka ȳa a nanaiyv̄cha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka chv̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, iki vt ushi a i sanalikma, anonti ushi atuk vt iki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihmv̄t anonti okla hash, Hv̄shi ai-okvtulaka hoshontit kocha na hv̄sh pisakmv̄t, ashalīka, Umbvt mihintishke, hv̄sh achi chatuk ; atukma yohmi mv̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kv̄t pisa kaniohmi hokvno nan isht hvsh ai akostininchi hokak osh, amba katiohmi h̄o himak okvno nana ka hvch ik akostinincho cho?

57. Ahli, micha nanta katiohmi h̄o hvchishno akinli kv̄t nana v̄lhpesa kvno hvch ik ithano cho?

58. Nan-v̄lhpisa chi onochi ya awant m̄iko ish im ona chi hosh ish aya kv̄t, takla ya, ai i hlakofi bv̄nna kv̄t ish achunanchashke: yvmmak keyukma chi halv̄llit nan-apesa ya isht chi ai onakma, anonti nan apesa yash ot tishu ha ibbak a a chi fohki na tishu hash ot aboha kv̄llo ya chi fohka hinla hoke.

59. Iskvli ont isht aiyopi fehna ka ish atobbi h̄o keyukmvt, yvmmak oka ish kohcha he keyu hoke, chim achi lishke, achi tok.

### CHAPTA XIII.

Chisvs vt ile kostininchit il aiasha he ak o pi miha, 1. 6 Fik vpi vna he keyu nan isht-v̄lhpisa. 10 Nitak hullo yo Chisvs vt nan ithv̄nanchit ahanta hosh ohoyo iksitopo ilbv̄sha ya hlakofichi; 15 micha v̄ba yakni apelhichika ya mv̄stv̄t nihi, micha pvska isht shatv̄mmichi aiena kak o isht it apesa; 24 okhissa iskv̄tinosi yv̄mma chukowa bv̄nna kv̄t achunancha hi a, okla ha i miha. 31 Chisvs a Helot vt v̄bi bv̄nna hatuk o, kohchvt kv̄nia hinla ka, okla im ahni ma, nana h̄o im achi; anonti Chelusalem vt ont aiokpulokvt taha chi ka, itukonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kv̄t yv̄mma asha tuk vt, Pailat vt Kalili hatak issish a okla v̄ba pit isht aiokpv̄chi a ai itaiomi tuk a, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashv̄chi kv̄t Kalili okla ha moma i shahli atuk osh na yakohmi ka isht ai ilbv̄sha tuk o, hv̄chim ahoba cho?

3. Keyushke; amba hvchishno ak kia hvsh ile kostininchi keyukmvt, hvsh moma kv̄t ilbvshvt hvch illi akinla chi ka, hvchim anoli lishke.

4. Yvmmak keyukmvt Siloam ā chuka chaha hikia tuk vt auah untuchina ka ō kinafv̄t vbi tok ā, yvmmak osh nan ashvchi kv̄t hatak Chelusalem āsha moma ka ī shahli ha tok ā, hvchim ahoba cho?

5. Keyushke; amba hvchishno ak kia hvsh ile kostininchi keyukmvt, hvsh moma kv̄t ilbvshvt hvch illi akinla chi ka, hvchim anoli lishke.

6. Nan-isht-vlhpisa ilvppakma isht anumpuli tok: Hatak achvfa hosh f i k vpi vt osapushi anukaka yā im a hollokchi tuk osh ona cha, vni ā a hoyo tuk osh, ik ahayucho ki tok.

7. Mihmvt im osapushi apoksiachi ash ō, Inta! ilvppvt afv̄m̄mi atuchina mak ō f i k vpi ilvppa vni ā hoyo kv̄t aya li hosh ak ahayucho bekvshke: chanlit akvchi; nanta katiohmi h̄o hikiv̄t yakni ā ai okpv̄ninchi cho? im achi tok.

8. Mihma yvmmak ash ot afalaminchi mvt, Chitokaka ma! himak afv̄m̄mi achvfa takla hokvno ant hikia na, kullit apakfoplit, yakni achukmali yā isht apolichit tahli li hayashke.

9. Yohmi na vnit waya hokmvno, vlhpesa: amba keyukmvno, yvmma misha pilla mak ō chanlit ish akvchashke, im achi tok.

10. Mihmvt nitak hullo yō yvmmak ash ot nan ithvnanchi hosh sinakak achvfona ka anta tok.

11. Mihma ohoyo hv̄t shilombish okpulo nan iksitopochi v̄t ai ī foka tuk ā afv̄m̄mi auah untuchina hosh, kochofv̄t kv̄nia, kaniohmit il apissalecha he keyu kv̄mohmi hosh anta tok:

12. Atuk ō Chisvs vt yvmmak ash pisa mvt, pit ī howa cha, Ohoyo chia ma! nan ik chi ai iksitopo ka ish ai ī mokofa mak oke, im achi tok.

13. Mihmvt yvmmak ash ō ibbak ā ita tuklonchit isht umbitepa tok: mihma yvmmak ash ot mihmakinli h̄o apissvt taha mvt, Chihowa hā holitoblichit tok.

14. Mihma sinakak ā apesvchi ash ot, Chisvs vt nitak

hullo yo hlakofichi ka im okpulo fehna hatuk osh, okla hash, Nitak hannali kak o hatak vt a toksvla he vlhpesa kvto ashvshke: yohmi ka nitak hullo ak a he tuk keyu; yohmi hoka yvmma ai itintakla kak o ai vlvv hvchi hlakofashke, im achi tok.

15. Yohmi ma Chitokaka yash ot afalaminchi mvt, yvm-mak ash, Peh nana ilahobi chia hoke: hvsh moma kvv nitak hullo a chi wak toksvli okmá, keyukmvt chim issuba hakso-bish falaia okmá, nana kvv ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vlhpesa keyu cho? im achi tok.

17. Mihma ilvppa yvmmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinchi ka okla hvv momvt na yukpa tok.

18. Mihma yvmmak ash ot, Chihowa apehlichika yvt nanta hak o hoyulba? yohmi ka nanta hak o isht it apesa la chi cho?

19. Mvstvt nihi achvfa hv hatak vt ishi cha, im osapushi a pit a pila tok o, offot hofantit mahayvt, iti chito tovt hikia tok: yohmi na vba hushi puta kvv naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apehlichika ya nanta hak o isht it apesa la chi cho?

21. Pvska shatvmmichi yo ohoyo hvv ishi cha, tanchi pushi isht vlhpisa tuchina hv a yvmvslichi tuk o, momvt shatvmmi taiyaha tuk mak o holba hoke, achi tok.

22. Mihmvt tmaha puta, micha tmahushi aiena ka hlopullit avvt nan ithvnanchit, Chelusalem imma ia hosh aya tok.

23. Mihma achvvt, Chitokaka ma! Achafoa kak illa hosh okchaya hi oh cho? im achi tok.

24. Mihma yvmmak ash ot, Yichina fehvvt okhissa iskitini a chukowa hvchi bvnashke; chukowa bvnvt pisa kia, nan ik kanihmo ka chi kvv laua hoke, hvchim achi lishke.

25. Chuka chvfa pehlichy yvt kaniohmi hō wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma! Chitokaka ma! ish pin tiwashke hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kvt, hvchim acha hi oke.

26. Yvmma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tmaha itin takla ya nana ish ai ithvnanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai vhpesa keyu puta ka a yohmi hvchia hvt, momvt hvs sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa ap ehlichika ya auet aiasha na hvsh pisa he, yvmma fokak mak osh yahayvt noti a vpvvt hvsh aiasha hi oke.

29. Mikma hvshi akochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa ap ehlichika im ai-impā ya ai a binohla hi oke.

30. Mikma yakeh! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kvt ai vla cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yvmmak ash o, Oh ia cha, chula yvmma ont oh im anoli; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aiahlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhleha vbi, micha auet

chin tihleli tuk a tvli ishit boli chia ma! akaka yosh ushi vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk nana kia, hvchishno ak osh vlpesa hvch ik aiahno hokvno,

35. Yakeh! hvchin chuka yvt hvchin chuk-illissvt taiyaha mak oke. Yohmi hoka aiahli mak o hvchi miha lishke; Chitokaka i hohchifo mak o aya kv holitopvshke, hvsh acha chi ka, ont ai vlpiesa keyukma, hvch ik sa peso ka chi hoke, im achi tok oke.

#### CHAPTA XIV.

Chisvs vt, nitak hullo nitak o hatak nipi shofohli isht abeka ya hlakofichi, 1: 7 hatak im anukfila kvlllo vhleha hv im anukfila ha akanlosecha hi a, micha nan in laua vhleha hv ilbvsha ya i kana he aiena ka im avrchi. 15 Opiaka impa chito asha tok isht vlpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vlpisa ilaiyuka ho isht a pim avrchi.

1. **ATUK** o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya asha tok.

3. Mihma Chisvs ash ot na mihvt, nan-vlpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vlpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaiá, keyukmvt wak toksvli okmá, nana kv yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afalamincha he keyu ki tok.

7. Mihma im annoa tuk vhleha hvt aiasha holitopa kak o hoyot a binohli na pisa mvt, nan-isht vlhpisa ha takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvv chishno a chi shahli kia yvmmak ash ot im anoli tuk a hinla hoke.

9. Atuk o chim anoli tuk, anonti yvmma im anoli tuk yvmmak ash ot ita tuklot vla cha, Hatak ilvppak osh ik aiashá, chim achikma, chi hofahyvvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana ho ish ikbi kvv, chi kana vhleha, micha ish itibapishi vhleha, mikmvt chi kanomi vhleha, chin chuka panta hatak nan in laua puta kia chik hoyo kashke; yvmmak keyukma, ilapo mvt chishno a chi hoyo hinla hoke: yohmikma nana ho, ish yvmihchi tuk a ai itilavit chim vlhtoba hi oke.

13. Amba impa chito ish ikbikmvt, ilbvsha, imomokpulo, kinafa, lva aiena kak o ish hoyashke.

14. Yohmikmak osh na chi yukpa hi oke: yvmmak okvto chishno ma afalaminchit ai itilavechit chi yvmihcha he keyu hoka: hatak vlhpesa illi puta kvv tanik mak o yvmmak atuk a falamvt pit ai itilavit chim vlhtoba hi oke, im achi tok.

15. Mihma ai ibai impvt maya tuk ash o achvvt ilvppa puta ka haklo mvt, Chihowa apehlichika ya pvaska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, lauvt aya chi ka, im anoli tok.

17. Atuk ash opiaka impa ont ai vlhpesa ma, im annoa

tuk vhleha hash, Himak ano nana moma kv̄t vltahvshke, ho mintí, im acha chí hō, in tishu ha chv̄ffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini yō chumpa li tuk osh, yv̄mma pisvt ia la he v̄lhpesa hóke; vno yokvno ik ayo mak kia ba is sv̄m ahna hi a chim asilhha lishke, im achi tok.

19. Mihma inla mvt, Ūno vt wak toksvli y o k tahlapi hō, chumpa li tuk osh, iv̄t kaniohmi hatuk okma pisa la chí hatuk oka, vno yokvno ik ayo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Ūno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yv̄mmak ash ot v̄la cha, i shahli ha ilv̄ppa puta kash ant im anoli tok. Mihma chuka yv̄mma pehlichí ash ot im okpulo mvt, in tishu hash, Tushpvt kohchvt iv̄t tmaha itin takla hina hochito, chí-punta aiena ka ayvt, ilbv̄sha, micha imomokpulo, mikmvt kinafa, micha l̄vpa aiena ka pehlichit ilv̄ppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aiahlit taha akinli kia, aiasha vt asha momvshke, achi tok.

23. Mihma i shahli ash ot tishu hash, Kohchvt iv̄t, haia-ka hina bv̄shkv̄chi, mikmvt kv̄ti holihta anukaka aiena puta ka ayvt, ilv̄ppa v̄la chí ka, ish atushpalechi na an chuka vt alota mak inlashke,

24. Im annoa tuk vhleha hatuk yv̄mmak amo achvfa kia v̄m opiaka impa ya iskitinosi kia ai v̄pa he keyu mak oke, hv̄chim achi lishke, im achi tok, im achi tok oke.

25. Atuk o okla l̄awa fehna hosh apehvt aya ma, yv̄mmak ash ot filema cha;

26. Kv̄na hosh ayvt v̄m v̄la kv̄t, iki, micha ishki, mikmvt tekchi, mikmvt im v̄lla, anonti ilap itibapishi, mikmvt in tek vhleha aiena, mikmvt im ilhfiopak akinli aiena kak kia, i nukkilli keyu hokvto, nan v̄m ai ithvna a he keyushke.



27. Micha kvna hosh im iti-taiyukhona ya shoyuli cha, siakaiya keyu hokvto, nan vm ai ithvna a he keyushke.

28. Hvsh katima kak osh chuka chaha ikba he ahni kv, vmmona ka aka binilit, Tahli la hinlakmá, nanta cho? ahnit ai-vlhtoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakafvt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, vmmona ka aka binilit, ilapvt tahlepa sipokni pokoli ishi kv, tahlepa sipokni pokoli tuklo pehlichí hosh i kohcha ka, amokvfa he vlhpesakmá, nana kv anukfillit ik peso ka hinla cho?

32. Yvmmak keyukmvt, achvfa yash ot hopaki pilla auet takanli moma kak inli ho itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpí vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmmvt yakni, micha nan i yvlhki yakni isht achukmvtli aiena kak kia isht ai im vlhpesa he keyu; amba hatak vt kocha pit kanchi chatuk oke. Kvna hosh isht haponakla he haksobish vt i hinlikmvt, haklashke, im achi tok.

CHAPTA XV.

Chukvlhpoba kvnia nan isht vlhpisa, 1; 8 mikmvt tvi hvta tushafa kvnia nan-isht-vlhpisa aiena. 11 Hatak himita ik hoyoyukso nan isht vlhpisa.

1. YUMMA foka ma pvblikan vhleha, micha nan-ashvchi okla aiena kv i haponakla chi kv, momvt auet a kanvlli tok.

2. Yohmi ma Falisi vhleha hv̄t micha na-holissochi vhleha aiena kash ot lumasit na-mihachit, Hatak ilvppvt nan-ashv̄chi vhleha hv̄t ilapa ai ibafohka chi ka abninchit, it ibai impa yoke, achi tok.

3. Mihma yvm̄mak ash ot nan-isht-vlhpisa ilvppa isht im anumpuli mv̄t,

4. Hatak hv̄sh katima kak osh chukfulhpoba tahlepa achvf̄vt im āsha tuk osh, achvf̄vt ī kv̄nia hokmv̄t, pokoli chakkali a kocha chakkali kash ot yakni haiaka yā maya na issvt, kv̄nia tuk yvm̄mak ash ō hoyot hikikīvt ahayuchik mak a hinla keyū ?

5. Atuk osh ahayuchikmv̄t, na yukpv̄t isht iabvnali ;

6. Atuk osh in chuka yash vla mv̄t, ī kana vhleha, micha in chuka panta hatak puta ka hoyot itahobi cha, An chukfulhpoba yvt kv̄nia tuk ash ahayuchi li hoka, na hv̄s sv̄bai yukpashke, im achi hoke.

7. Yohmi ka yvm̄mak inli hō chohmit, Nan-ashv̄chi achvfa hosh ile kostininchikma, v̄ba yā na yukpa āsha kv̄t hatak vlhpesa pokoli chakkali akocha chakkali kv̄t nan ile kostinichi yvt ai im ahalaiya he keyu, yvm̄mak oka ī shahla hi oke, hv̄chim achi lishke.

8. Yvm̄mak keyukmv̄t ohoyo nanta hak osh tv̄li hv̄ta tushahli pokoli kv̄t im āsha tuk osh, tushafa achvf̄vt ī kv̄ni-akmv̄t, p̄vla hā p̄vlali cha, aboha yā bv̄shpolit achukmalit hoyot hikikīvt ahayuchik mak ahinla keyū ?

9. Atuk osh ahayuchikmv̄t, ī kana puta, micha in chuka panta āsha tuk aiena kash hoyot itahobi cha, Tv̄li hv̄ta tushafa ā kv̄nia tuk ash ot ahayuchi li hoka, na hv̄s sv̄b ai yukpashke, achi hoke.

10. Yohmi ka nan-ashv̄chi achvf̄vt ile kostininchikma, Chihowa im enchil vhleha aiasha ka na yukpa kv̄t yvm̄ma akinli hō chiyuhmi chatuk oke, hv̄chim achi lishke, achi tok.

11. Mihmv̄t, Hatak achvfa hosh ushi vt in tuklo tok.

12. Atuk ō nakfish ash ot īki a, Āki ma ! nana kv̄t v̄m̄mi ha he tuk ash is sv̄mashke, im achi tok. Mihma nan isht ai okchaya yash ō im it a kashv̄bli tok.

13. Mihma yummak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kv̄t a kohcha tok; mihma yummak ash ot nana kv̄t ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka chi ka im osapa puta ka pit chvffichi tok.

16. Atuk o yummak ash ot shukha laua yvt nanvni ai vpa beka tok yummak o vpv̄t kaiya bv̄nna beka tok: yohmi kia kv̄na kia yumma ik ipeto beka tok.

17. Atuk o yummak ash ot ont il akostininchi mvt, Aki im ilhtohno v̄hleha hv̄t laua kv̄t katiohmi hosh pv̄ska yvt laua kv̄t im v̄lhpesakma, anonti atampa mvt asha chatuk ak o, vno ilvppa a hohchv̄fot sv̄lli cho?

18. Wakayvt ivt, aki im ona lish, Aki ma! Chihowa im ashv̄chit, mikmvt chi tikba ya a sai yoshuba tuk.

19. Yohmi kv̄t himak a pilla ma, chiso sa hohchifa he si ahoba keyushke; chim ilhtohno v̄hleha achv̄fa kak o is si ai itilauetchashke, im achi lashke, achi tok.

20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukh̄aklo cha, chv̄fv̄t ivt, yummak ash ikunla ont v̄bv̄naiyvt i suksowa tok.

21. Mihma ushi ash ot, Aki ma! Chihowa im ashv̄chit, mikmvt chi tikba ya a sai yoshohumba tuk; yohmi kv̄t himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno v̄hleha hash, Nafohka holutopa moma i shahli kak o ishit kohchit ant ho fohkv̄chi cha, ibbak ma ibbak-ushi-fohka ant fohkit, iyi ma shulush hv̄sh holochashke;

23. Micha wak ushi ilhpitvt nia ya ilvppa isht v̄lv̄t, oh v̄bi na impvt na-yukpv̄t kiloh aiashá;

24. Suso ilvppvt illi tuk osh, falamvt okchaya hoke;

kvnia tuk osh haiaka hoke. Milima na yukpvt okla aiasha tok.

25. Yohmi ka ushi akni hvto osapa anta tok : atuk osli minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok : yohmi hatuk o iki ash ot kohchvt ivt, ont i howa tok.

29. Mihma afalaminchi mvt, iki ash o, Inta! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke ; yolmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt haui puta ai iba fohkvt ayvt, nan isht ish ai okchaya he tuk ash isht yopomot tahli cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yvmmak ash ot, Svso ma ! nitak moma ka si awant ish ahantvshke, yohmi kvv nan okluha vm asha kvv chimmi hoke.

32. Chi nakfish ilvppak okvt illi tuk osh, anonti falamvt okchaya ; micha kvnia tuk osh haiaka hoka, impa ikbit na yukpvt il aiasha he vlhpesa hatuk oke, im achi tok oke ; achi tok.

## CHAPTER XVI.

Nan-apesvchi ik aiahlo nan-isht-vlhpisa, 1; 14 Chisvs vt Falisi vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhpisa.

1. MIHMUT yummak ash ot nan im ai ithvna vhleha ha, Hatak nan in laua achvfa hosh nan-apesvchi vt im anta tok : atuk o yummak ash ot nana immi puta kash isht i yopomot tahli ho, im annoa cha haklo tok.

2. Mihmvt yummak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hvv nan ai apesvchi li ash si a kohchichikma, okchahli la he keyukmvt, nan asilhha ma sa hofahyvshke.

4. Nan ai apesvchi li ash sa kohchichikma, in chuka yokvno chukowa la hi a okla vm ahna chi ka, nana ho katiohmi la chi kvto ithaiyana lishke, achi tok.

5. Mihmvt i shahli ha aheka im asha tuk vhleha hash mominchit hoyo mvt, Ummona ka a shahli ho aheka katiohmi ho ish in takanli cho? im achi tok.

6. Mihmvt yummak ash ot, Na-bila vlvhpesa tahlepa achvfa, achi tok. Mihma, Chim aheka holisso ha ishi cha, tushpvt aka binilit, pokoli tahlapi ho takalichi, im achi tok.

7. Mihma anonti inla ho, Mikma chishno vto katiohmi hosh aheka yvt chim asha cho? im achi tok. Mihma, Onush vlvhpesa tahlepa achvfa, achi tok. Mihma yummak ash o, Chim aheka holisso ha ishi cha, pokoli untuchina ho takalichi, im achi tok.

8. Yohmi ma nan-apesvchi nan ik ai vlvhpeso ash ot kostini fehvvt yvmohmi hatuk o, i shahli hvv im ai okpahanchi tok : yakni ilvppa im vlla vhleha hvv ilap bika nan it im a katiohmit hopoyuksa kvv, a nitaki im vlla vhleha ha i shahli hoke.

9. Yohmi ka, Nan-ai-vlvhesa keyu m a m m o n a hvchi kana vhleha ha hi a isht hvsh ikbashke, hvchim achi lishke : yohmi tukma ont hvch ai illikma, ai vta bilia ya ik chukowa, hvchim aiahna hi oke.

10. Kvna hosh nana kvv moma ik a lauwo ho aiahli achukma yatuk mvt, nana kvv ik aiaka kia aiahli achukma

akinli chatuk ; yohmikma kvna hosh nana kv̄t moma ik a lauwo h̄o aiahli achukma atuk keyukm̄vt, nana kv̄t ik aiaka kia, aiahli achukma chatuk keyu akinli hoke.

11. Yohmi ka nan-ai-vlhpesa keyu m a m m o n a isht a hvch ik aiahlo ke tuk ma, kv̄ta hak osh na holitopa ahli ya hvsh apesvcha hi a hvchi tohna hinla cho ?

12. Micha inla yo nana kv̄t immi hatuk a isht hvch ik aiahlo ke tuk mvno, kv̄ta hosh nana kv̄t chimmi fehna ya chima hi o ?

13. Tishu yuka nana kia i shabli tuklochit im antia he keyushke ; achvfalit i nukkilli cha, achvfa kamo holitobla hinla ; keyukm̄vt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itikba ya ai il achukm̄vli hvchia mak oke : yohmi kia Chihowa hv̄t hvchi chukvsh puta ka ithaiyanvshke : nana kv̄t hatak a im a holitopa fehnakma, Chihowa hv̄t ai i nukkilli mak oke.

16. Nan-vlhpisa, micha hopaii vhleha i holisso aiena kv̄t aiashvt mihinti tuk o Chan vt vla tok : yvmmak a tok takla kvno Chihowa apehlichika yak osh anuhumpa na hatak puta kv̄t yichinv̄t pit vlbihihvshke.

17. Micha vba shutik, mikm̄vt yakni aiena hokvto ont ik ahobot ik ai iksho ka hinla kv̄t, nan-vlhpisa iskitinosi kv̄t moma ik lauwo hosh ont ik ai iksho ka hi a ik lauwo ka hi oke.

18. Kvna hosh tekchi a kanchi cha, inla itauwayakm̄vt, hauv toba hoke ; mikma kvna hosh i hatak vt kanchi tok o itauwaya hokm̄vt, hauv toba hoke, im achi tok.

19. Hatak nan in laua achvfa hosh na-fohka hummakbi h̄o anonti linen lapushki aiena h̄o foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo

hosh liahpo bieka ho, yvmma i holihta okhissa ya ont bohyuli na ituyula tok.

21. Yohmi kv̄t hatak nan in laua im ai-imp̄a yo boshulli vt a chilofa kak o habenvt vpa ka aiahni ha tok; yohmi ma ofi puta nana kia ai vlv̄t liahpo a i holahakshi tok.

22. Atuk ash o yakohmi tok: hatak ilbv̄sha yash ot illi ma, enchil v̄hleha hosh ant isht iv̄t, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, v̄ba chakali mv̄t, Eblaham vt hopaki pilla ka auet āsha ma, Lasalvs vt shakba pohloma ka foka na pisa tok.

24. Mihmv̄t tahpahanlv̄t, Aki Eblaham ma! auet a nukhaklot Lasalvs a auet chv̄ffichi na ibbak-ushi wishakchi a oka kapv̄ssa ik oka hilechi cha, sasunlv̄sh a ant ik kapv̄svll̄i: a libbi ilv̄ppa v̄m a palv̄m̄mi kv̄t atampa fehnv̄shke, achi tok.

25. Yohmi kia Eblaham ash ot, Svso ma! chi okchaya taklv̄t ish ahanta kv̄t, na hochukma puta ka ish pihisa tok: yohmi ma Lasalvs ak kia nana kv̄t a palv̄m̄mi puta ka pihisa tuk a, ish ithaiyanashke: yohmi tuk kia yvmmak ash ot himak okv̄no hopohl̄v̄t na yukpa ma, anonti chishno v̄to chim a palv̄m̄mi fehnv̄shke.

26. Micha ilv̄ppak osh ai v̄hli keyu; a hv̄p itin takla ya kolukbi chito fehna hosh bachaya hoke: yohmi hatuk o ilv̄ppa ai asht ia kv̄t tanv̄blit yvmma a chim ona he tuk mak osh, na kanihma he keyu; yohmikma anonti yvmma asht minti kv̄t hlopulli cha pim v̄la he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chv̄fficha he mak o chim asilhha lishke.

28. Yohmi ka itibapishi li hv̄t tahlapit āsha hoka, atokowa ka ont ai im anoli na ai issikkopa ilv̄ppa yvmmakmv̄t ai v̄la yoba ná, achi tok.

29. Eblaham ash ot, Moses micha hopaii puta im anumpa

hvt in tonla hokvt, yummak o okla i haponaklashke, im achi tok.

30. Yohmi ma yummak ash ot, Aha! aki Eblaham ma! illi atuk ak osh achvvt ayvt im ona hokmvno, okla ile kostincha hinla hoke, achi tok.

31. Mihma yummak ash ot, Moses, micha hopaii puta im anumpa ha haklo keyukvt, illi tuk osh achvvt tani mak o, yimma hi vt anukfoyuka he keyu hoke, im achi tok.

## CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa ha holitobli kvv nana ho ik yvmohmi kia im anukfila mvt akanlosi bieka hi a, i miha; 11 leplosi vbi a hatak pokoli ho hlakofichi; 20 Chihowa apellichika yvt hatak chukvsh anuka-ka ak o fohka: micha kvna hosh yummak oka nan isht ik ahno tuk okvto momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik kanihmi hoh kia nana isht ai ibetvbli okvt iksho ka chi keyu pulla hoke; yohmi kia kvna ho yvmvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikunla ya tvli chito na botoli ak osh a takanli ho, okhvta ha pit okvchi kak o, vhpesa kvv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yummak ash ot nukhaklot ile kostinichi hokma, kashofit ish i kanchashke.

4. Michi nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvv mvt vt nihi achvfa ka chohmi hosh hvchi anukfoka hok-



mtv, bihi vpi ilvppa hakshish fehna ai isht alobafvt okhvta hak o ont ish a holokchashke, hvsh im achikma, hvchim antia/hinla hoke.

7. Yohmi ka hvsh katima kak osh yuka hvv im anta tuk vt yakni patvffi hokmá, keyukmtv wak ipeta hokmá, nana hosh anta tuk osh osapa mintit vla makinli ho, Ivt ont binili cha, impá, im acha hinla?

8. Amba yvmmak o keyukmtv; Nana ho opiaka impa la chi ka atahli cha, il ai-vskofvchit chin taha cha, nan isht is svv anta na impvt nan ishko aienvt issa li ha yo, himmak o impvt nan ish ishkashke, im acha hinla keyu?

9. Micha yuka yvmmak ash ot nan ai im vlvhvisa atuk ash ot yvmihchi ma, yak oke! im ahni ho? keyu ka, vv ahovshke.

10. Yohmi hoka yvmma chiyuhmit hvchishno mtv, nana kvv a hvchim vlvhvisa tuk vt mominchit ont hvsh ataiyahlikmtv, Nana ho isht ai yukpa hi o keyu tishu pia: nana ka isht il ai vttá hi a pim vlvhvisa tuk mak osh e yvmihchishke, hvsh achi makinlashke, achi tok.

11. Atuk o yakohmi tok: yvmmak ash ot Chelusalem ia hosh aya mtv, Samalia micha Kalili aiéna ka iklvvna hlopullit ia tok.

12. Micha tvmahushi achvfa ho ont chukowak fehna, hatá pokoli kvv leplosi vbi yosh ant afama cha, mishemanchit auet hiel tok.

13. Mihmtv chitoli hosh okla anumpulit, Chisvs pi shahli ma! ish pi nukhákashke, achi tok.

14. Mihma yvmmak ash ot pit pisa mtv, Oh ia cha, naholitompa isht asha vvhleha hak o ont hvsh im ile haiakvchashke, im achi tok. Atuk o yakohmi tok: ilhkoli hosh asht aya mtv, okla hlakofi tok.

15. Mihma yvmmak ash ot achvfvv hlakofi kvv ile pisa mtv, falama cha, chitoli hosh anumpulit, Chihowa ha holi-toblichí tok.

16. Mihmtv yvmmak ash iyi ituma yak o hlipia cha, yak oke! ahnit aiokpvchi tok: yohmi kvv yvmmvt Samalatan hatá a tok.

17. Yohmi ma Chisvs ash ot anumpuli mvt, Pokoli hosh hlakofi tuk keyu ? amba chakkali mvtto ?

18. Falamvt Chihowa ha holitoblichit aya kut iiksho ho, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke ; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvvt Chihowa apehlichika yvt, Katiohmi kak o aya hi o ? ahnit i ponaklo ma, afalaminchi mvt, Chihowa apehlichika yvt ai im akostininchi ho aya he keyu.

21. Micha Yakeh ! ilvppak oke : keyukmvt, Yakeh ! yvmmak oke ; achi kak okma, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi bvna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh ! ilvppak oke ; keyukmvt, Yakeh ! yvmmak oke ; hvchim achikma, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvvt shutik nutaka kanima ho a malvthakachit kohchakmvt, shutik nutaka bakapa tvnvp ma pit on tommy chatuk a, Hatak Ushi i nitak vt ont ai vhpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he ; mikma hatak himonasi asha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vhpovvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, luak, micha hituk lakna aiena kv̄t v̄ba yā auet ai umba cha, mominchit v̄bit taiyahli tok.

30. Yakohmi tok ā chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha anuka āsha tuk ma, akowvt apoyvt isht ik aiyo kashke; yohmikma anonti, kv̄na hosh osapa anta tukmvt, falamvt ik aiyo akinlashke.

32. Lat tekchi a tok ā hv̄sh ithaiyanashke.

33. Kv̄na hosh ilap im ilhfiopak okchalinchi b̄v̄na hokv̄to, kaiyancha he; mikma kv̄na hosh im ilhfiopak ā ik ī hullo hokmvt, okchalincha hi oke.

34. Ninak yv̄mma fehnakma topa achvfa ka hatak tuklot kaha tuk ma, achvfa ka ai eshi na achvfa hosh itonla he.

35. Ohoyo tuklo hosh nan it iba botoli hosh āshwa tuk ma, achvfa kash ō ai eshi na achvfa hosh anta he.

36. Hatak tuklo hosh osapa yā āshwa tuk ma, achvfa kash ō ai eshi na achvfa hosh anta hi oka, hv̄ch im anoli lishke, im achi tok.

37. Mihma okla afalaminchi mvt, Chitokaka ma! katima yak ō? im achi tok. Mihma yv̄mmak ash ot, Kanima yō illi haknip vt ituyulakma mihi yō ossi puta mvt ont ai itahoba hi mak oke, im achi tok.

CHAPTA XVIII.

Nan apesa ai āhlichī keyu, micha ohoyo ī hatak illi nan asilbha achu-nanchi aiena nan isht v̄lhpisa, 1; 9 Falisi, micha p̄v̄blikan ita tuklo nan isht v̄lhpisa. 15 Chisvs vt v̄lla chipunta yā holitoblit ishit sholi. 18 Chisvs vt hatak pehlichī himita nan in laua yō Klaist okmā, nan laua im āsha kak okmā, nanta kak osh holitopa kv̄t im ī shahli chishba? ahnit imomaka pisa. 31 Chisvs vt ilapvt ititai-yukhvna ahonv̄hltv̄t illa he, atukmvt nitak ont isht atuchinakma falamvt tana he, anonti tikbanli anoli.

1. MIHMVT yv̄mmak ash ō, Hatak vt v̄ba pit anum-pohonli kv̄t bilia cha, ik in takobo ka he tuk ā, nan isht v̄lhpisa hō isht anumpulit achi mvt,

2. Tvmaha ho nan apesa vt ahanta kv̄t, Chihowa yā i nukshompa keyukm̄vt, anonti hatak ma nan isht ik im aho-bo ya tok.

3. Yohmi ma tvmaha yv̄mma ohoyo ī hatak illi yosh anta tok; atuk osh yv̄mmak ash ō im ai v̄la cha, Nan v̄lhpisa si onochi tuk ā nan āhli achukma ka isht is sv̄m ai apesashke, achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak ō nan il anukfilli kv̄t, Chihowa yā i nukshompa li keyu m̄vt, anonti hatak ma nan isht vm̄ ahōm-ba keyu hatuk nana kia,

5. Ohoyo ī hatak illi ilv̄ppvt si ataklaiyami hoka, nan āhli achukma ka isht ai im apesa lashke; yv̄mmak keyukma, mihinti bekakm̄vt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk ā, ho haiyakl̄o.

7. Yohmi ka Chihowa hv̄t ilap osh ai atokoli tok mak ō nitak, micha ninak aiena ka pit in tahpahanla ka, im ile sv̄laha tuk mak osh, nan ai āhli achukma ka ik im apeso ka hinla cho?

8. Chekosi makinli ho nan ai āhli achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄vto, yakni paknaka yā na yimmi kv̄t āsha na pisa hi oh cho? achi tok.

9. Mihm̄vt kanimi kv̄t ile yimmit, ilap ak osh ai v̄lhpesa mak ō im ahobvt, inla āsha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli m̄vt,

10. Hatak tuklo kv̄t v̄ba pit anumpula chī hosh tempel ā pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄vt, Chihowa ma! hatak inla āsha na-wehli; nan ik ai v̄lhpieso; haui puta; mikm̄vt pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄vt, nan vm̄ āsha puta kv̄t ont isht pokoli kv̄t ā kv̄nihyv̄shke, achi tok.

13. Yohmi ma p**u**blikan ash ot a**u**et mishema yak inli h**o** hikivt, i holhponayo ak kia v**a** chakalinchi keyu hosh, peh ikkishi ak o**o** isso mvt, Nan ashvchi sia hoka, Chihowa hvt is sa nukh**ak**lashke, im achi tok.

14. Yohmi kv**t** hatak ilvppvt nan im a**ah**li achukma kv**t** achvfa yash i shahli hosh in chuka ona tok a h**v**chim anoli lishke: kvna hosh ile fehv**ch**ikmvt, aka ona he; mikma kvna hosh ile akanlosichi hokmvt, holitopa hi oka, achi tok.

15. Yohmi ma v**l**osi puta kia, yummak ash ot potola hinla ka okla ishit im ai v**l**a tok: yohmi kia nan im ai ithvna v**h**leha hash ot pisa mvt, okla im alv**mm**i tok.

16. Yohmi kia Chisvs v**t**o yummak ash o**o** pit hoyo cha, Ulla chipunta vt v**m** ai v**l**a hi a h**v**sh ahni cha, hv**ch** ik im alammo kashke; ilvppak o**o** chohmi hosh Chihowa ap**eh**lichika ya aiasha hoke.

17. **A**hli mak o**o** h**v**chim achi lishke; Kvna hosh v**l**la iskitini ak o**o** chohmit Chihowa ap**eh**lichika ya aiok**p**vchi h**o** keyukmvt, kaniohmi kak osh yv**mm**a chukowa he keyu hoke, achi tok.

18. Mihma hatak peh**l**ichi achvfv**t** i ponaklot, Nan-ithv-nanchi achukma ma! nantak o**o** katiohmi li kak osh ai okchayvt bilia yato v**mm**i ha hinla cho? achi tok.

19. Mihma Chisvs vt yummak ash o**o**, Na katihmi h**o** v**no** a achukma is si achi cho? achukma kv**t** iksho h**o**, amba achvfa kak illa, yv**mm**vt Chihowa ak oke.

20. Nan v**l**hpisa, Haui ish toba na: Kvna kia ish bi na: Na chik h**u**kopo kashke; Anumpa ik a**h**lo isht atokolit chik anto kashke; Ch**i**ki, micha chishke aiena ka ish holitob**l**ashke; achi puta ka ish ithanv**sh**ke, im achi tok.

21. Mihma yummak ash ot, v**l**la sa tomba kash inli hosh ilvppa puta ka holitob**l**it isht mihinti li tok a ant a himak v**sh**ke, achi tok.

22. Mihma Chisvs vt ilvppa puta ka haklo mvt, Yohmi kia nana achvfa h**o** isht chik ai onoshke; nana chim a**sh**a kv**t** mominchit ish kampila cha, ilbv**sh**a ya ishit it a kv**sh**-koach**i**, yohmik mak osh v**a** ya chim ilayak vt a**sh**a hi oke; micha ant is siakayashke, im achi tok.

23. Mihma yvmmak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna ho Chisvs vt pisa mvt, Nana in laua vhleha hokvto palvmmi fehna nana ho Chihowa apelihchika ya chukowa he ;

25. Kamel vt chofak ushi nishkin a hlopulli ka palvmmi kvv hatak nan in laua yosh Chihowa apelihchika chukowa hokvno ik lauwashke, im achi tok.

26. Mihma yvmma okla haklo mvt, Yohmikma kvta hak osh okchaya hinla cho ? achi tok.

27. Mihma yvmmak ash ot, Hatak okmvno nana kvv ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh ! Pishno vto mominchit il issa cha, e chiakaiya kvno, achi tok.

29. Mihma yvmmak ash ot okla hash, Ahli mak o hvchim achi lishke ; Hatak vt Chihowa apelihchika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kvv yvmmak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta ! Chelusalem ak o iloh ivshke ; yohmi ka hopaii vhleha hvv Hatak Ushi ak o holisso ha ishi ai ikbichi tok a puyuta kvv ont ai ahla chi hoke.

32. Yvmmak oka ishit Chentail okla ibbak fohki na ishit yopulvt, itukhlakavv hofahyalichit, on tuftua chi :

33. Micha okla fvmmi cha, vba chi hoke ; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinincho ki tok : mihma anumpa ilvppvt im a luma na nana kvv anumpa tuk ash kia okla ik ithaiyano ki tok.

35. Atuk o yakohmi tok ; yvmmak ash ot Cheliko bilikasi ka vla ma, hatak lva achvfa kvv hina lapalika yo binilit nan asilhha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vtta ak osh aya hatuk a, okla im anoli tok.

38. Mihma yvmmak ash ot tahpvlvt, Chisvs, Lewi Ushi chia hvt is sa nukhaklashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yvmmak o isht i shahlichy fehnvt tahpvlvt, Lewi Ushi chia hvt is sa nukhaklashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasy vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo cha, yvmmak ash o iakaiya mvt, Chihowa ya holitoblichy tok: mihma okla hvt pisa mvt, Chihowa ya pit aiokpahanchy tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitompa hosh miko tobtv ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tihleli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt pvblikan vhleha pehlichy yosh Sakevs hohchifo kvv, nan in laua hosh anta tok.

3. Atuk osh yvmmak ash ot, Kvta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chī hatuk o, pisa chī hosh tikba pit malelit, bihi iti o ont oiya tok:

5. Atuk o Chisvs ash ot yvmmak ash o vla mvt, pit vba chakalit yvmmak ash o pisa cha, Sakevs ma! tushpvt akowá; himak nitak a chin chuka ya anta la chī hatuk oke, im achi tok.

6. Mihma yvmmak ash ot tushpvt akowa cha, na yukpa fehna hosh yvmmak ash o ilauelit ilap in chuka isht chukowa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vtta chī hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklvnnachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tuk okmvt, yvmmak atuk a ohmi ushta hō i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya yvt chuka ilvppa vlshke.

10. Hatak Ushi vt okpulos taha tok mak o hoyot okchalicha chī hosh aya tok oka, achi tok.

11. Mihma ilvppa puta ka okla haklo ma, achakalinchi mvt, Chelusalem a ona he, micha Chihowa apelhichika yvt chekosi otvna hinla ka, okla im ahoba aiena hatuk oka, nan isht-vlhpisa hō isht anumpuli tok.

12. Yohmi hatuk osh, Hatak holitompa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yvmmak okvno ik pi pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yvmmak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi hō ahayuchi



tukma, akostinincha hinla kv̄t, tishu v̄hleha ilv̄ppa tv̄li holisso ima tok ash, yv̄mmv̄t im annoa cha, im ai v̄la ch̄i ka, apesa tok.

16. Mihma t̄ikba v̄la kv̄t, Chitokaka ma! chin tv̄li holisso weki achv̄fa tuk ash osh weki pokoli h̄o isht il ahayuehi li tuk oke, achi tok.

17. Mihma yv̄mmak ash o, V̄lhpesa, tishu chi achukm̄v̄shke; nana kv̄t ik lauwo fehna kia aiahli chi achukma tuk okv̄t, tv̄maha pokoli h̄o ai i shalhit ish pehlicha ch̄i kv̄t a chim v̄lhpiesashke, im achi tok.

18. Mihma at̄ukla kv̄t v̄la mv̄t, Chitokaka ma! chin tv̄li holisso weki achv̄fa tuk ash ot weki tahlapi h̄o isht il ahayuehi li tuk oke, achi tok.

19. Mihma yv̄mmak ash kia, Chishno mv̄t, tv̄maha tahlapi h̄o ish pehlicha ch̄i kv̄t a chim v̄lhpiesashke, im achi tok.

20. Yohmi ma inla yosh v̄la mv̄t, Yakeh! Chitokaka ma! chin tv̄li holisso weki achv̄fa kash nantapv̄ski ȳo a bonullit bohli li tuk o, yak itonlv̄shke.

21. Nana ka chishno ak osh ish bohli tuk keyu kia, ish ishi; yohmikmv̄t ish hokchi tuk keyu kia ish mo chatuk; hatak palv̄m̄mi chia hatuk oka ch̄i sa nukshopa tuk oke, im achi tok.

22. Mihma yv̄mmak ash o, Tishu haksi chia ka chishno chitih a kohcha kak inli h̄o nan isht chim apesa la ch̄i hoke. Hatak palv̄m̄mi sia nana ka v̄no yak osh bohli li tuk keyu kia ishi li; mikmv̄t hokchi li tuk keyu kia v̄mo li chatuk a, ish ithana;

23. Yohmi ho kak osh na katihmi h̄o an tv̄li holisso weki achv̄fa kash tv̄li holisso a bohli a chik bohlo ke tuk o, v̄la li kv̄t v̄m̄mi hash a chelichi hosh ak hoyo cho? im achi tok.

24. Mihmv̄t bil̄ika hiohm̄aya kash o, Yv̄mma tv̄li holisso weki achv̄fa kash oh im ishi cha, tv̄li holisso weki pokoli h̄a ishi kak o oh im̄a, im achi tok.

25. Mihma, Chitokaka ma! yv̄mmak okv̄to tv̄li holisso weki pokoli ka ishishke, okla im achi tok.

26. K̄v̄na hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vbleha hv<sup>t</sup> i miko la he tuk a, vllh-pesa ik ahno ke tuk yvmmak okvno ilvppa isht v<sup>l</sup>a cha, sa tikba ya oh ai v<sup>b</sup>i, achi tok oke, achi tok.

28. Micha ilvppa yakohmichit anumpuli mv<sup>t</sup>, tikba hikv<sup>t</sup> Chelusalem a pit oiyv<sup>t</sup> ia tok.

29. Atuk o yakohmi tok; Betfachi, micha Betani aiena ka auet bilika nv<sup>n</sup>ih chaha Alif hohchifo h<sup>o</sup> v<sup>l</sup>a mv<sup>t</sup>, nan im ai ithvna ya tuklochit pit tihleli mv<sup>t</sup>,

30. Iv<sup>t</sup> tvmahushi hvchi chapaka talaia ka hvsh onashke: yvmma ont hvsh chukowak fehna kv<sup>t</sup> issuba himita hatak vt ik o minilo k<sup>i</sup>sha yosh talakchit hikia na hvsh pisa ch<sup>i</sup> hoke; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi h<sup>o</sup> hvsh i hotofi cho? achikma, Chitokaka yak osh bv<sup>n</sup>na hatuk oke; hvsh im achashke, im achi tok.

32. Mihma vltoka tuk ash ot itiachi mv<sup>t</sup>, yvmma nana ai i miha tuk ash yohmi fehna mv<sup>h</sup>li h<sup>o</sup> ont pisv<sup>t</sup> okla tok.

33. Micha issuba himita yash i hotofi hosh ah<sup>h</sup>shwa ma, yvmmv<sup>t</sup> immi atuk ash ot, Nanta katiohmi h<sup>o</sup> issuba himita ya hvsh i hotofi cho? im achi tok.

34. Mihma, Chitokaka yak osh bv<sup>n</sup>na hatuk oke, achi tok.

35. Mihmv<sup>t</sup> yvmmak ash o Chisvs a isht im ona; yohmi ma issuba himita yash anchi put<sup>a</sup> ka om pv<sup>l</sup>li cha, Chisvs a okla o minilichi tok.

36. Micha ia hosh aya ma, hina ya im anchi put<sup>a</sup> ka okla pv<sup>l</sup>li tok.

37. Atuk osh yvmmak ash ot ona he Alif nv<sup>n</sup>ih h<sup>a</sup> pit okvtanov<sup>t</sup> mahaya ma, nan im ai ithvna vbleha okla chito ash ot moyumv<sup>t</sup> na fehna put<sup>a</sup> kv<sup>t</sup> yvmohmi na okla pihisa tuk vt, na yukv<sup>t</sup> chitolit tahpv<sup>l</sup>t, Chihowa ya pit aiokpahanchi tok.

38. Chitokaka i hohchifo h<sup>o</sup> aya kv<sup>t</sup> miko yvmmv<sup>t</sup> holi-topvshke; vba ya nanaiya achukmakma, achaha moma i shahli ma Chihowa vt ik a holitop<sup>a</sup>, achi tok.

39. Mihma Falisi vt okla laua takla asht aya tuk vt kani-

mi kv̄t, Nan ithvnanchi ma! na chim ai ithvna vhleha h̄a im alvmmi, im achi tok.

40. Mihma yvm̄mak ash ot afalaminchi mv̄t, Yakohmi kv̄t ont yokopa hokma, tv̄li puta kv̄t chekosi fehna tahpv̄lv̄t anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya mv̄t,

42. Chishno akinli fehna kv̄t a chi nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no chi holhponayo h̄a ai in lumv̄t kv̄nia hoke.

43. Chin tv̄nvp vhleha hv̄t yakni kullit on talaka holihta kv̄llo ai ikbichit isht chi a folv̄blit a chim oktv̄bli bieka na anukaka ya ish foyuka hi a nitak vt chim aya hi oke.

44. Yohmikma a chi nowv̄t aya he nitak a chik ithaiyano ke tuk oka, chishno, mikmv̄t chim v̄lla chi anukaka a sha aiena ka yakni ak o ai itilauechit aka chi bohla he; mikmv̄t tv̄li achvfona kia it v̄lantv̄t kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka yv̄mma nana a kanchi, micha nana a chumpa aiena maya tuk ash kocho pit yuhli mv̄t,

46. An chuka yv̄t v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa vhleha in chuka yo hv̄sh ikbishke, im achi tok.

47. Yohmi mv̄t nitak moma tempel anukaka ya nana im ai abahanchi tok. Yohmi kia na holitompa isht a sha pehlichiv̄hleha, mikmv̄t na-holissochi puta, micha hatak hochitoka vhleha aiena kv̄t v̄bi bvn̄v̄t aiasha tok.

48. Yohmi kia okla momv̄t im a haponaklo kv̄t im achukma fehv̄v̄t aiasha hatuk o, nana a kaniohma hinla kv̄t ik ithaiyano ki tok.

## CHAPTER XX.

Kanimi kv̄t, Klaist kaniohmit isht im ai v̄lhpesa hosh yvm̄ohmi hatuk vt atokowa anola chi ka, im ahni hatuk o nan anoli, 1. 9 Pakv̄pi a hollokchi isht v̄lhpesa. 20 Iskv̄li itv̄nali vt Sesa ak o im

itahoba he ai vllhpesa hatuk a Chisvs vt otvvinchi. 27 Chisvs vt hatak illi falamvt tana he ilvppa Satusi okla ha isht it im anumpuli mvt, anumpa ha i kovvfi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

1. **ATUK** o yakohmi tok: nitak yvmma foka ma tempel anukaka ya okla nana im avvchi, micha vbanumpa isht anumpuli aiena hosh ahanta ma, na-holitompa isht asha pehlichu vhleha, micha na-holissochi vhleha, mikmvt hochitoka vhleha aiena kvv ai it apihvt ant i kohcha tok.

2. Mihmvt im anumpulit, Nan-isht ai vllhpesa nana ho ilvppa puta ka isht ish yakohmichi, micha kvna hosh nan isht ai vllhpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Vno ak kia nana achvfa ka hvchi ponaklo la chi hoke, mikma is sum anolashke.

4. Chan baptismo vt vba yak o a minti hokma, keyukmvt hatak ak o a minti hokma, nanta ha tok o? im achi tok.

5. Mihma ilap bika nan it im achit maya mvt, Vba yak o a minti tok; il achi hokma, Nanta katiohmi ho yvmma hvchik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopai a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil ithanoshke, okla im achi tok.

8. Mihma Chisvs ash ot, vno ak kia nan isht ai vllhpesa nana ho ilvppa puta ka isht yakohmichi li hatuk vt ak hvchim anoloshke, im achi tok.

9. Mihmvt nan-isht vllhpisa ilvppa okla ha isht anumpulit isht ia tok: Hatak achvfa hosh pakvpi a hokchit talli cha, hatak toksvli vhleha ho i pota cha, yakni hopaki ho nowvt aya na ahiba tok.

10. Atuk osh a waya ont vllhpesvt taha ma, pakvpi a hollokchi a waya ka okla ipeta chi ho, yvmmak ash ot tishu

ha hatak toksvli vhleha hash pit i chvffichi tok: yohmi tok kia hatak toksvli vhleha hash ot yvmmak ash o boli cha, nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o yvmmak ash kia okla bolit hofahyalichi fehna cha, nana ik im iksho ho kanima pit chvffichi tok.

12. Mihma anonti ont atuchina ma pit chvffichi tok; yohmi ma yvmmak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta ho katiohmi la chi cho? svso a holitopa yak o pit chvffichi lashke; yvmmak okmvno okla pisakmvt, holitobla hinla yoba ka, achi tok.

14. Yohmi tuk kia hatak toksvli vhleha hash ot yvmmak ash o pisa mvt, Ilvppak osh immi ha he mak oke; inta! kiloh vbi, atuk mvt nan im ai vlhtoshowa he tuk vt hvvimmi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokchi vt immi hatuk ash ot yvmmak ash o nanta ho katimihcha hinla cho?

16. Yvmmak ash ot ayvt vla cha, hatak toksvli vhleha ilvppak ash vbit tahlkmvt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvli ya chuk-ikbi vhleha hvt shitilema yash o mihi ash inli hosh chukbika nutaka in tola holitopa i shahli ho tobvshke, achi holisso ilvppvt katiohmi hoh cho?

18. Kvna hosh tvli yvmma onvtulakmvt, kobahla he; amba yvmmak ash ot kvna ho onvtula hokmvt, litolit kaiyancha hi oke, achi tok.

19. Yohmi ma hvshi kanvlli vlhpisa yvmmak fehna ka na-holitompa isht asha pehlichi vhleha, micha na-holissochi vhleha aiena kv, yvmmvt nan-isht-vlhpisa ilvppa ilap ak o isht anumpuli hatuk a okla akostininchi hatuk osh, yvmmak ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhlpe-  
sa ilahobi cha, yvmmak ash ilap im anumpa akinli h<sub>o</sub> ai isht  
onochi : yohmi hokmak osh yvmmak ash ishit hatak pehli-  
chi ibbak a ont fohki na nana im apesa hinla ka, na pisa  
vhleha h<sub>a</sub> tohno tok.

21. Mihmvt yvmmak ash ot okla i ponaklot, Nan ithv-  
nanchi ma ! nana kv<sub>t</sub> ai-vlhpiesa h<sub>o</sub> ish miha, mikmvt ish  
ithvnanchi, yohmi kv<sub>t</sub> hatak mvt a chim it i shahsholi keyu,  
amba Chihowa i hina ai ahli mak o ish ithvnanchi chatuk a  
il ithaiyanvshke.

22. Noshkobo isht chumpa tvli holisso a Sesa yak o ima  
he ai vhlpesa hokmá, keyukmá, nanta cho ? pit achi tok.

23. Yohmi kia yvmmak ash ot okla nan-ilahobi ka akos-  
tininchi hatuk osh, Nanta katiohmi h<sub>o</sub> imomakachit hvs sa  
pisa cho ?

24. Iskvli a oh a haiakvchi. Kvta hak o holbvt toba h<sub>o</sub>,  
mikmvt kvta h<sub>o</sub> a hohchifo h<sub>o</sub> ? im achi tok. Mihma afal-  
aminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv<sub>t</sub> Sesa  
yak o ai immi hokma Sesa yak o hvsh imashke ; mikma nana  
kv<sub>t</sub> Chihowa yak o ai immi hokmvno Chihowa yak ashke,  
im achi tok.

26. Yohmi ma okla itikba ya im anumpa h<sub>a</sub> ai isht ono-  
cha he keyu mvt, yvmmvt nana miha ka anukhlakancha cha,  
nana ik acho ki tok.

27. Yohmi ma Satusi vhleha kanimi kv<sub>t</sub>, Illi yvt fala-  
mvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hv<sub>t</sub> illi  
kv<sub>t</sub> tekchi vt a<sub>s</sub>ha hosh, vlla yvt iksho h<sub>o</sub> illi hokma, itibapi-  
shi hatuk ak osh tekchi atuk a ilaue<sub>l</sub>i cha, itibapishi hatuk  
a vlla isht im ai ikba hi oka, Moses vt holissochit pi bohli  
tok.

29. Yohmi tok o itibapishi hv<sub>t</sub> untuklo hosh a<sub>s</sub>ha tok :  
atuk o akni ak osh ohoyo itauawa tuk osh, vlla yvt iksho h<sub>o</sub>  
illi tok.

30. Mihma atukla kash ot yvmmak ash ilaue<sub>l</sub>i tuk osh,  
anonti vlla yvt iksho h<sub>o</sub> illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yvmmak ash inli ho chomit ilauei; yohmi kv̄t vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yvmma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni ilvppa vlla yokvto itauwaya, mikmvt vlhpovvchit itauwayvchishke.

35. Amba yakni yvmma pisa he, micha illi tok vt falamvt tana he aiena kv̄t ai im vlhpesa tuk yvmmak okvto itauwaya he keyu, micha it im apovvchit itauwacha he keyu hoke,

36. Mikmvt himmakma illa he keyu; yvmmak okvt enchil vhleha hak o ai itilaui hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bvfaha anukaka ya ai otvninchi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihifo tok.

38. Yvmmak okvt illi ak o in Chihowa yo keyu, amba okchaya yak oke; yvmmak o moma kv̄t ai okchaya hoka, im achi tok.

39. Mihma na-holissochi vhleha kanimi kv̄t afalaminchit, Nan ithvnanchi ma! vlhpesa fehna ho ish mihvshke, achi tok.

40. Mihmvt yvmmak atuk o i himmakma okla nan i ponaklo kv̄t nukwia tok.

41. Mihma yvmmak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kv̄t ataloa holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tvnvp vhleha ha chiyi yvt ai-o-hikia yo ikbi lashke, im achi tok, achishke.

44. Lewi vt yvmma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im ai ithvna vhleha yash,

46. Na-holissochi vhleha nafohka holitopa hofvloha ho abehkvehit itvnowa bvna, micha ilhpak a kanchi ai it-aiokpvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito asha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha ha ahah! hvsh im aiahnashke; yummak okvto na palvmmi chito i shahli ho pisa he mak oke, im achi tok.

## CHAPTA XXI.

Ohoyo i hatak illi yosh Chitokaka ya na kvvtnosi pit isht aiokpvchi ho, Chisvs vt ahninci fehna, 1. 5 Tempel vt ont aiokpulokvv taha hi a, anonti Chelusalem vt ont aiokpulokvv taha cha, chukillissvt talaia hi a isht anumpuli; 25 micha ilap vt vla chikma, nan isht atokowa puta kvv kaniohma hi a anoli.

1. MIHMUT vba chakalit hopokoyo mvt, hatak nan in laua vhleha hvv tvli holisso abohli holitopa yo in tvli holisso ya pit apittvt maya ho pisa tok.

2. Mihmvt ohoyo i hatak illi ilbvsha yosh mait tuklo ho yvmma pit apitta ka, pisa akinli tok.

3. Mihmvt yvmmak ash ot, Ahli mak o hvvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke; amba yvmmak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvvlena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.



7. Mihma okla i ponaklot, Nan-ithvnanchi ma! katiohmi fokak mak o ilvppa puta kv̄t ai yvmohma hi oh cho? micha ilvppa puta kv̄t ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo ha isht hochifo kv̄t, Ūno ak osh Klaist sia hoke, achit aya kv̄t laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. Tv̄nv̄p a<sub>u</sub>sha, micha nana ik it im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kv̄to chekosa ch̄i keyu hoke.

10. Yvmma fokakma oklushi achvfa kv̄t oklushi inla ya it in tanampa he; yohmikma m̄iko a<sub>u</sub>pehlich̄i achvfa kv̄t m̄iko a<sub>u</sub>pehlich̄i inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kv̄t a<sub>u</sub>sha he; yohmikma nana p̄isvt ai i nukshopa he fehna, micha nan isht atokowa chinto aiena kv̄t vba ya a<sub>u</sub>et a haiaka hi oke.

12. Yohmi kia ilvppa puta kv̄t ik a yvmohmo k̄isha ka, sa hohchifo pulla hatuk mak o okla hv̄t ibbak a hvchi onochi cha, hvch issikkopala he; yohmi kv̄t m̄iko v̄hleha, micha hatak pehlich̄i a puta itikba ya isht hvchi ai onvt, sinakak puta isht hvchi ai ona, mikmvt aboha kv̄llo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana h̄o hvsh miha hi vt tikbanli hvch ik anukfillo ka ch̄i kv̄t, hvchi chukvsh ma hvsh il anukfoyukashke.

15. Ūno ak osh itih, mikmvt im anukfila hopoyuksa aiena ka hvch ima likma, yvmmak o hvch̄i nukkilli v̄hleha hv̄t i sanalit miha, mikmvt a kaniman<sub>u</sub>cha he kia iksho ka hi oke.

16. Mich<sub>u</sub>a hvch i<sub>u</sub>ki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kv̄t hvch ishit, okla ibbak a a hvchi fohka he: mikmvt hvsh kanima mvt, yvmmak osh ai ahni hō, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanlv̄t achunanchit hvsh ahanta pulla hosh hvchim ilhfiopek atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yvmmvt ajokpulokvt taha chi ka, atukonofa ka hvsh ithaiyanashke.

21. Yvmma fokakma Chutea ya aiasha tuk vt nv̄nih chaha foka pit yihlepakma; anonti yvmma ai iklv̄nna aiasha tuk vt a kocha wihashke; mikma kocha foka tvmahushi maya tuk okvto. yvmma pit ik vlbeho kashke.

22. Nana puta holihiso tok vt ont ai ahla chi mak o, ilvppvt na palv̄m̄mi chinto kv̄t isht ai im vlhpisa he nitak a hi oke.

23. Amba nitak yvmma foka hō vlla shanli, micha pishinchi aiena hokvto i palv̄m̄ma he; na komunta chinto kv̄t yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bv̄shpo falaia yo isht akakoha he; micha yuka tobv̄t oklushi moma ai im ohona he; mikma Chelusalem a Chentail okla hosh aka a hvhlihinchī na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yvt yakni paknaka ya ai onvtuyulakma, okhvta oka bvv̄v̄tha kv̄t fohompa he;

26. Ilvppa puta kv̄t yakni a ai onvtuyula chi ka hohoyo tuk vt hatak chukv̄sh puta kash ot nukshopvt illa hi oke: vba nan isht aiahli ka puta asha kash ot winakahancha hi oke.

27. Yvmma fokakma Hatak Ushi vt nan-isht-aiahlīka,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aiahlit isht ia, yohmikma a hv̄chi hlakofa chi kv̄t atukonofvt taha hoka, vba pit hopokoyot hv̄chi noshkobo ha hv̄sh vba chakalichashke, im achi tok.

29. Mihmvt nan-isht vlhpisa ho okla hash isht im anum-pulit, Fik vpi, micha iti puta ka ho pesá.

30. Yvmmvt bokoplit kohcha na hv̄sh pisakmvt, hv̄chish-no akinli kia toffa vt olanlosi ant takanli ka hv̄sh ithana chatuk oke.

31. Yohmi kv̄t yvmmak inli ho chiyuhmit nana ilvppa puta kv̄t ont aiahli na hv̄sh pisakmvt, Chihowa apehlichika yvt auet olanlosi vla ka hv̄sh ithaiyanashke.

32. Ahli mak o hv̄chim achi lishke; Himak a hatak asha ilvppvt ont ik ai ikshot ik kv̄nio kisha ho, momvt ont aiahli ha chi hoke.

33. Uba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Micha ahah! hv̄sh il aiahnashke; yvmmak keyukmvt kanima kash inli ho isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hv̄chi chukvsh ma isht alotvt atvpa, yohmi na hv̄ch ik akostinincho ho, nitak yvmmvt ayvt ant hv̄chi kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpohonlit hv̄sh biliashke: yohmi tuk osh nana kv̄t a yakohma chi puta ka mominchit ai i hlakofit, Hatak Ushi itikba ya hohmaya hi vt a hv̄chi vlhpeshashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nv̄nih chaha Alif hohchifo ho ont antvt on onna tok.

38. Atuk o onnahinli fehna i haponakla chi kv̄t, okla hv̄t momvt tempel a im ai ona tok.

## CHAPTA XXII.

Chutas Iskaliot vt Chisvs a ishit na-holitompa isht asha pehlichī vhleha ha ibbak fohka chī kv̄t nan it im apesa, 1. 7 Pita, Chan ita tuklo hosh ont ai vbanvblit isht vlhpisa ka atahli ho, Chisvs vt auah-tuklo yash it ibai impa mvt, 19 opiaka na holitopa impa isht vlhpisa ka apesa. 31 Pita na-yimmi im anukfila hatuk vt i kv̄nia chī keyu, amba hituchina ha yo ilapa ik ithano chatuk vt miha chī ka, Chisvs vt im anoli. 39 Nana kv̄t im a palvmmi, micha vba pit anumpohonlit osapushi anukaka ya anta; 47 Chisvs a okla isht ia na na holitompa isht asha pehlichī a im ona. 54 Pita yvt hituchina ha yo Chisvs a ik ithano ka miha tuk osh, i himmak o nukhaklot yahaya fehna, 63 mihma Chisvs a okla ik ahobalot na mihachi. 66 Chisvs a ilauelet nan ai apesa ya isht ona na illa chī im vlhpisa.

1. MIHMA vbanvblit ont ia achi, pvska ik shatvmmo impa hv̄t ai ona he tok.

2. Yvmohmi ma okla hak o i nukshopa hatuk osh, na-holitompa isht asha pehlichī vhleha, micha na-holissochi puta kash ot yvmma kaniohmichit vba hinla kv̄t akostininchi bahana tok.

3. Yohmi ma Setan vt Chutas Iskaliot hohchifo, auah-tuklo ka ai iba holhtina hatuk ash ont chukowa tok.

4. Mihma yvmmak ash ot ia mvt, kaniohmichit ishit ibbak fohka hinla kv̄t, na-holitompa isht asha pehlichī vhleha, micha kv̄pitvni vhleha aiena ka ont isht it im anum-puli tok.

5. Mihma okla na yukpa mvt, yvmmak ash tuli holisso ima chī kv̄t im apesa tok.

6. Mihma, Yohma hinla kv̄t miha mvt, okla laua yvt ai iksho ma ataklvchit ishit, ibbak a fohka hinla kv̄t ai vlhpesa hi a hoyo tok.

7. Atuk o pvska ik a shatvmmo ka he, micha ai vbanvblit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit, Ivt ai vbanvblit ont ia ya hv̄sh pim atahli tuk o, iloh impashke, achi tok.

9. Mihma yvmmak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tvmaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yvmmak o apihvt aboha kanima yo pit chukowakma, hvsh chukowashke.

11. Mikmvt hatak chuka yvma ai vta yatuk ash, Nanthvnanchi vt, Katima ko ai impa aboha yvt talaia ho, nan vm ai ithvna vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yvmmak ash ot vba potvlhpo chito hosh nana ai vlhtaha achukma ho hvchi pisacha chi hoke; yvmmak o hvsh ai atahlashke, im achi tok.

13. Mihma itiachi tuk osh, yvmvt nana ai i miha hatuk ash ont ai vlhpiesa na pisvt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi auah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kvv ahani li fehna tuk oke.

16. Himak a pilla ma yvma ak ai vpo mak o, Chihowa apelihika yak o ai isht aiahla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpvchi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apelihika yvt vla chi mak oke, hvchim achi lishke, im achi tok.

19. Mihmvt pvaska ya ishi cha, vba pit aiokpvchi mvt, tushalichi cha, yvmmak ash o ima mvt, Ilvppvt sa nipi yosh hvchishno yak o isht hvchi vlhtoba mak oke, isht hvsvv suthaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokuto ai im vllhpisa tok mak osh yohmi mvhli; amba ishit inla ibbak fohki yvmmak okvto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yvmmak ash ot, Chentail okla i miko vhleha hak osh i na-hullo ho tovt, nana ho ahnikvt, ai i yvmihchi chatuk; micha yvmma ai i shahlit nan im ai vllhpisvt antakvt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kvv hvch ibafoka hokvt, yvmmak osh himmak o chohmashke; mikma na pehlichy yokvt, nan-isht im vtta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vtta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hrs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Islael hatak isht-ai-unchululi auah-tuklo ka nana hvsh im apihisa chi mak o, apehlichika ya hvch im apesa li kvv, vno a Aki vt ai vm apesa tok a chiyuhmichi lishke, im achi tok.

31. Mihvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filevt ish ile kostininchikvt, ish itibapishi vhleha ha ish hlampko-chashke, achi tok.

33. Mihma yvmmak ash ot, Chitokaka ma! aboha kvllo,

micha ai-illi aiena ka chi awant ona la hi vt um vlhtaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvk iksho ho pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvk yvmmak ash ot, Nan-vlhvisa kobvffi vhleha ho ai iba holhtina tok, achi holisso tok ilvppvt vno ak o ant si ai isht ai ahla chi ka pulla moma hoke; nana kvk vno ak o vsst anumpa tok okvto ont ai vha chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvnih chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvma ont anta mvt, A yoshuba ya hvch ik iba chukowo ka chi kvk vba pit hvsh anumpohonlashke, im achi tok.

41. Mihmvt ai i filvmmi tvli bohpoa ont ai itola ho tuk ohmi foka ho, ont hvchukbihlepvt hikia cha, vba pit anum-pulit,

42. Aki ma! vhpesa ish ahni hokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma enchil vba minti kvk ant i haiakvt hlampkohonchi tok.

44. Mihma i palvmmi kv̄t a fehna hatuk okv̄t, i shahlichit a chilitv̄t v̄ba pit asilhha tok: mihma laksha kv̄t issish hlatapa chinto aka fohompa hō chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukhaklo kv̄t nusi tuk osh aiasha na pisa mvt,

46. Nanta katiohmi hō hv̄chi nusi cho? ai-ashv̄chika yā hv̄ch ik iba chukowo ka chī kv̄t, tanit v̄ba pit oh asilhā, im achi tok.

47. Mihma yv̄mmvt anumpuli moma hō, auah̄tuklo ai iba holhtina Chutas hohchifo hash ot okla lāwa ka in tikba hikv̄t aya tuk osh, i suksowa chī kv̄t Chisvs a atukonov̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia yō isht e fahama chī cho? im achi tok.

50. Mihma achv̄fv̄t na-holitompa isht āsha pehlichī i shahli in tishu hō fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmvt hakso-bish ash i potoli mvt, hlakofichi tok.

52. Mihmvt Chisvs ash ot na-holitompa isht āsha pehlichī v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, Na-hukopa yō ayv̄t i kohcha hō chiyuhmit bv̄shpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anukaka yā ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aiahli aiena ka hv̄chī nitak mak okv̄t, im achi tok.

54. Yohmi ma yv̄mmak ash o okla ishi mvt, isht iv̄t na holitompa isht āsha pehlichī i shahli in chuka yō ont ishit chukowa tok. Mihma Pita yv̄t auet i mishemanchit iakaiya tok.



55. Atuk o kvsbi aboha ai itin-takla talaiia tuk a ai ik-lvna ka okla luak ai oti cha, binohlit taha ma, Pita yvt takla binili tok.

56. Atuk o yvmmvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yvmma awant aya kamo, achi tok.

57. Mihma ik ithano ilahobit, Ohoyo ma! yvmma ak ithanoshke, achi tok.

58. Atuk o anonti in chekosi ma, inla yosh yvmmak ash pisa mvt, Chishno vt yvmma ai achvfa chia akinli, achi ma; Pita ash ot, Hatak ma! mihi yo sia keyushke.

59. Atuk o yvmmak atuk a i hvshi kanvli achvfa foka ma, inla hosh kvllochi fehnvt miha mvt, Ilvppak kia yvmma awant aya yatuk vt aiahli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yvmmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kvta hosh chisso ho? akostininchit anoli, achit i po-naklo tok.

65. Mihmvt ik ahobalo fehnvt nan ilaiyuka isht im i sanalit mihachi kvt lauachi tok.

66. Atuk o onvt taha mak inli ho, hochitoka vhleha, micha na holitompa isht asha pehlichi vhleha, mikmvt naholissochi vhleha aiena kvt itahoba cha, yvmmak ash ilauelit im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs sv̄m anumpula he keyukmvt, anonti ant ik i hotofá, hvs sv̄m ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hv̄pishno akinli hosh ilap itih fehna iloh a haklo kv̄t, himmakma nan isht atokowa ka iloh ahna hinla cho? okla achi tok.

### CHAPTER XXIII.

Chisvs a okla ilaelit Pailat ak o isht im ona ma, 1, 13 Pailat ash ot, okla ak osh yv̄mma im ahni fehna hatuk o, Chisvs vt ititaiyukhvna ahonv̄hla chi ka, im issa cha, Balabbas ak o i hotofi. 26 Chisvs vt iti-taiyukhvna ahonv̄hla chi ho okla isht ia mvt, Saimon ak osh iti-taiyukhvna ya iba shola chi ka atohno; 33 hatak hukopa tuklo hosh apihvt iti-taiyukhvna ahonv̄hla ak inli; achvfa kv̄to Chisvs vt yv̄mma takanli moma ho, i yimmit aiokpv̄chi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilv̄ppvt Klaist miko yo ile mihvt, Sesa ya noshkobo isht chumpa tv̄li holisso im itahobi chatuk a im alv̄minchit ahantvt, pim okla talaiia ka okpv̄nit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht asha peh-lich̄i v̄hleba, micha okla puta kash, Hatak ilv̄ppa nan ik ai v̄lhpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im abvchit, okla ha ai okpvnichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okmá, nanta hatuk ba? achit ponaklo tok.

7. Atuk osh Helot apehlichí yak o ai iba fohka atuk o akostininchi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka habaklo ka laua hatuk osh, pisa bvna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlichí vhleha micha, na-holissochi vhleha aiena kash ot kvvlochi fehvvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehvvt isht itukhlakavvt ik ahobacho ke tuk: mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichí vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichí yoke, achi hosh isht hvv svm vla tuk: mihma yakeh! hvchi tikba ya nana ka ai im asilhhahanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yvmmak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohmi hoka fvmmi lish, i hotofi la chi hoke, im achi tok.

17. Yohmi kvv ai-vbanvblit ont ia impa asha ka achv-falichit ai i hotofa hi a vlhpesa ha tok.

18. Mihma himonna achvfa momvt tahpvlvt, Hatak ilvppvno kanima isht ia cha, Balabbas ak o ish pi kohchi-chashke, achi tok.

19. Yvmmak okvt tvnaha ha antvt i miko a ik im antio ka chi ka okla ha anukfohkichi, micha hatak vbi aiena hatuk o, aboha kvllo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhvna yo ahonvhlchi, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehnvt chitolit anumpuli hosh, yvmvvt iti-taiyukhvna ahonvhla hinla ka asihhlha tok: mih-mvt yvma, micha na-holitompa isht asha pehlchi vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vlhpesa chi ka apesa tok.

25. Mihma yvmmak o okla asilhha tuk oka, i miko ik im antio ka chi ka anukfohkvchichi, micha hatak ma vbi aiena hatuk o aboha kvllo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yvmmak ash o kanima isht ivt itvnowa mvv, Silinian hatak Saimon osh haiaka vttvt minti ho okla halvllit ishi; yohmi mvv yvmmak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava fehna kvv iakaiyvt itvnowa ma,

ohoyo aiena tuk osh yvmmak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsisht yaiyvt nishkin okchi hvch ik hlatvblo kashke: amba hvchishno inli kak o isht ile yaiyvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishéchi keyu aiena hokvto im achukmvshke, okla acha he nitak vt mihintishke.

30. Yvmma fokakma nvnih chaha puta ka, Pi o kinahli, im achikmvt, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apehalinchit isht aya tok.

33. Atuk osh Kalfali hohchifo yvmmak atuk ash okla ai vla mvt, yvmmak ash, mikmvt hatak haksi tuklo aiena kash ot achvftvtt ibbak isht-impak imma yo takali ma, anonti achvftvtt vlvhfvbeka tvnrvp o takali ho, iti-taiyukhvna ya ai ahovhlichí tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvtt okla ithana ho keyu hoka, achi tok. Yohmi ma i na fohka ya ita kvshkolit mavvt na-shoeli tok.

35. Mihma okla hvtt pisvt hiohmaya tok: mihma hochitoka vhleha mvt ik ahobalot, Inla ya okchalínchi yatuk okvt, ilap ak osh Chihowa i holutopa Klaist atuk okmvt ilap inli kak osh ik il okchalínchí, achi tok.

36. Mihma tvshka chipota vhleha ak kia ai im vlvtt, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalínchashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holisso kvtt, **ILUPPAK OSH CHU OKLA HA I MIKO MAK OKE**, achi hosh paknaka ya takali tok.

39. Mihma hatak haksi tuklot vba takohli tuk ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchi cha, pishno ma ish pi okchalinchashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kv a miha achvfa hokak osh Chihowa ha chik i nukshopo cho ?

41. Micha pishno ak okvto pim ai vlhpesa ho mvhli ; pishno nana il a kaniohmi tuk isht ai vlhtoba he vlhpesa mak o e pisa hoka ; amba hatak ilvppak okvto nana ho okpni tuk keyushke, achi tok.

42. Mihmvt Chisvs ash, Chitokaka ma ! ish apehlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmvt hvshi kanvlli vlhpisa ont isht hanali foka tok ; mihma yakni moma ka ai okhlilit knia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma ! sa shilombish a chibbak pit a fohki lishke, achi tok : mihmvt yakohmichit miha mvt, fiopissa tok.

47. Mihma nana kv ai yvmohmi na Sintulion vt pisa mvt, Ilvppvt hatak ahli achukma yatuk o pulla mvhlishke, achit Chihowa ya holitoblichitok.

48. Mihma okla yvma pisvt ai itahoba tuk ash ot, nana kv ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma yvma ai it ithanaka puta, micha ohoyo Kalili a asht ai apehvt minti tuk aiena kash ot mishema ho auet hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak aiahi achukma hosh anta tok.

51. Okla nana im anukfila, micha a kaniohmit maya aiena ka ilvppvte ik ibafohko ki tok : ilvppvt Chu okla in tvmaha

Alimahlea ak o ai vta hosh yummak kia Chihowa apehlichika ya pit hohoyo ya tok.

52. Hatak ilvppak ash ot ivt, Pailat a im ona cha, Chisvs haknip a asilhha tok.

53. Micha yummak ash ot akvchi cha, na-lapushki linen o a bonullit sepvka vt tvli yosh kulvt toba ho, yumma hatak nana kia ik a fohko yatuk o fohki tok.

54. Mihma yummvt ai atahli nitak atuk o, nitak hullo vt atukonovt mihinti tok.

55. Mihma ohoyo Kalili a asht ai apehvt aya tuk ash kia, iakaiyvt ilhkoli cha, sepvka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nanahama aiena ka atahlit maya tok: mihmvt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk a enchil tuklo hosh ohoyo hash sepvka ak o ai im anoli, 1. 13 Chisvs nan im ai ithvna vhleha tuk vt tuklot Emmavs a itiachi hosh ayvt okla; 38 il otrnichi, nan im ai ithvna vhleha hatuk vt chiya moma na Chisvs vt itintakla ant hikia: 47 yohmi cha Chelusalem ak o vmmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. **ATUK** osh we k nitak vmmona onnvt okhlilinchihena ho na-balama atahli tuk vt ishit, inla ka ai itapihvt, sepvka yash okla ai ona tok.

2. Mihma tvli vt sepvka ya kanima pit tonoli tuk o okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehnvt maya ma, yakeh! hatak tuklo kv i na-fohka shohmalali hosh itumasi a hinli tok.

5. Mihma okla nukshovt, aka pit yochonoli ma, yummak

ash ot, Nanta katiohmi ho okchaya illi aiasha ak o hvsh hoyo cho ?

6. Ilvppa ikshoshke; amba tani tuk oke; Kalili a anta moma mvt hvchim anoli kv;

7. Hatak Ushi vt hatak nan ashvchi vhleha ibbak a a fohka cha, iti-taiyukhvna ai ahonvha tuk osh, nitak ont atuchinakma falamvt tana hi oke, achi tuk a hvsh ithaiyanashke, im achi tok.

8. Mihma im anumpa ha tok ash okla ithaiyana tok.

9. Micha sepvka yash asht falamvt ilhkoli mvt, auahachvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yvmma apeshv aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hv annoa ik ahlo yak o ai im itilau cha, okla ik yimmo ki tok.

12. Mihma Pita yvt wakaya cha, malelit sepvka ya onvt, pit aka chonoli mvt, linen nan-tvna ak bano hosh asha na pisa cha, ia mvt, nana kv ai yvmohmi tuk ash, okokko! ahni tok.

13. Atuk o tuklo kv nitak mih-makinli ka tvmahushi Emmaus hohchifo hosh, yvmmvt Chelusalem a auet i kovi untuchina foka hatuk o itiachi tok.

14. Mihmvt nana kv ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilhahanchi kash ot moma ho, Chisvs akinli kv sakki cha, takla aya tok.

16. Yohmi kia ik ithano ket okla chi ka, nishkin vt mocholi ho chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hvsh aya cha, hvsh ilapissa cho? im achi tok.

18. Mihma achvvt Kleopas hohchifo hosh afalaminchit; Hatak kanima minti chishno ak hosh Chelusalem a ish anta



kv̄t himak nitak chohmi yv̄mma nana kv̄t a kaniohmi ka chik akostinincho ke tuk oh cho? im achi tok.

19. Mihma yv̄mmak ash ot, Nana nanta ho? achi ma, Chisvs Nasalet hatak nan im a kaniohmi tuk a, yv̄mmak okvt hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kv̄t a chinto fehna tuk;

20. Yvmohmi tuk o na-holitompa isht asha pehlichī vhleha, micha pi hochitoka vhleha aiena kv̄t, yv̄mmvt illa chī hosh im v̄lh̄pisa chī ka, kaniohmichit ishit inla ibbak a fohki na iti-taiyukhvna ahonv̄hlichī tuk.

21. Yohmi kia yv̄mmak osh Islael okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yv̄mmak bano keyu, uana kv̄t a yakohmi tuk a himak nitak vt nitak ont isht atuchinv̄shke.

22. Michā anonti ohoyo il ai itapeha tuk a a kanimi kv̄t onnahinli fehna sepv̄lka ya ont maya tuk vt,

23. Yv̄mma haknip a ik peso hosh ai v̄la mvt, anonti enchil mvt i haiaka na pisa mā, Yv̄mmak ash ot okchaya hoke, achi tuk achi cha, okla pi nukhlakv̄shli tuk oke.

24. Yohmi ma il ai itapeha tuk a a kanimi kv̄t sepv̄lka ya ona, yohmi mvt ohoyo nana a miha tuk a v̄lh̄pesa ho ont pisa tuk; yohmi kia yv̄mmak amo okla ik peso ke tuk oke, im achi tok.

25. Mihma yv̄mmak ash ot, Im anukfila iksho, hopaii vhleha hv̄t anumpuli tok moma ka chukv̄sh isht yimma he sv̄laha hv̄chia ma!

26. Klaist vt na yakohmi puta ka pisa ha yosh a holitopaka ya chukowa he v̄lh̄pesa ha tok keyu cho?

27. Mihmvt Mōses, micha hopaii puta aiena tok ai v̄hli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tv̄mahushi itiachi yv̄mmak atuk ash ot itonacha hosi tok; yohmi ma yv̄mmak ash ot ont ia hinla ka, ile chohmichi tok.

29. Yohmi kia im a chilita fehvt okvt, Nitak vt shohbit ont opiv̄t mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, pvska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlvhvisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kvv, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana-kvt a kaniohmi tuk, micha yvmmvt pvska tushalichit ashvt kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kvv hvchimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? micha, Na katihmi ho hvchi chukvsh anukaka ya na hvchim anukfila anuktuklo kvv takali cho?

39. Svbbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena sha, vno vt si yvmohmi na hvv sa pisa ka, chohmi keyu hoka, im achi tok.

40. Michi ilvppa yakohmichit anumpuli mvt, ibbak, micha iyi aiena kash i haiakvchi tok.

41. Mihma okla na yukpa kak osh yimmi keyu kisha, micha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim sha cho? im achi tok.

42. Mihma nvni v<sub>h</sub>pusha tushafa, micha foi-bila aiena h<sub>o</sub> okla ipeta tok.

43. Mihma ishi cha, okla itikba ya ai vpa tok.

44. Mihmvt, Nan okluha kv<sub>t</sub> isht a si annovt Moses, mi-cha hopaii v<sub>h</sub>leha aiena i holisso, mikmvt ataloea holitopa aiena ka ai o holisso tok vt ont aiahli pulla ch<sub>i</sub> mak o, hvchi takla anta li moma kv<sub>t</sub> anumpa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa ya ithaiyana ch<sub>i</sub> ka, im anukfila nan-isht akostininchi a in tiwi tok.

46. Mihmvt, Klaist vt yakohmi hosh i palvmmmit, illi tuk osh, anonti nitak ont atuchinakma illi tuk vt tana hi a, isht ai v<sub>h</sub>piesa tok.

47. Micha ile kostinicha he, mikmvt ai ashvchika puta isht a kashofa he aiena kv<sub>t</sub> yvmma hohchifo h<sub>o</sub> isht anumpa kv<sub>t</sub>, v<sub>m</sub>mona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi h<sub>o</sub> hvchishno ak osh na yakohmi puta ka ai-atokovt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tv<sub>m</sub>aha hak o hvsh aiashvt, nana aiahli vba minti kv<sub>t</sub> ont hvchi anukfoyuka kak mak ashke, im achi tok.

50. Yvmohmi tuk osh yvmmak ash pehlichit kohchvt ivt Betani yokvno isht ona tok: mihmvt ilap ibbak ash vba pit weli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmmmit vba pilla pit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem a ai v<sub>l</sub>a tok.

53. Yohmi mvt Chihowa ya in talovt holitoblichit pit aiokpahanchit tempel anukaka ya aiasha beka tok. Amen.

# UBANUMPA CHAN

UT HOLISSOCHI TOK.

---

## CHAPTA I.

Anumpa achi Chisvs Klaist yvmmak osh vmmona fehna ka Chihowa ha iba chvfa, 1; 6 Nan-tohwikeli ai ahli kvv achvfa illa ilvppak atuk a atokowa anola chi mak osh Chan vt aya hatok, 15 Chan vt Klaist a nan vltokowa isht ai anoli. 35 Chan nan im ai ithvna yatuk vt tuklot Chisvs a apeha toba; yvmmak atuk vt achvfvv Antilu ak osh itibapishi Pita ya ilaelit Chisvs a isht im ona.

1. UMMONA ka Anumpa hvv ahanta mvv, Anumpa hvv Chihowa ya ai iba chvfa tok: mihmvv Anumpa hash ot Chihowa ya tok.

2. Yvmmak inli hosh vmmona ka Chihowa ya ai iba chvfa tok.

3. Yvmmak atuk mak o nan okluha kvv toba tok; yohmi ka nana kvv toba tok vt yvmmak o keyu hokvno ik tobo ki tok.

4. Yvmmak oka isht ai okchaya yvv asha tok: yohmi ka isht ai okchaya yvmmak ash ot hatak puta ka in tohwikeli ya tok.

5. Mihmvv tohwikeli hash ot ai okhlilika ya a tohvmmi; yohmi ka okhlilika yvv yvmmak ash o ik akostinincho ki tok.

6. Hatak Chan hohchifo hosh, Chihowa nana aiahni hvv aya tok.

7. Yvmma pulla tuk mak o hatak vt momvv yivma hi o, yvmmak ash osh nan atokoli osh Nan-tohwikeli ash atokowa anola chi hosh aya tok.

8. Yvmmak osh Nan-tohwikeli mih mak a tok keyu; am-

ba, Nan-tohwikeli yvmma atokowa anola chi mak osh aya tok.

9. Yakni pakna hatak vt ai vttta hoka mominchit in tohwikelichi, yvmmak osh Nan-tohwikeli ahli mak a tok.

10. Yvmmak atuk mak o yakni vt toba tok o, yakni a ai ahanta ma, yakni vt yvmmak ash ik ithano ki tok.

11. Yvmmak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, yvmmak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aiahlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yvmmak oka atokowa anoli hosh, chitolit anumpulit, Auct siakaiyvt mihinti kak osh sa tikba ahanta tok mak okvt, yvmmak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha yvmmvt isht alotowa hatuk ash e moma kvv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-aiahluka aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yvmmak atuk okvto yvmmak oka otvninchi tok oke.

19. Mihma yvmmak ash o, Kvta chia hoh cho? achit ont i ponakla chi ka, Chu okla hvv na-holitompa isht asha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohmi kvv yvmmak ash ot atokolit anoli kvv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mvt, Keyu, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosli yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mvt, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik ithanoshke.

27. Yvmmak osh siakaiyvt minti kvv holitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfulhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh holitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Islael okla h̄a im otvna ch̄i kak o, vno vt oka ya ishit baptismochit aya li hatuk oke, achi tok.

32. Mihmvt Chan vt atokowa anolit, Shilombish okvto pvchi yoshuba yo chiyuhmi hosh vba ya vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la ch̄i h̄o, sa tohno tuk yvmmak osh, Kvna h̄o Shilombish ak osh aka mintit ant o binili na ish pisa ch̄i ka, mihi yosh Shilombish Holitopa ya ishit baptismochi ch̄i mak oke, im achi tok.

34. Atuk o, Ilvppak osh Chihowa h̄a Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt aya na pisa mvt, Chihowa in Chukfvlhpoba ushi a ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta h̄o hvsh hoyo cho? im achi ma, Labbai ma! yvmvvt vlhtoshowakmvt, nan-ithvnanchi ma! achi, Katima ko ish ai vta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vta yatuk a ant pisvt okla mvt, hvshi kanvlli vlhpisa ont isht pokoli foka hatuk oka, nitak yvm-mvno apehvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kvv Antilu, Saimon Pita itibapishi ha tok.

41. Yvmmak ash ot na tikba ilapo itibapishi akinli Saimon ak o pisa mvt, Messias ash, yvmvvt vlhtoshowakmvt, Klaist achi h̄o il ahayuchishke, im achi tok.

42. Mihma yvmmak ash o ilauelit Chisvs a im vla tok. Mihma Chisvs vt yvmmak ash o pisa mvt, Chona ushi Saimon chia hvv Sefas, yvmvvt toshowakmvt, tvli achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili a ia hi atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tumaha Bet-saita yak o ai vtta ya tok.

45. Filip vt Nahlanael a pisa mvt, Chisvs Nasalet vtta, Chosef ushi, yvmmak o nan vlhpisa ya Moses vt, micha hopaii puta kvv isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kvv Nasalet a ai itolvt kohcha hinla ho? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! IsraeI hatak ahli fehna kvv nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh IsraeI okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha ho chi pisa li tuk achi li kak o, chi yimmi há cha? nana kvv ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba yvt tiwa na Chihowa im enchil vhleha hvv Hatak Ushi a auct ai akohowa, anonti vba pit ai ihiya aiena ka, ish pisa hi oke, im achi tok.

## CHAPTER II.

Kana ak o nan-itaawayvchi asha ho Chisvs vt oka kapvssa atuk a oka paki ikbi, 1; 12 Chelusalem a ona cha, na chumpa vhleha, micha na kanchi vhleha aiena tempel anukaka aiasha tuk a kocha pit yuhli; 23 yohmi ma Chisvs vt na fehna yvmihinchi ho pisa hatuk mak osh lauvv i yimmi.



1. **ATUK** o nitak ont atuchina ma Kalili yakni Kana a nan-itaawayvchi vt asha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kvv nan-itaawayvchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kanvlli vm ai vhpisa hvv ik ai ono kisha hoke.

5. Ishki ash ot nan-isht asha vhleha hash, Nana ho hvchim achikma, hvsh yvmihchashke, im achi tok.

6. Mihma Chu okla ai yvmohmi yatuk osh isht il ai achi-fa ya tuk, tvli shuti oka ai-vlbeha hannali kvv, fvk in tuk-lokmá, tuchinakmá nana ai vlhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlchi tok.

8. Mihma, Inta! ho bicheli cha impa pehlichy ya ishit oh im ía, im achi tok. Mihma okla ishit im ía tok.

9. Mihma impa pehlichy ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht asha vhleha oka ochi tuk okvto ithana ho, impa pehlichy ash ot himona ohoyo itauwaya ash hoyo tok.

10. Yohmi mvt, Hatak moma kvv vmmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvvinchi tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvt nan im ai ithvna vhleha aienvt Ka-

penavm a ilhkoli tok; atuk osh nitak kanohmi keyu ho ont maya tok.

13. Mihma Chu okla i nan-ubanvblit ont ia yvt ai ona hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfulhpoba, micha pvchi vlpoba aiena kanchi vhleha, mikmvt tvli holisso itatoba aiena kvv binohmaya na pisa tok.

15. Mihmvt aseta chipunta yo isht fvma ikbi cha, yvm-mak ash, chukfulhpoba, micha wak puta aiena kash mom-inchit tempel a a kocha weli tok; mihmvt tvli holisso itatoba vhleha in tvli holisso ash aka fohopli mvt, anonti ai-impav tvli holisso ai-itatoba puta kash kinahlichi tok.

16. Mihmvt pvchi yoshuba vlpoba kanchi vhleha hatuk ash o, Ilvppa kanima ishit oh ia cha, Aki in chuka yano nana ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila uhvlinchit ai ishit kaiyanchishke, achi hosh holisso ha tok a, nan im ai ithvna vhleha hvv ithaiyana tok.

18. Mihma Chu okla hash ot afalaminchi mvt, Nan isht atokowa nanta ho ish pim otvvinchi hosh ilvppa puta ka ish yakohmichi cho? im achi tok.

19. Mihma Chisvs ash ot afalaminchi mvt, Tempel ilvppa oh okpvní; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali ho tovt vllitaha tok: yohmi ka chishno vto nitak tuchina ho falaminchit ikbit ish hilecha hinla cho? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hvv ithaiyana tok; mihmvt Holisso Holitopa, micha Chisvs vt anum-pa anumpuli tok aiena ka okla yimmi tok.

23. Ubanvblit ont ia isht ashvt impvt maya nitak o, yvmmvt Chelusalem a anta cha, na-fehna puta ka yvmihinchi na okla pisa mvt, lauvv i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kvna kia hatak a isht atokolit im anola he vlhpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vtta hi oka ai vlhpesa hatuk, 1; 14 micha kaniohmi kia ilapvt ititaiyukhvna a takalit illa hi a ai vlhpesa hatuk aiena; 16 mikmvt Chihowa hvrt hatak a i hullo ka, 18 micha Chihowa ik im antio vhleha hvrt nan i palvmma he aiena ka anoli. 22 Chan vt Klaist nan-isht a holitopa ya, micha yvmma i yimmi hatuk okvto ai okchaya he.

1. **H**ATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmmak ash ot ninak o ayvt Chisvs a im vla cha, **A** shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchy ka, yvmiheha he keyu hoka, im achi tok.

3. Chisvs vt afalaminchi mvt, **A**hlishke, ahli mak o chim achi lishke, Hatak vt atuklant vtta keyukmvt, Chihowa apehlichika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvrt kati-ohmi kak osh vtta hinla h<sub>o</sub>? atukla ma ishki im oshvto ya pit chukowa cha, vtta hinla h<sub>o</sub>? im achi tok.

5. Chisvs vt afalaminchi mvt, **A**hlishke, ahli mak o chim achilishke, Hatak vt oka, micha Shilombish ita-tuklo kak o isht ai vtta keyu hokvto, Chihowa apehlichika ya chukowa he keyu hoke.

6. Nipi yo a tobrt vtta hokvto, nipi yoke; mikma Shilombish o a tobrt vtta hokvto, shilombish oke.

7. Atuklanchit hvsh vtta pullashke, chim achi li tuk a, okokko! chik ahno kashke.

8. Mahli hvrt kanima yo pit ai im vlhpesakmvt, pit mahlit fokka hokvno ish haklo kia, yvmmak o a minti hosh, anonti

yummak o ia, ish ai ahni keyu ka, Shilombish ak o a tobt vtta hokvto yummak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Islael okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yummak ilvshke.

14. Yohmi ka Moses vt sinti a kovi anukaka ya vba takalichi tok a, yummak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yummak atuk mak o yakni vt isht ai okchaya hi a tok;

18. Kvna hosh yvmma i yimmi kvvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a kaniohmi ai vhpesa keyu hatuk okv, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilbvsha he anumpa hv̄t onvtula hoke.

20. Nan ik ai v̄lhpeso ya a yohmi aiyukali vt atohwikinli ka i nukkillikmvt, anonti ilap nana a kaniohmi yvt otv̄nit ik hofahyalo ka hinla ka, atohwikinli ka ik ono chatuk oke.

21. Amba kv̄na hosh nan-ai ahlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otv̄na chi ka, atohwikinli ka ona chatuk oke, im achi tok.

22. Nana kv̄t ai yakohmi ha ya, Chisvs vt nan im ai ithv̄na v̄hleha ha it apihvt Chutea yakni a ai v̄la tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hv̄t ai v̄lv̄t baptismo tok.

24. Chan vt aboha kv̄llo ik fohko kisha ha tok.

25. Yohmi ma Chan nan im ai ithv̄na v̄hleha kanimi, micha Chu okla aiena kv̄t na-baptismo a isht ai it im asilh-hv̄chit maya tok.

26. Mihmvt Chan a ai im ai v̄lv̄t, Nan-ithv̄nanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kv̄t baptismohonchi ho, okla momvt im ai itahohombv̄shke, im achi tok.

27. Chan ash ot afalaminchi mvt, Ūba yak o auet ai ima ho keyukma, hatak vt nana ho ilap inli kv̄t isha he keyu hoke.

28. Ūno vt Klaist mak o sia keyu: amba itikba aya a si v̄lhtoka hatuk oke; achi li tok a hv̄chishno fehna akinli kv̄t ai atokowa ka hv̄s sv̄m ithanv̄shke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikiv̄t i haponaklot isht a yukpa chinto hoke: yohmi ka na sai yukpa ilvppvt isht aiahli mak oke.

30. Yvmmak okvto isht i shahlit mahaya he v̄lhpesakma, amba vno vto ak a lauwt mahaya la he v̄lhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yummak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vlhtokowa anohonli ka, hatak nana kia ik yimmoshke.

33. Kvna hosh, yummvt nan ai vlhtokowa anoli ka yimmit aiokpvchi hokvto, Chihowa yvt aiahli ka, aiahlichu hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shilombish vt vlpisa ho Chihowa yvt ihima keyu hoka.

35. Iki vt Ushi a i hullo kvv nan okluha ka yumma ibbak o fohkishke.

36. Kvna hosh Ushi a i yimmi hokvto ai-okchayvt bilia ya pisa hoke; mikma kvna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

#### CHAPTER IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tmaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitempa ushi vt abeka hosh Kapenavm ak o itonla ka, pit hlakofichi.

1. CHISVS vt nan ithvna vhleha ikbit baptismochi kvv, Chan a i shahlichu ka, Falisi vhleha hvv haklot maya ka, Chitokaka yvt akostininchi hatuk osh,

2. Chisvs vt ilap inli kvvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kvv Samalia ya pit hlopullit maya he vlpesa tuk a tok.

5. Atuk osh Chekob vt ushi Chosof a osapa ima tok ta-

laia ka bilika, Samalia yakni tmaha Saika hohchifo ho, vla tok.

6. Yohmi ma Chekob i kvli hvt yvmma hikia tok; yohmi hatuk o Chisvs vt nowvt ayvt hoyvbli mvt, hvshi kanvlli isht vllhpisa ont hannali foka hatuk o, kvli yvmmak ash yakohmit a bininli tok.

7. Atuk o Samalia ohoyo hvt oka ochit aya hosh yvmmak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tmaha ilhkoli tuk a tok.

9. Yohmi ma Chu okla hvt Samalia okla ha nan ai itim ahalala keyu chatuk oka, Katiohmi ho Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisvs ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ocha hi vt nana kia ik chim iksho ho, anonti kvli hvt hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisvs vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokvto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit aya kvv ilvppak o ak lo kashke, im achi tok.

16. Chisvs ash ot, Ia cha, chi hatak a ont i howvt vla, im achi tok.

17. Mihma ohoyo hash ot afalaminchi mvt, A hatak vt ikshoshke, achi ma, Chisvs vt, A hatak vt iksho, ish achi kv̄t, v̄lhpesa ish mihvshke.

18. Hatak vt tahlapi hosh chim a<sub>h</sub>sha tuk osh, anonti himonasi a chim a<sub>h</sub>sha kv̄to, chi hatak atuk o keyu hoka, yvmmak okvno aiahli mak osh ish mihvshke, im achi tok.

19. Ohoyo hash ot, A shahli ma! hopaii chia hatuk o chi akostininchi lishke.

20. Pin tikba v̄hleha hv̄t nvnih ilvppak o asht Chihowa pit aiokpahanchi tok: a tok ak o hv̄chishno v̄to Chelusalem a ashv̄t hatak, puta kv̄t Chihowa pit aiokpahancha he v̄lhpesa hatuk a ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nvnih ilvppa, micha Chelusalem aiena kak kia mayvt Iki a pit hv̄sh aiokpv̄cha he keyu ka hi a hv̄shi kanv̄lli v̄lhpisa hv̄t mihinti hoke.

22. Hv̄chishno v̄to yvmmak o hv̄sh ahni keyu hosh pit hv̄sh aiokpv̄chishke; isht-ai-okchaya hi vt Chu okla immi hoka, pishno v̄to nana h̄o pit il aiokpv̄chi hokv̄t il ithana hoke.

23. Yohmi kia Chihowa pit aiokpv̄chi aiahli v̄hleha hv̄t shilombish, mikmvt aiahli aiena mak o isht aiokpahancha hi a, hv̄shi kanv̄lli at v̄lhpisa hv̄t mihinti h̄o, anonti himonasi a v̄la hoke: yv̄mma chohmi hosh ilapa aiokpv̄cha he ak o Iki vt hoyo hoka.

24. Chihowa yvt Shilombish oke: yohmi ka kv̄na hosh yv̄mma pit aiokpv̄chi hokv̄t shilombish, mikmvt aiahli aienamak o isht aiokpv̄chi pullashke, im achi tok.

25. Ohoyo hash ot, Messias, Klaist hohchifo kv̄t, v̄la hi a ithana lishke, yv̄mmvt v̄la hok mak osh, nana moma ka pim anola hi oke, im achi tok.

26. Chisvs ash osh, Ūno vt chim anumpohonli li kak osh mihi ȳo sia hoke, im achi tok.

27. Mihma nan im ai ithv̄na v̄hleha hash ot ilvppa ataklama ma ai v̄la cha, yv̄mmvt ohoyo h̄a it im anumpuli tuk a, okla anukhlakancha tok: yohmi kv̄t hatak achv̄fa kia, Nanta h̄o ish hoyo hosh? Katiohmi h̄o yv̄mma ish it im anumpuli cho? achi kia iksho ki tok.



28. Yohmi ma ohoyo hash ot isht-ochi ash talali cha, ivt tvnaha ont chukowa mvt, hatak puta kash,

29. Yakeh! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō? achi tok.

30. Mihma tvnaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pi shahli ma! impá, achit im asilhha tok.

32. Yohmi kia, Ilhpak vpa la chí kv̄t vm aśha yvmmak oka hv̄ch ik akostininchoshke.

33. Yohmi hatuk o nan-ithvna vhleha hash ot, Ūpa chí ka hatak nana kia isht im vla tuk atuk o? it im achit maya tok.

34. Chisvs ash ot, Auēt sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vlhpesa chí ka hv̄shi ushtvt aśha moma, hv̄sh achi keyu hō? yakeh! oh vba chakali cha, osapa puta kv̄t himonasi ak kia a hoyo he ai ona kv̄t tohmbi ka ho pesá, hv̄chim achi lishke.

36. Na-hokchi, micha nan vmo ita-tuklo kv̄t itibai yukpa chí ka, nan vmo yash ot vlhtoba hā ishi hosh ai okchayvt bilia na-wayā ya hoyo hoke.

37. Yohmi ka achv̄vt hokchi okma, anonti achv̄fa hosh vmo, achi tok a yvmmvt aiahlishke,

38. Hv̄chishno vt hv̄sh a toksaiyali tok keyu kv̄t hv̄sh ai vma chí ka, pit hv̄chi tihleli li tuk: hatak inla yosh toksvli tuk o, im a toksvli yash pit hv̄sh chukowa tuk oke, im achi tok.

39. Mihma ohoyo hv̄t nana vlhtokowa ka anolit, Nana hō a kaniohmi li tok a mominchit vm anolishke, achi ka Samalia okla tvnaha aśha tuk vt lauv̄t yvmmak ash isht ai i yimmi tok.

40. Yohmi hatuk osh Samalia okla hv̄t yvmmak ash im ai vla mvt, takla anta hinla ka im asilhha tok; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yimmi kv̄t laua tok.

42. Mihmvt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchi mak atuk pulla ka il akostininchishke, im achi tok.

43. Nitak tuklo ont vbanvpa ma yvmmak ash kohchvt ia mvt, Kalili a ona tok.

44. Chisvs akinli kv̄t hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvt yvmmak kia impa holitopa ya itvnowa hatuk osh, impa holitopa isht asha yvmmvt Chelusalem a nana puta ka a yvmihchi tuk mo-minchit pisa tuk okvt, yvmmak ash o okla aiokpv̄chi tok.

46. Yohmi hatuk o Chisvs ash ot Kalili yakni Kana yvmmak o oka ya okapaki ai ikbi tok ash ot, anonti ona tok. Mihma hatak holitopa achvfa hosh ushi vt abeka kv̄t Kapenam a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yvmmak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena hō hvsh pisa hō keyukmvt, hvchi yimma he keyushke, im achi tok.

49. Mihma hatak holitopa hash osh, A shahli ma! vm vlla vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im asha vhleha hvt afama cha, Chiso hvt okchayvshke; achit im anoli tok.

52. Mihma hvshi kanvlli vlhpisa yvt kaniohmi kak o pit nuktanlv̄t isht ia tuk a im a ponaklo tok. Mihma, Pila-shash hvshi kanvlli vlhpisa ont isht untuklo kak o yvna hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlhpisa vt yvmmak fehna

akinli tuk a ithana tok ; micha ilapo fehna, mikmvt in chuka chvfa yvt a momvt yimmi tok.

54. Chisvs vt Chutea ya a kohchvt ayvt Kalili a vlvvt, anonti na-fehna ka ai yimihchi kvv ilvppvt ont atukla ha tok oke.

CHAPTA V.

Chisvs vt Chelusalem a ona tuk osh, nitak hullo, nitak o Behlesta oka talaia h<sub>o</sub> hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvvt, Chisvs vt nitak hullo y<sub>o</sub> na hlakofichi hatuk o, vbi bvna ma ; 17 Chisvs ash osh ilavvt Chihowa ya Ushi yatuk okvt yvmmak oka yvmihcha he im ai vhpesa-hosh yvmihchi tuk vt anoli. 32 Chisvs vt ilavvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvv nana kvv a fehna kia yvmihinchi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holidopa hvvt asha tok : mihma Chisvs vt Chelusalem a ia tok.

2. Yohmi ka Chelusalem a chukfvllhpoba a kanchi i bilika yvmmak o ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvv laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont pialichi hatuk o ; yohmikma kvna hosh oka vt piakvchikma, tikba pit okvtulakmvt, abeka nana h<sub>o</sub> isht abeka hatuk kia hlakofi beka tok.

5. Yohmi h<sub>o</sub> hatak achvfa kvv iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mvt, ai yvmohmi tok vt hopaki fehvvt taha ka ithana hatuk osh, yvmmak ash o, Chi hlakofa hi a ish ahni cho ? im achi tok.

7. Mihma hatak iksitopo ik nowo yash ot afalaminchi mvt, A shahli ma ! hatak nana kia oka yvt piakvchikma, ai-yupi a pit si okvcha hi vt ik svv ikshoshke ; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yvmma fehna kv̄t nitak hullo ya tok.

10. Yohmi hatuk o Chu okla hv̄t na hlakofi tuk yvmmak ash o, Nitak hulló yoke; chi potvlhpo a isht ish aya he ai vlhpesa keyu hoke, im achi tok.

11. Mihma yvmmak ash osh afalaminchi mvt, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhv̄chi tok.

13. Yohmi ma okla laua yvt yvmma asha hatuk o, Chisvs vt lumvt a kv̄nia tuk atuk a, na hlakofi tuk ash ot kv̄na ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mvt, Yakeh! chi hlakofi hokvt, nan okpulo i shahli kv̄t ik chi onvtulo ka chi kv̄t, himmak mv̄no ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chu okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bvnvt maya tok.

17. Yohmi kia Chisvs vt, Aki vt toksahanli na himak a kak o, vno vt toksuli li hoke.

18. Yohmi ka yvmmvt nitak hullo ya kobv̄ffi kak o illa keyu, amba Chihowa yak osh Iki yo mihvt, Chihowa ya ila-pinli kv̄t itilau i ho isht il ilapissa aiena hatuk o, Chu okla hv̄t yvmmak ash vbi bvnna kv̄t i shahlich i tok.

19. Mihma Chisvs ash osh afalaminchi mvt, Ahlishke, ahli mak o hv̄chim achi lishke; Ushi yvt ilapo inli hokvto nana kaniohma he keyu, amba nana ho Iki vt yvmihchi ho,

pisa tuk mak oh chatuk oke ; nana ho yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana ho a kaniohmi kvv mominchit yvmma im otvvinchi chatuk ; yohmi kvv hvchi nukhlakancha chi ka, nana kvv ilvppa i shahli fehna ka im otvvincha hi oke.

21. Iki vt illi a tanichit okchalinchi chatuk a, Ushi vt yvmmak inli ho chohmit kvna ho ilap ahni hosh okchalinchi hoke.

22, 23. Iki vt hatak kvna kia nana ka im apesa keyu hoka ; amba hatak vt momvt Ushi a holitobli kvv, Iki a holitobli kak inli hosh ai itilauecha chi ka, nan-vlhpisa he puta ka mominchit Ushi ak o im issa hoke. Kvna hosh Ushi yash ik holitoblokvv, yvmma auet kanchi tuk Iki ash ik holitoblo hoke.

24. Ahlishke, ahli mak o hvchim achi lishke ; Kvna hosh vm anumpa ha haklo cha, auet sa kanchi tok a pit i yimmi hokvto, ai-okchayvt bilia ya ahayuchi ; mikvvt isht ai ilvsha he anumpa hvv ik onvtulo ka hi oke : amba ai-illi ha a kohchvt ai-okchaya yo ona hoke.

25. Ahlishke, ahli mak o hvchim achi lishke ; Illi yvt Chihowa Ushi im anumpa ha hakla he hvshi kanvlli ai vlhpisa kvv mihintit, himonasi ak kia vlvshke ; yohmi ka haklo hokvto, yvmmvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokvto, yvmmak inli ho chohmit Ushi vt ilap inli il ai isha chi ka, im apesa hoke :

27. Micha yvmmak okv Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hvshi kanvlli ai vlhpisa kvv mihinti yvmmak okvno a-hollopi ya vlbehvt maya kvv, momvt yvmma im anumpa ha haklo cha, kocha wiha he ;

29. Kvna hosh ai vlhpisa ho yvmohmi tok okvto okchaya chi mak osh tana he ; anonti kvna hosh aivlhpesa keyu ho yvmohmi tok okvto, nan isht ai i palvmma chi mak osh tana hi oka, ilvppa hvch ik anukhlakancho kashke.

30. Uno akinli hokvto nana ho kaniohmi la he keyu ; na-

na ka haklo lik mak osh apesa li; yohmi kv̄t vno v̄m anuk-  
fila h̄o hoyo li keyu, amba Aki auet sa kanchi tok im anuk-  
fila ak oka, nan apesa li kv̄t ai v̄lhpiesa hoke.

31. Uno akinli hosh nan il atokolit anoli li hokmv̄no, nan  
il atokolit anoli li kv̄t ik āhlo hoke.

32. Na si atokowa anoli kv̄t inla hosh āsha kv̄t, yv̄mmv̄t  
nan atokowa isht si anoli ka nan v̄lhtokowa aiāhli mak oka  
ithana lishke.

33. Chan ā nan ī ponakla chī ka, pit hv̄sh tihleli ma,  
yv̄mmak ash ot aiāhli ka atokolit anoli tok.

34. Yohmi kia hatak osh nan atokowa anoli h̄o, hoyo li  
keyu hoke; yohmi kia hv̄chishno yak osh a hv̄chi okchaya  
chī kak ō, ilv̄ppa puta ka achi li hoke.

35. Yv̄mmak okv̄t p̄vla lua yosh shohmalalit tohwikeli ya  
tok: yohmi ma hv̄shi kanv̄lli v̄lhpisa achv̄fa kv̄no in tohwi-  
kinli ka nan isht il aiyukpa ka hv̄sh ahni tok.

36. Yohmi kia nan atokowa si anoli kv̄t Chan ā ī shahli-  
chi kv̄t āsha hoke; na toksv̄li atahli la hi ō Aki vt v̄m  
apesa tok ō, na toksv̄li h̄o isht ahanta li ka yv̄mmak osh,  
Aki vt auet sa kanchi tok ō mv̄hli ka, atokowa si anohonli  
hoke.

37. Mihma Aki vt auet sa kanchi tok vt, ilapvt ai atokowa  
ka si anohonli tok. Nitak kaniohmi kash ō yv̄mma im anum-  
pa hā hv̄sh im antia tok keyu mv̄t, anonti kaniohmit otaiyani  
ka hv̄sh pisa tok keyushke.

38. Mihma im anumpa hv̄t hv̄chi anukfoka keyu hoke:  
auet sa kanchi tok ash yv̄mma hv̄sh ī yimmi keyu hoke.

39. Holisso Holitopa yā achukmalit asilh̄hit ho pih̄isá:  
yv̄mmak ō ai okchaya yvt a hv̄chin takali ka hv̄chim ahoba  
hatuk okv̄t, micha yv̄mmak osh ai-atokowa ka si anohonli  
mak oke.

40. Yohmi ka v̄m v̄lv̄t ai-okchaya yā hv̄sh pisa hi vt hv̄ch  
ik ahno kv̄mohmishke.

41. Hatak ō ai im a holitopa hi ano ahni li keyushke.

42. Yohmi kia Chihowa holitobli kv̄t hv̄chi anukfoka keyu  
ka, hv̄ch ithana lishke.

43. Uno vt Aki ī hohchifo h̄o aya li ma, hv̄ch ik si ahnin-

choshke; inla yosh ilap i hohchifo akinli ho aya hokmvno, yummak o hvsh ahninha hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kashke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvsa yimma he tuk oke; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTA VI.

Chisvs vt pvska lumbo tahlapi, micha nvni tuklo aiena tuk a batak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tuk osh, mahli okpulo itafama; yohmi tuk kia okhvta paknaka ya a novvt maya hosh Chisvs vt ona. 27 Hatak vt imi shilombish ak o ilhpak im atahli bvvntvvt maya hi a i miha mvt, 32 ilap ak osh ai okchaya pvska mak atuk vt miha. 65 Laua hosh ik im vhpeso mvt, issvt i filvmmi; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta ho pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehvvt pit iakaiya tok.

3. Yohmi ma Chisvs vt nvnih chaha yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ona hosi tok.

5. Yohmi ma Chisvs ash ot vba chakalit, okla laua fehna

hosh im ai v̄la na pisa mvt, Filip ash o, Katima ko pvska ya il a chumpa na okla ilvppvt impa ch̄i cho? im achi tok.

6. Ilapvt nana a kaniohma hinla hokvto ithana hatuk osh, yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Pvska yvt iskvli tahlepa tuklo vlhtoba mak osh, momvt iskvtnosi aiyuka ho isha hinla kia, vlhpesa he keyushke, achi tok.

8. Nan im ai ithvna achvft, Antilu, Saimon Pita itibapishi hash osh,

9. Ulla himita yvt ba li palvska tahlapi, micha nvni chipunta tuklo aiena ho ishi kv̄t ilvppa ashvshke; yohmi mak osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolich̄i, achi tok. Yvmma hvshuk vt āsha fehna tok. Yohmi hatuk o hatak holhtina kv̄t tahlepa sipokni tahlapi foka hosh aka binohli tok.

11. Mihma Chisvs vt pvska yash ishi cha, vba pit aiokpvchi mvt, nan im ai ithvna vhleha ha ima ma, nan im ai ithvna vhleha hash ot aka binohli tuk ash ima tok: mihmvt nvni mvt kaniohmi ho okla bv̄nna hinla tuk a yvmmak atuk ash inli ho okla chohmichi tok.

12. Mihma okla hash ot kaiyvt taha ma, nan im ai ithvna vhleha hash o, Boshulli vt atampvt āsha ka oh itahob̄i, nansi kia ik kv̄nio kashke, im achi tok.

13. Yohmi na yvmmak ash ot ba li palvska tahlapi ka okla ai vpa ma im atampa tuk boshulli āsha ka, aiowvt itahobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla pisa mvt, Ilvppak osh hopaii yakni ilvppa v̄la he tuk mak o pulla mv̄hlishke, achi tok.

15. Yohmi hatuk osh okla mintit it̄i halvllit ishit, m̄iko ikba hinla ka, Chisvs vt akostininchi mvt, filvmm̄it ilap bieka hosh nv̄nih chaha yo anonti ia tok.

16. Atuk o opiv̄t taha ma, nan im ai ithvna vhleha hash ot pit okvtahvt okhvta ho ona tok.

17. Micha peni ont vlhbeha mvt, Kapenam̄v̄m imma ia hosh



okhvta ha asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mo<sub>fi</sub> kv<sub>t</sub>, kowi tuchi-nakma, keyukmvt ushtakma, nana foka ho ona mvt, Chisvs vt okhvta paknaka a nohwa hosh peni ash i bilika ona na okla pisa tok; yohmi mvt okla nukshopa tok.

20. Yohmi kia yvmmak ash ot, Hvchi nukshopa na, vno sia hash oke.

21. Mihma okla na yukpa fehvt yvmmak ash o peni ash ik chukowa, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish tvnvp hiohmaya kv<sub>t</sub>, peni inla mvt yvma iksho ho, achvfa yvmmak illa tuk o nan im ai ithvna vhleha hv<sub>t</sub> vlbeha tuk; yohmi ka Chisvs vt nan im ai ithvna vhleha ha takla peni ont ik chukowo ho, amba nan im ai ithvna vhleha ak bano hosh ilhkoli tuk a, pisa mvt;

23. Yohmi kia Chitokaka yvt pvska vba pit ai isht aiokpvchi na okla ai impa tuk a pit bilika Tibelias a a minti kv<sub>t</sub> peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yvmmak ash iksho ho okla akostininchi mvt, yvmmak kia peni inla kanohmi kash vlbeha cha, Chisvs a hoyot, itnowvt Kapenam a okla ai vla tok.

25. Mihmvt okhvta ha mish in tvnvp o anta na okla ont pisa mvt, Pi shahli ma! katiohmi kash o ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ahli mak o hvchim achi lishke; Nana a fehna puta ka yvmihchi li ho hvs sa pisa tuk ak osh hvs sa hoyo kak keyu, amba pvska ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, yvma Hatak Ushi vt hvch ima he yvmmak ash-

ke: yummak o Iki Chihowa yvt ai atokolit ai im aiahlichu hatuk oke, im achi tok.

28. Yohmi ma okla afalaminchi mvt, Nanta ak o e kati-ohmi hosh Chihowa i na toksvli ha e toksvla hinla cho? im achi tok.

29. Chisvs vt afalaminchi mvt, Auet sa kanchi tok yummak o hvch i yimmi ilvppak osh Chihowa i na toksvli mak oke, im achi tok.

30. Yohmi hatuk o okla hash ot, E pisa cha, e chi yimma chi kvno, na-fehna nanta ho ish yvmihchi ho? nanta hak o isht ish ahanta cho?

31. Pin tikba vhleha hvv chukushmi foka ya manna yo ai ahampa tok; okla vpa chi ka pvska vba minti ho ipeta tok, achi kvv holisso tok oke, im achi tok.

32. Yohmi ma Chisvs ash ot, Ahlishke, ahli mak o hvchim achi lishke, Pvska vba minti yumma Moses ak osh hvch ipeta ha tok keyu; yohmi kia Aki ak osh pvska aiahli vba minti ka hvch ipeta hoke.

33. Uba mintit vla cha, yakni a ai-okchaya ihima kak osh, yummvt Chihowa i pvska mak oke, im achi tok.

34. Yohmi ma, Chitokaka ma! Pvska ilvppak o ish pipihinta na biliashke, im achi tok.

35. Mihma Chisvs ash ot, Vno ak osh ai-okchaya pvska ya sia mak oke: kvna hosh vno ak o vm vla hokvt nitak nana hohchvfa he keyu; micha kvna hosh vno a a yimmi hokvt nitak nana itukshila he keyu hoke.

36. Yohmi kia hvchishno vto hvs sa pisa kvv ik hvchi yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma kvna hosh vm vla hokvno, ik kaniohmi kia falaminchit kocha pit tobli la he keyu hoke.

38. Uba ya mintit vla li kvv, vno akinli nana vm anukfila hosh a yvmohmi la he tok keyu hokvt, amba auet sa kanchi tok nan im anukfila ha he tok.

39. Yohmi kvv auet sa kanchi tok Aki vt vma tok moyuma ka achvfa kia ik sa kvnio hosh, amba nitak ont ishtaiyopikma falaminchit tanichi la he ilvppak o im anukfila hoke.

40. Micha Ushi a pisa cha, yvmmak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yvmmak ash o falaminchit tanichi la hi oke.

41. Yvmmvt, Uno ak osh pvska vba minti tok mak o sia hoke, achi hatuk o, Chu okla hash ot yvmmak ash o lumasit na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiohmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik maya kashke.

44. Hatak nana kia vm vla he keyv, amba auet sa kanchi tok Aki ak osh halvlli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kvv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yvmmvto Aki a pisa chatuk oke.

47. Ahlishke, ahli mak o hvch im achi lishke, Kvna kia a yimmi hokvto ai-okchayvt bilia ya pisa hoke.

48. Uno ak osh ai-okchaya pvska sia mak oke.

49. Hvchin tikba vhleha hvv chukushmi foka ya manna ai ahampa tok vt illi tok.

50. Pvska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pvska okchaya vba minti tok a sia mak oke; hatak nana hosh pvska ilvppa vpa hokmvt, okchaya na bilia he; yohmikma pvska ipeta la he, yvmmvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho? achit itachowvt maya tok.

53. Mihma Chisvs vt, Ahlishke, ahli mak o hvchim achi lishke; Hatak Ushi nipi ya vpvvt, im issish ma hvsh ishko keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko hokvto, ai-okchayvt bilia ya pisa hoke; atukma nitak ont ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o fehna hoke.

56. Kvna hosh sa nipi a vpa cha, svssish ma ishko hokvt, vno a a svbai achafakma, anonti vno mvt ilapa ai ibachafa li hoke.

57. Aki okchaya yvt vno a auet sa kanchi tok o, Aki ak o vno vt ai okchaya li hatuk a, kvna hosh vno a svpa hokvt, yvmmak inli ho chohmit vno ak o si ai okchaya hi oke.

58. Ilvppak osh pvska vba minti tok mak oke; hvchin tikba vhleha hvvt manna ya vpa tuk osh anonti illi tok a a chohmi ho keyu; kvna hosh pvska ilvppa vpa hokvto okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sinakak anukaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvvt ilvppa haklot in taha mvt, lava kvvt, Ilvppvt anumpa kvllo fehnvshke, kvta hosh haponakla hinla cho? achi tok.

61. Nan im ai ithvna vhleha hvvt yvmma lumasi nan isht a miha ka, Chisvs vt ilapo inlit akostininchi mvt, Ilvppvt hvchi ibetvblichi hoh cho?

62. Yohmi kvto Hatak Ushi vt tikba ma ai vta tok vba ya ia na hvsh pisa hok mvt o?

63. Okchalnichi vt shilombish ak oke; yohmikma nipi vto nana ho isht ai vlhpesa keyu hoke; anumpa hvchim anumpuli li yvmmak osh shilombish okmvt, anonti isht ai-okchaya yoke.

64. Yohmi ka hvsh kanihmi mvt ik yimmo kvvt hvsh ashvshke, im achi tok. Ummonvt isht auehinchi kak inli ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfokichi ho keyukma, hatak nana hosh vm vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hvv lauvt filamvt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmit aya hi a hvchim anukfila cho ? im achi tok.

68. Mihma Saimon Pita yvt afalaminchi mvt, Kvta hak o il im ia hinla cho ? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kvv nan-isht-abullo okpulo yo chia keyu ? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh ayvt Chelusalem a ona ma, Chu vhleha hvv yvmmak ash pisa bennvt aiasha mvt, nan isht anukfilli kvv im ilaiyukvt aiasha, 1. 14 Chisvs vt tempel a ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai onvt nan ishka hi a, ahnit Chisvs vt hoyo.

1. NANA kvv ai yakohmi ha ya, Chisvs vt Kalili yakni ak o ahanta tok : Chu okla hash osh yvmmak ash vbi ka bennvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vlhtipo nuta ai impa holi-topa yoh chatuk nitak vt a tikeli tok.

3. Yohmi hatuk o i kanomi vhleha hvt yvmmak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta. ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvninghashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Vno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impa holitopa asha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa asha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impa holitopa asha kash ona tok.

11. Yohmi ma Chu okla hvt yvmmak ash ai-impa holitopa asha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvt hatak achukma hoke, achi ma, inlaka yokvto, Keyu, amba okla ha haksichi yoke, achi hatuk o yvmmak ash lumasit isht anumpulit, ilap bika itachowa fehnvt maya tok.

13. Yohmi kia Chu okla ha i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa asha ka iklvnvt taha foka

ma, Chisvs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvt vno vmmi hō keyu, amba auet sa kanchi tok ak o immi hoke.

17. Hatak nana hoshi, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chihoa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostinincha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokvto, yvmmak osh aiahli, mikma nana ik ai vlhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu hō? a tok ak o hvchi achvfona kia vba-nan-vlhpisa mvno hvch ik holitobloshke. Nanta katiohmi hō svbi bvnvt hvsh itvnowa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kvta hosh chibi bvnvt itvnowa hoh cho? okla achi tok.

21. Chisvs vt afalaminchi mvt, Nana achvfa hō ai yvmihchi li, yvmohmi ma momvt okokko! hvsh ahnishke.

22. Yohmi ka Moses vt hakshup tvpa ka hvchim apesa tok. Moses ak osh yvmma tikbanlichi tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in tahamblishke.

23. Moses i nan-vlhpisa yut ik kobafō ka chi ka, hatak vt nitak hullo nitak o hakshup in tvptohowa ma, vno vto nitak hullo nitak o hlakofichit kaiyanchi li kak o, hvs sa nukkilli cho?

24. Nana kvt a katiohmi ahoba kak o isht ik hvchim a-

nukfilo kashke; amba nana kv̄t isht v̄lhpisa kv̄t ai-v̄lhpiesa mak o isht hv̄chim anukflashke.

25. Mihma Chelusalem a asha tuk vt kanimi kv̄t, Okla v̄bi b̄v̄nvt maya beka tuk a ilv̄ppak osh mih mak o keyu?

26. Yohmi kia nukwaya iksho hosh anumpohonli ma, nan ok ik im achoshke. Ilv̄ppak osh Klaist fehna mak o mv̄hli kv̄no, hatak p̄hlichī v̄hleha hv̄t akostininchi hoh chishba?

27. Yohmi kia hatak ilv̄ppv̄to kanima yo a minti ka iloh im ithanv̄shke; amba Klaist ak osh v̄la hokma, kanima yo a minti ka hatak nana hosh akostinincha he keyu hoke.

28. Mihma Chisvs vt tempel anukaka ya nana ai ithv̄nan-chi hosh anta tuk ash osh chitolit, Ūno a hv̄s sv̄thana mv̄t, anonti kanima yo a minti li tuk ma hv̄sh ithanv̄shke; yohmi ka v̄no akinli ahni li hosh aya li keyu, amba auet sa kanchi tok yv̄mmak osh aiahli mak atuk o yv̄mma chik ithanoshke.

29. Amba v̄no v̄to yv̄mmak o a minti li tuk okv̄t, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi b̄v̄nna tok; yohmi kia hv̄shi kanv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak a ik onochō ki tok.

31. Mihma okla lav̄vt yv̄mmak ash i yimmi mv̄t, Klaist ak osh v̄la hokmv̄to, na-fehna puta ka yv̄mihchi kv̄t, hatak ilv̄ppv̄t ai yv̄mihchi tuk puta ka i shahlichā hinla hō? okla achi tok.

32. Okla hv̄t lumasit yakohmichit yv̄mma isht anumpulit maya ka, Falisi v̄hleha hv̄t haklo tok; micha Falisi v̄hleha, mikmv̄t na-holitompa isht asha p̄hlichī v̄hleha aiena kash ot yv̄mmak ash isha chī ka, tishu v̄hleha hā pit tihleli tok.

33. Mihma Chisvs ash ot, Chekosi itintakla kak o hv̄chi takla anta li moma chī; atuk mv̄t anonti auet sa kanchi tok a im ia la chī hoke.

34. Hv̄s sa hoyo kia, hv̄ch ik sa peso ka chī; mikmv̄t kanima yo ai ahanta likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo b̄ika it im achit, Katima kō ia chī hokak o, keho pesa ka chī hoh chishba?



ita-fimimpvt Chentail okla ibvlhkahvt a<sub>h</sub>a ha<sub>k</sub> o im ayvt, Chentail okla ha<sub>h</sub> nañ ithvnancha chi ho?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima yo ai ahanta likma, yvmma hvsh ona he keyu hoke, achi tok.

37. Nitak ont ishtaiyopi na holitoblit ai-imp<sub>a</sub> nitak chinto yvmmak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o vm ai vlv<sub>t</sub> ik ishkó.

38. K<sub>v</sub>na hosh vno a a yimmikma, yvmmak o, Holisso Holitopa yvt achi hatuk oka, oka okchaya okhina yvt chu-kvsh a a yanvllit a kokoncha chi hoke, achi tok.

39. Yohmi kia ilapa i yimmi vhleha hv<sub>t</sub> Shilombish a habena he yvmmak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lauv<sub>t</sub>, Ilvppak osh hopaii mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, amba kanimi kvto, Klaist vt Kalili yakni a vtvt a kohchvt aya hinla ho?

42. Klaist vt Lewi Ushi ai isht atiaka ho, micha Behlehem tv<sub>m</sub>aha Lewi vt ai ahanta tok mak o ai v<sub>t</sub>ta ahpa hi a, Holisso Holitopa yvt achi hatuk keyu? achi tok.

43. Yohmi hatuk o yvmmak atuk mak o okla hv<sub>t</sub> isht ai ita kashapvt maya tok.

44. Mihma kanimi kv<sub>t</sub> yvmmak ash ishi ka ahni tok; yohmi kia hatak nana hosh ibbak a ik onoch<sub>o</sub> ki tok.

45. Yohmi ma tishu vhleha hash osh na holitomp<sub>a</sub> isht a<sub>h</sub>a pehlich<sub>i</sub> vhleha, micha Falisi vhleha aiena kash im ai ona tok; mihma yvmmak ash osh, Nanta katiohmi ho yvmmak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kv<sub>t</sub> hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kv̄t kanimi mvt, ymma ī yimmi tuk o?

49. Yohmi ka nan-vlhpisa kia ithana keyu okla ilvppvto nan isht ī palvmma he vlhpesvshke, achi tok.

50. Nikotemvs, ymmvt ninak o ayvt Chisvs a im ona tok ash ot, ymma ai ibachvfa hatuk osh,

51. Nan vlhpisa pin tonla kv̄t hatak a ai ī haponaklot, nana ho a kaniohmi hatuk ma ai akostininchi keyu kisha kv̄t, nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili hatak chia hatuk o? achukmalit hoyot pisá: hopaii vt Kalili yakni a ai vtvtv kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

## CHAPTER VIII.

Falisi vhleha hv̄t, ohoyo hosh havi tobtv ahanta na ymmak osh nan im apesa chi ho, isht im ona, 1. 12 Chisvs vt ilap ak osh yakni in tohwikeli; yohmi ka ymmvt im aiahli ka Iki vt atokolit anoli chatuk aiena ka miha. 30 Chu okla hv̄t Chisvs a ī sanali; yohmi hatuk o ilavt Eblaham ak okvno isht atiaka ho mv̄hli akinli kia, nan ai ashvchika yokvno ī yuka vhleha; micha nan isht ahullo okpulo a im vlla vhleha aiena hatuk a, Chisvs vt im otv̄ninchī.

1. CHISVS vt Alif nvnih ha ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itv̄naha tok: mihma aka binilit nan ithvnanchi tok.

3. Mihma na-holissochi vhleha, micha Falisi vhleha aiena kv̄t, ohoyo hv̄t lumakvt anta tuk o, isht im ona tok; micha ai iklv̄nna ka okla binilichi mvt,

4. Nan-ithvnanchi ma! ohoyo ilvppvt lumakvt anta, ai yakohmi fehv̄t haiaka na ishi tuk oke.

5. Yohmi ka Moses vt ilvppa chohmi hokvt tv̄li isht boa hi o, nan-vlhpisa ya isht a pim apesa tok; yohmi ka chishno vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilvppa okla achi tok. Yohmi kia Chisvs ash ot ik i haponaklo ho chohmit, aka pit waiahpvt, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvv hvchi takla hikia hokmvt, yvmmak osh na tikba tvli ya isht ik boli, im achi tok.

8. Mihmvt anonti aka pit waiahpvt yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shabli tuk ak osh tikba achvfa aiyukvt kohchvt ihya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Uno ak osh yakni im a tohwikeli sia mak oke; kva hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ahli keyushke, im achi tok.

14. Chisvs ash ot afalaminchi mvt Atokoli kvv vno akinli hosh il ai anoli li akinli kia, nan ai atokoli li ka ahli hoke: vno ak okvto kanima yo a minti li tuk: mikmvt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknīp nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aiahli hoke; vno ak illa keyu hoka, amba vno vt auet sa kanchi tok Aki a itatuklo li hoke.

17. Hatak tuklo hosh nana atokolit anoli ho aiahla hi a, hvchi nan-vlhpisa yak kia a holihiso hoke.

18. Nan isht a si atokowa anoli kv̄t vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mv̄t, Ūno, mikmv̄t Aki ita tuklo li ka hvch ik pithanoshke; vno a hv̄s sv̄thana hatuk okmv̄t, Aki ma hvsh ithana he tuk akinli hoke, im achi tok.

20. Anumpa ilv̄ppa Chisvs vt tempel anukaka ya nana ai ithvnanchi hosh ahantv̄t, tv̄li holisso abohli yo hikia hosh anumpuli tok: hvshi kanv̄lli isht ai im vlhpisa kv̄t ik ai ono kisha hatuk o, hatak nana kia ibbak a ik onochok i tok.

21. Anonti Chisvs ash ot, Kanima ia likma, hv̄s sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kv̄t ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilv̄ppak o ai ibachv̄fa hvchia hokma, vno vto yakni ilv̄ppa ai ibachv̄fa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mi mak o sia ka ik hvchi yimmo hokmv̄t, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kv̄ta hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke. Yohmi kia auet sa kanchi tok yvmmak osh aiahli mak oke; mihma vno vt yvmmak o nana ka ai im a haklo li tuk mak osh yakni a isht im anumpali li hoke.

27. Iki ak o isht im anumpali hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anumpali li hatuk a hvsh akostinincha hi oke.

29. Michā auet sa kanchi tok vt sa takla aya hoke; Aki vt ilap illvchit sa kanchi tok keyu; nana kv̄t yvmma yukpali pulla kak o yvmohmi kv̄t a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kv̄t laua tok.

31. Yohmi ma Chisvs ash ot i yimmi tuk vhleha Chu okla hash o, Um anumpa ha hvsh halvlli kv̄t hvch ik issokmvt, nan vm ai ithvna ahli fehna hvchia mak a chi hoke.

32. Mikmvt nan-aiāhli ka hvsh ithana he; mikma nan-aiāhlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kv̄t nitak nan ash o hatak nana kia ai i yuka hosh il anta tok keyu ka, katiohmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ahli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ahli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh h<sub>v</sub>chi ch<sub>u</sub>kvsh a ai anukfoyuka keyu kak o, svbi h<sub>v</sub>chi b<sub>v</sub>nnvshke.

38. Aki a ai iba p<sub>i</sub>sa li tok mak osh vno vt nana ka isht anumpuli li hoke; mihma h<sub>v</sub>chishno vt h<sub>v</sub>ch iki a h<sub>v</sub>sh ai iba-p<sub>i</sub>sa tok mak osh a h<sub>v</sub>chi y<sub>v</sub>mohmishke, im achi tok.

39. Mihma okla afalaminchi mv<sub>t</sub>, Eblaham ak osh p<sub>i</sub>ki oke; im achi tok. Chisvs ash ot, Eblaham ak o ushi h<sub>v</sub>chia hatuk okmv<sub>t</sub>, Eblaham vt nana a kaniohmi tok mak o, h<sub>v</sub>sh y<sub>v</sub>mohma he tuk oke.

40. Amba Chihowa y<sub>a</sub> nana ai im a haponaklo li tuk vt nan ai ahlika mak o hatak h<sub>v</sub>chim anoli li ka, svbi h<sub>v</sub>chi b<sub>v</sub>nnvshke; Eblaham vt ilvppa yakohmi tok keyu hoke.

41. H<sub>v</sub>ch iki vt nana a kaniohmi tok mak o h<sub>v</sub>sh y<sub>v</sub>mohmishke, im achi tok. Mihma, Iki, ishki ita tuklo kv<sub>t</sub> ai vlhpesa keyu h<sub>o</sub> a toba hosh il v<sub>t</sub>ta tok keyu: P<sub>i</sub>ki vt achvfa, Chihowa ak oke, im achi tok.

42. Chisvs ash osh, Chihowa ak osh h<sub>v</sub>ch Iki atuk okma, h<sub>v</sub>s s<sub>a</sub> hulla he tuk oke; vno vt Chihowa yak o a kohchvt a<sub>y</sub>a li hosh vla li ha tok oka; yohmi kv<sub>t</sub> vno vm anukfila akinli hosh vla li tok keyu; amba y<sub>v</sub>mmak osh auet sa kanchi tok oke.

43. Nanta katiohmi h<sub>o</sub> vm anumpa h<sub>a</sub> h<sub>v</sub>ch ik svm akostinicho cho? vm anumpa h<sub>a</sub> haponaklo ik h<sub>v</sub>chi b<sub>v</sub>nnno kak okvt,

44. Setan h<sub>v</sub>ch iki ak o h<sub>v</sub>sh a toba hatuk osh, h<sub>v</sub>ch iki nana ai-ahni kak o ai yohma hi a h<sub>v</sub>chim anukfilvshke; y<sub>v</sub>mmak okvt vmmona kash inli h<sub>o</sub> hatak vbi a tok; micha ilap ak osh nan aiahli kv<sub>t</sub> anukfoka keyu hatuk osh, nan ai ahlika y<sub>a</sub> a hikia keyu hoke. Holabit anumpuli kv<sub>t</sub> ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ahlika y<sub>o</sub> h<sub>v</sub>chim anoli li hatuk o, h<sub>v</sub>ch ik s<sub>a</sub> y<sub>i</sub>mmoshke.

46. H<sub>v</sub>sh katima kak osh nan ai-ashvchi li tuk a h<sub>v</sub>s svm atokola hinla cho? Ahli mak o miha li hok mak heno, nanta katiohmi h<sub>o</sub> h<sub>v</sub>ch ik s<sub>a</sub> y<sub>i</sub>mmo cho?

47. Kuna kia Chihowa y<sub>a</sub> immi hokmv<sub>t</sub>, Chihowa im

anumpa ha haklo hoke; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vlhpesa ho e miha keyu cho? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke: amba Aki a-holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke; Hatak vt nana mihaha li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke; Eblaham, mikmvt hopaii vhleha aiena kvv illi tok: yohmi ka hatak vt nana mihaha li ka vm antia hokmvt, nitak nana ai-illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho? im achi tok.

54. Chisvs vt afalaminchi mvt, Vno akinli hosh ile holi-tobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanosh-ke; amba vno vto yvmma ithana lishke; yohmi kvv yvmma ak ithano hoke; achi li hokmvt, holabi hvchishno akinli ho chohmi la chi hoke; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kv̄t, tv̄li a okla aiowa tok: yohmi kia Chisvs ash ot lumvt okla ai iklvnnaka ya hlopul-lit av̄vt tempel a a kohchvt ont ia tok.

## CHAPTA IX.

Hatak vt lvpa yosh vtta tok a, Chisvs vt hoponayochi, 1 : 13 hatak ash o ilauct Falisi v̄hleha ha isht im ona ma, Falisi v̄hleha hash ot hatak ash sinakak a a kohchichi. 35 Chisvs vt ilap ak osh Chihowa ha Ushi mak atuk vt hatak yvmmak ash im il otv̄ninchī ma, hatak ash ot i yimmi cha, aiokpv̄chi.

1. MICHA Chisvs vt ont ia cha av̄ya mvt, hatak vt lvpa imoma yosh vtta tok osh av̄sha na pisa tok.

2. Mihma nan im ai ithvna v̄hleha hv̄t, Pi shahli ma! hatak ilvppak okmá, keyukmvt iki, ishki itatuklo ka a kati-ma kak osh nan ashv̄chi tok o, hatak ilvppvt lvpa imoma yosh vtta tok oh cho? achit i ponaklo tok.

3. Chisvs ash ot afalaminchi mvt, Hatak ilvppak okmá, keyukmvt iki, ishki ita-tuklo ka a kanima kak osh nana ashv̄chi tok o keyu hoke; amba Chihowa nan-isht im ai ahlika yvt ilvppak o isht ai otv̄na he mak o, ai yakohmi tok oke.

4. In toksv̄li la he mak o av̄uet sa kanchi tok oka nitaki moma kak o isht im ahanta li pullashke; ninak vt v̄la ha yokm̄vno, hatak nana kia pilesa he keyushke.

5. Yakni a ai ahanta li takla hokv̄to, yakni a in tohwikeli sia hoke, im achi tok.

6. Ilvppa mak achit ont issa mvt, yakni a on tofv̄t, lukfi a itukchi ishit ymv̄slit tahlī mvt, hatak lvpa nishkin a lukfi ash o isht im apolusli tok.

7. Mihmvt, Oka talaia Siloam, yvm̄mvt toshowakmvt, Pila, achi ho ia cha, ont okamī, im achi tok. Yohmi ma ia cha ont okami mvt, pisa hosh v̄la tok.

8. Yohmi hatuk o chuka panta hatak v̄hleha, micha yvm̄mvt lvpa yo tikba ka pisa beka tuk v̄hleha yvm̄mak ash ot, Ilvppvt ashvt nana asihihla chokv̄sh mak o keyu? achi ma,



9. Kanimi kv̄t, Ilv̄ppvt mihi yoka, achi ma, inla mvt, Peh holba hoka, achi tok : yohmi kia ilap v̄to, Mihi yō sia hoke, achi tok.

10. Yohmi hatuk o, Katiohmi hosh chi nishkin v̄to fatuma tuk oh cho ? im achi tok.

11. Mihma afalaminchi mvt, Hatak Chisvs hohchifo kak osh lukfi a yvm̄vslit, sa nishkin a isht v̄m apolusli cha, Oka talala Siloam a ia cha, ont okamí, v̄m achi ma, iv̄t ont akami li hosh, hoponayo li tuk oke, achi tok.

12. Mihma, Atuk osh mih mvt? okla im achi ma, Ak akostininchoshke, achi tok.

13. Mihma l̄vpa yō beka tuk yvm̄mak ash o ilauinlit Falisi v̄hleha h̄a isht im ona tok.

14. Yohmi ka nitak hullo nitak o Chisvs vt lukfi a yvm̄vslit cha, nishkin a i fatummi tuk a tok.

15. Yohmi hatuk o anonti Falisi v̄hleha hv̄t katiohmit hopanayo tuk a, im asilhh̄vchi akinli tok. Lukfi yvm̄vska yō sa nishkin a isht a lapohlechi na okami li tuk osh, hoponayo lishke, im achi tok.

16. Yohmi hatuk o Falisi v̄hleha kanimi kv̄t, Hatak yvm̄mvt nitak hullo nitak a holitobli keyu hokvt, Chihowa ak o a minti keyushke, achi tok. Inlaka yokv̄to, Hatak vt nan ash̄vchi atuk vt katiohmi hosh na-fehna puta yakohmi ka yvm̄ihcha hinla cho ? achi tok : yohmi mvt ilap b̄ika okla ai ita kashapvt maya tok.

17. Hatak l̄vpa yatuk ash o anonti, Chishno v̄to chi nishkin a ch̄i fatummi tuk a, yvm̄mak oka nanta isht ish achi cho ? okla im achi ma, Yvm̄mak ash ot hopaii yoke, achi tok.

18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asilhh̄acho k̄isha kv̄t, yvm̄mvt l̄vpa yatuk osh hoponayo tuk a, ik yimmo ki tok.

19. Atuk osh yvm̄mak ash o okla ī ponaklot, Ilv̄ppvt hv̄ch iso l̄vpa yosh v̄tta tok hv̄sh achi chokv̄sh oh cho ? Yohmi hokak osh katiohmi h̄o himak ano hoponayo cho ? okla achi tok.

20. Īki, ishki ita-tuklo kash ot afalaminchi mvt, Ilv̄ppvt piso, micha l̄vpa yosh v̄tta tok okv̄no il ithanv̄shke.

21. Amba nana hosh katiohmi h̄o himak ano p̄isa kv̄no,

kil akostininchoshke ; mikmvt kvna hosh nishkin a i fatummi tuk aiena kvno, kil ithanoshke ; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmvt, sinakak a a kohcha hi o, Chu okla hvst ai it ibachvftvst taba mashko hatuk o, iki, ishki itatuklo kvst Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Ulla keyu hoka, ilap ak o oh i ponakló, achit okla tok.

24. Yohmi ma atukla ma hatak lvpa yatuk ash o okla hoyo mvt, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yummak okvt nana ashvchi yokmá, keyukmá, nana hokvno ak im ithanoshke ; nana achvfa kvno ithana li ; yohmi kvst lvpa sia ha tuk kia, himak ano hoponayo li kak oke.

26. Mihma anonti, Nanta ho a chi katimichi tuk o ? Katimihchi hosh chi nishkin a fatummi tuk oh cho ? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katichmi ho atuklanchit haklo ka hvsh ahni cho ? hvchishno ak kia nan im ai ithvna toba hvchi bunna ho ? achi tok.

28. Yohmi ma okla ishtukhlakavst, Chishno ak osh yvmma nan im ai ithvna chia hoke ; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana ; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yummvt kanima yo a minti tuk a hvch ik im akostinincho ho, anonti sa nishkin a a fatummi hoka, ilvppvt na-fehvvshke.

31. Mihmvt Chihowa yvt nan ashvchi vhleha hokvno i haponaklo keyu chatuk ; amba hatak nana hosh Chihowa ya aiokpvchi, micha nan ahni ka im antia aiena yok mak o mihi yo i haponaklo chatuk a iloh ithanvshke.

32. Yakni vt toba tok a taiyakla ka lpa imoma yosh vtta tok a hatak nana kia nishkin ash i fatummi tok a annoa chatuk keyushke.

33. Hatak ilppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vtta tok ak naka nan ish pim avchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kvt a ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lpa yo toba he, yakohmit nan isht im vlhpisa hi o, yakni ilppa aya li hatuk oke.

40. Mihma Falisi vhleha kanimi kvt yvmma apeha tuk ash ot anumpa ilppa puta ka haklo mvt, Pishno ak kia lpa pia hoh cho? im achi tok.

41. Chisvs ash ot, Lpa hvchia hatuk okmvt, nan ai ashvchika yvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika yvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukvlpoba apesvchi achukma yatuk osh chukvlpoba ya vltobvt illi, 1. 19 Okla hv Chisvs a nan isht ai im anukfila kvt ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hosh otvninchi ka im anoli; 39 Chu okla hv vbi bvnna kia im a hlakofit kocha. 40 Chisvs vt ia mvt Chatan misha tvnvp o ona ma, okla laua hosh i yimmi.

1. AHLISHKE, ahli mak o huchim achi lishke, Kvna hosh chukvhlhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yummvt hukopa, mikmvt na wehpuli mak oke.

2. Amba okhissa yak o pit a chukowa hokvto, yummak osh chukvhlhpoba ya apesvchi mak oke.

3. Yummak o okhissa apesvchi atuk vt in tiwikma, itih ola ka, chukvhlhpoba yvt ithana; yohmi hatuk oka in chukvhlhpoba atuk ash hohchifo aiyuka hochifot pehlichit kohcha chatuk.

4. Atuk osh in chukvhlhpoba yash kocha welit tahlilmvt, tikba im iakma, itih ola ka, ithana hatuk okvt, chukvhlhpoba yash ot apehvt ia chatuk.

5. Yohmi kia inla itih ola hokvno ik ithana hatuk osh, apihvt ia he keyu hosh, amba i filvmmit yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yummvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ahli mak o huchim achi lishke, Uno ak osh chukvhlhpoba im okhissa sia hoke.

8. A sa tikba aya tok puta kvto hukopa, mikmvt na-wehpuli bano ha tok: yohmi hatuk o chukvhlhpoba yvt yummak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukoho-wvt, anonti kohonchvt, ai-impa ya ahayuhoncha hi oke.

10. Na-hukopa yvt hukopa, micha vbi, nan okpvni aiena he ak bieka hosh aya chatuk; amba ai okchaya ya okla ahayuchikmvt, anonti laua kvt i shahli fehna ho pisa he mak o, vno vto aya li ha tok.

11. Uno ak osh chukvhlhpoba apesvchi achukma sia mak oke; chukvhlhpoba apesvchi achukma yvt chukvhlhpoba ya ilap im ilhfiopak a a kaiyanchi hoke.

12. Amba peh ilhtohno, chukvhlhpoba apesvchi keyu hatuk, micha chukvhlhpoba yvt immi atuk keyuk mvt, na-

shoba vt minti na pisakmvt, chukfulhpoba ya issvt chvfa hoke; yohmi ma nashoba yvt yummak ash ant hoklit, chukfulhpoba yash it ai yuhli hoke.

13. Ilhtono hvt peh ilhtohno atuk okvt, chukfulhpoba ya nan isht ik ahno hatuk mak osh chvfa' hoke.

14. Ūno ak osh chukfulhpoba apesvchi achukma sia hoke; an chukfulhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfulhpoba ya isht vlhtoba hō vm ilhfiopak a aka bohyuli lishke.

16. Yohmi kvv chukfulhpoba inla mvt ilvppa ashaka ai achvfa keyu kvv vm asha hoke: yummakma pehlichit vla likma, vm anumpa ha hakla hi oke: yohmikma aiasha vt achvakma, anonti chukfulhpoba apesvchi vt achvfa hi oke.

17. Ūm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi hō keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlhpesakmvt, anonti falaminchit ishi la hi vt isht vm ai vlhpesa hoke. Nan-vlhpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi hō hvsh i haponaklo hosh? achi kvv laua ma,

21. Inlaka yokvto, Ilvppak okvt nan-isht-ahullo okpulo il ai ishi hō im anumpa keyushke. Nan-isht-ahullo okpulo vt lva nishkin a fatumma hinla hō? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha hō, yohmi tok.

23. Mihma Chisvs vt tempel anukaka Solomon im apishia nutaka ya hikikja tok.

24. Mihma Chu vhleha hash ot vlvv yummak ash o ant a folubli cha, Ik ai ithano chohmit il aiasha na katiohmi foka

chi ho ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvchim anoli li ka, ik hvchi yimmo hoke: nana ka Aki hohchifo ho isht a yvmihinchi li kak o, yvmmak osh ai vlhtokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukvhlhpoba keyu hvchia hatuk okvt.

27. An chukvhlhpoba vto vm anumpa ha haklokma, anonti vno vt ilap ma ithana li ho, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kvna kia yvmmak ash sbbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kvna kia yvmmak ash Aki ibbak a a kohchit isha hi vt iksho hoke.

30. Vno, Aki itatuklo li kvv il it ibai achvfa hoke, achi tok.

31. Mihma anonti Chu okla hash ot tvli ishit bola chi kvv tvli a okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lava ka isht a yvmihinchi li hvsh pisa tuk a, na-fehna yvmma puta tuk ash katima kak o tvli a isht hvv sa bola chi mak oh cho? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhleha hvchia hoke, achi li tok, achi kvv hvchi nan-vlhpisa holisso ha a holihiso keyu cho?

35. Chihowa im anumpa hvv ayvt ai im ahanta yo yvmmak o Chitokaka vhleha hohchifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o, Nan ik ahobalot ish anumpuli, hvsh achi hoh cho?

37. Aki vt nana a kaniohmi ak o ak yvmihcho hok mak o, hvchik sa yimmo kashke.

38. Amba yvmihchi li hokmvno, vno ak okvno hvch ik sa yimmo hoh kia, nana kv̄t a kaniohmi yvmmak o hvchi yimmi cha, Aki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok.

39. Yohmi hatuk o anonti okla ishi b̄vna tok: yohmi kia ibbak a im a hlakofi tok.

40. Mihmvt anonti ivt, Chatan misha Chan vt a baptis-mochi v̄mmona tok yvmmak o ona cha, ahanta tok.

41. Mihma okla lav̄vt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilv̄ppa isht anumpohonli tok a, momvt aiahli ha tok, achi tok.

42. Yohmi ma yv̄mma ashvt ai i yimmi kv̄t laua tok.

CHAPTA XI.

Lasalvs vt abeka na in tek v̄hleha hv̄t Chisvs a pit im anoli, 1; 17 Chisvs vt Betani a v̄la, mihmvt Lasalvs a falaminchit tanichi. 45 Laua hosh Chisvs a i yimmi kia, kanimi kv̄t Falisi v̄hleha ha ont im anoli; Chisvs vt kohchvt ia mvt, tmaha Efihaim ont anta.

1. **H**ATAK achv̄fa Lasalvs hohchifo, Meli micha itibapishi Mahla itatuklo in tmaha Betani ak o vtta yosh abeka tok.

2. Meli yvmmak osh Chitokaka ya p̄ashi ahama isht a hv̄m̄mi cha, iyi ma ilap p̄ashi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekv̄shke, achi tok.

4. Mihma ilv̄ppa Chisvs vt haklo mvt, Nan abeka ilv̄ppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chi mak oke, achi tok.

5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vtta tuk ash inli ho ahanta na nitak tuklo tok.

7. Atuk osh ymma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hvt chekosi kash o tvli a ishit chi boli bvna tuk a, anonti ymma ish ia chi ho? im achi tok.

9. Chisvs vt afalaminchi mvt, Nitak achvfa ka hvshi kanvlli vlpisa auah-tuklo chatuk keyu cho? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvt, tohwikeli kvv ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvvt, Lasalvs vt illi tuk oke.

15. Yohmi ka vno vt ymma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke; yohmi kia ymma iloh im ai onashke, im achi tok.

16. Mihma Tamas, yummvt Titimvs hohchifo hosh ymma nan im ai ithvna ai itilau vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, ymmak ash ot hollopi tuk a nitak ushta tuk o, ont akostininchi tok.

18. Betani vt Chelusalem a pit i bilika kowi tuklo foka tok.

19. Mihma i nakfi illi Mahla, micha Meli itatuklo ka hophvla chi hosh Chu okla hvt lauvv im ai itahoba tok.

20. Atuk o Mahla ash osh, Chisvs vt minti ka, haklo



makinli hosh, ivt ont afama tok ; amba Meli vto aboha anuka yash asha moma tok.

21. Mihma Mahla vt Chisvs ash o, Chitokaka ma ! ilvppa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chi nakfi vt falamvt tana chi akinli hoke, im achi tok.

24. Mihma Mahla ash ot, Nitak ont ishtaiyopi illi vt falamvt tani yummak okvno falamvt tana hi oka, ithana lishke, im achi tok.

25. Chisvs vt, Uno ak osh illi a falaminchit tanichi, mikmvt ai-okchaya aiena ka sia mak oke. Kvna hosh vno ak o a yimmi hokvto, ik illi tuk nana kia, okchaya he mak oke.

26. Micha kvna hosh okchayvt ahanta hosh vno a a yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi, Klaist yakni ilvppa aya hi a tok mak o chia ka sai yimmishke, im achi tok.

28. Ilvppa yakohmichit miha mvt, ivt itibapishi Meli a lumasit ont i howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashalika wakayvt ivt ont afama tok.

30. Chisvs vt tmaha ha ant ik chukowo kisha hosh, Mahla yvt ai afama tuk ash akinli ho hikia ha tok.

31. Mihma Chu okla hvvt apehvt aboha anuka ya mayvt hopohlvi tuk ash ot, Meli vt tushpvt wakayvt kocha ia na okla pisa mvt, Aholopi yummak o ont a yaiya chi hosh ia hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa mvt, iyi ituma ya ont hlipia cha, Chitokaka ma ! ilvppa ant ish anta tuk okma, a nakfi vt illa he tuk keyushke, im achi tok.

33. Yvmmvt yahaya ma, anonti Chu okla yvmma apihvt

ai vla tuk aiena kvt yahaya akinli na Chisvs vt pisa hatuk osh, chukvsh anukaka isht a nukhaklo fehnvt ik im vlhpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kvt, Lupa yatuk a hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt ayvt ahollopi a ona tok. Yakni chiluk o tvli yosh isht vlhkvma ha tok.

39. Chisvs ash osh, Tvli ya ishit ho kanvllichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanvllichi tok. Mihma Chisvs vt nishkin a pit vba chakalichi mvt, Aki ma! is sa haiyaklo hatuk a yak oke, chim aiahni lishke.

42. Yohmi kvt is sa haiyaklo a bilia chatuk a ithaiyana li kvno; yohmi kia okla ilvppa hiohmya kvt, chishno ak osh auet is sa kanchi tok a ai yimma chi kak o, yvmma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiena ka ahollopi ishit shema yvt isht vlhfowa ho ant kohcha tok; mihma nashuka yano nantapvski yosh isht vlhfoyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha ha im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht a<sub>u</sub>sha pehlichi vhleha, micha Falisi vhleha aiena kash ot hatak hochitoka nan apesa vhleha ha itahobi mvt, Hatak ilvppvt na-fehna la<sub>u</sub>wa ka yv-mihchi ka, nanta mak o katiohmi hosh iloh aiasha cho?

48. Ilvppa ant ik yohmi, iloh im ahni hokma, hatak mo-ma kv<sub>t</sub> i yimma chi hoke; yohmikma Loman okla hv<sub>t</sub> v<sub>l</sub>a cha, pi yakni, micha pim okla talaia aiena kash ai okpvnicha hinla hoke, achi tok.

49. Mihma achvfv<sub>t</sub> Kaiafas hohchifo hosh afv<sub>n</sub>mi yv<sub>m</sub>ma fehna ka na holitompa isht a<sub>u</sub>sha pehlichi i shahli a ai ibafohka hatuk osh, Nana ka hv<sub>ch</sub> ik akostinincho kv<sub>m</sub>oh-mishke.

50. Mikmvt hatak achvfa hosh okla ha vlhtobvt illi na okla talaia kash ot momvt ik illo ka hi a, a hv<sub>p</sub>im v<sub>l</sub>hpiesa hatuk a hv<sub>ch</sub> ik anukfilloshke, im achi tok.

51. Yohmi kv<sub>t</sub> ilap nana aiahni hosh ilvppa anumpuli ha tok keyu; amba afv<sub>m</sub>mi yv<sub>m</sub>ma fehna ka na-holitompa isht a<sub>u</sub>sha pehlichi i shahli hosh anta hatuk okvt, Klaist vt okla yv<sub>m</sub>ma vlhtobvt illa he.

52. Yohmi kv<sub>t</sub> okla yv<sub>m</sub>mak bana hi o keyu; amba Chi-howa im v<sub>l</sub>la vhleha kanima ai it afimimv<sub>t</sub> a<sub>u</sub>sha tuk aiena ma hoyot a miha chvfa ho ai itahoba he ak o, tikbanli anoli ha tok.

53. Yvmohmi hatuk o nitak yv<sub>m</sub>ma ai vhlit mihinti ka, yv<sub>m</sub>ma vba chi kv<sub>t</sub> nana it im apesvt okla ma<sub>y</sub>a beka tok.

54. Yohmi hatuk o Chisvs vt himmakma haiaka fehnvt Chu okla itintakla ya ik a hikikio ki tok; amba yv<sub>m</sub>mak ash vttvt ia mvt, yakni haiaka pit a bilika tv<sub>m</sub>maha Eflihaim hohchifo ho nan im ai ithvna vhleha ha pehliechit ahanta tok.

55. Atuk o Chu okla nan im vbanvblit ont ia yvt ai ona hosi tok; mihma ilap nan ai il atahlit ma<sub>y</sub>a chi kv<sub>t</sub>, nan-vbanvblit ont ia yvt ik ai ono kisha ho yakni yv<sub>m</sub>ma asht Chelusalem a ia kv<sub>t</sub> laua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokmá, nana ka hvchim ahoba cho? it im achit maya tok.

57. Na-holitompa isht asha pehlichí vhleha, mikmvt Falisi vhleha aiena kash ot, yummvt kanima yo anta ka hatak nana hosh akostininchi hokmvt, anoli na okla isha hinla kv̄t anum-pa vhpisa ka bohli tuk a tok oke.

## CHAPTA XII.

Meli vt Chisvs iyi ya nan-ahama im ahv̄m̄mi ma, yummvt ai vhpesa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kv̄t Chisvs a pisa bv̄nna: 23 Chisvs vt ilapvt kaniohmit illa he, anoli; 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlichí vhleha hv̄t laua hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanv̄blit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yummvt yummak o ai v̄tta chatuk o, ona tok.

2. Mihma yummak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs v̄to ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hv̄m̄mi mvt ilap pashi akinli ho iyi yash isht i kasholichi tok: mihma nan ahama balama kv̄t aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yummak oka inla ibbak fohka he mak osh,

5. Nanta katiohmi ho nan ahama ilvppvt iskvli tablepa tuchina kia isht ik v̄lbi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hukopa yatuk osh, micha yummak osh shuk-

cha ya ishi hatuk osh, nana kv̄t yv̄mma ai v̄lbeha h̄o shaiyali yatuk ak a tok.

7. Mihma Chisvs vt, Ant ik yvmihchí, ish im aiahnashke, a sa hollopa ch̄i nitak mak a hi o, ilv̄ppa ilatomba hatuk oke.

8. Ilbv̄sha yak okv̄to hv̄chim āsha na bilia chatuk; amba v̄no ak okv̄to hv̄chim anta l̄i a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihmvt Chisvs ak bano kak o keyu, amba Lasalvs, yv̄mmvt illi tuk o, falaminchit tanichi tuk ash it aieninchit pisa ch̄i hosh okla ai v̄la tok.

10. Yohmi kia na-holitompa isht āsha pehlich̄i v̄hleha hokv̄to Lasalvs ak kia aieninchit illich̄a hinla kv̄t, isht it im anumpulit maya tok.

11. Yv̄mmak atuk pulla mak o Chu v̄hleha laua kv̄t yv̄mma itv̄nowvt, Chisvs a ai i yimmi kak a tok.

12. Nitak ont atukla ma okla laua kv̄t ai-imp̄a holitopa ya itv̄nowa tuk vt, Chisvs vt Chelusalem a v̄la ch̄i hosh minti na okla haklo mvt,

13. P a m v̄pi naksish ā ish̄it, kohchvt afamvt okla ia mvt, chitoli hosh, Hosanna, Islael i m̄iko Chitokaka i hohchifo h̄o il ai eshi hosh aya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, ch̄i m̄iko vt issuba haksobish falaia himita ya on talaia hosh minti hoke, achi hosh holisso hatuk oka, Chisvs ash ot issuba haksobish falaia himita yo pisa mvt, yv̄mmak ash on talaia tok.

16. Ummona kv̄no nan im ai ithv̄na v̄hleha hv̄t ilv̄ppa ik ai akostinincho ki tok; amba Chisvs vt ont a holitopa ha yak o, nana kv̄t yakohmi hosh yv̄mma isht a holisso tok a, anonti okla hv̄t nana kash ai i yvmihchi tok aiena ka ithaiyana tok.

17. Mihma yv̄mmvt Lasalvs a ahollopi ai i howvt kohchit illi tuk a falaminchit tanichi ka, okla ap̄ihvt aya tuk ash osh ai v̄lhtokowa ka anohonli tok.

18. Yv̄mmvt na-fehna ilv̄ppa yvmihchi tuk a okla haklo tuk atuk osh, ilv̄ppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tmaha a minti tuk, Filip ash im ai ona mvv, Pi shahli ma! Chisvs a pisa pi bvvvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvv, Hatak Ushi vt a holitopa he tuk a hvshi kanvlli vlvpisa kvv ai onvshke.

24. Ahlishke, ahli mak o hvchim achi lishke, Onush nihi vt yakni anukaka yo itola cha, illi ho keyukmvv, ilap ash bievvt itonla hoke; amba illi hokmvto, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vv antia hokmvv, siakaiyashke; mikmvv kanima yo ai ahanta likma, yvmmak o an tishu hoh kia anta hi oke; hatak nana hosh vv antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlvpesoshke: yohmi ka, Aki ma! hvshi kanvlli ai vlvpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlvpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblichu li tuk osh, anonti himmakma holitoblichu la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Ūno ak atuk mak o anumpa ilvppvt auet takali hō keyu, amba hvchishno pulla kak oke.

31. Himak okvno yakni vt nana im ai vlhpisa mak oke: himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Ūno vt yakni a a mokofvt vba takali li hokmvt, hatak moma ka halvllit il a kanvllichi la hi oke, achi tok.

33. Ai-illi kaniohmi hō isht illa he ak osh anoli hosh ilvppa achi ha tok.

34. Mihma okla hash ot afalaminchi mvt, Klaist vt ahan-ta na bilia hō nan-vlhpisa holisso hā okla il a haklo chatuk; yohmi ka katiohmi hō, Hatak Ushi vt vba ya takala hi o ish achi cho? Hatak Ushi ilvppak osh kv̄ta hokak o? okla im achi tok.

35. Mihma Chisvs vt, Himonasi takla kak o tohwikeli hv̄t hvch in takanli hoke. Tohwikeli hv̄t hvchin takanli takla kak osh hvsh nowashke, yvmmak keyukma okhlili hv̄t hvchi onvtula hinla hoke. Kv̄na hosh okhlili hō nowvt aya hokv-to, kanima yo ia kv̄t ithana keyu hoke.

36. A tohwikeli hv̄t hvchin takanli takla kak osh a toh-wikinli vlla hvchia ha ch̄i kv̄t, a tohwikeli hā hvsh i yim-mashke, im achi tok. Ilvppak o Chisvs vt anumpohonli mvt, ai i filvmm̄it kv̄nia cha, ik i haiako ki tok.

37. Na-fehna laua hō itikba ya yvmmak ash ot ai yvmi-hinchi hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mvt, Chitokaka ma! nana il anoli ka kv̄ta hosh pi yimmi cho? micha kv̄ta hak o Chihowa i shakba mvt i haiaka tuk oh cho? ahanchi tok a ont aiahla ch̄i mak a tok.

39, 40. Anonti Esaias vt i himmakma, Nishkin a isht ik peso, mikmvt chukvsh ma ik akostinincho kish, chukvsh hi-mona ik anukfoyuko ki, ak hlakoficho ka ch̄i ka, nishkin a im akvmmi mvt, anonti chukvsh ma i kv̄llochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hvvt i yimmi kvv lauā akinli tok: yohmi kia sinakak a a kohchicha hinla hatuk o, Falisi vhleha pulla kak o yvmmak ash i yimmi hatuk vt okla ik otvnincho ki tok.

43. Hatak ai im aholitopa yak o im achukma kvv, Chihoa ai im a holitopa ka im i shahli hatuk osh.

44. Chisvs vt chitoli hosh, Kvna hosh vno a a yimmi kvv vno ak o a yimmi ho keyu, amba auet sa kanchi tok yvmmak o i yimmi mak oke.

45. Micha kvna hosh vno a sa pisa hokmvt, auet sa kanchi tok ma pisa mak oke.

46. Kvna hoh kia vno a a yimmi hokvt ai-okhlilika ya ik ai ahanto ka chi mak o, nan-tolwikelī mak osh ayvt yakni a vla li ha tok oke.

47. Yohmi kia hatak nana hosh vm anumpa ha haklo cha, ik yimmo hokma, nan im apesvt ilbvshali la hi o keyushke; yakni ak o nan im apesvt ilbvshali la hi osh aya li tok keyu; amba yakni a okchalinchi la chi ha tok oke.

48. Kvna hosh vno a sa shitilema cha, vm anumpa ha ik ahnincho hokvno, achvfa hosh nan im apesvt ilbvshali kvto a sha hoke; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. Vno akinli hosh nana ka ahnit anumpuli li tuk keyu hoka; amba auet sa kanchi tok Aki ak osh nana ho achi la he, mikmvt nana ho anumpuli la he aiena ka nana vm apesa ha tok.

50. Yohmi ka i nan-vlhpisa vt ai-okchayvt bilia yoka ithaiyana lishke; yohmi hatuk osh nana ho anumpohonli li ka, yvmmvt Aki vt vno a a miha tok a mih mak o anumpuli li hoke, achi tok.



CHAPTA XIII.

Chisvs vt nan im ai ithvna vhleha ha iyi im achifa, 1. 18 Chisvs vt Chutas ak osh ishit inla im issa chi hatuk a, nana kv̄t isht v̄lhpisa ho isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hv̄t it i hulla chi ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanvblit ont ia ai-imp̄a holitopa kv̄t ik ai ono kisha ho, Chisvs vt ilapvt yakni ilvppa ai issvt, Iki a im ia chi hv̄shi kanvlli v̄lhpisa kv̄t ai ona ka ithaiyana mvt, immi hv̄t yakni paknaka asha ka i hullo hatuk vt, yv̄mma i hullo kv̄t imomvt ont illi tok.

2. Yohmi ka okhlili ai-imp̄a yvt ont vlhtaha yv̄mma fehna ma, yv̄mmak ash ishit inla im issa chi ka Setan vt Saimon ushi, Chutas Iskaliot chukv̄sh a anukfokhichi hatuk o;

3. Chisvs vt, Iki vt nana moma ka ilap ak o ibbak a fohki tok, micha ilapvt Chihowa hak o a minti ha tok osh, anonti Chihowa hak o im ia chi kv̄t ithaiyana mvt,

4. Okhlili imp̄a asha tuk vt wakayvt, im anchi ash o naksika pit bohli mvt, tikba takali ishi cha, isht il ai vsko-  
fuchi tok.

5. Yohmi ha yosh oka ya ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofanchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiya ya ish achifa chi hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kv̄no chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Saiya yak okv̄no nitak nana chik sv̄m achifo kashke, im achi tok. Chisvs vt afalaminchi mvt, Akchi achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiya ak bano

keyu kashke, amba svbbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvto himmak ma ik vlhchifo, ho iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chi hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchi yvmihchi li ka hvsh ithana cho?

13. Uno a, Na pithvnanchi, pin Chitokaka hvs si achi; yohmi ka mih sia ho mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlhpesa hoke.

15. Uno vt a hvchi yvmihchi li tuk mak o hvsh a chiyuhmicha he mak o, na hvchim abvchi li hatuk oke.

16. Ahlishke, ahli mak o hvchim achi lishke; Tishu hv i shahli ha imaiya chatuk keyu; mikma nan-vlhtoka yosh aya kvt nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li ho keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba ya isht a sai o wakelishke, achi ha tok a yvmvt ont ai ahla chi mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak o, ik ai ono kisha ho himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li ho aya ka ahninchi hokvt, vno ak o si ahninchi hoke; micha kvna kia, vno a si ahninchi hokmvt, auet sa kanchi tok mak o ahninchi hoke; im achi tok.

21. Chisvs vt yakohmiechit anumpuli mvt, chukvsh anu-kaka ai ik im vlpieso mvt, atokolit anolit, Ahlishke, ahli mak o hvchim achi lishke, Hvsh achvfona kvv svshit inla ibbak o hvs sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt asha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt asha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskaliot ak o ima tok.

27. Mihma itih fohka achvfa ishi ma, Setan vt yvmmak ash ont ckukowa tok. Mihma Chisvs vt, Nana ka ish yvmohma chi kvv tushpvt ish yvmihchashke, im achi tok.

28. Nana ka a kaniohma hi o, ilvppa im achi ka, impvt maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa asha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makinli hosh kocha ia tok; mihma yvmmvvt ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ahlit holitopakma, anonti Chihowa yvt yvmmak o isht a holitopa ai ahla chi mak oke.

32. Chihowa yvt yvmmak o isht a holitopa ai ahli hokmvt, Chihowa yvt anonti ilap inlit yvmmak ash o ai isht il

a holiloblichi ai a\_hla chi\_ a\_kinli: micha chekosi fehna yvm-mak ash o holiloblichi ai a\_hla chi\_ mak oke.

33. Chipota v\_hleha ma! chekosi takla kak o hvchi takla a\_sha lishke; yohmi ka hvs sa hoya chi\_ hoke; Chu okla h\_a, Kanima yo ai ia li hoka, hvsh ona he keyushke, im achi li tuk mak osh anonti hvchishno ma himonasi a hvchim achi lishke.

34. Hvsh it i\_ hullo kv\_t, vno vt hvchi\_ hullo li tuk a ohmi-chi hosh hvchishno yak kia hvsh it i\_ hulla he mak o, nan v\_hpisa himona ka hvch ima lishke.

35. Hvchishno b\_ika yvt hvsh it i\_ hullo ilvppa pulla kak o nan vm ai ithvna hvchia hatuk a, hatak moma kv\_t isht ithaiyana he mak oke, achi tok.

36. Saimon Pita yash ot, Chitokaka ma! katima ko\_ ish ia chi\_ hoh cho? im achi ma, Chisvs-vt afalaminchi mvt, Kanima yo ia li hoka, himonasi kvno pit is siakaiya he keyushke; yohmi kia i\_ himmak o pit is siakaiya hi oke, im achi tok.

37. Pita yash osh, Chitokaka ma! Na katihmi ho\_ himonasi akinli kvno pit ak chiakaiyo ka hinla cho? chishno a pulla kak o vm ilhfopak a aka bohyuli lashke.

38. Chisvs vt afalaminchi mvt, Uno a pulla kak o chim ilhfopak aka ish bohyula chi\_ cho? Ahlishke, ahli mak o chim achi lishke; Akaka yvt ik olo kisha ho, hituchina ha chik svthano ish miha chi\_ hoke, im achi tok.

#### CHAPTA XIV.

Chisvs vt nan im ai ithvna v\_hleha h\_a pehlichit impvt a\_sha moma hosh, apihvt vba yakni a ont okla a\_sha hi a, i miha, 1; 13 micha ilap hohchifo hak o nan isht asilhvvt anumpuli hokvno moma im aighlicha hi vt miha. 15 Chisvs vt nanuktalali inla auet ima hi vt miha.

1. HUCHI chukvsh vt nana ik hvchi\_ kaniohmo kashke; Chihowa h\_a, oh i\_ yimmi cha, vno ma oh a yimmí.

2. Aki in chuka ya aiasha yvt laua hoke: ik yvmohmo

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokmvt, anonti falamvt v̄la lish, vno vt kanima yo ai ahanta likma, hvchishno mvt yvmmak o hvsh ai ahashwa hi a, ant hvch ishit ai v̄tta li ka ona la hi oke.

4. Yohmi hokvt kanima yo ia li hoka pit hvsh ithana; mikmvt hina ya hvsh ithanvshke, im achi tok.

5. Tamas ash osh, Chitokaka ma! kanima yo ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Ūno ak osh hina, micha ai ahlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Ūno a hvs svthana hatuk okmvt, Aki ma hvsh ithana akinla he tuk oke: atuk kia hvsh p̄isa tuk okvt himak ai vhlit ia hokvno hvsh ithaiyanvshke.

8. Filip ash osh, Chitokaka ma! Chiki a ish p̄i haiakvchashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik svthano k̄isha tuk oh cho? kvna hosh vno a sa p̄isakmvt, Aki a p̄isa hatuk; yohmi ka katiohmi ho, Chiki a ish p̄i haiakvchashke, ish achi cho?

10. Ūno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kv̄t vno akinli vm anukfila hosh anumpuli li keyushke; amba Aki svbai achafa yvmmak osh nana ka ai yvmihchi hoke.

11. Ūno vt Aki a ibai achafa likma, anonti Aki vt auet svbai achafa ka hvs sa yimmashke; keyuk mak heto nana kv̄t a katiohmi tuk yvmmak pulla kak o isht ai hvs sa yimmashke.

12. Ahlishke, ahli mak o hvchim achi lishke, Kvna hosh a yimmikmvt, vno nana ai yvmihchi li tuk ash yvmihchi akinla hi oke: yohmikmvt vno vto Aki a im ia li hatuk oka, nana kv̄t a fehna ilvppa puta ka i shahli ho yvmihcha hi oke.

13. Micha a hohchifo pulla ho nana ka isht hvsh asilhha hokma, Iki vt Ushi a ai isht a holitopa ai ahla hi a, mihi yo yvmihchi la hi oke.

14. A hohchifo pulla ho nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlhpisa puta ka hvsh holitoblashke.

16. Mikma Aki a im asilhha likma, yvmmvt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmmvt Shilombish ai ahli, yvmmak oka yakni okvto pisa keyu, micha ithana keyu aiena hatuk osh, ahninja he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vlhtakla ho hvch issvt aya la he keyu; hvchim aya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Uno vt Aki a ibai achafa likma, anonti hvchishno vt vno a hvs svbai achafa na hvchishno ma hvch ibai achafa li aiena ka; nitak yvmma fehnakma hvsh akostinincha hi oke.

21. Kvna hosh vm anumpa vlhpisa vt in tonla cha, holitobli hokmvt, yvmmak osh sa holitobli mak oke; micha kvna hosh vno a sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! katiohmi ho pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt a hullo hokmvt, vm anumpa ha holitobla he; yohmikma Aki vt ilapo ma holitoblikma, il im aya cha, il ibai vtta he mak oke.

24. Uno a a hullo keyu hokvto, vm anumpa ha ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. H<sub>v</sub>chi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yummvt Shilombish Holitopa mak o a hohchifo pulla hatuk mak o Aki vt auet kancha chi hoka, yummak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ahlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkoli.

CHAPTA XV.

Chisvs vt paki vpi yosh naksish puta aiena hosh nan isht vlhpisa ilvppak o hatak vt ilap ak o pit ai achafa pulla hosh vnit waya ka chohma he ai vlhpesa hatuk a anoli, 1: 9 micha ilapvt nan im ai ithvna vbleha ha i hullo fehna hatuk vt anoli mvt, 12 anonti yvmakmvt it i hullo kvv yummak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yummakma i nukkillit ilbvshacha hi a im anoli.

1. UNO ak osh pak-vpi ahli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmvt naksish vt vni hokvto, isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchi a kashofvshke.

4. Uno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia ho keyukmvt, ilap illa kvv vna he keyu chatuk a, yvmmak i chiyuhmit hvchishno ak kia vno a hvsv svbai achafa ho keyukmvt, nana hvsh kanihma he keyushke.

5. Uno ak osh pakvpi sia hokma, hvchishno vto naksish hvchia hoke. Krna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Krna kia vno a svbai achafa keyu hokma, naksish mak o ai itilauechit kanchi na bvshi chatuk; yohmikma hatak puta mvt yvmmak ash aiowvt luak a pila na lua chatuk oke.

7. Uno a hvsv svbai achafa na vm anumpa mvt hvchi anukfoyuka hokma, nana ho hvsh aiahni cha hvsh asilhha hokvt, hvchim ai ahla hi oke.

8. Hvsh vni fehna yvmmak okmak o, Aki vt isht a holi-topa ai ahla he; yohmikma nan vm ai ithvna hvchia mak a hi oke.

9. Uno a Aki vt a hullo tok mak o, ai itilauechi hosh hvchi hullo li hoke; a sa holitobli kvv hvsh biliashke.

10. Um anumpa vlhpisa puta ka hvsh im antia hokmvt, a sa holitobli kvv a hvchi bilia he: vno vt Aki a im anumpa vlhpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmiehit hvsh it i hulla he, ilvppak osh vm anumpa vlhpisa mak oke.

13. Hatak vt i kana vhleha ha i hullo kvv im ilhfiopak a aka bohyuli hoka, hatak nana kia yvmma i shahlichit it i hulla hi vt ikshoshke.



14. Nana ho hvchim apesa li ka hvsh yvmohmi hokmvt, a kana hvchia mak oke.

15. Himak pilla kvno ilhtohno hvchi achi la he keyu; ilhtohno yokvto, i shahli hv t nana ho isht ahanta ka, akostinichi keyu chatuk; amba nana ho Aki a im a haklo li tuk vt okluyuha hvchim anoli li hatuk okvt, a kana vhleha hvchi achi lishke.

16. Hvchishno ak osh hv s si atokoli tok o keyu; amba itvnowvt vnit hvsh waya he ak atuk oke; yohmikma hvchi a waya kv aiasha na Aki a nana ho a hohchifo pulla kak o isht hvsh im asilbhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkilli kisha hosh vno a a nukkilli tok a hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk; amba yakni a hvsh ai achvfa keyu; amba vno ak osh atokolit yakni a a kohchit hvch ishi li hatuk; yohmi hatuk o yakni vt hvchi nukkilli hoke.

20. Tishu hv t i shahli ha imaiya chatuk keyu, hvchim achi li tok anumpa yvma hvsh ithaiyanashke. Vno a okla svlvshachi tok okmvt, hvchishno ma hvch ilbvshacha he akinli hoke; vm anumpa ha im antia tok okmvt, hvchim anumpa ha im antia he akinli hoke.

21. Yohmi kia auet sa kanchi tok a pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Vno ak osh ayvt vlv t ant ak im anumpulo hatuk okmvno, ai ashvchika yvt okla ik im iksho ka he tuk; amba himak okvno nan im ai ashvchika ya isht ompoholma hi vt okla ik im ikshoshke.

23. Kvna hosh vno a a nukkilli hokvt, Aki ma i nukkilli akinli hoke.

24. Vno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmvno, nan ai ashvchika yvt okla ik im iksho ka he tuk ; amba himak okvno pisa cha, anonti vno, mikmvt Aki ita-tuklo ka i nukkilli tuk oke.

25. Yohmi kia na kaniohmi keyu hq okla a nukkillishke, achi anumpa hvt i nan vlpisa holisso ha a holisso tok vt ont ai ahla chi kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ahli, Aki a a kohchvt aya mak o, Aki a im ai isht auet hvchi kanchi li vla hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apchvt hvsh aya tuk okvt, nan ai-atokowa ka hvsh anoli akinla hi oke.

## CHAPTA XVI.

Chisvs vt anonti nan im ai ithvna vhleha ha okla hvt ilbvshala chi puta ka im anoli, 1: 7 mihmvt nanuktalali, yvmmvt Shilombish Holitopa mak o auet ima hi vt miha. 16 Falamvt tani ha yvt, ilapvt i nowvt aya pulla he im anoli ; 23 ilap hohchifo pulla hq Chihowa ha nan isht im asilhha hokvto im anumpa hvt holitopa pulla hi a miha.

1. IK hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he ; ahli, kvna hosh hvchibi hokmvt, Chihowa ha holitoblichu mak o im ahoba he nitak vt mihinti hoke.

3. Yohmi kvv Aki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yvmmvt ai ona hokma, yvmmak oka hvchim anoli li tok a hvsh ithana he mak o, ilvppa puta ka hvchim anoli li hoke. Yohmi kvv vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak o falamvt im ia la chi hoke ; yohmi na hvsh kanima kia, Katima yo ish ia chi cho ? achit hvchik sa ponakloshke.

6. Amba ilvppa puta ka hvchim achi li kak o, nanukhaklo kv̄t hvchi chukvsh ā alotolishke.

7. Yohmi kia ahli mak o hvch im anoli lishke. Ūno vt ia li hok mak o nan isht a hvchim vlhpiesa chi hoke; vno vt ia li keyu hokmvno, nanuktalali vt hvchim aya he keyu: amba ia li hokmvto, yvmma auet hvchi kanchi la he mak oke.

8. Yohmikma yvmmak osh vlakmv̄t, ai ashvchika, micha nan ai vlhpiesa, mikmv̄t nan-vlhpisa aiena ka okla puta ka, anukfohkicha hi oke.

9. Ūno ā okla ā yimmi hatuk keyu hoka, nan im ai ashvchi hatuk ā im otv̄nihincha he;

10. Ūno vt Aki ā im ia li; yohmi na himmakma hvch ik sa peso hatuk oka, nan ai vlhpiesa hatuk ā im otv̄nihincha he:

11. Yakni ā ai i shahli hv̄t nan im vlhpisa hatuk oka, nan-vlhpisa ma im otv̄nihincha hi oke.

12. Na hvchim achi la he yokv̄to vm āsha moma akinli kia, himonasi okv̄no yvmmak oka hvsh akostinincha he keyushke.

13. Yohmi kia Shilombish ahli, yvmmv̄t vla hok mak osh, nan ai ahlika puta ma hvch ithv̄nancha hi oke; yvmmak okv̄t ilap nana aiahni hosh anumpula he keyu hokv̄t; amba nana ho haklo tuk mak osh mihi yo anumpula hi oke; mikmv̄t nana a kaniohma he puta ka hvchim otv̄nihincha hi oke.

14. Yvmmak okv̄t vno ak o vm ai ishi cha, hvchim otv̄nihincha hi okv̄t, vno ā sa holitoblicha he mak oke.

15. Nana moma Aki vt im āsha kv̄t vmmi hoke; yohmi hatuk mak o, vno ak o vm ai eshi cha hvchim otv̄nihincha he, hvchim achi li tuk oke.

16. Chekosikma hv̄s sa pisa chi keyushke; atukmv̄t anonti Aki ak o im ia li hatuk oka, chekosikma hv̄s sa pisa hi oke, im achi tok.

17. Yohmi ma nan im ai ithv̄na vhleha kaniohmi kv̄t, Chekosikma hv̄s sa pisa chi keyushke; anonti Aki ā im ia li hatuk oka, chekosikma hv̄s sa pisa chi hoka hv̄pim achi ka, ilvppak osh katiohmi hoh cho? ilap bika it im achit maya tok.

18. Yohmi hatuk osh, Chekosikma, achi ilvppvt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo bvna ka Chisvs vt im ithana hatuk osh, Chekosikma hvs sa pisa chi keyushke: atuk osh anonti chekosikma hvs sa pisa chi oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokvto nishkin okchi mintit hvsh yahaya chi hoke; yohmikma yakni vto na-yukpa chi hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvt vlla in tonla chikmvt, hvshi kanvlli vlpisa hvt im ai vla hokvt ilbvsha hoke; yohmi tuk kia hatak osh tobvt yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chi akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchi kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Ūno a hohchifo hō nana ka Aki a isht a hvsh im asilhhakma, hvch ima he mak oke.

24. Tikvvt a mihinti hokvno a hohchifo ha nana ka isht hvch ik asilho ke tuk; oh asilhhá; yohmikmvt na hvchi yukvvt isht alotowa chi ka, hvsh habena he mak oke.

25. Nana ilvppa puta ka nan isht vlpisa hō isht hvchim anumpuli lishke; yohmi kia himmakma nan isht vlpisa hō isht ak hvchim anumpulo hosh, amba otv ninchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo ha nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o a

kochvt aya li hatok a hvchi yimmi tuk: yohmi hatuk o Aki vt ilapo akinli kv̄t hvchi hullo hoka.

28. Aki ak o a kohchvt aya hosh yakni a v̄la li tok osh; anonti yakni ash issvt, Aki a im ia li hoke, im achi tok.

29. Nan im ai ithvna v̄hleha hash ot, Inta! himak okvno achukmalit isht pim anumpuli cha, nan-isht v̄lhpisa h̄o chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akos-tininchishke; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminchi mvt, Himak ano okla hvchi yimmi cho?

32. Inta! hatak vt ilap in chuka aiyukali ka ai ita fimim-pvt ilap banochit hvs sa filvmma chi ka hvshi kanvlli ai v̄lhpisa kv̄t mihinti tuk osh, anonti himak okvno ai ona hoke; yohmi kia Aki ak osh si ahina hoka, vno ak illa he keyushke.

33. Vno pulla h̄o nana anuktanla ka hvsh iesha he mak o, ilvppa puta ka isht hvchim anumpuli lishke. Yakni pak-naka yokvno na palvmmi puta kv̄t a hvchim aiasha he; yohmi kia hvchi nuktanla achukmashke; vno vt yakni a imaiyachi li tuk oke, im achi tok.

CHAPTA XVII.

Ishit inla ibbak fohka chi ninak a Chisvs vt v̄ba pit anumpuli kv̄t, ilapvt illi tuk vt falamvt tani ha ya, Chihowa hv̄t nan im ai ithvna v̄hleha h̄a apelahanchi na im anukfila hv̄t ai it achvfa he, 1; 20 Chihowa, Ushi ita tuklo ka im anukfila pit ai itachvfa he: 24 yohmi cha ilap vt v̄ba yakni a holitopvt ahanta ka ont apehvt maya he puta ka v̄ba isht anumpohonli.

1. ANUMPA ilvppa puta ka Chisvs vt anumpohonli mvt, v̄ba pit v̄ba chakali cha, Aki ma! hvshi kanvlli v̄lhpisa yvt ai onvshke. Chiso h̄a ish holitoblichi na anonti chiso mvt chi holitoblichi akinlashke.

2. Laua kv̄t kaniohmi h̄o ish im ihisa tuk ma, yvmmak

ash ai okchayvt bilia yo yvmmak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblichi lishke. Natoksvli isht ahanta la hi o is svm apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is soma hatuk a, chi hohchifo ha im otvninchi li hokvno; yvmmak okvt chimmi hatuk o, is soma hatuk oka, chim anumpa ha okla holitobli tuk oke.

7. Nana ka is soma tok okluyuha kvv chishno ak o a minti hatuk a himak okvno okla akostininchishke.

8. Anumpa is soma chash yvmmak o ima li hokvno; mihma yvmma okla aiokpvchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yvmmak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is soma tok a, yvmmvv chimmi vhleha hoka, isht chim ilbvshvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yvmma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is soma tok vhleha ilvppak oka chishno chi hohchifo pulla hatuk mak o ish apesahanchi na yvmmak mvt ai itibai achvfa kvv pishno a chiyuhmashke.

12. Pehliechit yakni paknaka ai ahanta li moma kvvto chi hohchifo pulla ho isht ai apesahanchi li tok: is soma tok vhleha yvmmak oka apesahanchi li ma, achvfa kia ik kvnio

h<sub>o</sub>, amba Holisso Holitopa vt ont ai a<sub>h</sub>la ch<sub>i</sub> kak o, nan-ok-pvni ushi ak illa tuk oke.

13. Yohmi ka vno pulla hatuk mak o a nan-isht ilaiyukpa ma ilap inlit okla il ai esha hi o, ilvppa puyuta ka yakni paknaka isht ai anumpohonli li, yohmi tuk osh himak okvno chim aya li mak oke.

14. Chim anumpa ha ima li tuk oke: yohmi ma yvm-mak okvt yakni a ai immi keyu kv<sub>t</sub>, vno vt yakni a ai immi sia keyu kak inli h<sub>o</sub> chohmi hatuk o, okla i nukkilli hatuk oke.

15. Yakni ak o a kohchit ish isha hi o chim asilhha li keyu; amba apesahanchit nan-okpulo ak o ishit chik ahalai-yacho ka he ak oke.

16. Yakni a ai immi keyu kv<sub>t</sub>, vno vt yakni a ai immi sia keyu kak inli h<sub>o</sub> okla chiyuhmi hoke.

17. Yvmmak oka na chim ai a<sub>h</sub>lika pulla kak o isht ish i kashofichashke; chim anumpa hak osh nan ai a<sub>h</sub>lika yoke.

18. Chishno vt yakni paknaka ya auet is sa kanchi tok mak o, chohmichit vno mvt ilvppak ma yakni paknaka ya a tihlehinli lishke.

19. Micha ilap ak kia nan-ai a<sub>h</sub>lika ya ai isht a kashofa ch<sub>i</sub> ka, vno vt ilvppak pulla hatuk mak o ile kashofichi li hoke.

20. Micha ilvppa illa h<sub>o</sub> isht asih<sub>i</sub>hla li keyu; amba ilvppa pulla im anumpa hatuk mak o a yimma he aiena kak oke.

21. Moyumvt ai itib achvfa kv<sub>t</sub>, Aki chia hv<sub>t</sub> vno a is svbai achafakma, anonti vno mvt a chibai achafa li kak inli h<sub>o</sub> okla chiyuhmi cha, yvmmak mvt pishno a a pibai achafashke: yohmi na chishno ak osh auet is sa kanchi tok a okla moma kv<sub>t</sub> ithaiyanashke.

22. Yohmikma ilvppvt ai itib achvfa kv<sub>t</sub> pishno il itibai achvfa kak inli h<sub>o</sub> chohma hi a, nan-isht aholitopa is svma tok a ilvppa ima lishke.

23. Uno vt ilvppa ai ibachafa likma, anonti chishno mvt auet is svbai achafa; ai yakohmi h<sub>o</sub> yvmmak osh ont ai a<sub>h</sub>li achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kv̄t vno a is sa hullo kak inli ho ish chohmichi ka, yakni vt ithaiya-nashke.

24. Aki ma! is sv̄ma tok v̄hleha hak kia kanima yo ai ahanta likma, si apih̄vt āsha cha, nan-isht v̄m aholitopa yv̄mma is sv̄ma tok a pisa he ak o, ahni lishke: yakni vt ik tobo k̄isha mak o is sa holitobli tok mak oke.

25. Aki āhli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok a ilvppak okv̄to akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

### CHAPTA XVIII.

Chisvs vt osapushi yo ont chukowa, 1; 6 Chutas vt Chisvs a isha chi hosh ai v̄la na, Chisvs vt anumpuli ma, falamvt obvl̄hpel̄vt aka ont fohopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvt, Annas ak o isht im ona tuk osh achakalinchi mvt, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISVS vt ilvppa puta ka ahanchit in taiyaha mvt, nan im ai ithvna v̄hleha pehlinchit Kitlon bokushi a pit tanv̄blit osapushi vt yv̄mma talaiia tuk o, nan im ai ithvna v̄hleha hash ai it apih̄vt ont chukowa tok.

2. Yohmi ka Chisvs vt nan im ai ithvna v̄hleha ha pehlichit yv̄mma ai ona fehna chatuk a ishit inla im issa tok Chutas ak kia yv̄mma pit ai ithana tok.

3. Yohmi hatuk osh Chutas ash ot hatak ai-itapeha achufa, i kv̄pitvni v̄hleha aiena ka na-holitompa isht āsha pehlichi v̄hleha, mikmvt Falisi v̄hleha aiena ka ai im ai ishi mvt, p̄vla afohka, mikmvt na shimahli p̄vla, micha na halupa aiena ka sholi hosh yv̄mmak ash ai v̄la tok.

4. Yohmi ma Chisvs vt nana hosh ilapa ai onvtuyula chi



puta moma ka ithana hatuk okvt, ivt ont afamvt, Kvta ho hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Uno ak osh mih sia mak oke, im achi makinli ho, okla obvlhpelvt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Uno ak osh mih sia hatuk vt hvchim anoli li kvno; yohmi hoka vno ak o hvsa sa hoyo hatuk okmvt, ilvppak okvno asht ik itvnowa, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai ahlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlichy i shahli in tishu ho isht fahamvt, haksobish isht impak imma ya chanlit hokofi tok. Tishu hohchifo hv Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko Aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlichy i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vlhlobvt illa he ak o ai vlhpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai itbvna achvfa yvmmak oka na-holi-

tompa isht asha pehlich*i* i shahli hvt ithana hatuk o, Chisvs a awant na-holitompa isht asha pehlich*i* i shahli i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achvfa na-holitompa isht asha pehlich*i* i shahli hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita ya ilaue*l*it chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilhtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hiki*v*t libisha tok.

19. Na-holitompa isht asha pehlich*i* i shahli ash ot Chisvs a nan im ai ithvna vhleha, mikmvt nan isht im avchi aiena ka ai im asilhhvchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o nana ai ithvnanchi li chatuk; yohmi kv*t* luma chohmi hokvto nana ak achoshke.

21. Na katihmi ho vno ak o is svma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk a okla ithana hoke, achi tok.

22. Ilvppa yakohmichit anumpuli ma, nan-vlhtoka vhleha hvt achvfv*t* bilikasi hikia tuk osh, Chisvs ash ibbak isht pasalichi mvt, Na holitompa isht asha pehlich*i* i shahli ya yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlhpeso ho anumpuli li hokma, nan ik vlhpeso mak o isht ish atokolashke: amba vlhpesa tuk mvno, katihmi ho is svss*o* cho? achi tok.

24. Yvmmak ash ot talakchi na Annas vt na holitompa isht asha pehlich*i* i shahli Kaiafas a pit pila tuk a tok.

25. Mihma Saimon Pita yvt libisha hosh hikia tok : yohmi ma, Chishno vt yvmma nan im ai ithvna vhleha ha ish ibai achvfa tuk keyu? okla im achi ma, ik ahlo mihvt, Uno yokvt mih sia keyushke, achi tok.

26. Na holitompa isht asha pehlichi i shahli im ilhtohno vhleha achvft Pita yvt haksobish tvbli tuk ash i kanomi hosh, Chishno ak osh yvmma awant osapushi a ish anta ho, chi pisa li tuk keyu? achi tok.

27. Mihma Pita yvt ik ahlo kash inli ho miha tok : mihma chekosi fehna akaka yvt ola tok.

28. Yohmi ma Chisvs ash Kaiafas a im ai ishit ivt, nan ai apesa yo okla isht ona tok : yvmmvt onnahinli ha tok ; yohmi kvv nan-vbanvblit ont ia ya ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho? achi tok.

30. Mihma okla afalaminchi mvt, Ilvppvt nanokpvni keyu hatuk okma, chibbak oka ant e chi fohka he tuk keyu hoke, okla im achi tok.

31. Mihma Pailat vt, Isht oh ia cha, hvchi nan-vlhpesa mak o isht oh ai im apesa, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vhpesa keyu hoke, okla im achi tok.

32. Yohmi ka Chisvs vt kaniohmit ai-illi yo ai illa hi vt anumpohonli tok a, ont ai ahla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs a i howa mvt, Chishno ak osh Chu okla i miko chia mak oh cho? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno a isht a chim anolikma, nanta tuk o ilvppa ish achi cho? im achi tok.

35. Pailat vt afalaminchit, Uno vt Chu sia ho? chishno chim okla ash inli, mikmvt na holitompa isht asha pehlichi vhleha aiena kak osh chishit svbbak a fohki tuk oke. Nanta mak o ish katiohmi tuk oh cho? achi tok.

36. Chisvs vt afalaminchi mvt, Apehlichi li ka yvt yakni

ilvppak inli keyushke. Apehlichi li ka yvt yakni ilvppak inli hatuk okma, Chu okla ibbak ak a fohko ka chi ka, an tishu vhleha hvt itihimba he tuk: amba himak okvno apehlichi li ka yvt ilvppak inli ho keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ahlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vla li tuk oke. Nan ai ahlika yo anukfoyuka aiyukali hokvto, vm anumpa ha haponaklo bano hoke, achi tok.

38. Pailat ash osh, Nan-ai ahlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht asha hokvno, achvfalichit a hvchim i hotofi la he ai vlhpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu ho, amba Balabbas ak ashke, okla achi tok. Yohmi ka Balabbas vt hatak hukopa ya tok.

## CHAPTER XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yo iachokolichi, 1: 4 hlakofichi bvnna kia, Chu okla nan ahni kak o im antia hatuk osh, yvmmvt ititaiyukhvna ahonvhla chi mak o, im issa: 17 tvshka chipota vhleha hvt i nafohka yatuk a iti hopela: 26 Chisvs vt ishki yatuk a achukmalit apelahancha chi ka, nan im ai ithvna i holutopa yatuk a i miha cha, illi. 31 Tvshka chipota vhleha hvt, Chisvs naksi a tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs haknip a ishi cha, hohpi.

1. YOHMI hatuk o yvmma foka ma Pailat vt Chisvs a ishi cha, fvmmi tok.

2. Mihma tvshka chipota vhleha hvt kvti tvnut iachuka

ikbit, noshkobo ha iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpvchi mvt, Chu okla i miko yosh nan ik yukpa, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinicha chi mak o, ilauelit hvchi kohchi lishke, im achi tok.

5. Mihma Chisvs vt kvti iachuka ha iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesa, okla ha im achi tok.

6. Yohmi ma na-holitompa isht asha pehlichí vhleha, mikmvt nan-vlhtoka vhleha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvlichí, ititaiyukhvna ak o oh ahonvlichí; ahanchi ma, Pailat ash osh, Oh ishi cha, ititaiyukhvna ak o oh ahonvlichí; vno yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hvv afalaminchi mvt, Nan-vlhpesa hvv pin tonla: yohmi ka ilvppak okvt Chihowa Ushi ilapissa hatuk okvt, pi nan-vlhpesa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvma haklo mvt, nukshopa kvv isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima kv ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svv anumpulo mak oh cho? vno vt ititaiyukhvna ya a chi ahonvlichí la hi vt vv vlhpesa, anonti chi hotofi la hi vt vv vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima hv keyukma, vno yoka nana hv is sa kanihcha hi vt chim vlhpesa keyushke: yohmi hoka svshít avvt chibbak a ant sa fohki tuk a yvmmak osh nan-ashvchi kvv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bvnvt im anukfihinla tok: yohmi kia Chu okla hvt chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kvna hosh miko il apesakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia asha chi ka, ai il atahlit maya nitak, mihmvt hvshi kanvlli vlhpisa yvt ont isht hannali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhlichí, achi ma, Pailot ash ot, Hvchi miko ya ititaiyukhvna ahonvhlichí la chi cho? im achi ma, na holitompa isht asha pehlichí vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yvmmvt Kalkohla hohchifo ho ona tok.

18. Mihma yvmmak ash, micha inla yvt tuklo ho aieninchit ititaiyukhvna okla ai ahonvhlichí tok: Chisvs ak osh iklvna yo takali na achvfa bkvvt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lapalichí tok. Yohmi ka holisso kvvt, CHISVS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tmaha ha i bilika ha tok: yohmi ka holisso kvvt Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvvt pisa tok.

21. Yohmi ma Chu okla na holutompa isht im a<sub>sha</sub> peh-  
lichy v<sub>hleha</sub> hash osh Pailat a, Chu okla i m<sub>iko</sub>, achit chik  
holissocho kashke; amba Chu okla i m<sub>iko</sub> sia hoke, achi  
chatuk y<sub>ymmak</sub> o ish holissochashke, okla im achi tok.

22. Mihma Pailat ash ot, Nana h<sub>o</sub> holissochi li kv<sub>t</sub> holis-  
sochi li mak atuk oke, im achi tok.

23. Yohmi ma tvshka chipota v<sub>hleha</sub> hv<sub>t</sub> Chisvs a ititai-  
yukhvna ahonv<sub>hlichy</sub> mvt, i na fohka yatuk a ishit ita kv<sub>sh-</sub>  
koa ushtali cha, tvshka, chipota vt i kashampa aiyuka tok;  
mihmvt i na fohka lumbo ash kia aieninchi tok: na fohka  
lumbo yvt ahchuwa yo keyu, paknaka yak o a tvnvt maya  
hosh ont taiyaha ha tok.

24. Yohmi hatuk o, Ilvppak okvno keho hlilv<sub>ffo</sub> hosh,  
amba kvna hosh immi ha ch<sub>i</sub> ka, na shoelit kil oh a<sub>shá</sub>, ilap  
b<sub>ika</sub> it im achit maya tok; yohmi ka Holisso Holitopa vt,  
Um ilifoka ya okla it<sub>i</sub> hopela mvt, a na fohka lumbo yoka  
na shoeli isht aiasha kvno, achi ka ont aiahla ch<sub>i</sub> mak a tok;  
yohmi hatuk o tvshka chipota v<sub>hleha</sub> hv<sub>t</sub> ilvppa okla yakoh-  
mi tok.

25. Mihma Chisvs ititaiyukhvna a takali ka ituma ya ish-  
ki, micha ishki nakfish, mikmvt Meli Kleofas tekchi, mikmvt  
Meli Ma<sub>ktalene</sub> aiena hosh hiohmaya tok.

26. Yohmi hatuk o Chisvs vt ishki, micha nan im ai ithv-  
na yv<sub>mma</sub> i hullo beka tuk mak osh itatuklot hinli na pisa  
mvt, ishki ash o, Ohoyo ma! chiso ha ish pisashke, im achi  
tok.

27. Mihmvt nan im ai ithvna yash o, Chishki a ish pi-  
sashke, im achi tok. Mihma nan im ai ithvna yv<sub>mmak</sub> ash  
osh hvshi kanv<sub>lli</sub> v<sub>lh</sub>pisa yv<sub>mmak</sub> fehna ai-v<sub>h</sub>lit ia ka, ohoyo  
hash ilaelit ilap in chuka akinli h<sub>o</sub> bohli tok.

28. Yakohmi ha ya, nan okluha kv<sub>t</sub> ont ai vlhtaha ka,  
Chisvs vt ithana hatuk osh, Holisso Holitopa yvt ont ai a<sub>h</sub>la  
ch<sub>i</sub> ka, Sa tukshilvshke, achi tok.

29. Yohmi ma nan-ai-vlhto wineka alota kv<sub>t</sub> talaia tok;  
atuk o na-shatv<sub>mmi</sub> yo wineka yash alotolit hissop o ta-  
kalichit itih ha pit tikelichi tok.

30. Yohmi hatuk o Chisvs vt wineka yash ishkot pisa

mv̄t, Uhtaiyahvshke, achi tok; yohmi cha aka yuhchunukli mv̄t, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yvmmvt nitak holitopa hatuk oka, Chu okla hash osh yvmma hanali ak osh kobahli na ishit kanima ia hinla ka, Pailat a im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichy mv̄t, anonti achvfa yash kobahlichy tok.

33. Amba Chisvs vt a takali tuk a okla ona mv̄t, yvmmvto illi mashko tuk o pisa cha, yvmmvno hanali ha ik kobahlecho ki tok.

34. Yohmi kia tvshka chipota vhleha yash ot-achvfv̄t naksi a na halupa ho ishit bahli na ashalika issish, micha oka aiena hosh auet fohopa tok.

35. Yohmi ka yvmma pisa tok mak osh atokowa ka anoli; yohmi ka yvmmvt atokoli ka ai ahli hoke: yohmi ka hvchishno vt hvchi yimma chi ka, ai ahli mak o miha kv̄t ithana hoke.

36. Holisso Holitopa yvt, Foni vt ik pakoto ka he, achi kv̄t ont ai ahla chi mak o, nana kv̄t a yakohmi tok.

37. Micha anonti Holisso Holitopa ai anumpa inla mv̄t, Yvmma okla bahli tuk vt yvmmak ash pisa hi oke, achishke.

38. Micha ai yakohmi ha ya, Chosef Alimahlea minti vt Chisvs a nan im ai ithvna akinli kia, Chu okla ha i nukshopa kv̄t il aluma beka tuk osh, Chisvs haknip a isha hinla kv̄t, Pailat a ont im asilhha tok: mihma Pailat vt vlhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o ayvt Chisvs a pisa tok yvmmak ash kia vla cha, mv̄h micha a loes itibvlhto kv̄t weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hv̄t hohpi kv̄t yvmihchi chatuk mak o, yvmmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yvmma osapushi osh ta-



laia tok : mihma osapushi anukaka ya sepuvka himona, hatuk vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok ; yohmi hatuk o sepuvka yvt yvmma auet i bilikasi hatuk oka, yvmmak o Chisvs a bohliit okla tok.

CHAPTA XX.

Meli Maktalene vt sepuvka yash ona, 1. 2 Pita, Chan itatuklo kvv tushprt ivt, sepuvka yash it onachi akinli. 11 Meli Maktalene ash ot sepuvka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavvt chiya ma, Chisvs vt im ona ; 25 Wek inla hosh ont taha ho nan im ai ithvna vhleha hvv Tamas a pit a momvt itvnavvt chiya ho, Chisvs vt anonti i haiaka.

1. WEK chukowvt iahpi onnahinli fehna okhlilinchi moma ho, Meli Maktalene vt sepuvka yash ona cha, tvli yash osh sepuvka ya a kanvlli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepuvka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepuvka ya it onachi tok.

4. Yohmi kvv tuklot pit tihlaiya tok ; atuk o nan-ithvna achvfa yash ot Pita ya imaiya cha, tikba sepuvka ya ona tok.

5. Yohmi cha ont a hlipvt pit hopokoyo mvv, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvv, sepuvka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itonla tok.

8. Mihma nan-ithvna achvfa na tikba sepuvka ya ona tuk ash kia pit chukowa cha, pisa mvv, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli ho itiachi tok.

11. Yohmi kia Meli vto sepvka a kocha ya nishkin okchi mihintit hikia tok: atuk osh nishkin okchi mihintit pit aka chunulit, sepvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o asha ma, achvvt iyi pilla hatuk ak o asha na pisa tok.

13. Mihma, Ohoyo chia hvv na katihmi ho ish yahaya cho? im achit okla ma, An Chitokaka ya okla ishit kvnia tuk a chini ho, kanima yo a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikia na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi ho ish yahaya cho? Kvta ho ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kani- ma yo ont ish bohli tuk mvt, is svv anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Uba ivt Aki a ak im ono kisha hoka, is sa potoli na; amba ivt itibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla ha i nukshopa hatuk osh nan-ithvna vhleha ai itvnavt chieya ka, okhissa yvt

vlhkuma h<sub>o</sub>, Chisvs ash ot vlv<sub>t</sub> iklv<sub>nna</sub> ant hikia cha, Hvchi nuk<sub>tan</sub>lashke, im achi tok.

20. Ilvppa mak achi mvt, ibbak iti chaplinchit, naksi aiena ka i weli tok. Yohmi ma nan-ithvna v<sub>h</sub>leha hash osh Chitokaka ya pisa kv<sub>t</sub> na yukpa tok.

21. Yohmi ma Chisvs ash ot atuklanchit, Hvchi nuk<sub>tan</sub>lashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kvna im ai ashvchika yo hvsh i kashofi hoka, i kashofa he mak oke; mikmvt kvna im ai ashvchika yo hvchik i kashofo hokma, ik i kashofo ka he mak oke, im achi tok.

24. Yohmi kia Chisvs vt v<sub>l</sub>a ka, auah-tuklo yatuk a achvfa, Titimvs hohchifo Tamas vt takla a<sub>sha</sub> tok keyu.

25. Yohmi tuk o nan-ithvna v<sub>h</sub>leha inla yash osh, Chitokaka ya e pisa kv<sub>no</sub>; im achi tok. Yohmi kia, Ibbak chofak ai ahonv<sub>h</sub>la tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li h<sub>o</sub> keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna v<sub>h</sub>leha hash osh aboha an<sub>u</sub>ka aiasha ma, Tamas vt takla a<sub>sha</sub> tok; yohmi ma okhissa yvt v<sub>l</sub>hkuma h<sub>o</sub>, Chisvs vt v<sub>l</sub>a cha, iklv<sub>nna</sub> ya ant hikiv<sub>t</sub>, Hvchi nuk<sub>tan</sub>lashke, achi tok.

27. Mihmvt Tamas ash o, Chibbak ushi a auet welit, svbbak a pisa; mikmvt chibbak ma auet welit sa naksi a pit hilechi: yohmi cha, na yimmi iksho hosh ish anta na, amba chi yimmi kv<sub>t</sub> a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa h<sub>o</sub> keyu kia, yimmi tok v<sub>h</sub>leha hokv<sub>t</sub> na yukpa mak oke, im achi tok.

30. Micha na-fehna inla kv<sub>t</sub> laua h<sub>o</sub>, Chisvs vt nan im ai ithvna v<sub>h</sub>leha hv<sub>t</sub> pisa na yvmihchi mv<sub>h</sub>li tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

h̄vchi yimma he; micha h̄vchi yimmi pulla hosh yv̄mma hohchifo hatuk mak ̄ okchayvt bilia yā h̄vsh ahayucha he mak ̄, ilv̄ppa puta kv̄t holisso hatuk oke.

## CHAPTA XXI.

Chis̄vs vt, nan im ai ith̄vna v̄hleha h̄vt Tibelias okh̄vta h̄ā n̄vni hokli hosh maya h̄ō, ont im otv̄ni, 1; 12 yohmi cha nan-isht-hokli ā n̄vni im alotoli cha, anonti itibai impa. 15 Chis̄vs ā ī hullokm̄vt in chukf̄vlhpoba, micha in chukf̄vlhpobushi aiena ka im ipeta hi ā hituchina ha Pita yā ī miha; micha Pita yvt na palv̄m̄mi isht illa hi ā tikbanli im anoli. 24 Chan vt ilap nana anohonli ka aiāhli, micha Chis̄vs vt na fehna ka yvm̄ihchi tok ā, inla yvt laurt āsha hosh ik holisso ka, miha.

1. ILUPPVT ai yakohmi ha ya, anonti Chis̄vs vt nan im ai ith̄vna v̄hleha h̄ā Tibelias okh̄vta hak ̄ ont a im ile haiakv̄chi tok: mihm̄vt ilv̄ppak ̄ ai yakohmi hosh ile haiakv̄chi tok.

2. Saimon Pita, micha Tamas Titim̄vs hohchifo, mikm̄vt Nahlanael Kalili yakni Kana v̄tta, micha Sebeta ushi tuklo, anonti nan im ai ith̄vna inla tuklo aiena kv̄t ai itapehvt ma-ya tok.

3. Saimon Pita yash ot, N̄vni v̄bit ia lishke, im achi ma, Pishno ak kia chi ap̄ih̄vt il iv̄shke, im achi tok. Okla kohch̄vt iv̄t chekosi makinli h̄ō peni ā ont v̄lbeha tok; atuk osh ninak yv̄mma nana kia okla ik hoklo ki tok.

4. Atuk ̄ ont on̄v̄t taha ma, Chis̄vs vt alaka yā hik̄ia tok; yohmi kia nan-ith̄vna v̄hleha h̄vt Chis̄vs ash atuk ā ik ithano ki tok.

5. Yohmi ma Chis̄vs ash ot, Ulla v̄to ilimpa h̄vchim āsha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak ̄ n̄vni-isht-hokli ā oh okv̄chī, micha h̄vsh ahayuchashke, im achi tok. Yohmi hatuk ̄ pit okv̄chi m̄vt, anonti n̄vni yvt laua fehna ka, halv̄lli kv̄t okla na kanihma he keyu ki tok.

7. Yohmi ma nan-ith̄vna Chis̄vs vt holiobli yatuk, yv̄m̄mak ash ot, Chitokaka mak oke, Pita yā im achi tok.

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafohkvt nuni hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho a sha hatuk okvt, pen-ushi ash o alhtot nvn-isht-hokli nuni alota ka halv-lit isht ia tok.

9. Atuk osh alaka ya okla ona makinli ho, tobaksi luak vt ymma a sha ma, nuni ymma itotonla ma, pvska ak kia itonla na okla pisa tok.

10. Chisvs ash ot, Nuni himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvn-isht-hokli ash nuni hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvn-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk a ithana hatuk osh, nan-ithvna vhleha hv achvfa kia i ponaklot, Kvta chia ho ?-achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nuni ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya; Saimon, Chonas ushi chia hv is so hullo kv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukvhlhpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukvhlhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachehit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahni keyu kia, chisht aya hi oke, im achi tok.

19. Ai illi kaniohmi ho Chihowa ha isht a holitoblicha he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, kati-  
tima kak oh cho? achi tok ash osh awant aya na pisa tok.

21 Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hv, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauvt a sha, yvmmak osh momvt holisso hokma, holihiso kv, yakni ak oh kia holisso hv ai itola hi vt iksho ka hinla, vm ahobvshke. Amen.

CHISVS KLAIST

IM APOSTEL VHLEHA HVV NANA A KANIOHMI TOK.

CHAPTA I.

Klaist vt illi ha ya tok a isht annoa kaniohmi kvv vlvitvt annoa, 1. 9  
Yvmmvt vba ia isht annoa. 15 Chutvs vlvhoba hq achvfa ka atokola hi a, Pita yvt isht anumpuli.

1, 2. TIAFILVS ma! Chisvs vt vmona, nana puta a kaniohmit nan im avvchit isht mahaya tok osh, vba anum-peshi vhleha ha ilapo akinli atokoli tok vt, nana vlvhisa ka Shilombish Holitopa pulla hq isht ai ihima tok osh, vba ia tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kvv, nana ahli isht ikhaiyana he lava ka, yvmmak ash o ai isht im ile hai-akvchi cha, nana kvv Chihowa apehlichika ya, pit ai ahalaia puta ka isht anumpohonli ka, okla pisa na nitak pokoli ushta tok.

4. Micha itahobit taiyahli mvt, Chelusalem a okla issvt ik aiyo hosh; amba Iki vt nana miha tok, Yvmma hvv svv a haklo tuk vt, pit hoyot hvsh chieyashke; achit im apesa mvt,

5. Chan ak okvto oka yo isht baptismochi mvhli tok; amba hvchishno vto himmak pila ha, nitak kaniohmi keyuk-ma, Shilombish Holitopa yak o isht hvchi baptisma chi hoke; achi tok.

6. Yvmohmi na okla itahobvt chieya mvt, nan i ponaklot, Chitokaka ma, himak foka hokvno apehlichika ya falamin-chit Israel a ish ema chi cho? achi tok.

7. Mihma, Nitak, micha avvmmi puta ka, Iki vt ilapo ib-bak akinli hq fohkit ieshi ka hvsh ithana vlvhisa keyu hoke.

8. Amba Shilombish Holitopa yvt ayvt hvchim v̄la ha mvno, nana ai ahlika ya, hvsh esha he : yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke ; im achi tok.

9. Mihma nana yakohmi ka anumpulit ont in taiyaha ma, oklat p̄isa na, v̄ba ishtia ma, hoshonti hv̄t ī holhponayo h̄a ant im a luhmit ishi tok.

10. Mihma v̄ba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh ī bilikasi hieli tok.

11. Mihmvt yvmmak ash osh, Kalili hatak hvchia hv̄t, nanta katihmi h̄o shutik pilla ka pit hopokoyot hvsh hieli cho ? Chisvs ilvppak ash fehna akinli kv̄t hvchim eshit v̄ba ishtia ka, kaniohmit v̄ba ia h̄o hvsh p̄isa tuk a yvmmak inli h̄o chohmit ayvt v̄la hi oke ; achi tok.

12. Yvmohmi ma, nvnih chaha Alifit hohchifo h̄o, yvmmak okvt Chelusalem a pit bilika nitak hullo anowa v̄lhpesa h̄o asht falamvt Chelusalem a okla v̄la tok.

13. Michā okla ant chukowa mvt, v̄ba potv̄lhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfivs ushi, mikmvt Saimon Selotis, micha Chutvs Chemis itibapishi aiena kv̄t ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi v̄hleha hatuk aiena ka ai itapehv̄t im anukfila ai achv̄fv̄t v̄ba pit anumpulit, nana asilhha aiena kv̄t ik isso hosh aiasha tok.

15. Atuk o nitak yvmma foka ma ! nan ithvna v̄hleha hohchifo holhtina kv̄t tahlepa achv̄fa cha pokoli tuklo foka hosh itv̄nahv̄t chieya h̄o, Pita yvt iklv̄nna wakayvt hikia cha,

16. Hatak itibapishi li v̄hleha ma ! Shilombish Holitopa yvt tikbanli, Lewi ash itakha ai isht Chutvs a isht anumpuli tok o, Chisvs okla ishi ka in tikba hika tuk a, ik kaniohmi kia holisso ilvppvt ai ahli tuk pulla hoke.

17. Yvmmak okvt hv̄p iba holhtiena cha, anonti nan isht v̄tta ilvppa pit ahalaiā ka ieshi hatuk,



18. Micha hatak ilvppvt yoshoba isht vlhtoba tuk a osapa yo ishit chumpa tuk; micha itihpelvt akivt, iklvnna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchi tuk; yohmi hatuk o osapa yvmmvt ilap im anumpa ya, Esiltama hohchifo, yvmmvt osapa issish achi hoke.

20. Micha ataloea holisso ha a holisso kvv, Yvmmvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke; micha, Nana ai isht vtta yatuk a, inla yosh ishashke; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvvim eshi na vba ia nitak fehna ai vla ka, hatak yakohmi kvv pi apehvt, aya na bilia tok okvt, yvmmvt falamvt tani tuk a, atokowa pib ai anola chi kvv, achvfvv vlhtoka pullashke; achi tok.

23. Mihma hatak tuklot, Chosef osh Basabvs hohchifo hosh, hochifo apunta kvv Chvstvs o, anonti Mathlavs aiena ho, okla hiehlichy tok.

24. Micha okla vba pit anumpuli mvt, Chitokaka hatak moma chukvsh a ithaiyana chia hokvt, tuklo ilvppa kani-mampo kak o, ish atokoli hatuk okmvt ish otvninchi na,

25. Nan isht vtta ilvppa, micha vba anumpa isht vtta pit ahalaia aiena, yvmmak atuk o, Chutvs vt ilap ai vtta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlavs ak o onvtula na, yvmmak osh vbanumpeshi auah-chvfa kash iba holhtiena tok oke.

CHAPTA II.

Vbanumpeshi vhleha hvv Shilombish anukfohka fehna mvt, anumpa ilaiyuka anumpuli, 1. 14 Pita yvt vbanumpa isht anumpuli.

1. ATUKO Pentekost nitak vt ont vlhpiesvt taha ma, momvt im anukfila ai achvfvv mih achvfa yo chieya tok.

2. Yvmohmi ma ashaliika mahli kvllo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kv̄t luak o chiyuhmi hosh ant i haiaka, micha achvfaiyuka ant onvtoyula tok; yvmohmi na, moyumvt Shilombish Holitopa yvt isht anukfokvt alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap im anumpa aiyuka yo, ai anumpulit maya na, hatak momvt haklo hatuk osh, okla anukhlakancha tok.

7. Michā momvt okla nukhlakancha mvt, okokko! ai ahni mvt, Ilvppa anumpulit maya kv̄t momvt Kalili okla keyu hō?

8. Michā nanta katiohmi hō hatak moma kv̄t il a toba tok pim anumpa akinli hō, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatoshā micha Pontvs mikmvt Asia,

10. Fichia micha Pafilia Echip; mikmvt Libya pilla Sai-lini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa hō okla isht anumpuli na eho haiyakloshke; itim achit maya tok.

12. Michā okla momvt nukhlakancha mvt, ik ai akostinicho chohmi cha ilvppvt, Katiohma hinla hosh yakohmi hō? itim achit maya ma,

13. Anonti inla ka mvt isht yopulvt, Hatak yakohmi kv̄t oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafokvt hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht v̄lhpisa ont atuchina hoka.

16. Amba ilvppv̄to hopaii Choel vt isht anumpo-honlit,

17. Nitak himmaka pilakma yakohma hi oke : Nipi puyuta ka v̄mi shilombish ma ai isht o fohohompli la hi oke : yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvchi himithoa puta kash ot nan isht ahoba pih̄isa he ; yohmikma hatak hvchi sipokni puta kv̄t holhpokunna ma holhpokohuna hi oke.

18. Michā nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he ; yohmikma v̄banumpa isht anumpula hi oke.

19. Michā v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Michā yakohma hi oke, Kv̄na kia Chitokaka hohchifo h̄a pit hochihifokmvt okchaya he mak oke ; Chihowa yvt ahanchishke : ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke ; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchi tuk a, hvchishno akinli kak kia hvsh ithainayv̄shke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukhvna a takalichit hvsh bi tok.

24. Yv̄mma Chihowa yvt illi na-hotopa puta ka hotoffi.

cha, tanichi tok: yummak oka yummvt a foka he vllhpesa keyu hatuk oka.

25. Lewi yvt yumma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvillo ka hi a, yummak okvt svbbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Ūmi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahá, ish im ahna he keyu boke.

28. Chishno yvt ai okchaya hina puta is sum otvnichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvv itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto yumma isht atia ka yo, Klaist a ai ikbit yumma im ai asha holitopa tuk ash, ai o binila chi mak o, hilecha hi vt, anumpa kvllo isht ai im il apihisa tok a, ithaiyana tok oke.

31. Ilvppa tikbanli akostininchi hatuk osh, Klaist vt falamvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Chihowa yvt tanichi tuk o, yumma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh hahakloshke.

34. Lewi yvt vba shutik a ona tok keyu hoka; yohmi kia ilapinli kvv, Chitokaka yvt an Chitokaka ya, Svbbak isht impak imma ya ish binili na,

35. Chin twnvp vhleha h<sub>a</sub> chiyi ai o hikia ikbi lashke ; im achi tok, ahanchi tok.

36. Yvmohmi hoka, Israel okla moma kv<sub>t</sub>, Chisvs iti itai-yukhvna hvsh a takalichi chash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithai-yana pullashke ; im achi tok.

37. Yohmi ma ilvppa okla haiyaklo mvt, chukvsh vt nuk-haklo fena mvt, Pita, micha vbanumpeshi inla aiena kash o, Hatak il itibapishi vhleha ma ! nantak o e katiohma chi cho ? im ahanchi tok oke.

38. Yvmohmi ma Pita yashot, Hvsh moma kv<sub>t</sub> ile kosti-ninchit, nan ai ashvchika puta isht kashofa chi ka, Chisvs Klaist hohchifo h<sub>a</sub>, im a hvchi baptismashke ; yohmikmvt Shilombish Holitopa holhpila ka hvsh isha he mak oke.

39. Anumpa hv<sub>t</sub> hvchishno, micha chim vlla puta aiena, micha auet hopaki pilla aiasha ka moma, peh laua kv<sub>t</sub> kaniohmi ho Chitokaka hvpin Chihowa yvt pit hoyo hi a, im aya hoka ; im ahanchi tok oke.

40. Michā anumpa inla mvt laiyawa ho, isht im anumpulit, anonti atohnohonchi mvt, Aivlhpesa iksho isht ai unchululi vhleha ilvppa hvsh ai ile mokofashke ; ahanchi tok oke.

41. Yvmohmi ma im anumpa h<sub>a</sub> na yukpvt ihishi tuk puta kv<sub>t</sub> baptismo tok ; yvmohmi na nitak yvmmak inli ka hatak tahlepa sipokni tuchina fokvt ibvlhkaha tok oke.

42. Yvmohmi cha vbanumpeshi vhleha im anumpa hash, micha iti hullo aiena, micha pvska boshulichi, mikmvt vba pit anumpuli aiena kv<sub>t</sub> kullo fenhvt ah<sub>a</sub>shwa tok.

43. Yvmohmi ma hatak moma ka nukshopa hv<sub>t</sub> onvtuyula tok ; mihma nana fehna, micha nan isht ahoba laua aiena kv<sub>t</sub> vbanumpeshi vhleha hash isht a yvmohmi tok.

44. Yvmohmi ma na yimmi tuk vhleha hv<sub>t</sub> momvt ai it achvfa mvt, anonti nana puta ka ai i moma hosh ai asha tok.

45. Michā im osapa puta, vlhpoyak aiena kash okla kampela cha, hatak mominchit hatak vt nana ho bvna hatuk aiyuka ka, i hopela tok.

46. Michā im anukfila mvt ai achvft, Tempel anukakaya, nitak moma ai ah<sub>a</sub>shwa, micha chuka taloha puta ma,

puska a boshullichit itvnowa aiena mvt, chukvsh ai ahlit na yukpvt im ilhpak ma vpvvt aiashvt,

47. Chihowa ya ai okpahanchi ma, okla moyuma kvv ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli iksa ya isht ibakanli tok oke.

### CHAPTA III.

Pita, Chan ita tuklo kvv hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kvv hvshi kanvlli isht vllhpisa chakkali ho, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vttta tok o, yvmma okla iti sholit, tempel a, okla ont a chukowa ka, nanasi kia im asilhha chi ho, nitak uha tempel okhissa, yvmmvt hohchifo mvt aiukli achi ho, ont okla bohyuli beka tok o;

3. Yvmmak ashot, Pita, micha Chan ita tuklo kvv tempel a pit chukovvt okla chi ho, pisa mvt nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mvt, Auet pi pesa, achi tok.

5. Yohmi ma yvmmak ashot nana ho im a habena chi ka, im ahoba mvt im atia tok.

6. Mihma Pita yashot, Tvli holisso, micha tvli holisso lakna aiena hokvto ik svm ikshoshke: amba nana ho ishi li kvto chima lishke: Chisvs Klaist Nasalet ai vttta hohchifo pulla ka, wakaya cha nowa, achi tok.

7. Mihmvt ibbak im ishtimpak imma ya halvli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmvt nohovvt, anonti mvllit, Chihowa ma pit aiokpahanchit, yvmmak ash awant Tempel a ont chukowa tok.

9. Mihma okla momvt yvmmvt noh<sub>o</sub>wa, micha Chihowa pit aiokpahanchi aiena ka, piesa tok.

10. Mihmvt yvmmak osh na habena chi hosh tempel okhissa aiukli a a<sub>sha</sub> beka tuk a, okla ithana tok: nana kv<sub>t</sub> ai i yakohmi tuk a, okla okokko! ahnit anukhlakanchevt kvnia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehv<sub>t</sub>, o yihlepvt Solomon im apishia achi h<sub>o</sub> nutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Israel hatak hvchia hv<sub>t</sub>, nanta katihmi h<sub>o</sub> ilvppa isht hvchi anukhlakancha cho? Micha nanta katihmi h<sub>o</sub> pishno nan isht a pim ahlika akinli hokmā, keyukmvt pi achukma hokmā, nana tuk osh hatak ilvppa e nowvchi tuk o chiyubmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hv<sub>p</sub> iki vhleha in Chihowa yvt Ushi Chisvs a holitobli tok; yvmmak oka Pailat vt ant ik iá, im ahni vlvpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh a hvchim vlvpiesa chi kv<sub>t</sub>, hvsh asihihla tok.

15. Micha Aiokchaya i miko ya hvsh bi tok o, yvmmak ash illi tuk a, Chihowa yvt tanichi tok o; yvmma atokowa anoli vhleha pia mak oke.

16. Yvmma hochehifo, hochehifo yvmma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ahli, yvmma ai i yimmika pulla hosh haknip achukma aiahli ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlichi vhleha ak kia yohmi akinli tuk a, himak a ithaiyana lishke.

18. Yohmi kia Klaist vt ilvsha he a, Chihowa yvt tikba

ma i hopaii puta itih ha, nana yvmma puta ka isht anohonli tuk vt, yvmihchit ai ahlichit tok oke.

19. Yvmohmi hoka ile kostininchit im anukfila inla hvchi anukfokashke; yvmohmi na nitak hochukma Chitokaka itikba a mihinti kvv ahanlakma, nan hvsh ai ashvchika puta kvv hvchi kashofa hi oke.

20. Yvmohmikma tikba kash isht hvchim anumpa tok Chisvs Klaist a auet chvfficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih ha isht anumpohonli tok vt, ont ai ahla he vllhpiesa hoke.

22. Moses okvt hatak pin tikba vhleha ha, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana ho hvchim ahanchikma, hvsh haiyakla hi oke.

23. Yohmikma, yakohma hi oke: kvna hosh Hopaii yvmma i haponakla he keyukmvt, okla ai ibafohka tuk vt ai okpulo kvv kvnia hi oke; im ahanchi mvhli tok.

24. Ahli, micha hopaii moma, Samuel ai vhlit minti, micha ola takla ha asht isht auehinchit anumponli kvv momvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt hvpin tikba vhleha ha, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kvv ai isht ilayukpa hi oke; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvt, hvchishno ak o mominchit nan im ai ashvchika ya ai isht filvmmichit a chi yukpala chi ka, tikbanli auet chvffihinchit tok oke; achi tok oke.

#### CHAPTER IV.

Pita, Chan ita tuklo kvv aboha kvvlo vhlpitta tok, 1. 8 Pita yvt nukwaya iksho tok. 18 Vbanumpeshi vllheha hvv anumpa kvvlo im vllhpisa tok.



1, 2. MICHA okla ha im anumpulit ahashwa ma, na holutompa ish vttā vhleha, micha tempel atoni, mikmvt Satusi vhleha aiena kv̄t, yvmmvt hatak illi puta tana hi oka, Chisvs atuk mak o okla ha nan ikhv̄nanchi, micha isht anumpohonli kak o, ik im v̄lhpieso hatuk osh, ant i kocha tok.

3. Michā okla ibbak isht ieshit, aboha kv̄llo apitta na onna tok, opiā hosi tok oka.

4. Yohmi kia anumpa ha hahaklo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla i pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holutompa isht asha pehlichi, micha Kaiafvs, mikmvt Chan, micha Aliksanta, micha na holutompa isht asha pehlichi i kanomi vhleha moma aienvt, Cheluselem a ai itahoba tok.

7. Michā yvmmak ash o ai iklv̄nna hiohlechi mvt, Kv̄ta hosh nan apesa tuk o, keyukmvt nanta hochifo ho ilvppa isht hv̄sh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichi vhleha micha Israel i hochitoka vhleha hv̄chia ma!

9. Hatak iksitopo vt nan isht il ayukpa yvt im v̄lhtaha tuk a, kaniohmi ho isht a hlakofi tuk a, himak nitak a pishno ak o pi ponaklo hatuk oka,

10. Hv̄chishno vt hv̄sh moma, micha Israel okla moma kv̄t hv̄sh ithaiyanashke; Chisvs Klaist Nasalet ai vttā hochifo pulla, yvmma iti itaiyukhv̄na hv̄sh a takalichi tok o illi tuk a, Chihowa yvt tanichi tok: yvmmak fehna kak o, hatak ilvppvt isht a hlakofi cha hv̄chi tikba ya, yak hikia hoke.

11. Tv̄li ilvppak o, chuk-ikbi vhleha hv̄chia hv̄t, ik'ahobalot hv̄sh kanchi tok mak o, yvmmak ash ot chukbi ka nutak intola fehna toba hoke.

12. Michā ai okchaya mvt inla kia iiksho: shutik nutaka ya hochifo inla ma hatak puta ka auet ai ima tok o, mihi yo il ai okchaya he v̄lhpesa kv̄t iksho hoka; im ahanchi tok.

13. Yohmi ma Pita, micha Chan ita tuklo kv̄t nukwaya iksho hō okla pihisa, micha yvmmvt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yvmmvt Chisvs a apehvt aya tuk a, okla im akostininchi tok.

14. Michā hlakofi tuk hatak ashot ibafokvt hikia na, okla p̄isa hatuk osh, yvmma okla nan isht a miha he keyu tok.

15. Amba ai itvnaha ka a kohcha ch̄i ka, okla im apesa ha yokvto, ilap b̄ika it im anumpulit mayvt,

16. Hatak ilvppa nanta kō eho katimihcha ch̄i hō? na fehna ithana hinla mak o, yvmma ai isht yvmohmi mvhli tuk a, Chelusalem ai asha kv̄t momvt akostininchi hoka; anonti pishno vt ik ahlo, e miha he keyushke.

17. Amba okla hā ibai a chukovt i shahlit isht ik aiyo ka he a, i nokowa fehvt, himmak a pilla ma, hatak nana kia hohchifo ilvppa isht ik im anumpulo ka hi a, iloh im apesashke; ahanchi tok.

18. Mihmvt okla pit i howa cha, Chisvs hohchifo hā isht ik anumpulo kvmohmikmvt, anonti nan im avchit ik ahashwo ka ch̄i hō, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hvchishno ak o a hvch̄i haponaklo kv̄t, Chihowa ya, i shahlich̄i kak okmā, nanta kosh Chihowa itikba ya ai v̄lhpiesa hō anukfillit ho pesá.

20. Nana ka e p̄isa tuk, micha e hahaklo tuk aiena kv̄t, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvmma hinla kv̄t, ik akostinicho hatuk osh, achakalit nan i mihvt tahli mvt, ant ik ayá, okla im ahni tok; nana kv̄t a yvmohmi tuk a, hatak moma kv̄t, Chihowa ya pit isht holi-tobli hatuk o.

22. Hatak vt hopahki kv̄t afvmmi pokoli ushta ka atampa hō na fehna nahlakofichi ilvppvt ai i yvmohmi hatuk oka.

23. Ant ik ayá, im ahni mvno, ivt ilap ai itapeha ai asha kash itonachi tok; micha na holitompaisht v̄tta v̄hleha, hohchitoka aiena kv̄t nana im achi tuk ash mominchit anoli tok.

24. Mihma yvmma okla haklo mvt, im anukfila ai achvfv̄t,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlichih vhleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlishe, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat a ita tuklot, okla nan ik ithano vhleha, micha Israel okla aiena ka itapehvt i sanalit nana hosh kaniohma hi a, chibbak, micha chim anukfila aiena kvv, tikbanlit aiahni tok a, yvmihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chi kvv, chibbak a auet ish wihinli; micha nan isht ahoba puta, anonti na fehna puta aiena kvv chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok: yohmi ma momvt Shilombish Holitopa yvt anukfohkvv kvnia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kvv kaniohmi ka ilvppa vno vmmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ahlika chinto ka il aieshi hosh, Chitokaka Chisvs vt tani tok a atokowa okla anohonli tok: yvmohmi ma ayukpa chinto kvv mominchit onvtoyula tok.

34. Micha achvfona kia nana kv̄t ik im iksho mvt ibafoka tok keyu; amba osapa, micha chuka kia in talohmaya aiyukali atuk vt, kampilā cha, nana hosh nana kanchi ka it vlhtoba tuk puta ka, okla isht ai v̄la tok.

35. Micha yvmmak ash v̄banumpeshi v̄hleha iyi ituma ya, ant ashachi tok; yohmi na hatak vt nana ka banna ka aiyukali tuk a isht i holhpila tok oke.

36. Yohmi ma Choses atuk o, v̄banumpeshi v̄hleha hv̄t Banabas hochifo tok, yvmmvt toshowakmvt Nana im abvchi ushi achi hoke, Lefait hatak Saiplys yakni vtta vt,

37. Osapa in talaia tuk osh, kanchi cha, tv̄li holisso a isht v̄la cha, v̄banumpeshi v̄hleha iyi ituma ya, ant ashachi tok oke.

## CHAPTER V.

Ananaīvs, Safaila itatuklo kv̄t, Pita yvt nan i miha ma, illit aka kaha,

1. 12 V̄banumpeshi v̄hleha hv̄t na fehna puta yvmihinchi tok.

1. YOHMI kia hatak achvfa Ananaīvs hohchifo hosh, tekchi Safaila itatuklot, osapa kanchi,

2. Micha isht vlhtoba tuk ash kashv̄blit īshi tok; tekchi ak kia im akostininchi h̄o; micha a kashampa h̄o isht v̄la cha, v̄banumpeshi v̄hleha iyi ituma ant bohli tok.

3. Yohmi ma Pita yashot, Ananaīvs, nanta katiohmi h̄o Shilombish Holitopa ya ish i holabi cha, osapa isht vlhtoba tuk a kashv̄blit ish īsha chi ka, Setan vt chi chukv̄sh a anukfohki tok oh cho?

4. Talaya moma mvt, chishno ak o chimmi ha tok keyu? micha yvmmvt kv̄nia ha ya, chishno chibbak o foka tuk keyu? nanta katiohmi h̄o, ilv̄ppa chi chukv̄sh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvmohmi ma, Ananaīvs ashot anumpa ilv̄ppa hahaklo mvt, aka itulvt fiopissa tok; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita v̄hleha yosh wakayvt, nan abonullit isht kohcha cha, ont okla hohpi tok.

7. Mihma yummak atuk a hopaki kv̄t hv̄shi kanv̄lli isht v̄lh̄pisa tuchina foka h̄o, tekchi vt nana kv̄t yvmohmi tuk a, ik akostinincho hosh ant chukowa tok.

8. Mihma Pita yvt im anumpuli mvt, Yakohmi h̄o osapa ya hv̄sh kanchi tuk okmá, nanakmvt, is sv̄m anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi h̄o Chitokaka imi Shilombish a imoma ka hv̄sh pisa ch̄i kv̄t, hv̄chim anukfila hv̄t ai achv̄fa tuk oh cho? Ch̄i hatak a hohpi tuk, micha chishno ma isht chi kohcha ch̄i v̄hleha iyi vt okhissa ya āsha ka, pisá; im achi tok.

10. Yohmi ma mih makinli h̄o yummak ash ot iyi ituma ya ont itula mvt fioyissa tok; mihma hatak himita v̄hleha yash ot ant abeha cha, yvmv̄t illi tuk o pisa mvt, ishit kohcha cha, i hatak ont apotulit hohpi tok.

11. Mihma v̄banumpuli iksa yvt moma, micha kanihmi hosh na yakohmi ka h̄aklo tuk vt momvt nukshopa fena tok.

12. Yvmohmi ma v̄banumpeshi v̄hleha ibbak a nan isht ahoba, micha na fehna aiena laua kv̄t okla itintakla ya isht a yvmohmi tok. Mihma momvt im anukfila hv̄t ai achv̄fv̄t Solomon im apishia nutaka chieya tok.

13. Mihma inla hokv̄to nukwia kv̄t hatak achv̄fa kia ik ibafohko ki tok; yohmi kia okla hokv̄to yv̄mma ahninchi tok.

14. Mihma na yimmi v̄hleha hatak nakni, micha ohoyo puta aiena kv̄t, laua hosh Chitokaka ya ai iv̄lv̄hkaha kv̄t i shahlit ia tok.

15. Yohmi hatuk o Pita yvt ayvt ont iakma shilombish ak illa kia kanihmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika tv̄maha talohmayvt fullota ka asht minti kv̄t laua hosh abeka puta, micha na shilombish okpulo puta isht issikkopa v̄hleha hatuk aiena isht ayvt, Cheluselem a ai v̄la tok; mihma momvt hlakofit taiyaha tok.

17. Yohmi ma na holutompa isht āsha pehlich̄i, micha apeha tuk vt, (yvmv̄t Satusi iksa yatuk osh,) momvt wakaya mvt, anukhobela fehna tok.

18. Mihmvt vbanumpeshi vhleha ha, okla ibbak isht ieshi cha, okla moma im aboha kvllo yo pit apitta tok.

19. Yohmi tuk kia Chitokaka im enchil vt ninak a aboha kvllo okhissa ya ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa ha mom-inchit tempel anukaka ya ont hielit okla ha isht hvsh im anumpohonlashke; achi tok.

21. Mihma yvmma okla haklo mvt, onnahinli fehna tempel a ont abeha cha, nan ithvnanchit ahashwa tok. Yohmi kia na holitompa isht asha pehlichi vt apeha tuk ash aienvt ai vla mvt, nan apesa vhleha, micha Israel okla i hochitoka moma i howvt itahobi mvt, yvmmak ash isht vla chi ho, aboha kvllo a pit tihleli tok.

22. Yohmi tuk kia nan vlhtoka vhleha hash ot ai vla cha, aboha kvllo anukaka ya, yvmmak ash ant ik a peso mvt okla falamvt ont anolit,

23. Aboha kvllo yokvto vlhkama achukma bano, yohmi ma apistikeli yvt okhissa puta itikba kocha ya hieli ho, ont e pisa ho mvhli tuk, yohmi kia e tiwi mvt, hatak nana kia anukaka ya asha na ke peso kano; ahanchi tok.

24. Yvmohmi ma na holitopa isht asha pehlichi i shahli micha tempel atoni, mikmvt na holitompa isht asha pehlichi vhleha aiena kvv, na yakohmi ka haklo mvt, nana ak o ilvppvt ont ai vlhpiesa hinla ka, ik ai akostininchot okla aiasha tok.

25. Yohmi ma achvfa kvv ayvt okla hash ant im anohonli kvv, Yakeh! hatak aboha kvllo pit hvsh apitta tuk ash o tempel anukaka ya hielit, okla ha nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mvt, okla ha i nukshopa, yvmmak keyukmvt, tvli okla isht boa hinla hatuk osh, yvmmak ash o nan ik kanicho hosh ont pehlichit vla tok.

27. Ont okla pehlichit vla mvt, nan apesa vhleha itikba ya hiohlichi tok: yohmi ma na holitompa isht asha pehlichi yvt im a ponaklot,

28. Hohchifo ilvppa isht im avrechit hvchik ahanto ka hi

a, kullochi fehvt okla e chim apesa tuk keyu ? Yohmi kash o Cheluselem a hvchim anumpa isht ai alotolit hvsh kaiyanchi ; yohmi mvt hatak ilvppa im issish a pishno ak o isht pi onochi hvchi bunnvshke ; ahanchi tok.

29. Yohmi ma, Pita, micha vbanumpa isht vta vhleha inla aiena kashot afalaminchi mvt, Chihowa yak o il im antia kvv hatak a, il i shahlichia he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk a, tanichi tok.

31. Yvmmak o Miko, micha. Nan okchalinchi aiena cha, ilekostininchi Islael a anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokovvt anoli pia ; yohmikma Shilombish Holitopa, yvmma Chihowa yvt im antia vhleha ha ima tok a, yohmi akinli hoke ; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvfvv Falisi hatak, Kameliel hohchifo, nan vlvpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Islael okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah ! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o ; yvmmak ash o vbi ma, im antia vhleha hatuk ash ot momvt, ita fimimpvt, ont aiokpulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok : yohmi ma kaniohmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowa ; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba yvmma Chihowa yak atukmvo, ai okpunit hvsh kancha he keyushke. Yvmmak keyukmvt, Chihowa yak o itibi hosh hvsh ahashwa na hvchi alayucha hinla hoke ; im ahanchi tok.

40. Mihma, vhpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma yvmma hohchifo pulla ho na hofahya ka isht ile pisa he a, ont ai vhpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avchi, micha Chisvs Klaist isht anumpuli aiena kvt okla ik isso tok.

## CHAPTA VI.

Vbanumpeshi vhleha hvv hatak ilvsha ithana, micha anumpa ha isht anumpuli aiena, 1. 5 Hatak vlhtoka untuklot vlhtoka tok.

1. NITAK yvmmak foka, nan ithvna vhleha hvv laua kvv isht i shaht taha ma, im ohoyo vlhtakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma auhtuklo kashot nan ithvna vhleha laua kash itahobi cha, Chihowa im anumpa ha il issa cha, ai im-pa yak o isht il ai ashwa he, vhpesa keyushke.

3. Yohmi hoka il itibapishi vhleha ma ! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, yvmmak o nan ai isht vtta ilvppa e hiehlehashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvmhoma chi hoke ; achi tok.

5. Yohmi ma okla lava kash ot momvt anumpa ha aiok-



panchi tok. Yohmi mvt Istefin hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmvt Naikena, micha Taimon, micha Paminvs, mikmvt Nikolis vbanumpa nukfohka Antiak ai vtta aiena ho, okla atokoli cha,

6. Yvmma puta kash o vbanumpeshi vhleha itikba hiohlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kv̄t i shahlit ishtia fehna tok; yohmi ma na holitompa isht asha lāwa fena kv̄t ayimmika ya im antiv̄t aiasha tok.

8. Mihma Istefin vt ayimmika, micha isht ai ahlika aiena kv̄t isht alota mvt, nan isht ahoba chinto, micha nafehna aiena ka, okla itin takla ya a yvmihinchi tok.

9. Yvmohmi ma sinakak Laibatin okla i sinakak achi ho, asha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kv̄t, Istefin a itim anumpulit hieli tok.

10. Yohmi kia chukv̄sh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Michā okla puta, mikmvt i hochitoka vhleha micha holissochi vhleha aiena kash okla ilhkolihinchi na, okla i kohcha cha yvmmak ash ishi mvt, nan apesa vhleha ha isht im ona tok.

13. Michā hatak nana aholv̄bi ya hiohlechi na, yvmmak ash ot, Hatak ilv̄ppvt aholitopaka ilv̄ppa, micha nan vlhpisa aiena ka, anumpa ik ahobalo isht mihachi kv̄t ik issoshke.

14. Chisvs Nasalet ai vtta ilv̄ppvt ilv̄ppa okpv̄na he, micha nan vlhpisa puta Moses vt hv̄p ima tok a inlv̄cha he, ilv̄ppvt achi ho, okla e haklo kamo; achi tok.

15. Yvmohmi ma, itv̄nahvt maya kash ot momvt yvmmak

ash aiokchifeli fehnvt pisa ma, nashuka mvt enchil nashuka y<sub>o</sub> chiyuhmi na, pisa tok oke.

## CHAPTA VII.

Istefin a im asilhhvchi hatuk o isht il anumpuli.

1. Y<sub>U</sub>MOHMI ma na holitompa isht a<sub>sha</sub> pehlich ashot, Nana kv<sub>t</sub> yakobmi h<sub>o</sub> mvhli cho? achi tok.

2. Mihma yvmmak ashot, Hatak itibapishi li vhleha, mi-cha an tikba puta ma! hvsh haiyaklashke. Pin tikba Eblaham vt Chalan a, ont ik vtto k<sub>i</sub>sha hosh, Mesopotemia ak o anta moma ma, Chihowa holitopa yvt ant i haiaka tok.

3. Mihmvt yvmmak ash o, Ch<sub>i</sub> kanomi vhleha i filvmmi<sub>t</sub>, ch<sub>i</sub> yakni a a kohchvt ayvt, yakni chi pisachi la ch<sub>i</sub> ka, ish lashke; im achi tok.

4. Mihma Kaltia okla i yakni ash a kohchvt minti cha, Kalan ak o ant ai ahanta tok. Atuk o iki vt illi ma, yvmmak ash o a wihachit yakni ilvppa himonasi hvsh ai ahashwa ka, isht v<sub>l</sub>a tok.

5. Ulla yvt ik im iksho k<sub>i</sub>sha ma, ilap miha isht ai-unchululi aiena ka, yvmmv<sub>t</sub> immi ha he mak o, ima hi okvt, i miha tok nana kia, a binila hi a peh iyi pvtha a habli achvfa kia, ilap a ik emo ki tok.

6. Miha Chihowa yvt yakohmichit anumpuli tok: Yvma isht ai unchululi vhleha hv<sub>t</sub> yakni inla ai itvnowa he; yohmikma okla yukachit ilbvshahanchi na, afvmmi tahlepa ushta he.

7. Yohmikma oklushi nana h<sub>o</sub> i yukvt ahashwa tukma, yvma na kanichi la hi oke; yohmi ha mvno, okla kocha wiha cha, ilvppa ant a si aiokpahancha hi oke; Chihowa yvt achi tok.

8. Mihmvt hakshup t<sub>v</sub>pa nan vlhpisa ka ima tok. Atuk o Eblaham vt Aisak a ikbi cha, nitak isht untuchina ma, hakshup tvbli tok. Atuk o Aisak vt Chekob a ikbi tok o, Chekob vt hatak p<sub>i</sub>ki hochitoka auah tuklo ka ikbi tok.

9. Yohmi tuk o, hatak i<sub>k</sub>i hochitoka yash ot Chosef a i

nukkilli hatuk osh, nan isht chumpvt Echip a pit kanchi tok ; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, micha nan imponna aienvt ahanta chi ka, ima tok ; yohmi na yvmmak ashot Echip yakni, micha in chuka moma pehlich i ikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kvv onvtu-yula tok ; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kvv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtvt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvvlo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kvv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vllosi a isht kampila beka tok.

20. Yvmmak foka ma Moses vt vtta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna p̄uta aiena ka isht anta imponna tok.

23. Yvmohmi tok osh hopaki kv̄t afv̄m̄mi pokoli ushta ont v̄lh̄piesa mvt, itibapishi Islael ushi v̄hleha h̄a ī now̄t̄ aya hi oka, chukv̄sh anukfoyuka tok.

24. Yvmohmi tok osh, achv̄fv̄t nan v̄lh̄pesa keyu h̄o isht ilbv̄sha na pisa mvt, yvm̄mak ash apelv̄chi, yohmi cha, issik-kopa tuk ā atobbit, Echip hatak ash v̄bi tok.

25. Yv̄mma ibbak ak ō Chihowa yvt isht hlakoficha hi ā, itibapishi v̄hleha hv̄t okla akostininchi hatuk ā, im ahoba hatuk kia, okla ik akostinincho ki tok.

26. Yvmohmi tuk ō nitak ont atukla ma itibi hosh ash-wa ma, yvm̄mak ashot ont ī haiaka cha, itin nanaiyv̄cha ch̄i hosh, Hatak, itibapishi hv̄chia hoke ; na katihmi h̄o hv̄sh iti okpv̄ni cho? ahanchi tok.

27. Yohmi kia in chuka panta hatak okpv̄ni tuk ashot, Kv̄ta hosh na pi pehlich̄i, micha na pim apesa aiena ka chik-bi tuk ō?

28. Pilashash Echip hatak ish bi tuk vt, is sa chomicha ch̄i h̄o? achi mvt, naksi ka pit tobli tok.

29. Yohmi ma ilv̄ppa ahanchi ka, Moses vt kv̄nia cha, hatak now̄t̄ aya yosh, Matian yakni yā ahanta hosh, yvm̄mak ō ushi tuklo ka ai ikbi tok.

30. Atuk ō afv̄m̄mi pokoli ushta kv̄t ont taha ma, Chitokaka im enchil vt yakni haiaka nvn̄ih chaha Saina yā bv̄faha anȳka luak libbi h̄o, ant im a haiaka tok.

31. Moses vt yv̄mma pisa mvt, na pisa kv̄t okokko! aiahni tok; micha akostinincha ch̄i hosh bil̄ika ona ma, Chitokaka im anumpa hv̄t im v̄la kv̄t,

32. Ūno akosh chin tikba v̄hleha yā in Chihowa sia, Eblaham ā in Chihowa, micha Aisak ma in Chihowa, micha Chekob ā in Chihowa sia mak oke; ahanchi tok. Yohmi ma Moses vt wvn̄ih̄inchi mvt, atokow̄t̄ pisa nukwia tok oke.

33. Yvmohmi ma Chitokaka ashot, Shulush ā chiyi ish a shuelashke; ish a hikia yvm̄m̄vt yakni holitopa hoka.

34. Ūm okla v̄hleha Echip ai ah̄ashw̄t̄ ilbv̄sha ka pisa kv̄t pih̄isa li: micha okla yah̄aya ka hah̄aklo li chatuk;

yvmohmi cha kocha weli la chī hosh aka minti lishke. Yohmi ka mintī, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvtā hosh na pehlichī, micha nan apesa aiena ka chikbi tok o? ahanchi tok ash fena akinli ka, na pehlichī, micha na hlakofichi aiena ka, enchil bvfaha anuka ai i haiaka ka ibbak o, Chihowa yvt isht a pit chvffihinchi tok.

36. Mihma na fehna, micha nan isht ahoba puta aiena ka, Echip yakni, micha okhvta humma, mikmvt afvmmi pokoli ushta ho yakni haiaka ya, isht a kaniminchi hosh, yvmma pehlichit kohcha tok.

37. Moses ilvppak osh Israel ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he; yvmmak o hvsh i haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvnih chaha Saina ya ai im anumpuli ka awant anta; micha hvpin tikba vhleha ma ibafohka tok; yvmmak osh isht ai okchaya, nan vlpisa puta ka hvv ima chi kvv, ishi tok mak oke.

39. Yvmmak o hvpin tikba vhleha hvv im antia he keyu hosh, amba naksi ka pit tobli cha, chukvsh vt falamvt Echip a ia mvt,

40. Alon ash o Pi tikba ilhkola chī ka, Chitokaka puta ka, pim ikbī; Moses ilvppa pi pehlichī Echip yakni ai isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Michā nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chī mak o, Chihowa yvt issvt i filvmmi tok. Hopaii vhleha i holisso ha a holihiso kvv, Israel in chuka achvfa vhleha hvchia ma!- afvmmi pokoli ushta ka yakni haiaka, nan vlpoba nipi puta, micha nan isht ai okpvchi puta aiena ka, isht hvv svv ahanla cho?

43. Amba Molak im vlhtipo a, micha Limfan chin Chihowa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vlhtipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekob in Chihowa ya aboha im atahli bnna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiya ai o hikia yoke. Chuka nanta ho hvš sv̄m ikba chi ho? mikma a foha li ak osh nanta ho?

50. Uno sv̄bbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kv̄llo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i sv̄nalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vliha ha katima kak o hvchin tikba vhleha hvt ik ilbvshacho ki tok o? Micha Aiahli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlhpisa ya auet tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mvt, chukvsh vt nvhla tok; micha yvmmak ash noti isht o shakan-lichi tok.

55. Yohmi kia yvmmak okvt Shilombish Holitopa anukfohkvvt kvnia hatuk osh, vba ya pit ai okchifeli fehnvt hopokoyo mvt, Chihowa im aholitopaka, micha Chisvs vt Chihowa im ibbak ishtimpak imma ya hikia aiena ho, pisa tok.

56. Michā, Ūba yvt tiwa, micha Hatak Ushi vt Chihowa ibbak isht impak imma ya auet hikia aiena ho, pisa lishke; achi tok.

57. Yohmi ma chitoli fehnvt okla tasali mvt, haksobish a akvmmi cha, achvfa chohmit o yihhleptv tumaha ha ishit a kohchi cha, tvli ishit boli tok.

58. Yohmi ma nana atokowa anoli vlheha hashot, ilap anchi a hatak himita Sal hohchifo ho, iyi ituma ont ashachi tok.

59. Michā Istefin vt pit im payvt, Chitokaka Chisvs ma! Sa shilombish a ish ishashke; ahanchi na, okla tvli ishit boli tok.

60. Yohmi ma hvchukbihleptv hikia cha, chitoli hosh, Chitokaka ma! ai ashvchika ilvppa isht ish onochi ná; achi tok. Michā ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli iksa ahilichi, 5. 26 Ehliopia hatak anumpeshi yo baptismochi.

1. YUMMUT illi ka Sal vt vlhpesa ahni tok. Michā nitak yvmma foka ma, vbanumpuli iksa Cheluselem ashwa tok a i palvmmichi fehna tok; yohmi ma momvt ita fimimptv Chutia yakni, michā Samelia aiena a mominchi na, vbanumpeshi vhleha hash illa tok.

2. Yohmi ma hatak hochukma yosh Istefin a hohpit taiyahli mvt, okla isht yaiya fena tok.

3. Yohmi ma Sal vto, vbanumpuli iksa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hvt, yvmmvt na fehna yvmihinchi ka haklo, micha pihisa aiena mvt, im anukfila ai achvfvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlvvt lava ka a kocha wiha hatok o; micha palsi isht abeka lava tuk, micha imomokpulo aiena tuk vt hlakofi tok.

8. Yvmohmi ma tmaha yvmma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmmak inli ka ai isht ahullot ahantvt, ilap ak osh hatak na fehna mak o, mihaha cha, Samelia okla ha nukhlakvshli tok.

19. Yvmmak o, chipunta, micha asvno aiena kvvvt momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Mich a yvmmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvvvt baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkvvt avvt, na fehna, micha nan isht ahoba puta aiena kvvvt a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmmak ashot itonanchi mvt, okla Shilombish Holitopa anukfohka chi ka, vba pit isht anumpulit oklat tok.



16. Yvma foka ma, achvona kia yvmmvt ik onvtulo kisha ha tok; Chitokaka Chisvs hohchifo ha isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka ho, pisa mvt tvli holisso ant i weli cha,

19. Uno ak kia nan isht im ai ahlika ilvppa hvs sama na, kvna ho vno vt svbbak isht umbitepa likma, Shilombish Holitopa yvt ai anukfohkashke, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vlhtoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihhla na, yohma he yobakma, chi chukvsh im anukfila yvt chi kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka ya pit im ilbvshvt isht hvs si anumpuli na, na yakohmi hvsh anumpuli tuk a achvona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa ha atokovt anolit, isht anumpohonli cha falama mvt, Samelia okla in tmahushi lava ka vbanumpa isht ai anumpohonlit, Cheluselem a itvlachi tok.

26. Yvmohmi ma, Chitokaka im enchil vt Filip a im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa.

hosh, yummak osh tvli holisso a mominchit i shoyuli yosh uba pit aiokpucha chi hosh, Cheluselem a vla tok osh,

28. Falamvt ia kv̄t im iti chanvlli anukaka binilit, Esaias hopaii i holisso ha itim anumpvli tok.

29. Mihma Shilombish vt, Filip a, Bilika ona cha, iti chanvlli ilvppa ont ibafohká; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh vm abvchi ho keyukma? achi tok. Mihmvt, Filip vt pit oiya cha, awant asha hinla ka; ahni tok.

32. Anumpa holisso holiropa ai itim anumpuli ka ilvppak a tok. “Chukfi vlpoba chohmi ho yvma ai illi hvllat ishtia tok; micha chukfi vlpou-shi yosh hishi im vmo in tikba hikia kv̄t, nan ik ayo chatuk a chohmit, yummvt itih ha ik wakvmmo ki tok:

33. “Ilbvsha fena ma, nan ai vlpiesa ka im ishi tok. Im ilhfiopak a yakni a ai ishi tok oka; im ai itilauj kv̄t ahashwa tok a, kv̄ta hosh anola hinla cho?”

34. Mihma anumpeshi vto, Filip a afalaminchi mvt, Chi ponaklo lishke; Kv̄ta ho hopaii vt ilvppa isht anumpuli ho? Ilapo akinli hokmá, keyukmvt hatak inla yokmá, nanta ho? achi tok?

35. Mihmá Filip vt itih ha wakvmmi cha, holisso mihi ash inli ho ai isht ivt, Chisvs a isht im anumpohonli tok.

36. Yvmohmit hina fohkv̄t mahayvt okla mvt, oka nana kia ont a hieili tok. Mihma anumpeshi ashot, Yakeh! oka yoke; baptismo la hi a nanta kosh ai atakvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlpiesvshke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanvlli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yummak ash baptismochi tok.

39. Yvmohmi ma oka yash ai ashvvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananavrs vt ayvt im ona ma, baptismo tok. 20 Pal vt nukwaya iksho hosh Klaist a isht anumpohonli.

1. YUMOHHMI ma, Sal vt Chitokaka i nan im ai ithana vhleha ha i nokowa, micha vbi aiena he fiovt kohonchi kvv imoma mvt, na holitompa isht asha pehlichy im ona tok.

2. Micha sinakak puta, Tamaskvs asha ka, nakni okma, keyukmvt ohoyo hokma nana hosh, ilvppa chohmi kvv asha na, ahayuchikmvt talakchi o Cheluselem a pehlichit vla hinla kvv, yvma puta pit holisso ha, im ikba hi a, im asillha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kvv yvmak ash o ashalyka tommit a folupli tok.

4. Yohmi ma aka ont itula tok; micha anumpa hvv, Sal, Sal, nanta katihmi ho is svbvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Uno akosh, Chisvs ish ilbvshahanli ka sia mak oke, Na halupa puta asvvalinchit ish hahahli kvv chi palvmmi hoke; achi tok.

6. Yohmi ma yvmak ashot nukhlakanchvt wvnihinchi mvt, Chitokaka ma! nanta hak o katiohmi la hi a, si svv ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kvv, chim annoa chi hoke; im achi tok.

7. Yohmi ma hatak apehvt aya tuk ashot anumpa kvno haklo kia, hatak nana kia ik peso mvt, ik anumpolo hosh hielu tok.

8. Atuk o, Sal vt aka itolvvt tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtivt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithvna achvfa, Ananaivs hohchifo kvv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kvv, hatak Ananaivs hohchifo hosh ant chukowa cha hopokoya chi ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chi holitopa vhleha Cheluselem aiasha ka kaniohmit nan isht okpvn ka, laua ho a haklo li chatuk.

14. Micha chi hohchifo pit hohchifo vhleha mominchit takcha chi ka, na holitopa isht asha pehlichu vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Iá, nan isht vm vttá holitopa, sa hohchifo ha shoyulit, miko vhleha micha okla nan ik ithano puta, micha Isláel ushi vhleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilbvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chisvs vt chishno vt ish hopokoya cha, Shilombish Holi-

topa yvt chi anukfohka chi ho, auet sa chvffichi tuk oke ; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok ; yohmi ma ashaliika hopokoyo mvt, wakaya cha baptismo tok.

19. Micha nana impvt in taha mvt hlampko tok ; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmvt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilbvshahanli cha, ilvppa aya kvv, yvmmvt talakchi yo, na holitompa isht asha pehlichi vhleha, isht im ona chi mak atuk keyu ? achi tok.

22. Yohmi kia Sal vto hlampko kvv isht i shahlit ishtia, yohmi mvt atokovvt, ilvppak osh Klaist fehna mak oke ; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok ; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit tvli holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok ; micha yvmmvt nan ithvna yo ik im ahoboki tok.

27. Yohmi kia Banabas ato eshi cha, ilaueleit vbanumpeshi vhleha ya isht im vla tok ; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hoh-

chifo ha isht anumpohonli cha, Klik okla ma itim anumpohonli tok; yohmi kia vbi bunnvt okla aiasha tok.

30. Yohmi na itibapishi vhleha yvt akostininchi mvt, ilaelit Seselia isht vla cha, Tasvs a pit chuffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli iksa puta kvv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa ya isht ilai yukpa aienvt itvno-wa kvv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vhleha Litti ai asha tuk ash kia, im vla tok.

33. Mihmvt yvmma hatak achvfa, Enias hohchifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena asha tuk vt momvt yvmma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hohchifo, yvmmvt toshowakmvt Takvs achi ho, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvmma foka ma yakohmi tok; yvmmvt abeka cha illi tok; yohmi ma yvmmak ash okla achivvt tahli mvt, vba potvlhpo ya boyuhli tok.

38. Mihmvt Litti yvt Chappa ya pit bilika hatuk, micha nan ithvna vhleha hvv; Pita yvt yvmma anta ka, okla haklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilaelit vba potvlhpo ya okla ishit chukowa tok; mihma ohoyo vlhtakla vhleha yvt momvt apehvt biohmayvt yaiya mvt, nafohka, micha anchi chohmi, Takvs vt awant anta moma mvt ikbi tok a, haiakahanchi tok.

40. Yohmi kia Pita yvt mominchit kocha weli cha, hvvchukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, tani, achi tok; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vlhtakla puta aiena kash hoyo cha, okchaya ho ima tok.

42. Yohmi ma Chappa okla hvt momvt yvmma akostin-inchi tok; yohmi mvt lawvt Chitokaka ya i yimmi tok.

43. Mihma yakohmi tok; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTA X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vhleha ha onvtoyula.

1. HATAK achvfa Seselia ya ahanta kvv, Kanilis hohchifo hosh tvshka chipota aya achvfa, Itili okla achi ho, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlhpisa ont isht chakkali foka ho, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma! nanta hoh cho? achi tok; mihma, Uba pit ish anumpohonli, micha nan ish hopela puta aiena ka, Chihowa yvt ithaiyana he mak o vba ihiya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshvp hummvchi in chuka mvt okhvta lapali ka yo talaia ho, awant anta hoke; yvmmak osh nana ho ish kaniohma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai v<sub>tt</sub>a y<sub>a</sub> tuklo, micha tvshka chi-pota nan isht im ai ashwa bilia y<sub>a</sub> ahli achukma achvfa h<sub>o</sub> aieninchit hoyo tok.

8. Micha nan okluha kash mominchit im anolit taiyahli mvt, Chappa y<sub>a</sub> pit tihleli tok.

9. Ont onna ma okla itvnowvt mahaya mvt, tvmaha hash pit bilika ona ma, hvshi kanvlli isht vlhpisa ont isht hannali foka h<sub>o</sub>, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehnvt taiyaha cha, impa he tuk osh ; amba okla atahlit isht maya ma, holhpokuna h<sub>o</sub> chohmi tok.

11. Micha shutik vt tiwa, yohmi ma, nan ai vlhpitta yosh nan tohbi chito wishakchi ushtvt ita shekonopa h<sub>o</sub> chohmi hosh aka i mintit, yakni ant onvtoyula h<sub>o</sub>, pisa tok.

12. Mihma anukaka y<sub>a</sub> nan-vlhpoa puta, hanalushta ilia-yuka yakni aiasha kv<sub>t</sub> moyuma, micha napoa puta, micha nana aka a balvlli puta, micha vba hushi puta aiena kv<sub>t</sub> ai asha tok.

13. Yvmohmi ma anumpa hvt mintit im v<sub>l</sub>a kv<sub>t</sub>, Pita, tani cha, vbit v<sub>p</sub>a ; achi tok.

14. Yohmi kia Pita ashot, Yohma he keyushke, Chitokaka ma ! nana kv<sub>t</sub> ai vlhpesa keyu, kashofa keyu hokvno himonna kia, v<sub>p</sub>a li chatuk keyu hokvt ; achi tok.

15. Yohmi ma anonti anumpa hvt atukla ma, im anum-puli kv<sub>t</sub>, Nana h<sub>o</sub> Chihowa yvt kashofi tuk a, yvmma vlhpesa keyu, chik hochifo kashke ; achi tok.

16. Hituchina ha y<sub>o</sub> ilvppa yakohmi tok ; yohmi ma nana ai vlhpitta kash ot falamvt vba ia tok.

17. Pita yvt holhpokuna chohmit nana p<sub>i</sub>sa tuk, yvmmvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka y<sub>a</sub> a ponaklo tuk osh okhissa itikba y<sub>a</sub> hieli tok.

18. Mihmvt tahpvla cha a ponaklot, Saimon, Pita hohchifo kv<sub>t</sub>, yvmmak o antakma, nanta cho ? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh ! hatak tuchina kv<sub>t</sub> chi hoyoshke.



20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yumma vno ak osh auet tihleli li tuk oka; im achi tok.

21. Yohmi ma Pita yash ot akowvt irt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yummak osh in chuka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kvv Chappa ya asht apihvt ilhkoli tok.

24. Atuk osh yummak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Michā im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla aya hokmā, keyukmvt ont ibafohka hokmā nana ka kaniohmit im ai vlpiesa keyu ka hvsh ithaiyanvshke; yohmi kia vno yokvto hatak nana kia ik vlpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, ayvt hvchim vla li hoke. Yohmi hosh hvchi ponaklo lishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vlpisa ont isht chakkali ho, vm aboha anukaka ya vba pit ai anumpuli li tuk; yohmi ma hatak vt nafohka shohmalali fohka kvv sa tikba ya hikia tuk.

31. Mihmvt, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvchi in chuka yo anta hoke; yvmmak osh vlakmvt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kvv ish vlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ahlit akostininchi lishke—

35. Amba oklushi moyuma ka kvna hosh yvmma i nukshoyupa cha, ai vlpiesa ka yvmohmi hokvt, im a holitopa chatuk oke.

36. Chihowa yvt Islael ushi vhleha ya anumpa auet ema na Chisvs Klaist pulla ho nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmmvvt Kalili ai ishtia tuk osh, Chutia yakni a mominchit ai anumpvt hlopulli tok;

38. Kaniohmit Chihowa yvt, Chisvs Nasalet ai vttta ya Shilombish Holitopa, micha nan isht im ai ahlika aiena ka isht ahvmmichi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulo isht ilbvsha vhleha ya mominchit hlakofichit nohova tok, hvsh ithaiyanvshke.

39. Michu yvmmvvt Chu okla i yakni, micha Cheluselem aiena ka nana ho a kanimihinchi tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt tanihi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anoli vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla ha il im anumpula he, micha okchaya vhleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim apesa tok oke.

43. Yvmmak o hopaii moma kv̄t, yvmma hohchifo pulla hatuk mak o, kv̄na ho kia i yimmi hokvt ai ashvchika puta kv̄t isht a kashofa ahayucha hi a, atokolit okla anohonli tok ; achi tok.

44. Pita yvt anumpa ilvppa anumpohonli kv̄t moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tv̄ptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kv̄t o folopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakancha tok ; Mihma Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi ; yakohmi kv̄t ik baptismo ka chi ka, hatak nanta hosh oka ya im atakv̄mma hinla cho ? achi tok.

48. Yohmi mvt Chitokaka isht a hochifot okla baptisma chi, i miha tok ; yohmi ma awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 vbanumpa yvt tmaha kanohmi ka ai anumpa.

1. YUMOHMI ma vbanumpeshi vhleha micha itibapishi vhleha aiena Chutia maya tuk vt okla nan ik ithano vhleha hak kia Chihowa im anumpa ha ishi tuk a, okla haklo tok.

2. Yumohmi tuk o, Pita yvt Cheluselemi a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vummona ka silhbit im anolit,

5. Chappa tumaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlvh-pitta yvt mihinti kvv nan tohbi chito yo chiyuhmi hosh vhlh ushta ka ishi ho vba ya ai aka mihinti tok, mihmvt vno ash fehna vm vla tok.

6. Yummak ash sa nishkin a isht atokoli li mvt, nana vm anukfihinla tok, mihmvt nan-vlhpoba iyushta puta yakni pakna aiasha, micha na-poa nukshopa, mikmvt nan aka balvlli puta, micha vba hushi aiena ka pihisa li tok oke.

7. Mihma anumpa hvv, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kvv ai vlvhesa keyu, micha okpulo aiena kvv satakha ya fohka tok keyu chatuk oke; achi li tok.

9. Yohmi kia atukla ma anumpa hvv vba auet si afalaminchit, Nana ho Chihowa yvt kashofi tuk a, yumma ai vlvhesa keyu, chik acho kashke; achi tok.

10. Ilvppa yakohmi kvv hituchina ya tok; yohmi ma moma falaminchit vba isht maya tok.

11. Yumohmi ma, mih makinli ho hatak tuchina Seselia auet ai an tihleli tuk a, chuka ai vttta li tuk ash, ai vla tok.

12. Yumohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il itibapishi hannali ilvppvt si apehvt itvnowa ho, hatak ash in chuka ont e chukowa tok.

13. Yohmi ma yummak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yummak osh anumpa, chishno, micha chin chuka

achufa moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmona ka hvpishno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlishke; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hvp ima tok, ai itilau na holhpila ka ihima tuk a, vno ak osh nanta sia hatuk osh Chihowa ya atakvmmi la hinla cho? im achi tok.

18. Na yakohmi ka okla haiyaklo mv lumvt chieya cha, Chihowa ya aiokpahanchi mv, Yohmikma Chihowa yvt okla nan ik ithano vhleha ak kia isht okchaya ile kostininchi ya ihima tumvshke; ahanchi tok oke.

19. Yvmohmi ma na palvmmi kv Istefin a isht atoba ma, okla ita fimimpa tuk vt itvnowvt aya kv Finisi, micha Saipilvs, mikmv Antiak a pit vlichit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Michi kanimi kv Saipilvs hatak, micha Sailini hatak aiena hatuk osh Antiak a ai vla mv, yvmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhti-na laua hosh yimmi cha filemv Chitokaka ya im ona tok.

22. Yvmohmi ma na yakomi kv annovt, iksa Cheluselem ashwa tok haksobish a ont chukowa tok; mihma Banabas a yvmvt ia kv Antiak a ona chi ho okla pit chvffichi tok.

23. Yvmak ash osh vla cha, Chihowa im isht il aiyukpa ka pihisa mv na yukpa tok; micha chukvsh mv kvllo hosh Chitokaka ya isht asitia chi ka, mominchit atonohonchi tok.

24. Yvmak okv hatak achukma hosh, Shilombish Ho-

litopa, micha ayimmika aiena kv̄t anukfoyuka fehna hatuk oka; yohmi ma okla hv̄t law̄vt Chitokaka yā iba kaha tok.

25. Yohmi ma Banabas vt Sal ā hoyā ch̄i hosh, Tasus ā ia tok.

26. Atuk osh yummāk ash ahayuchi mvt, ilauelit Antiak ā isht v̄la tok. Mihma yakohmi tok, afv̄m̄mi achv̄fa v̄lh-piesa ka v̄banumpuli ik̄sa yā ibai itahobvt okla law̄a ka nan im abahanchi tok. Mihma nan ithv̄na v̄hleha hv̄t v̄mmona ka Antiak ak o, Klaist okla ā hohchifo tok.

27. Yvmohmi ma nitak ilv̄ppa foka ma, hopaii v̄hleha Cheluselem minti kv̄t, Antiak ā ai v̄la tok.

28. Micha yvmmak ash ot achv̄fv̄t Akabvs hohchifo hosh hikia cha, hohchv̄fo chinto kv̄t yakni mominchit ā hlopulla ch̄i ka, Shilombish pulla isht ai anohonli tok. Yvm̄m̄vt Kilatvs Sesa yvt ahanta nitak ak o ont ai āhli tok.

29. Yohmi ma nan ithv̄na v̄hleha yvt nana kv̄t kaniohmit im āsha tukm̄vt ik̄ kaniohmi kia, itibapishi v̄hleha Chutia maya ka isht apelv̄chi yā pit ī pila ch̄i kv̄t, hatak moma tok.

30. Yvmmak ash okla yohmi mv̄hli cha Banabas, micha Sal ita tuklo kak ō ibbak fohkit, hatak tikba v̄hleha yā pit pila tok oke.

## CHAPTA XII.

Helot vt v̄banumpuli v̄hleha h̄a issikkopali.

1. YOHMI ma nitak yv̄mma foka ma, Helot m̄iko yvt v̄banumpuli ik̄sa yatuk ā kaniohmi h̄o, ilbv̄shala ch̄i kv̄t ibbak ā ō weli tok.

2. Micha Chemis, Chan itibapishi h̄a bv̄shpo falaia h̄o isht v̄bi tok.

3. Micha yohmi ka Chu okla hv̄t im achukma h̄o, pisa hatuk osh achakalinchi mvt, Pita yā aieninchit isha chin tok; mihma pv̄ska ik̄ shatv̄mmo v̄pa nitak a tok.

4. Atuk osh yvmmak ash hoklit ishi mvt, aboha kv̄llo pit fohki cha, v̄banv̄blit ont-ia issa h̄a yō okla h̄a isht ī kohcha

chi mak o, ahni hosh, tvshka chipota ushta bat aya ushta ho apesvcha chi ka, im issa tok.

5. Yohmi hatuk o Pita yashot aboha kvllo ya foka tok; yohmi kia vbanumpuli iksa yvt yvmma isht Chihowa pit im asilhha kvt, ik yokopo ki tok.

6. Atuk o Helot vt isht kohcha he tuk a, yvmma ninak fenak akinli ka, Pita yvt tvli itatakvli tuklo hosh isht talai-yakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kvllo ya apesahanchi tok.

7. Yvmohmi kash o Chitokaka im enchil vt im vla na tohwikeli kvt aboha kvllo anukaka ya tommi tok: mihma yvmmak ash osh Pita ya naksi a isso cha, tanichi mvt, Tushpvt taní; achi tok; yohmi ma in tvli itatakvli yvt ibbak a a mokohli tok.

8. Mihma enchil ash ot, Il ai vskofachi cha, chi shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kvt enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmona, micha atukla aiena ka ant itiachi mvt, tmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Michá nan im anukfihinla mvt Chan, Mak hohchifo ishki, Meli in chuka ya, yvmma laua hosh itahobvt vba pit anumpuli hosh maya na, vla tok.

13. Michá Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Michá Pita im anumpa ho pit ithana mvt, na yukpa kvt apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla ho mihiha tok; yohmi ma, Im enchil oka, okla achi tok.

16. Yohmi kia Pita ash ot sukoha kvt imoma tok; yohmi ma okla tiwi cha, pisa mvt nukhlakancha tok.

17. Yohmi ma nukchintot maya chi ka, ibbak pit i fa-hvmmi mvt, kaniohmit Chitokaka yvt ilap a aboha kvllo isht a kohchi tuk a, im anoli tok; mihmvt, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmvt kolchvt ivt inla ho ona tok.

18. Atuk o onnvt taha makinli ho, tvshika chipota vhleha ash ot Pita yvt nanta mak o a katiolhmi tuk, ahnit nukhlakancha kvt chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mvt, apesvchi vhleha yash achukmalit im asilhhvchi mvt, yvmmak ash o vba chi ka, apesa tok. Mihmvt Chutia ya vtvt ivt Seselia ona cha, yvmmak o anta tok.

20. Mihmvt Helot vt Taia, micha Saitvu aiena ai asha ka isht ik i yukpo fehna tok; yohmi kia miko im vba potvlhpo apesvchi Blastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfila mvt ai achvfa hosh im ai vla cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt miko i na fohka ishit shemvt taiyahli cha, im aiasha holitopa paknaka ya binili cha, anumpa isht hikvt im anumpohonli tok.

22. Mihma okla hash ot tahpulvt, Iloppvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shushi yosh ai ahampa na fiopissa tok.

24. Amba Chihowa im anumpa hvto achakvt isht i shahlit ia tok.

25. Yohmi ma Banabas micha Sal ita tuklo kvt nan isht ahashwvt atahli mvt Chan, Mak hohchifo ka ilauint Cheluselem a ashwvt falamvt ia tok oke.



CHAPTA XIII.

Pal, Banabas ita tuklo kv̄t oklushi nan ik ithano, yā im ia. 42 Oklushi nan ik ithano v̄hleha yvt v̄banumpa yimmi.

1. YOHMI ma iksa Antiak ahashwa ka kaniohmi kv̄t hopaii, micha nan im av̄chi v̄hleha, Banabas, micha Simion osh Naika hohchifo, anonti Lusivs, Sailini v̄tta, micha Manevn, Helot na pehlichy yā iba hofanti tok, micha Sal chohmi kv̄t maya tok.

2. Okla Chitokaka pit aiokpv̄chit nahullochit maya ma, Banabas, micha Sal ita tuklo ka, a toksvli im ai atokoli li tuk isht ashwa chī ka, hvs sv̄m atokolashke, Shilombish Holitopa yvt achi tok.

3. Mihma okla nahullochit v̄ba pit anumpuli cha, ibbak a isht umbitepyt taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, ivt Silushi a itonachi tok osh, yv̄mma ashvvt peni v̄lhtot ivt Saipilvs a itonachi tok.

5. Michā Salemv̄s a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michā tashaiyi yā a hlopullit Pefvs a itonachi mvt, hatak isht ahullo achvfa hopaii ilahobi, Chu hatak Bachisvs hohchifo hō, pisa tok.

7. Yv̄mmak okvt nahullo miko hatak nan ithana, Sachis Paulvs a awant anta tuk o, yv̄mmak ash ot Banabas, micha Sal aiena ka hoyo mvt, Chihowa im anumpa hā haklo bv̄nna tok.

8. Yohmi kia Ilimvs hatak isht ahullo ash ot, hohchifo hv̄t toshowakmvt yv̄mmak oka nahullo miko a na yimmika ai i filv̄mmichi bv̄nna kv̄t yv̄mmak ash im ataklv̄mmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfokvt kv̄nia hosh, yv̄mmak ash atokolit pisa tok.

10. Mihma, Na haksichi, micha nan ik ai v̄lhpeso aiena banot isht alotowa, nan isht ahullo okpulo ushi, ahopoyuksa

okluha in tɨnɨp ma! Chitokaka i hina ai ahli puta okpɨni kvɨ, ish issa he keyu cho?

11. Mikma, yakeh! himak a Chitokaka ibbak vt chi onvtula hoka, chi lɨpakmvt hvshi a chik peso hɔ ahchiba chi hoke; achi tok. Mihma chekosi makinli hɔ tohbi, micha okhlilika aienvt onvtula tok. Mihma kvna kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kvɨ yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i filvmmi Cheluselem a falamvt ona tok.

14. Amba Pvki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan vlhpisa, micha hopaii i holisso puta aiena kash, itim anumpulit atahli ma, sinakak apelihchi vhleha yvt, Hatak, il itibapishi vhleha ma! okla isht im anumpa he anumpa hvɨ hvchim ashakmvt hvsh anumpulashke; achit auet im anoli tok.

16. Mihma Pal vt hikia cha ibbak a pit isht im alvmmi, Israel okla, micha Chihowa ya i nukshohumpa vhleha hvchia ma! hvsh haponaklashke.

17. Okla ilvppa Israel vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvmmvt holitobli tuk osh, ilap ibbak kvllo pulla kvɨ yvmmak ash isht akohonchi tok.

18. Michā afvmmi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Michā Kenan yakni a oklushi untuklot ai imaiyachi mvt, i yakni atuk a, na shueli hɔ, isht ai i hopela tok.

20. Michā yohmi ha ya nan apesa vhleha im a hiohli-hinchi na, afvmmi tahlepa ushta cha pokoli tahlapit aiena foka hɔ, Samuel hopaii vt vtta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yo, i hilechi na afvmmi pokoli ushta tok.

22. Atuk osh yvmmak ash ai ishi mvt, Lewi ak osh i mi-ko ya chi ho okla ha i hilechi tok; yvmmak o pit atokolit, Ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ahlichia chi mako ahayuchi lishke; achi tok oke.

23. Hatak ilvppa isht ai unchululi yo Chihowa yvt ilap miha tok pulla hosh, okchalinchi Chisvs a Islael okla ha i hilechi tok.

24. Yvmmvt ik lo kisha ho, Chan vt vmmona ka Islael okla moyuma ka ile kostininchit baptismo ya isht im anumponli tok.

25. Micha Chan vt anumpulit ahanta mvt, Kvta hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yvmma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kvv Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.

27. Cheluselem ai asha, micha i hochitoka aiena kvv, yvmma, micha hopaii vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yvmmak atuk a, ai-ahlichia tok oka.

28. Micha kaniohmi ho yvmmak okvt isht ai illa he vlv-pesa kvno, im ai akostininchi keyu ho kakosh, illa he a ahnit, Pailvt a okla im asilhha tok.

29. Micha yvmma isht a holihiso tok a mominchit ai ahlichit okla tahli mvt, iti ash ai ishit akvchi cha ahollopi anukaka ya bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili ya asht apehvt mintit Cheluselem a ai vla tuk vt yvmma okla pisa na nitak kanohmi tok; mih mak osh yvmma atokowvt okla ha im anoli yoke.

32. Yohmi hosh anumpa achukma pin tikba vhleha ima tok a isht e hvchim anumpulishke.

33. Im vlla vhleha hvpia hak o, Chihowa yvt yvmmak ash isht pim ai ahlichia hosh Chisvs a falamichit tanichi

tok. Yohmi kv̄t atalóa ont atukla ka, Sv̄so chia l̄oke, himak nitak a chikbi lishke, achit aholisso akinli hoke.

34. Micha yv̄mmvt illi tok a falaminchit tanichi ka himakma falamvt ahollopi a chukowa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik písá, ish im ahna he keyu hoke, inla ma ai ahanchi hoke.

36. Lewi ak okv̄to Chihowa nan ahni pulla h̄o, im okla h̄a nan isht im ahantvt in taiyaha mvt, illi cha in tikba v̄hleha h̄a ibafohkv̄t itoyukvt nan toshbi ma piesa tok oka.

37. Amba Chihowa yvt falaminchit tanichi tok, yv̄mmv̄to nan toshbi nana kia ik peso ki tok.

38. Yvmohmi ka hatak il itibapishi v̄hleha ma! hatak ilv̄ppa pulla hatuk mak o, nan ai ashv̄chika puta isht kashofa yvt ishit hv̄chim anumpa hoka hv̄sh ithaiyanashke.

39. Micha Moses i nan v̄lhpisa ak okmv̄no yv̄mma kani-ohmit isht hv̄sh ai i hlakofa he keyu ke tuk kia, na yimmi vt momvt yv̄mma pulla kano okluha isht ai i hlakofi hoke.

40. Yvmohmi hoka ahah! hv̄sh ai ahnashke; yv̄mmak keyukma hopaii v̄hleha i holisso h̄a isht ai anumpvt,

41. Na shitilema v̄hleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak a nan isht v̄tta ya isht ahanta li ka, kv̄na kia ik hv̄chim anoli mak o, kani-ohmit nan isht v̄tta yv̄mma a hv̄chi yimma he keyu, achi kv̄t hv̄chi onvtula hinla hoke; achi tok.

42. Mihma Chu okla hv̄t sinakak a a kohcha wiha ma, okla nan ik ithano v̄hleha yvt anumpa yakohmi kash ot nitak hullo atuklakma isht im anumpa hinla kv̄t asilhha tok.

43. Yvmohmi tuk o itvnaha yash ot tisheli ma, Chu okla laua, micha himona v̄banumpuli toba v̄hleha aiena kv̄t Pal micha Banabas ita tuklo ka apehv̄t aya tok. Mihma yvmak ash ot im anumpulit, Chihowa im ai isht il ayukpa pulla h̄o ai itvnova chi ka atohnohonchi tok.

44. Atuk o atukla nitak hullo ya tv̄maha chito achv̄fa

kv̄t momā hosit Chihowa im anumpa hakla chi kv̄t itv̄naha tok.

45. Yohmi kia Chu okla hv̄to okla laua yā pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kv̄t isht ī shahlit ia mvt, Chihowa im anumpa hv̄t t̄ikba hv̄chishno ak o a hv̄chim anumpa he mvt̄o ai v̄lh-piesa tuk okv̄no ; yohmi kia, yv̄mmak ash naksi ka pit hv̄sh bohli cha, okchayvt bilia he o ik chi ahobo kv̄t isht hv̄sh il anukfihinli hoka, okla nan ik ithano yak o pit il ī file-mv̄shke.

47. Yakohmi hō Chitokaka yvt pim apihisa mvt, Okla nan ik ithano v̄hleha yā ish in tohwikela chi, yakni ont v̄hli fullota kv̄t isht ai okchaya he mako, chi hilechi lishke ; ahanchi tuk oke, achi tok.

48. Mihma okla nan ik ithano v̄hleha yvt ilv̄ppa haklo mvt, okla na yukpvt Chitokaka im anumpa hā aiokpahanchi tok. Mihma okchayvt bilia he isht im v̄lh-pisa tok v̄to mo-mvt yimmi tok.

49. Yohmi na Chitokaka im anumpa hv̄t annovt yakni yv̄mma mominchit a hlopulli tok.

50. Yohmi ma Chu okla hv̄t, v̄banumpuli ohoyo holitompa v̄hleha, micha hatak holitompa tv̄maha āsha tuk aiena ka atohnohonchi cha, Pal, micha Banabas ita tuklo ka isht ai ilbv̄shaka yā ilhkolichi tok ; micha ī yakni ā kohchit kanom pit tihleli tok.

51. Yohmi kia iyi hituk chubbi āsha tuk ā on tahtuli cha, mintit Aikonivm ā itvlachi tok.

52. Mihma nan itv̄na v̄hleha yvt na yukpa, micha Shilombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kv̄t ī palv̄mmi, 1. 8 Pal vt Listi ā hatak imomokpulo ā hlakofichi na, nan-ishtahullo v̄hleha hatuk o, okla .

hvt ahobvchi, 1. 19 Pal vt tvli isht boa, 21 Tvmaha ilaiyuka hlo pullit aya mvt, falamvt Antiak a itvlachi.

1. MIHMA Aikonivm a yokohmi tok; Chu okla i sinakak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kv̄t laua hosh yimmi tok.

2. Amba Chu nan ik yimmo v̄hleha hv̄to okla nan ik ithano a atohnochit, im anukfila ha itibapishi v̄hleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ah̄ashwa na hopaki ma, yvmmak ash ot nan isht ahoba, micha na fehna puta aiena kv̄t yv̄mma ibbak a isht ai yohma hi a ahni cha, im anumpa hanta ya isht ai gh̄lich̄i tok.

4. Yohmi kia tvmaha okla chinto kash ot ita kashapa tok; mihma kashapa kv̄to Chu okla hak o pit halanli ma, anonti kashapvt v̄banumpa isht vtta v̄hleha yak a tok.

5. Atuk osh okla nan ik ithano v̄hleha, micha Chu okla ha pit aiena kv̄t i pehlich̄i ka ai itvpehvt, yvmmak ash ilbvshachit, tv̄li isht bola ch̄i kv̄t im anukfilvt maya ma,

6. Akostininchit okla mvt, tihlavt Laikeonia yakni a tvmaha Listi, micha Tabi ita tuklo, micha yakni auet folumpa ka ona tok.

7. Mich̄a yvmmak o v̄banumpa isht ai anumpulit okla tok.

8. Mihma Listi a hatak achvfa kv̄t ishki ikfoka anuka yakinli ho ai imomokpulo tok osh, iyi vt ik kv̄llo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pih̄isa cha, hlakofa he vt yimmi ka akostininch̄i mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot m̄vllit, micha nowa aiena tok.

11. Mihma okla hash ot, Pal vt nana yvmihinch̄i na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke ; ahanchi tok.

12. Micha Banabas a Chupita hochifo mvt, Pal ak okvto anumpuli chito atuk o, Makulvs hochifo tok.

13. Mihma in tmaha itikba hikia Chupita ya na holi-tompa isht im vtta yvt, wak nakni chohmi, micha sita bita puta aiena ka ishit holihta okhisa ya vla kv, okla ai itvpehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kv haklo mvt, im ilefohka ya ita hlilvffit, okla mvt pit tihlaiyvt okla ha iba chukowa cha, tahpvlvt,

15. Hatak puta ma ! na katihmi ho hvchi yakohmi cho ? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmmit, Chihowa okchaya, vba shutik, micha yakni, micha okhvta, micha nana puta, yvma ai ahashwa ka aiena ikbi tok a, hvsh im ona he mak o, e hvchim anumpohonli hoke.

16. Yvmmak okvt nitak tikba ma, oklushi moma ka ilap o inli nana a kaniohmi a ant ik ai itanowá, ahni tok.

17. Yohmi kia ilap fehna isht ai atokowvt anoli a ik takohlichho hosh ahanta tok keyu ; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh a ilhpak, micha na yukpa aiena ka, isht alotohonli hoke ; ahanchi tok.

18. Micha ilvppa ahaya pulla hosh na kvni okla ha yokobli na, yvma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal a tvli isht bolit, illi ho im ahoba cha hvllat tmaha ha isht kohchi tok.

20. Yohmi tuk kia, nan ithvna vhleha yvt afolublht hinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi a ia tok.

21. Atuk osh tmaha yvma vba isht im anumpulit, micha lava ho nan im avvchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palvmmi laua ka il a hlopulli pulla hosh Chihowa apehliechika ȳa e chukowa hi oke; achi tok.

23. Micha vbanumpuli iksa moma pehlich̄i aiyuka atokolit hiohlechi cha, nahullochit vba pit anumpulit issa mvt, Chitokaka yvmmak ̄o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki a isht ai anumpuli cha, Atelia itonachi tok.

26. Atuk osh yvmmak ̄o peni ai vlhtot Antiak yvmmak ̄o toksvla ch̄i ka Chihowa im aholitopaka hi ̄o, pit im issa tok ash ai ahlich̄i tuk vt itonachi tok.

27. Micha itvlachi cha iksa ȳa itahobi cha, Chihowa yvt isht kaniohmihinchi tuk moma, micha okla nan ik ithano vhleha ȳa ayimmika okhissa ȳa ik tiwi tuk aiena ka, im anohonlit okla tok.

28. Micha yvmmak ̄o nan ikhvna vhleha ȳa awant ahashwa na hopaki tok oke.

## CHAPTA XV.

Hakshup tv̄pa isht ai itachowa, 1. 6 Vbanumpeshi vhleha hv̄t isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha h̄a nan im av̄chit, Moses ī nan vlhpisa ak ̄o chohmit hakshup hv̄chi tapa keyukmvt, hv̄chi okchaya he keyushke; achi tok.

2. Yohmi na Pal, micha Banabas ita tuklo kv̄t yvmmak ash itachov̄t itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem a im ona ch̄i ka, okla apesa tok.

3. Mihma iksa vhleha yvt pit apehvt aya na kohchvt ilhkoli mvt, okla nan ik ithano vbanumpuli toba tuk a anohon-



lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminchi tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vllhpisa ha holitobla he aiena ka im apesa he vllhpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmmvt svtih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Michā Chihowa yvmmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hv-pishno yo chash itilauechi hoke.

9. Michā hv-pishno a yvmma a pit im inlvchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan ithvna vhleha ikonla ya ikonla abana yvmma pin tikba vhleha, micha hv-pishno aiena kvt e lauwi cha, e shala he keyu ka, yvmma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmmak inli il itilaua he aiahnit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinchi tuk a anoli ka haklo tok.

13. Okla hvvt lumvt chieya ha yano, Chemis vt achakalinchi mvt, Hatak itibapishi li vhleha ma! hvv sa haponaklashke.

14. Chihowa yvt v̄mmona ka oklushi nan ik ithano a kaniohmit aiokpanchit okla ilap isht hohchifa ch̄i ka akohchit ishi tuk a, Simion vt anohonli tok.

15. Micha hopaii vhleha im anumpa hvt ilvppak o ai achvfvshke.

16. Yakohmi ha ma falama lish, Lewi in chuka kinafa tuk a falaminchit ikbi la hi oke ; micha okpulo tuk a falaminchit ikbit hilechi la hi oke.

17. Yv̄mmvt hatak a kashampa, micha okla nan ik ithano vhleha moma sa hohchifo h̄a isht a hohchifo tuk puta kv̄t, Chitokaka ya okla hohoya ch̄i ka, yv̄mmak osh na yakohmi moma ka yvmihchi mak osh Chitokaka yvt achishke ; achi holisso tok a.

18. V̄mmona pillvt isht auehinchi ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmvt nana kv̄t nuksitvt illi puta, micha issish aiena ka ik ahalaio ka ch̄i kak o pit iloh i holissochashke.

21. Nitak hopaki isht auehinchi ka, Moses i holisso ha tv̄maha moma, kv̄na hosh isht ai anumpohonlikma, nitak hullo moma, sinakak a ai itim anumpohonli chatuk oka ; ahanchi tok.

22. Mihma vbanumpeshi vhleha, micha asononchika vhleha, iksa vhleha moma ai itvpeha kv̄t ilap ai itvpeha akinli, hatak ai vlhtoka h̄o Pal, micha Banabas ita tuklo ka ai itvpeinchit Antiak a pit tihlela he, v̄lhpesa ahni tok Chutvs osh Basabas hohchifo, micha Sailvs itatuklo itibapishi vhleha ya moma i shashonli kak a tok.

23. Micha holissochit ibbak fohki kv̄t yakohmichi tok. V̄banumpeshi vhleha, micha asononchi ka, micha itibapishi vhleha aiena kv̄t, itibapishi vhleha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kv̄t hatak kaniohmi ilvppa isht ia tuk osh,

anumpa isht hvchi ataklvmmmit hvchi shilombish okpanit, Hvchi hakshup vt tupa cha, nan vlpisa ya hvsh holitoblashke, ahanchi tuk a e haiyaklo tok; yvmmak oka il atohno tuk keyu hoke.

25, 26. Chukvsh vt achvfa chohmit itvnahvt e chieya mvt, hatak vltoka hvpin Chitokaka Chisvs Klaist hohchifo pulla ka ilap im ilhfiopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit e hvchin tihlela he a, vlpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yvmmak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvv nana kvv weki kvv ai vlpesa ilvppa chohmi ka, ai i shahli ho e hvchi onoicha he keyu kak o vlpiesa il aiahni tuk oke.

29. Yohmi kvv nipi na holba toba pit im issa tuk, micha issish, mikmvt nana kvv nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvmmak o hvchik il ahalaicho hokmvtto hvsh vlpiesa hi oke. Hvchi achukmakashke; achi tok.

30. Yohmi na okla pit tihleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yvmmak ash okla itim anumpuli mvt, nan im annoa kvv okla na yukpa tok.

32. Mihma Chutvs, micha Sailvs ita tuklo kvv, ilap mvt hopaii akinli hatuk okvt, itibapishi, vhleha ha anumpa lava ka isht atohnohonchi cha kvvlochi tok.

33. Atuk osh yvmmak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tihleli tok.

34. Yohmi kia Sailvs vto yvmmak inli ahanta kak osh im vlpiesa tok.

35. Pal ak kia, micha Banabas aiena kvv Antiak a, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yvmmak atuk a nitak ont isht kaniohmi ma, Pal vt

Banabas ash, Anonti ivt tvmaha moma Chitokaka im anum-pa il ai anumpohonli tuk vt, il itibapishi vhleha ha i nowvt ayvt kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit aya lhi a ahni tok.

38. Yohmi kia Pafilia ai i filvmmi cha iba takla nan isht vttvt ik ayo ke tuk ash, ilauelit aya ik vhhpeso, Pal vt ahni tok.

39. Mihma itachowa kvv kullo fehna hatuk osh, iti filvmmi mit okla tok. Yohmi ma Banabas vt Mak a ilauei cha peni fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

## CHAPTA XVI.

Pal vt Timohli a hakshup tvpli, 1. 14 Litie vt vbanumpuli toba.  
24 Aboha kullo apesvchi vt vbanumpuli toba.

1. YUMOHMI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak a tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi a, Pal vt aiahni tok; micha ishi cha hakshup tvpli tok, yakni koyofa yvmma aiasha kvvto Chu vhleha hatuk o, micha iki okvto Klik hatak a momvt ithana hatok oka.

4. Micha tmaha puta a hlopullit aya mvt, nan vhhpisa vbanumpeshi vhleha, micha hatak asononchi aiena Cheluselem aiasha kvv apesa tuk a, holitobla chi ka ihimvt okla tok.

5. Yvmohmi ho iksa puta kvv yimmi kvv kullot hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bvna tuk kia, Shilombish vt vhpesa, ik im ahno tok.

8. Yohmi ma Mishi a ant itiachhi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yvmak oka vbanumpa ont isht il im anum-pula he mako, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk a, in chekosi ma, Masetonia ya ia pi bvna tok.

11. Yohmi cha Tloas a il a hotoffi mvt, auet apissalint mintit Samolessi e la tuk osh, nitak atukla ka Niapolis a e la.

12. Micha yvma ashvvt il ia mvt, Filippi, yvmak okvt tmaha chito kv Masetonia yakni koyofa yvma moma i shahli, okla wiha a binili a e la tok. Micha tmaha yvma il ashwa na nitak kanohmi tok.

13. Micha nitak hullo ma tmaha kohvvt ivt okhina lapali ka, yvmak o vba pit ai anumpuli chatuk a, ont e chieya mvt, ohoyo hv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hohchifo, na humma lusbi kanchi, Hlaiataila tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Micha ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ashwashke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kv isht ahullo shilombish anukfoka hosh pi afama tok; yvmak okvt nan anoli ilahobit vlhtoba chinto i shahli vhleha isht im ahayuchi a tok.

17. Yvmak ashot Pal, micha pishno aiena ka piakaiyvt aya mvt tahpvlvt, Hatak yakohmi kv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmut ilvppa yakohomi na nitak kanohmi tok. Yohmi kia Pal vt ik im vllpeso hatuk osh filema mut, shilombish ash, Chisvs Klaist hohchifo pulla h<sub>o</sub>, chishno vt yvmma ish akohcha ch<sub>i</sub> ka, ch<sub>i</sub> miha lishke; im achi tok. Mihma yvmmak ashot mih makinli h<sub>o</sub> kohcha tok.

19. Yvmohmi ma i shahli vhleha yvt nan isht ai ahayunchi ashot kvnia na pisa mut, Pal, micha Sailvs ita tuklo ka hokli cha, hvllat ishtivt nan vpa a kanchi a isht chukovvt, hatak pehlichy vhleha ya isht im ona tok.

20. Michay ishtivt tvshka chipota i miko vhleha ya isht im ona cha, Hatak ilvppvt Chu okak osh hvpin tvmahay h<sub>a</sub> atak-laiyvmmi fenvshke.

21. Michay Lom okla pia hvv, nan vllpisa yvmma il aiokpvchi cha, e holitobla he pim ai vllpesa keyu ka pim abahanchishke; ahanchi tok.

22. Yohmi ma okla laua yashot im a svnal<sub>i</sub> himona achvfa wakaya tok; mihma tvshka chipota i miko vhleha yashot im ilefohka ya okla i shueli mut bola ch<sub>i</sub> ka, okla apesa tok.

23. Mihma fvma lava h<sub>o</sub> okla onochi mut, abohay kvlllo apesvchi a achukmalit apesahanchay ch<sub>i</sub> ka im apesvt tahli cha, abohay kvlllo pit apitta tok.

24. Yvmmak ashot nana kvv yakohmit im vllpivhisa mut, abohay kvlllo anukakay pilla pit apitta cha, iti iyi isht akvlllo isht a kvlllochi tok.

25. Yvmohmi tuk o ninak iklvna ma, Pal, michay Sailvs ita tuklo kashot vba pit anumpulit, Chihovay pit aiokpvchit in talohovay tok; mihmay abohay kvlllo vllhpinta tuk vt haiyaklo tok.

26. Mihmay yakosy fenvay makinli h<sub>o</sub>, yakni winakvchi chinto na, abohay kvlllo nutakay intolay yvt ilhkoli tok: mihmay ashalkay okhissay yvt momvt tiway ma, momvt im isht talakchey yvt i mokohli tok.

27. Mihmay abohay kvlllo apesvchey yvt nusi tuk vt okchay cha, abohay kvlllo okhissay putay kvv tiway h<sub>o</sub> pisa mut, abohay kvlllo vllhto a tihlavvt tamovay tuk a, im ahovay mut i bvshpo falaia ya hvllat shvfi kvv ile bay chin tok.

28. Yohmi kia Pal vt chitolit pit tahpvvt, Momvt ilvppay e mayay hokay, nana kia chik ile kanihchov kashke; ahanchi tok.

29. Mihma p<sub>v</sub>la h<sub>a</sub> pit hoyo cha, m<sub>v</sub>let pit chukow<sub>v</sub>t w<sub>v</sub>nihinch<sub>i</sub> hosh v<sub>l</sub>a m<sub>v</sub>t, Pal, micha Sail<sub>v</sub>s ita tuklo itikba ya ant hlipia tok.

30. Mich<sub>a</sub> pehlichit koche<sub>a</sub> m<sub>v</sub>t, Hatak hv<sub>ch</sub>ia ma! sai okch<sub>a</sub>ya ch<sub>i</sub> kv<sub>t</sub>o nanta k<sub>o</sub> katioh<sub>m</sub>i la ch<sub>i</sub> cho? achi tok.

31. Yoh<sub>m</sub>i ma, Chitokaka Chis<sub>v</sub>s Klaist ak o ish i yim-mashke, mikmak osh chishno, micha chin chuka ach<sub>v</sub>fa aien<sub>v</sub>t chi okch<sub>a</sub>ya hi oke; achit okla tok.

32. Mich<sub>a</sub> Chitokaka im anumpa h<sub>a</sub> ilap, micha in chuka anu<sub>k</sub>a ya ma<sub>y</sub>a tuk ash a mominchit isht im anumpuli tok.

33. Mihma ninak hv<sub>sh</sub>i kanv<sub>l</sub>i isht vlhpisa mih makinli ho ishi cha, a fv<sub>m</sub>a tuk a achifa tok; mihma ashali<sub>k</sub>a ilap vt in chuka ch<sub>v</sub>fa mom<sub>v</sub>t baptismo tok.

34. Mich<sub>a</sub> pehlichit im aboha ya ishit chukowa m<sub>v</sub>t, ilh-pak a itikba in talohli m<sub>v</sub>t, in chuka ch<sub>v</sub>fa ya a moyum<sub>v</sub>t Chihowa ya yimmit na yukpa tok.

35. Yvmoh<sub>m</sub>i tuk o on<sub>v</sub>t taha ma, tv<sub>sh</sub>ka chipota i mi-ko v<sub>h</sub>leha y<sub>v</sub>t anumpeshi a pit tihleli m<sub>v</sub>t, Hatak yvm<sub>v</sub>m<sub>v</sub>t ant ik itiachi, ahanchi tok.

36. Atuk o aboha kv<sub>l</sub>lo apes<sub>v</sub>chi y<sub>v</sub>t Pal a anumpa ilv<sub>p</sub>-pa im anolit, Tv<sub>sh</sub>ka chipota i mi<sub>k</sub>o v<sub>h</sub>leha y<sub>v</sub>t ant ik ay<sub>a</sub>, auet hv<sub>ch</sub>im aiahni tuk oke; yvmoh<sub>m</sub>i hoka himak ano kohch<sub>v</sub>t ivt, na yuk<sub>v</sub>t hv<sub>sh</sub> ayashke, achi tok.

37. Yoh<sub>m</sub>i kia Pal vt, Anumpa vlhpisa yosh pi on<sub>v</sub>tula keyu ka, Lom hatak pia ho kak o haiak<sub>v</sub>chi hosh pi fahami cha, aboha kv<sub>l</sub>lo ya pit pi apitta tuk; yoh<sub>m</sub>i kash ot anonti peh luma hosh pi kohchi hoh cho? Yoh<sub>m</sub>a he keyu pul<sub>v</sub>shke. Amba ilapo inlit ai v<sub>l</sub>a cha, isht pi kohchashke; im ahanchi tok.

38. Atuk o anumpeshi ash ot anumpa ilv<sub>p</sub>pa tv<sub>sh</sub>ka chipota i mi<sub>k</sub>o v<sub>h</sub>leha yash ont im anoli tok. Mihma yvm<sub>v</sub>m<sub>v</sub>t Lom hatak atuk o okla haklo m<sub>v</sub>t, nukshopa tok.

39. Mihm<sub>v</sub>t ai v<sub>l</sub>a cha ant im asilhv<sub>t</sub>, isht kohchi m<sub>v</sub>t, tmaha h<sub>a</sub> a kohch<sub>v</sub>t okla hinla ka, im ahni tok.

40. Mihma aboha kv<sub>l</sub>lo a a kohch<sub>v</sub>t ia m<sub>v</sub>t, Litie in chuka ont chukow<sub>v</sub>t okla tok; micha itibapishi v<sub>h</sub>leha ya pisa cha hopohl<sub>v</sub>lit tahli m<sub>v</sub>t, kohch<sub>v</sub>t itiachi tok oke.

## CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia ako ai anumpuli. 15 Pal vt Ahlens a ai anumpuli.

1. YUMOHMI kashot Amfipolis, Apollonia aiena ka hlopullit okla mvt, Hlessalonika yvmmak o Chu okla i sinakak vt hikia ho itvlachi tok.

2. Mihma Pal vt yvmmak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana hi vt ai vlhpiesa tok, isht i fahpullit im avchit, yvmohmi ka Chisvs ilvppa vno vt isht hvchim anumpohonli li kak osh, yvmmvt Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitompa aiena kvv kanomosi tok keyushke.

5. Yohmi kia Chu okla nan ik yimmo hokvto anukhobela mvt, hatak haksi nan isht vtta ik im iksho kaniohmi ho pehlichit itvnnali cha, tmaha okla ha mominchit nukhla-kashlit, Chesvn in chuka ya o yihlepa tok; micha pehlichit kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn micha itibapishi vhleha kaniohmi ka-aieninchit, hvllat tmaha apehlichi vhleha ya isht im ona cha, tahpvlvt, Yakohmi kvv yakni a shot filimmi tuk vt ilvppak kia ai vlvshke.

7. Mihiyo Chesvn vt pehlichit ishi tuk; micha yakohmi kvv momvt Sesa i nan-vlhpisa ai ahalaiya keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tmaha apehlichi vhleha aiena kvv na yakomi ka haklo ma, nukhla-kashli tok.

9. Mihmvt Chesvn, micha inla aiena anumpa nana ho im ai ishi kvv im vlhpesa mvt, asht ik itvnowa, okla im ahni tok.



10. Mihma itibapishi vhleha yvt ashalika ninak o Pal, Sailvs itatuklo kash Belia pit tihleli tok ; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kvt Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmt laua hosh yimmi tok ; mihma Klik ohoyo holitopa vhleha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kv, Pal vt Chihowa im anumpa ha Belia ya isht ai anumpohonli ka pit akostininchi mvt, yvmmak ash kia okla ai vla cha, okla ha ant okpni tok.

14. Mihma ashalika itibapishi vhleha ash osh Pal a okhvta ak o ia chohma chi ho, pit chvffichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauet isht okla aya tuk vt Ahlens a isht ona tok ; micha Sailvs, Timohlivs itatuklo kv tushpa fehvt im itonancha chi ka, pit i miha, anumpa ishi mvt, okla ilhkoli tok.

16. Yohmi ma Pal vt yvma pit hoyo hosh Ahlens a anta takla cha, vmaha hv na holba toba banot isht alotowa na, pihisa mvt im anukfila hv ik vhpeso ki tok.

17. Yvmohmi hatuk osh Chu okla, micha vbanumpa ahni vhleha aiena ka, sinakak micha kvna ho nana ai itatoba ai itafama hokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istok okla aiena kaniohmi kv, yvma okla itim anumpuli tok. Mihma kanimi kv, Anumpuli shahli ilvppvt nanta ko acha hinla? achi ma ; kanimi kv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke ; achi tok.

19. Mich a okla ilaelit ishtivt, Mas nvnih a isht ona mvt, Ilvppvt anumpa himona nana ho isht ish ai anumpuli hatakma, il itvna hinla cho ?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kv̄t, nan inla yō keyu, amba na himona fehna anoli, keyukmvt haklo hokmá, nana hosh aiasha bilia hatok oka.

22. Yvmohmi ma Pal vt Mas nv̄nih iklv̄nna ya hikia cha, Ahlens okla hv̄chia ma! nana a kaniohmi puta ka na holba toba ya hv̄sh aiokpanchi fehna ho, hv̄chim akostininchi lishke.

23. Ant ia li kv̄t hv̄chi na holba toba puta ka pihisa li mvt, vba t̄v̄la ya, Kv̄na ik ithano Chihowa mak o, achi, ilvppak osh isht ai o holisso ka pisa li hokvno. Yohmi hoka hv̄sh ithana keyu hosh, pit hv̄sh aiokpahanchi chatuk, mihmak o, vno vt hv̄chim anohonli lishke.

24. Chikowa yakni, micha nana moma yvmma anukaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchaya, micha im ilhfopak, micha nana moma aiena ka ih̄ima hatuk oka.

26. Micha issish achv̄fa ho, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vlhpisa ho, micha kanima yō aiasha he puta ka, apesa tok.

27. Yvmmvt Chitokaka ya hoyo chi hatok; yvmmak okvto eho moma ka hv̄pi mishemanchi keyu nana kia, yohma he yobakmvt, pasholit hoyo fehna cha, yvmmak oka ahayucha hinla hoke.

28. Hv̄pishno vt yvmmak o iloh ai okchaya, micha ilhkoolit, iloh aiasha hoka. Hv̄chim ataloe ikbi kaniohmi kv̄t, Hv̄pishno ak kia yvmma ushi hv̄pia hoka, ahanchi akinli tok oka.

29. Yohmi ka Chihowa ya ushi v̄hleha pia hokvt, Chiho-

wa imma ya t̄vli holisso lakna okmá, keyukmvt, t̄vli hvta, keyukmvt t̄vli, hatak nan isht vtta imponna nana anukfilli hosh, na holba ikbi ya chohmi hoka, hv̄pim ahoba he tuk keyu hoke.

30. Nan ik ithaiyano nitak yvmmak foka hokvno, Chiho-wa yvt tohmosonli hosh pihisa tok kia; amba himak okvno hatak okluha kanima moyuma ahanta kv̄t ile kostinincha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlich̄i tok; ahanchi tok.

32. Illi falamvt tana he puta okla haklo mvt, kanimi kv̄t isht yopula tok; mihma kanimi kv̄t, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kv̄to yimmi cha, yvmmak ash ibakaha tok. Yvmma iba takla kv̄t Taionishvs, Mas nv̄nih nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksv̄li, micha v̄ba isht ai anumpuli aiena, 1. 9 Holhpokuna hosh isht ai i yiminta.

1. NANA kv̄t a yakohmi ha ya, Pal vt Ahlens a akohchvt ia mvt, Kolinhla a v̄la tvk.

2. Micha Chu hatak achvfa Akuila hohchifo, Pantvs ai vtta tok vt, tekchi Plisilla ita tuklo kv̄t, Kilativs vt Chu vhleha yvt momvt Lom a akocha wiha chi ka, apesa hatuk o, Itili ya ashv̄t itvlachi tuk a cheki hosh ashwa na, pisa mvt yvmmak o im ona tok.

3. Micha ilap vt a toksv̄li itim ai achvfa hatuk okvt, takla ahantvt toksv̄li tok; yvmmak okvt isht vlhtipo ikbi im vlhtayak vhleha ha tok okvt.

4. Mihmvt sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia ashvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashovshke. Himmak pilla ano okla nan ik ithano vhleha ak o im aya la chi hoke; im achi tok.

7. Michu yvmmak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Yvmma in chuka yvt sinakak o bilikasi ho, talaia hatok.

8. Mihma Kispvs sinakak apehlichika yvt in chukachvfa moma ai itvpehvt, Chitokaka ya i yimmi tok. Mihma Kolinhla okla hvvt haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa na, amba anumpuli, micha lumvt chik ashokashke:

10. Vno vt chi awant aya li hoka; hatak nana hosh chi onvtulvt chi hotopala he keyu hoke, tvnaha ilvppa okla lauvt vm ai ashwa hoka; im achi tok.

11. Mihma Chihowa im anumpa ha ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvvt im anukfila ai achvfa chohmit, Pal a o kinafvvt ishit nana ai apesa ya isht ona mvt,

13. Nan-vlhvvisa ya ai ahalaiia keyu ka, Chihowa ya aiokpvcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha wakkvmma chi foka ma, Kalio vt, Chu okla hash nana kvvt ik vlhpeso, keyukmvt, okpulo fehna nana hatuk okmvo, vno vt hvchim aiokpanchi la hi a, ai vlhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nan-vlhvvisa imma aiena isht anumpa hatukmvo, hvchishno

akinli hosh yummvno isht hvsh ashashke. Uno yokvto nana yvmma chohmi hokvno, non apesvt ahanta la he ke-yushke, im achi tok.

16. Mihmvt nana ai vlpisa asha tuk a kvnom pit tihleli tok.

17. Mihma Klik vhleha hvt momvt sinakak apehlichi Soshlenes a, okla hoklit ishi cha, nana ai vlpisa itikba ya a boli tok. Mihma Kalio vt yvmma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok ; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapilvt peni fohkvt ayvt Silia ya ia tok ; anumpa ha il onochi tok okvt, Kenklea pashi ai vmo tok.

19. Michā Efesvs a vla mvt, yvmmak o ant ashachi cha ; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Michā okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke ; ahanchi tok. Mihmvt peni fohkvt Efesvs vttvt ia tok.

22. Atuk osh Sesalia ya ont atayali cha, pit oiyvt iksa vhleha ha ont aiokpvchit tahli mvt, Antiak a ia tok.

23. Mihmvt yvmma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vttā tok, hatak anumpuli imponna, micha Holisso Holitopa ya imponna fehna yosh Efesvs a vla tok.

25. Hatak ilvppvt Chihowa i hina yvt im vlvvchi ya tok ; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi ya isht anumpuli, micha im avvchi aiena tok.

26. Michā nukwaya kvv iksho hosh, sinakak a ai anum-

pulit ishtia tok. Yummak ash o Akuila, micha Plisilla ita tuklo kv̄t haklo mv̄t, yummak ash pit hoyot ishi cha, Chihowa i hina ya achukmalit i shahlichit im anohonlit okla tok.

27. Micha Akaia ya ia ka bunna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yummak ashot vla mv̄t, i nukhaklo na yimmi tuk vhleha ya apelahanchi fehna tok.

28. Yummak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

## CHAPTA XIX.

Pal vt ibbak isht umbitepaka Shilombish Holitopa yvt anukfohoka tok. 17 vbanumpa yimmi kv̄t laua.

1. ATUK o, yakohmi tok, Apollos vt Kolinhla a anta moma ma, Pal vt ibetvp pilla ka a hlopulli mv̄t, Efesvs a vla tok; micha nan ithvna kaniohmi ka ant pisa mv̄t,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt asha hokma, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mv̄hli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilvppa okla haklo mv̄t, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mv̄t, vbanumpa aiena isht anumpuli tok.

7. Micha hatak vt moma kv̄t auah̄tuklo foka hatok.

8. Michā sinakak ont chukow̄vt, nukw̄ya iksho hosh, Chihowa apelihika imma yā isht anumpulit, anukfohki-chit ahanta na hv̄shi tuchina tok.

9. Yohmi kia kaniohmi hokv̄to chukv̄sh kv̄llo taha cha, ik yimmo mv̄t, hina yv̄mmak ash na mihachit okla laua itikba yā ai anumpohonli ma, yv̄mmak ashot ai i filv̄m̄mi cha, nan ithv̄na v̄hleha hash a filamolechit eshi cha, Tailanvs osh na-na ai ikhv̄na i hikia hō, nitak moma ai anumpohonli tok.

10. Ilv̄ppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt momv̄t Chitokaka Chisvs im anumpa hā haklo tok.

11. Mihma Chihowa yv̄t nāna kv̄t isht ahullo fehna kani-ohmi ka, Pal ibbak a isht a yv̄mihinchi tok.

12. Yvmohmi hatuk o, nantapv̄ski puta, keyukmv̄t, tikba takohlichia, yv̄mma haknip a ai isht abeka puta ka isht im ohona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo kohchi ilahobit itanowa yv̄t, shilombish okpulo anukfoka v̄hleha hā, Chitokaka Chisvs hohchifo hā isht ai o hochifochit pisv̄t, Chisvs, Pal vt yv̄mma isht ai anumpohonli ka pulla hō, anumpa kv̄llo ai isht e chi onohonchishke; ahanchi tok.

14. Yohmi ma Chu hatak Sifa hohchifo, na holitompa isht asha pehlichia o ushi untuklo hosh yv̄mma yohmi tok.

15. Mihma shilombish okpulo ash ot falaminchi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia hō? achi tok.

16. Mihma shilombish okpulo yv̄t a foka hatak ash ot yv̄mmak ash o mv̄let, onvtulvt isht i shahlichit im̄aiyachi tok; yvmohmi na na fohka iksho micha ai okpulo kv̄t taha aiena hosh, chuka yv̄mmak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs asha tuk vt, ilv̄ppa okla akostininchi tok; mihma na nukshopa hv̄t mominchit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vlt ant il anolit, nana akaniohmi chatuk puta kv̄t anohonli tok.

19. Micha isht ahullo imponna vhleha hatuk aiena kak kia, laua hosh ī holisso puta ka isht itahobi cha, hatak moma itikba ya a hukmi tok. Micha ai vlhtoba ya okla hotihna mvt, tvli hvta boshulli tablepa sipokni pokoli tablapi tuk o, akostininchi tok.

20. Chihowa im anumpa hv̄t kv̄llo kv̄t ī shahlit ia fehna, yakohmi hosh imaiyachi tok.

21. Nana kv̄t a yakohmit ont ai issvchi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yvmma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yvmma fehna ma, hina yvmma okla hv̄t nanumachi fehna tok.

24. Hatak achvfa Temetivs hohchifo, tvli hvta ikbi, yvmmak osh Taiena ya tvli hvta itombushi puta im ikbi yosh isht vlhtoba mvt chvbihasi keyu ho, hatak nan ikbi imponna vhleha ya isht im vla cha;

25. Yvmmak ash, micha nan isht vtta ai itim achvfa vhleha aiena ka hoyot itahobi mvt, Hatak puta ma! nan isht ai vtta ilvppa pulla ho, nan isht il ahayuchi ka hvsh ithaiyanvshke.

26. Yvmohmi ka Efesvs ak o bano keyu, amba Asia a a mominchi chiyuhmit Pal ilvppvt, ibbak isht toba yokvto chitokaka vhleha nana ho keyu hoke, ahanchi cha, okla laua ka anukfokichit filamolihinchi ka hvsh pisa, micha hvsh haklo aienvshke.

27. Yvmohmi ka hv̄pishno nan isht iloh ai vtta ilvppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kv̄t aiokpahanchi yash isht aholitopa yvt ont ai okpulot kv̄nia hinla fehna hoke; achi tok.



28. Mihma okla haklo mvt, anukhobelvt alota mvt, tahpvlvt, Efesvs okla in Taiena vt chinto hoke: ahanchi tok.

29. Mihma tmaha ha yahapa kv̄t alotvt kv̄nia tok. Mi-cha Masetonia hatak, Pal apēhvt nowvt aya Kaius, mi-cha Alistakvs ita tuklo ka hoklit okla ishi mvt, im anukfla ai achvfa chiyuhmit yihlepvt, okla ai itahoba chatuk a pit abe-ha tok.

30. Mihma Pal vt okla ha pit iba chukowa b̄vna tuk ak o nan itvna vhleha yvt v̄lhpesa, okla ik im ahno ki tok.

31. Mihma Asia hatak pehlichī vhleha kaniohmi, yv̄mma i kana yatuk vt, okla ai itahoba ya pit chukowa b̄v̄nvt ik peso ka hi a, ahnit pit im anoli tok.

32. Yvmohmi ma kanimi kv̄t nana ho mihakma, anonti inla mvt inla ho miha tok; itvna ha hak osh ai v̄lhpesa keyu hatuk o, mi-cha moma chohmi kv̄t nana kaniohmi ho itvna ha hatuk vt ik ahostinincho ki tok.

33. Mihma Aleksanta ya okla laua akohchi ma, Chu okla hv̄t tikba pit hilechi tok; mi-cha Aleksanta yvt ibbak pit fahv̄m̄mi mvt, okla ha im isht il anumpuli b̄vna tok.

34. Yohmi kia yv̄mmak okvt Chu atuk o, okla akostininchi mvt, momvt anumpa achvfa, Efesvs okla in Taiena yvt chinto hoke, tahpvlvt ahanchi na hv̄shi kanv̄lli tuklo foka tok.

35. Mihma tmaha i holissochi yokvt okla ha yokopli mvt, Efesvs hatak hv̄chia ma! Efesvs tmaha hv̄t nan isht ahullo ohoyo chito Taiena, mi-cha na holba toba Chupita a mintit akatula tok aiena ka aiokpv̄chi a, hatak nanta hosh ik akostinincho kv̄t ahanta cho?

36. Yohmi ka ilv̄ppa nana ho isht ai acha hi o keyu hoka, hv̄chishno yvt nukchintot hv̄sh maya cha, tushpvt nana hv̄chik kaniohmo ka he tuk oke.

37. Hatak yakohmi kv̄t tempel puta wehpuli keyu mvt, anonti hv̄chi nanisht ahullo ohoyo ma ik ahobalot na miha-chi o keyu hokak o, ilv̄ppa isht hv̄sh la tuk oka.

38. Yvmohmi hoka Temetivs vt, mi-cha hatak nan ikbi vhleha yv̄mma apeha kv̄t, hatak nana kia nana im a kanioh-

mi tuk in takanli hokma, nan vlpisa nitak vt a<sub>u</sub>sha, micha nan apesa vhleha mvt mayvshke; nan vlpisa iti onochit ik a<sub>u</sub>shá.

39. Amba nana inla imma yo hvsh ai asilhvuchi hokma, yummak okvto itvnaha ai a<sub>u</sub>hli ho ai vlpisa hi oke.

40. Itvnaha ilvppak atuk a nana ho isht il ai anola he mvt iksho; yohmi hokvt himak nitak nana ai vlpiesa mvt iksho ka, nan vlpisa yvt hvpi onvtula he fehna hoka; achi tok.

41. Michá yakmichit anumpulit issa mvt, itvnaha yash tishelichi tok oke.

## CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt iksa in tikba vhleha ha atohnochi.

1. ATUK o yahapa kash ot issa ma, Pal vt nan ithvna vhleha ya hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yummak ash a hlopullit, im anumpohonli fehnvt aya tuk osh Klis a vla tok.

3. Michá yummak o ahanta na hvshi tuchina tok. Mih-mvt peni fohkvt Silia ia chi foka ma, Chu vhleha hv<sub>t</sub> im aie chi ma, falamvt Masetonia pit hlopulli ka ahni tok.

4. Mihma apehvt Asia ona kv<sub>t</sub> Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kaivs, mikmvt Timohlivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kv<sub>t</sub> tikba ilhkoli tuk osh Tloas ak o ont ash-wvt pi hoyo tok.

6. Mihma pv<sub>s</sub>ka ik shatvmmo vpa nitak vt ai issachi ha yo, peni vlbihvt, Filippi asht e minti kv<sub>t</sub>, nitak tahlapi ho Tloas a il im ai vla cha, yummak o il a<sub>u</sub>sha na nitak untuklo tok.

7. Mihma nitak hullo achvfa nitak ahpi ho, nan ithvna

vhleha hvt pvska kobahlichia chi hosh itahoba ma, Pal vt onnakma kanima ia chi hatuk osh, im anumpuli mvt; anumpa hash isht mahaya na, ninak iklvna ona tok.

8. Mihma aboha vba potvlhpo ai itahobvt maya ka, pva hvt lava tok,

9. Mihma hatak himita achvfa Yutikvs hohchifo hosh okisushi ya asha tuk osh nusit knia tok; anonti Pal mvt anumpa ha falaiachi aiena hatuk o, nusit knia kv akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopek vt a foka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kv chohmi tok keyu.

13. Mihma tikba ivt peni ya il ona cha, ilap vt aka ayvt ia kak o ahni cha, yvmmak o miha tuk oka, yvmma Pal ont ai isht e fohka chi, pim ahoba hosh peni fohkv ivt Asvs a il ona tok.

14. Atuk osh yvmmvt Asvs a a pi afama ma, ishit auet e fohki cha, mintit Mitilini ya e la tok,

15. Micha yvmma asht peni fohkv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilm a ant il ashwa tok; atuk osh onna ma mintit Mailitvs a e la tok.

16. Pal vt Asia a antvt nitak i knia ik bvno hatuk osh, yohma hinla yobakmvt, Pentekost nitak a Cheluselem a, ont anta chi hatuk osh, tushpvt aya hokvt Efesvs a peni fokvt ont ia he ak o, ahni tok.

17. Micha Mailitvs ak o vttvt, iksa i pehlichi vhleha ha Efesvs a pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvt aiechit maya na, na palvmmi puta sai onvtulvt, Chitokaka ya im antihija li tok.

20. Micha hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tumaha moma ka ai anolit, talakchi, micha na palvmmi puta kvv an takalishke; ahanchi kak illvshke.

24. Yohmi kia nan ilvppa puta kvv achvfona kia ik sa folulechoshke, micha na yukpa hosh a nitak ma, micha nan isht vta Chihowa achukma ka anoli, vbanumpa im avvchi la he, Chitokaka Chisvs a ai im ishi li tuk vt atahli la chi kvv, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apelihika ya isht hvchim anumpulit hvch itin takla ma aya li chatuk a, hvsh moyuma kvv himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyuha im issish a, vno yvt nan isht ai ahalaia li keyu kvv, ai ahli mak osh himak nitak a hvchishno a hvchim anohonli lishke.

27. Vno vt Chihowa im anukfila puyuta ka hvchim anoli ka, sa nukvaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Vno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kvt, nan isht okpuni ya anumpulit hiohla hi oke.

31. Yvmohmi hoka, hvsh ile nuktahla chiké ; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kvt, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ahlichit hvchi hiohliche hinla, mikmvt hochukma toba tok vhleha moyuma ka ai itin takla ya, ai vttvt hvch ima he vlhpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvt in tvli holisso lakna yokmá, keyukmvt ilefohka yokmá nana kia im anushkonna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh ape-lvcha he tuk, micha Chitokaka Chisvs im anumpa puta, yvm-mak okvt, Ima kak osh na yukpa kvt habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvt, hvchuk-bihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fehna mvt, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmvt apihvt peni ya okla ona tok oke.

1. MIHMA yakohmi tok, yvmmak ash pit il oka topli cha, i mokofvt auet apissanlit mihintit, Kous a e la tuk osh, nitak atukla ma Lotis a e la; atuk osh yvmma ashvvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipilvs vt auet pi haiaka mvt, yvmmak ash pim vlfvfbeka imma yo talaiia na, ont il ia mvt, Silia ya il ona cha, Taia yak o ont il ataya tok; peni na shali ka yvmmak o ont akohcha wiha chi hatuk o.

4. Micha yvmma nan ithvna vhleha ya ont il ai ahayuchi mvt, il ashwa na nitak untuklo tok; yvmmak osh Pal a Cheluselem ik aiyo ka hi a, Shilombish pulla hatuk mak o, im achi tok.

5. Nitak yvmmak ash ot ont pin taiyaha mvt, pishno ash ot kohchvt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tvnaha ha ant e kohcha tok; mihma oka takehvka ya hvchukbihlept e hieli cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yvmmak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhli mvt, Talimeis a e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal a apeha pia hatuk vto kohchvt ivt, Sesalia ya e la tok; micha Filip vbanumpa isht vtta, yvmmak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yvmmvt ushetik ohoyo-himita ushta hosh im ashwa tuk osh, vbanumpa isht anumpuli tok.

10. Micha yvmma il asha na nitak kanohmi ma, hopaii achvfa Akebvs hohchifo hosh Chutia mintit vla tok.

11. Micha yvmmak ashot ayvt pim vla mvt, Pal im vskofvchi yash ishi cha, ilap ibbak micha iyi aiena ka isht takchi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takchi cha, ishit okla

nan ik ithano ibbak a a fohka hi oke ; Shilombish Holitopa yvt achishke ; ahanchi tok.

12. Mihma ilvppa okla e haklo mvt, pishno ash ot yvm-mak inli asha yatuk pit il aienvt, Cheluselem a ik aiyo ka hi a, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh yayvt sa chukvsh a hvsh kobvffi cho ? Sa talakcha he ak o illa keyu ; amba Cheluselem a Chitokaka Chisvs hohchifo pulla ka, isht a si ai illa chi aiena kvv vm vltaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvv ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kaniohmi kvv Sesalia ya asht pi apehvt ia akinli tok ; micha Nesvn Saipilvs vttta nan ithvna sipokni ka yo, yvmmak o il ibai ashwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt nana isht ahanta ho, Chihowa yvt okla nan ik ithano vhleha itin takla ya, nana ai atahanli tuk puta kash o atokowa fehna kak o anohonli tok.

20. Mihma okla haklo mvt, Chitokaka ya okla aiokpahanchi mvt ; yvmmak ash o, Chu vhleha na yimmi kvv tahlepa sipokni kaniohmi hosh ai asha kvv, yvmmak okvt moyumvt nan-vlhpisa holitobli fehna ka, ish pihisvshke, il itibapishi ma !

21. Micha chishno vt Chu vhleha hosh oklushi nan ik ithano takla asha ka, mominchit Moses a okla issa chi ka, im avchit im vlla puta ka hakshup tvpla he tuk keyu, mikmvt ilap nana a kaniohmi vlhpisa puta aiena ka, okla iakaiya he tuk keyu ka, ish i mihaha ho, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashvshke.

24. Yvmmak o pehliechi cha, takla nan iba hullochit, mi-cha chishno ak osh vltoba hvt ibafokvt chi kvnia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vlpiesvt ish aya cha, nan vlpisa ya ish holitobli ka ithai-yanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvt nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehlichi cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ahosi ma, Chu vhleha Asia minti tuk vt, yvmvt tempel anukaka ya asha na, okla pisa mvt, okla mominchit atushpvlihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlpisa aiena ka i svnalit, hatak moyuma ka kanima mominchit ai imavvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesvs hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tv-maha hash ot momvt wakaya ma, oklat yi-hleptv itahoba tok; micha Pal ash okla ishit tempel a a koh-chi ma; chekosi makinli ho okhissa puta kash ot vlvkva tok.



31. Micha okla vbi bunna hosh maya ma, tvshka chipota aya-chufa i kvpitvni chito ya, Cheluselem vt momvt nan ik ai vllpeso bano ka annoa kvv ayvt im vla cha ;

32. Yvmmak ash ot ashalika tvshka chipota vhleha, mi-cha kvpitvni puta ka pehlichu cha, chvfvv itv im ona tok ; mihma kvpitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kvpitvni chito ash ot itv ituma ona cha, yvmmak ash ishi mvt, tvli itatakvli tuklo hosh ishit talakeha chi ka miha tok ; mihmvt, yvmmvt kvna hatuk, micha nana ho kaniohmi aiena tuk a, asilhhvchi tok.

34. Mihma okla laua asha tuk vt tahpvvvt, kanimi kvv kanimihchit miha ma, anonti kanimi kvv inlvchi tok ; mihma yvmmak ashot yahapa hatuk o, ai atokowa ma ik ai akostinicho mvt, yvmmak ash isht holihta kvvlllo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kvvlllo ya, ont isht chukowa chi foka ma, yvmmak ash ot kvpitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu ? achi tok.

39. Mihma Pal vt, Vno vt Chu hatak Tasvs, Silisia yakni tvmaha ai vttta, tvmaha ik ahobo nana ho ai vttta sia keyu hoke : mi hosh okla ha im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vllpesa im ahni ma, Pal ash-ot pit atuyvt ia ya o hikia cha, okla ha ibbak a pit i fahvm-mi tok ; micha luma biekvt okla aiasha ma, Heblu anumpa ho im anumpulit yak ahanchi mvt,

## CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt fuma he tuk kia, Lom hatak atuk osh hlakofi.

1. **H**ATAK il itibapishi vhleha, micha an tikba puta ma! himak a isht hvchim il anumpohonli li ka, hvsh hai-yaklashke.

2. Yvmmvt Heblu anumpa ho isht im anumpuli na, okla haklo mvt, isht i shahlit lumvt aiasha tok. Mihma yvm-mak ashot,

3. Uno vt Chu hatak fehna sia, Tasvs, Silisia yakni in tmaha ak o ai vtta li tok nana kia, tmaha ilvppa Kamiliel iyi itmaka yo ahantvt sa hofanti; micha hatak tikba vhleha i nan vlpisa ai apissali mvt, vm vlbahanchi tok; mihmvt Chihowa ya pit achunanchi kvv himak a nitak hvsh moma kvv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kvllo pit apittvt ilbvshachi li tok.

5. Yohmi ka na holitompa isht asha pehlichy, micha hatak tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma asha tuk vt talakchi ya Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tv-bokoli foka ho, Tamaskvs a ona la hosi ma, ashaliika nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa hvv, Sal, Sal, nanta katiohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vtta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auet vm anumpuli hokvno okla ik haklo ki tok.

10. Mihma, Chitokaka ma! nanta ko katiohmi la chi ho? achi li tok. Mihma Chitokaka yash ot, Wakaya cha, Tamaskvs a ish onashke; mikma nana ish a katiohmi he a chim vhpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shohpakali tuk a ak hopanayo hatuk o, si apehvt aya tuk ibbak ak osh sa halvlli ho, ayvt Tamaskvs a ona li tok.

12. Mihma hatak achvfa vbanumpuli nan vhpisa ya isht ai ahli, Ananivs osh, Chu vhleha yvmma ai asha ka moma ai im annoa achukma chatuk osh,

13. Ayvt vm vla cha hikia mvt, Itibapishi li Sal ma! ish hoponayashke, vm achi tok; mihma hvshi kanvlli makinli ho, vba chakalit ilap a pisa li tok.

14. Mihma, Hvpin tikba vhleha in Chihowa yvt, chishno vt ilap o nan ahni ka ish ithaiyana he, mikmvt Ahli yvmma ish pisa cha, yvmma itakha ai anumpa ma ish hakla hi a chi atokoli tuk oke.

15. Chishno vt nana ho ish pisa tuk, micha ish haklo tuk aiena kvv, hatak moyuma ka im anoli chia ha chi mak oka.

16. Yohmi kvv nanta katiohmi ho himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kvv kashofvt chi kvniashke; achi tok.

17. Atuk o yakohmi tok, falamvt Cheluselem ash vla lish, tempel anukaka ya vba pit ai anumpohonli li mvt, sa holhpokuna chohmi tok.

18. Mihma yvmmak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akohchashke; vm ahanchi na pisa li tok.

19. Michu vno ash ot, Chitokaka ma! chishno chi yimmi vhleha hatuk a aboha kvvlllo pit apittvt, sinakak puta ka, a fahami li tuk a, okla ithaiyanvshke.

20. Michu Istefin atokowa chi anolit im issish hlatapa ka, vno ak kia itomasi ya hikia li tuk osh, yvmvvt illa chi ka, vhpesa ahni li mvt, yvmma vbit maya ka, im ilefotka ya ishi li tok oke; achi li tok.

21. Mihma, Hopaki pilla, okla nan ik ithano vhleha aia-sha kak o pit chi chvffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanehi, yvmmak okvt okchayvt anta he vlhpesa keyu hoka, okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka pehlit vba pilvt maya ma,

24. Kvpitvni chito yvt yvmmak ash o holihta kvllo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kvt yohmi fehna hatukma, ilap vt akostinincha chi kvt, miha tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvt bilikasi hikia tuk o, Lom hatak, micha nan vlhpisa yosh ai atokowa keyu ka, ish fvmma he chim ai vlhpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kvt, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vlhtoba chinto ho isht ishi li tok, achi tok; mihma Pal ash ot, Amba vno vto si ai imoma yosh vtta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holitompa isht asha pehlichhi vhleha, micha i nan apesa vhleha moyuma kvt itv-naha chi ka, apesa tok. Micha Pal ash isht ona cha itikba ya ont hilechi tok oke.

CHAPTER XXIII.

Pal vt isht il anumpuli, 1. 10 Pal vt atukla aboha kvllo foka tok.  
23 Pal vt nahullo miko Filiks a im ia.

1. MIHMA Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anukfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht asha pehlichi Ananaius ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvllo tohbi chia ka; nan vllhpisa yo nan isht vm ai apesa chi hosh ish asha mvt, anonti nan vllhpesa ya ai vllhpesa keyu ka, svssa hi a ish miha cho? im achi tok.

4. Mihma a bilika hiohmaya tuk vt, Chihowa i na holitompa isht asha pehlichi a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht asha pehlichi ya, ak akostinincho ke tuk oke. Chim okla talai pehlichi ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvv Satusi okla yokma, anonti kashapa kvv Falisi yo akastininchi mvt, itvnaha itin takla ya tahpvlvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhhvchi hoke; achi tok.

7. Yvmihchit anumpuli ma, itachowa anumpa kvv Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mikmvt enchil, micha shilombish aiena kvv iksho, achi hoka; amba Falisi yokvto tuklonchit yimmit anoli hoke.

9. Mihma yahapa chinto kvv takali tok; mihma holissochi vhleha, Falisi apehanchi kvv wakaya cha, anumpa ha isht ai isso fehnvt, Nan ik vllhpeso nana kia hatak ilvppa kil

ai akostininchoshke ; amba shilombish okmá, keyukmvt enchil okmá nana hosh im anumpuli tok okma, Chihowa ya kiloh itibo kashke ; ahanchi tok.

10. Mihma okla itachowa chinto kv̄t takali ma, kv̄pitvni chito ash ot, Pal a okla it̄i hv̄lat nipli na ahni kv̄t, komunta mvt, ont afv̄t mokofit im ishit, holihta kv̄llo ya ant foka ch̄i h̄o, tv̄shka chipota v̄hleha ya i miha tok.

11. Mihma yvm̄mak atuk ninak a, Chitokaka yvt ant a hik̄iv̄t, Pal ma ! na chi yukpashke, Cheluselem a is si ai anohonli hatuk okv̄t, chiyuhmit Lom ma atokowvt ish ai anohonla ch̄i pulla akinli hoke ; achi tok.

12. Atuk o onv̄t taha ma, Chu v̄hleha kaniohmi kv̄t itibai achv̄fvt anumpa kv̄llo ile onochit, Pal a okla v̄bi h̄o keyukmvt ik impo, micha nana kia ik ishko ka ch̄i kv̄t, mih̄iha tok.

13. Mihmvt pokoli ushta ka atampa hosh anumpa yakohmi ka ikbi tok.

14. Mihmvt na holitompa isht āsha pehlich̄i, micha asonochika puta aiena ka im ai v̄la mvt, Anumpa kv̄llo fehna ka il il onochi kv̄t, Pal a ke bokmvt nana kia ke po ka ch̄i hoke.

15. Yvm̄ohmi hoka, himik a hv̄chishno, micha hochitoka v̄hleha hv̄sh ai itapeha kv̄t, yvm̄mak atuk ak o anonti achukmalit i shahlichit im ai asilhv̄cha ch̄i h̄o chohmit, kv̄pitvni chito ya hv̄sh im anoli na, onna ha ma yvm̄ma isht hv̄chim ayashke, yohmikma yvm̄mvt ilv̄ppa itomasi a ik lo h̄o e ba ch̄i kv̄t pim vl̄taha yoke ; achi tok.

16. Mihma Pal in tek ushi yvt, yvm̄ma im aiechit maya ka haklo mvt, iv̄t holihta kv̄llo a ont chukowa cha, Pal a im anoli tok.

17. Mihma Pal vt kv̄pitvni v̄hleha ya achv̄fvt pit hoyo cha, Hatak himita ilv̄ppa ilauct kv̄pitvni chito ya isht im ona, yvm̄mak oka nanasi kia im anola ch̄i kv̄t in takanli hoka ; achi tok.

18. Mihma yvm̄mak ash ilauei cha, kv̄pitvni chito ya isht im ona mvt, Pal aboha kv̄llo fohka yak osh pit sa hoyo na v̄la li h̄o, hatak himita ilv̄ppvt nanasi kia chim anola hi vt

im a<sub>2</sub>sha hatuk o, ila<sub>2</sub>uet chim v<sub>2</sub>la la hinla ka, v<sub>2</sub>m ahni tuk oke; achi tok.

19. Mihma kvpitvni chito yvt yvmmak ash ibbak a halvlli cha, naksika alumaka isht im ona mvt i ponaklot, Yvmmak osh nanta mak o is sv<sub>2</sub>m anola chi kv<sub>2</sub>t chin takanli hatuk o? achi tok.

20. Mihma, Yvmmak oka achukmalit i shahlichit im asilhvcha chi ho chohmit, onnaha ma, Pal a ila<sub>2</sub>uet ai itvna<sub>2</sub>ha ya isht ish ona chi ka, chim asilhha chi kv<sub>2</sub>t, Chu v<sub>2</sub>hleha yvt itib ai achvfa tuk oke;

21. Yohmi kia chishno vto vlhpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kv<sub>2</sub>t ai asha hosh, yvmvt anumpa kv<sub>2</sub>llo ya isht il onochit, yvmma okla ik bokmvt nana kia v<sub>2</sub>pvt, ishkot ik mayo ka chi, isht il apesa tuk oke; yohmi hatuk osh himak a im vlhtavt, anumpa falama ka auet chim a hoyot maya hoke; achi tok.

22. Mihma kvpitvni chito yvt hatak himita yash ant ik ia, im ahni mvt, nana ilvppa puta is sv<sub>2</sub>m anoli tuk vt hatak nana kia, chik im anolo kashke; im achi tok.

23. Mihmvt yvmmak ash ot kvpitvni tuklot hoyo mvt, Ninak hvshi kanvlli isht vlhpisa ont atuchinakma, Sesalia ilhkola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tahlepa tuklo ho hvsh atahlashke.

24. Micha Pal a, okla o binilichit achukmalit isht ayvt, nahullo miko Filiks a isht im ona chi ka, nan vlhpoa ma, hvsh atahlashke, ahanchi tok,

25. Mihmvt ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks a pit aiokpvchishke.

27. Hatak ilvppa Chu v<sub>2</sub>hleha yvt ishi tuk; micha okla vba he tuk o; ilvppvt Lom hatak atuk o haklo li mvt, tvshka chipota pehlinchit v<sub>2</sub>la lish, okchalinchi li hokvno.

28. Micha kaniohmi ho okla anumpa onochi tuk okma, akostininchi ka sa bv<sub>2</sub>nna mvt ila<sub>2</sub>uelit ilap itvnavt maya ka iba chukowa li tuk.

29. Mihmvt yvmmak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh ma-ya ka vm annoa mvt, ashalika pit chin chvffichi lishke, mi-cha anum-pa onochi vhleha mvt, yvmma nana ho isht a miha hi vt im asha tuk vt, chishno chi tikba yak o a miha chi ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yvmmak osh im vlhpisa tuk okvt, Pal a ilaueleit ninak o isht ayvt Antipetis a isht vla tok.

32. Ont onna ma yvmma apihvt ia chi ka, issuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana ho vttvt aya hatuk a i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yvmmvvt a foka chi ka, apesa tok oke.

#### CHAPTA XXIV.

Tatvlvs vt Pal a anum-pa onochi, 1. 10 Pal vt isht il anumpuli.

24 Pal vt nahullo miko tekchi ita tuklo ka Klaist isht im anumpuli.

1. YUMMAK atuk a nitak tahlapit taha ma, na holi-tompa isht asha pehliche Ananavvs vt asononchika vhleha, mi-cha hatak anumponli achvfa Tatvlvs hohchifo ho itapehvt vla na, yvmmak osh Pal a nahullo miko a nan isht im anoli tok.



2. Yummak ash pit hoyo na v̄la ma, Tatv̄lv̄s vt anumpa onochit ishtiv̄t, Filiks holi<sup>o</sup>tompa fehna ma! chishno ak atuk mak o nukchinto fehnvt il ah̄ashwa chatuk, micha chishno vt nan chimponna pulla ho, nan isht im ai ah̄li achukma fehna kv̄t okla ilv̄ppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka ch̄i na-na kia, nuktanla chia hv̄t, anumpa tilofasi ish pi haiyaklok-bano, chim ai ahni lishke.

5. Hatak ilv̄ppvt, Chu v̄hleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mv̄t, Nasalin ikxa ya in tikba hika yo e pisa hatuk oka.

6. Tempel ma aieninchit yvmmv̄t ik akobalo b̄v̄nna ho, ilv̄ppa il ishi kv̄t pishno pi nan v̄lhpisa yo, nan isht il im apesa chin tok.

7. Yohmi tuk kia kv̄pitv̄ni chito Lisiv̄s vt ayvt ant pi kohcha cha, kv̄llo fehnvt yummak ash pibbak a a kohchit eshi cha,

8. Yv̄mma anv̄mpa ai ikbichi v̄hleha yvt ayvt chishno a chim v̄la ch̄i ka apeh̄isa tuk; yummak oka chishno inlit im ai asilh̄v̄chi hosh, anumpa isht il ai ikbichi hatuk puta ilv̄ppa ish akostinincha ch̄i hatuk oke, ahanchi tok.

9. Mihma Chu v̄hleha hak kia pit ataklammvt nana kash yvmmv̄t yohmi tok'oka, ahanchi tok.

10. Mihma anumpula ch̄i ka, nahullo m̄iko vt pit im av̄v̄chi ma, Pal ash ot, Okla ilv̄ppa nan im apesvt ish ahanta afv̄m̄mi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. V̄ba pit aiokpv̄chi la ch̄i hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachov̄vt ahanta li, micha sinakak puta, micha tv̄maha aiena ka okla h̄a ai ilhkolicit ahanta li, okla sa pisa tuk keyu.

13. Mikmvt nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlpisa holisso, micha hopaii vhleha i holisso aiena, a holihiso tok moma ka, yimmit iksa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishke.

15. Micha, ahli mikmvt ik ai ahlo, moma illi yvt tana hi a, yvmma ilap ak kia yohmi, okla ahni akinli hoka, vno vt Chihowa ya pit anukehieto lishke.

16. Yohmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kvv achunanchi li chatuk oke.

17. Yvmmak a tok a afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvv okla laua yokma, keyukmvt a yahapa itin takla yokma nana keyu, tempel anukaka yo, nahullochit vm vltahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im asha tukmvt acha he tuk.

20. Yvmmak keyukmvt ilvppa maya kak inli kia vno vt nan ai apesa itikba hikia li ka, nan ik vlpeso nana kia vm ai akostininchi tukmvt, ik mihá.

21. Amba yvmma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvs svm asilhhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Micha kvpitvni hvv Pal a apesvcha chi, yohmi kia fohacha he, mikmvt it ithvna ka vhleha yvt, nana ant isht im

vtta, keyukmvt im ai itanowvt maya ka, ik im olabo ka hi a, im apesa tok.

24. Yummak atuk a i himak nitak kanohmi ho, Filiks vt tekchi Chu ohoyo Tusila ya ilauelit vla mvt, Pal a pit hoyo cha, Klaist a i yimmi imma ka im a haponaklot chieya tok.

25. Yohmi na yummak ash ot, ai ahli, mikmvt ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnhinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Michä Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yummak atuk a, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali bvna kvv, Pal vt talakchi na, issvt ia tok.

CHAPTA XXV.

Chu okla hvv Festvs itikba hielit, Pal a anumpa onochi.

1. YOHMI tuk o Festvs vt ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitompa isht asha pehlichy, micha Chu vhleha i hochitoka aiena kvv, yvmma Pal a ai isht im anoli cha, nan im asilhha tok.

3. Michä im aiokpanchi cha, yummak ash Cheluselem a vla chi ka, pit hoyo na, takla im aiechit vba chi kvv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kvv, Festvs vt miha tok.

5. Yohmi hoka hatak vlhpisa hvchi takla maya kvv si apihvt ik ia cha, nan ik achukmo kvv a takanli hatukma hatak ilvppa ont ik atokolí; achi tok.

6. Micha yvmmak ash takla ahanta na, nitak pokoli ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a, miha tok.

7. Atuk o yvmmak ash ot vla ma, Chu vhleha Cheluselem mintit vla tuk vt, afoluplit hiohmayvt anumpa laua, micha okpulo fehna ho, ai ikbichit Pal a onochi mvt, yvmmak ash ai atokolit ahlichia he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bunna kvv, Pal a afalaminchi mvt, Cheluselem a ish ona cha, sa tikba hiki vt ilvppak atuk puta kvv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Uno vt anumpa kobvffi sia hokma, keyukmvt isht ai illa he vlhpiesa kaniohmi ho a si yvmohmi tuk okmvt, ik svllo ka hi a ak ahnoshke, Amba ilvppa puta kvv takali ho anumpa ma yakohmi kvv a sai onochi keyu hokmvo, hatak nana kia sasht ibbak ma ik fohko kashke, Sesa ya achakvilit pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvv, Festvs a aiokpvchit aya hosh Sesalia ya itvlachi tok.

14. Micha yvmmak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvv talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holitompa

isht asha pehlich*i* vhleha, micha Chu in tikba vhleha aiena kv*t* nan im apesakbano, ahnit v*m* anoli tok.

16. Mihma afalaminchit, Anumpa onvtula tuk vt anumpa onochi y*a* nashuka b*i*ka ita sanali keyu, micha nana isht a kaniohmi nan ash onvtula tuk vt, mihma isht il anumpula he mv*t*, ik im vllpeso k*i*sha ka Lom okla hv*t* hatak nana kia illi issa, im ai vllpesa chatuk keyu hoke ; im achi li tuk.

17. Yohmi hatuk o ilvppa okla ai v*l*a ma, ahchiba iksho ont onna ma, nan apesa ai o binili y*a* o binili lish hatak ash isht kohchv*t* v*l*a ch*i* ka, apesa li tok.

18. Mihma anumpa onochi vhleha yv*t* wakayv*t* hieli mv*t*, yakohma ch*i* ka ahni li tuk amo, achvfali kia isht ik onoch*o* ki tok.

19. Amba ilapo vba pit anumpuli isht a tobv*t* m*a*ya, mikmv*t* Chisvs illi tok, yvmmak o Pal ak osh yvmmv*t* okchaya kak pulla, miha kak o ; yvmmak o anumpa isht onochi tok.

20. Mihma anumpa yvma chohmi ka, nan ai anukfilli ak ithano hatuk osh, Cheluselem ak o ona cha, yvmmak o ilvppa puta kash ot nan isht im ai vllpisa hinlakma, nana ka i ponaklo li kvno.

21. Yohmi kia Pal vt anumpa h*a* Akvstvs vt atoshowa ka, hakla he pulla h*o* ahni ma, apesanchi tuk o Sesa y*a* pit in chvffichi la he vt miha li tuk oke ; ahanchi tok.

22. Mihma Ekilipa ash ot Festvs a, U*no* ak kia hatak yvma i haponaklo la hinla, im achi ma ; Onna ha mak o, ish i haponaklashke ; achi tok.

23. Atuk o ont onna ma, Ekilipa, micha Banisi aiena kv*t* shema chinto fehna hosh itvlachi cha, kvpitvni hochitoka vhleha, micha hatak holitompa vhleha tv*m*aha a*sh*a tuk a, ai itapeha cha ai a*sh*t na haklo y*a* pit abeha ma, Festvs im anumpa h*o* Pal a isht kohchit v*l*a tok.

24. Mihma Festvs ash ot, Ekilipa m*i*ko, micha hatak pi apehv*t* ilvppa hvsh m*a*ya kv*t* momv*t* hatak ilvppa, Chu okla laua yv*t* moyumv*t*, yvmmak okv*t* himmakma okchayv*t* ahanta na ahchiba he vllpesa keyushke, ahanchit Cheluselem, micha ilvppak inli aiena ka, ai v*m* v*l*a beka tuk mak o, hvsh pihisvshke.

25. Yohmi kia nana ho isht ai illa he vlpesa ka yvmohmi tuk keyu; micha ilapo akinli mvt anumpa ha achakalinchit Akvstvs a im anoli mak atuk o, akostininchi li mvt, pit chvffichi ka vm-anukfihinla tuk okano.

26. Mih hosh nana ho yvmma ai isht, a shahli ha pit i holissochi li fehna hi vt ik svm iksho: yohmi hatuk osh nana im asilhvchi yak osh asht issa ha yokmvo, nanasi ka holissochi la he vt vm asha hinla kak osh kohchit hvchi tikba, micha chishno ak o fehna kak o chi tikbi ya ant hilechi lishke, miko Ekilipa ma!

27. Anumpa mvt isht ai onvtula ka atokowa ma anoli ka aieninchi ho keyu kvv, aboha kvllo foka ya pit chvfficha he vlpisa keyu ka, vm ahoba hokvt; ahanchi tok oke.

## CHAPTA XXVI.

Pal vt Ekilipa a itikba hikivt kaniohmit aya chatuk puta kvv anoli, 1.  
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chi kvv, chim vlpesvshke, Pal a im achi tok. Mihma Pal ash ot ibbak a pit fahvmmi mvt, isht il anumpohonli tok.

2. Chu vhleha yvt anumpa isht a sai onochi tok imma puta ka mominchit himak nitak a, chi tikba hikivt isht il anumpohonli la chi kvv, na yukvvt vm anukfihinlvshke, miko Ekilipa ma!

3. Chu okla i nan vlpisa puta, micha anumpa ai isht itachowa puta aiena ka, chishno vt chimponna pulla hatuk mak o; yohmi hoka achukmalit a haponaklokbano, chim ai ahnilishke.

4. Ulla sa tomba tok takla, yvmmvt vmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt ithavnshke.

5. Vmona kash inli ho, svthanvt isht auehinchi tok, yvmmak osh vbanumpa isht pim iksa apissali kvv moma i shahli, Falisi yosh ahanta li tok a, anola hinla chishke.

6. Micha Chihowa yvt hvpin tikba vhleha ya anumpa ima tok a, a yimmi hatuk pulla hosh himonasi a hikivt nan vm vhlpisa mak oke.

7. Anumpa tok yvmmak o pisa ka, aiahni hosh pim okla auah tuklo kv̄t nitak, ninak puyuta ka Chihowa ya pit aiok-pahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Ūno vt Chisvs Nasalet v̄tta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem a ai yvmihinchi li akinli tok; micha na holitompa isht asha pehlichī vhleha yvt vm apesa hatuk o, vbanumpuli lauachit aboha kv̄llo pit apihinta li tok; micha okla vba chi ka vno vt vhlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchi li tok; micha yohmi ka i nukkilli li fehna hatuk osh issikkopali kv̄t, yakni inla tmaha puta kak kia isht aya li tok.

12. Yvmmak o na holitompa isht asha pehlichī vhleha yvt atokowa, anumpa kv̄llo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kv̄t shohmalali kv̄t hvshi a imaiya hosh, tommit vno, micha si apehvt nowvt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hv̄t vm anumpuli kv̄t, Heblu anumpa yo Sal, Sal ma! nanta katiohmi ho is svlvshali cho? Na halupa puta ho pit ish hvhli kv̄t chi palvmmi hoke; ahanchi na haiyaklo li tok.

15. Micha, Kv̄ta chia hoh cho. Chitokaka ma! achi li tok. Mihma, Ūno akosh Chisvs ish issikkopali a sia hoke.

16. Yohmi kia chishno a vbanumpa isht v̄tta, mikmvt nana ish pisa tuk ilvppa, micha nana chim ottvninchi likma,

yvmma puta ka ish anohonla he aiena ka, chikbi la chi, apisali ilvppa pulla hosh chi haiaka li hatuk oka; wakayvt chiya a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Setvn apelihoodi a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi makō himak a pit chi chvffihinchi lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchi cha filemvt, Chihowa ya okla im ona cha, ile kostininchi yvt a yohmi ai vhpiesa ho yvmohmit aiasha hi a, vmona ka, Tamaskvs, mikmvt Cheluselem, micha Chutia yakni afulloa moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anukaka ya anta li ho, Chu vhleha yvt sashi cha, svbi bvnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kv̄t nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekeli ka i haiakvcha he a, ahanchi tok a, yvmma nan isht inla yo miha keyu hosh avno, micha chipunta aiena ka im anohonli kv̄t, himak nitak a sa moma hoke, ahanchi tok.

24. Yakohmichit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt



nukwaya ikshot anumpuli li akinlishke. Nana ilvppak okvt chukbika yo a yvmohmi tok keyu hoka. A yakohmi puta kv̄t achvfona kia in luma keyu ka, vno vt akostininchi li hoka.

27. Miko Ekilipa ma! hopaii v̄hleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehmvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kv̄t moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kv̄t wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kv̄t ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Fests a im achi tok oke.

CHAPTA XXVII.

Pal vt peni fohkv̄t Lom pila ia hosh aya, 1. 14 Mahli kv̄llo vt peni a onvtula. 39 Yakni a ont ahayuchi cha okla hlakofi.

1. MICHA peni fohkv̄t Itili ya il ona hi a ai vlhpisvt taha ma, Pal, micha aboha kv̄llo fohka inla kaniohmi aiena ka, tvshka chipota Akvstvs ai itapeha i kv̄pitvni, Chulivs hohchifo ho ibbak fohki tok.

2. Mihma Hlessalonika tv̄maha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitvn a ont il ataya tok; mih-

ma Chulivs vt Pal a i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta ha pit il a hlopulli mvt, Lishi yakni, Maila tmaha ha e la tok.

6. Mih ho yvmmak o Aleksantia peni yvt Itili ya ia hosh aya na, kvpitvni hvv pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil i chapo kisha chiyuhmi ho, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo ho e la tok; yvmmak o bilika yo Lesi tmaha hvv talaia ha tok.

9. Atuk o ahchievvt taha, micha nahullochi hvv ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvnihia fehna chishke, vlpoyak, micha peni aiena kak bano keyu; amba hvvim ilhfioyak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, micha isht aya pehlichia aiena kak o i yimmi kvv, Pal vt nana anumpuli tuk a, im i shahli tok.

12. Micha peni ai ataya yokvt hvvshvta ya aiasha achukma keyu hatuk o, yvmma asht achakvlit hvv kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia ho, ona cha hvvshvta ya yvmmak o okla asha hi a, miha kak osh laua kvv i shahli tok.

13. Atuk o oka mahli hvv lomvt mahli ma, okla nan ahni tuk vt im vlvpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yvmmak atuk a hopaki keyu ho, mahli kvllo fehna tobvt, Yulaklitvn hohchifo hosh ai isso tok.

15. Mihma peni vt atapvchit kvnia cha, mahli ha a sanalit ia he keyu ma, ant shalit isht ik ayá, il ahni tok.

16. Mihma shalit ishtia ma, yakni tashaiyi achvfa Kilati hohchifo ho nutaka ona ma, penushi yak osh palvmmi ho isht e mihinti tok.

17. Yvmmak ash o okla hvlat ishi mvt, apelvchi kvv peni chito ash afohlit takchi mvt; anonti ik yohmokma, okchv-nak ont ai issa hinla ka, nukshopa kvv na hvta ha ai akvchi na shalit isht aya tok.

18. Atuk o mahli kvllo ka e takakanlit aya fehna hatuk o, ont onna ma, peni a okla shohhvachi tok.

19. Atuk osh nitak ont atuchina ma, pishno pibbak akinli ho peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kvllo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo ho hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yvmmak o immi sia hosh, mihi yo im atihya li yatuk mak o, im enchil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yvmma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana um annoa tuk fena kv̄t ont v̄lhpiesa ch̄i ka, Chihowa ī sai yimmi hoka.

26. Yohmi kia yakni tashaiyi kaniohmi hō, ont iloh o hlatapa ch̄i hoke; achi tok.

27. Yvmohmi tuk o ninak vt ont isht auah ushta mak o Atelia okhv̄ta h̄a e fullokahanchi na, ninvk iklv̄nna foka ma, peni isht aya v̄hleha hash ot yakni nana mak o pit bilika ona hō, im ahoba tok.

28. Micha oka ya apesa mvt, ashatv̄pa pokoli tuklo hō akostininchi tok; atuk osh achakvlit iv̄t mishema ona mvt, anonti apesa ma, ashatv̄pa auah tahlapi na pisa tok.

29. Mihmvt tv̄li hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish a pit ai okv̄chi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhv̄ta h̄a pit oka talali mvt, yakni isht yichifi ya peni chito itikba ya pit ai oka kapulla hi a ahoba ma,

31. Pal vt, k̄pitv̄ni, micha tv̄shka chipota v̄hleha aiena kash, Yakohmi kak osh peni chito anukaka ya maya hō keyukma, hv̄chi okchaya he keyushke; im achi tok.

32. Mihma tv̄shka chipota v̄hleha yvt peni ushi isht-talakchi ya chanlit hokofi na akia tok.

33. Atuk o onv̄t mihinti ma, Pal ash ot, momvt impa hinla ka, im ahni mvt, Nahullochit hv̄sh ah̄ashwa cha, nana kia hv̄chik impo mak o himak vt nitak ont isht auah-ushtv̄shke.

34. Yohmi hoka nanasi hv̄sh impa hinla ka hv̄chim ahni lishke. Ilv̄ppak o hv̄sh ai okchaya ch̄i mak okvt; hv̄sh achv̄fona kia chi noshkobo h̄a p̄ashi vt ai akia ch̄i keyu mak oke; achi tok.

35. Yakohmihchit anumpulit tahli mvt, pv̄ska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il alhto kv̄t e moma kv̄t hatak tahlepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush a okla okhv̄ta pit oka hlahlit peni a shohhalali tok.

39. Atuk o onmvt taha ma, yakni ya okla ik ithano ki tok; yohmi kia okhv̄ta filv̄mminchi yvt v̄hli hvt auet a<sub>u</sub>sha ho, okla pit pisa mvt, yohma hinla yobakma, yv̄mma peni ya ont fohka ch̄i kv̄t okla im anukfila tok.

40. Micha isht yichifi ya okla kohchit aiowa mvt, okhv̄ta ha okla im ile kaiyanchit peni isht afana isht talakchi a hotofi cha, nan tohbi shv̄pha wishakchi fehna takali ya mahli ha pit a asanalichit v̄ba takalichi mvt, oka v̄hli pilla ka, okla ia tok.

41. Micha okhv̄ta tuklo ai itafama ya pit v̄lh<sub>o</sub> cha, peni ash yakni ont on talali tok; mihma ibbish imma kv̄to a kv̄llot kv̄nia cha ilhkola he keyu hosh talaya ma, amba hasimbish pila hamo oka banv̄tha kv̄llo fena kv̄t okpvnit kanchi tok.

42. Mihma tv̄shka chipota v̄hleha hash ot aboha kv̄llo v̄lh<sub>p</sub>ita yatuk a v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kv̄piv̄ni hvt Pal a okchal<sub>i</sub>nchi bv̄nna hatuk osh, okla nan ahni tuk a im olv̄bbi tok; mihmvt kanima hosh okyohla hinla kak osh tikba okhv̄ta ha pit oka kahvt kocha ona ch̄i ka,

44. Mikma inla kanimi kv̄t iti bv̄sha yo o binohli ma, kanimi mvt peni pahlahli yak o o binohla ch̄i ho, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apehvt aya tuk aiena kash okla nan ik ithano v̄hleha hvt i kana fehna, 1. 8 Pal vt yakni tashaiyi abeka aiasha tuk a laua ho hlakofichi. 16 Pal vt Lom a v̄la mvt, Chu okla ha v̄bi isht im anumpuli.

1. **M**ICHA okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kvv peh chohmi tok keyu; mihma uhumba hatuk, micha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mvt, Ik kanihmi kia hatak ilvppvt hatak bika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik anta, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mvt, nan ik kanihmo ki tok.

6. Yohmi kia shatalikma, keyukmvt ashalika illit aka itulakma nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mvt, inlvchit im anukfila mvt, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apehlichit Pvb-livs hohchifo ho, im osapa yosh talohmaya tok. Atuk osh yvmmvt pi kana achukmvt pehlichit pishi na, nitak tuchina il ashwa tok.

8. Atuk o yakohmi tok, Pvb-livs iki vt yvna, micha is-sish ikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mvt, hlakofichi tok.

9. Ilvppvt a yakohmi ma inlaka ak kia, yakni tashaiyi yvmma abeka maya tuk vt ai vlvv hlakehofi tok.

10. Michi yvmmak okvt nan isht a holitopa laua ka isht pi holitobli tok; michi kocha il ilhkoli ma, nana kia isht aya he vlvpesa puta ka okla pi shaliichi tok.

11. Mihma hvshi tuchina kvv taha ma, Aleksantia peni yosh yvmmvt yakni tashaiyi yak o hvstula ya takanli tok; michi hohchifo mvt Kasta, mikmvt Palvks aiena hosh lapali ho, pit vlhtot il ilhkoli tok.

12. Micha Sailekus a ont il ataya cha, ymma il ashwa na nitak tuchina tok.

13. Ymma asht e minti mvt apakfompvt mihintit Lichi-vm a e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Ymmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma ymma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vli kak o, ant a pi afamvt itvnowa tok, Pal vt ymma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom a okla il ai vla ma, kvpitvni hvt aboha kvllo vlhpita yatuk a nan apesvchi i kvpitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kv iksho nana kia, Cheluselem a vttvt talakchi yosh Lom okla ha ibbak fohka li hokvno.

18. Atuk o ymmak ashot okla achukmalit vm asilhhvchit taiyahli mvt, isht ai illa he vlhpesa mvt, si a takali keyu hatuk oka okla a hotofa he tuk.

19. Yohmi kia Chu vhleha yvt ymma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaiia ka nana ho isht ai atokoli la hi vt vm asha ha tok o keyushke.

20. Ymohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli ita-takvli ilvppvt isht sa talaiyakchi hokvt; im ahanchi tok.

21. Mihma, Chishno a chi nanumachi holisso kv Chutia ya minti kv ik pim vlo; yohmikma il itibapishi vhleha ak kia ai vla kv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke ; amba ikxa ilvppak okvno na mihachi kv̄t kanima mominchi hoka, il ikhaiyanvshke ; okla im achi tok.

23. Micha nitak okla pit im apesa tuk o, laua kv̄t ai vtta ya okla ant iba chukowa tok ; mihma yvm̄mak osh Chihowa apelihika ya atokolit im anolit, Moses i nan-vlhpisa, mi-cha hopaii v̄hleha i holisso puta ka akohchit, Chisvs a isht ai anukfohkichit ahanta na onnahinli tuk vt opia tok oke.

24. Yohmi ma nana kv̄t anumpa tuk puta ka kanimi kv̄to yimmi ma, anonti kanimi mv̄t ik yimmo ki tok.

25. Micha okla ik ai it achvfo mv̄t, Pal vt anumpa achvfa anumpulit, Shilombish Holitopa yvt hopaii Esaias a, ahli hosh ai isht anumpulit hv̄pin tikba v̄hleha ya,

26. Oh ia cha, okla ilvppa haklo hokvno hv̄sh haklo kia hv̄chik akostinincho ka hi oke ; mikmv̄t pisa hokvno hv̄sh pisa kia, yakohmi hv̄chik ai ahno ka hi oke ; hv̄sh in ahanchashke.

27. Yvm̄mak keyukmv̄t nishkin a ishit pisa cha, anonti haksobish ma, ishit haklokmv̄t, anonti chukv̄sh a akostininchi cha inlv̄t im anukfila na, hlakofichi la hinla ka, okla ilvppa chukv̄sh vt nusilhha fehnv̄t taha ma, anonti haksobish mv̄t haponaklo kv̄t in takobi ma, anonti nishkin a okla okhishta hoka ; im ahanchi tok.

28. Yvmohmi hoka, Chihowa yvt isht ai okchalinchi ya okla inla puta kak o ima ka, yvm̄mak okv̄to haponakla chi hoke, hv̄sh ithaiyanashke ; achi ma, tisheli tok.

29. Yvm̄mv̄t anumpa ilvppa ahanchit ont issa ma, Chu v̄hleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afv̄m̄mi tuklo vlhpiesa hlopulli tok ; yohmi mv̄t kv̄na hosh i nowv̄t ayvt vla ka aiokpahanchi banot,

31. Chihowa apelihika ya isht anumpulit, hatak nana hosh im alv̄m̄mi iksho ho, nana kv̄t Chitokaka Chisvs Klaist a pit ai ahalaia putakma nukwaya iiksho hosh im abahanchi beka tok oke.



HOLISSO PAL UT CHUCH LOM

A HIKIA HO I HOLISSOCHI TOK.

CHAPTA I.

Ubanumpa yimmi Lom aiasha ka Pal vt pit aiokpvchi, 1; 16 Ubanumpa hvt nana, micha nan vlhpiesa nana ho isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kvv, Chihowa im vbanumpa isht vtta hi osh vlhtoka tok vt,

2. Yvmma tikba pilla kash o Chihowa hvt Holisso Holitopa yak o i hopaii vhleha ha isht ai anohonli kvv,

3. Ilap Ushi Chisvs Klaist hvpin Chitokaka, yvmmvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ahli fehna kvv isht otaiyani ai okluha tok:

5. Yvmmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kvv vbanumpa ha im antia na ilap hohchifo hvt isht a holitopa hi atok:

6. Yvmmak o ibai achvfvv Chisvs Klaist a im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoyukashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohovvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yvmmak oka ilap Ushi im vbanumpa hak o ai isht sa shilombish oka isht in toksahanli li kv̄t, anumpa ilbvsha anumpuli li puta kv̄t pit hv̄ch ithaiyana bieka hosh, isht hv̄chi anumpohonli li kv̄t ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekv̄t ayvt, Chihowa yak osh ai ahni pulla na hv̄chim ona la he ak osh asih̄hla lishke.

11. Yohmi ka hv̄chi pisa sa bv̄nna fehna kv̄t, shilombish isht im achukma he yak o hv̄chi hopela li, nana ka isht hv̄chi hlampka hi atok.

12. Ilvppvt nana ka hv̄ch ibai yukpa li hokbano, na yimmi b̄ika pia hatuk oka, achi li hoke.

13. Yohmi ka itibapishi li vhleha ma! hv̄ch im ona la hi okv̄t himonna vm anukfihinla kv̄t, nan-vni kaniohmi ka hv̄ch itintakla ya ai ishi li kv̄t, Chentail inla vhleha ha ai ih̄ishi li tok a chiyuhmi ak inlikbano ahni li tuk kia, si ataklama na himak a hv̄ch ik ithano ka he ai ahni li keyu hoke.

14. Klik, micha Bvlbaha vhleha, nan ithana, nan ik ithano aiena ka vbanumpa ha isht im anumpohonli la he vm vlhpisa hoke.

15. Yohmi hoka, vno yokv̄to Lom hv̄sh ai asha kak kia, vbanumpa isht hv̄chim anumpohonli la chi kv̄t vm vlhtaha hoke.

16. Yohmi ka Klaist im vbanumpa ha i sa hofahya he keyu hoke: yohmi ka yvmmak okv̄t Chihowa nan im ai ahli pulla hatuk ak o kv̄na hosh yimmi puta hokv̄to isht ai okchaya hoke; vmmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yvmmak o na yimmi ak atuk pulla kak o Chihowa i nan isht okchalınchi yvt na yimmi vhleha ha im otaiyani hoke; holih̄iso kv̄t, Ai-vlhpiesa yokv̄to na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkilli yvt hatak vt Chihowa ik holitoblo, micha nan ai vlhpiesa

keyu yvmohmi puta kv̄t anumpa ai ahli ka ataklv̄mmi kak o onvtuyula hosh otaiyani hoka.

19. Yohmi ka Chihowa imma ka isht ithv̄na hinla ka ilap inli kv̄t isht otaiyani hoka, Chihowa yak osh i haiakv̄chi hatuk oka.

20. Yohmi ka yakni, micha nan okluha v̄ba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okluha tohomba tok a Chihowa nan okluha im ai ahli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobvt, chukv̄sh anukfila iksho yvt okhlilit kv̄nia tok.

22. Yv̄mmvt hopoyuksa ilahobi hosh ik hopoyukso toba tok.

23. Michā Chihowa illa he keyu isht a holitopa ya kan-  
chit na holbvt toba hatak illa he, micha hushi, micha nam-  
poa iyi ushta, micha nana balali puta aiena ka holbvt toba  
h̄o holitobli tok.

24. Yvmohmi hatuk ak o Chihowa hokvt ilap inli chukv̄sh okpulo nan ai ahni puta kak atuk mak o na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke :

25. Yohmi ka yv̄mmvt Chihowa i nan ai ahli yoka holabi yo isht ai ikbi cha, natoba yak o aiokpv̄chit, in toksahanli kv̄t Nan ikbi ya i shahlichit tok : yv̄mmak okv̄to holitopvt bilia yoke. Amen.

26. Ilv̄ppak atuk pulla kak o Chihowa hv̄t ant ik yvmohmi ai ahni h̄o, haui isht ile hofahyali ilaiyuka ka ai yvmohmi tok. Yohmi kv̄t ohoyo hak kia nana ka ai yvmohma he atuk ash o ai inlv̄chit, ohoyo hv̄t ai yvmohma he atuk keyu ka yvmohmi tok.

27. Mihma nakni yak kia ohoyo hak o ai yvmohma he atuk vt issa cha, it i haui anukfilli kv̄t luh̄uwa fehna mv̄t, nakni vt nakni b̄ika ka isht a hofahya yak o it i yvmihinchi

hosh, ilap nan ai ashvchika isht vlhtoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvnno hatuk oka, Chihowa hvt ant ik yvmohmi ai ahni hō, im anukfila okpulo yoka nan isht ai ahni hosh, nan isht a hofahya he puta ka yvmihinchi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bvnna, nan it i potvno, hatak bika vbi, itachowa, it i hak-sichi, nan isht i nukkilli, inla lumvt na mihachi aiena ka isht ai alotovt kvnia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehnvchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobvfit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yvmmak okvt Chihowa i nan vlhpisa yvt, kvna hosh nana yvma chiyuhmi ka yvmihinchi hokvt isht ai illa he vlhpiesa achi ka ithana kia ; yvma yvmihinchi kak bano keyu, amba kvna hosh yvmihinchi mak o isht im ai achukma hoke.

## CHAPTER II.

Kvna hosh nanashvchi hokvto nana hō isht apelpoacha hi vt ik im iksho, 1 : 6 mikvvt Chu yokmā, keyukvvt Chentail okmā, nana hatuk oh kia Chihowa i nan vlhpisa hā im a hlakofa he keyu.

1. YUMOHMI ka kvna chia hoh kia inla anumpa ish onochikvvt, nan isht ile mihacha hi vt ik chim ikshoshke, hatak chia ma ! kvna chia hosh inla anumpa ish onochi hokvvt, nana yvmmak ash inli hō ish ai yvmohmi chatuk okvt ; nana hō inla ya ish onochi kvvt, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

Chihowa yokvt ai ahli mak o nan vlhpisa ya onochi hoka il ithaiynvshke.

3. Yohmi ka hatak chia ma! nana yvmma yvmihinchi puta ka anumpa ish onochi mvt, yvmmak ash inli ho ish yvmihinchi kv, Chihowa i nan vlhpisa ya ish ai i hlakofa hinla, chim ahoba cho?

4. Micha Chihowa isht chi kana ya isht ish ile kostinincha he atuk vt chik ithaiyano hosh, isht chi kana fehnvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kvllo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlhpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnananlishke.

6. Yvmmak okvto hatak puta kv ilap nana kaniohmi tok ak o isht ai im atobba hi oke.

7. Yohmi kv kvna hosh nuktaiyalvt achunanchit nan achukma yvmohmi kv, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kvna hosh Chihowa ya i sanali, micha anumpa ai ahli ik holitoblo hosh, amba nan ai vlhpiesa keyu a yvmohmi yokvno, isht i nukkilli chinto kv onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhvmmi aiena hosh onvtuyula kv; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchi puta hokvno onvtuyula he; yohmi kv Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichich kv ik im iksho hoke.

12. Yohmi ka laua kaniohmi hosh vba nan vlhpisa yvt ik im iksho hosh nan ashahanchi hokvto, vba nan vlhpisa iksho ho ai okpulo kv kvnia mak inla he; mikma laua kaniohmi hosh vba nan vlhpisa yvt in tonla hosh nan ashahan-

chi hatuk mvt, vba nan vlhpisa yak o nan isht ai im vlhpisa hi oke :

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpiesa ho keyu, amba vba nan vlhpisa ya yvmihinchi vhleha hak osh ai vlhpiesa hoke.

14. Yohmi ka Chentail vba nan vlhpisa ik im iksho vhleha hvt ilap nan anukfilli hosh nana a kaniohma he vba nan vlhpisa ya foka tuk a yvmihchi hokmvt, yummvt vba nan vlhpisa yvt ik im iksho ak inli kia, ilap ash inli hosh isht im il i nan vlhpisa yoke.

15. Yummak osh vba nan vlhpisa yvt nan i miha ka otv-ninchi kv̄t i chukvsh oka ai o holihiso ho, ilap nan isht il akostininchi yak kia nan atokowa ka ibai anohonli, mikma im anukfila puta kv̄t i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kv̄t Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yummak fehna ka yvmohma hi oke.

17. Yakeh! Chu chi holchifo kv̄t, vba nan vlhpisa ya ish anukchieto hosh Chihowa ya isht ish ilauata ;

18. Micha vba nan vlhpisa ya isht a chim vlvchi hatuk osh, nan ai ahni ka ish ithana, micha nan achukma i shahli ka ish holitobli hoke ;

19. Micha nishkin tamoa ya in tikba hika, ai okhlilika anukaka aiasha ka im pva sia hoke, ai ahnit ish ile yimmi hokvt ;

20. Micha im anukfila iksho kostininchi, vlla chipinta nan im avchi, nan ithana, micha nan ai ahli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho?

22. Hatak vt itin lumaka he keyu, ish ahaya hokak osh, ish itin lumaka cho? Na holvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vllhpisa isht ish ilauata ho kak osh, vba nan vllhpisa yash kobvffit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kvllakshi kvv hvchishno yak atuk pulla kak oke.

25. Yohmi ka vba nan vllhpisa yak o ish holitoblik mvno, hakshup tupa yvt isht ai achukma ai ahli; amba vba nan vllhpisa ya, ish kobvffi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vllhpisa yvt isht ai vllhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vllhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vllhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchi keyu, amba Chihowa yak oke.

CHAPTA III.

Chu okla nan isht im achukma kvv i shahli, 1. 9 Uba nan vllhpisa yvt nanashvchi Chu a isht im atokowa; 20 hatak nana hosh vba nan vllhpisa ya isht ai vllhpiesa he keyu: moma kvv na yimmi ho isht ai vllhpiesa; yohmi kia vba nan vllhpisa yvt akshot kvnia keyu.

1. YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?

2. Ai okluha bieka; vmona ka Chihowa im anumpa hvt ibbak a foyuka hatok oka.

3. Yohmi ka kaniohmi kvv ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ahli yoka ik ai ahlecho hō?

4. Ik yvmohmo pullashke; ahli, Chihowa hokvto ai ahlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ahla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvt nan ai vlhpiesa yvmohmi ka otvninchi hokmuno, nanta hak o il acha hinla hō? Chihowa hvt na palvmmi ka onochi kvt ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmuno, Chihowa hvt okla moyuma ka katiohmit nan im apesa hinla hō?

7. Yohmi ka Chihowa nan isht ai ahli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi hō nan ashvchi yo chiyuhmit nan vm vlhpisa hinla ak inli hō?

8. Amba nan ik ahlo isht a pi annohōwa kv, nan ik achukmo kak o e yvmohmi na nana kv isht ai achukmashke, il achi hō kaniohmi hokak heto kvllochit anohonli hatuk a, nanta katiohmi hō ke yvmohmo cho? yummak ash nan vlhpisa hvt onvtuyula he vt ai vlhpiesa hoke.

9. Yakohmi ka katiohmi hō? isht a pim achukma kv ymma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kv iksho; achvfa kia Chihowa ya hohoyo kv iksho hoke.

12. Moyuma kv naksika yo itvnohōwa, moyuma kv itapihvt isht ai achukma hi vt iksho; achvfa kia nana achukma yvmihchi kv iksho; achvfa kia iksho hoke.

13. Ishit nvoli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi anukaka ya foka hoke:



14. Inla ya nan okpulo im ai ahnit anumpuli, micha anumpa na hotopali aiena kv̄t itih h̄a alotowa hoke.

15. Iyi yvt issish a hlatahampla ch̄i kv̄t pvlhki hoke.

16. Isht ai okpulo, micha isht ai ilbvsha aiena kv̄t i hina ya foyuka hoke :

17. Isht it i nanaiya hina ya ik ithano chatuk oke.\*

18. Chihowa isht i nukshopa yvt nishkin itikba ya ik im iksho hoke.

19. Yohmi ka nana h̄o vba nan vlhpisa yvt achi kv̄t, kv̄na hosh vba nan vlhpisa i nuta ai asha kak o im achi ka il ithana ; yohmi na itih puta kv̄t vlhk̄ma hi atok ; micha okla moyuma kv̄t Chihowa itikba ya nan vlhpisa yvt ai onvtula hi atok.

20. Yvmohmi hoka nan isht ai v̄tta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke ; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kv̄t vba nan vlhpisa holiobli kak o keyu, Chihowa hv̄t atahli tok a otaiyani kv̄t, vba nan vlhpisa, micha hopaii vhleha hv̄t nan atokowa anohonli tok ak atok :

22. Yvmmvt Chihowa i nan ai vlhpiesa Chisvs Klaist i yimmi kak o a minti mak osh moyuma ka im annohowa, micha yimmi moyuma, kv̄t anukfoyuka ; it im inla kv̄t iksho hoka :

23. Yohmi ka moyuma kv̄t nan ashvchi hatuk, micha Chihowa hv̄t ai ahninha hi a ik ono hatuk oka :

24. Chisvs Klaist vt isht vlltoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke :

25. Yvmmak oka im issish a anukchieto hokmak o, Chihowa hv̄t haiakvchi tok ; yohmi hosh Chihowa hv̄t na palvmmi onocha hi osh ile halanlit, tikba nan ai ashabanchi tok a i kashofi kv̄t, nan isht ai vlhpiesa otv̄ninha hi osh yvmohmi tok :

26. Yohmi hosh himonasi ya nan isht ai vlhpiesa ya otv̄ninha ch̄i hosh yvmohmi kv̄t, Chisvs ak o i yimmi hokvno

nan ai ashvchika ya ai vlhpiesachi kv̄t, ilap vt ai vlhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlhpisa nanta hak o isht ai akshu ho? nan isht v̄tta nan vlhpisa hak o? Keyu, amba na yimmi nan vlhpisa kak oke.

28. Yvmohmi hoka hatak vt v̄ba nan vlhpisa ya holitobli tok ak o keyu, amba na yimmi pulla kak osh isht ai vlhpiesa il ai ahnishke.

29. Chihowa hv̄t Chu ak illa in Chihowa ho? yvmmvt Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup t̄vpa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlhpiesacha hi vt Chihowa achv̄fa illa hoka.

31. Yohmi ka na yimmi yatuk pulla kak o v̄ba nan vlhpisa ya il akshochi ho? Ik yvmohmo pullashke: amba v̄ba nan vlhpisa yak o il ai ahlich̄i hoke.

#### CHAPTA IV.

Eblaham vt na yimmi hosh ai vlhpiesa isht hohchifo, 1 : 18 na yimmi moma hokvno Eblaham vt iki; 26 na hv̄pim a yimmi ka yak kia ai vlhpiesa isht pi hohchifa chi.

1. YOHMI ka p̄iki Eblaham vt hakn̄ip imma hokvno nanta hak o ahayuchi tok o, il acha hinla ho?

2. Yohmi ka Eblaham vt v̄ba nan vlhpisa ya isht ahanta kak osh isht ai vlhpiesa hokmvt, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa ya i yimmi kak osh nan isht ai vlhpiesa yvt immi toba tok.

4. Yohmi ka na toksahanli ka isht im vlhtoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashvchi ya ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yvmma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilaiyukpa ka Lewi ak kia isht anumpuli kv,

7. Kcna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yvmmvt na yukpvshke, achi tok.

9. Yohmi ka nan isht ilaiyukpa ilvppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvt hakshup ik tapo kisha kak atok o? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak o hakshup ik tapo kash inli hosh ishi tok; yohmi kv hakshup ik tapo kia, yimmi hokvno moyuma ka iki ya hi atok; yohmi ho yvmmak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohowa tok ak o iakaiya yvmmak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yvmma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palvmmi yoka; yohmi ka nan vlhpisa iksho hokvno, nan vlhpisa kobvffi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai v<sub>l</sub>hpiesa kak oke : yohmi ho yvmmak ash isht atiaka moyuma ka nan im issa tok ash im ai a<sub>h</sub>la hi-atok : isht atiaka v<sub>b</sub>a nan v<sub>l</sub>hpisa in tonla kash illa keyu, amba isht atiaka Eblaham e moyuma ka p<sub>i</sub>ki vt yimmi tok ak o chiyuhmi aiena kak o im ai a<sub>h</sub>la hi atok.

17. Yohmi ka, Oklushi l<sub>a</sub>wa ka iki yo chikbi li tok ; achi kv<sub>t</sub> holih<sub>i</sub>so hatok ak o yohmi hoke ; Chihowa i yimmi tok yvmmak osh illi ya tanihinchi, micha nana kv<sub>t</sub> ik yvmohmo k<sub>i</sub>sha kia, yohmi tuk ash inli ho chohmichit isht anumpo-honli yvmmak o itikba ai yvmohmi hoke.

18. Yvmmv<sub>t</sub> yohma he ik ahobo fehna kia, yohmi pulla ch<sub>i</sub> ahnit, oklushi l<sub>a</sub>wa ka iki toba hi atuk vt yimmi tok ; yohma hi o anuhumpa hatuk oka, Isht chi ai unchululi hv<sub>t</sub> yvmohma hi oke.

19. Yohmi kv<sub>t</sub> yimmi kv<sub>t</sub> ik kv<sub>l</sub>lo keyu hokv<sub>t</sub>, sipokni kv<sub>t</sub> afv<sub>m</sub>mi tahlepa achv<sub>f</sub>a foka kia, ilap haknip vt himo-nasi kv<sub>n</sub>o illi, micha Sela im oshv<sub>t</sub>o yv<sub>t</sub> illi, ai ahni tok keyu.

20. Chihowa hv<sub>t</sub> nan im issa tok ash ik yimmot anuk-tuklo keyu ; amba yimmi kv<sub>t</sub> kv<sub>l</sub>lo hatuk osh Chihowa ha holitohombli tok :

21. Micha nan im ih<sub>i</sub>sa hatuk vt ai a<sub>h</sub>licha he bano aiena ka nukfoyuka fehna tok.

22. Micha yvmohmi kak o nan isht ai v<sub>l</sub>hpiesa yv<sub>t</sub> immi toba tok.

23. Yohmi ka yvmmv<sub>t</sub> immi toba tok a, holih<sub>i</sub>so kak osh ilap ak atuk illa hak atok keyu :

24. Amba pishno ak kia p<sub>i</sub> holih<sub>i</sub>so ak inli tok ; pin Chitokaka Chisvs okv<sub>t</sub> illi tuk a falaminchit tanichi tok a il i yimmi hokmv<sub>t</sub>, pishno ak kia pimmi toba hi atok oka,

25. Yvmmak ash ot pim ai ashv<sub>ch</sub>ika yak atuk pulla mak o illa ch<sub>i</sub> hosh im v<sub>l</sub>hpisa tuk osh, isht pi ai v<sub>l</sub>hpiesa he mak o anonti falamv<sub>t</sub> tani tok.

CHAPTA V.

Na yimmi ho isht a pi vlhpiesa hokmak osh nan isht i kana Chihowa il ibai ishi, 1; 8 in tvnvp pia hatuk kia Chisvs im issish pulla ho il itin nanaiya tok; 10 il itin nanaiya hokvt hvpi okchaya chi pulla; 12 nanashvchi, micha nan illi itatuklo kvv Alvm ak o minti tok; yohmi hoka nan ai vlhpiesa micha nan okchaya itatuklo kvv Chisvs Klaist ako a minti hoke.

1. YUMOHHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hieili ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Micha ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kvv vlhtobvt illa he keyu chiyuhmi; amba hatak achukma yokvno kaniohmi kvv vlhtobvt illi kvv ik nukwiyo ka hinla chishke.

8. Amba Chihowa hokvto isht pi hullo otvnninchi kvv, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yvmmak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in twnvp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhkpa fehna cha, yvmmak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kvt ashahanchi hatuk oka.

13. Yohmi ka vba nan vlhpisa yvt ik holisso kisha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vhli Alvm nan ashahanchi tok a chohmi keyu moyuma kak kia nan illi yokvt i shaiyahli tok; yvmmak ash ot vla hi atok yvma isht vlhpisa hoke.

15. Amba nan ai ashvchika yash o na hvlbina yvto ik chiyuhmo hoke. Yohmi ka achvfa hosh nan ashvchi kak o moyuma kvt illi hokma, Chihowa hvv isht i kana, micha isht i kana yak o isht a hvlbina yvt isht i shahli fehnvt, Chisvs Klaist, hatak achvfa, yvmmak atuk pulla kak o moyuma ka in laua hoke.

16. Micha achvfa nan ai ashvchi tok ash o na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kvv isht ai i palvmmi yatok, amba pilla na hvlbina yak okvto ai ashvchika lava isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i shaiyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehnvt, hatak achvfa, Chisvs Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kv̄t isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesvt okchaya hi vt hatak moyuma ka im aya hatok.

19. Hatak achvfa kash osh ik im antio pulla kak o moma kv̄t nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kv̄t ai vlhpiesa toba hi oke.

20. Anonti ai ashvchika yvt lawa chi mak o, vba nan-vlhpisa yvt aya tok: yohmi kia ai ashvchika yvt lawa ma, isht i kana yvt isht i shahli fehnvt lawa tok.

21. Yohmi ka ai ashvchika yvt imaiyvt illihinchi tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta he keyu, 1; 3 na baptismo pulla hosh yvm-mak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvp i shahlo kashke: 22 nanashvchi atoksali isht im vltoba kv̄t nan illi.

1. YOHMI ka nanta hak o il acha hinla ho? Isht i kana yvt laua chi mak o, isht ai ashvchika ya e mahaya hinla ho?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli ho il ai ahanta moma hinla ho?

3. Yohmi ka Chisvs Klaist ak o im a baptismo kv̄t, illi tok a isht a pi baptismo ak inli hatuk a, hvch ik ithano ho?

4. Yvmohmi ka pi baptismo pulla kak osh illit il iba hol-

lopi hoke : yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itynowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulo k<sup>o</sup>nia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvma ibai illi hatok, ilvppa il ithana hoka.

7. Yohmi ka k<sup>o</sup>na hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu : nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa h<sup>o</sup> ai ashvchika pulla kak o illi hatok : amba okchaya hokvto, Chihowa hak o im ahantvshke.

11. Yvmmak inli h<sup>o</sup> chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvma hvch ik im antio kashke.

13. Hvchi haknip moyuma ka v<sup>l</sup>hpesa ahnit, nan ik ai v<sup>l</sup>hpieso isht a yvmohmi y<sup>o</sup> chiyuhmit isht hvsh ashvchi ná ; amba illi tok osh falamvt okchaya h<sup>o</sup> chiyuhmit, Chihowa ya hvsh il im issashke ; micha hvchi haknip moyuma kv<sup>t</sup> Chihowa yak o nan isht ai v<sup>l</sup>hpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shabla he keyu ; yohmi ka nan v<sup>l</sup>hpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan v<sup>l</sup>hpisa ya nutaka il



anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvvchi kaniohmi ho hvchim vlvvchi hatok vt hvchi chukvsh ak o isht hvsh holitobli hatuk ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi haknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai asivcenika ya i yuka hosh hvsh ai asha mvto, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatuk osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmvt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

## CHAPTER VII.

Okchayvt anta kak illa ho vba nan vlpisa yvt onvtuyula, 1, 4 yohmi ka vba nan vlpisa ya il im illi tok; 7 yohmi kia vba nan vlpisa yvt nanashvchi keyu; 12 amba holitopa vlpiesa, micha achukma; nan vlpisa ya holitobli kv̄t ik onancho kak osh Pal vt nukhaklo tok.

1. ITIBAPISHI li vhleha ma! nan vlpisa ya ithana vhleha hak o im anumpuli lishke; yohmi ka hatak vt okchaya takla ka nan vlpisa yvt i shaiyahli hoka hvch ik ithano cho?

2. Yohmi ka ohoyo hv̄t i hatak ashakmvt, nan vlpisa ya nutaka ahanta hatuk osh, i hatak vt okchaya takla ka i filv̄mma he keyu; amba i hatak ak osh illi hok mv̄no, i hatak a i filv̄mma he keyu nan vlpisa yash o ai i mokofa hoke.

3. Yvmohmi hatuk o i hatak vt okchaya takla ho, hatak inla auwaya hokmvt, havi hohchifa hi oke; amba i hatak vt illi hokmv̄no, nan vlpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak o nan vlpisa ya hvsh im illi hoke: yohmi kv̄t inla yo hvsh auwaya kv̄t, illi tok vt falamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak o i nutaka hosh il ai asha mv̄no, ai ashvchika anukfila puta kv̄t nan vlpisa atuk pulla mak o yvmohmit, haknip moyuma ka a toksahanli hosh isht illi ya vnit wahaya tok.

6. Amba himonasi kv̄no nan vlpisa ya il ai i mokofa kv̄t, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla ho? vba nan

vlhpisa yak osh ai ashvchika yo? ik yvmohmo pullashke. Keyu, ai ashvchika ya ak ithano ke tuk osh, amba vba nan vlhpisa ak atuk pulla mak o ithana li tok; yohmi kv̄t nan vlhpisa yak osh, Chik anushkunno kashke, achi hatuk ke-yukma, nan anushkunna yo ithana la hi atuk keyu hoke.

8. Amba ai ashvchika yvt vba nan vlhpisa atuk pulla mak o nan-anushkunna ilaiyuka puta ka isht si anukfokihinchī tok; vba nan vlhpisa yvt iksho hokvno ai ashvchika yvt illi yatok oka.

9. Yohmi ka vba nan vlhpisa ya ak ithano hokvto, himonna ka sai okchaya tok; amba vba nan vlhpisa nan ai ahni kv̄t vla mvno, ai ashvchika yvt okcha tok: mihma sv̄lli tok.

10. Micha vba nan vlhpisa yvmmvt isht ai okchaya yosh vlhpihisa tok ash osh, isht illi yo ahayuchi li tok.

11. Yohmi ka ai ashvchika yvt vba nan vlhpisa yak o isht okcha cha, sa haksichi tok; micha yvmmak o isht sv̄bi tok.

12. Yvmohmi hatuk o vba nan vlhpisa yvt holitopa, mikma nan vlhpisa nan ai ahni kv̄t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a sv̄lla he an toba tok o? ik yvmohmo pullashke. Amba ai ashvchika yak atok yohmi hō ai ashvchika yvt otvna chī kak osh, nana achukma ka isht a sv̄lla he vm ikbi tok; yohmi hō ai ashvchika yvt ik achukmo atampa fehna kv̄t nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshke; amba vno yokvto haknīp nan ai ahni i nuta sia, ai ashvchika ya i yuka sia hoke.

15. Yohmi kv̄t nana hō yohmi li kv̄t, vlhpesa ak ahno; yohmi kv̄t nana hō ai ahni li hokvto, yvmmvno ak yvmihcho; amba nana hō ak ahninchokmvt, yvmmak o yvmihchi lishke.

16. Yvmohmi kv̄t nana ka ak yvmihcho hokbano ai ahni lik mak osh yvmihchi li hokmvt, vba nan vlhpisa yvt achukmvshke, vno yvt ai ahni lishke.

17. Yakohmi hoka vno ak osh himmakma yvmma yvmi-

hinchi li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yummvt sa haknip anukaka ya nana achukma kv̄t iiksho ka ithaiyana lishke: yohmi kv̄t nana achukma ai ahni hokv̄to si anukfoyuka; yohmi kia nana achukma yv̄mma yvmihinchi la he ak osh ak aha-yuchoshke.

19. Yohmi kv̄t nana achukma kv̄no yvmihchi la he ai ahni li kv̄t, ak yvmihchoshke; amba nana ik achukma kv̄no yvmihchi la he ak ai ahno kia, yummv̄no yvmihchi lishke.

20. Anonti nana ka ak yvmihcho hok bano ai ahni lik mak osh yvmihchi li hokmvt, vno ak osh himmakma yv̄mma yvmihchi li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihchi la he ai ahni likma, nana ik achukmo hokv̄t si anukfoyuka a bilia kv̄t, il akostininchi lishke.

22. Yvmohmi hoka Chihowa i nan v̄lhpisa ya v̄m anukfila himona yak okv̄no isht i hullo lishke.

23. Yohmi kia sa haknip nan ai ahni hokv̄t inla hatuk osh, v̄m a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. Ūno hatak ilbv̄sha fehna sia hoka, kv̄ta hak osh isht ai illi haknip ilv̄ppa a sa hlakoficha chi cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka v̄m anukfila hokv̄no Chihowa i nan v̄lhpisa yoka isht holitobli li; amba sa haknip okv̄no ai ashvchika nan ai ahni kak o isht i yuka sia hoke.

## CHAPTA VIII.

Klaist a kv̄na hosh ib ai achv̄fa cha, Shilombish nan ahni ho ahanta hokv̄to isht ai ilbv̄sha he nan v̄lhpisa ya im ai i hlakofi, 1; 5-13 nan isht ahotopa he nana hosh haknip a atoba: 6-14 nan achukma nana hosh Shilombish a a minti, 17 mikma Chihowa im v̄lla toba

ka nana achukma nana hosh otvni; 29 nan isht ai okchaya hi vt Chihowa pulla hō t̄ikba ma im vlhpisa tok; 38 nan isht ī hullo ya nanta hosh isht a pit ī filamincha hinla hō?

1. YUMOHMI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai ī palvmma he anumpa hvt im vlhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yo a sa hlakofichi hatok oke.

3. Yohmi ka vba nan vlhpisa yvt nana ka ik atahlo kv̄t, haknip ak atuk pulla kak o ik ai ahlo hatuk o, Chihowa hvt ilap Ushi ak inli hō ai ashvchika isht vltoba mak o hatak nan ashvchi haknip a hobachit auet kanchi hosh, haknip ak o ai ashvchika ya ai ī palvminchi tok:

4. Yohmi hō pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vlhpisa isht ai vlhpiesa kv̄t pim ai ahla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o ī hullot anukfihinli chatuk: amba Shilombish nan ai ahni kak o iakaiya hokvto, nana puta Shilombish immi hak o ī hullot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke; amba Shilombish nan ai ahni kak o isht ahanta hokvto isht ai okchaya, micha isht it ī nanaiya yoke:

7. Haknip nan ai ahni kak o isht ahanta hokvto Chihowa ī nukkilli yoka; yohmi kv̄t Chihowa ī nan vlhpisa ya im antia keyu, micha yohma hi o keyu kamohmi mvhlishke.

8. Yakohmi hoka haknip nan ai ahni kak o ī nutakvt ahanta hokvto Chihowa ya yukpala himma keyushke.

9. Amba haknip nan ai ahni kak o ī nutakvt hvsh ahanta keyu, amba Shilombish nan ai ahni kak o ī nutakvt hvsh ahanta hoke; Chihowa imi Shilombish ak osh hvchi anukfoyuka ho mvhli hokmvt. Yohmi ka hatak nana hosh Klaist imi Shilombish ā ishi keyu hohmvt, immi hō keyu hoke.

10. Micha Klaist ak osh hvchi foyuka hokma, hvchi hak-

nip okvto ai ashvchika yak atuk pulla kak o illi hoke : amba hvchi shilombish okvto nan isht ai vlhpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vlhtayak ilap imi Shilombish hvchi anukfoyuka kak o isht okchalnchi ak inla hi oke.

12. Yvmohmi ka itibapishi li vhleha ma! nan aheka vhleha pia kvt haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke ; amba Shilombish ak atuk pulla kak o haknip nan a kaniohmi puta ka hvsh illihinchi hokmvt, hvchi okchaya hi oke.

14. Yohmi ka laua kaniohmi ho Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila ho hvsh ishi hatok keyu ; amba vlla im anukfila ho hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kv, Chihowa im vlla vhleha pia ka anolishke,

17. Micha im vlla pia hokmvt, isha he ai vlhpiesa pia : micha Chihowa yak o im ai isha he vlhpiesa pia, micha Klaist ak o it ibai isha he ai vlhpiesa pia hoke : yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vlhpisa hi a ik ono, ai ahni lishke,

19. Nana toba tok puta hokvto Chihowa ushi vhleha hv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vlhpesa ik ahno kia, isht ai illa hi vt im vlhpisa tok : yohmi kia isht ai illa he im apesa kv, isht a hlakofa he ahna hi a nukfokit yvmihchi tok.

21. Yohmi hoka nana toba tok ash puta kv̄t isht ai illa he ī yuka hatuk vt ai ī hlakofi cha, Chihowa im v̄lla vhleha hv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai h̄ih̄ih̄vt, it ibai ilbahasha na himak a hoka, il ithaiyanvshke.

23. Micha yvmmak illa h̄o keyu, amba pishno ak kia Shilombish isht ai vni waya v̄mmona ka il ishi kv̄t, pishno ak kia e h̄ih̄iha kv̄t v̄lla ai āhli e toba he, yvmmvt pi haknip isht a hlakofi yak o e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokv̄to, himmak o il isha he il ahna he keyu hoka: yohmi ka katiohmit hatak vt nana ka ishi kv̄t himmak o ishi la hi oka, ahni h̄o?

25. Amba nana ka e p̄isa keyu hosh il isha ch̄i, il ai ahni hok mak osh nuktaiyalvt achunanchit e hohoyo hoke.

26. Yvmmak ī chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a h̄ih̄iha isht anumpa he keyu puta kak o pi anukfokihinchi hoke.

27. Yohmi kia chukvsh puta silhhit akostininchi yak okv̄to Shilombish vt nana h̄o pi anukfokihinchi ka ithana hoke: Chihowa nan ai ahni kak o Shilombish ash ot vbanumpuli āhli puta ka nana ka anukfokihinchi hokv̄t.

28. Yohmi ka nan okluha hokv̄t Chihowa ī hullo vhleha, ilap nan ai ahni tok pulla mak o vlhtohoka tok vhleha hokv̄to, isht im ai achukma he mak o it ibai toksahanli ka il ithaiyanvshke.

29. Yvmohmi ka tikbanli ithaiyana tok okv̄to ilap Ushi yak o hoyulba he mak o tikbanli atokohonli mak inli tok; yohmi h̄o yvmmak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okv̄to hoyo mak inli tok: mihmvt hoyo hatuk okv̄to ai vlhpiesvchi mak inli tok:

mihmvt ai vllhpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlhtoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vlhpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hotopali, isht a hohchvfo, haknip bieka, isht ai illa he, keyukmvt bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vlhpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

## CHAPTA IX.

Pal vt Chu i nukhaklo, 1. 7 Eblaham isht ai unchululi moma kvf nan ai yukpa isha hi vlla keyu: 18 Kvna ho ahni hok mak osh



Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **K**LAI**S**T ak o nan ai ahli ka isht ai anumpuli li kv̄t holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kv̄t sa chukvsh anukaka ya isht a nukhaklo bilia, micha isht a weki chinto kv̄t a foyuka kak osh miha lishke.

3. Yohmi ka itibapishi li v̄hleha, vm okla achvfa yak atuk pulla mak o Klaist a i filvmm̄it sa kv̄nia hi a, ahni la hinla hokbano.

4. Yvmmak osh Israel isht atiaka v̄hleha hoke: yvmmak o ushi isht a toba, micha Chihowa yvt holitopa fehv̄t im otaiyani, micha nan it im v̄lh̄pisa puta, micha v̄ba nan v̄lh̄pisa in tonla, micha Chihowa isht aiokpv̄chi, micha ai okcha- yvt bilia puta im issa tok aiena kv̄t immi hoke:

5. Mihmv̄t iki v̄hleha tikba chash ot immi, micha yvmmak o Klaist vt hatak haknip imma hokvno a minti tok osh, moma i shaiyahlit Chihowa holitopv̄t bilivshke. Amen.

6. Chihowa im anumpa hokv̄t aka itulv̄t kv̄nia tok o chiyuhmi keyu hoke. Yohmi ka Israel v̄hleha hak osh moyumv̄t Israel okla keyu hoke.

7. Michā Eblaham isht atiaka v̄hleha hokak osh moyumv̄t im v̄lla v̄hleha keyu ak inli: amba Aisaak ak o isht chi ai unchululi hohchifa hi oke.

8. Yohmi kv̄t haknip imma im v̄lla v̄hleha hokv̄to, Chihowa im v̄lla v̄hleha keyu hoke: amba im issa tok v̄lla v̄hleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hv̄t ilv̄ppak oke, V̄lh̄pisa tok nitak ont ai v̄lh̄piesakma v̄la la hi oke, mikma Sela yvt ushi im vtta hi oke.

10. Michā yvmmak illa keyu; amba Lebeka yak kia achvfa p̄iki Aisaak ak o isht ai i chakali hatuk o;

11. Yohmi ka v̄lla yokv̄t ik ashwo k̄isha hokv̄t, nana

achukma, nana ik achukmo nana kia ik yvmihcho kisha ak inli kia, nana h<sub>o</sub> yvmihchi tok ak o keyu, amba ilap ak osh hoyo hatuk o vlhtoka kv<sub>t</sub> Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kv<sub>t</sub>, Chekob ano i hullo li tok: amba Esau yokno ak i hullo ki tok, ahanchi hatok oka.

14. Yakohmi ka nanta hak o il acha hinla h<sub>o</sub>? Chihowa hv<sub>t</sub> nana yvmihinchi kv<sub>t</sub> ik ai vlhpeso h<sub>o</sub>? ik yvmohmo pullashke.

15. Yohmi ka, Kvna h<sub>o</sub> i nukhaklo la he ahni likmvt, i nukhaklo la hi oke; micha kvna h<sub>o</sub> i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokma, mvlihinli kak okma, nana kak osh ishi h<sub>o</sub> keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvninchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahanta chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna h<sub>o</sub> i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katiohmi h<sub>o</sub> ik ahnincho imoma h<sub>o</sub>? Kvta hak osh ilap nan ai ahni ka i sanali hatuk o? is svm acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi h<sub>o</sub> yakohmichit chishno yvt is sakbi tok o? im acha hinla h<sub>o</sub>?

21. Lukfampo ikbi yvt lukfi ya kanimihcha hi vt im ai vlhpiesa keyu h<sub>o</sub>? lukfi yvmvaska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu h<sub>o</sub>?

22. Yohmi ka Chihowa hv<sub>t</sub> ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onvtuyula he nan ai vlhto okpulot kvnia he im vlhtaiyaha puta ka ilbvshala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nukhaklo onvtuyula he nan ai vlhto puta, yvmmvt isht a holi-topa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holi-topa tok keyu kvv, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yvmmak o Chihowa okchaya im vlla vhleha a hohchihifa he mak oke.

27. Esaias ak kia, Israel imma ka chitolit isht anumpohonli mvt, Israel im vlla vhleha holhtina kvv okhvta on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kvv ilap im anumpa ha ai ahlichia chi kvv ai vlhpiesa hosh tushpa fehvvt yvmihcha hi oke : yohmi hosh Chitokaka yvt yakni paknaka ya a yvmohma he vlhpiesa tok anumpa ha ai ahlichia he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hvv nan isht ai vlhpiesa yak o achunanchit hohoyo hatok keyu kvv, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpiesa isht ai vlhpiesa ya achunanchit hohoyo kvv, nan vlhpiesa isht ai vlhpiesa ya ik ai ono hatok oke.

32. Yohmi ka katiohmi hatok o ? isht ai vlhpiesa yash o isht ai yimmi kak o keyu, amba nan vlhpiesa yak o a mihinta

hi ash o in chiyuhmit hohoyo hatok okvt. Isht ai ibetvbli tvli yvmma isht ibetvbli hatuk okvt.

33. Holihiso kv̄t, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

## CHAPTER X.

Vba nan vlpisa, micha na yimmi yo isht ai vlpiesa kv̄t itim inla ka anoli, 5, 11 Chu yokma, Chentail okma nana hohkia, na yimmi kv̄t momvt hofahya he keyu, 18 Chentail vt vbanumpa ha holitoblit yimma he.

1. ITIBAPISHI li vhleha ma! sa chukvsh nan aiahni, micha Israel oka anumpa ilbvsha Chihowa ha isht im anum-pohonli li kv̄t, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ahli ithana keyu ka atokowa im ithaiyana lishke.

3. Yohmi kv̄t Chihowa hv̄t nan isht ai vlpiesa ya ataiyahli tok a ithana keyu hatuk osh, ilap inli i nan isht ai vlpiesa yo ai ahlichy bnna kv̄t, Chihowa hv̄t nan isht ai vlpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vlpiesa he mak o, Klaist ak osh vba nan vlpisa nan ai ahni ka ai ahlichy yoke.

5. Yohmi ka Moses okvt vba nan vlpisa isht ai vlpiesa ka isht anumpuli mvt, Hatak vt yvmma puta ka yvmihin-chik mvt, isht ai okchaya hi oke, achi tok oke.

6. Amba na yimmi isht ai vlpiesa hokvto yakohmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi o? achi kv̄t, Klaist a ont ilaelit aka isht vla chi ho? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi o? achi kv̄t, Klaist a falaminchit tanichi cha, isht vla chi ho? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh tanichi tok a chi chukv̄sh oka isht chi yimmi hokmvt, chi okchaya hi oke, yv̄mmvt achi hoke.

10. Yohmi ka hatak vt chukv̄sh ak o isht ai yimmi kak osh isht ai v̄lhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kv̄na fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kv̄na hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yv̄mma i yimmi hatuk keyu kv̄t i pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Michā v̄lhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyv̄chi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehmv̄shke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ahli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Israel vt ithana hatuk keyu ho? vno vto achi

lishke. Ummona ka Moses vt okla h<sub>o</sub> keyu kia isht a chi nukta<sub>h</sub>lachi la hi oke, micha oklushi ik hopoyukso y<sub>o</sub> isht a chi nokowvchi la hi oke, achishke.

20. Anonti Esaias vt nukw<sub>a</sub>ya iksho hosh, Sa hohoy<sub>o</sub> hatok keyu kv<sub>t</sub> si ahayuchi tok; si a ponah<sub>a</sub>klo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

## CHAPTA XI.

Chihowa hvt Chu moma kak o kanchi hatok keyu, 1; 7 kanimi kvto chukvsh kvlochi kia, kanimi kvto okchaya he vlhtoka tok: 16 vbanumpa anukfokha hi yokvno im ahna he vlhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kv<sub>t</sub> im ithvna he keyu.

1. YAKOHMI ka Chihowa hvt im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hvt im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv<sub>t</sub>,

3. Chitokaka ma! chi hopaii vhleha ha ahambi tok, chim alta puta ka iba kullit akahanchi tok; yohmi ka vno ak bano hosh ahanta li ma, vm ilhfiohpak a tvbli bahanvshke, ahanchishke.

4. Yohmi kia Chihowa hvt afalaminchit nanta hak o im achi h<sub>o</sub>? Hatak tahlepa sipokni untuklo hokvto Baal holbvt toba ya ik i hvchukbihlepo atuk okvno vno vmmi y<sub>o</sub> ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanvt isht ai vlhtoka tok vt kanihmi kv<sub>t</sub> ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi ho? Israel okvt nana hohoyo kv̄t ishi hatok keyu hoke: amba vlhtoka yak osh ishi hatok; mihma kashapa hokv̄to im anukfila hv̄t kv̄llot kv̄nia tok oke;

8. Yohmi ka holihiso kv̄t, Chihowa hokv̄t im anukfila nosilhhv̄t kv̄nia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak a ai vlshke.

9. Mihma Lewi vt achi kv̄t, Ai impa yvt isht ai ibetv̄bla he, micha isht ai itula he, micha isht ai okpula he, micha isht ai im vlhtoba he aiena isht ai in tobashke.

10. Michā nishkin vt im okhlili cha, isht ik peso hosh hlipkv̄chit maya na biliashke, achishke.

11. Yakohmi hoka ibetv̄bli hatuk ak osh isht ai itulv̄t kv̄nia ho? Ik yvmohmo pullashke: amba isht ai itula hatuk pulla kak o isht ai okchaya yvt Chentail a im vla ho isht a nuktahlahancha chi hatok oke, achishke.

12. Yohmi ka yvmmv̄t isht ai itulv̄t kv̄nia kak o yakni moyuma kv̄t isht ai yukpa laua kv̄t im vla hokma, micha isht ik a lauwoṭ taiyaha kak o Chentail v̄hleha ha isht ai yukpa laua kv̄t im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hv̄chia ha hv̄ch im anumpohonli il kv̄t, Chentail im apostel sia hatuk okvt, nan isht ai vtta li ya holitobli lishke.

14. Yohmi hosh kaniohmit isht a nuktahlachit sa haknip ai achv̄fa kash kanimi kv̄no okchalinechi la hinla hokmv̄t,

15. Yohmi ka yvmma kaiyanchi kak o yakni moyuma kv̄t isht ai it i nanaiya hokma, yvmmak ash i kanv̄t falaminchit ishi hokak heno nanta ha hi o? amba illi tuk vt falamv̄t isht ai okchaya kak a hi o?

16. Yohmi ka vnit waya v̄mmona kv̄t holitopa hokma, a moyuma kv̄t holitopa ak inli hoke: micha hakshish vt holi-topa hokma, naksish puta kak kia yohmi ak inli hoke.

17. Mihma naksish kaniohmi kv̄to atv̄ptov̄t kv̄nia hokma,

alif haiaka ai offo chia hash osh ish ibafohka hatuk; micha yvmmak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kvt kobahlit kvnihiya kvv, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kvnihiya hatok; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke:

21. Yohmi ka Chihowa hvv naksish fehna yash kanchi nukwiya tok keyu hokmvt, chishno yak kia chi kancha he yoba ka, ahah! ish ahnashke.

22. Yvmohmi ka Chihowa hvv isht i kana, micha isht palvminchi ya ho pesa: aka itula tok ash isht palvminchi; amba chishno yokvno isht chi kana, ilap isht i kana yash o ish a mahaya hokmvt; yvmmak keyu hokmvno chishno yak kia chayvt chi tupa he ak inli hoke.

23. Yvmmak ash kia ik yimmo kak o keyu hokmvt, iba fohoka he; Chihowa hak osh yvmmak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma; naksish fehna yatok ilvppak heto isht i shahli fehvt ilap immi yatuk ash inli ka ibafohoka hinla keyu ho?

25. Yohmi ka itibapishi li vhleha ma! Israe! a kashapa hokvt im anukfila hvv kahanlo na Chentail vhleha isht ai alotowa yvt vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvno Israe! vhleha hvv moyumvt okchaya hi oke; holihiso kvv, Nahlakofichi yvt Saion ak o a mintit kohcha hosh ai ashvchika ya Chekob a ai isht i kahancha hi oke, achi hatok oka.



27. Micha ai ashvchika yash ai isht i kanchi likmvt, ilvp-pak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yvmmak ash ot tvnvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvt na habenahanchi, micha atokohonli aiena kvv inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvt yvmmak ash moyuma kvv ik yimmo ka he im ai'ahni hosh moyuma ka i nukhakla he ak atok.

33. Yakeh! Chihowa hvt hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvta hak osh Chitokaka im anukfila ha ithayana tok o? keyukmvt kvta hak osh nan i miha yatok o?

35. Keyukmvt kvta hak osh tikba ima hatok osh, anonti falamvt im vltoba hi atok o?

36. Yohmi ka nan okluha kvv yvmmak o a mihinti, micha yvmmak o isht a toba, micha yvmmak o immi mak osh tohomba tok; isht a holitopa yvt yvmmak o immit peh biliashke. Amen.

CHAPTA XII.

Chihowa ahnichit e yukpa la chi ka Chihowa nan isht i nukhaklo yash pi nukfokihincha hi a tuk, 1; 3 ilifehvvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vllhpesa kv̄t a pi onutuyulak ma, mihi yō e yv-  
mohmashke; 9 it̄i hullo, micha nana ka il a yvmihcha he vllhpesa inla  
aiena ka pim apesa; 19 afalvminchit nana ka ik vllhpesalo ka hi  
okvno pim ahni keyu hoke.

1. YUMOHMI ka itibapishi li vllheha ma! Chihowa  
hvt isht i nukh̄aklo puta hak atuk pulla mak o hv̄chi haknip  
puta hokvno vba isht aiokpv̄chi okchaya, holitopa, Chihowa  
yvt aiokpancha he vllhpesa hō, yv̄mma isht hv̄sh ai ahanta  
ta he vllhpiesa hokvt, hv̄sh im issa he, hv̄chim ai ahni lishke.

2. Michā yakni ilvppak inli ka hv̄ch ik hoyulbo kashke  
amba hv̄chim anukfila hvt himonvt toba pulla hatuk mal  
osh inlv̄t hv̄sh tobashke; yohmi hosh nan achukma, nan a  
vllhpiesa, nan ai ahli Chihowa nan ai ahni ka hv̄sh akosti-  
ninchashke.

3. Yohmi ka isht i kana ya vma hatuk pulla mak o, ha-  
tak hv̄ch ibafoka puta ka ilap ash inli kv̄t isht il anukfilla  
he ai vllhpiesa ka isht i shahlichit isht ik anukfillo kashke,  
im achi lishke: amba il oktambilit Chihowa hvt hatak hikia  
aiyuka ka isht ai yimmi kaniohmi hō ima hatok ash o, hatak  
hikia aiyuka kv̄t isht il anukfillashke.

4. Yohmi ka pi haknip vt achvfa kia, pit ai achvfa hvt  
laua, micha pit ai achvfa ilvppvt moyuma kv̄t nan isht ai  
vtta yvt miash inli keyu kash o:

5. E chiyuhmi hosh e laua kia, Klaist il ibai achvfa kv̄to  
haknip achvfa pia, micha achvfa aiyuka kv̄t pit il it ibai  
achvfa hoke.

6. Yvmohmi ka isht i kana yvt kaniohmi hō il ishi hatok  
ak osh na hv̄lbina puta kv̄t ilaiyuka hō il ieszhi hokvt, Shi-  
lombish anukfoyukvt anumpuli isht ai vtta yō e habena ha-  
tuk okmvt, isht ai yimmi yak o ai itilauī hō yv̄mmak o isht  
il ahantashke.

7. Mikmvt chv̄ch nan isht im vtta isht ai vtta ya e habe-  
na hatok mvt, yv̄mmak o isht il ahantashke; micha nan  
ithvnanchi yokmvt, yv̄mmak o isht ahantashke.

8. Michā vbanumpa isht atohnochi yokmvt, yv̄mmak o  
isht ahantashke: na hopela yokmvt, im anukfila apissali  
hosh yvmihchashke: pehlichī yokmvt, ai ahli achukmashke:

ī nukhāklot nan isht im vtta yokmvt, aiokpanchi hosh yvmihchashke.

9. Isht ī hullo yvt isht il ahobi iiksho hashke. Nan ik achukmo ka ish ī nukkillashke; nan achukma hoka ish asi-tiashke.

10. Itibapishi chiyuhmit it ī kana fehnvt hvsh it ī hulahke; hvsh iti holitobli kv̄t hvsh it im ī shahlashke.

11. Nan isht vtta kv̄t intakobi keyu; chukvsh isht ai yiminta fehnvt, Chitokaka yak o in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuh-pashke: na palvmmi hvsh pihisa kv̄t hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ūbanumpuli a bvnna ka hvsh ī hopehinlashke: hatak ik ithano ya hvsh ī kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi a hvch ik ai ahno hosh, isht ai achukma he ak o ai ahnit isht hvsh anumpohonlashke.

15. Nan isht ilaiyukpa ka hvsh ibai yukpashke; micha nukhāklokma, hvsh iba nukhāklashke.

16. Hvchim anukfila hv̄t ai achv̄vt hvsh it im anukfil-lashke. Isht a holitopa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik ī falamincho kashke. Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kv̄to, hatak moyuma ka hvsh it ī nanaiya hosh hvsh ahantashke.

19. A holitopa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holihiso kv̄t, Ai vlhpiesa isht atobba hi okvt vmmi hatuk osh, afalaminchit atobbi la hi oke, Chitokaka yvt achi hatok oka.

20. Yvmohmi ka chin tv̄v̄p vt hohchv̄fo hokma, ish ipetashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiyachashke.

### CHAPTA XIII.

Nan apesa ya im antia, mikmvt nana ka il i yvmohma he vlhpesa kvv inla mvt aasha ka isht anumpuli, 1, 8 vba nan vlhpisa yvt ahla hi a holitobli, 11 atampuli fehnvt impa, nan ishkot haksi aiena kvv ai okhlili ka yo yvmohmi hatuk osh kanima yo vbanumpa hvv atohwikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvv nan apesa tok a i sanali hoke: mikmvt i sanali vhleha hokvto ilap inli isht ai ilbvsha yosh im vlhpsivt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvto yvmmak ash o ish im a holitopa hi oke.

4. Nan isht chim achukma chi mak o yvmmvv Chihowa nan isht im vta hatuk oka. Yohmi kia nan ik achukmo kak o ish yvmihchi hokmvt, chi nukshopashke: yohmi ka yvmmvv bvshpo falaia ya peh pilla ieshi ho keyu; amba yvmmvv Chihowa nan isht im vta yosh nana ka ai ahlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmvt Chihowa nan isht im vttta vhleha hatuk osh nana ilvppak fehna ka isht ahantvt bilia hoke.

7. Yvmohmi ka moma kvv ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vlhtoba kashampa kvnia he tuk a kvna hosh isha he ai vlhpiesa kak o ish imashke: kvna ho i nukshopa he, ai vlhpiesa kak o ish i nukshopashke: kvna ho holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokvto vba nan vlhpisa ya ai ahlichy hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvv takanli hokmvt, anumpa kanomosi, Chin chuka panta hatak a ish i hullo kvv, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ahlichy mak oke.

11. Micha ilvppak o hvsh yvmohmashke: mikmvt himonasi ka nusi tuk vt pi okcha he hvshi kanvlli hvv ont ai vlhpiesa ka il ithaiyanashke; himonasi kvno isht ai pi okchaya yokvt pi bilika kvv pi yimmi hatok ano i shahli hoka.

12. Ninak vt ant ia hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnot hvch ik it i nukkilllo kashke.

14. Amba Chitokaka Chisvs Klaist ak o hvsh foyukash-

ke ; micha haknip nan ai ahni okpulo puta ka im ai ahlicha chi kvt haknip a nana hvch ik atahlo kashke.

#### CHAPTA XIV.

Nana kvt ilim itim inla mak osh il iti shetilima he tok keyu, 1 ; 13 amba nana ka abah ! il oh ahni na, nana ka il itim inla hoh kia, inla maya kvt isht ik pim ai ibetvblo kashka ; 15 nana kvt yohmi ka na laua ho isht mihvt Pal vt otvninchi hoke.

1. NA yimmi kvt ik ono ka hvsh i kana banashke ; micha im anukfila anuktuklo atuk a nana isht chik im apeso kashke.

2. Yohmi ka achvfa hokvto nan okluha ka vpa hi atuk vt yimmishke ; inla hokvto na yimmi kvt ik ono mvt, na waya yak o vpvshke.

3. Yohmi ka vpa hokvt ik po hoka ik kanimancho kashke ; micha ik po hokvt vpa hoka nan ik im apeso kashke ; Chihowa ak osh i kana hatuk oka.

4. Kvta chia hokak osh hatak inla in tishu ha nan ish im apesa hoh cho ? ilap i shahli ak illa ho isht im a hikia he, keyukmvt isht ai im itula hi oke. Ahli, ai ahlit hikia hi oke, Chihowa hak osh ai ahlichit hilecha hinla hoka.

5. Hatak achvfa hokvto nitak achvfa kvt inla ka i shahli, ai ahnishke ; inla hokvto nitak moma kvt itilau, ai ahnishke. Hatak puyuta kvt ilap im anukfila fehna ka ai ahlit anukfoyukashke.

6. Kvna hosh nitak a holitoblikmvt, Chitokaka yak o i holitobli hoke : mikma kvna hosh nitak a ik i holitoblo hokmvt, Chitokaka yak o ik i holitoblo hoke. Kvna hosh vpakmvt, Chitokaka yak o im vpa hoke ; Chitokaka yak o isht aiokpvchi ya ima hokvt : mikma kvna hosh ik pokmvt, Chitokaka yak o ik im vpo hoke : yohmi kia isht aiokpvchi ya Chihowa yak o ima hoke.

7. E kanima kvt pishno inli il im anta keyu hoke : micha hatak nana kia ilap inli il im illi keyu hoke.

8. Pi okchayvt il ahanta kvt, Chitokaka yak o il im ahanta hoke ; micha pilli hokmvt, Chitokaka yak o il im illi hoke ;

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvppak fehna hatok oka.

10. Yohmi kia nanta katiohmi ho chitibapishi ha nan ish im apesa cho? micha nanta katiohmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokakayvtachi hoke, achi hatok oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukmvt isht ai itula he nana kia itibapishi i hina ya ik bohlo ka he ilvppak o hvsh im anukfillashke.

14. Yohmi ka nana kvt ilap ak inli kvt ik kashofo kvt iksho ka, Chisvs Klaist ak atuk mak o isht a sa nukfoyukvt, ithaiyana lishke: amba kvna hosh nana kvt ik kashofo ai ahni hokvno, yvmmvno nana kvt ik i kashofo hoke.

15. Ish itibapishi hvvt nana ish pa ka isht ik im vlhpieso hokma, himak a i hullot ish nohova keyushke. Yvmmak ash Klaist vt vlhtobvt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlhpesot isht ik anumpo kashke.

17. Yohmi ka Chihowa apehlichika yokvt nan impa, nan ishko kak o keyu hoke; amba nan isht ai vlhpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvppak fehna ka Klaist a isht im antia hokvno Chihowa yvt ahninchu, mikmvt hatak puta kvt vlhpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak o e yvmohomashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan okluha kvt kashofa mvhli hoke: yohmi kia hatak nana hosh inla isht ai ibetvbli ho impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi ho, ai yvmohmi kvt ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana ho vlpiesa ahnit, ilap ash inli anumpa isht ik il onocho hokvt, na yukpa hoke.

23. Yohmi ka kvna hosh anuktuklo hoh kia vpa hokmvtto, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

## CHAPTA XV.

Hlampko kvt, ik hlampko ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt ili tiholito-blichia he: 30 Pal vt Loman vbanumpuli vhleha hvt vba isht anumpula he im a sihlha.

1. YAKOHMI hoka pi hlampko hokvto ik hlampko hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvt ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvt, Isht a hofahyali puta kvt chi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvt nana isht a pim vlvvcha he mak o holihiso hatok oka; yohmi kvt Holisso Holitopa ak o nana ka isht a nuktaiyalvt achunanchit ai okchayvt bilia ya il isha he, il ai ahna hi atok oke.



5. Yohmi ka Chihowa hak osh hvchi atohnohonchit isht anuktaiyalvt achunanchi ya hvch ima na nana hvsh it im anukfilli kv̄t ai achvfv̄t Klaist Chisvs ak atok ak o hvsh chiyumashke.

6. Yohmi hosh hvchim anukfila hv̄t ai achvfv̄t, itih achvfa hosh Chihowa, pin Chitokaka Chisvs Klaist Iki yak fehna ka hvsh holitobla hi atuk oke.

7. Yvmohmi hoka Chihowa hv̄t isht aholitopa chi kak o Klaist ak kia pi kana hatok ash o, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak o Chisvs Klaist okvt hakshup t̄vpa yak o nan isht im vtta toba kv̄t, iki vhleha ha nan im ihisa tok puta ka ai ahlicha chi kak atok oke, achi lishke.

9. Micha yohmi ho Chentail vhleha hv̄t ilap isht i nukhaklo tok ak o Chihowa ya holitobla hi atok oke ; holihiso kv̄t, Ilvppak atuk mak o Chentail vhleha ha ibai achvfv̄t chi aiokpahanchi la he ; micha chi hohchifo ha isht talohowa la hi oke, achi hatok oka.

10. Micha anonti Chentail hvchia hv̄t vm okla vhleha ha hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke : micha okla moyuma kv̄t hvsh aiokpahanchashke, achishke.

12. Micha anonti Chesse ak o isht atiaka yosh ahanta he, micha yvmmak fehna hosh Chentail okla ha i shahlit mikot wakaya hi oke : yvmmak o Chentail okla hv̄t anukchieta hi oke, Esaias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli ho Shilombish Holitopa nan isht ai ahli yak atuk pulla mak o ai okchayvt bilia hvsh isha hi okvt, ai ahli fehnvt hvchi anukfoyukashke.

14. Micha itibapishi li hvchia hv̄t nana achukma bika hosh hvchi anukfoyukvt, nan ithana isht a hvchi alotowa hatuk osh, nana ka hvsh it i miha he bika ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kv̄t isht i shahli hosh isht hv̄sh ithana ch̄i kak o, nana a kaniohmi ka hv̄ch̄i holissohonch lishke;

16. Yohmi hosh Chisvs Klaist nan isht im vtta yosh, Chihowa im vbanumpa ha Chentail okla hak o isht im ahan-ta la ch̄i hatok; yohmi ho Chentail vt Shilombish Holitopa yak o isht a kashofa hatuk o vba isht aiokpv̄chi ka ahnincha hi atok oke.

17. Yvmohmi hoka nan okluyuha, Chihowa hv̄t isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li ho; Chentail okvt im antia ch̄i ka, Klaist vt isht a si atoks̄v̄li hatuk keyu hokv̄no nana ai yvmohmi tuk ash achv̄fa kia isht anumpuli la he keyu hoke.

19. Yvmohmi hosh Chelusalem, micha isht ai apakfoyu-pvt Illilikv̄m a ont ai vhli itintakla ya Klaist im vbanumpa ya ai ahli fehv̄t isht ai anumpohonli li hatuk oke.

20. Ahli, yakohmi hosh intolahpi hatak inla immi paknaka yo ai ikbi li yoba ná, ai ahni li kak osh kanima yo Klaist vt isht ik ai anumpo hokv̄no vbanumpa ya isht ai anumpohonli sa bv̄nna fehna chatuk oke.

21. Yohmi kia holih̄iso kv̄t, yvmmak o isht im anumpa hatok keyu kia, okla pisa hi oke; micha okla yvmmvt haklo hatok keyu kia, akost̄nincha hi oke, achi hatok oka.

22. Yohmi ka ilvppak atuk pulla kak o hv̄chim ona la hi atok vt, isht a si atakv̄ma fehna ak inli hatuk oke.

23. Yohmi kia himonasi hokv̄no ilvppa ai anumpuli la hi okvt ik sv̄m iksho hatuk osh; micha hv̄chim ona sa bv̄nna fehna tok a himak a afv̄m̄mi hv̄t laua fehna hatuk osh;

24. Kanima kash inli ho nowvt ayvt Ispani yoka chukowa likv̄t, hv̄chim ona la hi oke: yohmi kv̄t nowvt aya li hokvt, ont hv̄chi pisa la he ai ahni li: micha hv̄chi piv̄t

kaniohmit vm v<sub>l</sub>hpiesa ha yokm<sub>v</sub>no, now<sub>v</sub>t aya li kash achakalit pit h<sub>v</sub>s sa pila he chishke, ai ahni lishke.

25. Yohmi kia himonasi hokvno vbanumpuli v<sub>h</sub>leha hak o i hopela la chi hosh Chelusalem ak o ia la chishke.

26. Yohmi ka Masetonia, micha Akaia okla aiena kv<sub>t</sub> im v<sub>l</sub>hpiesa hosh vbanumpuli ilv<sub>v</sub>sha Chelusalem ai asha ka nan isht apelv<sub>v</sub>chi kaniohmi ka i bohonli tuk oke.

27. Im v<sub>l</sub>hpiesa ai a<sub>h</sub>li fehna hosh y<sub>v</sub>mihchi tuk: yohmi hatuk o im aheka v<sub>h</sub>leha hokv<sub>t</sub>. Yohmi ka Chentail okla hv<sub>t</sub> nana Shilombish immi puta ka ibai ih<sub>i</sub>shi toba hatuk m<sub>v</sub>t, anonti nana haknip immi puta ka y<sub>v</sub>mma isht apelv<sub>v</sub>cha hi okv<sub>t</sub> im ai v<sub>l</sub>hpiesa ak inlishke.

28. Y<sub>v</sub>mohmi hoka ilv<sub>v</sub>ppa isht v<sub>t</sub>t<sub>v</sub>t vm v<sub>l</sub>htaha, micha nan isht apelv<sub>v</sub>chi ilv<sub>v</sub>ppak ash o im ai a<sub>h</sub>lichi li ha yok mak osh, hv<sub>v</sub>chin tv<sub>m</sub>aha h<sub>a</sub> klopullit Ispani yoka ont chukowa la hi oke.

29. Micha hv<sub>v</sub>chim ona likm<sub>v</sub>t, Klaist im vbanumpa ai isht ilaiyukpa ai a<sub>h</sub>li fehna laua ka isht hv<sub>v</sub>chim ona la hi okv<sub>t</sub>, ithaiyana lishke.

30. Yohmi ka itibapishi li v<sub>h</sub>leha ma! Chitokaka Chisv<sub>s</sub>. Klaist ak atuk puyula, micha Shilombish ak atuk mak o isht it<sub>i</sub> hullo y<sub>v</sub>t hv<sub>v</sub>chi anukfoyuka hokv<sub>t</sub>, sv<sub>v</sub>bai yichina fehna hosh anumpa ilv<sub>v</sub>sha Chihowa ya im anumpohonli kv<sub>t</sub>, isht h<sub>v</sub>s si anumpohonlashke.

31. Yohmi h<sub>o</sub> ik yimmo v<sub>h</sub>leha Chutia ai asha ka ai i hlakofi lashke: micha Chelusalem a nan i hopela la chi ishi li kash vbanumpuli v<sub>h</sub>leha hash ot aiokpahanchashke.

32. Yohmi h<sub>o</sub> Chihowa nan ai ahni pulla h<sub>o</sub> nan isht ilaiyukpa ya ieshit hv<sub>v</sub>ch im ona li hosh, nana ka hv<sub>v</sub>ch ibai yuh<sub>v</sub>ka li hokbano.

33. Yohmi ka nan isht it i nanaiya in Chihowa yak osh hv<sub>v</sub>sh moyuma ka hv<sub>v</sub>ch iba foyukashke, Amen.

CHAPTA XVI.

Vbanumpuli Loman a<sub>s</sub>ha tuk vt laua ka ai okpacha hi a, Pal vt im ahni, 1, 17 mihm<sub>v</sub>t nan itakv<sub>v</sub>shkoli, nan ibetv<sub>v</sub>blichi aiena ka ahah!

okla im ahna chi ka im anoli ; 21 atuk osh nana ka yakmihchit na pit i mihihvt tahli mvvt, ishtaiyopichi kvv Chihowa ya aiokpachanchi.

1. **K**LENKLEA chvch hikia ka nan isht im vtta, pin tek, Febi ya hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi a bvnaa hokma, hvsh apelvchke : yohmi ka yvmmvt laua ka apelvchanchi chatuk ; micha vno ak kia aieninchit si apelvchanchi chatuk oke.

3. Klaist Chisvs a ibai achvvt svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka ya bohonli tok : yvmmak oka vno ak illa keyu, amba Chentail iksa hiohli puyuta aiena kvv yak oke, im ai ahnishke.

5. Yvmmak ash chiyuhmit yvmma in chuka vbanumpuli iksa maya ka hvsh aiokpvchashke. Epenetvs a holitopa fehna, yvmmvt Klaist i yimmi kvv Akaiia ya ai yvmohmit nan vni vmona hatok a hvsh aiokpvchashke.

6. Meli ya hvsh aiokpvchashke ; yvmmak okvt pin toksahanli fehna hatok oke.

7. A kanomi, micha svbai yuka Antonikvs ; micha Chunia itatuklo, yvmmak okvt vbanumpeshi vhleha ha i holitopa yoka hvsh aiokpvchashke ; yvmmak okvt sa tikba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Vlbani Klaist ai achvvt piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninchii ya hvsh aiokpvchashke. Alistobulvs in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, yvmmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvm-mvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hvt yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpas, micha vbanumpuli yvmma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in hvch vhleha hokvt hvchi aiokpvchishke.

17. Yohmi ka itibapishi li vhleha ma ! nan vlvchi hvsh ithvna kash i sanalit isht it i filvmmichi ; micha isht ibetv-blichy aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke : mikmvt anumpa achukma puta, micha isht ahninchi anumpa puta aiena kak o nuktvhltv ahah ! ik ahno chukvsh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohova hoke : yvmohmi hoka hvchishno yak atuk pulla kak o sai yukpvshke : yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chj hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kvv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Vno, micha hvch moma aiena ka nan im atahli Kaivs ash ot pit hvchi aiokpvchishke. Elastvs, tvmaha in

tvli holisso sholi, micha il itibapishi Katvs aiena kv̄t pit hv̄chi aiokpv̄chishke.

24. Pin Chitokaka Chisvs Klaist isht ī kana yvt hv̄sh moyuma ka hv̄chi anukfoyukashke. Amen.

25. Yohmi cha Chisvs Klaist vt̄ nan abahanchi tok v̄m v̄banumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak ō isht a hv̄chim ai ah̄lich̄a he im ai v̄lhpiesa hatuk,

26. Micha Chihowa okchayvt̄ bilia yvt̄ nan apih̄isa hatuk mak ō hopaii v̄hleha hv̄t holissohonchi tok ō, oklushi moyuma kv̄t na yimmit isht im antia ch̄i mak ō, im otaiyani hatok:

27. Chihowa hopoyuksa achv̄fa bano kash ot Chisvs Klaist ak atuk pulla kak ō isht a holiropa yvt̄ immit biliashke. Amen.

HOLISSO VMMONA PAL VT

KOLINHILA CHUCH

A HIKIA HO I HOLISSOCHI TOK.

CHAPTA I.

Vbanumpuli Kolinhla asha tuk a Pal vt pit ai okpvchi, mihmvt Chihowa ya aiokpvchi, 1; 10 itibachvfvvt maya he i miha; 12 itakashapvt maya tuk a nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvt isht okpaninchi: 26 na hopoyuksa, micha nan i shahli aiena kak osh vlhtoka keyu, amba ik hopoyukso, ik hlampko, aiena kak osh vlhtoka.

1. PAL, Chihowa nan ai ahni atuk pulla mak o Chisvs Klaist im apostel vlhtoka tok, micha il itibapishi Soshlenes ita tuklo kv,

2. Chihowa in chvch Kolinhla a hikia, Chisvs Klaist ak atuk pulla kak o isht a kashofvt, vbanumpuli vlhtoka tok, micha pin Chitokaka Chisvs Klaist vt yvmma, micha pishno il ita tuklo ka pimmi hatuk o hohchifo ha anukchietot hohoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kv hvchi anukfoyukashke.

4. Yohmi ka Chisvs Klaist ak atuk pulla kak o Chihowa hv ilap isht i kana ya hvch ima hatuk oka, an Chihowa ya hvchishno yak atuk pulla mak o yak oke im ai ahni li bilivshke.

5. Yohmi ho nan okluha kv yvmmak o isht a hvchin

laua hosh isht anumpuli puta, micha nan ithana puta kv̄t isht a hv̄chim aienvshke.

6. Yakohmi hosh Chisvs Klaist nan isht atokowa yash osh hv̄chishno a isht ai aḡhli hatuk oke.

7. Yohmi hosh na hv̄lbina nana kia ik ai ono hō hv̄sh ishi tuk keyu hatuk osh; pin Chitokaka Chisvs Klaist vt otaiyana hi a hv̄sh hohōyo hoke.

8. Yvmmak ash inli hosh hv̄chi ai aḡhlihinchit ont ai v̄hli ka isht hv̄ch ona hi oke: yohmi hō pin Chitokaka Chisvs Klaist i nitak fehna ka anumpa isht a hv̄chi onvtula hi vt iksho ka hi oke.

9. Chihowa hv̄t ai aḡhli yoke, yvmmak o ilap Ushi pin Chitokaka Chisvs Klaist a ai ib ai eshi isht a hv̄chi vlhtoka hatuk oke.

10. Yohmi ka itibapishi li v̄hleha ma! nana a miha chvfa hō isht hv̄sh anumpula he, mikmvt ai it i filvmmi puta kv̄t ik hv̄chim iksko ka he; amba nana hosh ai ahni kv̄t hv̄chim anukfila hv̄t ai aḡhli fehvt hv̄sh it ibafoyuka he mak o, pin Chitokaka Chisvs Klaist isht a hochihifo hosh hv̄chim ai ahni lishke.

11. Itibapishi li v̄hleha ma! nan itachowa yvt hv̄chin takla a takali ka, Kloe in chuka chvfa yosh vm anoli hatuk oke.

12. Yohmi ka hv̄sh moma kv̄t, Uno ak osh Pal ai achvfa sia; anonti, Uno mvt Apollos ai achvfa sia; mikma, Uno vto Sefas ai achvfa sia; yohmik ma, Uno vto Klaist ai achvfa sia; hv̄sh achi ilvppak o achi lishke.

13. Klaist vt ita kv̄shkoa hō? hv̄chishno atuk mak o Pal ak osh ititaiyukhvna ai illi tok o? keyukmvt Pal i hohchifo hō isht hv̄chi baptismo tok o?

14. Hv̄sh kanima kia ak hv̄chi baptismocho hosh Klisvvs, micha Kavvs ita tuklo bano tok a yak oke; Chihowa ha im ai ahni lishke.

15. Yohmi hatuk o vno ak inli a hohchifo hō isht baptis-mochi li tok a, hv̄sh kanima kia hv̄sh acha he keyushke.

16. Mikmvt Stefanvs in chuka chvfa ak kia baptis-mochi li tok; inla yano baptis-mochi likmá, nana tuk vt ak itha-noshke.



17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilbvshvt illa chi yvmak o ik im ahobo yoke: amba okchaya chi pishno ak okvno Chihowa nan isht im ai ahli yoke.

19. Nan imponna isht a hopoyuksa yokvno okpvi la chi, mikmvt nan ithana nan isht akostininchi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvv vhpesa, ahnit isht okchalnchi yoke.

22. Chu okla hvv nan isht atokowa asihhla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmvt, anonti Klik okvno nan ik im ahobo yoke;

24. Yohmi kia Chu okla, mikmvt Klik okla ita tuklo ka kanima hosh vlhtoka hokvno mihi yo Chihowa nan isht im ai ahli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvv i shahli hoka; micha Chihowa yvt isht ik a hlampko ahoba kia hatak okvno hlampko kvv i shahli hoke.

26. Itibapishi li vhleha ma! hvchishno vto hvchi vlhtoka hokvto yakni pakna a hopoyuksa yvt ik lauwo, nan isht ai ahli ishi kvv ik lauwo, hatak holitempa aiena kvv ik lauwo hosh vlhtoka ka hvsh pisvshke:

27. Yohmi kvv ilap hopoyuksa ya hofahyala chi kvv

Chihowa hvt yakni ilvppa nana ik ahobo puta ka atokoli hatuk; micha nana hlampko yvmma hofahyala chī kv̄t yakni ilvppa ik a hlampko yō Chihowa hvt atokoli hatuk :

28. Mikmvt nana kv̄t yakni ilvppa ik a holitopo, micha nana kv̄t yvmma ik ai ahobo aiena ka, Chihowa hvt atokoli hatuk; ahli, yohmi kv̄t nana a<sub>h</sub>sha tuk a akshocha chī kv̄t nana kv̄t iksho ke tuk a atokoli hatuk :

29. Yohmi hō hatak nana kia Chihowa itikba yā ai ilauata he atuk keyu hoke.

30. Yohmi kia hvchishno vto yvmmak atuk mak o Klaist Chisvs a hvsh ibai achvfa ka yvmmak o Chihowa pulla kak o isht pi a hopoyuksa, micha isht pi ai vlhpiesa, micha isht pi a kashofa, micha isht pi ai vlbi yoke :

31. Yohmi ka holisso hatuk oka, Kvna kia ilauata hokmvt, Chitokaka yak o isht ik ilauatá.

## CHAPTER II.

Vbanumpa isht anumpohonli ka Chihowa nan isht im ai ahli yosh ai ibafoyuka tuk a, Pal vt achi, 1. 14 Im anukfla himona hatak keyu hokvto vbanumpa hā ik akostinincho.

1. YOHMI ka itibapishi li vhleha ma! kaniohmi kash hvchim ona li kv̄t, Chihowa isht atokowa yō hvchim anohonli la chī kv̄t, isht ahninja he anumpa hokmá, keyukmvt isht ahninja he hopoyuksa hokmá, nana hō isht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla yā ahanta li tok.

4. Mihmvt anumpuli li, micha vbanumpa isht anumpuli li aiena kv̄t, hatak hopoyuksa nan isht yukpali anumpa hatok keyu, amba Shilombish, micha nan ahli yō otvninchit isht anohonli li tok :

5. Yohmi ka na hvchi yimmi kv̄t hatak nan isht im a

hopoyuksa y<sub>o</sub> a minta ch<sub>i</sub> hatok keyu, amba Chihowa nan isht ai a<sub>h</sub>li yak a he atok.

6. Yohmi kia vbanumpa ithana a<sub>h</sub>li yokvno na hopoyuksa y<sub>o</sub> isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i m<sub>i</sub>ko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmvt luma hatok a yvmma isht pi a holitopa hi o, yakni vt ik tobo k<sub>i</sub>sha ma, Chihowa hvt apesa tok ak o isht il anum-pohonlishke.

8. Yakni ilvppa i m<sub>i</sub>ko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yvmma i hullo hokvno mihi y<sub>o</sub> Chihowa hvt nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvt ilap imi Shilombish pulla h<sub>o</sub> yvmmak ash isht a pim otvninchi hatuk: Shilombish ak osh nana puta ka silhhit ithana hokvt, a<sub>h</sub>li, Chihowa nana im a kaniohmi a hofobi kak kia ai yvmohmi yoke.

11. Kvta hosh hatak nana im a kaniohmi puta ka ithana cho? hatak shilombish yvmmvt ilapa anukfoyuka ak illa keyu? yvmmak i chohmi h<sub>o</sub> Chihowa nana im a kaniohmi puta ka hatak nana hosh ithana keyu h<sub>o</sub>, amba Chihowa imi Shilombish ak illa hoke.

12. Yohmi ka yakni nana isht ai im anukfila y<sub>o</sub> il ishi hatuk keyu, amba Chihowa hatuk mak o nana puta ka il ishi hatuk vt il ithana ch<sub>i</sub> pulla hosh Shilombish Chihowa a minti h<sub>o</sub> il ishi hatuk oke.

13. Nana puta yvmma isht il anumpohonli kvt yvmma hatak nan isht im a hopoyuksa yosh avvchi anumpa keyu, amba yvmmak oka Shilombish Holitopa yosh avvchi anumpa h<sub>o</sub> Shilombish nana im a kaniohmi ya Shilombish anukfoyuka vhleha h<sub>o</sub> il ithvnahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke; yvm-mak okvt ilap a nana ik ahobo hokvt: mikmvt ithana he keyu, yvmmak ash o Shilombish osh avvchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininchi, yohmi kia ilap okvno hatak nana hosh im akostininchi keyushke.

16. Kvta hosh Chitokaka im anukfila ha ithaiyana cha, mihi yosh nan im avvcha hinla cho? Yohmi kia pishno yokvto Klaist im anukfila yo il ieszvshke.

### CHAPTA III.

Pishukchi vt vlla chipunta yak o immi, 1: 3 kaniohmi ho itakvsh-koa hatuk a haknip imma im anukfila hatuk vt otvni. 7 Kvna hosh hokchi, mikma kvna hosh oka o foechi itatuklo kvv nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i nahopoyuksa keyu.

1. YOHMI ka itibapishi li vvleha ma! Shilombish anukfoyuka ho chohmichit hvchim anumpohonli la he keyu, amba haknip nan ai ahnit Klaist ibai avvfa vvlosi yo hvchi chohmichi lishke.

2. Pishukchi yo isht hvch ipeta li tok, ilhpak kvvlo atok keyu; tikba kamo isht a hvchim vlvpesa tok keyu kvv hi-monasi ak kia, isht a hvchim vlvpesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kvv, Vno vto Pal ai avvfa sia; anonti in-la mvt, Vno vto Apollos ai avvfa sia, hvsh achi hokvt hak-nip nan ai ahni hvchia mak o keyu?

5. Yohmi ka kvta hosh Pal okma, anonti kvta hosh Apollos o? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ̄ Chitokaka yv̄t a-pe-sa tok ̄, Ūno ak osh na-hokchi li tok, Apollos v̄to oka on hlali tok; amba Chihowa yokv̄to offochi hatuk oke.

7. Yohmi ka kv̄na hosh hokchi, mikma kv̄na hosh oka isht on hlali hokv̄to na kanihma he keyu, amba Chihowa yv̄mmak osh offochi yoke.

8. Yohmi ka kv̄na hosh na hokchi, anonti kv̄na hosh oka isht on hlali ita tuklo kv̄t itibai achv̄fa yoke: yohmi ka mo-ma kv̄t ilap na toksv̄li isht ai v̄lhpiesv̄t v̄lhtoba ak illa h̄o isha hi oke.

9. Chihowa immi hosh itiba toksv̄li v̄hleha pia hoke. Chihowa nan im ahollokehi hv̄chia, micha aboha Chihowa hv̄t atahli tuk mak ̄ hv̄chia hoke.

10. Chihowa hv̄t ilap nan isht ī kana yv̄mma v̄ma tuk mak ̄ aboha ikbi imponna hopoyuksa yō chohmit in tolahpi yā bohli li hatuk, mihma inla yosh yv̄mmak ash ̄ ai itv̄bni hoke. Yv̄mohmi hoka hatak moma kv̄t kanimihchit yv̄m-mak ash ̄ ai itv̄bni kv̄t ahah! ahnashke.

11. Intolahpi yv̄mmv̄t Chisvs̄ Klaist, yv̄mmak osh itola ha ya, hatak nana hosh inla yā bohla he keyu hoka.

12. Yohmi ka hatak kv̄na kia intohlapi ilv̄ppa pakna yā tv̄li holisso lakna yokmá, tv̄li hv̄ta yokmá, tv̄li ai v̄lbi chito yokmá, iti yokmá, hv̄shuk okmá, onush v̄pi yokmá, nana h̄o isht itv̄bni tuk okmá;

13. Nana v̄lhtaha tuk aiȳuka kv̄t otaiyana hi oke: nitak yv̄mmak osh otv̄nincha he, luak ̄ isht otaiyana hi oka; yv̄-mohmi ka hatak ā im a toksv̄li aiyuka kv̄t kaniohmi hatuk oh kia, luak osh imomaka pisa hi oke.

14. Yv̄mmak ash pakna ai itv̄bni tuk ā hatak nana hosh atoksv̄li tuk ak ̄ ik okpulokma, mihi yosh nan v̄lhtoba yā isha hi oke.

15. Kv̄na hosh atahli tuk ā lua hokma, yv̄mmak osh ī kv̄-niv̄t ilv̄v̄sha hi oke: yohmi kia ilap okv̄to okchaya he, yohmi kia luak ̄ a hlopulli kak inli h̄o chohma hi oke.

16. Chihowa in tempel hv̄chia, yohmi hatuk ̄ Chihowa imi Shilombish v̄t hv̄chia chukv̄t anta ka hv̄ch ik ithano-cho?

17. Kvna kia Chihowa in tempel a liteblikma, mihi yo Chihowa hv̄t ishit kancha he; Chihowa in tempel vt holitopa yoka, tempel yvm̄mak o hv̄chia hoke.

18. Kvna kia ik ile haksecho kia. Hv̄chi kanima hosh yakni ilv̄ppa hopoyuksa hō ilahobikm̄vt, yvm̄m̄vt hopoyuksa ch̄i kv̄t yakni ilv̄ppa ik ahobo yo ik tobá,

19. Yakni ilv̄ppa isht im a hopoyuksa yokv̄to Chihowa ya isht ik im ahobo yoka. Yvm̄mak okv̄t hopoyuksa ya ilap nan isht imponna ak inli hō isht ishi yoke, achi hosh holisso tok oka.

20. Mihm̄vt anonti atuklanchi m̄vt, Chitokaka yvt hopoyuksa im anukfila puta, yvm̄m̄vt ai aḡhli ik ono ka ithaiyana hoke, achi tok.

21. Yvm̄ohmi hoka kvna kia hatak puta hō isht ik ilauato kia, nana moma kv̄t hv̄chimmi hoka;

22. Pal ak okmá, keyukm̄vt Apollos, keyukm̄vt Sefas, keyukm̄vt yakni ilv̄ppa, keyukm̄vt ilhfiopak okchaya, keyukm̄vt nan illi, keyukm̄vt nana kv̄t himonasi aḡsha, keyukm̄vt nana kv̄t aḡsha he moma kv̄t hv̄chimmi yoke.

23. Mikma hv̄chishno v̄to Klaist immi hv̄chia; mikma Klaist vt Chihowa immi hoke.

#### CHAPTA IV.

Kaniohmit Klaist im v̄banumpa isht v̄tta ya il ahnicha he tuk 1; 7 nana ka e haḡena tuk keyu kv̄t il i shi keyu. 9 Apostel v̄hlehv̄t yakni pakna ik ahobo yo isht v̄lhpisa, 16 yvm̄mak o il im antia he tuk.

1. **KLAIST** in tishu v̄hleha, micha, nan aḡhli Chihowa hv̄t otv̄ninchi tok puta nan im apesv̄chi v̄hleha mak o, chiyuhmichit hatak puta kv̄t isht pi anukfillashke.

2. Anonti nan apesv̄chi v̄hleha nan isht im v̄lhpisa kv̄t hatak yvm̄m̄vt ai aḡhla hi ak oh chatuk oke.

3. Yohmi kia hv̄chishno, keyukm̄vt hatak inla nana kia nana hō isht hv̄s sv̄m anukfillit hv̄sh apesa kia, vno yokv̄to

yvmmt vm iskitinosi fehna hoke; ahli vno ak inli kv̄t isht il anukfillit nan apesa li keyu hoke.

4. Ūno ak inli kv̄t nana hō isht il akostininchi li keyu kv̄t; yohmi kak osh ilvppak o isht si ai vlhpiesa hi o keyu; amba kv̄na hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kīsha ka tikbalin-chit nan isht anukfillit hv̄ch ik apeso kashke, yvmmak osh ai okhlilika yā nana kv̄t a luma puta tuk a otv̄ninchikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kv̄t nana ai isha he vlhpesa tuk vt Chihowa yā im ai isha hi oke.

6. Yohmi ka itibapishi li vlleha ma! yv̄mma puta kash hv̄chishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kv̄t holisso tok a i shahlichit hatak o isht ik hv̄chim anukfilo hosh pishno ak o hv̄sh pim ai ithvnashke; yohmi hosh hv̄sh achvfona kia achvfa ka ish ile fehnv̄chit, anonti achvfa ka hv̄ch ik i sanalo kashke.

7. Kv̄ta hosh hv̄ch iti shashohlichit hv̄chim apesa tok o? Nanta hō ish īshi hosh yv̄mma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hv̄chi fihopa, himak ano na hv̄chin laua, ik piksho hō mikot hv̄sh mayvshke; yohmi ka hv̄sh miko hatuk o mv̄hli hokbano ahni li, yvmmak atuk mv̄no pishno ak kia e hv̄ch iba mika he atuk.

9. Illa he isht im vlhpisa kak o chohmit vbanumpeshi ishtaiyopi pishno a Chihowa hv̄t pi atokoli tuk a vm ahoba hoka; yakni moma, mikmvt enchil v̄hleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hv̄chishno vto Klaist a isht hv̄chi a hopoyuksa hoke: ik pi hlampko ma, amba hv̄chishno vto hv̄chi hlampkoshke: hv̄chi holitopa ma, amba pishno vto ik pi holitoposhke.

11. Pi hoehahafot, pi tukshihinla, micha haknip bieka, mihma pi p̄sahaha; yohmi hō ai v̄tta ahli yvt ik pim iksho na ant himakvshke.

12. Mihmvt pishno pibbak ak inli hō isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke : pi palvmihinchi kia, vllhpiesa il ahnishke.

13. Ik ahobalot na pi achi kia, i kana hosh il im anumpohonlishke ; yakni pakna im a liteha ak inli hō a pi chiyuhmi, mikma nana moma isht liteha chukvlhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla a holitopa hvsh chiyuhmi kvv ahah ! hvsh ahana chi kak o hvchi miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch iki vt ik lauwoshke ; Klaist Chisvs osh nan apelvchi hō vbanumpa pulla hō isht hvchi tobachi li tuk oke.

16. Yvmohmi hokvt hvs siakaiya hi a hvchi miha lishke.

17. Ilvppa yakohmi kak o Timohlivs, svso a holitopa, Chitokaka im ai ahlit achukma ya pit hvchi kanchi li ka, mihi yosh kanima moma ikxa a hiohli puta ka Klaist isht avvchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kvv isht hvsh ilefehcvchishke.

19. Yohmi kia Chitokaka yvt vlhpesa ahnikma, chekosi hvchim ona la chi hoke : yohmi kvv ilefehvnchi vhleha hatuk yvmmak ash im anumpa hak a chi keyu, amba nan ai ahli yak o ithana la chi hoke.

20. Chihowa im apehliechika yokvt anvmpa hō keyu, amba nan isht ai ahli yak oke.

21. Nanta hō hvsh ahni ? fuli yokmá, keyukmvt i hullo, micha chukvsh im anukfila yohbi hokmá, nanta hō ieshi hosh hvchim ona la chi cho ?

## CHAPTER V.

Hau mvt Kolinbla chvch a ibvlkavvt maya kak osh hofahyalichi, 1 ; 10 nan ibetvblichy okpulo yokvno hofahyalit kano pit kancha he vlhpesa.



1. ITIN lumaka yvt hvch itin takla ya asha kv̄t anohowa fehna hoke; yohmi ka kvna kia iki tekchi atuk a itauwaya, nan itin lumaka chohmi kv̄t Chentail okla ak kia ai yvmohmi fehna chatuk keyu hoke.

2. Yohmi ka kvna hosh na yakohmi ka yvmihchi tuk vt hvch itin takla ya a filv̄mma ch̄i ka, ik hvchi nukhaklo kish, isht hvsh ile fehnvchishke.

3. Sa haknip okvno isht a hvch̄i filv̄mmi li mv̄hli; yohmi kia sa shilombish okvno isht hvch ibafokvt hvch itin takla ahanta li ka chohmit, kvna hosh na yakohmi ka yvmohmi tuk mihi yo nana im apesa li mashkoshke.

4, 5. Kaniohmi ho pin Chitokaka Chisvs Klaist i hohchifo ho isht itv̄nahvt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kvna hatuk ash haknip isht ai im ilbv̄sha tok osh Chitokaka Chisvs Klaist i nitak vla hokvno imi Shilombish okvto okchaya ch̄i ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatv̄mmi iskv̄tinosi kia na yvm̄v̄ska moma ka yvm̄michi ka hvch ik ithano cho?

7. Yvmohmi ka ik yvm̄mo hvchia hokvt, na yvm̄v̄ska himona mak o hvchia ha ch̄i kv̄t, nan isht shatv̄mmi tikba yash isht ile filv̄mmichit hvsh kanchashke. Klaist vt na pim v̄banv̄blit ont ia yvt vlhtobvt illi tok oka.

8. Yomohmi hoka impa holitopa isht kiloh ai ashá; yohmi kv̄t nan isht shatv̄mmi tikba yash o keyu, mikmvt isht iti nukkilli, micha nan ik ai vlhpeso aiena ka isht shatv̄mmi yak o keyu, amba nan ilahobi keyu hosh ai ahli i pv̄ska ik shatv̄mmo yak ashke.

9. Itin lumaka vhleha ha hvch ik itiba chvfo ka ch̄i ho, holisso ha hvch̄i holissochi li tuk oke.

10. Yohmi kak osh yakni ilv̄ppa ai itin lumaka vhleha, mikmvt nan anushkunna atampa vhleha, micha na wehpuli vhleha, mikmvt na holv̄t toba aiokpv̄chi vhleha aiena ka hvch ik itv̄peho kv̄mohma he ak atok keyu; yohmi hokmvt yakni ya hvsh a kohcha he ak osh hvchim vlhpesa hoka.

11. Yohmi tok kia kvna hosh itibapishi hohchifo hatuk vt itin lumaka, keyukmvt nan anushkunna atampa, keyukmvt na holbvt toba aiokpvchi, keyukmvt inla isht itukhlakafa, keyukmvt oka homi ishko, keyukmvt na wehpuli okmá, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh iksa ibafohka yatuk keyu yvmmak kia nanta ho isht im apesa la he vlhpesa ho? iksa ibafohka yvmmak atuk okvno hvsh im apesa keyu ho?

13. Amba kvna hosh iksa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i filvmmichit hvsh kanchashke.

## CHAPTER VI.

Vbanumpuli vt nan vlhpisa isht it onocha he keyu, 1; 9 nan ik vlhpeso vto vba apelihchi ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. HVSH kanimi kvv inla ya nana hvsh iti kaniohmikmvt, nan ik vlhpeso itikba yo ont nana hvchim vlhpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtnosi hokvno hvsh apesa he hvchi vlhpesa keyu ho?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichich fehna hinla keyu ho?

4. Yohmi ka okchaya ilvppa nana im a kaniohmi yo nan isht hvchim vlhpisa chi hokmvt, kvna hosh iksa im a holitopa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi ho hvchim anumpuli lishke. Hatak hopoyuksa kvv hvch itin takla ya iksho ho? achvfa kia

itibapishi vhleha nan it<sub>i</sub> kaniohmi k<sub>a</sub> im apesa he keyu kv<sub>t</sub> iksho h<sub>o</sub>? yohmi ho mvhli h<sub>o</sub>?

6. Yohmi kia itibapishi achvfa kv<sub>t</sub> itibapishi atuk a anum- pa onochi cha, nan ik yimmo vhleha itikba y<sub>o</sub> nana im v<sub>l</sub>h- pisa ch<sub>i</sub> kv<sub>t</sub> oh<sub>o</sub>nvshke.

7. Yomohmi hoka himonasi kia anumpa itonochit nan im v<sub>l</sub>h<sub>p</sub>isv<sub>t</sub> hvsh maya hokv<sub>t</sub>, nana hvsh ashvchi fehnvshke. Nanta katiohmi h<sub>o</sub> nan ik v<sub>l</sub>hpeso ka hvchi onocha he hvch ik im ahno hosh? nanta katiohmi h<sub>o</sub> nana ka ik v<sub>l</sub>hpesachot hvchim isha hi a v<sub>l</sub>hpesa hvchik im ahno hosh?

8. Yohmi keyu, amba hvch itibapishi ak kia ai v<sub>l</sub>hpiesa keyu h<sub>o</sub> na hvsh im ishi kv<sub>t</sub>, nan hvsh ashvchi hoke.

9. Ik v<sub>l</sub>hpeso vhleha hokv<sub>t</sub> Chihowa im apehlichika yv<sub>t</sub> ai immi ha he v<sub>l</sub>hpesa keyu ka hvch ik ithano cho? hvch ik ile haksecho kashke; itin lumaka vhleha, naholbv<sub>t</sub> toba aiokpvchi vhleha, micha havi vhleha, micha nakni havi v<sub>l</sub>h- leha, micha nakni b<sub>i</sub>ka iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht ituk- hlakafa vhleha, micha na wehpuli vhleha, aiena hokv<sub>o</sub> Chi- howa im apehlichika yv<sub>t</sub> ai immi toba he v<sub>l</sub>hpesa keyu hoke.

11. Yohmi ka hvsh kanimi kv<sub>t</sub> yv<sub>o</sub>mma chohmi hvchia hatuk oke. Yohmi tuk kia hvchi ahchifa hatuk, mihmv<sub>t</sub> hvchi kashofa hatuk, yohmi kv<sub>t</sub> Chihowa imi Shilombish pulla h<sub>o</sub> Chitokaka Chisvs i hohchifo h<sub>o</sub> isht a hvchi v<sub>l</sub>h- piesa hoke.

12. Nana puta kv<sub>t</sub> isht v<sub>o</sub> ai v<sub>l</sub>hpesa, yohmi kia nana puta kv<sub>t</sub> isht v<sub>o</sub> ai achukma keyu; nana puta kv<sub>t</sub> isht v<sub>o</sub> ai v<sub>l</sub>hpesa, yohmi kia yv<sub>o</sub>mma kanima kak oh kia i yuka la he keyu hoke.

13. Il impa hv<sub>t</sub> takoba yak o immi hoh chatuk oke, mik- ma takoba yato ilimpa hak o ai immi hoh chatuk oke: yohmi kia yv<sub>o</sub>mmak ash o it aieninchit Chihowa hv<sub>t</sub> iksho- kecha ch<sub>i</sub> hoke. Yohmi ka haknip okv<sub>t</sub> havi yak o ai im v<sub>l</sub>hpisa keyu, amba Chitokaka yak oke: yohmikma Chito- kaka yv<sub>t</sub> haknip a nan im atahli yoke.

14. Yohmi kv<sub>t</sub> Chihowa hv<sub>t</sub> Chitokaka ya tanichi hatuk

okvt anonti pishno a ilap nan isht im ai ahli yo isht pi tani-  
cha he ak inli hoke.

15. Yohmi ka hvchi haknip vt Klaist a ai it immi ha hvch  
ik ithano cho? yohmi hatuk a Klaist a ai it immi hash ishi  
lish, anonti haui yo ai it immichi la chi cho? ik yvmohmo  
pullashke.

16. Yakeh! kvna hoh kia haui yo ibafohka kv, yvmmvt  
haknip achvfa ka hvch ik ithano cho? tuklo tuk kia haknip  
achvfa toba hi oke, achi hoka.

17. Amba kvna hosh Chitokaka ak o ibafokkakmvt, shi-  
lombish achvfa hoke.

18. Haui ya ili filvmmichit hvsh m lelashke. Kvna kia  
nan ai ashvchika moma ka yvmihchi hokvto, haknip okvno  
nana kanihchi keyu hoke: amba kvna hosh itin lumaka ho-  
kvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi  
yosh hvchi afoka, yvmmak osh Chihowa a minti ho hvsh  
ieshi, yvmmak o in tempel hvchia hosh, hvchishno ak inli  
kvno keyu kv hvch ik ithano cho?

20. Nan ai vlli ho isht hvsh ai vlhtoba hatok: yvmohmi ho-  
kv hvchi haknip, micha hvch imi shilombish, yvmmak okvt  
Chihowa immi hoka, Chihowa ya isht hvsh holitoblashke.

## CHAPTA VII.

Nan itauwaya imma ka miha, 1; 4 mikmvt ik iti lumako ka hi a itau-  
waya hi a miha: 10 nan itauwaya kvt pilla ik ahobot it imokofa  
he keyu: 18 moma kvt ilap nan im vlhpisa kvt vlhpesa ahnit ahi  
kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvsa sa holissochi tok imma  
kak oke. Hatak vt ohoyo ha ik potolo kak osh im achukma  
hoke.

2. Yvmohmi kia itin lumaka iksho ka chi kak o, hatak  
moma kvt ilap tekchi ak inli ho ieszikma, anonti ohoyo mo-  
ma kvt i hatak ak inli ho ieszashke.

3. I hatak vt ohoyo ha isht ai im vlhpesa ka imashke:  
mikma tekchi atuk ak kia i hatak a mihinlohimchashke.

4. Tekchi vt ilap haknīp ak o immi hō keyu, amba i hatak ak oke; mikma i hatak ak kia mihi yo chohmit ilap haknīp a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kv̄t nana isht vm vlhpisa tuk keyu hoke.

7. Hatak puta kv̄t vno ak inli chiyuhma he ak o ahni lishke. Yohmi kia hatak moma kv̄t Chihowa i nan hvlbina ya isht im vlhpiesa cha, achvfa kv̄t ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kv̄t, Uno ak inli chohmit maya hinla hokm̄to, im achukm̄vshke, achi lishke.

9. Yohmi kia okla il oktampa he keyu m̄to, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokm̄to, inla ik auwayo hosh antashke: keyukm̄t i hatak atuk ash o i kanv̄t i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kv̄na kia tekchi ik yimmo, yohmi kia yvmmak ash o awant anta kv̄t im achukmakma, yvma ik kancho kashke.

13. Anonti ohoyo hv̄t i hatak osh ik yimmo, yohmi kia yvmmak ash awant anta kv̄t im achukmakma, yvma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa yoke; yvmmak keyukma hv-

chim vlla yvt ik kashofo ka he tuk; amba himak ano holi-topa hoke.

15. Yohmi kia ik yimmo yvt filvmmi hokmvt, filvmmi ayashke. Yvmma chohmi hokvno il itibapishi yokmá, pin tek okmá, nana hash osh i yuka he keyushke; yohmi ka Chihowa hvto iti nanaiya he ak o pi atokli tuk oke.

16. Tekchi chia ma! chi hatak a ish okchalinchikmá nana chi kvnt nanta ish ithana cho? mikma hatak chia ma! chi tekchi a ish okchalinchikmá, nana chi kvnt katiohmit ish ithana cho?

17. Yohmi kia Chihowa hvnt kaniohmichit hatak moma ka i hopehinla hatuk, Chihowa yvt moma achvfalechit atokoli tok; yohmi hoka yvmmak o ik ai itvnowá. Yohmi ka chvch hiohli moma ai yvmohma chi mak o apihisa lishke.

18. Kvna kia hakshup tupa yvt vbanumpa nukfohka ho? Yohmi hokmvt hakshup ik tapo yo ik tobo kashke. Kvna kia hakshup ik tapo yosh vbanumpa nukfohka ho? yohmi hokmvt hakshup tupa keyu kashke.

19. Hakshup tupa yokvto nana keyu, mikma hakshup ik tapo yokvt nana keyu, amba Chihowa i nan vhpisa holitohombli kak oke.

20. Hatak moma kvnt kaniohmit antvt vbanumpa anukfohka tuk vt, yvmmak inli ho anukfoyokvt isht ahantashke.

21. Yuka chia hosh vbanumpa chi nukfohka ho? yohmi hokmvt na yohmi chik ahno kashke; yohmi kia yuka keyu ish toba hinla hokmvto, yvmmak o ish yvmihchashke.

22. Kvna hoh kia yuka hosh Chitokaka isht anukfoyukakma, mihi yosh Chitokaka immi yuka keyu hoke; yvmmak ash inli ho chohmit kvna hosh yuka keyu yosh vbanumpa anukfohkakmvt, mihi yosh Klaist in tishu yokvt.

23. Nan ai vlli yo hvsh ai vbi hatuk; hatak i yuka ho hvchia keyu kashke.

24. Itibapishi li vhleha ma! hatak moma kvnt kanima yo hikivt anukfohka tuk mvt, Chihowa im antihiyvt yvmmak inli ho antashke.

25. Yvmohmi ka ohoyo himithoa hatak haleli keyu vhleha imma kak a he tuk okvno Chitokaka i nan vhpisa yvt ik

svm ikshoshke: yohmi kia ai ahla chi hosh Chitokaka nan isht i nukhaklo ahayuchi tuk mak o, chohmit vno vm anukfila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashvchi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvk haknlp nan isht ik im vlhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im asha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuhmashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vlhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot ihia hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kvk, nana kvk Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kvk, nana kvk yakni ai immi hak o anukfihinli hoke.

34. Hatak im asha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknlp, micha im anukfila ita tuklo ka isht ik ashvcho ka chi kvk, nana kvk Chitokaka ai immi hak o anukfihinli hoke: amba hatak im asha yokvto, kaniohmit i hatak yukpala chi kvk, nana kvk yakni ai immi hak o anukfihinli hoke.

35. Yohmi ka hvchishno isht ai hvchim vllhpesa hi o ilvppa anumpuli lishke : yohmi kv̄t nan isht atakl̄ma yō isht hvchi onochi la chi hatuk keyu ; amba nana kv̄t ai vllhpiesa kak atuk ; yohmi ka nan isht fitekv̄chi ik im ikshot, Chitokaka ya im antihyv̄t nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk a ilap inli hosh ik vllhpesalo kv̄t anukfillikm̄vt, yvm̄mak ash osh hofantit taha ha ya tuk okma, anonti yvmohma he vllhpesa hoka, nana hō iki ash osh ahnikm̄vt nanashv̄chi keyu hokv̄t, yvm̄ihchashke : yohmi hō hatak auwayashke.

37. Yvmohmi kia yvmohma he vllhpesa keyu hokm̄vno, iki ash osh ilap chukv̄sh isht ile kullochit ilap nan ahni hosh ahlich̄a hinla hosh, anonti yakohmashke, ahnit ilap chukv̄sh a anukfoyuki hokm̄vt, ushetik hatak haleli keyu kash ot imoma hosh im anta he ahnikm̄vt, vllhpesa hō yvm̄ihchi hoke.

38. Yvmohmi hoka kv̄na hosh ushetik hatak haleli keyu ha hatak auwayv̄chi kv̄t vllhpesa hō yvm̄ihchi hoke ; yohmi kia kv̄na hosh ushetik hatak haleli keyu ya hatak auwayachi keyu kak osh, vllhpesa kv̄t i shahli hō yvm̄ihchi hoke.

39. I hatak vt okchaya moyuma ka tekchi vt nan vllhpisa pulla hō isht a talaiyakchi hoke ; yohmi tuk kia i hatak ash osh illi hokm̄vno, Chitokaka immi kv̄na hoh kia ahnikm̄vt, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila ha yvm̄mak ash osh iakaiyv̄t peh anta hokm̄vt, yvm̄m̄vt yukpa kv̄t i shahli hoke.

## CHAPTA VIII.

Naholbvt toba puta ka nan isht aiokpv̄chi ka isht anumpuli, 1 ; 9 kv̄na kia na kil ibetv̄blich̄o kashke.

1. YOHMI ka na holbvt toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il



ithanvshke. Nan ithana yvt ile chahvchi, amba nan i hullo yokvto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbvt toba puta isht aiokpvchit nana ka im issa tok yvmmak o vpa batuk imma tok okvno, na holbvt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okmá, keyukmvt yakni pakna yak okmá, nana ho ai asha kvt, i shahli hvv lauau cha, anonti chitokaka mvt lauau hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kvv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaist achvfa yvmmak atuk mak o nana moma kvv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kvv na holbvt toba ya nana ho chohmichit isht ai i yimmi cha, na holbvt toba yash nana ho im issa tuk ash o yvmmak o ai vpvv maya na ant himakvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hvv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlvpesa ilvppak ash ot kvna hosh ik hlampko, yvmmak ash o ibetvblichi yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbvt toba in tempel anukaka ya ish ai impa na kvna hosh chipiesakmvt, yvmmvt nan isht il akostininchi hvv ik hlampko hatuk okmvt, na holbvt toba nana ho im issa tok yvmmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk ash o chitapishi ik hlampko yummak o Klaist vlhtobvt illi tok a ai okpuloka chi cho?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kv̄t, Klaist ak o hvsh im ashvchi hoke.

13. Yvmohmi ka ilhpak vt itibapishi li ha ibetvblechi hokma, itibapishi li hash ak ibetvblecho ka chi kv̄t, yakni vt talaia moma ka nipi nana kia vpa la he keyu hoke.

### CHAPTER IX.

Vbanumpa isht vtta yvt nan isht il apelacha hi okvno im atahla he otrninchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya pulhki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yummvt na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishke: Chitokaka hvsh ibai achvfa kak osh vbanumpeshi si vlhtoka hatuk a isht ahlichhi hvchia hoke.

3. Kvna hosh ik yimmot si a ponaklo tuk ymma im afalaminchi li ka ilvppak oke;

4. Impa, micha nan ishko ita tuklo kv̄t isht a pim vhpiesa keyu ho?

5. Ohoyo pin tek a ilaelit aya kv̄t, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vhpiesa keyu ho?

6. Yohmikmvt Banabas ita tuklo li kak bano hosh ke toksvlo ka hi vt pim vhpiesa keyu ho?

7. Kvta hosh kaniohmi hoh kia itotinowa kv̄t ilap inli hosh nan i kvnia ho? kvta hosh pakvpi a hollokchi ya ikbi tuk vt, ymma nan ai vni ka ai vpa keyu ho? keyukma

kvta hosh nan vllhpoba apistikeli kv̄t anonti nan vllhpoba ya i pishukchi ya ik ishko ka hinla?

8. Hatak ō chohmit ilvppa puta ka achi li ho? v̄ba nan vllhpisa yak kia yvmmak inli ho achi ak inli keyu ho?

9. Wak toksvli yvmmvt na nihechi ka, Itakha ya chik takeho kashke, achi hosh Moses i nan vllhpisa ya holisso hoke. Chitokaka yvt wak toksvli ya nan im atahli ho?

10. Yohmi ka pishno ak illa puyulla hatuk mak ō achi tok o? pishno puyulla mvhli hatuk mak ō ilvppvt holisso hatuk: yohmi ka kvna hosh yakni patvffi kv̄t, nawaya pisa he ahni hosh yakni patvffashke; mikma nan isht ilai yukpa pisa he ahni hosh kvna kia nanihechi kv̄t, na pisa he ahni tuk ak ō ibai isha hi oke.

11. Nana kv̄t shilombish imma kō e hv̄chim a hokchi hatuk okma, nana kv̄t haknip ahalaia imma e hv̄chim ai vma chi ka, nana kv̄t a fehna ho?

12. Inla yvt ilvppa hv̄ch ibai isha hi vt vllhpesa hokma, pishno yokak heto isht a pim vllhpiesa keyu ho? yohmi kia nana vllhpesa ahnit ilvppak ash ō isht kil il apelacho hatuk: amba Klaist im vbanumpa ha kil ataklammo ka chi kv̄t, nana moma ka ik yvmohmi il ahni hoke.

13. Kvna kia nana kv̄t holitopa imma kak ō isht v̄tta kv̄t, yvmmvt nana kv̄t tempel a ai immi hak ō ai vpa; mikma kvna hosh alta ya nan isht ai v̄tta kv̄t, yvmmvt alta ya nan ai ibai ishi ka hv̄ch ik ithano cho?

14. Yvmmak inli ho chohmit kvna hosh vbanumpa isht anumpuli kv̄t, yvmmvt vbanumpa ha ai isht il apelacha hi o; Chitokaka yvt apesa tok.

15. Yohmi kia ilvppa puta kash achv̄fona kia isht il apelachi li tuk keyu: yohmi mv̄t nana kv̄t vm ai yvmohma chi kv̄t ilvppa puta kash holissohonchi li tuk keyu: kvna kia nan isht il a holitopa li ya ik ahobalecho ka he atuk a, illi kak osh achukma kv̄t yvmma vm i shahliske.

16. Vbanumpa isht anumpohonli li hoh kia, nan isht il aholitopa la hi vt ik sv̄m iksho kamohmishke: nana kv̄t ai vllhpiesa mak osh si onvtuyula hoka; ahli, vbanumpa ha isht anumpohonli li keyukmv̄t, nan vm a palvmmi hoke.

17. Ahni li hok mak osh ilvppa yvmohmi li hokmvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vtta hi okvto si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kv̄t, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpiesa hatuk a ak vlhpesacho ka hi o keyushke.

19. Achvfona kia i yuka sia keyu, yohmi kia i shahlichit asitvbi la chi kv̄t, vno ak inli hosh moma ka il im i yukahanchi li hoke.

20. Yohmi hokvt Chu okla ha asitvbi la chi kv̄t, Chu okla hokvno Chu ak inli ho toba li hatuk; mihmvt kvna hosh nan vlhpisa ya ai i nutaka atuk a asitvbi la chi kv̄t, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kvna hosh nan vlhpisa a keyu ka asitvbi la chi kv̄t, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtuyula hoka.

22. Ik hlampko ya asitvbi la chi kv̄t, ik hlampko hokvno ik hlampko ak inli ho toba li hatuk; yohmi kv̄t ik kaniohmi kia kanimi ka okchalinchi la chi kv̄t, hatak moma ka nana moma ka in toba li hoke.

23. Yohmi kv̄t vbanumpa ha hvch ibai ishi la chi kv̄t, vbanumpa pulla kak o ilvppa yakohmi li hoke.

24. Kvna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kv̄t, yvmmak inli ho chohmit hvsh malelashke.

25. Yohmi ka hatak moma kv̄t i shahlicha he ahnit ile lushummi hokvto, yvmvvt nana moma ka il ai oktampli hoke. Yohmi kv̄t iachuka okpula hi o isha chi kv̄t, okla ilvppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: kvna hosh mahli h<sub>o</sub> ihisso h<sub>o</sub> chohmi keyut, itihimbi lishkē.

27. Yohmi kv̄t sa haknip imaiyachi li, yohmi mvt yukahanchi lishke: yvmmak keyukmvt ik kaniohmi kia inla y<sub>a</sub> vbanumpa isht im anumpohonli li haya tuk vt, vno ak inli kak osh ak ai ahlo ka hinla hoke.

CHAPTA X.

Chu okla nan isht im v̄lhpisa holitopa, 1. 7 Chu okla nan isht im apalv̄mi tok a nan isht il ithana he tuk. 21 Chitokaka im ai impa y<sub>a</sub> Setan o im ai impa kiloh ikbo kashke. 24 Il itibapishi im anukfila h<sub>a</sub> il itim ahnicha he tok.

1. YAKOHMI ka itibapishi li v̄hleha ma! pin tikba v̄hleha hv̄t kaniohmit moma kv̄t hoshonti h<sub>a</sub> ai ī nutakvt ayvt, anonti momvt okhv̄ta h<sub>o</sub> a hlopulli tok a hv̄ch ik ithano ka hi a, hv̄chim ai ahni li keyushke.

2. Yohmi ka Moses a im antia ch̄i kv̄t hoshonti, micha okhv̄ta ita tuklo kash o isht a baptismo tok.

3. Mihma il impa shilombish imma a miha chv̄fa h<sub>o</sub> momvt vpa tok.

4. Mihmvt nan ishko shilombish imma a miha chv̄fa h<sub>o</sub> momvt ishko tok. Tv̄li chito shilombish imma yvmmak ash okla ai ishko tok a yvmmak ash ot iakaiya tok oka; yohmi ma Tv̄li chito yvmmvt Klaist mak atok oke.

5. Yohmi kia yv̄mma kashampa laua ka Chihowa yvt isht ik ī ahno fehna tok; illit yakni haiaka y<sub>a</sub> okla a fimimpa tok oka.

6. Yohmi ka nana yakohmi kv̄t nan isht a pim v̄lv̄cha hi atuk; yvmohmi hokvt okla nan anushkunna tok ak inli h<sub>o</sub> chokmit nan ik v̄lhpeso puta ka kil anushkunno ka he atuk oke.

7. Okla hv̄t binohmayvt impvt, nan ishkot wakaya cha, a hihlv̄chi tok, achi kv̄t holisso hoka; kanima kv̄t yohmi hatok a chohmit nan holbvt toba aiokp̄v̄chi hv̄chia keyu kashke.

8. Mihmvt kanimi kv̄t itinlumaka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok v̄hleha h̄a chohmit kil itinlumako kashke.

9. Mihmvt kanimi kv̄t Klaist imomaka pisa tuk osh, sinti o isht ai illi tok v̄hleha h̄a chohmit Klaist a imomaka ke peso kashke.

10. Mihmvt kanimi kv̄t ik im v̄lhpesot na mibachi tuk osh, nan okp̄vni o isht ai okpuloka tok v̄hleha h̄a chohmit, na hv̄ch ik mihacho kaskke.

11. Yohmi ka isht a pim v̄lv̄v̄cha hi a ilv̄ppa puyuta kv̄t yvm̄mak ash o ai i yvmohmi tok: yohmi tuk osh yvm̄mak atok vt isht a pim achukma ch̄i mak o holisso ma, yakni ont ai v̄hli hv̄t pishno ak o pim v̄lv̄shke.

12. Yvmohmi hoka kv̄na hosh, Hik̄ia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai ahli, yvm̄mvt nan hv̄sh a lauecha he ont ia hokv̄no imomaka hv̄chi pisa hi a ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he ataya ya hv̄chim ikba he ak inli hoke.

14. Yvmohmi hoka a kana a holitopa v̄hleha ma! na holbvt toba ai okp̄vchi hv̄sh i filv̄mmashke.

15. Hatak hopoyuksa yo hv̄chi chohmichit anumpuli lishke; nana ho achi li ka anukfillit hv̄sh akostininchashke.

16. Isht ishko holitopa mihi yo Chihowa isht il aiokp̄vchi kv̄t, yvm̄mvt Klaist im issish a isht itibai ishi keyu ho? Pvska e boshullich̄i ka, yvm̄mvt Klaist hakn̄ip a isht itibai ishi keyu ho?

17. Pishno vt pi laua kia, pvska achvfa, anonti hakn̄ip achvfa pia hoke; pvska achvfa yvm̄ma momvt iloh itibai ishi hokvt.

18. Islael okla hakn̄ip imma hokv̄no ho pesá; kv̄na hosh v̄ba nan isht aiokp̄vchi nipi yo ai v̄pa kv̄t, yvm̄mvt alta ya itibai ishi keyu ho?

19. Yohmi ka nanta ho achi li ho? na holbvt toba

yummvt nana hoke; mikmvt na holbvt toba nana hō isht aiokpvcha chi hō imma ka yummvt nana hoke, achi li hō? keyú.

20. Amba nana hō Chentail okla hvt vba isht aiokpvchi kv̄t, nan isht a hullo okpulo yak o isht aiokpvchi kv̄t, Chihowa yak okvno keyu, achi li hoke: yohmi hokvt nan isht a hullo okpulo ya hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke: mikmvt Chitokaka im ai-imp̄a, mikmvt nan-isht ahullo okpulo vhleha im ai-imp̄a it aieninchit hvsh ibai achvfa he keyushke.

22. Chitokaka ya il anukhobelvchi na pi nuktvhla hinla hō? yvmma hlampko kv̄t il i shahli hō?

23. Nana moma kv̄t isht vm ai vlhpiesa, yohmi kia nana moma kak osh isht achukma he keyu; nan moma kv̄t isht vm ai vlhpiesa, yohmi kia nana moma kak osh achukmalechi keyu hoke.

24. Hatak kvna kia ilap nan isht im ai vlhpiesa he ak bano hō ik hoyo kashke; amba hatak moma kv̄t inla nan isht im ai vlhpiesa he yak ashke.

25. Nipi a chumpa ya nana hosh a kvnia tuk a, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kv̄t Chitokaka immi hoke.

27. Kanimi kv̄t na yimmi keyu hosh ont hvsh ibai imp̄a he hvchim ahni hokma, ia hi a hvsh ahni hokmvt; nana hosh hvchin tikba ya talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kvna hosh, Na holbvt toba isht aiokpvcha hi o ilvppa im issa tok a hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak o keyu,

amba yummak ash oke; nan isht vm ai vlhpisa hosh yvmihchi li ka, nanta katiohmi hō inla nan isht il akostininchi hosh si onochi hō?

30. Chihowa nan isht i kana pulla hō ibai ishi li hokmvt, yummak oka yak oke isht ahni li ka, nanta katiohmi hō nan ik vlhpeso yō isht a si anumpa cho?

31. Yvmohmi hoka hvsh impa, keyukmvt na hvsh ishko, keyukmvt nana hō hvsh yvmihchi hokmvt, Chihowa isht a holitopa chī hō, mominchit hvsh yvmohmashke.

32. Achvfona kia Chu ak okmá, keyukmvt Chentail ak okmá, keyukmvt Chihowa in chvch ak okmá, nana kia hvch ik ibetvblichō kashke.

33. Hatak moma ka nana moma ka yukpali kv̄t, vno nan isht vm ai vlhpiesa hi ō hoyo li keyu; amba lawa yummvt okchaya chī ka, isht im ai vlhpiesa hi ō hoyo li ka hvsh chiyuhmashke.

## CHAPTER XI.

Chihowa aiokpahanchi a nana kv̄t ik vlhpeso, micha Chitokaka im opiaka impa ma ik ahobalo aiena ka im alv̄m̄mi, 1. 23 Chitokaka im opiaka impa vlhpisa vmonnvt isht a minti tok a im anoli; mihmvt kaniohmit okla holitobla hi tok a im otr̄n̄n̄n̄chi.

1. **U**NO vt Klaist a iakaiya sia akinli hō chohmit, siakaiya hvchia hashke.

2. Yvmohmi ka itibapishi li v̄hleha ma! nana moma isht hv̄s sv̄thaiyana, mikmvt nan vlhpisa holitopa moyuma ka hv̄ch ichima li tuk a hv̄sh holitobli hoka, hv̄chi ahninchi lishke.

3. Yohmi ka hatak moma i noshkoboka yvt Klaist ak okma; anonti ohoyo hā i noshkoboka yvt hatak ak oke; mikma Klaist i noshkoboka yvt Chihowa yak oka, hv̄sh ithana he ak ō, hv̄chim ahni lishke.

4. Hatak moma kv̄t anumpa ilbv̄sha anumpuli, keyukmvt Shilombish ō anukfoykvt anumpuli kv̄t, noshkobo hv̄t im ō hlipia hokmvt, ilap noshkobo hā hofahyali hoke.

5. Amba ohoyo moma kv̄t noshkobo ō hlipia keyu hosh,



anumpa ilbvsha anumpuli, keyukmvt Shilombish o anukforyukvt anumpuli hokmvt, noshkobo yash o hofahyali hoke; yummak okvt noshkobo i shafa yak inli ho chiyuhmi hoka.

6. Ohoyo hvt noshkobo ompoholmo keyukmvt, pashi ak kia vlmashke; yohmi kia pashi vlmo, keyukmvt shafa kak okmá, nana ka ohoyo hvt isht a hofahya hinla hokma, noshkobo hvt ompoholmashke.

7. Chihowa ya a hoyulba na isht a holitopa hoka, hatak vt noshkobo ha nan o hlipela he vlhpesa keyu mvhlishke: amba hatak a isht im a holitopa yokvto ohoyo ak oke.

8. Hatak vt ohoyo ak o a toba tok keyu, amba ohoyo ak osh hatak ak atok oka.

9. Mikmvt hatak vt ohoyo ak atuk pulla mak o toba tok keyu, amba ohoyo ak osh hatak ak atok oke.

10. Yvmohmi kak o ohoyo hvt enchil vhleha ak pulla kak oka, noshkobo hvt ompoholma he vlhpesa hoke.

11. Yohmi kia ohoyo hvt iksho ka hatak vt anta he keyu, mikma hatak vt anta he keyu, mikma hatak vt iksho ka ohoyo hvt anta he keyu, Chitokaka yvt im ahni hoke.

12. Ohoyo hvt hatak ak o a toba yatuk o, yummak inli ho chohmit hatak vt ohoyo pulla kak o atoba hoke; yohmi ka nana puta kvv Chihowa ak o atoba hoke.

13. Hvchishno ak inli hosh anukfillit ho pesá; ohoyo hvt noshkobo ompoholmo keyu hosh Chihowa im ilbvshvt anumpuli yvmvt vlhpesa ho?

14. Hatak vt pashi vt falaia hokmvt, ishit hofahya ka nan isht anukfilli kak oh kia nan hvchi ithvnanchi keyu ho?

15. Amba ohoyo hvt pashi vt i falaia hokmvt, isht im a holitopa hoke; ilap pashi vt noshkobo isht ompoholma hi o ishi tok oka.

16. Yohmi kia kvna hosh a sanali kak o bvna ahoba kia, pishno yukvto yvma chohmi kvv ik pim iksho chatuk; mikmvt Chihowa in hvch a hiohli kvv yvma chohmi kvv ik im iksho chatuk oke.

17. Yohmi ka achukma i shahli kak o keyu, amba okpulo i shahla chi hosh mintit hvsh itvnaha kak o, ak hvchim ahnincho ilvppak osh hvchim anoli lishke.

18. Ubanumpuli ikxa yosh ant hvsh ai itvnaha kv̄t, nana vmonna ka ita kvshkov̄t hvsh maya ka haklo lishke: yohmi kv̄t sai yimmi chohmishke.

19. Yohmi ka hvch ik itibachvfo kak o pulla chi, yohmik mak o kvna hosh ai ahli hok mak osh hvch itin takla ya otaiyana hi oke.

20. Yohmi ka a miha chvfa ho ant hvsh ai itvnaha, ilvp-pak osh Chitokaka im opiaka impa ya vpa ho keyu hoke.

21. Hvsh impakmvt, hvsh moma kv̄t hvchim opiaka impa yatuk kak illa ho tikba hvsh ishishke: yohmi hatuk o achvfa kv̄t hohchvfo kma, anonti inla yato nan ishkov̄t haksishke.

22. Yakeh! ai impa he, mikmvt ai ishka he aiena chuka yvt ik hvchim iksho ho? keyukmvt Chihowa in hvch hvsh shitlema cha, anonti kvna hosh nana kv̄t ik im iksho ke tuk yvmmak ash kia hvsh hofahyala chi hosh hvsh yohmi ho? Nanta ho hvchim achi la chi ho? ilvppak ash o isht hvchi ahninchī la chi ho? isht hvchi ahninchī li keyushke.

23. Chitokaka ya im ishi li tuk mihi yo hvch ihima li; yohmi ka Chitokaka Chisvs vt tvnvp ibbak fohka chi ninak yvmmak inli mvt pv̄ska ya ishi tok.

24. Mihmvt yvmmak ash ot vba pit isht aiokpv̄chi cha, pv̄ska yash boshullichī mvt, Ieshi cha, ho vpa; ilvppvt sa haknīp osh hvchi boshulli hoke: hv̄s sv̄thana chi kv̄t ilvppak o hvsh yvmihchashe, achi tok.

25. Yvmmak ash inli ho chohmichit opiaka impa ishi hayosh, isht ishko ash kia yvmmak ash ot ishi mvt, Ilvppvt nan vlv̄pisa himona vm issish o isht ai ahli toba hoke; ilvppak o hvsh yvmihchi cha, yvmmak ash hvsh ishko aiyukakmvt, hv̄s sv̄thahanashke.

26. Pv̄ska ilvppa hvsh pa aiyuka, mikmvt isht ishko ilvppa hvsh ai ishko aiyuka aiena kv̄t, Chitokaka illi tok a hvsh otv̄nihinchī na yvmmak atuk vt v̄la hayashke.

27. Yvmohmi ka kvna hosh yohma he ai vlv̄piesa keyu hosh; pv̄ska ilvppak ash vpa chi, mikmvt Chitokaka im isht ishko ilvppak ash ai ishka chi aiena hokmvt, mihi yosh Chitokaka haknīp, micha im issish ita tuklo ka ik hovitoblot nan isht i palv̄m̄mi mak a hi oke.

28. Yohmi ka hatak okvt anukfillit ik ile pisá : yvmohmi cha mihi yosh pvska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishko aiena kv̄t Chitokaka haknip ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopó, micha abeka aiena kv̄t laua hosh hvchim ai asha ; mihma laua kv̄t nusi hoke.

31. Pishno ak inli kv̄t il il akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kv̄t, yakni ya ai itv-pehvt ik pī palvmmo ka chī kv̄t, isht pi achukma chī hosh Chitokaka ya il im afvma hoke.

33. Yomohmi hoka itibapishi li vhléha ma! hvsh impa chī hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlhpisa chī kv̄t, kvna hosh hochevfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTER XII.

Shilombish na holhpela hokvto il ai yuka, 1 ; 7 yohmi kia moma kv̄t nan isht ai yukpa he vlhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlhpesak mvt, haknip ma im ai vlhpiesa chatuk ; 29 yohmi hoka na pī hvlbená kv̄t il aiyuka kia, isht il itapela he tok.

1. **Y**VMOHMI ka itibapishi li vhléha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hv̄t na hvsh anukfoyuka hosh na hol-bvt toba ik anumpulo putá ilvppa hvsh im ohona kv̄t hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kv̄t, Chisvs a na kallakshi yo hochifa he keyu hoke : yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hulbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht vtta mvt im ilaiyuka; yohmi kia Chitokaka yokv̄to mihi ash inli hoke.

6. Mikma na toksv̄li mvt im ilaiyuka hoke; yohmi kia Chihowa mihi ash inli hosh ilv̄ppa moma ka hatak moma ka anukfokkichi hoke.

7. Yohmi ka Shilombish nan isht otv̄ni hō hatak moma kv̄t isht ai vlhpiesa hi osh habena hoke.

8. Shilombish pulla hō na hopoyuksa anumpa hā achv̄fa kv̄t anukfoyuka hoke; inla yato Shilombish yv̄mmak inli hō nan ithana anumpa hā anufoyuka hoke.

9. Inla mvt Shilombish mihi ash inli pulla hō na yimmi hā ishi: mikma inla mvt Shilombish mihi ash inli pulla hō na hlakofichi hulbina ka ishi hoke.

10. Inla yvt na fehna puta yvmihcha hi vt ishi; inla mvt Shilombish anukfoyokv̄t nan ithv̄nancha hi vt ishi; inla mvt chukv̄sh im anukfila puta akostininchi yō ishi; inla mvt anumpa ilaiyuka anumpula he vt ishi; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achv̄fa mihi ash inli kak osh hatak moma ka kanimi hō im ai ahni aiyuka hosh na yakohmi puta kash im it a kv̄shkolit anukfokkichi hoke.

12. Haknip okv̄to achv̄fa, yohmi kia yv̄mma ai immi hokv̄to in laua; mikma haknip achv̄fa yv̄mma ai immi moma kv̄t lai yawa kia, haknip achv̄fa hoke; yohmi ka Klaist ak kia ilv̄ppak inli hō chohmi hoke.

13. Shilombish achv̄fa pulla hō momvt isht il a baptis-mot haknip achv̄fa e toba; Chu, keyukmvt Chentail pia hokmá, yuka, keyukmvt yuka keyu yō pia hokmá, nana tuk kia momvt Shilombish achv̄fa il ibai ishi yō e toba hatuk.

14. Haknip vt ai immi im achv̄fa keyu, amba laua hoka.

15. Iyi yvt, Uno vto ibbak sia keyu hokv̄t, haknip ai immi sia keyu; achi hokmvt, yohmi kia yv̄mmvt haknip a ai immi keyu hō?

16. Mikma haksobish vt, Uno vto nishkin sia keyu hokv̄t,

haknip ai immi sia keyu hoke; achi hokmvt, yohmi kia yummvt haknip a ai immi keyu hō?

17. Yohmikma haknip moma kv̄t nishkin okma, katima yak osh na haklo ya hinla hō? moma kak osh na haklo yokma, katima yak osh na huwa ya hinla hō?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali momin-chit haknip ash ai iba fohkichishke.

19. Yohmi ka moma kak osh ai immi achvfa hokmvt, katima yak osh haknip a hinla hō?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak ch̄i sv̄bn-noshke, im acha he keyu: keyukmvt anonti iyi yash o, Nana ka ak ch̄i sv̄bn-noshke, noshkobo hvt im acha he keyu hoke.

22. Keyú, ymma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hvt haknip a iti fohkit apoksiachi mvt, kanimi kv̄t ik alauwo ke tuk ash holi-tobli kv̄t i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kv̄t holitopa hokma, moma kv̄t ibai yukpa hoke.

27. Yohmi ka Klaist haknip o hvchia, micha yvmmak ash o ai immi ka a kashampa ai yuka hvchia hoke.

28. Yohmi ka Chihowa hvt kanimi ka atokolit chvch a bihlichit; vmona ka apostel, atukla ka Shilombish anuk-foyukvt anumpuli; atuchina ka vbanumpa isht ithvnanchi;

mikmvt na fehna puta yvmihchi; mikmvt na hlakofichi holhpela, nan apelvchi, chvch pehlichy, anumpa ilaiyuka anumpuli puta kak oke.

29. Moma kak osh apostel o? keyukmvt. moma kak osh Shilombish anukfoyukvt anumpuli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmvt moma kak osh anumpa il aiyuka anumpuli ho? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kvv i shahli ho hvchim anoli lishke.

### CHAPTA XIII.

Shilombish holhpela moma kvv nan i hullo kvv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **H**ATAK im anumpa ilaiyuka puta, mikmvt enchil puta im anumpa ho isht anumpuli li hoh kia, nan i hullo yvt ik svv ikshokmvt, tvli lakna ohonla, keyukmvt tvli kusa kvsahahanchi ak inli ho holba li hoke.

2. Yohmi ka Shilombish anukfoyukvt anumpuli na holhpela ka ieshi li, micha nan ik otano ki tok moma ka akostininchy li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanvlichy la hinla kia, nan i hullo yvt ik svv iksho hokmvt, nana ho sia keyu hoke.

3. Yohmikmvt nana vv asha moma kash ilbvsha ya im iti yopelachy li, micha sa haknip mvt. lua chy ho im issa li; yohmi kia nan i hullo yvt ik svv iksho hokmvt, nana ho isht vv ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvnot i nukkilli keyu; nan i hullo yvt ilap inli ka isht ilauata keyu, ile chahvchi keyu.

5. Ilefhnvchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu; nan ik vllhpeso anukfilli keyu.

6. Nan ik vllhpeso isht ai yukpa keyu, amba nan ahli yo isht ai yukpa yoke.

7. Nana moma ka ompohomo, nana moma ka yimmi, nana moma kvt vllhpesa chi, ahani a yimmi, nana moma kvt ant ik svm ai yohmi, ahani.

8. Nan i hullo yokvto nitak nana ont ai iksho ka he keyu: amba Shilombish anukfoyokvt anumpuli yokma, nana hatuk kia yvmmak okvto ont ai iksho ka hi oke; anumpa ilaiyuka ithaiyana yokma, nana tuk kia yvmmak okvto ont issa hi oke; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyokvt il anumpuli hoke.

10. Yohmi kia nana ont ai ahli yvmmvv vla chi, yohmi hokmvno nana ik ono yvmmak atuk vt ont ai ikshot kvnia hi oke.

11. Vlla sa tomba mvv, vlla yo chohmit anumpuli li tok; vlla yo chohmit nana akostinichi li tok; vlla yo chohmit nana anukfilli li tok; yohmi tok kia hatak ont toba li mvv, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa: yohmi kia yvmmak fokak mak o nashuka bika il iti pihisa hi oke: himonasi yokvno ak onancho hosh ithana li; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke: yohmi kia ilvppak ash moma i shahli hokvto nan i hullo yak oke.

CHAPTA XIV.

Shilombish anukfoyokvt anumpuli ha ahnichi; 4 yvmmak osh anumpa inla ithanvt anumpuli ka i shahli; 12 isht a hlampko

achukmvt i shaht ia chi ka ita tuklo ka a yvmihcha hinla ;  
34 chvch itvnahvt maya ka ohoyo hvvt anumpula he keyu im  
vlhpisa.

1. **NAN** i hullo ya achunanchit iakaiyvt, ishi ka hvchi  
bvnashke : mikmvt Shilombish imma ka anukfoyuka chi ka  
hvchi bvnashke : yohmi kia Shilombish anukfoyukvt hvsh  
anumpula he ak osh ahni kvvt hvsh i shahlichashke.

2. Kvna hosh anumpa inla yo anumpuli hokvto, hatak o  
im anumpuli keyu, amba Chihowa yak oke : kvna hosh im  
akostininchi keyu hoka ; yohmi kia Shilombish anukfoyuka  
hosh yvmmak ash ot nana luma hatok puta ka anumpuli hoke.

3. Amba Shilombish anukfoyukvt anumpuli hokvto,  
hlampkohonchi, mikmvt ai okchaya he ahna chi ka i mihaha,  
mikmvt hopohlahanli, aiena hosh hatak puta im anumpuli  
hoke.

4. Kvna hosh anumpa inla yo anumpuli hokvto, ilap illa  
isht achukmali hoke ; amba kvna hosh Shilombish anukfoy-  
ukvt anumpuli hokvto, chvch a hlampkohonchi hoke.

5. Hvsh moma kvvt anumpa ilaiyuka hvsh anumpula he  
ak o hvchim ahni li ; yohmi kia Shilombish anukfoyukvt  
hvsh anumpula he ak o hvchim ahni li kvvt i shahlich li :  
kvna hosh anumpa ilaiyuka anumpuli ka, chvch vt achuk-  
mvt i shahlit hlampka chi ka, yvmmvvt tosholi keyukma, kv-  
na hosh Shilombish anukfoyukvt anumpuli kak osh holiropa  
kvvt i shahli hoke.

6. Yohmi ka itibapishi li vhleha ma ! nana otvninchi, ke-  
yukmvt nana itvvnanchi, keyukmvt Shilombish anukfoyukvt  
anumpuli, keyukmvt nana avvchi nana hosh anumpa ilaiyu-  
ka anumpuli la chi hosh hvchim ona li hokmvt, nanta ho  
isht hvchi yukpali la hinla ho ?

7. Yohmi ka nana kvvt fiopa iksho hosh ohonla kvvt, oskula  
hokmá, keyukmvt hap okmá, nana ka ai ola kak osh it im  
ilaiyuka keyukmvt, katiohmi kak osh oskula yokmá, keyuk-  
mvt hap okmá, nana ho ai ola kvvt otaiyana hinla ho ?

8. Isht pufa yvt ola kvvt ik haiako hokma, kvta hosh itiba  
chi kvvt il atahla hinla cho ?

9. Yvmmak inli ho hvsh chiyuhmi kvvt anumpa akostinin-



cha he kullo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kv̄t yakni pakna ai asha, yvmohmi chatuk; yohmi kia achvfa kv̄t nana hō miha keyu kv̄t iksho hoke.

11. Yvmohmi ka anumpa ola ka yvmmak o miha ka ak akostininchokma, kv̄na hosh anumpuli yvmmak ash o im bvlbaha sia mak a hi oke; mikma kv̄na hosh anumpuli yvmmak ash ot am bvlbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kv̄na hosh isht anumpuli hokmvt, yvmmak ash toshola chī kv̄t vba ik asilhhá.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla ya nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpv̄chi kia, kv̄na kia nan ik ithano im ai o binili binili hatuk vt, nana hō ish achi ka akostininchi keyu kv̄t, katiohmi kak osh yvmmak ash osh yak oke ahnit, vba pit ish aiokpv̄chi ka, Amen acha hinla hō?

17. Ahli hosh yak oke vba pit ish aiokpv̄chi ho mv̄hli; yohmi kia inla yokvno hlampkohonchi keyu hoke.

18. Anumpa inla anumpuli li kv̄t, hvsh moma ka hvch i shahlichī li kv̄t, an Chihowa ya yak oke im ahni lishke.

19. Yohmi kia chvch itvnaha ka inla maya ka vm anumpa ola ka nana isht im av̄chi la chī kv̄t, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itibapishi li vhleha ma! nana akostininchi kv̄t vlla chipunta yō hvch ik tobo kashke: yohmi kia nana ik ai vll-

peso hokvno vllōsi yo hvsh tobashke; yohmi kia nana akostinichi hokvno hatak o hvsh tobashke.

21. Anumpa im inla, mikmvt itivlbi inla hatuk o okla ilvppa isht anumpohonli la chi: ilvppa moma yvmolmi hoh kia okla ik sa haponaklo ka chi, Chitokaka yvt achi hoke, achi kv̄t nan v̄lhpisa ya a holisso hoke.

22. Yohmi hoka anumpa inla anumpuli yvt na yimmi v̄hleha h̄a isht im atokowa keyu, amba kv̄na hosh yimmi keyu kak oke; yohmi hoka Shilombish anukfoyuka kv̄t anumpuli kak o kv̄na hosh yimmi keyu yvmmak o achukmali keyu, amba kv̄na hosh yimmi kak oke.

23. Yvmohmi hoka chvch mōma kv̄t miha chvfa hō ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai v̄lakmvt, tasimbo yo hvchim acha hinla keyu?

24. Amba moma kak osh Shilombish anukfoyukvt anumpuli hokma, anonti na yimmi keyu, keyukmvt nan ik ithano yosh v̄la hoh kia yimmit, momvt anumpuli ka ahli ahnit anukfohka, yvmmak ash ot moma kak o nan isht ai im v̄lhpisa hoke.

25. Yohmi ka yakohmi hosh chukvsh isht im anukfila anukaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokpvchishke, mikmvt Chihowa hv̄t hvch iba takla ho mv̄hli hatuk a anola hi oke.

26. Yohmi ka itibapishi v̄hleha ma! nanta katiohmi hō? ant hvsh itvnahakmvt, hvsh moma kv̄t ataloa yokmá, anumpa tosholi ak okmá, nana hō hvsh ishi aiyuka hosh ant hvsh itvnahvshke. Isht achukma hi o nana moma kv̄t yvmohmashke.

27. Hatak kv̄na hosh anumpa inla yo anumpuli hokma, tuklo, keyukmvt tuchina kv̄no ont ik aiyo, yohmik mak o it iakaiyashke; mikma achvfa kak osh tosholi ashke.

28. Amba tosholi iksho hokm̄no, ai itvnaha ya lumvt binilashke: yohmi cha Chihowa, ilapo ak inli ita tuklonchit im anumpulashke.

29. Shilombish anukfoyukvt anumpuli v̄hleha hv̄t tuklo,

tuchinakma, nana kv̄t anumpulikma, inla yokv̄to aḥli hō? ahnit anukfillit pisashke.

30. I bilikasi binili yv̄mmak ash o nana kv̄t im otvni hokma, v̄mmona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukmv̄t isht i shahla ch̄i ka, Shilombish anukfoyv̄kv̄t hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoyv̄kv̄t anumpuli v̄hleha im anuk-fila puyuta kv̄t Shilombish anukfoyv̄kv̄t anumpuli v̄hleha hash o i nutaka yoke.

33. Shakapv̄t nan iti ataklv̄ma he Chihowa hv̄t ahni keyu, amba v̄banumpa anukfohka aḥli im ai itv̄naha moma kak o chohmit it̄i nanaiya yak oke.

34. Ik̄sa itv̄nahv̄t maya ka hv̄chim ohoyo hv̄t lumv̄t binohmayashke; yv̄mmak okv̄t anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhpesa yv̄t yv̄mmak o achi ak inli hoke.

35. Yohmi ka nana hō ithv̄na bv̄nna hokmv̄t, chuka ak inli kak o i hatak a ai im aponaklashke: ik̄sa itv̄nahv̄t maya ka ohoyo hosh anumpuli hokv̄to nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchv̄t minti hatok o? keyukmv̄t hv̄chishno ak bano hō hv̄chim ona hatuk o?

37. Hatak kv̄na hosh ilap inli kv̄t Shilombish anukfoyv̄kv̄t anumpuli yokma, keyukmv̄t Shilombish holhpela ka isht anukfoyuka hō mihi yosh im ahobakmv̄t, pit hv̄chi holissochi li tuk yv̄mmv̄t Chitokaka i nan v̄lhpesa mak atuk a akostininchit, aḥli ahnashke.

38. Amba kv̄na hosh ik̄ akostinincho hokv̄to mihi yosh nan ik̄ akostinincho kv̄t imomashke.

39. Yv̄mohmi ka itibapishi li v̄hleha ma! Shilombish anukfoyv̄kv̄t anumpula he ishi ka bv̄nnv̄t hv̄sh achilitashke; mikmv̄t anumpa inla anumpuli ka hv̄ch ik̄ im alammo kashke.

40. Nana moma kv̄t ai v̄lhpiesa, micha ai itiakaiyv̄t anuktanla mak o yv̄mohmashke.

## CHAPTA XV.

Illit falamvt e tani pulla hi a, Klaist vt illit falamvt tani tok ak o isht anoli, 1 : 21 Klaist vt illit falamvt tani tok a nana kv̄t isht a yv-mohmi : 36 falamvt e tana he nana akaniohmi : 51 Klaist vt vlak ma, okchayvt anta tuk vt inlv̄t toba he.

1. YUMOHMI ka itibapishi vhleha ma! vbanumpa yvm̄mak o hv̄chim anumpohonli li yv̄mma hv̄sh ishi tuk osh, anonti mihi yo anukfoykvt hv̄sh mahaya ka, yvm̄mak inli ho hv̄ch im anohonli lishke :

2. Yvm̄mak o hv̄chi ai okchaya, nana ka isht hv̄chim anumpuli li tuk a ithaiyanvt hv̄sh ieshi hokmvt, nana ka ik onancho keyut hv̄chi yimmi hatuk okmvt.

3, 4. Holisso Holitopa nana achi tok mak o nana pim ai ashv̄chika puta kak o Klaist vt kaniohmit isht ai illi ; yohmi cha yvm̄mak ash ot hollopi tuk osh, anonti nitak ont atuchina ma Holisso Holitopa nana achi tok mak o yvm̄mak ash ot anonti tani tok, yvm̄mak o vno ak kia si anukfoyuka hatuk osh, mihi yo tikbanli hv̄chim anohonli li tuk oke.

5. Mihma yvm̄mak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achv̄fa yvm̄mak ash osh itibapishi tahlepa tahlapi ont ia ka i haiaka tok : yvm̄mak atok a akashampa laua kv̄t okchaya na ant himakv̄shke, yohmi kia kanimi kv̄to nusit akakoha tok.

7. Yohmi ha yo yvm̄mak ash ot Chemis a i haiaka tok ; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vlhpiesa keyu ho chohmi, vno ak kia yvm̄mak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vlhpesa keyu, Chihowa in chv̄ch a ilbv̄shali li tok okvt.

10. Yohmi kia Chihowa nan isht i kana pulla ho kanima a hikia li kv̄t yvm̄mak o hikia sia mak oke ; mikmvt yv̄mma nan isht i kana yvm̄mvt si anukfoyuka kv̄t ik ai ono ke tuk keyu hoke : yohmi hokvt toksv̄li hoyubli kv̄t yvm̄mak ash

moma ka i shahlich*i* li: yohmi kia vno ak keyu, amba Chihowa nan isht i kana mihi yosh a svbai achvfa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmvt illit falamvt tani tuk vt isht anumpa hokma, katiohmi hō hvsh kanimi kv̄t illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ahlo il otvni hoke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ahlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vhleha yvmmvt aiokpuloka mak oke.

19. Okchaya ilvppak bano kak osh Klaist a il ai okchaya ch̄i il anukchieto hatuk okmvt, pilbvsha kv̄t hatak moma ka il i shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmmak ash nan vni vmona mak o toba hoke.

21. Hatak puyulla hatuk mak o nan illi hv̄t aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli hō chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kv̄t ilap nan isht im ai vlh-  
piesa kak a hi oke: Klaist ak osh nan vni v̄mmona hoke: i  
himmak o Klaist immi hatuk vt, yv̄mmvt mintikma, tana hi  
oke.

24. Mikma apēhlichika, nan vlhtoka, micha nan im ai ahli  
aiena ka ai akshochi ha yosh apēhlichika ya yv̄mmak ash ot  
Iki Chihowa mak o ibbak fohka hi oke; yohmik mak o ai  
vhli hv̄t vla hi oke.

25. Yv̄mmak okvt mikot ahanta pullvt, in tv̄nv̄p vhleha  
moma ka ilap iyi nuta ashachi ha ya hi oke.

26. Tv̄nv̄p ishtaiyopi mak osh yv̄mmvt ont ik ai iksho ka  
chi kv̄t nan illi ak oke.

27. Nana moma ka yv̄mmak ash ot iyi nuta ya ashachi  
tok oke. Yohmi ka nana puta kv̄t yv̄mmak ash ai i nuta-  
kv̄shke, yv̄mmvt achi kia, nana moma ka yv̄mmak ash ai i  
nutakv̄chi tok ilap ak bano hosh keyu kv̄t otaiyanishke.

28. Yohmi ka nana moma kv̄t yv̄mmak ash o ai i nutakvt  
taha, yohmik mak o Ushi ilap ak kia nana moma ka ai i  
nutakv̄chi tok yv̄mmak ash o ai i nutaka he; yohmi h̄o  
Chihowa ya moyuma kv̄t nana moma ka isht ai okpahanchit  
isht im antia hi oke.

29. Yv̄mmak a he keyukma; illi tuk ak o vlhtoba hosh  
baptismo tuk, yv̄mmvto nanta h̄o katiohma hi o? illi yvt  
tana he keyu kv̄mohmi hokma; nanta katiohmi h̄o illi atuk  
pulla ka isht a baptismo hatuk o?

30. Mikma nanta katiohmi h̄o hv̄shi kanv̄lli moma ka isht  
a pi palv̄m̄mi ya il a hikia cho?

31. Nan isht ilaiyukpa yv̄mma hv̄chishno pulla hatuk  
mak o pin Chitokaka Klaist Chisvs isht im ai eshi li kak  
osh ai ahlichit anohonli li mvt, nitak moma ka sahanlishke.

32. Hatak o chohmit nampoa nukshopa puta ka Efesvs  
ak o ai itihimbi li tuk vt, illi yvt tani keyukma, nanta hosh  
isht v̄m ai achukma hinla h̄o? onnaha ya hv̄p illa chi hokvt,  
imvt, nan ishkot keho mayá.

33. Hv̄ch ik ile haksecho kashke: nan ik vlhpeso a chu-  
kulbi yokv̄to im anukfila achukma puta tuk a im okpv̄ni  
yoke.

34. Yohma he ai vllhpiesa hoka oh okcha, micha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya chi hō ilvppa hvchim anumpuli lishke.

35. Yohmi ka katiohmi hosh illi yvt tani hō? mikmvt haknip vt katiohmi hō yvmmak ash ot isht kohcha hō? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi yo keyukmvt, yvmmak ash ot okchaya yo keyu hoke.

37. Mikma nana ish hokchi kv̄t nan vpi yvmmak a hi o ish hokchi keyu, amba onush okmá, keyukmvt nihi inla yokmá, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya chi ka ima hoke; mikmvt nihi moma kv̄to ilap im vpi ya chi ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla mvt nampoa nipi, inla mvt nvni nipi, inla mvt hushi nipi yak oke.

40. Uba imma na haknip ilaiyuka, aka imma na haknip ilaiyuka aiena kv̄t ai asha hoke: yohmi kia vba imma isht im a holitopa yokv̄to achvfa, mikma inla mvt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla mvt hvshi ninak aya nan isht im a holitopa, anonti inla mvt fochik puta isht im a holitopa yvt asha hoke; isht a holitopa hokvno fochik achvfa kv̄t fochik inla ya it im inla hoke.

42. Illit falamvt tani kv̄t yvmmak inli hō chiyuhma hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh taiyani hoke: ik hlampkot hollohokchi tuk vt, nan ai ahlahhe mak osh taiyani hoke.

44. Ilhfiopak haknip hollohokchi tuk vt, shilombish imma haknip osh taiyani hoke. Ilhfiopak haknip, mikmvt shilombish imma haknip ita tuklo kv̄t ashvshke.

45. Yvmohmi kak o hatak vmona Alvm vt shilombish

okchaya yosh toba tok; Alvm ishtaiyopi kvto Shilombish okchalinchi yo toba tok, achi hosh holihiso hoke.

46. Yohmi kia shilombish imma kak osh vmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmona kvt yakni yo a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli ho chohmi hoke: mikma vba ai immi hokvto, yvmmak ash inli ho chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apelihika yvt ai immi ha he vvhpesa keyu; mikma nan toshba hi okvto nan ik toshbo ya ai immi ha he vvhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla ho, moma kvt inlvt e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlvt e toba hi oke.

53, 54. Na toshba he ilvppak ash osh nan toshba he keyu ho isht a foyuka pulla he, mikma nan illa he ilvppak ash osh nan illa he keyu ho isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ahla hi oke.

55. Nan illi ma! katima yak o nan isht ish nvhli yo? ahollopi ma! katima yak o nan isht ish imaiyachi ho?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vvhpisa yak oke.

57. Yohmi kia hvpin Chitokaka Chisvs Klaist pulla hatuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!



hush kullo cha ik huchi fitekacho kish, vltoba iksho ka hi osh Chitokaka hush in toksvli keyu kv̄t hush ithaiyana hokvt, Chitokaka im atoksvli ya lauachit hush toksahanlashke.

CHAPTA XVI.

Nan ik im iksho a kaniobmit apelacha he, mikmvt vbanumpa hv̄t i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tabli mvt, isht aiyopichi kv̄t vbanumpa ha yakoke ahani tok.

1. YOHMI ka na yimmi ahli nan im itahobi imma hokvno, chvch Kaleshi a hiohli kak o nana im apesa li tok a, chohmit hush yvmihchi ak inlashke.

2. Ona li ha yo nan itahobi kv̄t ik ai iksho ka chi ka, wek nitak vmmonakma achvfa hush aiyuka kv̄t, Chihowa hv̄t nan im ilayak a ataiyahli ka, it ilauechit ishit hush il im bohonlashke.

3. Atuk o ona likma, kvna ho vlhpesa hush ahni hokma, mihi yosh nana hush habenvchi tuk ash Chelusalem isht ona chi ka, holisso ha im atahli lish, pit yuhli lashke.

4. Yohmi kia ia li kak o vlhpesa hinla hokma, yummak ash ot si apihvt ia chi hoke.

5. Yohmi ka Masetonia yakni ya a hlopulli li ha yosh, hvchim ona la chi hoke, Masetonia yakni ya a hlopulli li mak okvt.

6. Yohmikmvt hvch ibai anta la chi, ahli, hvsttula yak kia hvch ibai anta la chi chishke; yohmi ho anowa hopaki kanima yo ia la chi ka hv̄s si apelvcha hi oke.

7. Himonasi ya nowvt aya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kv̄t Efesvs ak o anta li Pentekost ai onak mak a chi hoke.

9. Okhissa yvt chito, mikmvt vm ai ahla hi vt an tiwa, mikma a sanali vt laua hoke.

10. Yohmi ka Timohlius vt ona hokmvt, nukshopa ikshot hvch iba takla anta chi ka hush pisashke: vno vt yummak inli chohmit, yummvt Chitokaka im atoksvli li ya toksahanli hoke.

11. Yvmohmi ka kvna kia ik shitelemo kashke: amba yvmmvt ayvt vm vla chī ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpīhvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmhmi tuk; yohmi kia ona he im ai vlhpiesa onakma, ona chī hoke.

13. Okchvt oh il apistikeli, ai yimmika ya kvllot ieszit hvsh hikiashke, hatak ahli il otvninchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yvmmak osh Akaia ya nan ai vni vmmona yosh, na yimmi ahli vhleha ha apelvcha chī kvv okla il im issa tok; yohmi ka itibapishi li vhleha ma! yvmma chohmi, micha na piba toksvli, micha toksvlit hoyubli ayuka ka hvsh im antia chī ka, hvch it i kanvt hvchi atohno lishke.

17. Stefanas, micha Fatunatvs, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chūkvsh, micha hvchishno aiena chūkvsh a okla yukpali hatuk: yvmohmi hoka yvmma chohmi vhleha ha i kanvt hvsh ithaiyanashke.

19. Asia yakni chvch maya kvv pit hvchi aiokpvchishke. Akuila micha Plissilla ita tuklo kvv, ilap in chvch maya ka aiena kvv, Chitokaka ibai achvfa hvchia hoka pit hvchi aiokpvchi fehnvshke.

20. Itibapishi moma, kvv pit hvchi aiokpvchishke. Suk-sowa holitopa yo hvsh it aiokpvchashke.

21. Ūno Pal nan isht aiokpvchi ka vno subbak isht holisohonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyukashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyukashke. Amen.

HOLISSO ATUKLA PAL VT

CHVCH KOLINHLA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvmi ka isht hopohohla kv̄t achi ; mihmvt v̄banumpuli Kolinhla ai asha ka nan isht hopohla tok ash inli hō isht hopohlahan li kv̄t Chihowa ya yak oke im ai ahni, 1 ; 15 nana hosh kaniohmi hō ik im vlo ki tok vt anoli ; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Paī, micha il itibapishi Timohli ita tuklo kv̄t Chihowa in chvch, yvmmvt Kolinhla a hikia, mikmvt na yimmi ahli moma yvmmvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilbv̄sha moma ka pi nukta-lahanli ; yohmi hō pishno vt Chihowa hak o nan isht im anuktaiyala ya isht a pi nuktaiyala cha, kuna hoh kia ilbai-yasha hokma, e nuktalahanla hinlv̄shke.

5. Klaist pulla hatuk mak o nan isht ilbv̄sha yvt pim a laua ; yohmi hokvt Klaist pulla hatuk mak o nan isht a pi nuktaiyala yak kia lauvshke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim ai okchaya chi kvt, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ahli hoke; anonti pishno vt isht a pi nukhtaiyala hok mak heno, yvmmvt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kvt kvillo fehvshke.

8. Iloh itibapishi vhleha ma! nan isht a pilbvsha yvmmvt Asia yakni ya a pi onvtula; yohmi mvt pim isht hlampko hash imaiyachi na na pi weki fehna mvt; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka:

9. Yohmi ka illa he anumpa il il ai eshi, yohmi kvt pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kvt yvmmak ash osh pi a hlakofihincha chi ka yvmmak o il anukchieto hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kvt laua hi oke.

12. Isht il il akostininchi isht im ai atokowa kvt haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ahli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ahli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ahli ahnit, akostininchit mahayvt ont ai vlli ka hvsh ona hi a hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kvt, yvmmak inli ho chohmit nan isht

huchim ilaiyukpa pia ha chī ka, hvsh kanimi kv̄t ahli hvsh pi akostinīnchi ak inli tuk oke.

15, 16. Yohmi ka yakohmi tok ak o na yimmi hosh atukla ma nan isht ilaiyukpa ka hvsh isha hi a tikba huchim ona la he ahnit, anonti ont ivt, Masetonia yakni ona li tuk mvt, anonti Masetonia yakni yash o akohchvt atuklant hvchīm aya li hok mak osh, Chutia imma aya la chikma, hv̄s si apelvcha hi a vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk o? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni hō isht anukfilli li tuk o?

18. Yohmi ka Chihowa hv̄t ai ahli yatuk o, pim anumpa nan isht e hvchīm achi tuk a yau yatuk osh anonti keyu, yatuk keyushke.

19. Ūno, mikmvt Silfanvs, micha Timohlivs aiena pulla kak o, Chihowa Ushi Chisvs Klaist, yvmmv̄t hvchīm anuhumpa kv̄t, yau yatuk osh, anonti keyu yatuk keyushke, amba yvmmak okv̄t yau yatuk oke.

20. Yvmmak atuk pulla mak o Chihowa hv̄t nana im ihisa tuk moma kv̄t yau okma, anonti yvmmak atuk mak o Amen oke, yohmi kak o pishno ma Chihowa nan isht im a hōlitopa yoke.

21. Yvmohmi ka Klaist a iloh ibai achvfa chī ka, hvpi hlampkohonchi cha, na pi a hv̄m̄mi kv̄t, yvmmv̄t Chihowa ak oke.

22. Mihmvt ilap immi pia ha chī ka, yvmmak ash osh pi ai ahlichī mvt, ai okchayvt bilia e pisa he pim ai ahlichī kv̄t, Shilombish a pi anukfohkechi tuk oke.

23. Yvmohmi hoka hvchī kanvt na hvchīm anukfilli la chī kak osh, Kolinhla ya ak ono kisha hatuk a Chihowa hv̄t vmi shilombish a atokowvt vm ithana ya chī ka hohoyo lishke.

24. Na hvchi yimmi ka il i shahli hatuk keyu hoka, amba na hvchīm ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

## CHAPTER II.

Nana hosh kaniohmi kak o ik im ono ki tuk vt anoli, 1 ; 6 Chvch a a kohcha tok a i nukhanklot i kvshofa hi a im ahni ; 10 ilap ak kia i kvshofi tuk a chohmachi : 15 kanima yo vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kvt na nukhaklo hosh, atuk-la ma ak hvchim ono ka chi, ilvppak o vno ak inli kvt vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho? amba vno yak atuk mak o kvna hosh nukhaklo tuk yvmmak inli kak a hinla keyu?

3. Yohmi ka ona likmvt, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppvt mihi ash inli ka isht hvchi holissochi li hatuk oke : hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchi holissochi li hatuk ; hvchi nukhakla he yak atuk keyu, amba nan isht i hullo yvma isht hvchi hoyullo li fehna hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmvt, vno ak illa ho si anukhaklochi tuk keyu : hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvma chohmi kvno nan vlhpisa ilvppak o laua kvt im apesa tuk a, im ai vlhpiesa hoke.

7. Yohmi tuk a yvma chohmi kash i kashofit hopohlvi kak o hvsh ahna he tuk oke ; yvmmak keyukma yvma chohmi kash ot na nukhaklot isht ai i palvmmiit kvnia hinla hoke.

8. Yvmohmi hoka nan isht hvsh i hullo kvt yvmmak ash o hvsh im otvnincha chi kak o hvchim ai ahni lishke.

9. Ilvppak a he mak o holissochi li akinli hatuk ; nana

moma ka ai im antia hvchia hokmá, nana ka hvch imoma ka ithvna la chí hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vltoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlpeso ya kil ithano keyu hoka.

12. Yohmi ka Klaist im vbanumpa isht anumpohonli la chí hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titvs a ak ahayucho hokvt, vm anukfila nuktva ik sem iksho ki tok: yohmi ka okla yvmmak ash aiokpvchit issa li mvt, yvma a kohchvt Masetonia yakni ya ia li tok.

14. Yohmi hoka, yak oke ahnit, Chihowa ha kiloh aiokpvchi; yvmmak osh Klaist pulla hatuk mak o il imaiyacha chí ka pi apelahanchi; mikmvt kanima moma ka pishno pulla atuk mak o ilap a nan isht im ithvna i na balama otvnhinchishke.

15. Pishno vto Klaist ibai achvfa pia hosh kvna hosh okchaya chí, micha illa chí aiena kak o Chihowa i nan isht balama champuli pia hoke.

16. Achvfa kano, illi bitema nan isht ai illa he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh ilvppa puyuta ka isht im ai vlpiesa cho?

17. Laua hvvt Chihowa im anumpa ik ai ahlecho ya e chohmi keyu; amba chukvsh ai ahli, yohmi kvvt Chihowa im vltoka kvvt, Chihowa itikba yo Klaist i hohchifo isht il anumpohonli hoke.

CHAPTA III.

Pal vt vbanumpa isht anumpohonli hō Kolinhlia vt vbanumpa anukfokka kak o yvmmak ash Chihowa hvvt pit pila hatuk a otvnhinchi tok, 1; 6 vbanumpa anumpula chí ka Chihowa yak osh ataiyahli tok a tuk, 12 vbanumpa hak osh holitopa kvvt Moses nan apesa tok a i shahli.

1. PISHNO ak inli kv̄t atuklanchit il il ahninchit isht il ia hō? keyukmvt inla maȳa ka chohmit, isht hvsh p̄i kana he holisso puta ka il isha he pim v̄lhpesa hō? yvm̄mak keyukmvt holisso isht ai ī kana yā e hvchim ai isha hi vt v̄lhpesa hō?

2. Hvchishno ak osh p̄i holisso hvchia hosh pi chukvsh ā a holih̄iso tuk osh, hatak moma ka im otaiyanit im ai it anuhumpa hoke:

3. Pishno yatuk mak ō hvchishno vt Klaist ī holisso toba tuk otaiyanit hvsh anohōwa kv̄t, isht holissochi oka yō isht holih̄iso tok keyu, amba Chihowa okchaya imi Shilombish ak atuk; tv̄li patvssa yō a holih̄iso tok keyu, amba chukvsh nipi ak atuk oke.

4. Yohmi hatuk ō Klaist pulla hatuk mak ō Chihowa yak osh yvm̄ihchi tuk ā p̄i yimmishke.

5. Pishno ak inli nana ka ai isht anukfillit isht im ai āhla he il ahni kak osh pishno ak inli kv̄t il ona ch̄i keyu hoke: amba Chihowa ak atuk mak ō nana ka pim ai āhlit il ona ch̄i hoke.

6. Nan it im v̄lhpesa himona nan isht im vtta ai āhla he mak ō yvm̄mak osh pi atokoli ak inli tok: holisso tikba yak ō nan isht im vtta hō keyu, amba Shilombish ak oke; holisso tikba yash okv̄to v̄bi yoka, amba Shilombish okv̄to okchalinchi yoke.

7. Yohmi ka tv̄li yō ai in chuwa holisso isht ai illa he isht ai vtta yvt holitopa; yohmi hō Moses yvm̄ma nashuka yvt shohpalali hoka, Islael ushi v̄hleha hv̄t nashuka yash ō atokov̄t pisa he keyu ki tok; yvm̄mak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak heto holitopa kv̄t ī shahla hetuk keyu hō?

9. Isht a palv̄mma he nan v̄lhpesa isht ai vtta yvt holi-topa hokma, nan isht ai v̄lhpiesa isht ai vtta yokak heto holitopa kv̄t ī shahli fehna he tuk keyu hō?

10. Nana kv̄t yakohmit holitopa tok ilv̄ppak ash ot na holitopa yvm̄mvt ī shahli pulla kak ō holitopa kv̄t ik alau-wo ki tok.



11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma chi ahnit na pi yimmi hosh anumpa otaiyani fehna hō isht il anumpuli hoke.

13. Yvmohmi kv̄t Moses atok ano chohmi keyu, yvmak okv̄to Israēl ushi v̄hleha hv̄t nan v̄lhpisa yvmmak ash ot kv̄nia kia, a hlopullichit ai v̄hli pit atokowv̄t pisa keyu kak o, isht ompoholmo yo ilap nashuka yash isht ompohomo tok.

14. Yohmi kia yvmma im anukfila hash ot lv̄pa yatok; himak nitak ak kia Testament sipokni im ai itim anumpuli hokv̄no nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i chukv̄sh a on hlipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yv̄t, Shilombish yvmmak ash oke: yohmi ka kanima yo Chitokaka imi Shilombish vt ai otaiyanikma, mihi yo ai yuka keyu mak oke.

18. Yohmi ka nashuka ompoholmo keyut a pisa yo il a pihisa chohmit Chitokaka im aholitopa ya e pihisvt, yvmak ash inli hō hoyulba chi hosh momvt inlv̄t e toba kv̄t, Chitokaka imi Shilombish vt a pi yvmihchi kak o, holitopa kv̄t i shahlit il a mahaya hoke.

CHAPTA IV.

Ai ahli, achilita hosh v̄banumpa ha isht anumpohonli tuk vt otv̄nichi, 1; 7 mihmvt nan im apalv̄mi puta tuk vt Chihowa yosh isht aholitopa he, 12 chv̄ch nan isht im a chukma he; 16 mikmvt ilap nan isht il ai yukpvt im a bilia hi a tuk a, achi.

1. YAKOHMA chi mak o, nan isht i nukhaklo il ishi hatuk mak osh, nan isht ai v̄tta ilv̄ppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mt; i kostinit nan isht akanomi ya il ai itvnowa keyu, Chihowa im anumpa ha ik ahlechot il inlvehi keyu; amba Chihowa itikba ya nan ai ahli ya il otvninghi ka, hatak moma nan isht il akostinichi yvt ahli, pim ahni hoke.

3. Yohmi kia pim vbanumpa hvt luma hokmt, okpula he vhleha hak o in luma hoke.

4. Klaist, yvmmvt Chihowa Hoyulba ka, im vbanumpa hoolitopa in tohwikeli hvt on tomma chi keyu ka, na yimmi keyu yvmmak ash o im anukfila puta ka yakni ilvppa i shahli yosh lvblichhi hatuk oke.

5. Ubanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o hvchin tishu pia hvt il otvninghishke.

6. Tohwikeli hvt ai okhlilika ya a kohchvt tomma chi ka, Chihowa yvmmak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak hoolitopa ilvppak ash o nan ai vlhto okfulush toba ho isht il ieshi hoke.

8. A palvmmi bano hosh pia folubli kia, atukonofvt pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otahana chi ka, Chisvs pulla hatuk mak o okchayvt il anta kv, illa he pim vlhpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yvmohmi hosh

anumpuli li hoke; achit holisso tok a yummak inli hō il ieshi hosh na pi yimmi ak inli, yummohmi hokvt il anumpuli hoke.

14. Chitokaka Chisvs a tanichi tok yummak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohlicha hi a il ithaiyana hoke.

15. Nana puta kv̄t hvchishno pulla hatuk mak o ai yakohmi ka, laua kv̄t yak oke ahnit, aiokpv̄chi pulla hō nan isht i kana laua kv̄t Chihowa yvt isht a holitopa ch̄i hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla hō ua pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yummvt otaiyani yak o e pihisa keyu, amba nana kv̄t otaiyani yak keyu; nana puta yummvt otaiyani yokvto a bilia keyu; amba nana puta yummvt otaiyani keyu kak osh a bilia yoke.

CHAPTA V.

Aiokchaya bilia pisa he anukfoyuka ahli, 1; 9 mihmvt Klaist im ai asha holitopa nan apesa itikba hikia ch̄i kv̄t ithaiana, yohmi mvt im a holitopa he ahnit toksahanli; mihmvt ib ai achvfv̄t nohōwa, micha inla mvt okchaya ch̄i ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hv̄t ikbi tok a, pin talaia kv̄t il ithaiyana hoka.

2. Ilvppak ash o il a foyuka kak osh ilbvshvt e hih̄iha kv̄t, pim aboha, yummvt vba a minti mak o, isht e fohka he ahni fehnvt, e hohōyo hoke:

3. Yakohmit e foyuka mv̄hli hokmvt, haknip biekv̄t il otaiyana ch̄i keyu.

4. Ulhtipo ilvppa il ai ahanta hokvto, nan i weki tikabit ilbvshvt e hih̄iha; yohmi kia ik fohko ka hi ak o il ahni keyu, amba isht il a foyuka he ak oke; yohmi hō nana kv̄t

illa he imma hatuk okvto nan okchaya kak o ont ai iksho kak a chi hatok a il ahni hoke.

5. Yohmi ka nana kv̄t ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ahla chi ka, Shilombish a pihima ak inli hoke.

6. Yvmohmi hoka yvmolmi pulla chi ai ahni fehna kv̄t, haknip o il ai anta takla hokvto, Chihowa ya i filvmmi hosh il anta kv̄t il ithaiyana hoke.

7. Na yimmi pulla kak osh il itvnohova, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukpala chi kv̄t e toksahanli hoke.

10. Ilap haknip aiyuka nana kv̄t ai yvmohmi tuk a nana achukma hokmá, keyukmvt okpulo hokmá, nana hoh kia, yvmma yvmihchi tuk isht vltoba mak o moyuma kv̄t il isha chi kv̄t, Klaist im o binili nan ai apesa itikba ya e moma kv̄t ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kv̄t hlakofa he ahnit il in tohono; yvmohmi hokvt Chihowa ho il im otaiyani pulla; yohmi hokvt nan isht hvsh il akostininchi ma e hvchim otaiyani ak inli, ahni li hoke.

12. Isht hvsh pi ahnicha hi a pishno ak inli kv̄t atukla ma isht e hvchim atahli keyu; amba chukvsh ak o keyu; ilap nashuka yo isht il aiyukpvt ilauata vhleha yvmma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kv̄t hvsh il auata chi kak o, e hvchim ahani hoke.

13. Pishno ak inli kak osh il il atampli fehna hokmá, nana hoh kia, Chihowa nan isht im a holitopa chi kak oke: keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

ai yimilihinchi hatuk oka ; yohmi ka achvfa kv̄t moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o im illi hatuk oka, kv̄na hosh himmak ma okchayvt ahanta kv̄t, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yvmmak o holitoblichy hosh ahanta he vlhpesa hoke.

16. Yohmi ka himak a pilla ka haknip imma hatak nana kia il ithaiyana ch̄i keyu : ahli, yohmi kia haknip imma Klaist okvno il ithaiyana tok : yohmi tok kia himak a pilla kvno yvmmak ash il ithaiyana ch̄i keyu mak oke.

17. Yvmohmi ka hatak nana hosh Klaist a ibai achvfa hokmvt, mihi yosh nana toba himona yoke : na sipokni atuk vt ont ai ikshot kvnia na, yakeh ! nana puta kv̄t himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak o ilap a isht a pit i nanaiyvchi tok ; mihmvt nan isht it i nanaiyvchi isht ai v̄tta yo pi atokoli tuk mak osh, nana yakohmi puta ka yvmihchi yoke.

19. Yohmi kv̄t Klaist pulla ho Chihowa hv̄t yakni a ilap a isht il i nanaiyvchi kv̄t, yvmmak ash nan im ai ashvchi puta kash o isht in takalihinchi keyu ; yohmi mvt nan isht it i nanaiya im anumpa ha pi anukfoyuki hatok.

20. Yvmohmi hoka Klaist vlhtobvt im anumpa isht aya pia hoke ; yohmi ka pishno pulla hatuk mak o Chihowa hv̄t i kanvt hvchim anumpohonli chiyuhmi ma ; pishno mvt Klaist vlhtoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak o Chihowa nan isht im ai vlhpiesa e toba ch̄i ka, yvmmvt nan ashvchi ithaiyana tok keyu ka, yvmmak ash o Chihowa yvt nan ashvchi yo pim ikbi tok.

micha toksahanli aiena kv̄t anoli; 14 Chihowa okchaya yō in tempel a tuk okv̄t, na holbv̄t toba puta nan akaniohmi ik v̄lhpeso puta ka ai i filv̄mma chi ka i miha.

1. YUMOHMI hoka pishno vt nan itiba toksv̄li pia hosh, Chihowa nan isht i kana hv̄sh habena kv̄t, pilla hv̄sh habena chi keyu hō i kanv̄t hv̄chin tohōno li hoke.

2. Ai okpancha he nitak vt takali ma chi hahaklo li tok; anonti isht ai okchaya nitak vt takali ma chi on chv̄fv̄t chi apelahanchi li tok, yv̄mmv̄t achi hoka: yohmi hoka yakeh! himonasi ya aiokpahancha he nitak vt takali hoke; yakeh! himonasi yak osh isht ai okchaya he nitak vt takali hoke.

3. Ubanumpa isht ai vtta yv̄t ik hofahyo ka chi ka, nana kia isht ai ibetv̄bli ya kil i bohonlo hosh;

4. Nuktaiyv̄t achunanchi fehna, nan apalv̄m̄mi puta ka isht ai atukonuv̄t a hlakofa he keyu;

5. Fahama, aboha kv̄llo ma fohoka, nukkillit yahapa puta, toksahanlit hoyubli, nusi mv̄t ik im iksho, hohchahafo,

6. Chukv̄sh kashofa, nan ithaiyana, i kanv̄t nuktaiyala, sv̄lahv̄t nokowa, Shilombish Holitopa, ilahobi keyu hosh nan it i hullo,

7. Nan ahli isht anumpa, Chihowa nan isht im ai ahli, isht impakimma, mikmv̄t isht av̄bekimma ita tuklo kv̄t nan isht ai v̄lhpiesa i nan isht tanampi isht ai im v̄lhtaiyaha;

8. Nan isht holitopa, anonti nan isht ik holitopo, nan ik achukmo isht annoa, anonti nan achukma isht annoa; na haksichi yō chiyuhmi, yohmi kia ai ahli bieka;

9. Ik ithano yō chiyuhmi, yohmi kia otaiyani achukma; illa he im ai v̄lhpihisa, yohmi kia yakeh! pi okchaya moma; kostina hi osh nan i palv̄m̄mi, yohmi kia illi keyu;

10. Na nukhaklo yō chiyuhmi, yohmi kia na yukpa bieka; ilbv̄sha yō chiyuhmi, yohmi kia lava ka nan in lauahanchi; nan ik im iksho kamohmi hō chiyuhmi, yohmi kia nana moma kv̄t ai immi; nana kv̄t a pi yakohmi hokv̄t, Chihowa nan isht im vtta vt kaniohma hetuk a chohmit nana moma ka isht il ai otv̄nihinchi hoke.

11. Kolinhlilian hv̄chia ma! pitakha yv̄t hv̄chi wakama, pi chukv̄sh mv̄t hv̄chim a chinto fehna hoke.

12. Pi chukvsh a ai iskitinosi ho hvsh pim a foyuka keyu, yohmi kia hvchi chukvsh okvno iskitinesi ho hvsh a pi foyuki hoke.

13. Yohmi ka mihi ash inli chohmi ho hvsh pi falaminchi cha, hvchi chukvsh a hvsh pin chitolashke; vm vlla chipunta chohmi ho im anumpvli li hoke.

14. Na yimmi keyu vhleha hokvno it ibai achvvt ikunla abana isht ik hvch abanaiyo kashke: nanta ho nan vlpesa kvv nan ik vlpeso ya it ibai ieshi ho? nanta ho tohwikeli hvv okhlili ha isht ai it ibai achvfa ho?

15. Yohmikma Klaist vt Belial a nanta ho isht ai itiba ola achukma ho? mikma na yimmi yvt nan ik yimmo ya nanta ho isht ai it ibai achvfa ho?

16. Yohmikma Chihowa in tempel vt na holvvv toba puta ka nanta ho isht ai it ibai achvfa ho? Chihowa okchaya in tempel hvchia hoka; yohmi ka Chihowa hvv, Yvmmak oka ai ahanta la chi, mikvvv a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvmma a kohchvv hvsh mintashke; yohmi cha oh i filvmmi, mikvvv nana kvv ik kashovo ka hvsh potoli na; yohmik mak o hvch i kanvv hvchi ieshi la chi hoke, Chitokaka yvt achishke.

18. Yohmikvvv hvch Iki toba likma, anonti hvchishno vt svso vhleha, svvotek vhleha hvsh toba hi oke, Chihowa nana moma i shahli hvv achishke.

CHAPTA VII.

Nan ashvchi ik im iksho ka he i miha, 1; 2 Klaist im vbanumpa ishi ai ahli yatuk ilap a okla aiokpancha chi ka i miha; Ilap nan im ai ashvchika isht ilekostinincha hi a i holisso vmonna kvv nukfokichichi tok o, Titvs vt ant im anoli ilvppak o nana kvv i palvvi ak inli kia isht hopohla tok vt pit im anoli.

1. YUMOHMI ka a kana holitopa vhleha ma! nana hash yakohmiechit pimihsa ka, haknip, micha hvvim anukfila nan isht ai liteha puyuta ka isht kiloh il a kashofi,

Chihowa ha holitohombli pulla hosh ont ai ahlit nan ai ashvchi ka ik pim iksho kashke.

2. Pi kanvt hvsh il anukfoyukashke; hatak nana kia kil vhpesalo hatuk keyu; hatak nana kia il ai okpvnichi hatuk keyu; hatak nana kia haksiehi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokma, okchayvt hvsh ibai ahanta hokma, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otvniuchi li fehnvshke; nan isht hvchi ilauahanta li chinto hoke; na hopohla ma isht vm alotowa kvv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi haknip vt ik foho kvmohmi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hvv kvna hosh im anukfila akanlosi puta hokvno nukthalali, yvmmak osh Titvs vt ayvt vla pulla ho pi nukthalali tuk.

7. Yohmi kvv yvmmvt ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hvv sa hullo kvvlo, mihmvt na hvchi nukhaklo, hvchim anukfila ha kvvlochit isht hvv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kvv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvli achvfa ho chohmi tok a akostininchi li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostininchi kak atuk oke: pishno ak atuk mak o nana kia isht hvchi ai okpulo ka chi kvv, Chihowa nan ai ahni ho na hvchi nukhaklo tuk oke.



10. Chihowa nan ai ahni hō na nukhāklo yokvto anukfohka cha, okchaya chi hosh ile kostininchi kv̄t nukhākla himma keyu hoke: amba yakni yō nan isht a nukhāklo yokvto illa hi osh anukfohka hoke.

11. Chihowa nan ai ahni hō na hv̄chi nukhāklo tuk vt ilvppak fehna ka ho pesá; tushpvt̄ anukfohkvt̄ nana isht hv̄sh ahanta tuk, ahli, na hv̄chi onvtula tuk ash hv̄sh il im ī kanvllichī tuk, ahli, ile shitilemvt̄ nan ai ashv̄chi hv̄sh ī nukkilli tuk, ahli, na hv̄chi nukshopa tuk, ahli, yvmohmi pullakbano ahni fehvt̄ hv̄chi anukfoyuka tuk, ahli, nan a mosholit hv̄sh ahanta tuk, ahli, ik vlhpeso mak o ī sanalit hv̄sh ī nukkilli tuk, yohmi hokvt̄ nan ilvppak ash hv̄sh ai itī kashofa kv̄t nana ilvppa puta kak o isht hv̄sh il otv̄ninchishke.

12. Yvmohmi ka hv̄chī holissochi li tuk vt kv̄na hosh nan ik vlhpeso ka yvmihchi tuk, mihmvt̄ kv̄na hosh ik vlhpesot nan ī palv̄mmi tuk pulla kak o yvmihchi li tuk keyu; amba Chihowa itikba yō tushpvt̄ anukfohkvt̄ isht e hv̄chim ahanta ka hv̄chim otaiyana chī kak atuk oke.

13. Yvmohmi hoka nan isht hv̄chi nuktanla ka isht a pi nuktaiyala hoke; ahli, yohmi hokvt̄ Titvs yvm̄mvt̄ im anukfila hv̄t hv̄sh moyuma kak o nan isht a nuktanla tuk okvt̄, na yukpa kak o pishno vt̄ na pi yukpa pim atampa tuk oke.

14. Hv̄chishno pulla hatuk mak o isht im ilauata li tuk oh kia, sa hofahya keyu; yohmi ka ai ahli hō nana moma isht e hv̄chim anumpuli kv̄t, Titvs itikba yō na yukpvt̄ il ilauata ha tuk a, yvm̄mak ash ot ai ahli bieka hoke.

15. Yohmi ka nukshohumpa, micha wv̄nihinchi aiena hosh yvm̄mak ash hv̄sh aiokpv̄chi cha, nana ka mominchit hv̄sh im antia tuk a ithaiyana momvt̄, yvm̄mak ash ot im anukfila isht hv̄chī kana kv̄t in laiyawa atampa hoke.

16. Yvmohma hoka nana moma ka hv̄sh ai ahli ka hv̄chi yimmi li kak osh na sai yukpa hoke.

mi ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kv̄t ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hv̄t ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kv̄t l̄awa, yohmi mvt ilbvsha fehna yatuk vt ilap nan ahnit nan itahobi kv̄t, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi a im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vhleha isht im ia ka ibachvfv̄t il apelvcha hi a, okla ai ahni fehv̄t pim asilhha tuk oke.

5. Yohmi kv̄t ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushpv̄t anukfohkvt nana ka isht ahanta, mikmvt hvsh pi hullo aiena, nana moma ma isht a hvchim vlhtaiyaha laua ka, chohmit nan isht i kana ilvppak kia hvchin lauashke.

8. Nan vlhpisa yo isht anumpuli li keyu, amba inla tushpv̄t anukfohkvt nan achunanchi yak oke; yohmi kv̄t na hvshi hullo ai ahli kak o otvninchi la he ak atuk oke.

9. Hvp̄in Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmv̄t nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kv̄t, nana ka hvsh yvmihcha he ak illa keyu, amba afvmmi achvfa foka

kash yohmikbano ahnit, hvchi anukfoyuka ak inli tok, ilvp-  
pvt nan isht hvchim vlhpesa hoka, vno nana anukfilli li kv̄t  
anoli lishke.

11. Yohmi hoka himonasi ya nana kv̄t ai yvmohma he  
yatuk ash hvsh yvmihchashke: yohmik bano ahnit hvchim  
vlhtaiyaha hatuk okvno na hvchim gsha ka isht hvsh ai ahli-  
chi kv̄t, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha  
yatuk okvno, hatak yvmmvt nana hō ishi tuk ash isht vlhpisa  
hō ima kv̄t isht ai vlhpesa hoke, amba yvmmak ash ot nana  
hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan  
ik ahalaio ka hi o miha li keyu.

14. Amba ai itilauashke, yohmi hoka himonasi ano na  
hvchin laua yak osh ilbvshvt na bvna yak o apelvcha chi;  
yohmi tukma ilap nan in laua yak kia ilbvshvt na hvchi bvn-  
nakma hvchi apelvcha chi; yohmikma nana kv̄t ai itilau kv̄t;

15. Kvna hosh nana ka lauachit itahobi hatuk kia, atampa  
kv̄t ik im iksho hoke; mihma kvna hosh ik lauachot itahobi  
hatuk kia, ak im ono keyu, achi hosh holisso ka chohmi  
hoke.

16. Yohmi ka achilitvt nana yvmmak ash isht hvchim  
vta chi ka, Titvs im anukfila ha Chihowa hv̄t anukfohki-  
chechi tuk a yak oke, im ahni lishke.

17. Yvmmak ash osh nan in tohono li ka aiokpanchi  
fehna mvhli hatuk; yohmi kv̄t ilap inli nan im anukfila kv̄t  
achilitvt, ila tushpa fehv̄t hvchi maya hatuk oke.

18. Yohmi ma vbanumpa pulla hatuk mak o chvch hi-  
ohli moma ka im a holitopa il itibapishi ha, tuklonchit pit e  
pila hatuk.

19. Yohmi kv̄t yvmmak bano hatuk keyu, amba Chito-  
kaka yvmmak ash inli kv̄t isht a holitopa chi, mikmvt nana  
kv̄t yohmikbano ahnit hvchim vlhtaiyaha tuk vt otaiyana  
chi ka, nan isht i kana ilvppak okvt pishno pulla hatuk mak  
o ai yvmohmi tuk a yvmmak ash ieszit pi takla nowvt aya  
chi kv̄t, chvch vhleha hō yvmmak ash ot ai im vlhtokowa  
ak inli tuk oke.

20. Nan isht i kana laua ilvppak ash yakohmichit isht il ahanta na kvna kia nan isht ik pi mihacho ka chi ka, ilvppa ahah! il ahani tuk oke.

21. Chitokaka itikba ak illa keyu, amba hatak puta itikba yak kia, nana kv̄t vlhpiesa h̄o isht iloh il otvnincha he-tuk oke.

22. Yohmi kv̄t himonna imomaka e pih̄isa na nana lawa ka achunanchi yatuk il itibapishi, mihmak o ibafokit pit e pila tuk; yohmi ka hv̄ch̄i yimmi chinto kv̄t nana ka achunanchi i shahli fehna chi pulla hoke.

23. Hv̄chishno yatuk mak o kv̄nia kia Titvs a a ponakla he yoba ká, yvmmak okv̄t v̄m itapela, micha na sv̄ba toksvli yoke; yvmmak keyukm̄v̄t hv̄p itibapishi vhleha hash a ponakla he yoba ká; yvmmak okv̄t Klaist nan isht a holitopa chi ka, hv̄ch hiohli puta h̄o ai im vlhtoka vhleha hoke.

24. Yvmohmi hoka nan isht hv̄sh i hullo, mikm̄v̄t hv̄chishno a nan e hv̄ch̄i yimmit isht il ilauata hatuk ash atokolit ah̄lich̄i kv̄t, hv̄ch hiohli puta, mikm̄v̄t ilvppak ash aiena ka hv̄sh im otvninchashke.

## CHAPTA IX.

Achakalinchi m̄v̄t peh pilla nan ima he ako anukfokichi, 1; 6 na holokchi nihi yo isht ita pesa hosh na hokchi tok aiyuk ali kak osh v̄ma he, achi; 7 aiokpanchit nan ima kak o Chihowa yv̄t holitoblich̄i; 10 pilla nan isht i kana lauachi ya Chihowa hv̄t ilap nan isht i kana ya lauachit ima.

1. **UBANUMPULI** ah̄li vhleha nan isht im ahanta he imma yvmmak ash okv̄no, nan isht mihv̄t hv̄ch̄i holisso chi la he v̄m vlhpesa keyu.

2. Yohmik bano ahni kv̄t hv̄chim vlhtaiyaha hatuk, mihma Akaia ai asha kak kia afv̄m̄mi achv̄fa foka kash nana kv̄t im vlhtaiyaha hatuk, mihi yash o Masetonia ai asha ka isht im ilauata li hatuk; yohmi hatuk o na hv̄sh a mosholi kv̄llo kv̄t laua fehna ka yimitv̄chit anukfohkiechi ka ithaiyana lishke.

3. Yohmi ka ilvppak ash o hv̄chim vlhtaha chi ka, achi

tuk mak osh il itibapishi vhleha ha pit tihleli li tuk oke ; yohmi ka nan isht e hvch ilauwaiyata tuk ash o ont ik ai ahlo keyu ka chi kak atuk.

4. Masetonia hatak ash ot si apihvt ona yoba cha, nana kv̄t ik hvchim vlhtaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk ; yohmi ka pilla nan isht i kana yvmmak a he ash ot vlhtaiyaha kv̄t, nan il ahayuchi bvna yo ik chohmo kashke.

6. Yohmi ka kvna hosh ik lauacho hosh hokchi hokvto, mihi yosh ik lauacho hosh vma chi ak inli hoke ; mikma kvna hosh lauachi hosh hokchi hokvto, mihi yosh lauachi hosh vma chi ak inli, ilvppa achi lishke.

7. Kvna kia ilap im anukfila hak o na tikba nan isht ik ahni ha yosh hatak moma kv̄t nan ik imá ; isht nukhaklo keyu, mikmvt yohma hi atuk ahni kak o keyu ; aiokpanchit nan ima yak o Chihowa yvto i hullo hoke.

8. Yohmi ka Chihowa hv̄t nan isht i kana moma ka isht hvchim a lauacha hinla kv̄t im vlhpiesa hoke ; yohmikma nana moma ka isht hvch im vlhtaiyaha biekv̄t, na toksvli achukma moma mvt isht a hvchin laua hi oke.

9. Yvmmvt na fimmi hatuk ; micha yvmmvt ilbvsha yo nan ima hatuk aiena kv̄t, nan ai vlhpiesa ho yvmihchi tuk a takali na bilia hi hoke.

10. Yohmi ka kvna hosh na hokchi a na nihi im atahli yak osh hvchim ilimpa chi pvska ma ik atahanli, micha hvchi na nihi hollokchi tuk ash ik ibakahanli, mikmvt na hvsh a kaniohmi ai vlhpesa im vni ya i shahlichit ik ibafohoki ; achi hosh holisso hoke.

11. Nana ka lauachit hvsh ima chi kv̄t, nana moma isht a hvchin laiyouwa ka yvmmak osh pishno pulla hatuk mak o, lava kv̄t Chihowa ha yak oke im ai ahna chi ka, nukfokkihinchishke.

12. Nan isht apeh̄vchi ilvppak oka isht ahanta kv̄t vba-

numpuli ahli vhleha nan ik im iksho kash o nan im atahli illa keyu, amba Chihowa ha lauachit yak oke im ai ahni vhleha ha isht a laiyawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holitoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kvv hvchi anukfoyuka chi ka, ai ahnit isht hvchi hullo hoke.

15. Chihowa nan isht i kana yvt anumpa ho isht annoa he keyu hoka yak oke im ai ahni lishke.

## CHAPTA X.

Klaist im apostel atuk osh nana kvv vlhtoka, mikmvt shilombish imma isht im ai ahli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanvt hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvmihchi tuk a kanimi kvv pi ahobachi, yvmmak okvno nukwaya ikshot i kvvlo li kvv hvchi takla ont anta li hokmvt, nukwayvt ak hvchi kvvlo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo cholmi keyu, amba Chihowa pulla hatuk mak o kvvlo ai ahli hosh nan a holihta kvvlo puta hatuk a yuhlichy yoka.

5. Nan anukfilli ik vlhpeso puta, mikmvt nan anukfilli chaha, yvmmak okvt Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ahlikma, nan ik im antio moma kvno nana kv̄t isht ai im vlhpiesa mak o isht il i yvmiheha he vt pim vlhtaha hoke.

7. Nashuka yō chohmichit nana ka hvsh pihisa hō ? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli hō chohmit pishno kia Klaist immi pia, il ahni hoke.

8. Yohmi kv̄t nana a pi vlhtoka tuk pulla hō nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso hō isht a hvchi nukshopli la he, ahni li tuk a ik si ahobo ka chi kv̄t, ilvppak o yvmihechi li hoke.

10. I holisso hokvto weki, micha kv̄llo, yohmi kia ilap haknip fehna otaiyani hokmvtto ik kv̄llo, micha im anumpa mvt ik ahobo hoka, yvmmak ash ot achi.

11. Yvmma chohmi tuk ak osh ilvppa ik anukfilli, yohmi ka il i filvmmik mak osh holisso pulla hō anumpa yakohmi ka e yvmihechi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli hō e chohma hi oke.

12. Kanima kv̄t ilap inli il ahnichi vhleha, yvmma pishno vt isht il iba hotehnachit, isht il it apesa keyu ; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu ; amba nan isht vlhpisa pulla yvmmvt hvchishno ak kia hvchim ona he, nan vlhpisa yō Chihowa yvt pim apesa tok ak oke.

14. Ik hvchim ono ke tuk ak inli hō chohmit nan isht a pim vlhpisa ya pit il atamplit il ile mahampli keyu ; Klaist im vbanumpa isht anumpohonli ak inli hosh hvchishno a e hvchim ona hatok :

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu ; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla ho isht a pi chito fehna he ak o il ahni.

16. Yohmikmuno hvsh ai asha ka misha vbanumpa isht il anumpohonli kv̄t, hatak inla nan isht im ai vlhpisa ai vlhtaiyaha ho isht kil ilauwaiyato ka chi hatuk.

17. Yohmi ka kv̄na hosh ilauwaiyata hokv̄to, mihi yosh Chitokaka yo isht ik ilauwaiyatá.

18. Kv̄na hoh kia ilap inli il ahninchī kak osh mihi yosh holitopa keyu, amba kv̄na ho Chitokaka ak osh ahninchik mak oh chatuk oke.

## CHAPTA XI.

Kolinhlia ya i hullo pulla hosh ilap inli il ahnichit vbanumpeshi moma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. **NAN** isht ilauwaiyata li kanomosi ka ant ik yohmí, hv̄s sv̄m ai ahnikbano hvchim ahni li; yohmi ka ant ik yohmí, hv̄s sv̄m ahna chi pulla hoke.

2. Chihowa anukfoykvt nan isht i hullo mak o isht hvchī huhulo li hokvt: ohoyo himita hopoyuksa ahli hatak haleli keyu chohmi mak o, hvch ishit Chisvs a im otv̄ninchī la hi mak osh, i hatak achv̄fa chi ka hvch it im apov̄chi li hatuk.

3. Yohmi tuk kia sinti okvt ilap kostini pulla kak osh If a haksichi tok a, chohmit na hvchim anukfila hash ot shanaia na nan anukfilli apissali achv̄fa, yv̄mmvt Klaist ak o ai achv̄fa yash o hvsh i filv̄mma hinla ka, sa nukshohumpa hoke.

4. Kv̄na hoh kia Chisvs inla yv̄mma isht il anumpuli tuk ash keyu ho isht anumpulit aya, micha Shilombish inla yv̄mma hvchi anukfoyuka tuk ash keyu ho hvchi anukfoyuka, yv̄mmak keyukv̄t vbanumpa inla yv̄mma hvsh aiokpv̄chi tuk ash keyu ho hvsh aiokpv̄chi hokv̄t, ant ik yohmí, hv̄sh im ahni vlhpesa hoke.

5. Apostel moma i shahli fehna kak kia ik alauechio sia keyu, v̄m aboha hoka.



6. Yohmi ka anumpuli hokvt ik imponno sia, yohmi kia nan ithana kak o keyu; yohmi kv̄t hv̄ch itin takla ya nana moma ka achukmalit isht e hv̄chim otaiyani hatuk oke.

7. Nan isht hv̄chi holitopa ch̄i ka il akanlosechi lish, Chihowa im vbanumpa h̄a pilla isht hv̄chim anumpohonli li kak osh nan ashv̄chi li hatuk o?

8. Hv̄chi apelv̄chit nan isht hv̄chim ahanta la ch̄i kv̄t, chv̄ch hiohli inla yo nan im ih̄ishi li kv̄t, ilap ak osh nan atobbi h̄o ish̄ishi li hatuk.

9. Yohmi kv̄t hv̄ch iba takla ahantvt na sa baiyvna kia kv̄na hosh na hv̄ch̄i kv̄nia tuk keyu; nana kv̄t ik sv̄m ono ke tuk okv̄no itibapishi li v̄hleha Masetonia minti hosh v̄m atahli tok; yohmi hoka nana moma ka isht ak hv̄chim ile wekecho ke tuk; yohmi hokvt yvm̄mak o a si yvmohma ch̄i mak oke.

10. Klaist nan isht im ai ah̄li yvt a sa nukfoyuka hosh, nan isht ilauwaiyata li ilv̄ppa kv̄na hosh Akaia afulloa anta kv̄t, sv̄ssacha he keyu hoke.

11. Nanta katiohmi h̄o? hv̄ch̄i hullo li keyu kak o? Chihowa hv̄t ithaiyanv̄shke.

12. Amba auumpa si onochi bv̄na kia, anumpa isht si onocha hi vt ik im iksho ka he; micha nana ka isht ai ilauata hatuk vt pishno ak inli h̄o chohmit otaiyana ch̄i kak o, a kaniohmit ahanta li hatuk vt, yvm̄mak o ai yvmohmit ahanta la ch̄i hoke.

13. Yv̄mma chohmi kv̄t vbanumpeshi ah̄li keyu hoke; na haksichi yosh Klaist nan isht im v̄tta ilahobi hoke.

14. Ilv̄ppvt a yakohmi ka anukhlakancha he v̄lhpesa keyu; Setan ak fehna ak kia inlv̄t tobtv̄t a tohwikeli ka im enchil ilahobi chatuk oka.

15. Yvmohmi hoka yvm̄mak ash in tishu v̄hleha ak kia inlv̄t tobtv̄t, nan isht ai v̄lhpiesa in tishu v̄hleha h̄a holba hokvt na fehna keyushke; yv̄mma im ishtaiyopi yvt ilap vt nana a kaniohmi chatuk ak inli h̄o chiyuhma hi oke.

16. Hatak nana kia im anukfila iksho ik si ahno kashke: yvm̄mak keyukm̄vt im anukfila iksho si ahni hoh̄i kia, v̄lh-

pesa vm ahní; vno ak inli kv̄t iskv̄tinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksho yo chohmit nukwaya iksho hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak o, vno ak kia isht ilauata li ak inla chí chishke.

19. Hvchishno vto hvchi hopoyuksa kak osh, im anukfila iksho a yukpa hosh ant ik yohmí, hvsh im ahni hoka.

20. Hatak okv̄t yuka hō hvch ikbi hokmá, keyukmvt v̄pvt hvchi tahli hokmá, keyukmvt nana hvchim ai ishi hokmá, keyukmvt ile chahvchi hokmá, keyukmvt hvchi nashuka ya isso hokmá, nana kia ant ik yohmí, hvsh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t asha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla hō? vno ak kia yvmmak o sia hoke. Islael okla hō? vno ak kia yvmmak o sia hoke. Eblaham ak o isht atia hō? vno ak kia yvmmak o sia hoke.

23. Klaist in tishu hō? im anukfila iksho chohmit anumpuli li kv̄t, yvmmak oka i shahli li hoke; yvmma i shahlichit toksvli li hoke, atampa hō sa fahama hoke, aboha kullo fohoka li chatuk, a svlli naha kv̄t laua chatuk oke.

24. Chu okla hā pokoli ushta chí ma achvfa hosh iksho hō tahlapi ha im a sa fahama tok.

25. Hituchina ha fuli isht sa fahama tok, himonna ka tvli isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohōwa li, oka kia isht vm a palvmmi, na wehli kia isht vm a palvmmi, a yakni achvfa okla hak kia isht vm a palvmmi, vbanumpa ik ithano ma isht vm a palvmmi, tmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonna nusi vm okponlo fehna, himonna hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kvv kochanli a mintit a si onvtohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kvta hak osh ik hlampko na vno ak osh sa hlampko ho? kvta hak osh ibetvbli na vno ak osh ik sa nuklibisho ho?

30. Nana ka isht ilauata la he vlhpesa hokmvt, nana kvv isht a ik sa hlampko imma kak o isht ilauata la chi hoke.

31. Chihova pin Chitokaka Chisvs Klaist iki, holitopa bilia yak osh, holabi li keyu ka ithaiyana hoke.

32. Hatak pehlichi miko Aletas nutaka ahanta tuk vt Tamaskvs a si ai yukachi bvnna kvv, Tamasenes tmaha ha tvshka chipota atonichi tok.

33. Yohmi na kishi ho fohkvv tvli holihta okhissushi a hlopullit aka ona hosh yvmma ibbak a i hlakofi li tok.

CHAPTA XII.

Isht il anumpohonli mvt vba atuchina ka nana kvv auct im atokort im otvni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki nan i kana mak o chohmit im aya chi kvv im anoli.

1. NANA ka isht ilauata la he okvto vm vlhpesa keyu ak inli chishke. Nana ka Chitokaka yvt sa pisachit vm otvniichi tok ak o isht anumpuli li la chi hoke.

2. Avvmmi avah ushta atampa kash hatak Klaist ibai achvfa ka ithanali tok; yvmmvt haknip o a fohka hokma nana tok chishba, ak ithanoshke; keyukmvt haknip a ai i filvmmi hokma nana tok chishba, ak ithanoshke; Chihova ak osh ithana; yvmmak atuk ash o hoklit vba ont atuchina ka isht ona tok.

3. Hatak yvmma chohmi ka ithana li tok, haknip o a fohka hokmá, haknip a ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais a isht ona na, anumpa he keyu puta hatak okvt anumpula he vlhpiesa keyu ho haklo tok.

5. Yvmma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bvnna hoh kia, vm anukfila hokvto iksho ka he keyu hoka; ahli ho miha la hi okvt; yohmi kia ilolambi lishke; keyukma hatak kvna kia sa kaniohmi ho sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla ho isht chahvt ak atapo ka chi kak o, kvti haknip shamvlli, Setan in tishu mak o ahama kv, isht chahvt ak atapo ka chi kak o, ishit sahaso ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vlhpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vlhpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vlhpesa tok oka: nana ho si ahomba keyu kia, apostel vhleha i shahli fehna kak kia asha ka hikia li keyu hoka.

12. Apostel isht atokowa yvt hvch itin takla ya ai

yvmohmi kv̄t, nan nukhtaiyalvt achunanchi, nan isht atokowa puta, nan isht nukhlakvshli puta, na fehna yvmihchi puta aiena moma ka, isht ai yvmohmi mv̄hli tok.

13. Nanta hak o chvch inla puta ka isht hvch ik a lauwo tuk oh cho? nana ka ak hvchī kv̄llo ilvppak atuk ak o? vno fehna kv̄t hvchim ashvchi li tok ilvppak atuk ash hv̄s sa kashofashke.

14. Yakeh! ont isht atuchina mak o hvch im ona la chi kv̄t vm vlhtahvshke: yohmi kv̄t hvchī kv̄llo la chi keyu; na hvchimmi hak o keyu, amba hvchishno yak o hoyo li hokvt. Ulla yak osh iki micha ishki ita tuklo ka nana im ahayucha he vlhpesa keyu, amba iki micha ishki ita tuklo kak a hetuk oke.

15. Michā hvchishno pulla kak o a lushumichit ik si ataha kia sai yukpa fehna hi oke: hvchī hullo li kv̄t isht i shahlichī li fehna kia, ik lauwo hvchim a holutopa li hoke.

16. Yohmi kia ant ik yohmī, hvchī kv̄llo li tok keyu: yvmohmi kia i kostini li hatuk osh, a haksichit hvchim ishi li tuk o, achi hoke.

17. Hvchī pila li tuk yvmmak ash o kanimi ka nan isht hvch im ai ishit il ahayuchi li tuk o?

18. Titvs vt hvchim ona he, ahni lish, itibapishi ma aieninchit pila li tok. Titvs vt na hvchim ai ishit il ahayuchi tuk o? anukfila achvfv̄t il itvnowa tuk keyu? ataya achvfa h̄o il ai itvnowa tuk keyu?

19. Anonti nana isht hvchim il il a miha, hvchim ahoba cho? Klaist a iba foyuka hosh Chihowa itikba ya il anum-pulishke, yohma kv̄t nana moma e yvmihchi kv̄t, pī holutopa fehna vhleha ma! isht hv̄sh a hlampka he ak oke.

20. Yvmmak keyukma ona likmv̄t, itachowa, it i potvno, it i nokowa, it i nukhobela, ashaka nana a mihachi, itī shukshovt na mihachi, ilefehnvchi, itakvshkoa, hv̄sh aiena cha vlhpesvt hv̄sh maya na, hvchi ahayuchi la hetuk ash osh keyu h̄o hvchi ahayuchi li, yohmikmv̄t a kaniohmi lī hv̄s sa pisa hetuk ash o keyu hosh, hvchim otaiyani la he ká, ahnit sa nukshohumpa:

21. Yohmi ka anonti ona likma, an Chihowa yvt a hvchim

itin takla a si akanlosechi na nan ai ashvchi mashko tuk vt na liteha, micha na haui, micha chukvsh nan isht haui aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

### CHAPTA XIII.

Nan ibetvblichich vhleha hvt ile kostininchi keyu ka nana im apesa hi vt miha, 1; 5 nana ka a yimmi hatuk vt il imoma ka pisvt ik ono kisha ho nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hvchim aya lishke: Nan atokoli tuklo, tuchina itih ho anumpa moma kvv isht ai ahlashke.

2. Tikba hoka hvchim anoli li tok osh, anonti atukla mak o hvchi takla anta li chohmit tikbanli hvchim ano li lishke; yohmi kvv himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kvv anonti ona likmvt, apoanchi la he keyu hoke.

3. Klaist vt isht si a hvchim anumponhli tuk a atokowa hvsh hoyo hoka, yvmvvt hvchishno yokvno ik hvchi hlampko keyu, amba hvchi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla ho okchaya hoka, pishno ak kia yvmma iba chavvt ik pi hlampko; yohmi kia Chihowa imi hlampko yvt hvchi onvtula chi pulla ka, yvmmak ash iba chavvt pi okchaya chi hoke.

5. Ai yimmi ka yoka hvsh ibai achvfakma, nana kvv hvchishno inli hvsh ile pisashke; hvchishno inli imomaka hvsh pisashke. Hvchishno inli hvch ik ithano cho? Chisvs Klaist vt hvch iba foyvka ka, ik ai ahlo hvchia keyukmvt.

6. Yohmi ka pishno yvt ik ai ahlo pia keyu ka, hvsh ithana chi ka sa yimmishke.

7. Michi Chihowa ya pit im asilhha li kvv, nan ik vhpeso ka ik hvchi yvmohmo ka he ak oke: il ai ahli kvv isht il otvna he ak keyu, amba ik ai ahlo yo pia e chiyuhmi kia, hvchishno yokvto nana achukma kak o hvsh yvmohma he ak oke.

8. Anumpa ahli il i sanali kvt nana e kanihma he keyu, amba anumpa ahli ya il apelvchi yak oka.

9. Ik pi hlampkokmvt, hvchi hlampko kak o, pi yukpa hokvt: anonti ai ahlit hvchim vlhtaha he ilvppak kia e hvchim ai ahni hoke.

10. Yrmohmi ka ik saksho hosh ilvppa puta ka hvchi holissochi lishke, ilvppak atuk keyukmvt ont hvch iba takla anta likmvt, Chitokaka isht im ai ahli isht hlampkochi la he, micha isht okpvni la he ak keyu ho vma tok ak o anumpa ishit halupchi la hetuk yoba ka.

11. Ishtaiyopi ka itibapishi li vhleha ma! na hvchi yukpashke. Ai ahlit hvchim vlhtahashke, ahopohla achukmvt hvchim anukfila achvvt, it i nanaiyvt hvsh ai ashashke; mikma Chihowa holitoblit nan isht it i nanaiychi yosh hvchi anukfoyuka chi hoke.

12. Suksowa holitopa yo isht hvsh it aiokpchashke.

13. Ubanumpi yimmi ahli puta kvt pit hvchi aiokpchishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achvfa aiena kvt hvsh moyuma ka hvchi anukfoyukashke. Amen.

## HOLISSO PAL VT

## CHVCH KALESHAN

YAKNI A HIOHLI HO I HOLISSOCHI TOK.

## CHAPTER I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithvna; 14 nana ka ik vlhtoko kisha kvv hatak kaniohmi hatuk vt anoli, 17 yvmak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi ho nan a si vlhtoka tok keyu, mikmvt hatak nan ahni hatok keyu, Chisvs Klaist, micha Iki Chihowa, yvmmvt illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kvv, movvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyakashke.

4. Yvmak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aiashvchi pulla kak o yvmak okvt il im issa tok.

5. Chihowa Piki yvmak osh holitovvt bilia cha biliashke. Amen.

6. Chekosi fehna ho Klaist isht i kana isht hvchi hohoyo



tok a i filvmmmit, vbanumpa inla yo hvsh eshi ka, okokko! ahni lishke.

7. Yvmmvt vbanumpa keyu; amba kanimi kv̄t hvchi anuktuklochi cha, Klaist im vbanumpa ha shanaiyv̄chi bv̄nna kv̄t ashvshke.

8. Yohmi kia pishno, keyukm̄vt v̄ba yakni enchil ak okmá nana hosh vbanumpa inla isht e hvchim anumpohonli tuk a keyu h̄o isht anumpulikm̄vt, okpulot taha he ik im v̄lhpisá.

9. Tikba ka e hvchim achi tok a, anonti himak a mih mak inli h̄o hvchim achi lishke; Hatak nana kia vbanumpa hvsh eshi tok a inla yo isht anumpulikm̄vt, okpulot taha he ik im v̄lhpisá.

10. Himak a hatak ak osh, keyukm̄vt Chihowa ak osh a kana he ahni li cho? hatak o yukpali sa bv̄nna h̄o? hatak ak o yukpali li momakm̄vt, Klaist in tishu sia ha he keyu hokvt.

11. Amba itibapishi li v̄hleha ma! hatak nan ahni keyu h̄o vbanumpa isht anumpohonli li tuk vt hvch ithv̄nanchi lishke.

12. Hatak o im ai ishi li tuk keyu, micha im ai ithv̄na li tuk keyu hokvt; amba Chisvs Klaist ak osh v̄m otv̄ninchi hatuk.

13. Nitak chashpo ma kaniohmit Chu okla im vbanumpa anukfoyukvt ayvt, atablichit Chihowa in chv̄ch a ilbv̄shalit, chukilissv̄chi li;

14. Yohmi kv̄t Chu im vbanumpa ithv̄na li kv̄t, v̄m okla achv̄fa ai itilau li laua ka i shaiyahlit, an tikba v̄hleha im anumpa v̄lhpisa ik holisso atok a amosholi li fehn̄vt im antia li tok a, hvsh haklo tuk oka.

15. Yohmi tok kia Chihowa yv̄mmak osh hvshki im oshv̄to ya ai ishit sa kohchi cha, isht i kana isht sa hoyo tok,

16. Yohmi kv̄t v̄lhpesa ahni cha, Ushi ya si ai otv̄ninchi kv̄t, vbanumpa ik ithano v̄hleha ha vbanumpa isht im anumpohonli la ch̄i ak atok; yohmi mak inli h̄o hatak nana kia it im anumpuli li tok keyu.

17. Mihm̄vt Cheluselem a iv̄t apostel v̄hleha sa tikba tok

a ont pisa li tok keyu; amba Alabia yak o ona li tok osh, anonti falamvt Tamaskvs a ona li tok.

18. Atuk osh afvmmi tuchina ma Pita ya pist ia hosh Cheluselem a ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikivt nana puta hvch i holissochi li kvv, holabi li keyu ka ho pesa.

21. I himmak o Silia, micha Silisia foka ka ona li tok.

22. Micha Chutia hvch puta Klaist ibafoyuka yvt sa nashuka ya ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpvni tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

## CHAPTER II.

Atukla ma Cheluselem a ia tok, nana kvv yvmma akaniohmi tok a anoli, 1: 11 Antiak a anta mvt, nana ka a yohma he vlvhesa keyu kvv Peta yvt yohmi na Pal vt im alvmmi, mihmvt na yimmi kak keyu hokma, kvna hosh nan vlvpiesa he keyu ka im anoli.

1. YOHMI tok a i himmak afvmmi auah ushta ma anonti vno, Banabas ita, tuklot Titvs a ilauinlit Cheluselem a il ia tok.

2. Yohmi ka Chihowa yak osh vm otvvinchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit aya li tuk a peh pilla na, anonti himmakma vbanumpa tosholit aya li kia peh pilla na, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant aya tuk vt, Klik atuk o, hakshuk tvpa he i mihiba kia, ik yvmohmo ki tok.

4. Yohmi ka yvmvvt itibapishi ik ahlo takla iba chukowa kvv, Klaist Chisvs puyulla ho a yuka keyut il ahashwa ka pim

akostinincha chī hosh lumvt piba chukowa tok ; yohmi kv̄t falaminchit pi yukača chī hatok ; yohmi tuk kia ik yohmo ki tok oke.

5. Ubanumpa aḥli yvt hvchin tonla chī kak o, yvmmak ash o hvshi kanvlli achvfa kia i nutakvt il a kanvlli tok keyu.

6. Amba, kvna hosh holitompa v̄hleha ahoba kv̄t, nana hō kaniohmi yoh kia, yvmmak okvto nan isht v̄m a kaniohmi keyu ; Chihowa yvt hatak a nashuka yak o pisa keyu ; holitompa ahoba yvmmak ash o it im anumpuli li tok a nana isht abafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup t̄vpa vbanumpa in toshola hi vt Pita ak osh vlhtoka tok a pisa mvt ;

8. Pita ya hakshup t̄vpa vbanumpa in toshola he atokoli tok mak osh vbanumpa isht ai aḥlichi tok, anōnti mih mak inli hosh vbanumpa Chentail a in tosholi li ka isht ai aḥlichi tok oka.

9. Yohmi ka Chemis, Sefas, micha Chan aiena kv̄t pehlichika yō ahoba hatuk osh isht i kana v̄ma tok a pisa mvt, vno, micha Banabas, il ita tuklo kv̄t il iba holhtina chī kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup t̄vpa vbanumpa in toshola chī hatok.

10. Ilbvsha ma il ithana he pim ahni tok ; yvmmak okvno vno ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokovt im asanali li tok, nan ik vlhpeso yohmi tok ak oka.

12. Chemis vt tohno tok a ik lo k̄isha kano, Pita yvt Chentail a ibai impa tok ; yohmi tok kia ai v̄la ma, hakshup t̄vpa ya i nukshopa hatuk osh, kohchvt il a filvmmi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklv̄t yvmohmi tok.

14. Yohmi kia yohmit vbanumpa ieshit ai vlhpiesvt itvnohōwa keyu hō pisa li mvt, momvt haklo hō, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi h<sub>o</sub> Chentail vt Chu chohmit ahanta he ish im ahni cho? im achi li tok.

15. Pishno vt Chu yosh il v<sub>t</sub>ta tok, yohmi kv<sub>t</sub> Chentail nan ashvchi pia keyu,

16. Hatak vt v<sub>b</sub>a nan vlhpisa iakaiya kak osh isht ai vlhpiesa keyu, amba Chisvs Klaist i yimmi hok mak osh isht ai vlhpiesa ka ithaiyana hosh, v<sub>b</sub>a nan vlhpisa yak o keyu, amba Klaist i yimmi mak o isht a pi vlhpiesa ch<sub>i</sub> kv<sub>t</sub>, Chisvs Klaist il i yimmi tok; v<sub>b</sub>a nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi b<sub>v</sub>na hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu h<sub>o</sub>? ik yvmohmo pullashke.

18. Nana ka okpuni li tukvt anonti ikbi likmvt, nan vlhpisa kobvffi toba li hoke.

19. V<sub>b</sub>a nan vlhpisa pulla h<sub>o</sub> v<sub>b</sub>a nan vlhpisa ya im illi li kv<sub>t</sub>, Chihowa yak o ai okchaya la he atok.

20. Klaist a ititaiyukhvna iba takalit svlli hoke: yohmi kia si okchaya hoke; yohmi kv<sub>t</sub> vno ak o keyu, amba Klaist ak osh okchayvt sa foyuka hoke; himak a okchayvt haknip a halaia li moma hokvto, Chihowa Ushi, yvmmv<sub>t</sub> a hullot si vltobvt illi tok a i yimmi li hosh si okchaya hoke.

21. Chihowa nan isht i kana ya akshuchi li keyu; nan isht ai vlhpiesa hv<sub>t</sub> v<sub>b</sub>a nan vlhpisa yak o isht atoba, yvm-mak okmvno Klaist vt pilla illi tok.

### CHAPTER III.

Vbanumpa ha i filvmmi ka nan i miha; 6 kvna hosh yimmi hokvto nan ai vlhpiesa; 9 mikmvt Eblaham a ibaiyukpa; 10 na laua h<sub>o</sub> isht miha hosh ilvppa anoli.

1. IM anukfila iksho Kalesan okla ma! hvchi nishkin a pisa yo Chisvs Klaist vt ititaiyukhvna atakalit illi tuk vt hvchi tikba ya ai anohowa tok a, kvta mak osh hvchi yoshubli na vbanumpa ahli ya hvsh im antia he keyu cho?

2. Ilvppak illa hō hvchi ai ithvna sa bvnvshke ; vba nan vlhpisa ya hvsh iakaiya kak osh Shilombish Holitopa ya hvsh ieshi tok oh cho? akchu? haklot hvchi yimmi kak atuk o?

3. Hvehim anukfila iksho fehna kvv hvsh yvmohmi cho? Shilombish o anukfoyukvt isht hvsh ia kash ot, himak ano haknip o isht a hvchi vlhtaha cho?

4. Nan laua hō isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla ya na fehna puta ka ai yvmihchi kvv, vba nan vlhpisa ya hvsh im antia tok o? akchu? vbanumpa haklot a hvchi yimmi kak atuk o?

6. Yvmmak inli hō chiyuhmit Eblaham vt Chihowa ya i yimmi tok: mihmvt nan isht ai yimmi kvv ai vlhpisa im vlhpisa tok.

7. Yvmohmi ka hvsh ithaiyanashke, yimmi puyuta yvmmak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano ya na yimmi pulla kak o isht ai vlhpiesacha hi a tikbanli pisa kak osh, Eblaham a vbanumpa ha isht im anum-pulit, Chishno ak o okla moma kvv na yukpa hi oke, achi tok.

9. Yvmohmi hoka kvna hosh yimmi yokvto, mihi yosh na yimmi Eblaham a iba taklvt na yukpa hoke.

10. Vba nan vlhpisa anukchieto aiyuka hokvto, na hotopa anumpa hvv onvtonla bieka hoka: holisso kvv, Kvna kia vba nan vlhpisa holisso atakali puta ka achunanchit ik im antio aiyuka hokvno, na hotopa anumpa hvv onvtuyula hoke achi hoka,

11. Amba hatak kvna kia Chihowa ai itikba yokvno vba nan vlhpisa ya isht ai vlhpiesá he keyu kvv otvnishke; Hatak vlhpesa yokvto yimmi pulla kak osh isht ai okchaya hi oka.

12. Yohmi ka vba nan vlhpisa yvt ai yimmi ka yokvno ahalaia keyu, amba, Hatak vt yvmma yvmihchi hokvto, yvmmak o isht ai okchaya hi oke.

13. Klaist vt pi vlhtobvt na hotopa onvtula toba cha, vba

nan vlhpisa isht a hotopa ya a chumpvt pi falaminchi tok ; holisso kv̄t, Kvna kia iti a atakalikmvt, na hotopa anumpa hosh onvtula hoke, achi hoke.

14. Yvmohmi hō Chisvs Klaist pulla hatuk mak o Eblaham nan isht aiyukpa yvt Chentail a onvtula chī hatok ; yvmohmi hō pi yimmi pulla kak osh, Shilombish pim issa tok a il isha chī hatok.

15. Itibapishi li vhleha ma! hatak nana a kaniohmi yo anumpuli lishke : peh hatak nana it im vlhpisa yoh kia kv̄lochi hama, hatak kvna hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ihisa tok ; Laua nana hō ahobvchit isht atiaka vhleha, achi keyu ; amba achvfa chohmichit, Chim isht atiaka yak o, achi yummvt Klaist ak oke.

17. Yohmi ka ilvppak o achi lishke, Nan itim vlhpisa Klaist isht anumpa yv̄mma Chihowa yvt kv̄lochi ha ya, av̄v̄m̄mi tahlepa ushta pokoli tuchina ha yo v̄ba nan vlhpisa toba tok vt akshocha he keyu, yohmi kv̄t nan im issa tok a ik ai ahlecho ka he atok keyu.

18. V̄ba nan vlhpisa im antia pulla kak o nana ai isha he vlhpesa kv̄t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka v̄ba nan vlhpisa yvt nanta hō katiohmichi hatok oh cho ? Nan vlhpisa kobv̄ffi pulla kak o vlhpisa tok o, isht atiaka yv̄mma nana im ihisa tok vt vlak mak a he vlhpisa tok ; yohmi ka enchil vhleha hosh iti takla hikivt tosholi ya i nutaka hosh nan vlhpisa ya anolit haiakv̄chi tok.

20. Yohmi ka ititakla hikivt tosholi vt achvfa hō ititakla hikivt tosholi chatuk keyu, amba Chihowa yv̄to achvfa hoke.

21. Yohmi kv̄no nan vlhpisa yvt Chihowa nan isht im issa tok a i sanali cho ? ik yvmohmo pullashke ; nan vlhpisa ima tok intonla kv̄t okchalinea hinla hokma, nan vlhpisa pulla kak o isht ai vlhpisa hi atok o mv̄hlishke.

22. Holisso Holitopa yvt moma ka nan ai ashv̄chi i nutakv̄chit ompohomo hoke ; yohmi hō Chisvs Klaist i yimmi

pulla hō nan ai yukpa im issa tok a kvna hosh i yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi a pi atoblichitok.

24. Yvmohmi ka vba nan vlhpisa yvt pi kostininchit yosh Klaist a pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchit ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvfvv Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvt, Eblaham isht atiaka hvchia, micha nan im issa tok a ai isha he vlhpesa hvchia hoke.

CHAPTA IV.

Nan vlhpisa i yuka pia hatuk a Klaist akosh na pi hlakofichi; mikmvt Chihowa ushi vhleha pikbi, 1; 6 yvmma i chvkvsh okvno Chihowa yvt ilap ushi imi shilombish o auet nukfokihinchit. 22 Akah micha Sela itatuklo kvv nan isht vllipisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchit, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli hō chiyuhmit, pishno ak kia vlla pia momo mvt, yakni nan ai ithvna ai ishtia vmmona ya i nutakvt yukvt il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vlpisa i nutaka toba hosh ohoyo ho a toba tok.

5. Uba nan vlpisa i nutakt asha tuk a falaminchit pi chumpa na, Chihowa ushi vhleha e toba chi hatok.

6. Yohmi tok a ushi vhleha hvchia hoka, Chihowa yvt Ushi imi Shilombish a hvchi chukvsh a anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vlpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak a Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, katiohmi ho anonti nan ai ithana ai ishtia vmona isht hlampka he keyu, micha isht ai yukpa he keyu ka falamvt i nutakt yuka hvchi bvna cho?

10. Nitak il aiyuka, micha hvshi talali, micha afvmmi vlpisa aiena ka hvsh holitoblishke.

11. Peh pilla ho hvchin toksvlit isht a svlvsha tuk yoba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vlpeso hvv sa yvmihchi tok keyu kvvohmi hoke.

13. Ummona hoka haknip ik hlampkot hoyubli hosh katiohmit vbanumpa ha hvchin tosholi li tok a, hvsh ithanvshke.

14. Micha imomaka pisa li yvt sa haknip a afoyuka ka ik shitilemot hvch ik sa kanchi ki tok; amba Chihowa im enchil chohmichit, Klaist Chisvs mak o, chohmichit hvv sashi tok.

15. Yokmi kvno nan isht aiyukpa ya isht hvsh anumpuli tok mvt? hvsh yvmihcha hinla nana hokmvt, hvchi nishkin a hvsh kohchi cha, hvv suma hinla tok a, atokowa hvchim anoli lishke.

16. Yvmohmi ka ahli ho hvchim anoli li kak osh hvchin tvnvp o toba li cho?



17. Hvchi hullo fehna ahoba kia vlpesa keyu hoke; ahli, hvchi atakvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnvt bilia kak o vlpesa hoke; micha hvchi takla anta li kak bano keyu.

19. Um vlla chipunta vhleha ma! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke; a hvchi anukfilli la he ak ithanoshke.

21. Uba nan vlpisa ya i nutaka hvchi bvnna kvv, vba nan vlpisa ya hvchik haklo ho? oh vm anoli

22. Holisso kvv, Eblaham vt ushi in tuklo tok; achvfa kvv ohoyo yuka yak o ushi yokma, achvfa kvvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmmvt nan isht vlpisa yoke: ilvppvt nan it im vlpisa tuklo yoka; achvfa kvv nvni chaha Sainai a tovt yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talaiia ka isht vlpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kvv, Ulla ik chim iksho, vlla ish eshi chatuk keyu ma! chi yukpashke; vlla esha chi chi nukhvmi chatuk keyu ma! chitolit ish tahpahanlashke; ohoyo vltakla ya tuk kia vlla in laua kvv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kani-ohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi ho? Ohoyo yuka, micha ushi ita tuklo ka kohchit ish kanchashke: ohoyo yuka ushi vt ohoyo yuka keyu ushi ya nana ibai isha he vllhpesa keyu hoka.

31. Yvmohmi hoka itibapishi li vllleha ma! ohoyo yuka im vlla pia keyu, amba ohoyo yuka keyu ak oke.

## CHAPTA V.

Klaist pulla hatuk mak o yuka keyu toba tok vt yvmmak fehna ho ai itanohowa chi ka i miha, 1; 3 Chu okla nan im vllhpisa yokvno ik im antio ka chi, amba nan i hullo pullvt itanohowa he; 19 haknup imma atoksvli kvv kaniohmi ka anoli; 22 mihmvt shilombish imma nan vni ka anoli.

1. Y UMOHMI hoka a yuka keyu ho Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochokashke.

2. Yakeh! Pal sia hosh hakshup hvchi tvpa hokma, Klaist vt nan isht hvchim ai achukma he keyu ka hvchim achi lishke.

3. Anonti hatak moma kvv hakshup tvpa yvmmak okvto, nan vllhpisa moma ka yvmihcha he aheka in takanli ka atokolit im anoli lishke.

4. Kvena hvchia hosh nan vllhpisa yak o isht hvchi ai vllhpiesa hokma, Klaist vt nana isht hvchim ai achukma keyu; isht i kana ya i filvmmmit hvchi tula hoke.

5. Yohmi ka Shilombish pulla hatuk mak o na yimmi hosh isht ai vllhpiesa hi a il esha he ahnit, e hohoyoshke.

6. Chisvs Klaist imma hokvno hakshup tvpa yokma, hakshup ik tapo yokma, nana hoh kia nana a kanihma he keyu hoke; amba ai yimmi ka i hullo isht atoba yak oke.

7. Vllhpesa hosh hvsh maleli tuk; anumpa ahli ya hvch ik im antio ka chi ka, kvvta hosh hvchi ataklvmmi tuk o?

8. Hvchi anukfohki na vllhpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtnosi kia yvmmvska ya mominchit shatvmmichi chatuk oke.

10. Chitokaka pulla kak o hvchi yimmi li kv̄t, nana inla hvch im anukfila he keyu ak oke ; amba kv̄na hatuk oh kia mihi yosh hvchi anuktuklochikm̄vt, nan v̄lhpisa yvt onvtula hi oke.

11. Yohmi ka itibapishi li v̄hleha ma ! vno yvt hakshup tv̄pa ya isht anumpuli li moma hokak osh, nanta katiohmi h̄o nan ilbv̄sha yvt si onvtula moma cho ? yvm̄mak okma ititaiyukhv̄na isht ai ibetv̄bli vt yokopa hoke.

12. Hvchi anuktoklochi v̄hleha hatuk vt chv̄ch a a tv̄pvt kv̄niakbano ahni lishke.

13. Itibapishi li v̄hleha ma ! a yuka keyu yo hvch isht ona tuk oke ; a yuka keyu yv̄to haknip yukpali keyu, amba it i hullot it apelahanchi yak oke.

14. Anumpa achv̄fa h̄o v̄ba nan v̄lhpisa a moma kv̄t isht ai ahli hoka ; yvm̄m̄vt ilv̄ppak oke, Chin chuka panta hatak a ish i hullo kv̄t chishno ak inli h̄o chim itilau-ashke.

15. Amba iti koblit, v̄pvt hv̄sh ititahli hokm̄vt, iti okpv̄nit hv̄ch ik iti tahlo ka ch̄i kv̄t, ahah ! hv̄sh ahnashke.

16. Yohmi ka Shilombish iba foyukv̄t hv̄sh ayashke ; yohmi hokm̄v̄to, haknip nan ahni okpulo ya hv̄ch ik ai ahlecho ka ch̄i hoke.

17. Haknip nan ahni kv̄t Shilombish a im i sanalikma, Shilombish nan ahni kv̄t haknip a im i sanali hoke ; micha ilv̄ppvt it im inla hoke : yvm̄ohmi h̄o nana yvm̄ihcha he hv̄sh ahni kia hv̄sh yvm̄ihcha he keyu hoke.

18. Amba Shilombish ak osh hv̄ch isht aya hokma, nan v̄lhpisa ya hv̄sh i nutaka keyu hoke.

19. Yvm̄ohmi ka haknip atoksv̄li otv̄ni yvm̄m̄vt ilv̄ppak oke : Haui toba, itin lum̄aka, na liteha, haui anukfilli,

20. Na holba aiokpv̄chi, ikh̄ish isht yushpakama, it̄i nukkilli, itachowa, it̄i shahshohlechi, anukhobela, it̄i yichina, ita kv̄shkov̄t nan v̄lhpisa i sanali, v̄banumpuli ik̄sa it̄i flamohli,

21. It i potv̄nno, hatak b̄ika v̄bi, okishko shahli, okishkot tv̄ssahv̄t aya, micha yv̄mma chohmi puta ka tikba ma hv̄chim anoli li ak inli tok kia, himak a atuklant hv̄chim

anoli li ka, ilvppa yvmihchi puta kv̄t Chihowa im 'apehlichika yō isha he vlhpesa keyu hoke.

22. Amba Shilombish o isht ai vni hokvto, I hullo, nayukpa, it i nanaiya, nuktaiyav̄t nokowa svlaha, anukfila yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktamp̄li; yv̄mma chohmi ka onv̄tonla kv̄t nan vlhpisa yv̄t ikshoshke.

24. Yohmi ka kv̄na hosh Klaist a immi hokvto hakn̄ip, micha hakn̄ip nan isht i hullo, micha nan ai ahni okpulo ya hakn̄ip ash aieninchit ititaiyukhv̄na a takalichit illich̄i hoke.

25. Shilombish ak o il ai okchaya hokmv̄t, Shilombish a iba foyukv̄t il iba nohōwa mak inlashke.

26. Nana ik ahobo a holitopa ya ahnit it i nokowv̄chit, it i potv̄nnot kiloh ai asho kashke.

## CHAPTA VI.

Kv̄na hosh nana kv̄t ik im vlhpeso ka i kanv̄t nan im anukfilla he, micha nan i weki ka ib ai isha he i miha, 1; 6 v̄banumpa isht anumpuli yoka nana ka isht im v̄tv̄t apelacha he i miha: nan vlhpisa chinto nitak yv̄mmak okv̄no momv̄t nan im vlhpisa hi a anoli.

1. ITIBAPISHI li v̄hleha ma! hatak kv̄na kia nan ai ashv̄chi ka iba chukowa hokma, Shilombish anukfoyuka hv̄chia hv̄t, chukv̄sh isht i nukh̄aklot yv̄mma chohmi kash falaminchit hv̄sh hilechashke; hv̄chishno kia nan ai ashv̄chi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it̄i shaiyashke; yohmi hosh Klaist i nan vlhpisa ya hv̄sh ai ahlichashke.

3. Hatak vt nana keyu kia, na sa fehna ahni hokmv̄t, ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o yakohmi ahnit, pisashke; yvmohmi hosh inla yō ai yukpa keyut, ilap ak inli tuk ak osh nan isht il ai yuhukpa chi hoke.

5. Hatak puyuta kv̄t ilap ī shahpo illa hō shaiyala he oka.

6. Kv̄na hosh v̄banumpa hā isht im v̄lv̄v̄chi hokm̄vt, nan im av̄v̄chi yv̄mmak ash nana hochukma puta ka it ibai eshashke.

7. Hv̄chik ile haksecho kashke; Chihowa hv̄t isht ik si yopulá, ahni keyu hoke; hatak vt̄ nana hō hokchi tuk m̄vt, yv̄mmak o v̄ma hi oke.

8. Kv̄na hosh hakn̄ip ak o ī hokchi hatuk okv̄to, hakn̄ip ak o isht okpula hi o v̄ma hi oke; amba kv̄na hosh Shilombish ak o ī hokchi hatuk okv̄to, Shilombish ak o ai okchaya bilia yo v̄ma hi oke.

9. Yohmi kv̄t nana achukma isht il ahanta kv̄t ik pin takobo kashke; pi tikambi keyu hokm̄vt, nitak ont ai v̄lv̄piesakma, il ai v̄ma hi okv̄t.

10. Yohmi hoka hatak moma ka nana il im ai achukma la hi vt̄ pin takalikm̄vt, e yv̄mihchikm̄vt, na yimmi in chuka chv̄fa v̄hleha yokak heno ī shahlichit il ī yv̄mihchashke.

11. Holisso chito kv̄t, kaniohmi hō v̄no sv̄bbak ak inli hō pit isht hv̄ch̄i holissochi li tuk a hopesá.

12. Hakn̄ip ak o isht otv̄ni achukma he ahni aiyukali hokv̄to, hakshup tv̄pa he ak o hv̄chim ahnishke; yv̄mmak keyukm̄vt Klaist ititaiyukhv̄na ai illi pulla hatuk mak o na palv̄m̄mi pisa hinla kak illa kak osh yv̄mohmi hoke.

13. Yohmi ka hakshup tv̄pa v̄hleha ilap inli kak kia v̄ba nan v̄lv̄pisa ya holitobli keyu: yohmi kia hv̄chi hakshup tv̄pa he hv̄chim ahni kv̄t, hv̄ch̄i hakn̄ip ak o isht ilauata he ahni hoke.

14. Amba v̄no yokv̄to isht ak ilauato pulla he, pin Chitokaka Chisvs Klaist ititaiyukhv̄na atakalit illi tok ak banashke: yv̄mmak atuk pulla mak o yakni vt̄ ititaiyukhv̄na v̄m ai illi, mikm̄vt v̄no yvt̄ yákn̄i a im ai illi li hoke.

15. Klaist Chisvs imma hokv̄no hakshup tv̄pa, micha hakshup tv̄pa keyu aiena kv̄t nana keyu, amba himonvt̄ toba ak illa hoke.

16. Laua kv̄t kaniohmi hosh anumpa v̄lhpisa ilv̄ppak ash im antiṽt aya, micha Chihowa im Īsrael aiena hokv̄no isht ĩ nanaiya, micha isht ĩ nukh̄aklo ita tuklo kv̄t on̄tuyulashke.

17. Chitokaka Chisvs pulla hatuk mak o sa haknip a na miṽa laua ka isht shaiyali li hoka; himak a pilla mv̄no hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs Klaist isht ĩ kana yv̄t hv̄chimi shilombish a anukfoyukashke. Amen.

HOLISSO PAL VT

CHUCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1 ; 4 vbanumpuli vhleha hv̄t yakni vtiktobo k̄isha mak o vlhtah̄vt Chihowa im vlla vhleha toba tok, 11 Klaist pulla ho nan ai yukpa ai immi ha he im v̄lhpisa 13 Shilombish Holitopa yo isht ai ahlit kv̄llo ; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpuchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke :

4. Yohmi hosh yakni in tolahpi vt iksho pilla ma, Klaist a a pi atokoli kv̄t, i hullot nan ai ashv̄chi iksho, micha liteha iksho hosh yv̄mma itikba il aya he ak atok oke.

5. Yvmohmi kak osh v̄lhpesa ahni pulla tuk mak osh, Chisvs Klaist atuk mak o ilap im vlla e toba he ak o, tikbanli pi atokoli tok,

6. Yohmi kv̄t isht i kana chinto yvt isht annohowa he,

yummak pulla ho Holitopa achvfa yumma a pi ahninchi tok.

7. Yummak ash pulla im issish o isht a pi vlhtoba mvt, isht i kana yvt chinto pulla hatok mak o nan pim ai ashvchi yvt pi kashofa hoke :

8. Yohmi kv̄t hopoyuksa biekv̄t im anukfila chinto hosh, isht i kana yumma chitolechit pihima tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok a pim otvninchi kv̄t ;

10. Yummvt nitak vt ont ai vlhpiesakma, nana puta vba ai asha, micha yakni pakna ai asha aiena ka itahobit achvfa-lechit, Klaist yumma fehna ka i nutakacha he ak atok :

11. Yummak inli pulla ho il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila ho, tikbanli pi vlhtoka tok :

12. Yohmi kv̄t na tikba Klaist a il anukchieto tuk pishno ak o im a holitopa yvt a pi annohova chi hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yummak ash hvsh anukchieto tuk ak inli ; hvchi yimmi ha yosh, yummak ash nana im ihisa tok Shilombish Holitopa yumma isht hvchim ai ahli tok,

14. Yummak okv̄t nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumpvt a pim atahli tok a il ishi na, yumma im a holitopa yvt isht annohowak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kv̄t, issa li keyu mvt, micha anumpa ilbvsha anumpuli likmvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta iki vt Shilombish isht a hopoyuksa, micha isht otvninchi hvch ima na yumma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli



na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ahli ya isht a holitopa chinto il ai isha hi vt kaniohmi,

19. Micha ilap nan isht im ai ahli chinto a yvmihchi kv̄t, na yimmi vhleha pia ha ilap nan isht im ai ahli chinto fehna ka isht pi yvmihchi kv̄t kaniohmi aiena ka, hvsh a kostinicha he ak atuk oke.

20. Yvmmak ash o yvmihchi hosh, Klaist illi tuk a falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vltoka puta, nan im ai ahli, nan i shahli puta, micha na hohchifo moma yvmvt yakni ilvppa a hohchihifo kak bano keyu, amba yakni yvmvt vla chi aiena ka i shaiyahli yak oke :

22. Yohmi kv̄t nana moma ka yvma iyi nutakvchi, mihmv̄t chvch im ai achukma chi ka nana moma i noshkoba ha chi ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTA II.

Im anukfila kaniohmi yosh il v̄tta tok, 1 ; 3 Chihowa nan isht i kaña pulla ho kaniohmit pim anukfila ka anoli ; 10 nan achukma ka e yvmihcha he e toba tok ; 13 Klaist il im antia hokmv̄t, vba imma nan im vltaha hash il ahanta cha, Chihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchalinchi tok oke.

2. Ilvppa chiyuhmi ka chashpo ma hvsh ai itvnowa kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoyv̄t isht aya kak o, iakaiya hosh hvsh itvnowa tok oke :

3. Yohmi kak o pishno ak kia chashpo ma iba takla pi haknip im anukfila ik achukmo iakaiyv̄t, haknip nan ai ahni, micha chukvsh nan ai ahni aiena ho e yvmohmi tuk oke ;

yohmi kv̄t chukvsh okpulo v̄mmona il ishi tok moma kv̄t im ai anukkilli pi onv̄tonla kv̄t, inla yak inli chohmi hoke.

4. Yohmi tok kia Chihowa nan ī nukh̄aklo chinto im ai v̄lhtayak pulla hosh, nan isht ī hullo chito h̄o isht pī hullo hatuk osh,

5. Nan ai ashv̄chi isht pilli moma kia, Klaist iba taklan-chit hv̄pi okchalınchi tok oke; isht ī kana pulla h̄o hv̄chi okchaya hoke;

6. Micha Chisvs Klaist ibafohkit wakayv̄chit, v̄ba a holi-topa puta pi binilichi tok oke;

7. Yohmi hosh himak a pilla ma Klaist Chisvs pulla h̄o pī nukh̄aklo tuk vt, isht ī kana chinto fehna ka isht otv̄nıncha chī hatok.

8. Na yimmi kak osh isht ī kana pulla h̄o hv̄chi okchaya hoke; yohmi kv̄t ilv̄pvt hv̄chishno na hv̄sh ahni kak keyu, Chihowa na hv̄ch ima kak oke.

9. Nan toksv̄li kak keyu, yv̄mmak keyukma kv̄na kia isht ilauata yoba ná.

10. Yv̄mma im a toba hv̄pia kv̄t, nan toksv̄li achukma isht il ahanta hi osh Klaist Chisvs ak ō il a toba tok; yv̄mma il ai itv̄nowa hi ō Chihowa hv̄t tikbanli apesa tok.

11. Yv̄mohmi ka nitak chashpo ma haknip ī nuta yosh Chentail hv̄chia ma, nipi hakshup tv̄pa ibbak isht toba hoh-chifo yv̄mmak okv̄t hakshup ik tapo hv̄chi hochifo hoke.

12. Yohmi kv̄t yv̄mma foka mv̄no Klaist ibafoyuka keyut, Israel okla ai achv̄fa hv̄sh ahalaia keyu, micha nan im issa tok isht it im v̄lhpisa hv̄ch ik ahalaio, aiokchaya pisa he ahni ik im iksho, Chihowa ik ithano yosh yaknı̄ a hv̄sh ai asha tok.

13. Yohmi tok kia himak ano Chisvs Klaist pulla hatuk mak ō hv̄chishno vt tikba mv̄no hv̄sh mishemanchi tuk vt, Chisvs im issish ō isht hv̄sh a bilıka kv̄t hv̄sh ithaiyanashke.

14. Yv̄mmak osh pit ī nanaiyv̄chi yosh, e tuklo ka achv̄fa pikbi cha, holihta nan isht pit ī filv̄mmichi yatuk ā ishit kanchi tok oke;

15. Yohmi kv̄t nan isht it ī nukkilli nan isht v̄lhpisa yvt im v̄lhpisa tok, haknip isht ilbv̄sha cha, ishit kanchi tok:

yohmi hosh tuklo ka hatak himona achvfa il ai ikbi cha, it i nanaiyvcha chi hatok :

16. Yohmi kv̄t ititaiyukhvna pulla hō tuklo ka haknip achvfa isht ikbit, yvmmak o it i nukkilli tuk a ai ilichi cha, Chihowa ya it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvmmak atuk pulla hō Shilombish achvfa hosh pi anukfohkichi hō, il ita tuklo kv̄t Uba Iki il im ohona hokvt.

19. Yakeh ! yohmi ka himak a pilla ma ik ahalaio okla inla yo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tvli yo, onvtula hosh hvsh it abana hoke.

21. Yvmmak o ai it abana iti fohka achukma kv̄t, Chitokaka ibafoyukvt tempel holitopa tobtv̄t isht mahaya hoke.

22. Yvmmak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena he atok, 1 ; 9 Pal vt im anumpohonla he vt vhltoke ; 14 mihmvt Chihowa nan i hullo tok a okla akostinicha chi ka vba asihihla ; 20 mihmvt nan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hv̄t Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vhpisa ishit hvchim anumpuli la chi hō vma tok a, hvsh haklo mvhli tok a ;

3. Yvmmvt Chihowa im anukfila luma hatok a kaniohmichit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak o hvsh itim anumpulikmvt, Klaist im anukfila luma hatok a ithana li ka, hvsh akostinicha hinla hoke ;

5. Yvmmvt nitak tikba ma hatak ushi vhleha ha im an-

noa tok a ohmi keyu h<sub>o</sub>, himak ano Shilombish vt apostel holitopa vhleha, micha hopaii puta aiena ka im otv<sub>n</sub>inchi hoke ;

6. Yvmohmi na Chentail vt vbanumpa pulla h<sub>o</sub> iba tak-  
lvt nan ai isha he vlhpesa toba, micha hakn<sub>i</sub>p ai achvfa  
toba cha, Klaist pulla h<sub>o</sub> nan im ihisa tok a ibai isha he  
atok :

7. Chihowa yvt ilap nan isht im ai ahli vm ai yvmihinchi  
pulla hosh, ilap nan isht i kana vma pulla h<sub>o</sub>, vbanumpa  
isht vtta toba li tok oke.

8. Ūno vt vbanumpa yimmi moma ik lauwo ka ik a lau-  
wo sia hoh kia, isht i kana ilvppa vma na Klaist nan isht  
yukpali kvna hosh ithv<sub>n</sub>vt hlopulicha he keyu a, Chentail  
a isht im anumpuli la hi atok.

9. Michā im anukfila luma hatok a itibai achvfa kv<sub>t</sub> ka-  
niohmi ka hatak moma ka pisachi la hi atok ; yv<sub>m</sub>ma yakni  
tobahpi a minti ka Chihowa hv<sub>t</sub> Chisvs Klaist nana moma  
ka isht ikbi tok vt, luhmit ieshi tok ;

10. Yvmohma hi o himak ano hochitoka ilaiyuka, nan  
vlhtoka ilaiyuka, vba a holitopa ai asha kv<sub>t</sub>, hv<sub>ch</sub> pulla  
atuk mak o Chihowa a hopoyuksa chinto kv<sub>t</sub> im otaiyana  
hi atok.

11. Yohmi kv<sub>t</sub> Chisvs Klaist pin Chitokaka isht yvmih-  
cha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla  
ch<sub>i</sub> ahnit, pi anukfoyukv<sub>t</sub> il im ohona hoke.

13. Yohmi ka hvchishno ak atuk mak o nan isht svlvsha  
ka, yv<sub>m</sub>vt nan isht a hvchi holitopa hokv<sub>t</sub> hvchi chukvsh  
isht ik hvchim ello kashke.

14, 15. Ilvppa pulla kak o pin Chitokaka Chisvs Klaist,  
yv<sub>m</sub>mak o chuka hvfa vba yakni a ai asha, micha yakni ai  
asha a moyuma kv<sub>t</sub> ai a hohchifo Iki a i hvchukbehlipa li  
kv<sub>t</sub>,

16. Isht im a holitopa chinto fehna ka hvch ima na, imi  
Shilombish vt chukvsh isht hlampko isht hvchi hlampko-  
honchi ;

17. Michā na hvchi yimmi h<sub>o</sub> Klaist vt hvchi chukvsh a

anukfoyuka he yohmi lishke; yohmi ho nan isht i hullo a akshish a tovt a hvchi kvllo hosh,

18. Ubanumpuli ahli puta iba taklv̄t a pv̄tha, micha afa-laia ka, micha hofobi, micha chaha aiena ka hvsh akostinicha hinla hoke.

19. Michā Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kv̄t isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kv̄t, nana ho il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chihowa hv̄t 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a naksi ka bohli; 28 nana a kaniohma he vlhpesa ka yvmihchi, micha nan ik vlhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hv̄t hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, iti hullot, it im i nuktaiyalvt;

3. Shilombish ai isht itibai achvfv̄t nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli ho chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kv̄t achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma Iki achvfa, yvmmt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kv̄t, Klaist i na hvlbina kaniohmi hō pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hvlbina puta ka hatak puta ka ima tok, achishke.

9. Yohmi ka vba ia tok, achi kv̄t nanta hoh cho? amba yvm̄vt tikba ma vba mintit aka yakni v̄la tok ak inli keyu?

10. Ūba minti tok mihi yō ak inli hosh vba shutik pakna-ka pilla ona kv̄t, nana moma alotowa ch̄i kak atok.

11. Micha kanimi kv̄t apostel; micha kanimi kv̄t hopāi; micha kanimi kv̄t vbanumpa tosholi; micha kanimi kv̄t iksa apesvchi; micha kanimi kv̄t nan ithvnanchi aiena ya ch̄i ima tok:

12. Yohmi kv̄t vbanumpa yimmi vhleha hā ai ah̄licha he, vbanumpa isht vtta he, Klaist haknip ithvnanchit hlampkohoncha hi ak atok oke.

13. Yvmohmi na e moma kv̄t mahayvt nan ai yimmi ka, micha Chihowa Ushi ai ithvna aiena ka ont il ai achvvt, hatak im ahli e tobt, Klaist vt a kaniohmit ai alotowa fehna ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha ch̄i kv̄t, isht im aih̄inchi ka ibafohkv̄t ke fullokahancho kashke.

15. Amba i hullo hosh anumpa ah̄li anumpulit, nan okluha ka isht im a hofantit mahayvt, Klaist yvm̄vt noshkoboka ya e chiyuhmashke.

16. Yvm̄mak o haknip moma kv̄t ai itifohka achukma, micha hakshish puta isht iti talakchi hosh moma kv̄t nana a kaniohma he vlhpisa kv̄t, ah̄lit yohmit it apelachi hosh haknip isht a chitot isht it i hullot mahaya hoke.

17. Yohmi ka ilv̄ppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i filv̄mmit yoshubvt aya;

19. Chukvsh svlahbot atvpa, na haui atampa, na liteha puta asitvt isht ahanta ka hvch ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke :

21. Yohmi ka hvsh i haponaklo cha, Chisvs im anumpa ahli yo isht hvchim vlvchi tuk okmvt ;

22. Tikba ma nana hvsh a kaniohmi tok vt hatak sipokni, yvmmvt na haksichi chukvsh okpulo isht yoshuba aiena kvno, naksika hvsh bohlashke :

23. Micha chukvsh isht hvsh anukfilli vt himonvt tobashke :

24. Micha hatak himona, yvmmvt Chihowa holba tobt nan ai vlpiesa, micha nan ai ashvchi ik im iksho ahli mak o isht hvsh foyukashke.

25. Yohmi hokvt na holabi puta naksika bohlit anumpa ahli in chuka panta hatak a hatak moma kvt im anumpulashke ; haknip il itib achvfa hokvt :

26. Hvchi nokowa kia, ik hvchi yoshubo kashke ; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvlllo kashke.

28. Kvna kia hukopa tuk vt, himmak ma ik hukopo kashke ; amba ik plesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kvt achukma isht hlampka he, micha haklo puta kvt isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya he nitak pit isht hvchim vlpisa kvt, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kvt naksika itonlashke.

32. Micha it i kanvt, chukvsh na hih isht iti ahnit, Chihowa hvv Klaist ak atuk mak o hvchi kashofi tuk a chohmit, hvsh it i kashohofashke.

## CHAPTER V.

Chihowa ya im antiyt nan ai i hullo yo ai itanohowa he, 1; 3 im anumpa liteha hosh itanowa beka tuk vt naksika bohla he; 18 nan ish-kot haksa he imma ka ik ahalaio ka he, amba shilombish holitopa yo isht anukfoyukvt im vlhtaha he nan i miha; 22 Ohoyo hvvt kanohmit ahanta he, ilap i hatak a im antia he; 25 Klaist vt chvch a i hullo ka chohmit hatak vt im ohoyo ha i hulla he nan isht miha.

1. YUMOHMI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vlhtoba, Chihowa nan i balama, isht il im issa tok a chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkunna atampa vbanumpa yimmi vt yohma he vlhpesa keyuka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlhpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkunna atampa, yvmmvt na holbvt toba aiokpvchi, ilvppvt Klaist, micha Chihowa im apehlichika nan ai isha he vlhpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itvnowashke.

9. Shilombish isht ai vni hokvto nana achukma bieka, micha nan avlhpiesa yvmohmi, micha anumpa ahli yak oke.



10. Yohmi cha nana hō Chitokaka yvt aiokpanchikma, hvsh akostinicha hi oke.

11. Micha okhlili ka a toksvli nan ik vno hvch ik iba taklo hosh, amba ik im ahninchot hvsh im alummashke.

12. Alumaka hō nana kv̄t ai yvmohmi tuk a isht anum-puli illa kak kia, isht hofaya he vlpesa hoke.

13. Yohmi ka atokowa otvni kv̄t nan tohwikeli ak o isht otvni hoke: nana hosh nana ka otvminchikmvt, yvmmak osh tohwikeli hoke.

14. Yvmohmi kak o, Nusi tuk chia kv̄t, chi okchashke, micha illi tuk chia kv̄t falamvt ish tanashke, mikma Klaist vt tohwikeli chima chi hoke, achi hoke.

15. Yohmi ka im anukfila iksho chohmi keyut, amba ho-poyuksa chohmit ahah! ahnit hvsh itvnowashke.

16. Nitak vt ik hvchi kvnio hosh nan isht hvsh il im ahantashke; nitak hvsh ai ahanta kv̄t ik achukmo hoka.

17. Yvmohmi hoka ik hopoyukso yō hvchia keyu hosh, amba Ckitokaka im anukfila hv̄t kaniohmi ka hvsh akostin-ichashke.

18. Micha oka homi isht ik hvchi hakso, yvmmv̄t im ila-yak isht yopomo yoke; amba Shilombish ak o isht hvchi alotowashke.

19. Ūba isht taloa, micha Shilombish imma isht taloa aiena ka isht il ai anumpohonlit, chukvsh isht in champulit Chitokaka ya hvsh in talohowashke.

20. Nana puta ka pin Chitokaka Chisvs Klaist isht hoh-ihifot Chihowa, yvmmv̄t Iki mak oka, yak oke ai ahnit, il aiokpahanchashke.

21. Chihowa i nukshohompa hosh hvsh it im antiashke.

22. Tekchi vhleha ma! Chitokaka chohmichit hvchi ha-tak a hvsh im antiashke.

23. Klaist vt hvch a i noshkobo ya yvmmak inli hō chohmit hatak vt ilap tekchi a i noshkoboka yoka: micha yvmmv̄t haknip ai okchaya mak oke.

24. Yvmohmi ka hvch vt Klaist a im antia ka yvmmak inli hō chohmit, tekchi vhleha hv̄t nana puta ka ilap i hatak a isht im antiashke.

25. I hatak vhleha ma! hvchi tekchi a hvsh i hullo kv̄t, Klaist vt chvch a i hullo hosh, il im issa tok ak inli ka, hvsh chiyuhmichashke :

26. Yvmohmi kv̄t oka isht achifvt vbanumpa isht kashofvt na hullochi cha,

27. Chvch holitopa, na liteha lapali iksho, shinowa, yvma chohmi nana kia iksho h̄o ilap itikba hilecha chi hatok; ahli a holitopa, imomokpulo keyu h̄o ilap itikba hilech, chi hatok.

28. Yvmmak inli h̄o chiyuhmit, hatak puta kv̄t ilap haknip chiyuhmit, tekchi vhleha h̄a i hulla he vlhpesa hoke. Kvna hosh tekchi a i huhullo kv̄t, ilap a i hullo hoke.

29. Kvna kia ilap haknip a i nukkilli chatuk keyu hoka; amba Chitokaka yvt chvch a i yvmihchi ak inli h̄o chohmit, aporchit hiahnit ilauei hoke.

30. Pishno vt yvma haknip, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

## CHAPTA VI.

Vlla yvt ishki, micha iki ita tuklo ka im antia he vt vlhpesa, 1; 5 yuka hv̄t i shahli h̄a im antia he vt vlhpesa: 9 mikma i shahli hv̄t ai vlhpiesa mak o i yuka h̄a i yvmohma he vlhpesa; 10 na pi okchaya ilvppvt il itihimbi; 13 vbanumpuli vt nan isht ile atukkochi, 18 yohmi ka kanimihchit ilvppak ash isht aya he anoli.

1. **V**LLA vhleha ma! Chitokaka ak o hvch iki, micha hvch ishki ita tuklo hvsh im antiashke; ilvppak osh vlhpesa hoka.

2. Chiki, micha chishki ita tuklo ka ish holitoblashke, ilvppvt anumpa vlhpisa nan im issa ya apatoa vmmona.

3. Yohmi hosh chim achukmvt hopaki hō yakni paknaka ish ai ahantashke.

4. Mikma iki hvchia hvvt hvchim vlla ya hvch ik nokowv-cho kashke: amba Chitokaka yak o anukfokí, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kvv, Klaist ak inli hō chohmichit hvsh im antiashke.

6. Yohmi kvv hatak yukpali yo chohmit, nishkin pisa bano toksvli keyu; amba Klaist in tishu hō chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kvv aiokpanchit yuka a toksvli toksvlit, Chitokaka yak o i yvmihchí, hatak ak o keyu;

8. Nana achukma nana hō hatak kvna kia yuka hokmá, yuka keyu hokmá, nana hoh kia yvmihchikma, yvmmak atuk mak inli hō Chitokaka ya im a habena hi a hvsh ithaiyanashke.

9. Mikma i nahullo hvchia hvvt i nokowvt anumpuli iksho hosh, yvmmak inli hō hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kvv, nan isht il atukkochi Chihowa yvt atahli tok a a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhtoka, hochitoka, yakni ai okhlili ka ilvppa pehlichi vhleha, shilombish okpulo vba itvnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kvv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlhpiesa ikkishi alata hq foyukvt,

15. Micha vbanumpa it i nanaiyvchi nan isht im vlhtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kvv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hvv si anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kvv, nukwaya ikshot svtih ha wakvmmi lashke.

20. Yvmma pulla hq Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hvv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinincha chi ak inli kvno, Tikikvv itibapishi a holitopa, micha Chitokaka nan im isht vta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlva chi hoke.

23. Iki Chihowa, micha Chitokaka Chisvv Klaist a minti na yimmi ka isht ai it i hullo, micha it i nanaiya aiena kvv itibapishi vhleha ha hvchi anukfoyukashke.

24. Chitokaka Chisvv Klaist i hullo ai ahli moyuma ka nan isht i kana yvt anukfoyukashke. Amen.

## HOLISSO PAL UT

## CHURCH FILIPPI

A HIKIA HO I HOLISSOCHI TOK.

## CHAPTER I.

Filippi church hikia ka pit aiokpuchi, 1. 6 Na toksuli achukma isht wakaya tok vt Chihowa hvt isht ai ahlichit im atahla chi ka yimmi. 12 Lom aboha kullo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hvt vbanumpa yimmi ahli vhleha Chisvs Klaist ibafoyuka Filippi ai asha, bishop puta, micha church nan isht im vta puta aiena ka pit aiokpuchi kv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kv hvchi anukfoyukashke, hvchim ahnishke.

3. Hvchi anukfilli li aiyuka kv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlv, vbanumpa isht hvsh apelvchi kak o, anumpa ilbvsha isht hvchi anumpuli li puta kv chukvsh yukpvt isht hvchi asihihla li bilivshke.

6. Ilvppa fehna ka sai yimmi hatuk osh, Nan toksuli achukma isht a hvchi wakaya kv, ai ahlichit Chisvs Klaist i nitak a hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ahlichu li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Michu ilvppa asihhla lishke; yvmvvt Chihowa im anumpa ithanvt, hvsh akostininchi puta kak osh hvsh it i hullo kvv, chitot isht i shahlit hvsh mahayashke.

10. Yvmohmi hosh nana kvv it im inla ka imoma ka pisvt, achukmaka vlhpesa ahnit, ai ahli, isht im ai ibetvbla he iksho hosh Klaist i nitak a hvsh onashke.

11. Yvmohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitovvt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk a vbanumpa hvv isht i shahlit isht atoba tuk a hvsh ithana he, hvchim ai ahni lishke.

13. Yvmohmi ka Klaist pulla ho sai yuka kvv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kvv sai yuka kak o Chitokaka anukchieto kvv, isht i shahlit nukwaya keyu fehvv, nukshopa mvv iksho hosh vbanumpa ha isht anumpohonlishke.

15. Kanimi kvv isht a potvno, micha nan isht an chowa aiena ka bvna hosh Klaist a isht anumpulikma; anonti kanimi kvto a kana he ahni hosh yohmi hoke.

16. Achvfa kvv nan isht an chowa kak o ahni hosh Klaist a isht anumpulit, chukvsh ahli keyu hosh, sai yuka ka ai vbechit svbvshali bvna hosh:

17. Amba achvfa kvto holitobli hosh, vbanumpa afvv isht anumpuli la he si vlhtoka tuk a ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ahli hokma, nana kia Klaist vt isht anumpa hoke; yohmi na yvma a sai yukpa ahli hosh, a sai yuhkpa chi hoke.

19. Anumpa ilbvsha isht hvs si anumpohonli; micha Chisvs Klaist imi Shilombish vt si apelahanchi aiena, ilvp-pak osh isht si okchaya hi a ithana li hokvt,

20. Yvmmak a he ahni li fehna kv̄t, nana kia isht sa hofahya he keyu, amba nukwaya iksho kvmohmit ai yv-mohmi chatuk vt, a moyuma ch̄i h̄o si okchaya hokmá, sv̄lli hokmá, nana kia Klaist vt sa haknip a isht a holitopa hi a ahni li hoke.

21. Ūno yak okvto si okchaya kv̄t Klaist ak okmvt, anonti sv̄lli hoh kia nan isht vm ai achukma hoke.

22. Yohmi kia haknip ak o ai anta li hokmvt, a tok-sv̄li li nan ai vni kv̄t ilvppak oke; yohmi kia kanimampo ahni la hinla kv̄t ak ithanoshke.

23. Yakni issvt ia lish, Klaist a ont ai ibachvfa li, yvmmak ok mak o i shahli fehna hoka sa bvnna hatuk osh, nan a mia tuklo isht a sv̄b bikeli hoka :

24. Yohmi kia haknip ai anta li kak o achukma kv̄t isht hvchim i shahli hoke.

25. Micha ilvppa sai yimmi ahli hatuk osh, nana a hvchi yimmi kv̄t i shahlit a hvchi yukpa kv̄t isht i shahla hi ak o hvsh moyuma ka hvchi takla ahanta la ch̄i kv̄t, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kv̄t i shahla he ak oke.

27. Nana hvsh a kaniohmi kv̄t Klaist im anumpa ak o isht ai vlhpesa kak banashke: yohmi na onvt hvchi pesa li hokmá, keyukmvt kanima aya li ik saksho hokmá nana kia na hvchim a kaniohmi puta yvmmvt shilombish achvfa, im anukfila achvfa hosh vbanumpa ai yimmi ka hvsh it iba fohovt kv̄llot hvsh hieli h̄o hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmvno yvmmak okvto ai ok-puloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvmma hvsh i

yimmi kak bano keyu, amba yvmma pulla kak o nan isht hvsh im ilbvsha he hvchim vlhpisa hoka :

30. Yohmi kv̄t anumpulit it̄i kahanlot isht svlvsha yvmma hv̄s sa p̄isa tok, anonti himak a si onvtuyula ka hv̄s sa hahaklo ka yvmmak inli hosh hv̄chi onvtuyula hoke.

## CHAPTA II.

Klaist ā iakaivt im anukfila it̄i bai achv̄fv̄t il akanlosichi banot ai-asha hi ā i miha, 1 ; 12 ilap nan isht aiokchaya a toksahanlit p̄vla h̄o chohmit yakni a im a tohwikela hi ā im achi.

1. YOHMI ka Klaist atuk pulla mak o ahopohla yvt asha hokma, i hullo kv̄t a nuktanla yvt asha hokma, Shilombish ai itiba chvfa yvt asha hokma, chukvsh isht i nukhaklot hi ahni yvt asha hokma,

2. Hvchim anukfila hv̄t itilavit nana a miha chvfa holitoblit, chukvsh achvfa cha, hvchim anukfila ai achvfa hosh nan a sai yukpa ya isht hv̄s sv̄m alotolashke.

3. Anumpa isht itachowa shahli, keyukmvt ilefehnvchi nanasi kv̄t ik vlhtaho kashke ; amba chukvsh akanlosi hosh moyuma kv̄t inla yvt achukma kv̄t ilap ā i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilvp̄vt hv̄chi anukfoyukashke.

6. Yvmmvt Chihowa hoyulba yatuk osh, Chihowa ya ile itilavechi kv̄t na wehpuli ya he ahni tok keyu.

7. Yohmi kv̄t il a kolchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mvt, il akanlosechit im antia kv̄t, ititaiyukhvna a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mvt, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo h̄a vba yakni aiasha,



micha yakni paknaka aiasha, micha yakni nutaka aiasha puta kvt i hvchukbihlepa he ;

11. Michā hatak isunlvsh puta kvt Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hvs sv̄m antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs sv̄m antia kvt, nukshumpvt wv̄nibinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im v̄lhpesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mvt iksho h̄o hvsh yvmihchashke.

15. Anumpa nana kia hvchi onvtonla keyu, nan okp̄ni keyu, na liteha lapanli keyu hosh okla shanaiowa, micha nan ai ashvchi ai ititakla yo yv̄mma i p̄la tohwikeli chohmit yakni paknaka ya hvsh ai ashvshke.

16. Michā anumpa okchaya ya hvsh otv̄ninchi na Klaist i nitak a pilla h̄o chahafa li tok keyu, micha pilla h̄o toksv̄li li keyu kvt sai yukpashke.

17. Ahli, na hvchi yimmit v̄ba isht hvsh il ai okpv̄chi, micha nan isht hvsh ai ahanta aiena ont aiahla chi kak o, il imi kanchi li hokmvt, sai yukpvt hvsh moma ka hvch iba yukpa li hoke.

18. Yv̄mmak inli kak o yukpvt hvs sv̄bai yukpa mak inlishke.

19. Yohmi kia chekikma Timohlivs a hvchi pila la chi, yvmohmi hosh hvchi a kaniohmi ka akostininchi lish, sai yukpa chi kvt, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kvt hatak inla im anukfila yv̄mmak inli ohmi h̄o ik sv̄m iksho hokvt.

21. Moma kvt ilap immi ak o hoyo mvt, nana kvt Chisvs Klaist immi hokv̄no ik hoyo hokvt.

22. Amba yv̄mma imomaka pisa tuk a hvsh ithana ;

yummak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yummak o chekosikma sa kaniohma chi ka pisa likmvt, pila la chi ahni lishke.

24. Yohmi kvv vno yak kia chekosikma ona la chi, ahnit Chitokaka ya anukchieto lishke.

25. Yohmi ak inli kia Epaflotitvs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvna tuk a isht vm anta chatuk, yummak o hvchi pila la he vhpesa ahni li tuk oke.

26. Hvchi palata fehvvt, ilap vt abeka tuk a hvsh haklo tuk ak o nan a nukhaklo kvv chukvsh a alota fehna tok.

27. Abeka ho mvhlt illi naha fehna tuk, yohmi kia Chihowa hvv i nukhaklo tuk: yohmi kvv yummak bano keyu, amba vno ma a nukhaklo tuk: yummak keyukma svlvsha kvv it vlvhkrcha he atuk oke.

28. Yvmohmi kak o ahni fehvvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kvv ik lauwo ka he ak atuk oke.

29 Yvmohmi hoka Chitokaka ibafoyuka ka chohmichit chukvsh yukpa bievvt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksvli pulla kak osh ilap im ilhfioyak a na fehna ik ahno hosh, illi naha fehna kvv, isht hvv si apelacha he tuk ik ovo ka vm atahla chi kak atuk oke.

### CHAPTA III.

Nan i hullo cha, nan avvchi ik ahlo yokvno ahah! im ahna hi a i miha, 1; 8 Klaist pulla ha tuk mak o nan okvha ka ik ahobo ahna he: 18 haknvp imma nan ahni hv iakaiya yokvno i filvma he nan i miha.

1. ISHTAIYOPI ka itibapishi li vvhaha ma! Chitokaka ya hvsh ai yukpashke. Nana kvv mihi yo ash inli hv hvchi holissochi li kvv, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vhpeso yv-

mohmi ya ahah! hvsh im ahnashke, tvblit kanchi ya ahah! hvsh im ahnashke.

3. Pishno ak okvto hakshup tupa shilombish anukfoyu-kvt Chihowa holitoblichy, micha Chisvs Klaist ai yukpa pia, yohmi kvt haknip a ai anukchieto keyu pia hoke.

4. Uno ak kia haknip a ai anukchieto la hinla tuk ak inli hoke. Kvna kia haknip a ai anukchieta hinla kvt ishi ka ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-lael isht ai unchululi, Benchamin apelhichi, Heblu ai ahli sia hoke: vba nan vllhpisa yak okmvno Falisi yo sia hoke.

6. Amosholi hosh chvch a i palvmmichit, vba nan vllhpisa isht ai vllhpiesa yvmmak okmvno anumpa nana kia si onv-tula he keyu ki tok.

7. Yohmi tok kia nana isht ahayuchi li yatuk vt, yvmmvt Klaist pulla kak o a kvnia, ahni li tuk oke.

8. Ahli mvhlishke, yohmi kvt Klaist Chisvs an Chitokaka ithana achukma fehna kak o nana puta kvt peh ik ahobo ahni lishke; yvmma pulla kak o nana puta kvt isht a kvnia, mikmvt yvmmak ash o chopilhkvsh a chohmichi li, yvmoh-mit Klaist a asitvbi li,

9. Mikmvt yvmma ibafoyuka la he, micha vno ak inli kvt vba nan vllhpisa yvmmak o isht ai vllhpiesvt il ai eshi li keyu, amba yvmmvt Klaist a i yimmi kvt nan ai vllhpiesa na yim-mi pulla kak o Chihowa a minti yak oke:

10. Yvmohmi ka Klaist, micha yvmmvt illit tani tok nan isht im ai ahli, micha yvmmvt ai ilbvsha tok a iba takla kvt kaniohmi aiena ka ithana lish, yvmmvt illi tok a hoyulba la chj kak a hetuk oke.

11. Ik kaniohmi kia illit tani ka ona li yoba ná, ahni li hatuk osh.

12. Himak okvno ona li mashko ahni li keyu, micha hi-mak ak kia ai ahlit sa taha ahni li keyu; amba achunanchit iakaiya li, yvmohmi hosh yvmmak a he ak o Klaist Chisvs vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-yu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba asha kak o subbak a pit wielit,

14. Achunanchit ai vbi ya mahaya li, nan vbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ahli aiyuka pia hokvto, yakohmit pim anukfilashke; yohmi ka nana ka kaniohmit hvchim anukfila kvt inla tuk okma, Chihowa yvt ilvppak oh kia hvchim otv-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kvt yakohmit aya vhleha ha hvsh holitoblashke.

18. Lauvt aya kvt yvmma himonna hvchim anohonli li chatuk osh, anonti himak a nishkin okchi mihinti hosh, yvmmvt Klaist im ititaiyukhvna in tvnvp vhleha hoka, hvchim anoli lishke.

19. Yvmma ont im ishtayopi kvt aiokpuloka he, yvmma i shahli yvt ilap takoba ak inli, micha nan isht hofahya isht ile holitobli, yvmmvt yakni paknaka nana a halaia kak o asitia yoke.

20. Uba yakni okla ai achvfa pia hoka; yummak o a minta hi o pi Okchalinchi Chitokaka Chisvs Klaist a e hohoyo hoke.

21. Yvmmvt imi hlampko ho isht yvmihchit nana puta ka imaiyachit il aiesha hinla hokvt, ilap haknip holitopa ya hoyulba chi ka yummak ash ot pi haknip akanlosi ya inlvcha hi oke.

#### CHAPTER IV.

Chitokaka ya a kvllo fehnvt itanowa he i miha, 1; 4 vbanumpuli ahli mak osh aiasha he im apesa; 10 ilap a i kana tuk a na yukvvt yak oke pit im ai ahni fehna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kvllot

hikivt Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintichi ma ilbvshvt im asilhha li ka, yvmmvt im anukfila it ibai achvfa hosh Chitokaka ya ibafoyukashke.

3. Mikmvt chishno itiba toksvli li ahli ak kia chim asilhha lishke, ohoyo yvmmvt vbanumpa ha isht svba toksvli tuk, micha Klement, micha svba toksvli vhleha inla aiena, yvmma hohchifo hvv holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktamplic yvt hatak moma ka im otaiyanashke. Chitokaka yvt vlv hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlvv aiokpahanachi hosh nana a hvchi bvna kvv Chihowa ya im annohowashke.

7. Michi Chihowa im isht it i nanaiya, yvmmvt im anukfila moma i shahli yvt hvchi chukvsh, michi hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ahlikma, nana hosh holitopakma, nana hosh ai vlvpiesakma, nana hosh kashofakma, nana hosh aioklikma, nana hosh annoa achukmakma, nan ai vlvpesa inla yvt ashakma, anonti aiokpancha he vlvpesa kvv ashakma, ilvppa puta kash hvsh anukfihinlashke.

9. Nana puta yvmma hvv svv ai ithvna, michi hvsh ishi, michi hvsh haklo, michi hvv si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvv si anukfilli tuk vt anonti okcha i shahli ka Chitokaka ya isht a sai yukpa fehnvshke; yvmmak a hi o isht hvv si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kvv ik svv ono kak osh ilvppa achi li ho keyu: kaniohmi ho a hikia li hoh kia, yvmmak oka si a nuktaiyala he vt ithvntv tahli li tuk okvt.

12. Kaniohmit nana ka ik sv̄m iksho hosh aya li kv̄t ithana li, micha kaniohmit nana an laua hosh aya li kv̄t ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sv̄m ono aiena hosh aya li kv̄t ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai v̄lhpiesa hō yvmohmit nana v̄m a palv̄mmi ka hv̄s sv̄b anukh̄aklot hv̄s si apela tok oke.

15. Yvmohmi ka Filipian v̄hleha hv̄chia ma! v̄banumpa hv̄t anumpa v̄mmona ka Masetonia ya akohchv̄t ia li ma, chv̄ch nana kia nana isht apela he v̄ma na ishi la hetuk ash imma ka yvmohmi keyu ma, amba hv̄chishno ak illa tuk v̄t hv̄sh ithaiyanashke.

16. Hlessalonika ya anta li ma, himonna ka pit hv̄s sa pila tuk osh, anonti nana ka a sa b̄v̄nna tuk a pit hv̄s sa pila tuk oke.

17. Na hv̄lbina sa b̄v̄nna kak o keyu; amba nana achukma hv̄sh yvmohmi tuk isht ai v̄ni kv̄t hv̄chin laua he kak o ahni lishke.

18. Yohmi kia nana moma ka īshi lish, nan an laua hoke; si alotowa hoke, Epaflotitvs ibbak fohkit nana balama v̄ba nan isht aiokpv̄chi Chihowa hv̄t v̄lhpesa ahni ya et hv̄s sa pila tuk a, v̄m v̄la tuk oke.

19. Yohmi ka an Chihowa holitopa fehna kv̄t Chisvs Klaist pulla kak o nana a hv̄chi b̄v̄nna moma ka hv̄chim atahla hi oke.

20. Yohmi ka Chihowa, micha P̄iki yak osh holitopa na bilīv̄t biliashke. Amen.

21. V̄banumpa yimmi Klaist Chisvs ibai achv̄fa v̄hleha h̄a hv̄sh aiokpv̄chashke. Itibapishi li v̄hleha hv̄t si ap̄ihv̄t maya kv̄t hv̄chi aiokpv̄chishke.

22. V̄banumpa yimmi moma kv̄t pit hv̄chi aiokpv̄chi; mihma Sesa in chuka chv̄fa yokak heto pit hv̄chi aiokpv̄chi fehv̄shke.

23. Pin Chitokaka Chisvs Klaist isht ī kana yv̄t hv̄sh moyuma ka hv̄chi anukfoyakashke. Amen.

H O L I S S O P A L V T

C H U C H K O L O S S I

A H I K I A H O I H O L I S S O C H I T O K .

CHAPTA I.

Na yimmi ahlit maya pulla kak o Chihowa ya ai okpahanchi, 1 : 9 nan isht i kana anukfohkvt i shahlit mahaya he isht anumpohonli ; 14 Klaist holitopa he isht anumpuli ; 21 mihmvt nana ka Klaist vt im ataiyahli tok a im anoli.

1. P A L, Chihowa nan ai ahni hatuk pulla mak o Chisvs Klaist im apostel sia, micha Timohlivs pitibapishi ita tuklo kv, t,

2. Ubanumpa yimmi ahli vhleha, il itibapishi ahli Klaist a ibafoyuka Kolossi ai asha ka pit aiokpvchi kv, t, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke ;

4. Yohmi kv, t Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke ; yummak oka vbanumpa ahli isht ai anumpa ho tikba kash hvsh haiyaklo tuk vt ;

6. Mihi yosh hvchim vla tuk ak inli chohmit, yakni moma ka im aya cha, nan vnit waya kv, t, nana ka hvsh haiya-

klot, Chihowa nan isht i kana ahli hvsh ithaiyana nitak atuk taiyakla kv̄t, nan vn̄it hvsh waya kak inli h̄o chohmi hoke.

7. Yvmmak ash inli h̄o Epaf̄las, tishu pi b̄ika pi h̄olitopa ya hvsh im ai ithvna tuk; yvmmak okv̄t Klaist im vbanumpa isht v̄tta hvchim ahli mak oke:

8. Yvmmak inli kak osh Shilombish a ibai achv̄fv̄t hvsh it i hullo ka pim anoli tok.

9. Yakohmi kak o nitak yvmma fehna ka e haiyaklo tuk taiyakla kv̄t, anumpa ilbv̄sha isht e hvchi anumpohonli kv̄t il issa keyu, mihmv̄t hvchi hopoyuksa bieka, micha shilombish im ahalaia ka ithv̄nv̄t, Chihowa nan ai ahni ka hvsh ithana ka isht hvchi alotowa he ak o, il ai ahni hoke:

10. Micha nan toksv̄li achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im vlhpiesv̄t nana moma ka isht yukpali cha;

11. Chihowa imi hlampko h̄olitopa isht hlampko fehna hosh, nukchintot achunanchit, nan ilbv̄sha yv̄t onvtuyula kia nuktaiyalv̄t vlhpesa ahnit yukpa banot;

12. Vbanumpa yimmi yv̄t vba atohwikeli ai isha he vlhpesa hosh ai asha ka ai il iba takla hi a pi ai atahli tok, Piki yvmma yak oke hvsh im ai ahna he ak o, il ai ahni hoke;

13. Yvmmak okv̄t aiokhlili ka isht im ai ahli ya a pi a hlakofichi mv̄t, anonti kanv̄lichit ilap Ushi h̄olitopa im apchlichika ya pisht ona tuk oke;

14. Yvmmak o im issish isht vlbi ai okchaya, nan ai ashv̄chi isht kashofa mak o il eshi hoke:

15. Yvmmv̄t Chihowa ya pisa he keyu ka hoyulba kv̄t, nana toba tok puta ka V̄ttahpi yoke.

16. Yvmmak atuk mak o nana moma toba kv̄t nana vba aiasha, micha yakni paknaka ai asha, nana ka pisa he, micha nana ka ik peso ka he, miko yohmá, nan i shahli yokmá, hochitoka yokmá, nan vlhtoka yokmá, aiena mikmv̄t nana moma kv̄t yvmmak atuk mak o toba kv̄t, yvmmak ash o in toba tok.

17. Yohmi ka yvmmak ash osh nana moma ka in tikba yoke, mihma yvmmak o nana moma kv̄t a takala he atok v̄t ont ai yvmohmit isht ai it im vlhpesa hoke.



18. Yohmi ka yummak osh chvch haknip a i noshkobo yoke: yummvt nana moma ka ai in tikbvt holitopa cha, ai isht ia vmmona illi tuk osh falamvt tani vhleha ha im Ut-tahpi yoke.

19. Iki vt vlhpesa ahni kvv, yummak ash o nan isht ai vlhtaha yvt afoyuka he, ahni tok:

20. Yohmi kvv ititaiyukhvna issish a hlatapa tok pulla ho it i nanaiyvichi ikbi cha, yummak pulla ho nana moma ka isht il ai i kanvcha hi vt ahni tok; yummak pulla ho nana yakni ai asha yokma, nana vba yakni aiasha yokma, nana kvv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlit hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yvmma hvsh haiyaklo ma, yummak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vtta toba li tuk osh;

24. Himak a hvchishno pulla kak o, nan isht a palvmmi puta kvv sai yukpa hoke; micha Klaist ai ilbvsha tok a sa haknip isht svlvvsha kvv ik ono kisha ka, haknip yummvt chvch pulla kak oka, isht alotolit isht mahaya li hoke.

25. Hvchishno pulla ho Chihowa hvv nana ai ahnit vm apesa kvv, Chihowa im anumpa mominchit isht anumpuli la he ak o vbanumpa isht vtta si atokli tok.

26. Anumpa yummvt nitak bilia kash, micha hatak chashpo a sha ka in luma hatok kia, himak ano vbanumpa yimmi puta ka im otvni yak oke.

27. Yummak ash o Chihowa hvv anumpa luma hatok ilvppak ash isht a holitopa chinto kvv Chentail ai itintakla otvni kvv kaniohmi ka im otvnincha he ai ahni tok; yummvt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biekvt, hatak moma kv̄t ahah! ahna hi a il im ahanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ahlichit e hilecha chi hatuk.

29. Yvmmak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

## CHAPTER II.

Ai vlhpiesa banot hv̄ch a ai asha he i miha, 1 : 8 hatak nan im anukfila, micha nana kv̄t Klaist a isht a hv̄ch a filvmmicha hi okvno hv̄sh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht sv̄lvvsha fehna ka hv̄sh ithaiyana hi a hv̄chim ahni lishke :

2. Yvmohmi ho chukvsh vt it i hullot itvshekonompa hosh chukvsh vt hopohghlashke : yvmohmi hosh ai yimmi ahli isht ai yukpa chinto ka ai ahlit ithana he, yohmi hosh Chihowa yvmmvt Iki, micha Klaist isht anumpa luma hatok ma otv̄nihincha he ak atok ;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hv̄chi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hv̄ch ibafoyukvt ai vlhpiesa hv̄sh yvmohmi, micha Klaist a i yimmi ka a kv̄llot hv̄sh hielī ka hv̄chi pihisa li kv̄t sai yukpa hoke.

6. Yvmohmi ka Klaist Chisvs Chitokaka ya hv̄sh i yimmi hatuk okvt, yvmohmit hv̄sh iba nohowashke :

7. Micha hakshish atobvt kv̄llot ontalaivt a hv̄chim ai vl̄v̄chi tok mak o, ai yimmika a kv̄llot im ai vl̄htaha fehvt, yak oke hv̄sh ai ahnashke.

8. Ahah! hv̄sh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okpvnichí ná.

9. Klaist ak osh Chihowa yvt akaniohmi ka isht alotowa kv̄t:

10. Hochitoka, micha nan vlhtoka puta i noshkoboka yvm̄mak o isht hvchim ai vlhtaha hoke:

11. Yvm̄mak pulla hō hvchishno ak kia ibbak o hakshup isht t̄pa keyu hō hakshup isht hvchin t̄pa tok: yvmohmi hosh Klaist hakshup t̄pa pulla hō hakn̄ip nan isht ashvchi yash naksika hvsh bohli tuk oke:

12. Na baptismo hō hvsh iba hollopi tuk, Chihowa yvt toksvlit yvm̄m̄t illi tuk a falaminchit tanichi tok ak o, hvchi yimmi hosh yvm̄mak ash awant hvsh tani hoke.

13. Yohmi kv̄t hvchishno vt nana hvsh ai ashvchi isht illi, micha hvchi hakn̄ip hakshup ik tapo atuk a nana hvsh ai ashvchi puta ka hvch̄i kashofi cha, yvm̄mak ash iba taklvchit hvchi okchalinchi tuk oke:

14. Nan isht vlhpisa ibbak isht holisso a kashofi tok, yvm̄m̄t p̄i sanali, micha pim ai vlhpiesa keyu hosh pi ai ititakla hikia tok a ishit kanchit, im ititaiyukhvna ya ahonv̄hlichí tok oke:

15. Yv̄mma pulla hō hochitoka, micha isht im ai ahli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hv̄llo puta ak okmá, nana kia nan isht apesvt ik hvchi onochó kashke.

17. Yvm̄m̄t nana kv̄t vla he isht vlhpisa yoke: amba hakn̄ip okvto Klaist ak oke.

18. Hatak nana kia ilap ahnit il akanlosechit, enchil vhleha h̄a aiokpvchit nana pisa chatuk keyu kv̄t, afv̄nalit hakn̄ip im anukfila isht ilefeh̄vchi, yvmohmit noshkoboka ya halv̄lli keyu kv̄t, na hvsh asitv̄ba he tuk a, ik hvchim esho kashke.

19. Yvm̄mak o hakn̄ip moma itachakli, micha hakshish

aiena kv̄t isht ai iti talakchit isht hlampkot, Chihowa hv̄t ahni h̄ō tobtv̄t ia hoke.

20. Yohmi ka yakni ai ithvna isht ia vmmona ai ī filvmit, Klaist ā hvsh ibai illi tok okmvt, nanta katihmi h̄ō yakni hvsh ibafoyuka chohmit, nan isht v̄lhpisa hatak vt apestv̄t ithvnanchi ka hvsh ī nutaka ch̄ō?

21, 22. Ilvppa chohmi ka, Ish potoli ná; v̄pvt ish pisa ná; ish v̄vshohli ná, moma kv̄t ieshi kv̄t okpula he bieka hoka.

23. Nana yvmma puta hokvt hopoyuksa ahoba ho mvhli, ilap ahnit v̄ba aiokp̄v̄chit il akanlosechit hahnip ā ilbvshali; yohmi kia holitoblichy keyu, peh haknip ak ō im achukmali hoke.

### CHAPTER III.

Pim anukfila nan isht hih il ahni ā kanima yō il a bohla hi ā pim anoli, 1; 5 na liteha isht im anukfila puta ka illichy he v̄lhpesa ka ī miha; 9 nan āhli anumpuli; 12 ī kanvt nan itī nanaiyachi; 14 v̄ba isht taloh̄vt isht ī shahlit hvsh iti hlampkochashke; 18 hatak im ohoyo; 10 hatak ohoyo im āsha; 20 v̄lla, 21 īki 22, yuka aiena kv̄t nan a kaniohma hi v̄lhpesa ka isht anumpuli.

1. **YOHMI** ka Klaist ā hvsh iba tani tuk okmvt, Klaist vt a binili v̄ba Chihowa ibbak isht impakimma nana ai asha kak ō hvsh hohoyashke.

2. Hvchim anukfila h̄ā nana kv̄t v̄ba ai asha kak ō hvsh onochi cha, nana kv̄t yakni paknaka ai asha kak ō keyu kashke,

3. Hvch illi; yohmi hosh hvchi okchaya yvt Klaist ā iba lumvt Chihowa yā ibafoyuka hoke.

4. Klaist yvmmvt il ai okchaya yosh haiaka, yohmikma hvchishno ak kia a holitopa hosh yvmmak ash awant hvsh haiaka hi oke.

5. Yvmohmi ka hvchim ī nana kv̄t yakni ai asha ka hvsh illihinchí; havi toba, chukvsh liteha, anushkunna atampa, haknip nan ahni okpulo, nana ahayuchi bv̄nna atampa, yvmmvt na holvtv̄t toba aiokp̄v̄chi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke :

7. Yvmma chohmi ka hvchishno ak kia chashpo ma hvsh ibafoyuka kv̄t hvsh ai itvnowa tok.

8. Yohmi tuk kia himak okvno hvchishmo vt nokowa, nukhobela, i nukkilli, ik ahobalot anumpuli, anumpa isht hofahya, hvch itih ha akocha ilvppa moma kak kia hvsh kanchashke.

9. Hvsh it i holabi ná, hatak sipokni ya shufit nana a kaniohmi chatuk puta ka hvsh kanchi cha ;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok a hoyulba hosh himonvt toba tok :

11. Yvmmak oka Klik, micha Chu yo keyu, hakshup t̄vpa, micha hakshup ik tapo yo keyu, Bvlbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela svlahvt nuktaiyala aiena kak o hvsh foyukashke.

13. Hatak kvna kia isht itachowa im ashakmvt, itin lumvt hvsh it i kashofashke ; Klaist vt hvchi kashofi tok oka, yvmmak inli ho chohmit hvsh yvmohmashke.

14. Michā ilvppa moma paknakachi kv̄t nan isht i hullo, yvmmak osh ai vlhtaha ai ahli ka isht iti talakchi yoka, isht hvsh foyukashke.

15. Michā it i nanaiyvchi Chihowa a minti vt hvchi chukvsh a foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke : micha yak oke, hvsh ahnashke.

16. Klaist im anumpa hv̄t a chitot hvchi foyuka na isht a hvchi hopoyuksashke ; vba isht taloa, micha shilombish imma isht taloa aiena ka isht it im av̄chit, isht it i nukfohkit, nana aiokpahancha he hvchi chukvsh a foyukvt Chitokaka ya hvsh in talohoashke.

17. Micha anumpa hokmá, na kaniohmi hokmá, nana hoh kia hvsh yvmohmikmvt, Chitokaka Chisvs hochihifot yvm-mak atuk mak o Iki Chihowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Vlla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ahli yoka.

21. Iki vhleha ma! hvchim vlla vhleha ha hvsh nokovvchi ná; yohmikma im ai ahli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ha nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chihowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmvt, chukvsh ai ahlit Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlhpesa isht hvchim vltoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmvt, nan ik vlhpeso yohmi tuk ak osh isht im vlhpisa hi oke: iti shah-sholichit kvna kia im anukfilli kvv iksho hoka.

#### CHAPTA IV.

Nan i shahli vt nana a kaniohma he vlhpesa ka achi, 1. 2 Vba a sihila bilia he im achi; 5 chvch ik ibafoko itanowa ka nan vlhpesa biekvt im itvnohova he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau ai aiena ka hvsh

imashke; micha hvchishno ak kia hvchi shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahānashke.

3. Yohmi mak inlit Klaist im anumpa luma yatok, micha yvmma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlhpesa hatuk vt, otvninchi lashke.

5. Kocha ai asha ka i hopoyuksvt itvnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yvmmashke; yohmi hosh kaniohmit hatak puta anumpa falama ka hvsh ima he vlhpesa kvv hvsh ithaiyana hoke.

7. Nana vma kaniohmi ka Tikikvs, ilvppvt itibapishili holitopa, micha vbanumpa isht vta ai ahlit, micha tishu sa bika Chitokaka ibafoyuka yak osh hvchim anola chi hoke.

8. Yvmmvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesivs itibapishi li ai ahli holitopa, yvmmvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvt pit hvchi aiokpvchishke; yvmmak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Micha Chisvs, yvmmvt Chvstvs hohchifo hvt pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apehlichika a svba toksahanli yosh nan isht sa hopohlva yatuk oke.

12. Epafas, yvmmvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahlit hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv̄t pit hvchi aiokpvchishke.

15. Itibapishi v̄hleha hv̄t Laotisea aiasha, micha Nimfas, micha in chuka chvfa chvch ai asha aiena ka pit hvsh aiokpvchashke.

16. Michā holisso ilvppa hvsh it im anumpulikmvt, anonti Laotisea chvch ak kia ai it anumpa hi a hvsh apesashke: mikmvt holisso Laotisea a minti ak kia hvsh it im anumpulashke.

17. Michā Achippvs a Chitokaka yak o v̄banumpa isht ai vtta ish im ai eshi tuk vt ahah! ahnit ish ai ahlichashke, hvsh im achashke.

18. Ūno svbbak ak inli hō Pal sia hv̄t pit isht hvchi aiokpvchi lishke. Sa talakchi ka hvsh ithaiyanashke. Isht i kana yvt hvch anukfoyukashke. Amen.



HOLISSO UMMONA PAL VT

CHŪCH HLESSALONIKA

A HIKIA HO I HOLISSOCHI TOK.

CHAPTA I.

Chvch Hlessalonika a hikia ka ithanvt vba isht anumpohonlit yak oke im ai ahni, 1; 5 mihmvt Chihowa anukfoyuka ahli ahnit i yimmi kv̄t isht anumpuli.

1. PAL, micha Silfanvs, micha Timohlivs aiena kv̄t Hlessalonian chvch Iki Chihowa, micha Chitokaka Chisvs Klaist ibafoyuka ya pit hv̄chi aiokpv̄chi kv̄t, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv̄t hv̄chi anukfoyukashke hv̄chim ahnishke.

2. Anumpa ilbv̄sha il anumpulikmvt, e hv̄chi anohonlit, Chihowa ya yak oke hv̄sh moma ka isht e hv̄chim ahani hoke;

3. Pin Chitokaka Chisvs Klaist ibafoyukvt na hv̄chi yimmi kv̄t na hv̄sh yvmihchi, micha na hv̄sh i hullo aiena kv̄t na hv̄sh toksahanli, micha ai okchaya pisa he ahnit nuktaiyalvt hv̄sh achunanachi aiena ka Chihowa Piki itikba ya ithaiyanvt e bilia hoke:

4. Michā itibapishi li v̄hleha ma! Chihowa i holitopvt im ai vlhtoka hv̄chia ka il ithaiyana kak oke.

5. Pim v̄banumpa hv̄t anumpa illa hosh hv̄chim aya tok keyu, amba nan isht ai ahli, micha Shilombish Holitopa ai

itibafoyuka aiena na na hvchi yimmi fehna tok; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukprt vbanumpa ha hvsh aiokpvchi cha, pishno, micha Chitokaka ya im antia hvsh toba tuk oke:

7. Yvmohmi hokvt na yimmi moma Masetonia, micha Akaia aiena ai asha kv̄t im ai ithv̄nvt iakaiya hi o hvchia hoke.

8. Hvchishno ak o mvhli h̄o Chitokaka im anumpa anoa kv̄t Masetonia, micha Akaia ak bano keyu, amba kani-ma moma kak kia, Chihowa hvsh i yimmi kv̄t annovshke; yohmi ka pishno vt nana il acha he v̄lhpesa keyu hoke.

9. Michā yv̄mma chohmi puta kak osh pi anoli kv̄t, kaniohmit e hvch iba chukowa tok; micha kaniohmit Chihowa ahli okchaya ya hvsh im antia ch̄i hosh, na holba ya i filv̄mmit Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani-chi tok a, mihi yosh v̄ba yakni minta ch̄i ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

## CHAPTA II.

vbanumpa hv̄t kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1; 18 pisa ka b̄v̄nna fehna, yohmi kia nana hosh kaniohmi kak o ik im ono kv̄t anoli.

1. **ITIBAPISHI** li v̄hleha ma! hvchishno ak kia kaniohmit e hvch iba chukowa ma, yv̄m̄m̄vt pilla tok keyu ka, hvsh ithaiyana hoka:

2. Yohmi ka tikba ka pilbvsha, micha Filippi okla hv̄t pi hofahyali aiena tok a hvsh ithaiyanv̄shke; yohmi ha ya pin Chihowa pulla h̄o a nukwaya keyut, achunanchit a lushummit vbanumpa ha isht e hvchim anumpohonli tok.

3. Vbanumpa isht e hvchim anumpohonli kv̄t, anumpa yoshubli, micha chukv̄sh litehli, micha i kostinit haksichi atok keyu hoka;

4. Amba Chihowa ak osh v<sub>l</sub>hpesa ahnit v<sub>b</sub>anumpa h<sub>a</sub> pibbak fohki tok oka, yvmohmit il anumpuli hoke: hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehv<sub>v</sub>chit il anumpuli tuk keyu, nan isht ahayuchi b<sub>v</sub>na hosh, nan il ilahobi ha tuk keyu ka hvsh ithana hoke: Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hv<sub>t</sub> hvch<sub>i</sub> wekit na hvch im a hoyocha he v<sub>l</sub>hpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chatuk a e chohmi tuk oke:

8. Yvmohmi hosh hiahnit e hvch<sub>i</sub> palata fehna hokvt, v<sub>l</sub>hpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh p<sub>i</sub> holitopa fehna hoka.

9. Itibapishi li v<sub>l</sub>leha ma! toksahanlit hoyvblit pilbvsha tok a hvsh ithana hoke; achvfona kia e hvch<sub>i</sub> weka ch<sub>i</sub> keyu kv<sub>t</sub>, ninak, micha nitak, aiena ka toksahanlit Chihowa im anumpa h<sub>a</sub> isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashovt ai v<sub>l</sub>hpiesa, micha anumpa onvtula he iksho h<sub>o</sub> na yimmi v<sub>l</sub>leha hvchia h<sub>a</sub> hvchi takla il ashwa tok a atokolit pi anoli hvchia hoke.

11. Atohnochit, micha hopohlvlit i<sub>k</sub>i yosh im vlla im anumpuli ak inli h<sub>o</sub> e chohmi tuk a hvsh ithaiyana,

12. Yohmi hokvt v<sub>b</sub>a apehlichika holitopa y<sub>a</sub> hvsh esha ch<sub>i</sub> ka, Chihowa, yvmmak osh hvchi hoyo tuk a, hvsh im ai ahla he ak atuk.

13. Chihowa im anumpa h<sub>a</sub> hvsh p<sub>i</sub> haponaklo mvt, im anumpa nana h<sub>o</sub> chohmichit hvsh ishi keyu kv<sub>t</sub>, amba ai ahli hoka, Chihowa im anumpa hoke, yvmmt na yimmi hvchia puta ka ai ahli hvchi atahli tuk ilvppa pulla aiena kak o Chihowa y<sub>a</sub> yak oke il im ahni kv<sub>t</sub>, il issa keyu hoke.

14. Itibapishi li v<sub>l</sub>leha ma! hvchishno vt Chihowa in hvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hvv yvmihchi tok a, hvchim okla hvv chohmichit hvch ilbvshali tok oka:

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yo yukpali keyu mvt, hatak moma ka im inla hoke:

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvv ont im ai okluha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichit pi ai ishi tuk, chukvsh ak okvno keyu, yvmohmi ho isht i shahli fehvvt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hvv vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak o il isha he il ahni ho? nanta hak o isht pi aiyukpa yo? nanta kak osh pim iachuka isht pi aiyukpa yo? Pin Chitokaka Chisvs Klaist vt vlakma itikba ya hvchishno yak a he keyu?

20. Hvchishno ak o isht pi a holitopa, micha isht pi aiyukpa yoka.

### CHAPTA III.

Timohli a pit i pila kvv Tlessalonian a i hullo; micha nan ai vhlpiesa ho okla yvmohmi ka isht yukpa kvv, otvvinchi hatok, 1; 10 vba isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit taha mvt, Ahlens a pishno bano hosh il ashwa he vlvpesa il ahni tok.

2. Micha Timohlivs, pitibapishi, Chihowa nan isht im vta, Klaist im vbanumpa a piba toksvli, vt hvchi ai yimmi ka ya a hvchi hlampkohonchit hvchi hopohlvla chi ho, e pila tuk oke:

3. Yohmi na hatak kvna kia nan ai ilbvsha yakohmi ka isht ik a shanaiowo kashke; hvchishno ak kia yakohma hi vt isht pim vlhpisa tok a hvsh ithanvshke.

4. Hvchi takla il ashwa mvhli mvt, nan isht-ilbvsha ya e pisa hi vt tikbanli hvchim anoli tok fehna kvnt ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpvlichi vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh iti hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kvnt itibapishi li vhleha ma! a pilbvsha putvt nana kvnt pim atukonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi aiyukpa kvnt, yak oke ahni katiohmi ho hvchishno pulla kak o anonti Chihowa ya il ima hinla?

10. Ninak, micha nitak moma anumpa ilbvsha achunan-chit il asihhla kvnt, yvmvnt hvchi nashuka ya e pisa cha, na hvchi yimmika yvt nan ik ai ono ketuk a il ai ahlicha he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.

12. Micha Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke:

13. Yvmohmi ho pin Chitokaka Chisvs Klaist vt vbanumpa yimmi puta pehlichit vlakma, nan ashvchi ikshot,

anumpa hvchi onvtula keyut, Chihowa, Piki mak o itikba ya hvsh hiela hi o, mihi yosh hvchi chukvsh a hlampkohonchashke.

#### CHAPTA IV.

Chihowa anukfoyuka kv̄t i shahlit mahaya hi a atohnohonchi, 1; 9 iti hullo, 11 nuktanlv̄t ilap nan isht ai vtta he tok akbano ho ahni; 14 illit falamvt tani, mikmvt anonti Klaist vt minta hi a isht anum-puli.

1. YUMOHMI ka anonti itibapishi li v̄hleha ma! Chitokaka Chisvs puyulla ho-isht e hvchim anumpohonli kv̄t, yvmmv̄t kaniohmit ayvt Chihowa ya hvsh yukpala hi osh hvsh pi a haponaklo tok vt, yvmohmit chitot isht i shahli fehnvt hvsh mahaya he ak o e hvchim asilhhvshke.

2. Chitokaka Chisvs pulla ho anumpa vlhpisa nana ho e hvch ima tok a hvsh ithaiyana hokvt.

3. Nan ashvchi ik hvchim iksho ilvppak osh Chihowa im anukfila hoka, yvmmv̄t na haui hvchik ahalaio ka he;

4. Micha hvsh moyuma kv̄t nan ashvchi iksho, micha hoolitobli hosh, kaniohmit im ai vlhto ya iesha he vt ithana hi ak oke.

5. Haknip nan ai ahni isht haui toba keyu hosh, Chentail vt Chihowa ik ithano ka ik chohmo kashke:

6. Hatak nana kia atablit itibapishi ha nana hoh kia ik haksecho kashke; Chitokaka yvt yvmma chohmi ka im apesvt na hotopa onocha he oka, yvmma chashpo ma ahah! hvsh im ahna he, atokolit e hvchim anoli tok.

7. Chihowa yvt a liteha yo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kvna kia shitilemakmvt, hatak o shitilema keyu, amba Chihowa yvmmv̄t ilap Shilombish Holitopa ya pima tok ak oke.

9. Amba itibapishi it i hulla he imma hokvno isht hvchi holissochi la hi a hvsh ahna he keyu: hvchishno ak inli hosh it i hulla hi okvto Chihowa yak o hvsh im ai ithvna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mvhli hoke: yohmi kia il itibapishi v̄hle-

ha ma! isht i shahlit hvsh mahaya hi ak o e hvchim asilhvshke.

11. Micha na fehna ahnit nuktaiyalvt, nana ilap isht ai vtta he bieka ho yvmihchi, micha ilap ibbak ak inli ho isht toksahanla hi ilvppak o e hvchim apesa tok ak oke:

12. Yvmohmi hosh kocha asha ka ai vhlpiesa ho hvsh i yvmohmi cha, nana kia ik hvch im ono kvv iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmmvvt Chisvs vt vlakma, pishno vt pi okchayvt il asha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mntit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il asha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il asha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

## CHAPTER V.

Nan vhlpiesa chinto nitak a kanihmit Klaist vt vla he anoli, 1; 12 nan im avvchi, micha nana ka achukma he bano ho ahnit, apesahanchi puta ka holitobla he i miha; mihmvvt nan inla isht ai im anukfila he vhlpiesa ka aieninchit achi.

1. **YOHMI** kia itibapishi li vhleha ma! himak a pilla nitak nan a kanihma he puta imma hokvno isht hvchi holisochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chi ik ahno takla ho na palvmmi kvv onvtula kvv, ohoyo vlla esha chi kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vlhtobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatuk vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,



hatak puta ka chukvsh isht hvsh i nuktaiyala he ak o e hvchi nukfohkishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish a hvsh mosholichi na.

20. Shilombish anukfoyykvv anumpuli ka hvsh shitilema na.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvv a mihinti Chihowa ak inli hosh ai oklvhvchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vt ai vla hi a hvch isht onakbano ai ahni lishke.

24. Nana miha kvv ai alilichi yosh hvchi hoyo kvv, yvm-mvt yvmihcha chi ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvv hvchi anukfoyykashke. Amen.

HOLISSO ATUKLA PAL VT

## CHUCH HLESSALONIKA

A HIKIA HQ I HOLISSOCHI TOK.

### CHAPTA I.

Hlessalonian okla hvt vbanumpa anukfohka ai ahli ahnit, yimmit miha, 1; 7 nan i pvlammit maya ka vba afoha he isht hopohlanli; mihmvt nana kv̄t isht ai vhlpiesa h̄o nan vhlpisa pvlammi kv̄t i nukilli vhleha h̄a onvtuyula he isht miha.

1. PAL, miha Silfanvs, miha Timohlivs pia hvt Chvch Hlessalonia a hikia P̄iki Chihowa, miha Chitokaka Chisvs Klaist ibafoyuka ka pit il aiokpv̄chi kv̄t,

2. P̄iki Chihowa, miha Chitokaka Chisvs Klaist ita tuklo nan isht i kana, miha isht it i nanaiya ita tuklo kv̄t hv̄chi anukfoyukashke, e hv̄ch im ahnishke.

3. Hv̄chi ai yimmi ka yvt chitot isht i shahli fehna, miha hv̄sh moma kv̄t hv̄sh it i hullo kv̄t laua fehna hoka, itibapishi li vhleha ma! isht ai vhlpiesa h̄o hv̄chishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbv̄sha, miha na palv̄m̄mi puta aiena kv̄t hv̄chi onvtuyula kv̄t, hv̄chi nuktaiyalvt, na hv̄chi yimmi kak o, Chihowa in chvch puta ka a hv̄chi anolit isht e hv̄ch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otvni, yohmi h̄o Chihowa im apehlich̄i ka ya hv̄sh isha he vhlpiesa ka hv̄chi ahna hi atok, yvmmak a he mak o hv̄ch ilbaiyv̄sha hoka.

6. Chihowa hvt hvch ilbvshali ya i falaminchit na palvmmi ho onocha hi vt vlhpesa ;

7. Micha hvchishno vt hvch ilbvsha kvv, hvsh pibafoha hi a hvchim ahna hi vt vlhpesa hoka, nitak yvmma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekvv haiakvv, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlhpesa mak o im apesvt onochikma ;

9. Yvmmak okvv Chitokaka, micha nan isht im ai ahli holitopa itikba ai i filvmmi na palvmmi a bilia isht im vltobvt ilbvsha he ;

10. Yvmmak okvv vla cha, vbanumpa yimmi puta ka isht a holitopa he, mikma i yimmi puta kvv okokko ! ahnit aiokpachana he nitak yvmmak ok mak o yakohma he, atokolit il anoli tok a hvchi yimmi tok oka.

11. Yvmohmi hoka anumpa ilbvsha isht e hvchim anumpononli na bilia kvv, pin Chihowa yvt nan isht ilaiyukpa ilvppak ash hvsh isha hi a vlhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ahli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla ho yvmmak ash hvchi a holitopashke.

CHAPTA II.

Nan ai ahli ya a kvvlot iesha hi a i miha ; nan ai ahli laua kvv ai i filvmma he, mikma Klaist i sanali vt Chitokaka yvt ik lo kisha ka, otaiyana hi a anoli;15 vba isht anumpononli.

1. YOHMI ka itibapishi li vhleha ma ! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chohmit, hvchim anukfila hv ik shanaïowot ik hvchi komunto kashke.

3. Hatak nana kia kanïohmit ik hvchi haksecho kashke : vbanumpa ha i filvmmït ik ashokisha, micha nan okpni ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahlichï yoke : yohmi hosh yvmmvt Chihowa chohmit, Chihowa in tempel a binilit, Chihowa ile mïhvt ile haiakvchi hoke.

5. Hvchi takla anta li moma mvvt, ilvppa puta ka hvchim anoli li tok a hvch ik ithaiyano ho ?

6. Yohmi ka himak ano nitak vt im vlvpiesakmvvt otvna hi a, nana hosh halvli ka, hvsh ithaiyanvshke.

7. Na luma chito ik vlvpeso yvt tovt isht ia mashko hoke : himak a halvli kv halahanla chï ; atuk o yvmmak ash o ishit i kanvlichik mak a hi oke.

8. Mikma yohmikmak o nan ashvchi yvmmak ash ot otvna hi oke ; yvmmak oka Chitokaka yvt itih ilhïopak isht illichia he, micha sholvpakali hosh ant haiakakmvvt, yvmmak ash o akshocha hi oke.

9, 10. Yvmmak okvt Setan nan akanïohmi yo iakaiya kv, nan isht im ai ahli, nan isht atokowa puta, micha na holabi isht nukhlakancha, mikmvvt nan ik vlvpeso isht yoshubli aiena ho il ai ishit illi na bilia he puta ai itin takla ya avvt otaiyani yvmmak a he oke ; okchaya hi atuk kia vbanumpa ahlika ya holioblit ik yimmo tok okvt.

11. Mikma yakohmi kak o Chihowa yvt nan isht a yoshuba kvlllo kv ik onvtula im ahni na na-holabi kia i yimma he :

12. Yvmohmi pulla hosh anumpa ahli ik yimmo hosh, amba nan ik vlvpeso aiokpanchi tuk vt momvt nan im vlvpisvt na hotopa hi atok.

13. Yohmi kia itïbapishi li Chitokaka i holiropa hvchia ma ! hvchishno pulla kak o Chihowa ya yak oke il im aiahnit bilia he vlvpesa hoke. Shilombish isht a kashofa, micha anumpa ahli yimmi pulla hosh hvchi okchaya he ai vmona ka hvchi atokoli tok oke :

14. Yvmmak a hi o pin Chitokaka Chisvs Klaist isht a holitopa ya hvsh isha hi a, yvmmak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlhpisa puta vbanumpa toshowa hokma, keyukmvt pi holisso hokma, nana ho hvsh ai ithvna tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmmvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvli achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1; 6 nan ai vlhpiesa ik shana-iowo ka he i miha; nan in takobi, micha nan ik vlhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbvsha isht hvsh pi anumpohonli na Chitokaka im anumpa yvt mvlihinlit ayvt, holitopa kvv, hvchim ai yvmohmi kak inli ho chohmashke:

2. Yohmi ho hatak ik vlhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ahlich, yvmmak osh hvchi hlampkochi cha, nan okpulo ya hvchi a filvmmichit hvch iesha hi oke.

4. Mich a hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihincha chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalt hvsh achunanchashke.

6. Yohmi ka itibapishi li vhleha ma! pin Chitokaka Chisvs Klaist a hochihifot isht e hvchim apesa kv̄t, itibapishi kv̄na hosh ai vlhpesa keyu hō aya, micha anumpa vlhpisa pim ai ishi tok ak keyu hokvno, hvsh i filvmmashke.

7. Hvchishno ak inli kia kaniohmit hvsh pi ahobacha he vlhpesa kv̄t hvsh ithanvshke: hvchi takla il ashwa mvt, ai vlhpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba ninak, micha nitak moma ka toksv̄lit, hoyubl̄it pi palvmmi tok, yvmmvt hvsh kanima kia nana kv̄t ik hvchi kv̄nio ka chi kak atok.

9. Yohmi kv̄t e yvmohma he vlhpesa keyu nana tok keyu: amba hvsh piakaiya hi o e hvchim ile haiakv̄chi hatuk oke.

10. Hvchi takla il ashwa mvt kv̄na kia toksv̄la he keyukmvt impa he vlhpesa keyu, ilvppak oka e hvchim apesa tok.

11. Kanimi kv̄t hvchi takla ai vlhpesa keyut aya mvt, toksv̄la he keyu kv̄mohmit, nan isht ahalaia keyu kia isht vtvtv̄t fullokahanchi ka e haklo hoka.

12. Yvmma chohmi puta kv̄t nuktanlv̄t ahanlv̄t, toksv̄lit, ilap i pvska vpa he ak o im apesvt, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kv̄t ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo ki hafahyashke.

15. Yohmi kia hvchin tv̄nvp o ahnit hvchik anukfillo hosh, amba itibapishi hā chohmichit nana hvsh i mihashke.

16. Chitokaka it i nanaiyv̄chi ilap ak osh ik kaniohmi kia isht it i nanaiya ya hvch ima na biliashke. Chitokaka yvt hvsh moma ka hvch ibafoyukashke.

17. Pal sia hv̄t sv̄bbak fehna hō isht hvchi aiokpv̄chi li ka, yvmmvt a holisso puta ka isht ithv̄na mak oke: yakohmi hō holissochi lishke.

18. Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpvchi, mihmvt nana ka isht atokoli tok vt isht i mihaha, 1; 5 nana ho isht ai vhpiesa hosh nan vhpiesa yatuk a anoli; 11 lap vbanumpa nukfoka tok vt anoli.

1. PI Okchalinchī Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpvchi hoke; Isht i kana, isht i nukhaklo, micha isht it i nanaiya aiena kv̄t Piki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Miknvt anumpa ik ahobo, micha in tikba ai unchululit isht auehinchī isht annoa ataha iksho, yvmmak okvt Chihowa holitobli nan isht ai yimmi i shahlichit nukfokkicha he keyu hosh, iti posilhhvchit ai asha hi a anukfokkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vhpiesa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak o, hoyo hoke:

6. Kanimi kv̄t ilv̄ppa puta kak ō ī filv̄mmit, naksika ia cha, anumpa nan ik ahobo anumpuli hoh mak osh ;

7. Ilap okv̄t nana hō okla miha, miha nana hō kv̄llochit miha aiena kv̄t akostinichi keyu kia, v̄ba nan v̄lhpisa ithv̄nanchi ō toba. b̄v̄nna chatuk oke.

8. Yohmi ka hatak okv̄t ai v̄lhpiesv̄chi hosh isht vt̄ta hokma, v̄ba nan v̄lhpisa yv̄t achukma hoka il ithanv̄shke.

9. Ūba nan v̄lhpisa yv̄t hatak v̄lhpesa yak ō in toba tok keyu, amba v̄ba nan v̄lhpisa ik ahninchot ik im antio, Chihowa ik holitoblo, nan ashv̄chi, Chihowa ik im antio, v̄banumpa ik ahobalo, īki puta v̄bi v̄hleha, ishki puta v̄bi v̄hleha, hatak b̄ika v̄bi v̄hleha.

10, 11. Haui puta, kv̄na hosh ilap inli kv̄t nakni b̄ika isht ile litehli v̄hleha, hatak b̄ika hukopa v̄hleha, holabi v̄hleha, anumpa kv̄llo il onochit ik āhlo v̄hleha, mikm̄vt ilap inli isht ilaiyukpa Chihowa im anumpa holitopa, isht v̄m atokowa tok, nan ai āhli yv̄mma ī sanali kia yv̄mohmi v̄hleha aiena kak atok, ilv̄ppa il ithaiyanv̄shke.

12, 13. Yohmi ka tikba ma v̄banumpa ik ahobalo, miha na yimmi v̄hleha ī palv̄mmihinchi, miha chukv̄sh hotopahanli sia yatuk kia, ai āhli la he v̄m ahnit, pin Chitokaka Chisv̄s Klaist mihi yosh sa hlampkohonchi cha, v̄banumpa isht im vt̄ta yō sa hilechi tok ; yohmi ka nan ik yimmot nan ak ithano hatuk osh, nana ka yv̄mihchi li tuk osh nan isht ī nukh̄aklo ā ahayuchi li tuk vt̄, yak oke im ahni lishke.

14. Yohmi ka pin Chitokaka nan isht ī kana yv̄t lāwa fehna hatuk ō, Klaist Chisv̄s ai ibafoyuka hosh na sai yimmi cha, nan isht ī hullo li tok oke.

15. Nan ashv̄chi v̄hleha yv̄mma v̄no ak osh moma ī shahli li yatuk ā, okchalincha ch̄i hosh Klaist Chisv̄s vt̄ yakni pakna v̄la tok, anumpa ilv̄ppvt̄ ai āhli fehna ka v̄lhpesa ahnit, aiokpancha he v̄lhpiesa hoke.

16. Yohmi ka nan ashv̄chi moma ī shahli v̄no yak atak osh nan isht ī nukh̄aklo yā ahayuchi li tok, ilv̄ppak ō himak ā pilla ai asha kv̄t yv̄mma ī yimmi cha, ai okchayv̄t bilia isha ch̄i ka, Chisv̄s Klaist vt̄ v̄no ak ō nan isht ahobv̄cha he ak osh ilap nan isht ī sv̄lahvt̄ ī nukh̄aklo yā otv̄nihincha ch̄i ha tok.



17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak bano kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otvnihinchi yvm̄mak atuk pulla mak o, tv̄shka ahli achukma hosh ish tanahampa chi ka, sv̄so Timohli ya nan isht ish ahanta he ilv̄ppa chi atokoli lishke :

19. Ilv̄ppak ash im ai ahli achukma kv̄t isht il akostininchi achukma ka ish ieshashke : yakohmit isht il ithaiyana he tuk ash osh kanimi kv̄t kanchi kv̄to, nan ai yimmi ka yash o it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk ; yvm̄mvt v̄banumpa ik ahobalot nan ik mihacho ka chi ka yvm̄mak o ithv̄na chi ka, Setan a im issa li tok oke.

CHAPTA II.

Hatak moma ka v̄ba isht anumpohonla he, mihm̄vt nana kv̄t kaniohmi kak o yakohma hi a anoli, 1 ; 9 kaniohmit ohoyo hvt shema he : 12 ohoyo hvt v̄ba anumpa isht anumpula he keyu, yohmi kia na yimmi ahli hokm̄vt, okchaya he.

1, 2. YOHMI hoka nana ish a yvm̄ohma he v̄mmona kv̄t, Chihowa hvt hatak puta ka i nukhaklo ka yak oke pit im ai ahnit, anumpa ilbv̄sha ish anumpuli kv̄t, Chihowa hvt hatak puta i kanvt, miko v̄hleha, micha nan vl̄htoka v̄hleha aiena ka hopoyuksiacha he ak o ish im asihihla he chi atohno lishke ; yohmi kv̄t Chihowa ya e holitobli, micha hatak nana il ai it i kaniohmi puta kv̄t ahli achukma hosh il ahanta hok mak osh pi okchaya takla kv̄t, it i hullot it i kanvt il ahashwa hinla hoke.

3. Ilv̄ppak okvt achukma hoke ; yohmi ka pi Okchalinchit Chihowa hvt pisa kv̄t ahninchit hoke :

4. Yvm̄mak okvt hatak puta kv̄t v̄banumpa ahli yoka nukfoyuka cha, okchaya he ak o im aiahni hoke :

5. Yohmi ka Chihowa hvt achv̄fa, micha hatak, Chihowa ita tuklo it i nanaiyv̄chi yvt achv̄fa, hatak Klaist Chisvs ak oke.

6. Yvm̄mak okvt moma ka vl̄htoba mak osh ilap inlit il

im issa kv̄t, anumpa aḡhli ilv̄p̄vt ont ai vlhpiesakma anohowa hi a tok oke.

7. Yvm̄mak atuk mak o apostel, micha v̄banumpa isht vtta ita tuklo ka si vlhtoka tok oke ; yohmi kv̄t anumpa aḡhli, micha na yimmi imma aiena ka Chentail okla im av̄vchi sia hosh, holabi keyu hosh Klaist isht anumpa aḡhli mak o anum-puli lishke.

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh v̄ba pit welit, kanima moma ka hatak puta kv̄t anumpa ilbv̄sha ai anum-pohonla hi a im ai ahni lishke.

9. Anonti yvm̄mak ash inli hō chiyuhmit, ohoyo puta kv̄t ilefoka ai v̄lli chito, p̄vl, tv̄li holisso lakna aiena ka isht ik shemo ka he, micha p̄ashi aiena ka yikyuchit ik shemacho ka he ; amba im anukfila puta kv̄t ile oktampilit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht vtta achukma kak o yvmohmashke.

11. Ohoyo hv̄t ai aḡhlit im antivt, lumvt maya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im av̄vchit ahanta he ak im ahnoshke ; amba lumvt ai asha he im ai ahni lishke.

13. Yohmi ka Alvm ak osh If a tikba toba hatok oka.

14. Mihma Setan vt Alvm a haksichi tok keyu, amba ohoyo hak o haksichi na ai ashvchika ya yvmohmi tok.

15. Yohmi kia v̄lla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukv̄sh kashofa hō isht holitoblit, ile oktamp̄li hok mak osh okchaya hi oke.

### CHAPTA III.

Bishop, micha iksa nan isht im vtta, micha im ohoyo aiena kv̄t nana hosh im v̄hltaiyaha he,<sup>1</sup> 15 Chihowa in chvch, micha nan ai aḡhli vt ai vl̄v̄chi ka isht im anumpuli.

1. ANUMPA ilvppvt ai ahlishe, yohmi kv̄t hatak kuna hosh bishop nan ai isht vtta ishi bvn̄nakmvt, nan ai isht vtta achukma hō ishi bvn̄na hoke.

2. Yohmi ka bishop vt anumpa ik achukmo nana kia onvtula he keyu, tekchi achvfa ī hatak, nana ka ahah ! ahni, ile oktamp̄li, nana a kaniohmi mvt achukma, hatak ik ithano moma ka ī kana, nana im abv̄chi kv̄t imponna,

3. Oka homi ishko shahli keyu, na fahama keyu, ai v̄lh-piesa keyu isht a hofahya he nan isht ahayuchi bvn̄na keyu ; amba nuktanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chvfa yā pehlich̄i kv̄t imponna, im v̄lla v̄hleha hv̄t im antia achukma ch̄i ka yopunla keyu hosh im anukfila nuktanla achukma hosh nana im api-hisashke :

5. Yohmi ka hatak in chuka chvfa pehlich̄i ik ithano kv̄t, katiomit Chihowa in chvch ā apesv̄chi imponna hinla hō ?

6. Himona v̄banumpuli toba keyu hashke ; yohmi hatuk mvt ilefehnv̄chi isht a wakayvt hikia hokmvt, nan isht ahullo okpulo nan isht ilbv̄sha im v̄lhpisa tok ā chiyuhmit im v̄lhpisa hinla hoke.

7. Anonti v̄banumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chvch nan isht im vtta yvt yopunla iksho hosh im anukfila nuktanla achukmashke, im anumpa tuklo keyu, oka homi ishko shahli keyu, ai v̄lhpiesa keyu isht a hofahya he nan isht ahayuchi bvn̄na kv̄yu ;

9. Nan ai yimma hi vt v̄banumpa a luma hatok ā im anukfila kashofa achukma hosh isht ieshashke.

10. Yvm̄mak ash ō tikba imomaka pisashke ; yohmi kv̄t anumpa ik achukmo onvtuyula iksho hok mak osh, chvch nan isht im ai vtta yā isht vttashke.

11. Tekchi ak kia yopunla keyu hosh im anukfila nuktanla, hotopali bvn̄nv̄t na-mihachi keyu, nana ka ahah ! ahni, nana moma ka ai ahli banashke.

12. Chvch nan isht im vtta yvt tekchi achvfa ī hatak osh,

im vlla vhleha, micha ilap in chuka chvfa yā ai vlhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ahli yvmmak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwaya iksho hosh anukfoykvt ahantvshke.

14, 15. Chekosikma chim ona la chi, ahni li; yohmi kia anta li hopaki hokma, Chihowa im aboha anukaka, yvmmvt Chihowa okchaya in chvch okvt, vbanumpa ahli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit chi holissochi lishke.

16. Mikma moyuma kv̄t ilvppa ai ahli ai ahnishke; vbanumpa nan otvninchi kv̄t na chinto fehna; yohmi kv̄t Chihowa hv̄t haknip o isht otv̄nit, Shilombish Holitopa ka isht ai ahlit, enchil vhleha ha im a haiakvt, Chentail vhleha ha isht im anuhumpa tok, mihma yakni paknaka ya ai i yihimmi tok o, vba a holitopa ka ik chukowá im ai ahni na pit chukowa tok.

#### CHAPTA IV.

Nan ai yimmika ya i filvmm̄it akakoha hi a tikbanli anoli, 1; 6 nana ka a yvmohma he vlhpiesa ka mominchit yvmihcha hi a anumpa vlhpisa il aiyukali isht i miha.

1. SHILOMBISH Holitopa yvt otvninchi fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antiv̄t, nan isht ahullo okpulo vhleha im̄ma isht vlv̄chi ka yimmit,

2. Nan ilahobi holabi hosh anumpohonli kv̄t, isht il akostininchi mvt tv̄li lv̄shpa isht luv̄t yikotvt kv̄nia hatuk osh;

3. Nan-itauwaya im olvbichi, micha ilhpak kaniohmi ka ik po ka he aiena ka im apihisa he; ilhpak yvmmak oka anumpa ahli ithana, micha i yimmi aiena hokv̄to yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok a achuk-

ma bano, yak oke ai ahnit habena hokvto, ik ahnincho ka hi a nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvmmak ash ot isht a pim vlpiesa hoke.

6. Ilvppak o itibapishi vhleha hv̄t ithaiyana he mak o ish nukfoiyuki hok mv̄t, Chisvs Klaist im anumpa isht v̄tta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoiyuka hoke.

7. Anumpa kv̄llakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht v̄tta isht ai achukma hokvto mishema he keyu hoke : amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvppvt ai ahli fehna ka, vlpesa ahnit, ai okpancha he vlpiesa hoke.

10. Yohmi ka ilvppak osh yohma ch̄i ho, e toksvlit pi hoyvblit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka ; yvmmak osh hatak moma okchalinchi, yvmma i yimmi hok mak heno ahli fehna hosh okchalinchi yoke.

11. Ilvppa puta ka im apesvt ish im abahanchashke.

12. Chi himita kak o isht ik ch̄i yukpo kv̄t kv̄na kia ik anto kashke ; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄vt chiakaiyashke.

13. Holisso it im anumpulit nan atohnochit, vbanumpa im avvchit isht ish ahanta na ona lashke.

14. Na hv̄lbina chimmi ha he nitak hopaki pilla kash anohowa tok o, vbanumpa isht v̄tta vhleha hv̄t ibbak chi onochi na chim ai ahli tok vt, chi anukfoiyuka kv̄t isht chik ahanto ki ná.

15. Ilvppa ish anukfihinli cha, chim anukfila ha a moinchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kv̄t ahah! ish ahnashke: yohmi kv̄t yv̄mma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlv̄t chi haklo aiena ka ish okchalincha hinla hoke.

## CHAPTER V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 ikxa nan isht im vtta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan v̄lhpisa ka ona, mikma kanimi nan im ashvchika yvt himmak o iakavt nan v̄lhpisa ka ona.

1. HATAK asvnochi ka anumpa kv̄llo isht chik im alvmnicho hosh, amba iki chohmichit i kanvt nana ish i mihashke; micha hatak himita v̄hleha hokvno itibapishi chohmichit i kanvt nana ish i mihakmvt,

2. Ohoyo sipokni v̄hleha hokvno ishki chohmichit i kanvt nana ish i mihakmvt, anonti ohoyo himita v̄hleha hokvno hau imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi v̄hleha hv̄t i hatak illi ahli pulla ka ish holitoblashke.

4. Amba ohoyo i hatak illi kaniohmi kv̄t im vlla, keyukmvt ipok v̄hleha hv̄t ashakmvt, vmmona nan ithvna kv̄t, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukmv̄shke, yohmi kv̄t Chihowa itikba ya ai v̄lhpiesa hoke.

5. Yohmi ka ohoyo i hatak illi ahli pulla, micha v̄lhtakla hokvto, Chihowa ak o anukchieto kv̄t, nitak, ninak ita tuklo ka anumpa ilbv̄sha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukv̄t ahanta hokvto, okchaya takla kv̄t illi yoke.

7. Yohmi ka ilvppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmv̄t, v̄banumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afv̄m̄mi pokoli hannali ka ik ono hokv̄to, ik iba holisso kashke,

10. Yv̄mmv̄t hatak achvfa tekchi atok, nan isht v̄tta achukma ka isht annoa achukma, v̄lla achukmalit hofantihinchi, hatak ik ithano nowv̄t aya ka nan im atahanli, v̄banumpuli holitopa iyi kia im achihifa, ilbv̄sha ya apelahanchi, nan isht v̄tta achukma puta ka achunanchi biekv̄t isht ahanta cha tuk mak osh iba holissashke.

11. Amba ohoyo i hatak illi himita v̄hleha hokv̄no ish im olv̄bichashke; yv̄mmak okv̄to Klaist im antia ik b̄v̄nnot, yakni paknaka nan isht ai yukpa ahnit isht iakmv̄t, hatak auwaya b̄v̄nna hinla hoke:

12. Yv̄mmak okv̄t na yimmi v̄m̄mona tuk vt issa hokv̄t, isht ilbv̄sha anumpa hv̄t onvtuyula hoke.

13. Mikmv̄t anonti nan isht v̄tta intakobi kv̄t, chuka abaiyv̄chi banot itv̄nohova; micha nan isht v̄tta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahantv̄t, nana isht anumpula he v̄lhpesa keyu kia isht anumpuli hoke.

14. Yohmi hoka ohoyo i hatak illi himita v̄hleha hv̄t hatak auwayakmv̄t, v̄lla ishki tobv̄t, chuka apesv̄chit anta kv̄t, nana ik achukmo nana kia yv̄mohmi na v̄banumpa i sanali v̄hleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokv̄to naksika filv̄m̄mit Setan a iakaiyv̄t ia mashko hoke.

16. Yohmi ka hatak, keyukmv̄t ohoyo na yimmi kanimampo kv̄t ohoyo i hatak illi yvt i kanomi hv̄t asha hokmv̄t, yv̄mma apelahanchi na chv̄ch ak okv̄to nan isht ik i kv̄nio kashke; amba ohoyo i hatak illi ahli pulla hokv̄no apelv̄chashke.

17. Iksa pehlichi vhleha hvt achukmalit iksa pehlichi kak osh holitopa kv̄t ĩ shahlikma, anonti vbanumpa ithv-nanchit isht anumpuli hokak heto ĩ shahli fehvt holitopashke.

18. Yohmi ka Holisso Holitopa yvt achi kv̄t, Wak toksvli vt onush nihechi ka itih h̄ chik takcho kashke: micha, Na toksvli vt im vlhtoba he ak osh ai vlhpiesa hoke, achishke.

19. Ūbanumpa isht vtta yvt nan ik achukmo kia yvmohmi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o mvhli hokmvno, momvt p̄isa h̄, ish im alvmmichashke, yohmi na inla ḡsha kv̄t nukshopa mak inlashke.

21. Nana chim apih̄isa li kv̄t, Chihowa, micha Chitokaka Chisvs Klaist, micha enchil vlhtoka vhleha aiena ka itikba hikia li hosh, ilvppa ish holitobli kv̄t it ĩ shahsholechit, hatak achvfona h̄ ĩ kana ĩ shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapvssa chik ishko hosh, amba chikfoka ak atuk pulla mak o, micha chi abeka shahli aiena hokvt oka-p̄aki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlhpiesa itikba ȳa oh̄ona hoke; mikma hatak kaniohmi hokvno iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

## CHAPTA VI.

Yuka hvt nana ka isht ahanta he vlhpesa ka anoli, 1: 3 ilap vt nan isht ithvnachi tuk ḡ keyu h̄ kv̄na hosh isht ithvnachi hokvno ĩ flv̄mma he. 6 Chihowa anukfoyuka hokvto nan il ahayuchi,



10 tvli holisso i hullo kv̄t nan ik vlhpeso yō hakshish; 11 nana hō Timohli vt̄ i filv̄m̄mi cha, anonti nana hō im antia he: 17 nan inlava yā nana hō im acha hi ā im achi.

1. YUKA puta ikunla abana nuta ahanta kv̄t, ilap i na hullo isht a holitopa he vlhpiesa ka isht holitobli na Chihowa hohchifo, micha im vbanumpa aiena kv̄t isht ik kv̄llaksho kashke.

2. Mikma i na hullo vbanumpuli yosh āsha hokvt̄ itibapishi hokvt̄, isht ik i ahno ka he vlhpesa keyushke; amba i na-hullo yvt̄ na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpanchit nana ka isht im ahantashke. Ilv̄ppa puta kak o im abv̄chit ish atonohonchashke.

3. Yohmi ka hatak kanima hosh nana inla hō abv̄chi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht vlbahanchi aiena ka vlhpesa ik ahnot,

4. Ilefehn̄v̄chi isht alotvt̄, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvm̄mak o a minti hosh nan it i potv̄m̄no, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha vbanumpa ahli kv̄t ik im iksho cha, nana ahayuchi kak osh Chihowa holitobli im ahoba hosh, it i kv̄llot anumpuli aiena hoke; yv̄mma chohmi ka ish il i filv̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilv̄ppa nana il ishi hosh e la tok keyu; yohmi kv̄t nana ishit il ia he keyu kv̄t ai ahlishke.

8. Yohmi kv̄t nan ilhpak, micha ilefoka aiena il ishi kv̄t, yvm̄mak oka isht pim ai vlhpiesashke.

9. Amba nan in laua he ak bano bv̄nna fehna hokv̄to, nan isht hokli, nan isht anukpv̄li, micha anukfila ik hopoyukso, micha anukfila okpulo isht ile okpv̄ni aiena ka chukowa, yvm̄mak ash ai okpuloka chinto ka hatak ā okai ahambi hoke.

10. Yohmi ka tvli holisso i hullo kak osh nan ik achukmo moma ka hakshish isht a toba hoke ; yvmmak o kaniohmi kv̄t anuksitiv̄t hohoyo kak osh, v̄banumpa ha i filv̄m̄mi cha, nan isht a nukhaklo laua ka isht ile nv̄hlit ile hlopullihinchi tok oke.

11. Amba chishno Chihowa immi chia ma ! ilv̄ppa puta kano ish i filv̄mmashke : micha ai vlhpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yvmmak o isht ish itihimbashke ; ai-okchayvt bilia ak o kv̄llo hosh ish ieshashke, yvmmak o chishno ak kia isht chi vlhtoka tok, micha nan atokowa anoli lava ka itikba yo v̄banumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchaya, im ahni na okchaya, micha Chisvs Klaist, yvmmak okvt Pontivs Pailat itikba hikia mv̄t, ai atokowa ahli achukma ka il anoli tok ita tuklo itikba ya hikia li hosh nana chim apihisa li kv̄t ;

14. Chishno yvt na-liteha iksho, anumpa ik achukmo chi onvtula he kia iiksho hosh, nan vlhpisa ilv̄ppa holitoblit ish ahanta na pin Chitokaka Chisvs Klaist okvt haiakashke :

15. Ai yvmohma he apesa tok nitak yv̄mma ilap ak bano hosh ithana hosh yvmmak oka haiakv̄cha he ; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okvt ai illa hi vt ik im iiksho, micha tohwikeli yvmmak oka hatak nana hosh ai ona he keyu ho anukaka ai ahanta hoke ; yohmi ka yvmmak oka hatak nana hosh pisa chatuk keyu, micha pisa hi o keyu ; yvmmak okvt isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilayak laua aiasha ka nana ish im apihisa kv̄t, im anukfila chav̄t ik ai asho ka he, micha im ilayak ai ahli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka laua-chit pihima kak ashke :

18. Yohmi kv̄t nana achukm̄vli kv̄t nan isht vtta achukma ka isht ahanta fehna kv̄t, hopela hi vt im vlht̄aha, habenv̄cha he vt ahni kv̄t ;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ya isha he mak o, ish i mih̄hashke.

20. Timohli ma ! nana chim vlhpih̄isa tok vt ish holitobli kv̄t, v̄banumpa isht ik ahalaio isht anumpa, isht ik ahobo anumpa, micha nan ithana ah̄li keyu it i chilitvt isht it im anumpuli aiena ka chik ahalaio kashke.

21. Yohmi ka kaniohmi kv̄t yvm̄mak o iakaiya miha hosh, v̄banumpa h̄a i shanaiyvt ashv̄chi tok oke. Isht i kana yvt chi anukfoyukashke. Amen.

## HOLISSO ATUKLA PAL VT

## T I M O H L I Y A

## I HOLISSOCHI TOK.

## CHAPTER I.

Timohli i hullo kv̄t Pal vt isht anumpuli, 1 ; 6 Chihowa nan isht i kana anukfoyuka tok vt i shahlichit isht im anukfihinla hi na im achi.

1. CHIHOWA nana ai ahni hō Chisvs Klaist im apostel Pal vt ai okchaya Chisvs Klaist vt ataiyahli tok a anohonla chi hosh iso i holiropa fehna Timohli ya aiokp̄vchishke ;

2. Nan isht i kana, isht i nukhaklo, micha isht it i nanaiya aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyukashke.

3. Chihowa ya yak oke im ai ahni li kv̄t, an tikba v̄hleha hv̄t kanihmit aiokpahanchi beka tok a chiyuhmit anukfila kashofa hō isht aiokpahanchi li kv̄t, ak isso hosh nitak, ninak moyuma ka anumpa ilb̄sha anumpohonli likm̄v̄t, chithaiyana lishke :

4. Yohmi kv̄t chi nishkin okchi mihinti tok a ithaiyana li m̄v̄t, chi pisa sa bv̄nna fehna, yvmohmit sai yukpa ai ahli fehna hokbano ai ahni lishke ;

5. Yohmi kv̄t na yimmi ai ahli kv̄t chi anukfoyuka ka ithaiyana li m̄v̄t, chipokni Lois ak o v̄mmona ka yvm̄m̄v̄t anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka sv̄bbak chi onochi li tok ak o nana

Chihowa ish i habena tok vt chi anukfoyuka, yvmma achukmalit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila ho Chihowa hvv pima tok oka.

8. Yohmi ka pin Chitokaka im anumpa atokowa, mikmvt yvmma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvv chi hlampkohonchi mak o isht ish ibai ilbvshashke;

9. Yvmmak osh pi okchalynchi cha, vba nan isht ilaiyukpa holitopa ho il iesha he mak o pi atokoli kvv, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalynchi Chisvs Klaist vt vla kak osh himonasi kvno isht i kana ya otvynchi kvv, nan-illi ho imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvynchishke:

11. Yvmmak atuk pulla mak o vbanumpa isht vttta, micha apostel, micha Chentail vhleha nan im avvchi aiena si vhtoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok a ishi na nitak yvmma ona he bano ka i sai yimmishke.

13. Anumpa ai ahli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok a ish ieshashke.

15. Chishno yokvt ilvppa ish ithana; yohmi kvv Asia ai asha tuk vt moyumvt a filvmmi kvnia tok: yvmma iba foka kvv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

hāklok bano, yvmmak okvt sai yukpahanli beka tok oka, mi-  
cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh  
sa hohōyo cha, si ahayuchi tok.

18. Chitokaka yokvt vlhpesa im ai ahni na nitak yvmmak  
oka Chitokaka yvt i nukhaklo ka ahayuchi hok bano; micha  
Efesvs a ont anta li ma, nana lawa kaniohmi ka isht si ape-  
lahanchi tok a, chishno yokvt ish ithana fehnvshke.

## CHAPTA II.

Timohli vt achunanchit Chitokaka in tishu ai ahla chi ka Pal vt i mi-  
ha, 1; 16 nana hō abah! ahna he; 24 mikmvt Chitokaka in tishu  
hvt kaniohmit ai vlhpiesvt im anukfila he im anoli.

1. YOHMI ka svso chia hvt Chisvs Klaist nan isht i ka-  
na yoka isht ish hlampkashke.

2. Nan-atokowa anoli lawa itikba yo chishno yokvt nana  
ka is si a haiyaklo tok vt, yvmmak oka hatak ai ahli achuk-  
ma inla ai asha ka nan im avvcha he ai vlhpiesa ak inli kak  
o ish imashke.

3. Yohmi ka Chisvs Klaist in tvshka achukma chia hokvt  
na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana  
a kaniohmi ka isht ataklvma keyu hoke: tvshka atokoli tok  
ak o yukpala chi hosh yvmohmi hoke.

5. Mikma it i shahlichu a bvna hosh hatak vt achunanchi  
ak inli mak osh, nan vlhpisa yak o holitoblit achunanchi ke-  
yu hokvto, iachukola he keyu hoke.

6. Yakni okchali yvt vmmona ka toksvli ha yak osh na-  
waya yoka ai vpashke.

7. Nana chim ahanchi li ka ish anukfihinlashke; mikmvt  
nana moma ka ish ithaiyana chi ka Chitokaka yvt chi anuk-  
fohki hokbano.

8. Um vbanumpa hak atuk mak o Lewi isht ai unchululi  
Chisvs Klaist vt illi tuk vt, falamvt tani tok a ish ithaiya-  
nvshke:

9. Yummak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vltoka tok vhleha atuk pulla kak o na-palvmmi puta pihisa li kv, yummak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppv anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kv anumpa illa nan isht achukma he keyu, amba haklot maya kv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Ulhpiesa chi ahni ho Chihowa itikba ya ish hikia chi kv ish achunanchashke; yohmi kv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yummak okvt Chihowa ik holitoblo i shahli ka ikba hinla hoke.

17. Mikmvt im anumpa hv kanka yo chiyuhmit okpahana hi oke: yummak oka iba fokva kv Himenevs, micha Filetvs ita tuklo kak oke.

18. Yummak okvt nan ai ahli ka i filvmmi kv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kvllo ai ahli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchifo kv moyumvt nan ai vlhpesa keyu ka i filvmmashke,

20. Yohmi kia chuka chinto anukaka ya nan ai vlhto tvli holisso lakna, micha tvli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ilvppak ash kvna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kvt im vlhtaha hosh, nan toksvli achukma puta ka isht ahanta chi kvt im vlhtaha hoke.

22. Haui anukfila himita immi ha tushpvt ish i filvmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kvt, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvt yvmmak okvt itachowa ikbi yoka ish ithanashke.

24. Mikmvt Chitokaka in tishu hokvt itachowa he vlhpesa keyu, amba hatak moma i kana, nan im abvchi kvt imponna, nan im okpulot isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im abvchi vlhpesa; yohmik mak o Chihowa hvv nukfohki na ile kostininchit, vbanumpa ai ahli ka achukmalit ithana yoba na:

26. Yohmikmvt nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

### CHAPTA III.

Nan ik vhlpeso nitak vt vla hi a tikbanli anoli, 1; 6 vbanumpa in tvnvp vhleha ha otvninchi; 10 Timohli vt ilap ak o nan im ai ithvntv iakaiya he isht miha; 16 mihmvt Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kvv nitak ishtaiyopit mahayakma, nitak yvmmvv nan isht a palvmmi alotowa hi oke.



2. Yohmi ka hatak vt ilapunla he, tvli holisso i hullo, nan isht ilauata, ilefehuvchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vllhpisa kobvffi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;

5. Chihowa ya holitobli ilahobi kia, ai ahli ka ona hosh yohmi keyu ka he: yvmma chiyuhmi hokvno ish i filvm-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;

7. Nana ka ithahantv bilia kia, anumpa ai ahli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses a i sanali tok oka, ilvppak ash kia hatak im anukfila okpulot kvnia, na yimmi kvv ai vllhpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok a chiyuhmit, yvmmvt nana a kaniohmi kvv ai vllhpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihinla, nan isht ai ahanta la he tuk vt ai ahli li, nan ilbvsha pihisa li kvv sa nuktaiyala, nan i hullo li, nuktanlvv achunanchi li,

11. Antiak, Ikonivm, Lista aiena ka ahanta li ma, kani-mihchit a sa hotopahanli na svlbahasha, nan isht ilbvsha kaniohmi ho pihisa li tok a chishno yokvt ish ithana feh-nvshke: yohmi kia Chitokaka yokvt yvmma moyuma ka a sa hlakofhinchit tok oke.

12. Ahli mvhli, Chisvs Klaist ibai achvfa hosh Chihowa

im ai ahli banna moyuma kv̄t nan isht a hotopa he pihisa pulla hi oke.

13. Amba hatak ik v̄lhpeso, micha na yoshubli aiena kv̄to nan ai v̄lhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ahlit chi yimmi hatuk okvt ish mahayashke: yohmi kv̄t kvna h̄o ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t v̄lla chi tomba kash inli hosh Holisso Holitopa ak o ish ai ithvna tok; yv̄mmak okvt chi hopoyuksacha hinla h̄o Chisvs Klaist a i yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht v̄lv̄v̄chi, nan isht ai atokowa, nan isht kostininchi, nan ai v̄lhpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ahli hosh, nan toksv̄li achukma puta ka isht ahanta chi kv̄t im vltaha achukma hinla hoke.

#### CHAPTA IV.

Ai ahlit nan a kaniohma he v̄lhpesa kv̄t yv̄mihcha chi ka i miha, 1; 6 ai illa he nitak vt im atikeli, mihmvt v̄ba achukma ka pisa chi im ai ahli kv̄t im anoli; 9 chekosi im v̄la chi ka i miha; 16 nan i palv̄m̄mi v̄m̄mona ka nana kv̄t kaniohmit onotuyula tok a anoli.

1. CHIHOWA, micha Chisvs Klaist yv̄mmak osh ilap apelihchika ishit haiakakmvt, okchaya, micha illi tok aiena ka nan im apihisa he itikba ya hikia hosh na chi miha lishke.

2. Yohmi kv̄t v̄banumpa ha isht ish anumpohonlashke, yohmi kv̄t nitak ai yvmohma he ai v̄lhpiesa, ai v̄lhpiesa keyu aiena ka ish achunanchashke; ai atokolit im anumpo honlit, im alv̄m̄minchit nuktaiyala hosh nana ka ish im abahanchit ish atohnohonchashke.

3. Yohmi ka v̄banumpa ai ahli ka haklo ik bvnno ka hi a

nitak vt vla hi oke : haksobish yauohlich i shi cha, ilap im anukfila okpulo ilaiyuka im antia kak osh nan-abvchi la<sub>w</sub>ka il im itvnahanla hi oke :

4. Mikmvt vbanumpa ai ahli ka haksobish a isht i filvm-mitkvnia cha, anumpa ik ahobo yak o haklo bvnna toba hi oke.

5. Amba chishno yokvto nan okluha ka ahah ! ahnit, nan ilbvsha chi onvtuyula kia chi nuktanlv<sub>t</sub>, vbanumpa isht anumpuli yvt nan isht ai vtta he tuk a isht ahantvt, vbanumpa isht ish ahanta hi atuk vt ish ai ahlich i fehnashke.

6. Yohmi ka svlla chi kv<sub>t</sub> anumpa hv<sub>t</sub> si onvtula h<sub>o</sub>, a svlla chi kv<sub>t</sub> atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kv<sub>t</sub> ai ahli hosh achunanchi lishke :

8. Yohmi hoka himak a pilla ma nan isht ai vlhpiesa ia-chukoli la he vmmit ituyula, yvmma nan ai ahli apesa, Chitokaka yvt nitak yvmmak fehna ka vma hi oke : yohmi kv<sub>t</sub> vno ak bano h<sub>o</sub> vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsv<sub>t</sub> ia tok : yohmi tuk osh Hlessalonika ya ia tok : Klesens vto Kaleshi yak o ia ma, Titvs vto Talmasia yak o ia tok.

11. Luk ak bano hosh si awant anta hoke ; Mak ano ilauelit ish lashke ; yvmmak okvt vbanumpa isht ai vtta ya a si apela hinla hoka.

12. Yohmi ma Tikikvs ano Efesvs a ia chi h<sub>o</sub> tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is sv<sub>m</sub> vlashke ; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok : ilap nana a kaniohmi tok ak o Chitokaka yokvt isht im atobbashke.

15. Yvmmak oka ahah ! ish im ahni mak inlashke ; yvmmak okvt pim anumpa moyuma ka i sanali fehna hatuk oka.

16. Ummona isht il anumpuli li kvno hatak achvfa kia si awant hikia tok keyu ; amba hatak moma kvv svsvt ia tok ; yvmma yvmohmi tok vt isht ik onvtuyulo hok bano ai ahnit, Chihowa ya im ilbvsha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ahli fehvt vno ak o isht ai otvni hq, Chentail moyuma kvv haiyaklo tok : yohmi ma koi chito itakha ya sa kohchi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinchi cha, sai okchalinchit ilap vba apehlichika ya isht sai ona hi oke : yvmma isht a holitopa yokvt immit biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhla yak o anta tok ; amba Tlofimvs vto abeka hosh Miletvm ak o itonla hq issvt minti li tok.

21. Chim vlhtaha pulla cha, ik hvstulo kisha hq ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvv pit chi aiokpvchi mak inlishke.

22. Chitokaka Chisvs Klaist vt chimi shilombish a ibafoyukashke. Isht i kana yvt chi anukfoyukashke. Amen.

HOLISSO PAL VT

TITVS A

I HOLISSOCHI TOK.

CHAPTA I.

Titvs a pit aiokpvrchi, mihmvt nana kaniohmi hō Kleti a anta he im ahni tuk vt anoli, 1; 6 vbanumpa isht vta yvt kaniohmit nan im ai vhtaiyaha he; 11 nan ik vlhpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa hā anohonli na okchayvt bilia he Chihowa hvt im ahni tok vhleha hvt yimmi cha, anumpa ai ahli ka achukmali fehnvt ithvnvt, Chihowa hā isht a holitobla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kv̄t ik tobo pilla kash inli hō, im ihisa tok;

3. Yohmi tok osh ont ai vlhpiesa ma nan im ihisa tok vt vbanumpa isht anumpohonli hō isht otvnihinchi; yvmma vno ak osh isht anumpohonli la he vm vlhpisa kv̄t, Chihowa pi Okchalinchi nan apihisa tok mak o yvmohmishke.

4. Yohmi kv̄t nan isht a pi yimmi pulla kak o svso, Titvs a, pit chi aiokpvrchi lishke: Nan isht i kana, i nukhaklo, micha isht it i nanaiya aiena kv̄t Piki Chihowa, micha pi Okchalinchi Chitokaka Chisvs Klaist ita tuklo ka a mihinti kv̄t chi anukfoyukashke.

5. Kleti a ish anta he chim ai ahni li kv̄t ilv̄ppak atok ; nana kv̄t ik vl̄htaho puta tuk a achukmalit isht ish ahanta kv̄t, chim apesa li hatuk oka, v̄banumpa isht vt̄ta ya tmaha puta ka ish ai atokohonlashke.

6. Kanima ka anumpa ik achukmo kv̄t onv̄tonla he keyu, ohoyo achv̄fa ī hatak, im v̄lla mvt v̄banumpa yimmi nan isht yopomo anumpa kia onv̄tonla he keyu, micha ilapunla keyu hok mak ō ish atokolashke.

7. Yohmi ka bishop vt̄ Chihowa nan im apesv̄chi yatuk osh, anumpa ik achukmo kia onvt̄ula he keyu hō pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vl̄hpiesa keyu isht a hofahya he nan isht ahayuchi b̄v̄nna keyu ;

8. Amba hatak ik ithano ī hullo, hatak achukma puta ka ī hullo, kostini, ai vl̄hpiesa, Chihowa holitobi, ile oktamp̄li ;

9. Mikmvt̄ anumpa ai āhli im vl̄bahanchi kash ō kv̄llot halv̄lli hosh, nan isht vl̄bv̄chi ai āhli ka isht im abahanchit, v̄banumpa ī sanali vhleha h̄a nan ī mihvt̄ im alv̄mminchi mak inlashke.

10. Yohmi ka ilapunla, nan ik ahobo isht anumpuli, micha na haks̄ichi yvt̄ laua fehna hosh ai asha hoka, mikmvt̄ hakshup tv̄pa vhleha hokak heto laua hoke :

11. Yv̄mma itih hv̄t vl̄hkv̄ma pullashke, yv̄mmak osh chuka chv̄fa moma ka ai āhli ka ī filv̄mmihinchi kv̄t, ai vl̄hpesa keyu isht a hofahya he nan isht ahayuchi b̄v̄nna kak osh, yohma hi atuk keyu kia nana ka abahanchishke.

12. Ilap ai achv̄fa, ilap ī hopaii atuk ak inli hosh na miha kv̄t, Kletian vhleha hv̄t holabi kak bano chatuk, nampo a okpulo, intakobi, isikopa aiena hoke, achi tok.

13. Anumpa atokowa ilv̄ppvt̄ ai āhli hoke ; yohmi hoka v̄banumpa yimmi kv̄t ai āhla chi mak ō, hotopalit ish im alv̄mminchashke :

14. Yohmikmvt̄ Chu im anumpa ik ahobo, micha anumpa ai āhli ka ī filv̄m̄mi hatak nan apih̄isa aiena ka chik im antio kashke.

15. Yohmi ka kashofa hokv̄no nan okl̄uha kv̄t ī kashofa hoke ; amba ik kashofa, na yimma he keyu hokv̄no nana kia

ik i kashofo hoke ; amba nan ahni, micha isht il akostininchi aiena kvt litehvt kvnia hoke.

16. Yohmi kvt Chihowa ha ithana, miha kvt il otvninchi ak inli kia, nana a kaniohmi puta kvt isht ik holitoblo, na yimma he keyu, mikmvt nan toksvli achukma puta ka ik ai ahlo hoka i yuwala he vlhpesa hoke.

CHAPTA II.

Nana ho isht anumpulit abahancha hi a, mikmvt kaniohmit ai vlhpiesvt aya hi a Titvs a im apesa, 1 ; 9 yuka, micha hatak moma kvt nan akaniohma he vlhpesa ka anoli.

1. AMBA chishno yokvto nan okluha kvt nan isht vlbvchi achukma ka isht ai ahli kak o isht ish anumpohonlashke ;

2. Yohmi kvt hatak asvnochi puta kvt ahah ! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlvt achunanchi aiena kvt ai ahlashke :

3. Mikma ohoyo asvnochi puta kvt vbanumpuli yokvt ai yvmohmi vlhpiesa kak o yvmohmi mak inlashke ; inla aholvbechi keyu, oka homi yoka i yuhuka keyu, nana hochukma ka abahanchashke :

4. Yohmi kvt Chihowa im anumpa hvt ik kvllaksho ka chi ka, ohoyo himita puta kvt ile oktampli, i hatak i hullo, im vlla ya i hullo aiena ;

5. Mikmvt kostini, havi anukfila iksho, ilap in chuka antvt, nan isht ahanta, hochukma, ilap i hatak im antia achukma aiena chi ka im abahanchashke.

6. Hatak himita puta mvt ile oktampila chi ka nan ish i mihaha mak inlashke.

7. Nan okluha ish a kaniohmi kvt nan toksvli achukma puta isht ai ithvna yo ish il otvnhinchashke : nan ish abahanchi kvt ai ahli kak bano, yopunla keyu hosh anukfila weki achukma hosh ish im abahanchashke ;

8. Yohmi kvt anumpa achukma isht ai i sanala he iksho

h<sub>o</sub> ish abahanchashke ; yohmi na kvna hosh ch<sub>i</sub> sanali hatuk mvt, nan ik achukmo nana kia isht chi anumpula he iksho kv<sub>t</sub> hofahyashke.

9. Yuka puta kv<sub>t</sub> ilap i na-hullo yoka im antia, micha, nan okluha ka isht ai yukpali, a sanalit ik anumpulo ka he ;

10. Micha ik hukopo, amba nan okluha ka ai ahli achukma he ; yvmohmi cha Chihowa pi Okchalinchi im anumpa ha nan okluha ka isht a holitobla ch<sub>i</sub> ka ish i mih<sub>i</sub>hashke.

11. Yohmi ka Chihowa isht i kana yak osh ai okchaya i<sub>sh</sub>i kv<sub>t</sub> hatak puta ka im otrni tok oka,

12. Yvmmak osh pim abahanchi kv<sub>t</sub>, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktamp<sub>l</sub>i, hatak b<sub>i</sub>ka it im ai ahli achukma, micha Chihowa ya holitobli hosh himonasi yakni ilvppa il ahanta he ;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchi Chisvs Klaist vt isht a holitopa ieshi hosh haiaka hi a pit hohoyot il ahanta he ;

14. Yohmi kv<sub>t</sub> yvmmak ash osh ai ashvchika puta ka a pi hlakofihinchi cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kv<sub>t</sub> Klaist im anumpa ai ahli ka nan isht a mihvt ish im olahambashke. Yohmi na hatak nana kia ik chi shitlemo kashke.

### CHAPTER III.

Nana h<sub>o</sub> ithrvnancha he, mikmvt nana h<sub>o</sub> ik ithrvnancho ka he aiena ka Titvs a im avchi, 1 ; 12 im v<sub>l</sub>a hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta ch<sub>i</sub> kv<sub>t</sub> im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana ch<sub>i</sub> ka ish im anohonlashke.



3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bnna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalnchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlchihifa kv, Shilombish Holitopa yak o himona isht a toba ho isht a pi okchalnchi tok oke;

6. Yohmi kv yvmak ash o Chisvs Klaist pi okchalnchi yvt nan atahli tok ak pulla kak o, lauachi fehna hosh pi o fohobli tok:

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ahli yoke, yohmi kv nana yvmak ash puta ka kvlluchi fehna hosh isht ish anumpohonla he chim ai ahni li; yohmi na Chihowa i yimmi tok vhleha hvt ahah! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke; yvmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvshkoli bnna hokma, vmmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yvma chiyuhmi hokvto ai ahli ka i filvmmiit kvnia hosh, nan ashahanchi kv, ilap inli kv ik ai ahlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kaniohmi kia ish la pulashke: hvshtula ya yvmak o anta la chi hoke.

13. Nan vlhpisa imponna Senas, micha Apollos ita tuklo kv̄t im vlhtaha achukma cha, nana a b̄vna kv̄t ik im iksho ka ch̄i ka ish im atahli cha, auet ish pilashke.

14. Mikma pimmi yokv̄t nan isht ai vni ik im iksho hosh ik anto ka ch̄i kv̄t, nana ka ai yvmohma he ai vlhpiesa nan toksvli achukma puta ka achunanchit isht ahanta ch̄i kv̄t, moyumv̄t ithvna mak inlashke,

15. Si apiha kv̄t moyumv̄t pit chi aiokpv̄chishke. Na yimmi pia h̄a p̄i hullo ka moyuma ish aiokpv̄chashke. Isht i kana yv̄t hv̄sh moyuma ka hv̄chi anukfoyukashke. Amen.

H O L I S S O P A L V T

F I L E M O N A

I H O L I S S O C H I T O K .

Filemon a pit aiokpuchi, mihmvt na yimmi, micha nan isht i hullo aiena kv̄t anukfoyuka ka haklo mvt, na yukpa; yohmi hosh in tishu Onesimvs a nana ka i kashofi cha, atuklanchit i hullot aiokpucha chi ka ahni fehnvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tvshka il itilauī Achipvs, micha chvch chin chuka aasha aiena ka pit hvchi aiokpuchishke:

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kv̄t hvchi anukfoyakashke.

4. Anumpa ilvsha anumpohonli likmvt, chithaiyana li kv̄t,

5. Chitokaka Chisvs Klaist oka ish i yimmi, micha vbanumpuli vhleba ha ish i hullo aiena ka bahaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv̄t ai ahli fehnvt otahani na Chisvs Klaist isht a holitopa he mak o, nana achukma puta kv̄t chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleba chukvsh vt yuhkpa hoka, isht ish i hullo ka isht a pi nuktela, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishke.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vltoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvt ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kvt i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpvni tok, micha aheka kia chin takanli hokma, vno ak o aheka is svm ikbashke.

19. Pal sia hvv vno svbbak ak inli ho isht holissochi li kvv, atobbi la he mak oke; yohmi kia is svm aheka kvv chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka ch<sub>i</sub> yimmi li, micha nana achi li ka i shahli ak inli ish yvmihcha ch<sub>i</sub> ka ithana li aiena hatuk osh, ch<sub>i</sub> holissochi li tuk oke.

22. Yohmi kia ai-vtta la ch<sub>i</sub>kma, aieninchit is' svm atah-lashke: yohmi kv<sub>t</sub> anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa b<sub>i</sub>ka Epafias vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kv<sub>t</sub> pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

## HEBLU OKLA HA

I HOLISSOCHI TOK.

### CHAPTA I.

Klaist vt Iki Chihowa ya itilau i kv̄t annoa, 1: 4 enchil puta i shahli fehna; 14 enchil v̄hleha hv̄t nan isht ai vt̄ta ka anoli.

1. **CHIHOWA** hv̄t nitak chashpo ilaiyuka, micha a kaniohmi mv̄t ilaiyuka hosh pin tikba v̄hleha hopaii v̄hleha ak o isht ai im anumpohonli kv̄t,

2. Polaka ilv̄ppvt ai ishtaiyopi mak o ilap Ushi yo isht a pim anumpohonli kv̄t, yv̄mmak osh nana moma ka iesha he im ai v̄lhpiesa mak o atokoli tok; micha v̄ba yakni, micha yakni ilv̄ppa a moyuma ka yv̄mmak ash o isht ai ikbi ak inli tok:

3. Yv̄mmak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kv̄llo ai āhli kak o isht ieshi hosh ai ashv̄chika isht a p̄i kashofa hi ā ataiyahli tok osh, Nan okluha imaiya v̄ba chaha moma i shahli ka a binili im isht impak imma ak o binili tok.

4. Nan iesha he im ai v̄lhpiesa hatuk vt̄ ieshi hatuk osh, ilap hohchifo isht a holitopa kak osh enchil v̄hleha ha i shahli fehna hatuk osh kaniohmit holitopa kv̄t yv̄mma i shahli fehna hoke.

5. Nitak nanta kash o enchil v̄hleha hā achvfona kia, Chishno yvt sv̄so chia mak o himak nitak ā chi tobachi

lishke ; micha anonti ilap vt, Uno yak o Svso hachi, mik-  
mvt, vno yvt Iki sia hachi hoke, im achi tok o ?

6. Michā anonti, Tobahpi yash o yakni paknaka ya isht  
vla mvt, Chihowa im enchil vhleha hvt moyumvt aiokpa-  
hanchashke, ahanchishke.

7. Mikmvt enchil vhleha hano isht anumpuli kv̄t ilvppak  
o achishke, Yvmmvt im ehchil vhleha hokvno mahli chiyuh-  
michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa  
ma ! ish ai o binili holitompa kv̄t hikia bilivt peh bilivshke :  
nan ai vlhpiesa tv̄bi yak osh ish apelhichika yoka in tv̄bi  
yoke :

9. Chishno yokv̄t nan ai vlhpiesa kak o ish i hullo cha,  
nan ik vlhpeso yokvno ish i nukkillishke ; yohmi ka Chi-  
howa, chin Chihowa yak osh nan isht ai yukpa bilia ya  
laua i shahli hō isht chi av̄m̄mi kv̄t, ish ai itilauī tuk a i  
shahli chikbi tok.

10. Michā Chitokaka chishno yak osh v̄m̄mona kash inli  
hō yakni ilvppa intolahpi ka ish boyuhli tok ; mihmvt nana  
moma v̄ba shutik ai asha ka, chibbak ak osh ihikbi tok.

11. Yvmmak okv̄to ont ai okpulo kv̄t taha kia, Chishno  
yokv̄to ish ahanta he ; mikma yvmmak okv̄to moyumvt  
sipokni kv̄t na fohka yō chiyuhma hi oke :

12. Mikma anchi yak inli hō chohmichit ish pohla he ;  
mikma yvmmak ash ot inlv̄t toba he : yohmi kia Chishno  
yokv̄to mih yash inli chia, micha chim av̄m̄mi hokv̄t ont  
ataha he iiksho hoke.

13. Yohmi kia nitak nanta kash o enchil vhleha achv̄fona  
kia, Svbbak isht impak-imma ak o ish a binili na chin tv̄nvp  
vhleha hoka chiyi ai o hikia yō ikbi li hayashke, im achi  
tok o ?

14. Yvmmak ash ot moyuma kv̄t nan isht ahanta shi-  
lombish osh ai okchaya pisa he im ai vlhpiesa vhleha yv-  
mak o nan isht im ahanta chi vlhtoka yō keyu ?

## CHAPTA II.

Klaist a il im antia he tuk, 1 ; 9 pi okchalincha chi kvt hatak o toba tok oka ; 14 yohmi kvt nana kvt a yakohma he vlhpesa tok mak osh hatak o toba tok.

1. **YOHMI** hoka nana e haiyaklo tuk puta kvt ahah ! ahni fehna hosh il anukfihinla hetuk, e yvmohmi keyukmvt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok a ai ahlit kvllo hatok okma, micha kvna hosh anumpa yvm-mak ash o kobahafi, micha ik im antio puta ka isht vlhtoba kvt isht ai vlhtoba he vlhpiesa ho ihishi tok okma :

3. Ai-okchaya chinto yakohmi ka kil anukfihinlokmt, katiohmit pi hlakofa hinla cho ? yvma vmmona ka Chitokaka yak osh isht anumpohonli tok o, anonti yvma i haponaklo tok puta kvt ai ahlichi mak osh pim anohonli tok :

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ahli ilaiyuka, micha Shilombish Holitopa na hopela aiena ka ilap im anukfihinla hosh isht ai ahlichi tok :

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho ? micha hatak ushi yoka, chishno yokvt ish i nohowa ho ? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok :

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihisvshke :



9. Yohmi kia Chisvs, yvmmak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yvmmak ash ot hatak moyuma ka vlhtoba hosh illa hi atok.

10. Yvmmak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yvmmvt yvmihcha he im ai vlhpiesa hosh ushi vhleha laua ka isht a holitopa ka pehlichit isht ohona kv̄t, yvmmak ash isht ai okchaya i kv̄pitvni hv̄t nan isht ilbvsha puta ka pihisa hosh isht ai ahla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hohchifo hā otv̄ninchit im anohonli la chi; itibapishi li vhleha hā ai iklv̄nna hikiv̄t talahov̄vt chi aiokpahanchi la chi hoke, ahanchishke.

13. Mikmv̄t anonti, Yvmmak o anukchieto la chi hoke, achishke. Anonti, Ūno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh haknip, issish aiena ka ibai ishi hatuk o, ilap ak kia anonti yvmmak ash ibai ishi tok ak inli hoke: yohmi na vlhtobvt illi pulla hosh nan-illi ishi, yvmmvt nan isht ahullo okpulo ak atuk a imaiyachi cha;

15. Yvmmvt nan-illi i nukshopa kak osh, okchaya takla kv̄t yuka tobtv̄t kv̄nia chatuk a mominchit hlakoficha hi atok.

16. Yohmi ka ahlishke, yvmmvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vlhpiesa hosh itibapishi vhleha ak inli ho chiyuhmit toba hi atok; yvmohmi hosh i kana fehv̄vt na-holitompa isht vtta chinto ai ahli fehna hosh Chihowa nan isht im ahanta kv̄t, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kv̄t, na-palv̄m̄mi pih̄isa hatuk okv̄t, kv̄na hosh imomaka pisa hokv̄no apelv̄cha hi vt ithana hoke.

### CHAPTA III.

Klaist vt holitopa kv̄t Moses ā i shahli, 1 : 7 yohmi hoka kil i yim-mokm̄vt, Israēl chukv̄sh kv̄llo vt na palv̄m̄mi isht onvtula he im v̄lhpisa tok ā i shahlit pi onvtula he bano hoke.

1. YUMOHMI hoka itibapishi holitopa v̄hleha v̄ba nan isht ilaiyukpa et annoh̄owa ka ibai ish̄i hv̄chia ma ! Apostel, micha Na-holitompa isht vtta chinto, Chisvs Klaist ā il ithai-yana, il il apih̄isa tok ā hv̄sh anukfihinlashke.

2. Moses vt ilap in chuka ai achv̄fa moyuma ka im ai āhli bano tok ā, chiyuhmit yv̄mmak ash osh ilap ā atokoli tok ā im ai āhli bano tok.

3. Yohmi ka hatak ilv̄ppvt isht a holitopa i shahli h̄o isht a holitopa kv̄t Moses ā i shahli kv̄t, chuka yoka kv̄na hosh ikbi tok ak osh holitopa kv̄t, chuka yash i shahli chatuk ā chiyuhmi hoke.

4. Yohmi ka chuka toba moyuma ka ikbi vt āsha bano chatuk ; amba nana moma ih̄ikbi tok vt Chih̄owa ak oke.

5. Yohmi ka tishu h̄o chiyuhmit Moses vt ilap in chuka ai achv̄fa moyuma ka im ai āhli bano kv̄t, nana isht anu-humpa he mak ō atokolit anohonli tok :

6. Amba Klaist v̄to Ushi yosh in chuka achv̄fa pehliechi h̄o chiyuhmit ai āhli tok ; yohmi ka ai okchaya ya na-yuk-pvt e hoh̄oyo hosh Chisvs Klaist il anukchieto kv̄t, achu-nanchi ai āhli hosh ai v̄hli ka il ona hokm̄vt, yv̄mmak ash in chuka pia hoke.

7. Yvmohmi hoka Shilombish Holitopa yvt ahanchi kv̄t, Himak nitak oka im anumpa hoka hv̄sh haiyaklo hokm̄vt,

8. Hv̄chi chukv̄sh oka hv̄ch ik kv̄llocho kashke : yohmi kv̄t isht a nokov̄v̄chi, yvmohmit nana ka imomaka pisachi hosh yakni haiaka itv̄nowa tok ā hv̄ch ik chiyuhmicho kashke.

9. Nitak yv̄mmak ash hv̄ch iki vt ik sai yimmo kv̄t imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmvt chukvsh anukaka ya isht ashvchi bilia, micha vm anumpa vlpisa puta ka ik ithanoshke, achi li tok.

11. Yohmi kvt sa nukhobela hosh anumpa kvllo il onochit anumpohonli li hoka, Um afoha yoka chukowa himma keyu mak oké.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ahli biekvt mahayvt ont ai vhli ka il ona hokmvt, Chisvs-oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvvlocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

## CHAPTER IV.

Ubanumpuli a-foha he vltaha tok a na yimmi pulla hokmak osh isha he, 1: 12 Chihowa im anumpa hv̄t aighli fehna; 14 Na holitompa chinto isht pim vtta yvt Klaist Chisvs Chihowa Ushi, 16 nan isht ai i kana ai o binili holitompa nukwaya keyu hosh il ohonashke.

1. YUMOHMI hoka im afoha e chukowa he pim issa tok a takali moma hoka, hv̄sh kanima kv̄t hv̄ch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim anohowa kv̄t, yvmmvt im annohowa tok ash o chiyuhmi tok: yohmi kia anumpa im annohowa kv̄t nan isht im achukma tok keyu kv̄t, anumpa hahaklo yvmmak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kv̄llo il onochit anumpohonli li hoka, yvmmak okvt v̄m afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvto yakni toba v̄mmona pilla kash nan toksvli puta kash ot ont vltaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kv̄t Chihowa hokvt ilap a toksvli puta hoka ataiyahli kak osh nitak isht untuklo hokvno f̄oha tok.

5. Mihmvt ilvppak o, V̄m afoha yoka chukowa he keyu, anonti achi tok.

6. Yakohmi hoka afoha yoka kaniohmi kv̄t chukowa chi pulla ka takanli moma hoka, yohmi ka isht ai yukpa anumpa im annohowa v̄mmona tok v̄hleha hokvto afoha yoka ik chukowo kv̄t na-yimma he keyu kak atok.

7. Anonti Lewi ak o isht ai anumpulit nitak kaniohmi ho atokolit, Himak nitak a ahanchi, nitak yvmmak atok a hopakit taiyaha, achi hoka, Himak nitak a v̄m anumpa hv̄sh haiyaklo hokmvt, hv̄chi chukvsh oka hv̄ch ik kv̄llocho kashke.

8. Yohmi ka Choshua vt yvmmak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yvmohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kvt, Chihowa hvt ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvmma e chukowa chi kvt il achu-nanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hvt okchaya, micha isht ai ahli fehna, micha halupa kvt bvshpo falaia itahlakla halupa yak kia i shahli hosh hlopullichit bvshli kvt, ilhfiopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anu-kaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kvt achvfa kia itikba ya ik im ai otano kvt iiksho; amba nana ka il it i kaniohma chi yvmma i holhponayo hokvno nan okluha kvt ik ompoholmo i bieka hoke.

14. Na-holitompa isht vtta chinto pim anta, Chihowa Ushi, Chisvs okvt vba yakni oka ona tok oka, nana ka il il apihisa tok vt il ai ahlashke.

15. Yohmi ka na holitompa isht vtta chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kvt, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vllpiesa pi apela chi ka isht i kana il ahayucha chi kvt, isht ai i kana ai o binili holitompa nukwaya keyu hosh il onashke.

## CHAPTER V.

Chihowa yvt Klaist a holitobli; mikmvt na holitompa isht vtta i shahli yo atokoli, 1; 14 Heblu okla hvt nan ai ahli ilvppa ithvna he tuk vt a haksichi ka Pal vt nan i miha.

1. YOHMI ka na holitompa isht vtta chinto puta hatak a a kohchit ihishi ka, hatak ak atuk pulla mak o nana Chihowa immi ha isht ahanta chi kv̄t, vlhtoka tuk osh nan ai ashvchi isht vlhtoba he puta, micha na hv̄lbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yummvt i nukhakla he bano hoke.

3. Mikmvt nana kv̄t ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kv̄t nan isht a holitopa ilvpa isha he keyu, amba Alon atok a chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompa isht vtta chinto toba chi kv̄t isht ile holitoblichit tok keyu : amba, Chishno vt Svso chia ho himak nitak oka chi tobachi lishke ; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yummak ash ot hatak haknip ieshit yakni paknaka ilvpa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehvt anumpohonli tok : yohmi ka Chihowa ha holitobli hatuk mak o, Chihowa hv̄t i haponaklo tok :

8. Yummak ash ot Ushi atuk ak inli kia, na palvmmi pi-hisa kak osh im antia kia isht ithvna tok :

9. Mihmvt nana kv̄t ai ahlit im vlhtaiyaha kak osh, im antia puta hokvno ai okchayvt bilia ya im atahli yoke :

10. Yohmi kv̄t Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv̄t pin laua : yohmi kia nana ka akostininchi hv̄chi svlaha hoka, tosholi ka kv̄llo hoke.

12. Yohmi ka yummak atok a hopakit taiyaha hoka nan im avvchi yosh hv̄sh ahanta he vlhpiesa kia, kanima kv̄t

Chihowa im anumpa ai isht ia vmona ka anonti hvchim abvcha hi a vlhpesa pulla hoke : yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tobvshke.

13. Yohmi ka pishukchi ishko puta hokvto nan isht ai vlhpiesa anumpa hoka akostinincha hi a ik ona, vllōsi yokvt.

14. Amba ilhpak kv̄llo vt asvnochi vhleha hak o im ai vlhpiesa hoke ; yvmmak ash ot nana ka ai yvmohomi kak osh im anukfla isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmm̄it aka ik kaho ka chi, 1 : 11 amba kv̄llōt hiēla chi : 12 nana ka achunanchit nuktaiyalvt Chihowa ya aokpvcha chi ka i miha : 13 Chihowa im anumpa hv̄t ahli hoka.

1. YUMOHMI hoka Klaist ai isht vlvvchi vmona hokvno e boyuhli cha, ai ahli fehnvt itikba il ia hosh nan toksvli isht ai illi ai i filvmm̄it ile kostininchi, micha Chihowa isht i yimmi ;

2. Baptismo nan isht vlvvchi, micha ibbak onohonchi, micha illi tok vt falamvt tani, micha hatak puta nan im vlhpisvt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlhpesa ahni hokma, ilvppa e yvmohma he mak oke.

4. Yohmi ka kv̄na hosh himonna ha im vlvvchit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikv̄vt Chihowa im anumpa achukma, micha vbanumpa nitak nan isht ai ahla he aiena ka anukfoyuka ha yak okvto,

6. Yvmmak ash osh vbanumpa ha i filvmm̄i hokvt kaniohmit atuklant himonvt toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi ya himonvchit ititaiyukhvna ya ai vbi kv̄t, otv̄ninchit hofahli hokvt.

7. Yohmi ka yakni ak osh uhumba aiyuka ka ai ihishko

hosh yakni a toksvli yvmmak atuk vt ai isha he vlhpiesa ho offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokvno nan ik ahobo hatuk o, isht ai okpuloka he anumpa hvt onvtuyula hosi ; yvmmvt ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma ! hvchishno yokvno nana achukma i shahli, micha ai okchaya nana kv̄t ai ahalaia kak o a hvchi yvmohmi ka, pi yimmishke.

10. Yohmi ka Chihowa hvt ik ai vlhpeso hokmá, nanta tuk osh nan toksvilit holitoblit ilap hohchifo imma ka nan isht hvsh im ahanta tuk a imi haksa he keyu, vbanumpuli vhleha ha nan isht hvsh im ahanta tuk osh, isht hvsh ahanta kv̄t imoma hoka.

11. Mikmvt ai okchaya ishi la he ai ahnit, ai ahlit hvchi yimmi hosh ont ai vhli ka hvsh ona chi kv̄t, nana hvsh a kaniohmi kash ot moyuma kv̄t hvsh achunancha he e hvchim ai ahnishke.

12. Yohmi hosh ik hvch intakobo kashke ; amba kaniohmi kv̄t na yimmi kak osh nana ka nuktaiyalvt hohoyo hosh, nana im ihisa tok ash ont ieshi vlhpesa tok ak o hvsh hobachashke.

13. Yohmi ka Chihowa hvt Eblaham a nana ka im ihisa hokvt ilap inli ho ai isht anumpa kv̄llo il onochi kv̄t, i shahli kanima ai isht anumpa kv̄llo il onocha he keyu kak atok,

14. Ahlishke yukpahanlit chi yukpali la he, mikmvt lauahanchit chi lauachi la hi oke, ahanchi tok.

15. Yakohmit nana ka nuktaiyalvt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli ho ai isht anumpa kv̄llo il onohonchi chatuk vt ai ahli ; micha nan isht ai ahli-chi anumpa kv̄llo il onochi kak osh itachowa puta hokvno ont im ai vhlichichatuk bano hoke.

17. Yvmohmi ka Chihowa hokvt nana ka im ihisa tok a ont isha he im ai vlhpiesa vhleha hoka ilap nana im anukfihinla tok vt kaniohmit ai inla himma keyu ka, achukmalit i



shahlichit im otv'ninchi b'vna hosh, anumpa kvllo yo il onochit isht ai ahlichit tok :

18. Yohmi ka nana kaniohmit ai inli himma keyu tuklo yvmmak oka Chihowa hokvt isht a holaba himma keyu hoka, vba isht il aiyukpa pim ihisa tok ash il isha chi hosh a hlakofi yo il o chahafa kv't, nan isht a nuktaiyala chinto il iesha he ak atok.

19. Nana pim ihisa tok ash il isha he il ai ahni kak osh, isht a kvllo ai ahli kanvlla he keyu yo shilombish vt im itilau, micha yvmmak osh, aholitopa fehna isht ompoholmo anukaka yoka chukowa mak oke.

20. Yvmmak oka pin tikba-heka, Chisvs vt chukowvt, Melkisetek atok a chiyuhmit na holitompa isht vtta chinto bilia toba tok oke.

CHAPTA VII.

Melkisetek atok a chohmit Klaist Chisvs vt nan isht vtta holitompa, 1, 11 Alon na holitompa isht vtta yatok a i shahli fehna.

1. YOHMI ka Melkisetek ilvppvt Salem i miko, Chihowa holitopa fehna i na holitompa isht vtta yosh, Eblaham vt miko vhleha ont vbit falamvt aya ma yvmmak ash ot ont afama mvt, yukpali tok.

2. Yvmmak ash o Eblaham vt moyuma ka a kashapa ont isht pokoli ka ima mak inli tok: v'mmona hoka toshowakmvt, Nan ai v'lhpiesa i miko, mikmvt anonti yvmma achakaya kv't Salem i miko, yvmmvt nanaiya i miko achi hoke,

3. Iki iksho, ishki iksho, isht ai unchululi iksho, nitak ai isht ia v'mmona tok vt iksho, micha im ilhfiopak vt ont ai vhli tok vt iksho, amba Chihowa Ushi yak o chiyuhmi hosh na holitompa isht vtta yosh ahantvt bilia hoke.

4. Yohmi ka hatak ilvppvt a chinto kaniohmi ho, iki chinto Eblaham ash ot nana ka in tvnvp a im ai ishi tok ash achukma i shahli kak o a kashapa ont isht pokoli ka ima tok a, hvsh anukfillashke.

5. Yohmi ka Lefai ushi vhleha atuk vt na-holitompa isht

vtta vlhtoka kv̄t, okla yvmmvt itibapishi; micha Eblaham ak ̄ isht atiaka yak inli kia, v̄ba nan-vlhpisa in tonla hatuk osh, a kashapa ont isht pokoli ka im ai ishi beka mv̄hlishke:

6. Amba yvmmak ash ̄ ilap okv̄to ai isht unchululi h̄o keyu kia, a kashapa ont isht pokoli ka Eblaham a im ai ishi mv̄t, nana im ih̄isa tok ash ̄ yukpali tok.

7. Mikmv̄t i shahli hak osh ik lauwo ka yukpali hoka ik ai ahlo, acha hi yv̄t ikshoshke.

8. Mikmv̄t ilvppak okv̄no hatak vt illa he kia a kashapa ont isht pokoli ka ishi; amba yvmmak okv̄no yvmmvt ishi kv̄t okchayv̄t ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ih̄ishi kia, Eblaham ak ̄ isht ai unchululi hokv̄t, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash ̄ afama ma, yvmmvt iki ikfiksa anukaka yak ̄ foka moma hatok.

11. Yohmi ka Lefai na-holitompa isht ai vtta yokv̄t ai ahli bieka hatok okma, yvmmak ̄ okla hv̄t i nuta ai asha hosh v̄ba nan vlhpisa puta ka ih̄ishi hatok oka, Melkisetek atok a chiyuhmit na holitompa isht vtta inla hokv̄t na katihmi h̄o vlhtoka he vlhpesa moma h̄o? micha Alon na holitompa isht ai vtta yatok a chiyuhma he keyu h̄o?

12. Yohmi ka na holitompa isht ai vtta inla hosh vlhtoka hatuk ̄, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppvt isht anuhumpa hokv̄to, oklushi inla h̄o ibai achvfa hatok; yvmmak okv̄to hatak achvfa kia alta ya nan isht ai vtta beka tok keyu hoke.

14. Yohmi ka Chuta yak ̄ pin Chitokaka yv̄t a tobv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokv̄t i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmmak okv̄to haknip nan im vlhpisa imma h̄o isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ahli ka ik ono hatuk osh akshu tok vt ai ahlishke.

19. Nan-vlhpisa yummak ash okvto nana kia ai ahlichi tok keyu hoke: yummak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yummak ash ot anumpa kvllo il onoyuchi keyu iksho ho yummak ash ot na holitompa isht vtta toba tok oka:

21. Yohmi ka anumpa kvllo il onochi kia iksho ho yummvt na holitompa isht vtta vhleha tohomba tok oka: amba ilvppak okvno anumpa kvllo il onochi hosh nana im ahanchi kvv, Chitokaka yak osh anumpa kvllo il onochi kvv, inlvv im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ahlichi toba tok oke.

23. Yohmi ka yummak ash okvto na holitompa isht vtta yvt lava mvhli tok: yohmi kvv yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalinya he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kvv vba yakni yak kia i shahli, yummak chiyuhmi hosh pim ahanta he ai vlhpiesa hatok:

27. Yohmi ka na holitompa isht vtta pehlichi chinto vhleha hokvto nitak moma ka ilap nan ai ashvchi isht vlhtoba ka tikba pit im issa ha yosh, okla nan ai ashvchi isht vlhtoba ka pit im issa beka tok o, yvmmak okvto chiyuhma he im vlhpesa keyu, nan ai ashvchi isht vlhtoba il im issa mak osh ilvppak oka himonna ma yvmohmi tok okvt.

28. Yohmi ka nan vlhpisa yvmmak ash ot hatak ibetvbla he im vlhtayak kia na holitompa isht vtta chinto atokohonli; amba anumpa kvlllo isht ai ahli tok ash ot vba nan vlhpisa yvmmak ash ot toba ha yak o, Ushi ya atokoli ho, yvmmvv na holitompa isht vtta ai ahlit bilia he mak oke.

### CHAPTA VIII.

Klaist ak osh na holitompa isht vtta i shahli bilia, yohmi ka Klaist vt vla ha yokvno Alon isht ai unchululi kvv na holitompa isht vtta vlhtoka he keyu mak oke, 1 : 7 yvmmak inli chohmit Chihowa yvt nan vlhpisa himona ikbi ha yokvno Islael vt Echip a kohchvt minti ma, nan vlhpisa toba tok vt kashovvt taha hoke.

1. NANA isht il anumpohonli kash puta ka ilvppak osh moma i shahlishke : Na holitompa isht vtta chinto yakohmi hosh vba yakni Chihowa Chitokaka yvt a binili kak o isht impak imma yo pi binili hosh ;

2. Vba aholitopa, micha vlhtipo ai ahli fehna ka hatak ak atok keyu, amba Chitokaka yak osh ikbi tok, yvmmak o nan isht ai ahanta hoke.

3. Yohmi ka na holitompa isht vtta chinto puta kvv na hvlbina, micha nan ai ashvchi isht vlhtoba puta aiena pit im issa chi hosh vlhtoka chatuk oka ; hatak ilvppak kia anonti nana im ai asha tuk osh pit im issa he im vlhpiesa hoke.

4. Yohmi kvv yakni ilvppak o ahanta hokmvt, na holitompa isht vtta ya hi o keyu, vba nan vlhpisa yak atuk pulla mak o na hvlbina pit im issa hosh na holitompa isht vtta vhleha hvv ai asha hoka :

5. Yvmmak okvt nan isht ahanta kvv vba yakni nana ai asha kak o isht vlhpisa, micha isht a hoyulba mak o isht ai yvmihchi hoke : yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba v̄m̄nih paknaka chim ai otv̄ni tok ak o chiyuhmi h̄o nan ok-  
luha ka ish ikbashke, achi tok oka.

6. Yohmi tok kia himonasi hokv̄no yv̄mmak okv̄t nan it im v̄lhpisa achukma i shahli, nana achukma i shahli anno-  
h̄owa puta isht ai ahli tok a, it i nanaiyv̄chi yosh nan isht ai v̄tta holitopa i shahli fehna h̄o iesz̄i mak inlishke.

7. Yohmi ka nan it im v̄lhpisa v̄m̄mona yv̄mmv̄t nan isht ik o-  
no iksho hatok okma, anonti atukla kv̄t ai yv̄mohma hi ya hoyā hi atok keyu hoke.

8. Yohmi ka yv̄mmv̄t nan isht ik ono ka pisa kak osh Chitokaka yv̄t achi kv̄t, Yakeh! Islael in chukachv̄fa; mi-  
cha Chuta in chukachv̄fa aiena ka nan it im v̄lhpisa himona im apih̄isa la he nitak vt v̄la hi oke,

9. Iki v̄hleha hoka ibbak halv̄llit pehliechit, nitak kanioh-  
mi kash Echip yakni yoka a kohchi li mv̄t, nan it im v̄lhpisa im apih̄isa li tok okv̄no chiyuhma he keyu; yv̄mmak okv̄t nan it im v̄lhpisa im apih̄isa li tok ash foyukv̄t mahaya keyu hatuk o, ak ahnincho ki tok, Chitokaka yv̄t achishke, im ahanchi tok.

10. Yohmi ka nan it im v̄lhpisa ilv̄ppak o nitak himak a pilla mak o Chuta in chukachv̄fa yoka im apih̄isa la hi oke; yohmikmv̄t a nan v̄lhpisa puta yoka anukfokih̄inchi likmv̄t, chukv̄sh oka ai o holissoh̄onechi la hi oke; mikmv̄t in Chihowa sia hahe, mikma v̄m okla hahi oke. Chitokaka yv̄t ahanchishke.

11. Yv̄mohmikma hatak puta kv̄t in chuka panta, micha hatak puta kv̄t itibapishi aiena ka nan im av̄v̄chit, Chihowa hoka ish ithaiyanashke, im ahancha he keyu; moma ik lāu-  
wo, micha moma i shahli aiena kv̄t sv̄thana hi oka.

12. Yohmi ka ik v̄lhpeso ai yv̄mohmi puta ka i nukh̄aklo la he, mikmv̄t nan ai ashv̄chi, micha v̄ba nan v̄lhpisa koba-  
h̄afi puta ka himak a pilla ak ithaiyano ka he mak oke.

13. Nan it im v̄lhpisa himona yv̄mmak achi kak osh, v̄m-  
mona tok vt sipokni yo chohm̄ichi hoke. Yohmi ka nana kv̄t okpulot sipoknit isht ai aiena hokv̄to, ont ik ai iksho kamohma ch̄i kv̄t v̄lhtaiyaha hoke.

## CHAPTER IX.

Vba nan-vlhpisa yokvto issish a hlatahampla hi a im apesa 1; 11 amba Klaist vt ilap issish, micha ilap fehna isht a hlakofa hi o ile kanchi tok vt mihi yosh holitopa fehna: 15 nan vlhpisa himona ai ahlich hosh Klaist vt illa he vlhpiesa hatok.

1. YOHMI ka nan it im vlhpisa vmmona yvmmak ash ot Chihowa aiokpvchi nan isht vlhpisa puta, micha aholitopa yakni ilvppa ahalaiya aiena ka ishi tok vt ai ahlishke.

2. Yohmi ka vlhtipo yokvt toba tok: vmmona yvmma anukaka yak o pvla ai o hikia, micha ai impa, micha pvska otvni aiena kvv asha beka tok, yvmmak osh aholitopa hohchifo hoke.

3. Mihma nan-tvna isht ompoholmo vba takali atukla mish asha ka, vlhtipo yokvto aholitopa moma i shahli hohchifo hoke:

4. Yvmmak oka anukaka ya na balama aluachi tvli holisso lakna isht toba, micha nan it im vlhpisa yash im itombi yokvt tvli holisso lakna yosh isht ompoholmot apakfoyupa, yvmmak o tvli holisso lakna nan ai vlhto manna yosh vlhto, micha Alon in tvbi yvt bikobli tok, micha tvli patvssa tuklo nan it im vlhpisa yvt ai o holihiso tok aiena kvv foyuka hosh taloha tok:

5. Mihma paknaka ya Chelubim holitopa vhleha hvv isht ai i kana ai o binili ya o hoshontikahanchi tok, yvmmak oka himonasi ka achvfa aiyukvt isht il anumpula he keyushke.

6. Yohmi ka nana puta kvv yakohmit vlhtaiyaha ha yak o, na holitompaa isht vtta yak osh vlhtipo vmmona anukaka yak o chukovvt, Chihowa aiokpvchit a hlopulli beka tok:

7. Amba atukla hokvno na holitompaa isht vtta chinto kak osh ilap bano hosh afvmmikma himonna ho chukowa kvv, issish ik esho keyu hosh yvmmak o ilap nan ai ashvchi, micha okla nan ai ashvchi aiena ka isht vlhtoba mak o pit im issa beka tok:

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anukaka a chukowa yokvt ik otano kisha ho ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok : yohmi ka yvmma isht ahanta hokvno yvmmak okvt nan isht il akostininchi imma hokvno nukvtela ai ahli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kvv i shahli, ibbak isht a toba keyu, yvmma achi kvv nan toba ilvppak o chohmi keyu, na holitompa isht vtta chinto hosh nana achukma vla chi puta ka isht ahanta kvv ;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofa ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichichihona hosh nan a kanihmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ahlichichihona toba ho, im annohowa tok puta hokvt ai okchayvt bilia isha he im ai vlhpisa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ahli kvv illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh okchaya imoma hokvno isht ik ai ahlo kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Moses okvt vba nan vlhpisa yvt nana apihisa ka mominchit okla puta ka isht im anumpohonlit taiyahli mvt, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieszhi cha, holisso, micha okla moma aieninchit isht o fimmi mvt,

20. Ilvppak osh nan it im vlhpisa issish mak o Chihowa yokvt hvchim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan okluha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvv ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvv ilvppak ash o i shahli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitompa isht vta chinto yokvto aholitopa yoka afvmmikma in issish o isht chukowa beka tok, chiyuhmit himonna ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonna ihinla hi atok pulla; amba himonasi kvno himonna achvfa ho yakni ont ishtaiyopi yak o ant ai otaiyani kvv, nan ai ashvchi isht kanchi mak osh ilap il im issa hosh illi tok.



27. Yohmi ka hatak puta kv̄t himonna h̄q illa hi vt̄ im v̄lhp̄ih̄sa tok; amba misha pilla hokvno nan im v̄lhp̄isa nitak osh v̄la hi oke:

28. Yv̄mma chiyuhmit Klaist ak kia l̄awa nan im ai ashv̄chi isht kancha ch̄i mak osh himonna ma il im issa tok: yohmi kv̄t yv̄mma hoh̄oyo v̄hleha hokvno nan ai ashv̄chi ik im iksho hosh atukla okchal̄incha ch̄i hosh otaiyana hi oke.

CHAPTA X.

V̄ba nan-v̄lhp̄isa h̄q na nipi v̄ba isht aiokp̄v̄chi hokvno nan ashv̄chi isht kancha he keyu, 1: 10 amba Klaist hakn̄ip osh himonna hanan v̄lhtoba hosh illi ha yokv̄to nan ashv̄chi ȳa isht kanchi; 19 achunanchit nan ai yimmika ȳa kv̄llot ieszit Chihowa ȳa aiokp̄ahancha he i miha.

1. YOHMI ka v̄ba nan v̄lhp̄isa yokv̄t nana achukma puta v̄la he ak o isht v̄lhp̄isa hatok; yohmi kv̄t nana yv̄mmak o isht a holba ai āhli keyu hokv̄t, nan ai ashv̄chi isht v̄lhtoba puta yv̄mma afv̄m̄mi aiyuka ka pit im ih̄sa na bilia mak o isht ahanta v̄hleha hoka nuktalalit ai āhlich̄a himma keyu hoke.

2. Yohmi tok okma, ilv̄ppak oka pit im issa kv̄t issa hi atok keyu? yohmi ka aiokp̄v̄chi yakohmi v̄hleha hokv̄t himonna kashofa ha yokv̄t, nan ai ashv̄chi puta isht il akostin̄inchi yv̄t ik im iksho ka hi atok oka,

3. Amba nan ai ashv̄chi isht v̄lhtoba yv̄mmak ash o afv̄mmikma anonti nan ai ashv̄chi isht ai otaiyani beka tok.

4. Yohmi ka wak-nakni, micha issi kosomushi issish aiena kv̄t nan ai ashv̄chi puta ka isht kancha he keyu kamohmi hoka.

5. Yv̄mohmi hoka yakn̄i ilv̄ppa v̄la mv̄t, Nan ai ashv̄chi isht v̄lhtoba, micha v̄ba isht aiokp̄v̄chi aiena hokvno chik ahno tok; amba hakn̄ip o is sv̄m ikbi tok, achi tok:

6. Nan ai ashv̄chi isht v̄lhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annoh̄owa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ahlichia chi hatok.

10. Nan ai ahni tok yvmmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitompa isht vtta puta kv nitak moma ka hiki vt nan isht ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk :

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke :

13. Himak a pilla mahaya hokvno in tvnvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ahlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfohkihinchia la he, micha im anukfila fehna ka ai o holissohonchi la he ;

17. Mikmvt nan im ai ashvchi, micha vba nan vlhpisa kobahfi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yv̄mmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikm̄vt na holitompa isht vtta chinto Chihowa im aboha i shahli hosh pim ahanta hokv̄t;

22. Chukv̄sh ai ahli, micha i yimmi ai ahli fehna, pi chukv̄sh m̄vt issish o fimm̄vt, isht il il-akostininchi ik achukmo ka ai i filv̄mmit, pi haknip okv̄t oka kashofa achukma isht vlhchifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il il apihisa tok vt shanaia iksho hosh il ai ahlashke:

24. Micha nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv̄naha he tuk vt kil isso kashke: amba nana ka it i mihv̄t, nitak yv̄mm̄vt vla hosi ka hv̄sh pisa kak osh, i shahlichī fehv̄t hv̄sh yvmohmashke.

26. Yohmi ka nan ai ahli ka il ithaiyana ha yokv̄t, pishno inli pim anukfila hosh il ashvchi hokmv̄no, nan ai ashvchi isht vlhtoba yvt himmakma takanli keyu hoke;

27. Amba isht a nukshobla he na palv̄m̄mi vlhpisa, micha isht i nukkilli luak aiena ka hohoyot ahanta he; yv̄mm̄vt vbanumpa ai ahli i sanali vhleha hoka okpv̄n̄it tv̄mola he ak osh takanli hoke.

28. Moses i nan vlhpisa yoka ik holitoblo hatuk vt nan atokowa anoli tuklo, tuchina, kanima kv̄t pisa ho isht i nukhaklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta bohliit a hv̄hlihinchī, micha nan it im vlhpisa issish yv̄mmak o isht a kashofa tok ash osh nana ik holitopo isht ahobv̄chi,

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai v<sup>h</sup>piesa isht atobba hi okvt v<sup>m</sup>mi hoke, ilvppak ash achi tok y<sup>m</sup>mmak okvno il ithana; fala-minchit atobbi la he, Chitokaka yvt achishke. Mikma anonti, Chitokaka yvt im okla v<sup>h</sup>leha hoka nan im apesa hi oke, achi kv<sup>t</sup> takanlishke.

31. Chihowa okchaya yoka nan im v<sup>h</sup>lpisa chi hosh ibak a foyuka kv<sup>t</sup> nana ka isht a nvkshopa he v<sup>h</sup>lpesa hoke.

32. Yohmi kia nitak tok ash o hvsh ithaiyanashke, y<sup>m</sup>mak amo nana ka hvsh ithaiyana ha yokvto, na palv<sup>m</sup>mi chinto puta ka it i kahanlot isht hvch ilbahasha tok:

33. Yohmi kv<sup>t</sup> isht a hofahya, micha na palv<sup>m</sup>mi puta hvchi onvtuyula hosh okla a yopissa mak o hvsh tohomba kv<sup>t</sup> hvchi y<sup>m</sup>mohmi; micha kanimikma y<sup>m</sup>mma y<sup>m</sup>mohmi puta kash o ibai achvfa hvsh tohomba kv<sup>t</sup> chiyuhmi mak inli tok oke.

34. Yohmi ka yuka talakchi yosh ahanta li ma, hvs svba nukhaklo tok; micha hvchim ilayak puta ka hvchi wehponli kia, v<sup>h</sup>lpesa ahnit hvchi yukpa kv<sup>t</sup> nana okpula he keyu, micha achukma i shahli hosh vba aholitopa yoka hvchin tuyula kv<sup>t</sup>, hvsh il ithana hatuk okvt.

35. Y<sup>m</sup>mohmi hoka na yimmi hvchi anukfoyuka kash osh hvch ik kancho kashke: y<sup>m</sup>mmak osh nan isht v<sup>h</sup>ltoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim v<sup>h</sup>lpiesa; yohmi hosh Chihowa nan ai ahni tok a hvsh ataiyahli ha yosh, nana auet hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kv<sup>t</sup> svlaha hosh vla chi keyu hoke.

38. Yohmi ka ai v<sup>h</sup>lpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he v<sup>h</sup>leha y<sup>m</sup>mmak okvno il ibai achvfa keyu, amba na yimmi cha, shilombish okvt okchayvt bilia y<sup>m</sup>mmak o il ibai achvfa hoke.

## CHAPTER XI.

Na yimmika yvt nana hatuk a anoli, 1 ; 7 nayimmi isht ai vni kvv vbanumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ahli yoke ; micha nana ke peso ka nan isht ai atokowa yoke.

2. Yvmmak atuk pulla kak o hatak tikba vhleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kvv Chihowa im anumpa hak o isht a toba tok a isht il akostininchi hoke ; yohmi hatuk o nana puta e pihisa kvv nana puta otaiyani kak o isht atoba tok keyu.

4. Na yimmi pulla kak osh Ebel okvt vba isht aiokpvchi achukma kvv Ken immi ya i shahli fehna ho Chihowa hoka ont im issa tok ; yvmmak ash o nana ka ai vlhpiesa kvv isht atokowa kvv, i na hvlbina puta ka Chihowa hokvt atokolit im aiokpanchi tok ; micha yvmmak atuk pulla kak o illi tok kia anumpuli kvv imomvshke.

5. Na yimmi pulla kak osh Enok vt toshowa kvv nan-illi ik peso ka chi kak atok ; micha Chihowa ak osh tosholi hatok oka, iksho ki tok : ik toshowo kisha kvv Chihowa yoka yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kanihmit yukpala himma keyu hoke ; yohmi hoka kvna hosh Chihowa im onakmvt, yvmmak osh ahanta, micha yvmmak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hvv nana im anohonli ma, nana ka ik peso kisha ak inli kia, nvkshopvt holitobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok ; micha yvmma yvmohmi kak osh okla puta ai asha tok ash na palvmmi vlhpisa hvv onvtula he vlhpesa ka isht otvninchi tok ; micha na yimmi isht ai vlhpiesa iesha hi vlhpesa hosh toba tok.

8. Eblaham okvt yakni inla yvmma i himmak o immi tobvt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimma pulla kak osh yakni im issa tok ash ont ahanta kvv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vlhpesa ak inli ka ai itapehvt vlhtipo anukaka yo ahashwa tok:

10. Tvmaha chito intolahpi yvt kvvlo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ahli yoke ahnit i yimmi hatok okvt.

12. Yvmohmi hoka achvfa, yvmmvt illi ak o chiyuhmi kia, laua kvv fochik vba shutik ai asha ka itilau, micha shinuk a holhtina iksho okhvta ontalaka ai asha kak o chiyuhmi hosh a toba tok.

13. Ilvppvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kvv, yvmma yimmi ai ahli fehvvt anukfoyuka hosh, yakni paknaka ai asha kvv, peh novvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo kvv otvvinchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmmvt vba yakni yak o bvna hoke: yvmohmi hoka in Chihowa isht a hohchihifo kvv, Chihowa hvv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kv̄t isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmvt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kv̄t i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpvchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnowa hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kv̄t pisa hatuk osh, luhumi na hvshi tuchina ona tok; micha miko i nan vlhpi-sa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kv̄t;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpv̄t ahanta hi atuk vt im i shahli tok:

26. Yohmi kv̄t Klaist a i yimmit isht a hofahya yak osh nan isht ilaiyukpa chinto kv̄t Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kv̄t, miko yokvt isht i nukkilli ya i nukshopa tok keyu; yohmi kv̄t nishkin vt pisa he keyu yvmmak okvno pisa kash chiyuhmit nuktaiyalvt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka holitobli na, vttahpi ahambi yvmmvt ik halelo ka chi hatok.

29. Na yimmi pulla kak osh okla hvt okhvtá humma yvt yakni shila chiyuhmi hō a hlopulli tok; yvmma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohomba na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chí? Yohmi kvk Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apehlichika puta imaiyachi, nan ai vhpiesa ka yvmihinchi, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchi, bvshpo falaia halupa ai i hlakohofi, tikambi tuk vi hlampko, itibi kvk kvllot isht i shahlit mahaya, oklushi inla in tvshka chipota ya falaminchit tihlihinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vhpesa ik ahno hosh nan isht a hotopa; issikkopa pihisa, yohmi kvk falamvt tani achukma i shahli hō isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvt anonti talakchit aboha kvllo fohoka aiena ka isht ai imomaka pihisa tok:

37. Okla tvli isht bohōwa, bvshvt ita hokohōfa, isht ai imomaka pihisa, bvshpo falaia isht ai ihinli: chukfi vhpoba hakshup, micha issi kosoma hakshup aiena hō foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;



yakni haiaka nvnih anuka, micha twli chiluk, micha yakni chiluk anuka aiena ka okla ashvt itvnowa tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok a ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kv̄t ai ahlit im vlhtaha hi atok keyu hoke.

CHAPTA XII.

Chihowa anukfoykvt achunanchit nayimmi ka il ai itvnowa he achi, 1; 22 kv̄na hosh nan vlhpisa himona aiokpv̄chi kv̄t isht ai yukpa ahalaia he vlhpesa ka anoli.

1. Y UMOHMI ka nan atokowa anoli puta kv̄t hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvllela he pit tikba ituyula ka nuktaiyalvt achunanchit e mvllichinlashke,

2. Chisvs nan isht a pi yimmi ka pi nukfohkichi, micha atahli, yvmmak osh nan isht ilaiyukpa yvt itikba auet takali kak osh vlhpesa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitompa isht impakimma yak o binili ka hvsh pihisashke.

3. Yohmi ka hvchim anukfila hv̄t tikambit vm ai ahla he keyu, ahnit taha yoba hinla kv̄t, nan ashvchi vhleha hv̄t ilap a i sanahanli kia yvmmak oka vlhpesa ai ahni tok a hvsh anukfihinlashke.

4. Hvchishno yokvto nan ai ashvchika ya i sanali kv̄llo fehv̄t hvsh ilafoa na issish isht ik hlatapo kishvshke.

5. Michā isht a nukv̄la he anumpa hv̄t hvchim anum-puli kv̄t v̄lla yo chohmichit, Svso ma! Chitokaka i nan isht kostinichi ya chik ahobalo ki ná; micha yvmmv̄t chi kostinichikma, vm ai ahla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt kvna hō i hullo hokvto kostininchi hoke; micha ushi puta ka ahninchi hokvto fvmmi hoke.

7. Hvchi kostininchi ka nuktaiyalvt vhpesa hvsh ahni hokma, Chihowa hak osh ushi yō chohmichit hvchi yvmihchi hoke; ushi nanta hō iki vt kostininchi keyu ka anta hatuk o?

8. Amba nan isht kostininchi yvmmak oka moyuma kvv ibai ishi chatuk bano, yvmmvt ik hvchim iksho hokmvto, ushi vhleha hvchia keyu, amba iki iksho hvchia hoke.

9. Mihmvt anonti piki vt haknip asha pishno chohmi hosh pi kostininchi chatuk; mihma yvmma e holitobli tuk vt shilombish puta Iki yokak hēno i nutakvt il ai asha cha, pi okchaya he ak osh pim i shahla hinla keyu hō?

10. Yohmi ka yvmmak okvto nitak kanomosi takla hō ilap ai ahni hosh pi kostininchi chatuk mvhlshke: amba yvmmvto nan isht pim ai achukmvt, ilap nan ai vhpiesa kak o il ibai isha he ak atok oke.

11. Yohmi ka himonasi ka isht a kostininchi hokvno isht ai yukpa he ik ahobo, amba nukhaklochi; yohmi ak inli kia yvmma isht ai yvmohmi vhleha hokvno i himmak o nan isht ai vhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissvlechit ho hilechi;

13. Michā hvch iyi ya hina apissa hō hvsh im ikbashke, keyukma hanali okpulo yvto tahlofa hinla hoke; amba yvmmvto ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho ya hvsh ieshashke, yvmmvt iksho ka hatak nana kia Chitokaka ya pisa he keyu hoke.

15. Nana ka ahah! hvsh ai ahnashke, keyukma hatak kanima kvv Chihowa yvt isht i kana ya i hlakofi yoba ná; mikmvt na homi okpulo hakshish kia offot kohcha cha, hvchi ataklvmmi na lawa kvv isht ai okpula hinla hoke.

16. Anonti hatak haui, micha vbanumpa ik ahobalo ka-

nima kv̄t, Esau yokv̄t ilhpak himonna v̄pa yokak ɔ v̄ttahpi nana kv̄t ilap ai immi hatuk v̄t kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, v̄lhpesa ik im ahno tok a hv̄sh ithana; yohmi ka im anukfila h̄a inlvcha he yv̄mmak ɔ achunanchit nishkin okchi mihinti hosh asih̄hla ak inli kia, ik ahayucho ki tok.

18. Yohmi ka v̄v̄nih yv̄mma potola hinla, micha luak isht luhuwa, hoshonti lusa, micha okhlilika, micha apeli chinto aiena h̄o hv̄sh ona keyu,

19. Yohmi kv̄t isht-pufa yv̄t ohonla, micha anumpa v̄lhpesa puta isht anumpohonli ma, yv̄mma okla hv̄t haiyaklo mv̄t, anumpa yv̄mmv̄t himmakma ilap a isht ik im anumpo ka ch̄i ka asilhha tok :

20. Yohmi kv̄t nana im anuhumpa kv̄t kaniohmit v̄lhpesa ahnit okla haponakla he keyu hatok; yohmi ka nan v̄lhpo-ba yak oh kia v̄v̄nih h̄a haleli hokmv̄t, yv̄mmv̄t tv̄li isht bov̄t illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok :

21. Michā na pisa yv̄mmv̄t isht a nukshopa fehna he v̄lhpiesa hatuk ɔ, Moses v̄t, Sa nukshopa fehna hosh sa v̄v̄nihinchishke, achi tok :

22. Amba hv̄chishno yv̄to v̄v̄nih Saion, micha Chihowa okchaya in tv̄maha chinto, Chelusalem v̄ba talaia, micha en̄chil v̄hleha, a holhtina iksho kamohmi, itahoba chinto ai asha,

23. Michā v̄ttahpi im iksa hohchifo hv̄t v̄ba a holitopa yak ɔ a holih̄iso, micha Chihowa moyuma ka nan im apesa, micha hatak v̄lhpiesa puta imi shilombish v̄t ai ah̄li toba tok,

24. Michā Chisv̄s nan it im v̄lhpesa himona ya ai-ah̄lichi, micha issish nan isht ɔ fimmi, yv̄mmak osh Ebel v̄t a yv̄mohmi tok a nana achukma i shahli h̄o isht anumpuli aiena h̄o hv̄sh ona hoke.

25. Ahah! ahnit yv̄mmv̄t anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mvt hlakofi tok keyu ka, yvmmvt vba a holitopa yak o auet anumpohonli ho il i filvmmi hokak heto, pi hlakofa he keyu fehna hoke :

26. Yvmmak o im anumpa hosh nitak yvmmak ash yakni ya winalihinchi tok ; amba himonasi kvno yvmmvt nana anoli kvt, Anonti himonna ha yo yakni ak bano keyu, amba vba yakni yak kia winalihinchi li mak inli, achishke.

27. Mikma, Anonti himonna ha yo achi, anumpa ilvppvt nana puta kvt winakahancha hinla kvto, toba hatuk osh, ont akshot taha chi ho isht otvni na nana puta kvt winakahancha he keyu kak osh a sha moma chi hatok.

28. Yvmohmi ka apehlichika yvmmvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vlhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

### CHAPTA XIII.

Nana ka a yvmihcha he vlhpisa kaniohmi ka anoli, 1 : 7 im vbanumpa isht anumpuli vhleha ha holitobla he i miha : 9 nan ithvnanchi inla hokvno ik i haponaklo he, 16 vbanumpa hvv holitopa, hi ahnit nan isht apelvchi : 17 nan vlhpisa ya im antia he aiena ka i miha : mihmvt isht aiyopichi kvv vba isht anumpuli.

1. ITIBAPISHI it i hullo kvv mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvmma ai yvmohmi kak osh kaniohmi kvv ik ithano kia, enchil a aboha ya ik chukowá im ahni cha apelvchi tok oka.

3. Talakchi puta ka ibai achvfa ho chiyuhmit, micha na palvmmi isht ilbvsha yvmma puta ka hvsh ithaiyanashke ; hvchishno yak kia hvchi haknip vt hvchi shilombish ai itifo-ka moma hokvt.

4. Nan itauwaya yokvt hatak moma ka isht im ai vlhpiesa, micha topa yvt okpulo keyu kvv isht a holitopa hoke ; amba itauwaya yvt ik it im ai ahlo puta, micha havi puta aiena kvno Chihowa hvv nan im apesa hi oke.

5. Nana hvsh it i kakhomi kvv nana it im anushkunna kvv ik hvchim iksho kashke; micha nana kaniohmi hosh hvchim asha hokmvv isht hvchim vlvpiesashke; yvmmvv, Chissvv ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak vv nana hō sa kanimihcha hinla hokvno i sa nvkshopa he keyu, pi nukwaya iksho hosh il acha he bano hoke.

7. Hvchi pehlichy yvmmak oka hvsh itaiyanashke; yvmmak osh Chihowa im anumpa hoka isht hvchim anumpohonli tok; yvmmvv na yimmi tok ak o hvsh hobachi cha, nana a kaniohmi tuk ash ai vvhli ka hvsh anukfihinlashke.

8. Chisvs Klaist okvv pilashash kaniohmi tuk vv, himak nitak a mih ash inli, micha peh bilia yoke.

9. Nan isht vlvhchi ilapissa, micha ilaiyuka ka isht hvchi filemoa ná; Chihowa hvv isht i kana hak o chukvsh vv isht ai ahli ka nana achukma hoke: nan ilhpak ak keyu, yvmmak okvvto yvmma isht ai ahanta kia nana im achukmali tok keyu hoke.

10. Pishno vvto alta yvv pi hikia; yvmohmi ka vlvhtipo chash o nan isht ai ahanta yvmmak okvvto ai impa im ai vlvhpesa keyu hoke,

11. Yvmohmi ka anonti nan vlvhpoba yvmmak o issish o isht nan ai ashvchika ak pulla kak o na holitopa isht vvta chinto yvv a holitopa ya ishit chukowa hō, nipi ash ot abinanchi ka misha yo a hulukmi beka tok.

12. Yvmohmi ka Chisvs ak kia ilap im issish ak o okla isht kashofa chi kak osh, holihta isht vlvkvma misha yo ai ilbvshvv illi tok.

13. Yohmi hoka ilap vv nan isht hofahya tok chiyuhmi hō ieshi hosh, abinanchi yak o kiloh ia cha kiloh im oná.

14. Ilvppak okvno tvamaha chito talaiia bilia hi vv ik pim iksho, amba himmak vla he achvfa kak o e hoyo hokvv.

15. Yohmi ka yvmmak atuk pulla kak o Chihowa isht a holitopa he pitivlbi isht a waya ka yvmmak o pit il im ihivsvv bilia cha, ilap hohchifo ha yak oke ai ahnit, il aiokpahanhashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná : nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke ; hvchimi shilombish isht im anukfihinla kv̄t, nana il anohonli pulla chi h̄o chiyuhmit, na yukpa hosh yvmohmi hokbano, nan isht a nukhaklo keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke ; yohmi kv̄t nan okluha ka ai isht il akostininchi achukma h̄o il ieszit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmmak osh nan it im vlpisa bilia issish ak atuk pulla kak o Chukfvlpobapa apesvchi chinto, pin Chitokaka Chisvs okvt illi tuk a falaminchit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfohkihinchit isht hvchim ai ahlich̄i h̄o, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke ; yvmmak pulla kak o isht a holitopa yokvt immi bilivt peh biliashke. Amen.

22. Mikv̄t itibapishi li vhleha h̄a nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke : anumpa kanomosi hvchi holissochi li tuk okvt.

23. Yohmi ka il itibapishi Timohli vt ik iá im ahni na ia tuk oka hvsh ithanashke ; yvmmvt chekosikma vla hokma, awant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv̄t hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE.

CHAPTA I.

Na pi palvmmi kv̄t nan isht il aiyukpa he tuk, 1 ; 3 mikmvt nan isht il ahopoyuksa Chihowa ya il im asilhha he tuk ; 13 nan isht a pi palvmmi kv̄t na pim ashvchika yvt Chihowa yak o a mintishke, il acha he keyu ; 22 vbanumpa ha im antia yo hv̄pia hashke. 27 vbanumpa nukfohka ahli kv̄t nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hv̄t Islael isht atiaka akvshkoa auah tuklo kv̄t ita fimimpvt kanima moma maya puta ka, pit aiokpv̄chi hoke.

2. Itibapishi li v̄hleha ma ! nan isht imomaka pisa ilaiyu-ka puta ka hv̄sh pihisakmvt, na yukpali i shahli nana kak o hv̄chim itilauashke :

3. Na hv̄chi yimmi nan isht imomaka pisa yak osh nuk-  
tanlv̄t achunanachi ya anukfohkichi hoka hv̄sh ithaiyanashke.

4. Yohmi kia hv̄chishno vt hv̄chi aiahlit hv̄chi v̄lhtaha ka nan isht ik ai ono kv̄t ik hv̄chim iksho ka hi a, nuktanlv̄t achunanachi yak osh a kaniohmi he tuk vt ont aiahli pul-lashke.

5. Hv̄sh kanimi kv̄t isht a hopoyuksa hi vt ik hv̄chim ik-sho hokmvt, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhhashke ; kv̄na hosh anuktuklo hokvto, okhuta oka

banvtha hō mahli hvt shalit isht ia na poakahanchi kak o, chiyuhmi hoka.

7. Yohmi hokvt hatak yvmmak okvt Chitokaka ya nanasi kia im a habena hi a ik im abobo kashke.

8. Hatak im anukfila tuklo yvt nana a kaniohmi puta kvf fitikahanchi hoke.

9. Il itibapishi hvt ilbvsha yatuk osh holitopa kvf na yukpashke.

10. Yohmikma nan in laua yatuk osh akanlosit toba kvf na yukpashke: yohmi kvf yvmmak okvt ont iksho kvf haiyukpulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yvmmak inli hō chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha, ai ahli hlopulli hokvto na yukpvshke; yvmmak okvto ai ahlit hlopulli ha yokvto, ai okchaya iachuka holitompa Chitokaka yvt, kvna hosh ilap a holitoblikma, ima hi vt miha tok mak o isha hi okvt.

13. Hatak nana kia nan isht anukpvli pisa hokvt, Chihowa hak osh sa nukpvlechi hō, ik acho kashke; Chihowa hvt nan ik vlhpeso ya ishit nukpvla he keyu, mikmvt ilap vt hatak nana kia isht nukpvlecha hi o keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak o, hatak moma kvf nukpvli hoke.

15. Yohmi tuk mak o chukvsh nan ahni ash osh chakali mvt, nan ai ashvchika yo cheli hoke; atukma nan ai ashvchika ash osh ont ai vlhtaha hokvto, nan illi hō ikbi hoke.

16. Itibapishi li a holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ahli puta hokvto vba ak o a minti; yohmi kvf yvmmak okvt inlvf takohli, micha ilaiyuka kia ik im iksho, nan tohwikeli puta Iki ak o a minti hosh aka vla hoke.



18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ahli yo ishit tobahanchi tok.

19. Yohmi hoka itibapishi li a holitopa vhleha ma! hatak moyuma kv̄t tushpa hosh haponaklokmt̄, sv̄laha hosh anumpuli cha, nukhobela mvt sv̄lashashke :

20. Hatak nukhobela im anukfila hv̄t Chihowa holitobla hi a nukfokichi chatuk keyu hoke.

21. Yohmi hoka na liteha okpulo puta, micha nan ik ai vlhpeso ilaiyuka puta ma mominchit naksika hv̄sh bohli cha, anukfila yohbi hosh anumpa hollokchi, yv̄mmak osh hv̄chim i shilombish puta okchalíncha hi vt̄ im vlhpiesa ka hv̄sh ihishashke.

22. Yohmi kv̄t anumpa ha haklo illvt̄ hv̄chishno inli isht hv̄chik ile yoshublo kish, amba holitoblit im antia yo hv̄chia hashke.

23. Kv̄na hosh anumpa ha haponaklo kia, holitoblit im antia keyu hokmvt̄, yv̄mmvt̄ hatak osh a pisa ya ilap nashuka ak inli ka ai il a pisa ka chohmi hoka.

24. Yv̄mmak ash ot ilap inli ka ile pisa cha, kanima iakmvt̄, mih mak inli ho hatak kaniohmi atuk ash osh imi haksi chatuk oka.

25. Amba kv̄na hosh a yuka keyu nan vlhpisa ahli ka pihisvt̄ achunanchi hokvto, yv̄mmvt̄ anumpa ha peh haklot imi haksi keyu hatuk osh, amba holitoblit na toksvli isht ahanta hokvto, hatak mihi yosh yakohmit ahanta kv̄t nan isht ilai yukpa hi oke.

26. Hatak nana hosh hv̄chi takla anta kv̄t vbanumpuli yo ahoba kia, ilap isunlush a ik apesacho hosh, amba ilap chv̄kv̄sh ash inli ka haksichit ahanta hokvto, hatak ilv̄ppvt̄ vbanumpa yimmi kv̄t im ahli keyu hoke.

27. Na yimmi ahli, liteha ikshot, Iki Chihowa itikba takali kv̄t, vlla vlhtakla vhleha, micha ohoyo i hatak illi puta aiena ka nana kv̄t im a palv̄mmit aiasha ka, i nowvt̄ aya, mikmvt̄ yakni a isht ik ile liteshacho aiena ilv̄ppak oke.

## CHAPTER II.

Ubanvmpuli vt nan in laua ya holitobli cha, anonti itibapishi ilbvsha ya kanimanchi ka vlhpesa keyu, 1; 13 amba i hullot it i nukhakla he tuk; 17 na yimmi kv̄t isht ai vni kv̄t ik im iksho hokv̄to illi yoke; 21 Eblaham na yimmi kv̄t yv̄mma chohmi tok keyu.

1. ITIBAPISHI li vhleha ma! pin Chitokaka Chisvs Klaist Chitokaka holitopa ya hvsh i yimmi kv̄t, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma hō fohka cha, tvli holisso lakna ibbak ushi abeha abehkv̄chi hosh, hvchim ai itvnaha ya vla ma; anonti hatak ilbvsha mv̄t nafohka hlipa ya fohka hosh vla;

3. Yohmi hokma nafohka hochukma hō fohka kak ash o hvsh holitobli cha, yv̄mmak ash o, Aiasha achukma ilvppak o binili, hvsh im achi: mikmv̄t ilbvsha ash o, Yv̄mmak o ish hikiashke; keyukmv̄t ai asha li nutaka ilvppak o ant ish ashashke, hvsh im achi;

4. Yohmi kv̄t yv̄mmv̄t hvchishno inli hvsh il iti shahsholechi, micha anukfila ai vlhpesa keyu nan isht im anukfilli yo hvsh toba hō keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshv̄t aiasha kv̄t ai yimmi ka yo nan isht ai in laua chi, micha kv̄na hosh ilap a holitobli tuk ma, vba apehlichika yo ima hi vt miha tok mak o immi ha chi ka, Chihowa hv̄t atokolichi tok keyu?

6. Amba hvchishno yokv̄to ilbvsha ya hvsh kanimanchishke. Hatak nan in laua vhleha hv̄t hvchishno a hvch ilbvshachit, nan ai apesa kia hallv̄lit hvch isht ohona chatuk keyu?

7. Na hohchifo holitopa yv̄mmak o isht a hvchi hohchifo hatuk ash ik ahobalot okla nanumahanchi keyu?

8. Uba nan vlhpisa i noshkoboka, Holisso Holitopa vt, Chin chuka panta hatak a ish i hullo kv̄t chishno inli kak o ish itilauechashke, achi kak o, hvsh ai ahlichit hokmv̄t, vlhpesa hō hvchi yvmohmi hoke:

9. Amba hatak puta ka iti shahsholechi hosh hvsh ahninchí hok mvto, hvsh ashvchi; yohmikmvto nan vllhpisa kobvffi mak o nan vllhpisa yash ot isht a hvchi atokowa hoke.

10. Kvna hosh nan vllhpisa ya mominchit ai ahlichí hosh, anonti achvfona ka kobvffi hokvt, mominchit kobvffi mak oke.

11. Hvsh iti lumaka ná, achi mvto, anonti kvna kia ish, bi ná, achi ak inli tok oka. Yohmi ka hvch ik iti lumako hoh kia, hatak a ish bi hokmvto, nan vllhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kvto, a yuka keyu nan vllhpisa ho kvna hosh nan isht im vllhpisa hi vt kaniohma he vllhpisa ka, hvsh chiyuhmashke.

13. Kvna hosh inla ya ik i nukhaklo ke tuk okvto, ilap mvto i nukhaklo iksho ho nan im vllhpisvt na palvmmi pisa he; mikma nan i nukhaklo yokvto nan im vllhpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kvto ik im iksho hokvto, yvmvto nanta ho isht im ai achukma hinla ho? Ai yimmika illa kvto yvma okchalíncha hinla ho?

15. Iksa ibafohka itibapishi, in tek kanima hosh nipi bano cha, nitak yvma nana vpa he kia ik im iksho;

16. Yohmikma hvsh achvfona kvto yvmmak ash o haknip a nan isht apelvcha he ai vllhpisa ka hvsh ima keyu nana kia, Hvchi libishvt, hvchi kajya hosh na yukvto hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho chohmit, na toksvli hvto ik im iksho ho, yvmmak illa hokmvto, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi ha is svm otvninchikma, anonti vno vto nana ka isht ahanta li hosh nan isht a sai yimmi kvto chim otvninchi lashke.

19. Chihowa hvt achvfa ka hvchi yimmi kv̄t, v̄lhpiesa ho hvchi yvmohmishke: nan isht ahullo okpulo v̄hleha ak kia yimmi cha, wv̄nihinchi hoke.

20. Yohmi kia ai yimmika yokv̄t, na toksv̄li hvt ik im iksho yokv̄to, illi mak atuk a, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak a alta pakna v̄ba isht ai okpv̄chit isht ahanta kak osh isht ai v̄lhpiesa tok keyu?

22. Yv̄mmak okv̄t nan ishi ahanta ka ai yimmika yokv̄t kaniohmit ibai isht ahanta tok, micha nan isht ahanta pulla ho ai yimmika yv̄t isht ai ahli kv̄nia tok a ish akostininchi cho?

23. Micha Eblaham vt Chihowa ha i yimmi tok; mihmvt yv̄mmvt nan ai v̄lhpiesa ha isht im v̄lhpisa tok, achi Holisso Holitopa vt ont ai ahli tok; mihma yv̄mmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kaniohmit isht ai v̄lhpiesa ka hv̄sh akostininchishke.

25. Yohmi ka yv̄mmak inli chohmi hosh ohoyo havi Leahab vt nan isht ahanta ilv̄ppa pulla hosh okla yakni pisvt aya tuk a pehlichit ishi tuk osh, hina inla ha pit tibleli hosh isht ai v̄lhpiesa tok keyu?

26. Hatak haknip vt, shilombish vt iksho hokv̄no, illi yo chatuk a, na yimmi hak kia nan isht ahanta kv̄t ik im iksho hokv̄to, illi ak inli hoke.

### CHAPTER III.

Ai o walamp̄li hosh inla ya na kil i miho ka he tok, 1; 5 pisunlv̄sh a il im alv̄mmashke, haknip a ai achvfa kitinosi kia, nan achukma hokmā, ik v̄lhpeso chinto hokmā, nana ka yvmihcha he bano; 13 na hopoyuksa ahli hokv̄to im anukfila yohbit nanaiya, nukhobela kv̄t ik im iksho chatuk.

1. ITIBAPISHI li v̄hleha ma! nan isht v̄lhpisa chinto i shahli mak osh pi onvtula hinla ka hv̄sh ithana kv̄t, nan ithananchi a lauv̄t hv̄ch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokmvt, mihi yosh hatak ai āhli, micha haknip ā mominchit apesahancha hinla hoke.

3. Yakeh! pim antia ch̄i ka issuba itih h̄a kapali ā e fohki chatuk; micha haknip ā mominchit e fullolichi hoke.

4. Yakeh! anonti peni hochito, yv̄mmvt na hochito fehna h̄o mahli kv̄llo hosh shalit isht ih̄iya kia, apesv̄chi mak osh kanima h̄o ia hi ā ahnikma, isht afana yvt iskv̄tinosi kia fullolichi chatuk oke.

5. Yv̄mmak inli h̄o chohmit isunlv̄sh vt nana iskv̄tinosi ak inli kia, nan aiaka mak ō ai isht il atambli chatuk: mikma yakeh! lv̄ak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi haknip ā ibai achv̄fa hatuk osh haknip ā mominchit okpahani; micha yv̄mmvt ai okpuloka luak mak ō isht libbi hatuk osh, hatak isht ai unchululi puta ka libbichi chatuk oke.

7. Nampoia ilaiyuka, micha hushi, micha nana hosh aka a ita balv̄lli, mikmvt okhv̄ta anyka ai asha puta kv̄to kostini chatuk: hatak isht ai unchululi puta kv̄t yv̄mmak okv̄no kostininchi chatuk oke:

8. Amba isunlv̄sh ak okv̄no hatak naha hosh kostininha hi ō keyu; yv̄mmak okvt nan ik v̄lhpeso, kostina hi ō keyu, hatak isht illi banot alotowa hoke.

9. Yv̄mmak ō Iki Chihowa h̄a isht il ai okpahanchikmvt; anonti yv̄mmvt Chihowa h̄a holba hosh toba tok hatak puta kash yv̄mmak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okpv̄chi, mikmvt anumpa okpulo isht mihachi aiena hosh akohonchv̄shke. Itibapishi li v̄hleha ma! ilv̄ppa puta kv̄t yakohma he tuk ō keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk ō?

12. Itibapishi li v̄hleha ma! fik vpi vt alif vni yo vna hinla h̄o? keyukmvt pak-vpi vt fik ō vna hinla cho? yv̄m-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. K<sub>v</sub>ta hak osh hatak hopoyuksa, micha nan ithana anukfohka achvkma kv<sub>t</sub> hvchi takla ahanta cho? mih mak osh hopoyuksa chukvsh yohbi hosh nana kv<sub>t</sub> ai vlhpiesa ho yvmohmi kv<sub>t</sub> na toksvli ha isht otvnihinchashke.

14. Amba it i potvno homi, micha itachowa aiena hosh huchi chukvsh a fok<sub>a</sub> hokmvno, isht hvch ik ilauato, mikmvt nan ahli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvno, micha itachowa aiena kv<sub>t</sub> ashakma, ai itasheha, mikmvt nana a kaniohmi ik vlhpeso moma aiena kv<sub>t</sub> yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vlhpiesa yohma he aiena kv<sub>t</sub> alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vlhpiesa vni a nanaiyachi vhleha yvmmak osh im anukfila nuktaiyala hosh hohokebi hoke.

#### CHAPTER IV.

Nan ashvchi il-aiyuka ka ahah! im ahna he i miha, 1; 13 mihmvt nan okchaya ilvppvt ont ataha kia kil ithano, yohmi hokvt pishno, micha nana ho il, ieshi moma kv<sub>t</sub> Chihowa hosh nan ai ahni kak a chi ka il im asilhashke.

1. IT in tanampi, micha itibi puta kv<sub>t</sub> hvchi takla ya takali kv<sub>t</sub>, katima ko a toba cho? hvchishno hvchi haknip isht ai yukpa he ahni kv<sub>t</sub> hvchi haknip a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilhho kak okvt, hvch ik eshoshke.

3. Hvsh asilhha kia, hvch ik esho; yvmmak oka hvchishno hvchi haknip isht ai yukpa he ahni pulla kak o isht yopomot hvsh tahla chi kvt, ai vllhpiesa keyu ho hvsh asilhha hokvt.

4. Hatak hau, ohoyo hau vhleha hvchia hvt yakni anushkuinna hokvto, Chihowa ha in tanampi chatuk a, hvch ik ithano cho? Yohmi hoka kvna hoh kia yakni a it i kanvt ahanta chi mak okmvt, Chihowa ha in tnvvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ahlo ho hvchim ahobo cho?

6. Yohmi kia yvmmak okvto i shahlichit isht i kana ya ima hoke; yohmi hatuk osh Chihowa hvt ilefehvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yvmmak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvt hvch ibbak a hvsh kashofikma, anonti im anukfila mia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke; yukpot hvsh ai asha tuk a na yaya tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke; yohmikma yvmmak okvt halvllit hvchi wakela chi hoke.

11. Itibapishi li vhleha ma! hvchishno hvchi bika ya nan it i mihachit hvch ik anumpulo kashke. Kvna hosh itibapishi ha na mihachit anumpuli kvt itibapishi hash o anumpa onochi hokvt, nan vllhpisa ak o nanumachi, micha nan vllhpisa hash o kanimanchi mak oke; amba nan vllhpisa ya ish kanimanchi hokmvt, nan vllhpisa ya holitobli mak o chia keyu, amba nan vllhpisa kanimanchi mak o chia hoke.

12. Nan vllhpisa ikbi vt yvmmak okvto okchalanchi, micha vbi aiena kvt im ai vllhpisa he bano mak osh achvfa kvt

ashvshke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tvmaha yvm-mak o il ona cha, afvmmi achvfa ka yvmmak o ashvvt, nan ita tobt nan isht ahayuchit il ahashwashke, achi hvchia ma!

14. Onna ha nana a kaniohnia hi a hvsh ithana keyu kv. Hvchim ilhfopak vt nanta ho? oka shobulli yvmmak okvt chekosi takla hokvno otvni tuk osh kvnia chatuk a, yvm-mak o itilau hoke.

15. Yohmi hoka Chitokaka ak osh yvmma ahni hokma, pi okchaya cha ilvppa, keyukmvt yvmma kanima ka pi yv-mohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yvmma choh-mi puta kv vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yvmmak ash ik yohmo hokvto, mihi yosh ashvchi mak oke.

## CHAPTER V.

Chihowa yvt na palvmmi isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai ithvvt nana kv ik pvlvmmi kia nuktaiyala he tuk; 13 nana kv palvmmi ka anumpa ilbvsha yo anumpohonlikmvt, anonti nana kv isht im achukmakmvt vba taloa isht talohowashke; 16 pishno na kil aiahlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminchit nan ai ahli ka a bilechi aina hi a isht anumpuli.

1. INTA! hatak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shushi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv lakvvt taha: yohmi kv lakna yvmmak atuk vt nan isht hvchi atokola he; mikmvt luak o chiyuhmit



hvchi nipi a ahampa chi hoke. Nitak hvchim ishtaiyopik mak a hi a hvchim ilayak a hvsh itahobi tuk oke.

4. Yakeh! toksvli vhleha hvchim osapa puta nana ai vmo tuk isht vlhtoba he tuk, yvmmak oka hvchishno ak osh nana ik vlhpesalot falaminchit hvsh ishi tuk a, pahayvshke: yohmikma nan vmo tuk vhleha paya kvv Sabaolh Chitokaka haksobish a ont chukowa hoke.

5. Nan isht aiyukpa il impa in lauvv, haui toba hosh yakni pakna ya hvsh maya tuk: vlhpoba illa chi hokvt ilhpihinta chatuk mak o, itilauechit hvchi chukvsh a hosh ipihinta tuk oke.

6. Hatak ai vlhpiesa yatuk a anumpa onochit hvsh bi tok; yohmi kia yvmmak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yvmma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot hvchi chukvsh a ai ahlichit hvsh hlampkochashke: Chitokaka vt ai vla he tuk vt atukonovv taha hoke.

9. Nanasi kia isht hvch ik it i potvno kashke, itibapishi li vhleha ma! yvmmak keyukvvt nana isht hvchim vlhpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopaii Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanvvt hvsh hobacha chi kvv hvsh anukfillashke.

11. Yakeh! kvna hosh nuktanvvt achunanchi mak o yvmmak okvt na yukpa, il ahni chatuk. Chob vt nuktanvvt achunanchi tok okvno hvsh haklo chatuk: yohmi cha Chitokaka nana ai ahni tok ash hvsh akostinichi: yohmi kvv Chitokaka yvt nan i nukhaklo fehna, micha i kana fehna hoka hvsh akostinichiske:

12. Yohmi kia itibapishi li vhleha ma! ik kaniohmi nana kia vba shutik, keyukvvt yakni, keyukvvt anumpa kvvlo

isht ai v<sub>l</sub>hpisa inla nana kia anumpa k<sub>v</sub>llo ai isht hvch ik il onochi kashke: amba yau, hvsh achikma, ik ai a<sub>h</sub>li; mikmvt keyu, hvsh achikma, keyu mak ashke: y<sub>v</sub>mmak keyukma nan isht hvchim v<sub>l</sub>hpisa hv<sub>t</sub> hvchi on itula hi oke.

13. K<sub>v</sub>na kia na pal<sub>v</sub>mmi pisa kv<sub>t</sub> hvchi takla ahanta cho? yohmikmvt v<sub>b</sub>a pit anumpohonlashke; k<sub>v</sub>na kia na yukpa kv<sub>t</sub> a<sub>s</sub>ha? yohmi hokmvt v<sub>b</sub>a isht taloa mak o isht taloashke.

14. K<sub>v</sub>na kia abeka kv<sub>t</sub> hvchi takla ahanta cho? yohmi hokmvt ilap ak osh iksa pehlich<sub>i</sub> v<sub>h</sub>leha h<sub>a</sub> hoyashke: yohmikma y<sub>v</sub>mmak ash osh v<sub>b</sub>a isht anumpulit, Chitokaka i hohchifo h<sub>o</sub> nan ahama y<sub>a</sub> okla ah<sub>v</sub>mmichashke.

15. Yohmi hokma na yimmi hosh v<sub>b</sub>a isht anumpuli pulla kak osh abeka y<sub>a</sub> hlakoficha he; mikma Chitokaka y<sub>v</sub>t y<sub>v</sub>mmak ash tanicha hi oke: mikma nana h<sub>o</sub> ai ashvchi tuk ok mak heno i kashofa he mak oke.

16. Nan hvsh ai ashvchi p<sub>v</sub>ta. ka hvchishno b<sub>i</sub>ka y<sub>v</sub>t hvsh it im anohonlashke; mikmvt hvchi hlakofa ch<sub>i</sub> kv<sub>t</sub>, v<sub>b</sub>a isht hvsh it im anumpuli pullashke. Hatak ai v<sub>l</sub>hpiesa hosh na yimmi hosh v<sub>b</sub>a pit anumpohonli kv<sub>t</sub> nana ka ai a<sub>h</sub>lich<sub>i</sub> fehna chatuk oke.

17. Elias vt hatak im anukfila im a kaniohma he vt hv<sub>p</sub>ishno ak inli chohmi tok; yohmi hatuk osh ik umbo ka hi a ai a<sub>h</sub>li fehnvt v<sub>b</sub>a pit anumpohonli tok; yohmi ma yakni y<sub>v</sub>mma ik ai umbo h<sub>o</sub> af<sub>v</sub>mmi tuchina cha hvshi hannali aiena tok.

18. Yohmi ma anonti y<sub>v</sub>mmak ash inli hosh v<sub>b</sub>a pit anumpohonli ma, Chitokaka y<sub>v</sub>t umbachi na yakni a nana kv<sub>t</sub> a wahaya tok.

19. Itibapishi li v<sub>h</sub>leha ma! hvsh kanima hosh v<sub>b</sub>anumpa h<sub>a</sub> i fil<sub>v</sub>mmi<sub>t</sub> hvsh a<sub>y</sub>a na anonti ach<sub>v</sub>fv<sub>t</sub> nukfohkichit. falaminchi hokma,

20. K<sub>v</sub>na hosh hatak nan ashvchi vt yoshubvt ataya tuk a nukfohkichit falaminchi hokvt, y<sub>v</sub>mmvt hatak shilombish a ai illi y<sub>a</sub> a hlakoficha he; mikmvt nan ai ashvchika laua h<sub>o</sub> ompohoma he aiena hoka ithaiyanashke.

PITA

I HOLISSO UMMONA HOKE.

CHAPTA I.

Shilombish nan isht i kana laua pulla kak o Chihowa ya aiokpahanchi, 1; 10 Hopaii vbleha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vtta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfoyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kv ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke :

7. Yohmi kia na hvchi yimmi ka isht imomaka pihisa kak osh holitopa kv̄t, tv̄li holisso lakna okpulo chatuk, yvmmak oka luak isht imomaka pisa chatuk ak kia i shahli fehna hokvt, Chisvs Klaist vt haiakakma, isht a holitopa, micha annoa chinto aiena kv̄t isht a hvchi otaiyani hokbano ;

8. Yvmmak oka hvch ik peso kia, hvsh i hullo ; yvmmak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa :

9. Na hvchi yimmi isht vltoba ka hvsh ihishi kv̄t, hvchi shilombish isht ai okchaya yak fehna hoke.

10. Ai okchaya yvmmak o hopaii vhleha hv̄t a ponahaklo, micha achunanchit hohoyo tok, isht i kana yosh hvchim vla hi oka yvmmvt tikbanli anohonli kv̄t ;

11. Nitak katiohmi, micha nitak nanta, Chisvs imi Shilombish vt yvmmak ash anukfoyuka hatuk vt Chisvs vt isht ai ilvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yvmmak ash o im otaiyani kv̄t, ilap ak atuk ak o yohmi keyu ; amba pishno ak atuk mak o nana ka otvnihinchi tok yvmmak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok ; nana yvmma puta kash enchil vhleha hokvt akostininchi bahana fehna hoke.

13. Yvmohmi hoka hvchi chukvsh a okchv̄lit aiksiachi cha, ahah ! ahnit, Chisvs Klaist vt ant haiakakma, isht i kana yosh hvchim vla hi okvt ai ahli bano hosh hvsh hohoyashke.

14. Yohmi kv̄t vlla nan im antia yo hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke :

15. Amba hvsh im antia chī hvchī hōwa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke :

16. Ūno vt nan ai ashvchika ik svm iksho hoka, nan ai ashvchika ik hvch im iksho kashke ; achi hosh holihiso hoka ;

17. Yohmi ka Iki ak o hvsh im asithha hokmvt, yvm-mak okvt hatak it i shahshohlechi iksho hosh hatak puta kv̄t ilap a kaniohmi tuk ak o isht im apesa yoka, ilvppa hvsh ai ahanta takla kv̄t hvsh holitoblashke :

18. Yohmi kv̄t hvch iki v̄hleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kv̄t. nana okpula he tv̄li hvta, micha tv̄li holisso lakna chiyuhmi hō isht hvchi v̄lhtoba tok keyu kv̄t hvsh ithanushke ;

19. Amba Klaist im issish holitopa Chukv̄lhpbوشي ai okpuloka iksho, micha liteha iksho yak a tok ;

20. Yvmmak osh yakni intolahpi vt ik tobo pilla kash o tikbanli v̄lhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke ;

21. Hvchishno yvt yvmmak atuk pulla kak o Chihowa hā hvch i yimmi pulla kv̄t, yvmmak osh illi tuk a falamin-chit tanichi cha, isht a holitopa ka ima tok oka ; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka hō v̄banumpa ai ahli ka hvsh im antia hosh, hvchi shilombish a hvsh kashofi hatuk osh, itibapishi v̄hleha hoka ilahobi keyu hosh isht i shahlichī fehna hosh hvsh it i hullashke ;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yo atuklant isht hvsh a toba hoke.

24. Yohmi ka haknip puta kv̄t haiyukpulo yak o chiyuhmi, micha hatak isht a holitopa moma kv̄t haiyukpulo pakanli yak o chiyuhmi hoke. Haiyukpulo yash ot b̄shikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvt isht a hvchim anuhumpa hatuk oke.

## CHAPTER II.

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yo okla ai itabana hatuk a anoli; 11 haknip imma nan isht im anukfila yokvno kano pit kancha chi ka achi; 13 yakni pakna nan apesa maya ka im antia he; 18 yvka hvt kanohmit i nahollo ya im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpvli puta a moyuma ka mokofit naksika hvsh boyuhli cha;

2. Ulloosi himona vtta chiyuhmit, yvmmak o isht a hvchi hofahantit ai okchaya ya hvsh ona chi mak osh, vbanumpa pishukchi ai ahli kak o bvna fehnvt hvsh hohoyashke.

3. Chitokaka yvt hvchi kana achukma fehna ho hvsh akostininchi ai ahli hatuk okmvt;

4. Yvmmak okvt tvli okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehnvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vllhpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kvv, Yakeh! chukbi in tola tvli vlhtoka, holitopa fehna ho Saion a a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli ya ik ahnincho ki tok, yvmmak ash inli hosh chukbi in tola noshkoboka yo toba hoke.

8. Micha ik im antio yo vbanumpa isht ai ibetvbli yvm-mak fehna kak osh isht ai ibetvbla he tvli, micha isht ai

okpula he tvli chito aiena h<sub>o</sub>, yvmmak o ai yvmohma he im vlhp<sub>i</sub>hisa tok.

9. Amba isht atiaka vlhtoka, m<sub>i</sub>ko i na holitompa isht vtta ; oklushi holitopa, Chihowa immi ai a<sub>h</sub>li fehna hvchia hoke : yohmi ka yvmmak osh hvch<sub>i</sub> h<sub>o</sub>wvt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a<sub>u</sub> puta ka otvninchit hvsh anghonla he a tok :

10. Yohmi kv<sub>t</sub> nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukh<sub>a</sub>klo ka hvsh ishi tuk oke.

11. A holitopa v<sub>h</sub>leha ma ! nana hvchim ai ahni li kv<sub>t</sub> hatak ik ithano, micha ilap i yakni keyu ai itvnowa chiyuhmit, haknip imma nan ahni, yvmmvt shilombish in tanampi yoka hvsh i filah<sub>a</sub>marshke :

12. Nana hvsh a kaniohmi kv<sub>t</sub> achukma hosh vbanumpa ik ithano okla h<sub>a</sub> iba takla hvsh ahantashke : yohmi na nana ik achukmo yvmihchi chohmichit hvch<sub>i</sub> sanalit anum-pohonli kia, nana achukma puta hvsh yimihinchi ka pi<sub>h</sub>i-sakmvt, Chihowa yvt i nowvt aya nitak oka yvmma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : m<sub>i</sub>ko yok ma<sub>a</sub> moma i shahli yo<sub>o</sub> chohmichit hvsh holitoblashke.

14. Michi nan vlhtoka v<sub>h</sub>leha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha ch<sub>i</sub> h<sub>o</sub>, m<sub>i</sub>ko yvt atokohonli tok a hvsh holitoblashke.

15. Yohmi ka nana kv<sub>t</sub> ai vlhpiesa h<sub>o</sub> hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo na : amba Chihowa in tishu v<sub>h</sub>leha mak o hvsh chiyuhmarshke.

17. Hatak puta ka hvsh holitoblashke. Hvsh itibapishi

vhleha ha hvsh i hullashke. Chihowa ya i nukshopvt hvsh holitoblashke. Miko yoka hvsh holitoblashke.

18. Yuka hvchia hvst isht a holitopa he vlhpesa ho hvchi nahullo yoka isht hvsh im antia kvst achukma, micha im anukfila yohbi aiena kak bano keyu, amba hvch i kvllo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlhpiesa kak osh isht a nukhaklo ya vlhpiesa ahnit, ai vlhpiesa keyu ho isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu ho hvsh yvmohmi tuk osh vlhpiesa ahnit, isht hvchi bohowa hokmvt, yvmvt nan isht annoa achukma nanta ho? amba nana ai vlhpiesa ho hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vltoka tok; pishno ak atuk pulla mak o Klaist ak kia ilbahasha kvst, ilap a nohova tok a il iakaiya he mak o pim abahanchi hatok oka:

22. Yvmvt nan ashvchi tok keyu, haksichi kia itih ha foyuka tok keyu:

23. Yvmvt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlhpiesa apihisa yak o il im issa tok:

24. Yvmak osh nan il ai ashvchika ya ilap haknip fehna ak o ilap inlit il onochi hosh iti ya takali tok: yohmi ho nan ai ashvchika puta il im ihinli hosh, nan ai vlhpiesa ya il im okchaya chi ha tok: yvmvt fahama tok ak o isht hvchi hlakofi hoke.

25. Yohmi ka chukvvlhpoba tamoa chiyuhmit hvsh itvnowa tok kia, himonasi kano chukvvlhpoba Apesvchi micha hvchimi shilombish ma Nan im atahli yoka falamvt hvsh im ona hoke.



CHAPTA III.

Hatak vt im ohoyo itatuklo kv̄t nan v̄lhpiesa h̄o itim anukfilvt ita-  
pela he im av̄chi, 1 ; 8 it ī hullot it ibai achv̄fa he ; 14 na palv̄m-  
mi ka isht it ibai il b̄vsha he ; 19 Oka falama yvt ik ayo k̄isha ma  
okchayvt aiasha tuk ā Klaist vt nan i kanimihchi tok ā anoli.

1. ANONTI tekchi hv̄chia hvt hv̄chi hatak oka hv̄sh im  
antiashke ; yohmi na kanima kv̄t v̄banumpa h̄a ik ahnincho  
hokmvt, v̄banumpa hash ik haklo kia, tekchi ak osh nana a  
kaniohmi kak o, yv̄mmvt v̄lhpesa ahnit isht anukfohka ak  
inli yoba na ;

2. Yohmi kv̄t havi imma ai yvmohmi ik hv̄chim iksho,  
micha hv̄sh holitobli aiena ka pih̄isa kak osh yvmohma hinla  
hoke.

3. Yv̄mma isht shema yvt p̄ashi tanv̄ffo, micha tv̄li ho-  
lisso lakna isht shema, micha na fohka fohka aiena paknali  
isht shema yv̄mmak okv̄no keyu :

4. Amba chukv̄sh anukaka a toba hatak luma okpula  
himma keyu, anukfila yohbi, micha nuktanla isht shema yo  
fehna yv̄mmak ashke ; ilv̄ppak osh nan ai v̄lli chinto fehna  
Chihowa hvt ai ahni hoke.

5. Nitak tikba ma ilv̄ppak o yakohmit ohoyo hochukma  
Chihowa ī yimmi ak inli hosh, isht ile shemahanchi kv̄t, ilap  
ī hatak ā im antia ya tok.

6. Sela ak oh kia Eblaham ā ī shahli hochihifot im antia  
tok : yv̄mmak o ushetik hv̄chia hoke, nana ai v̄lhpiesa ka  
hv̄sh yvmohmi takla, micha isht a nukshopa he kia hv̄ch ik  
ī nukshopo hokmvt.

7. Anonti ī hatak hv̄chia hvt nana ka ithaiyana hosh ibai  
ahantvt, hlampko ik hv̄chi lauwo mak o chiyuhmichit, isht ī  
kana ai okchaya bilia hv̄sh it ibai isha he mak okvt, hv̄chi  
tekchi ā hv̄sh holitoblashke ; yohmi h̄o anumpa ilbv̄sha  
hv̄sh anumpohonli kv̄t ik ai ataklamo kashke.

8. Ai ishtaiyopi ka moyumvt hv̄chim anukfila hvt ai  
achv̄fa cha, it ī nukhaklot, itibapishi vt ī hullo chiyuhmit,  
inla ī kanvt chukv̄sh akanlosi mvt aienashke.

9. Micha nana ik achukmo hvchi yvmihelikma, nana ik achukmo yo hvch ik falamincho kashke: micha isht ik hvchi ahobalokma, isht ik ahobalo yo hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlhpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvmmminchi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlhpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlhpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi pono-haklo puta ka anukfila akanlosit, holitoblit anumpa falama ka hvsh ima chi kvt hvch im vlhtaha kak banashke.

16. Isht il akostininchi achukma ho hvsh ieshashke: yvmohmi ho nana ik achukmo yvmihchi chohmichit nana ik achukmo isht hvchi anumpohonli kvt, Klaist a anukfoyukvt nana achukma hvsh yvmohmi ka, anumpa ahli keyu hvchi onochi tuk vhleha hvv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kvv, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vhpesa yvt ik ai vhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvv i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia bap-tismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvm-ohma he il apihsvt, Chisvs Klaist illi tok kia falamvt tani tok pulla kak o yvmohmi kak osh pi okchalnchi ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vha chi kvv olanlosi vla hoka, Klaist iakaiya pullvt nanashvchi issvt ai i filvmmit itanowa he i miha, 1; 12 nan i palvmmi puta ka hopohlvi.

1. YVMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai v̄hli itin takla kak kia, haui imma anukfilli, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv̄t, v̄banumpa ik ithano v̄hleha nan ai ahni hokvno il a yvmihcha hi ya ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im v̄lhtaiyaha yak o ilap nana a kaniohmi tuk vt il im ai anola hi oke.

6. Yohmi ka ilvppak a he mak o illi tok v̄hleha yvmmak kia v̄banumpa hv̄t isht im anuhumpa ak inli tok; yohmi ma hatak haknip imma nan ahni yokvt nana ka im apihisa kia, Shilombish Holitopa yak osh apelahanchi h̄o Chihowa ya holitobla hi a tok.

7. Amba nan okluha kv̄t ont ai v̄hla chi kv̄t atukonofvshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh iti hullo ai ghli fehna hosh nan okluha ka hvchim i shahli hosh hvsh ieshashke: yohmi ka it i hullo yak osh nan ai ashvchika 'lawa kia ompohoma hi oke.

9. Ik im v̄lhpesot anumpuli iksho hosh it i kanvt hvsh it apelvchashke.

10. Hatak puta kv̄t isht i kana hv̄lbina ishi ha tok mvt, yvmmak ash inli h̄o isht iti apihinla kv̄t, Chihowa isht i kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hv̄t av̄vchi kak o anumpulashke; hatak kanima hosh v̄banumpuli ilbvsha ya nan isht im ahanta hokmvt, Chihowa hv̄t kanimihchit hlampkochi kak o isht ahantashke: yohmi na Chihowa hv̄t Chisvs Klaist ak atuk pulla kak o nan okluha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa v<sup>h</sup>leha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kv<sup>t</sup> ilap isht a holitopa hokvt otaiyanikma, hvchishno yak kia nan isht il ai yukpa chinto h<sub>o</sub> isht a hvchi yukpa mak a hinla hoke.

14. Klaist hohchifo ak atuk pulla kak o isht ik hvchi ahobalo hokma, hvchi yukpa hoke; yohmi kv<sup>t</sup> isht a holitopa Shilombish, micha Chihowa imi Shilombish vt hvchi onvtuyula hoke; yvmmvto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kv<sup>t</sup> hatak bika vbi, na hukopa, nan ik achukmo yvmihchi, micha hatak inla nan im a kaniohmi ka ataklvmmi aiena hokvno chiyuhmit ik hvch ilbvsho kashke.

16. Amba hatak kanima kv<sup>t</sup> vbanumpuli yo chiyuhmit ilbahasha hokmvt, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlhpisa yvt ai onvtulvt isht ia chi pulla ka nitak vt v<sup>l</sup>a hoka; yohmi ka pishno ak o tikba ai isht ia hokma, Chihowa im vbanumpa ik im antio v<sup>h</sup>leha ont im ai v<sup>h</sup>li kv<sup>t</sup> katiohma hi o?

18. Mich a ai vlhpiesa yokvt palvmmi h<sub>o</sub> okchaya hokma, Chihowa ik holitoblo, micha nan ashvchi aiena kvto katima ko ai otaiyana hi oh cho?

19. Yvmohmi hoka Chihowa nana ai ahni h<sub>o</sub> im antia kv<sup>t</sup> ilbahasha v<sup>h</sup>leha hokvto, nana achukma h<sub>o</sub> ai yvmohmit nana Ihikbi ai ahli yoka ai ahnit, ilap shilombish a iesha chi h<sub>o</sub>, im ihisashke.

CHAPTA V.

Chukv<sup>l</sup>hpoba ushi a achukmvt vbanumpeshi v<sup>t</sup>ta yvt ipihinta chi ka i miha, 1; mihmvt itibapishi himithoa yvt nan im antia he, mikmvt moma kv<sup>t</sup> il oktamblit yichinut Setan a i sanala he i miha.

1. **ŪBANUMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanumpuli iksa ibai apesvchi, mīcha Klaist vt ilbahasha tok puta atokowa anoli, mīcha na holiropa kv̄t otaiyana hi oka ibai isha he ak inli sia hoke.

2. Chihowa in chukfv̄lh̄poba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai v̄lh̄piesa keyu isht a hofahya he nan isht ahayuchi b̄v̄nna keyu, amba hvchim anukfila hv̄t v̄lhtaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukfv̄lh̄poba ya nan isht im v̄lv̄v̄chi ya he tuk.

4. Yohmi ka chukfv̄lh̄poba apesvchi M̄iko yvt ant il otv̄ninchikma, isht a holiropa iachuka okpula himma keyu mak o hvsh isha hi oke.

5. Yv̄mmak i chiyuhmit himita hvchia hv̄t asv̄nonchi ya hvsh im antiashke; ahli, moyuma kv̄t hvsh it im antia cha, im anukfila akanlosi ho isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokv̄no isht i kana ya ima chatuk oka.

6. Yvmohmi hoka Chihowa ibbak hlampko nuta ya hvsh im il akanlosechashke; yohmi na ont ai yvmohma he ai v̄lh̄piesak ma v̄ba hvchi wakeli mak inlashke:

7. Anukfila isht a hvchi komunta puta ka yv̄mmak o hvsh onochashke: yohmi ka yv̄mmv̄t hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli b̄v̄nna kv̄t, hohoyot, koi chito wohoha chiyuhmi hosh nohova hoka.

9. Yv̄mmak oka na yimma kv̄llo ai ahli hosh hvsh i sanalashke: hvsh itibapishi vhleha yakni ilv̄ppa ai asha hokv̄t, na palv̄mmi yv̄mmak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yv̄mmak osh Chis̄s̄s̄. Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kvllochit hilechit, hlampkohonchit, chukvsh fitikvchi iksho ho hvchi anukfokihin-chashke.

11. Yvmmak o isht a holitopvt, mikot bilia yvt immit biliashke. Amen.

12. Silfanvs hvsh itibapishi ai ahli ahni li ha tuk osh, anumpa kanomosi ka holissochit ima li ho, isht hvchim ia tok; yohmi kvv nana hvchi miha li kvv, hvsh a hikia yvm-mak osh Chihowa hvv isht i kana ai ahli mak o, atokolit hvchim anoli lishke.

13. Ubanumpuli iksa Babulon hikia kvv, hvch ibai vlhtoka ha tok vt hvchi aiokpvchishke; mikma svso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyukashke. Amen.

## II. P I T A

## I H O L I S S O A T U K L A H O K E.

## CHAPTER I.

Nan isht il aiyukpa chinto nan ho vbanumpuli vt isha chi hosh vltoka ka anoli, 1; 5 nan ai vllhpiesa a yvmihcha he moma ka yvmihchi, yohmi pulla hosh ai okchaya pisa chi kv̄t ai ahlichā chi i miha: 14 ilap vt illa chi nitak vt ai vllā hosi ka anoli; mihmvt Klaist i yimmit akvllot hieła hi a i miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinchi, Chisvs Klaist vt nan aivllhpiesa yvmohmi tok pulla mak o, na yimmi pi holitopa itilauī ka ahayuchi tok vhleha yvmmak o pit aiokpuchi kv̄t,

2. Chihowa, micha Chisvs pin Chitokaka hvsh ithaiyana kak osh nan isht i kana, micha isht it i nanaiya aiena kv̄t hvchin lauashke;

3. Yohmi kv̄t ilap ai ahli kak osh nan okluha isht ai okchaya, micha Chihowa isht holitobli imma aiena ka pihima kv̄t, ilap ithvna kak osh nan ashvchi ik pim iksho hosh isht a holitopa ya e pihisa he mak o, pi atokoli tok:

4. Yvmmak o nana holitopa, micha achukma chinto puta ka isht a pihima; yohmi kv̄t ilvppak atuk pulla kak o nan okpulo chukvsh nan ai ahni yatuk pulla kak o yakni ilvppa ai asha ka hvsh i filvmmi hosh, Chihowa im anukfila ha hvsh ibai isha chi ha tok.

5. Michā ilvppa atuk pulla kak o achunanchi fehna hosh na hvchi yimmi ya nan vllhpesali ya isht hvsh otvnin-



chashke: micha nan v<sub>l</sub>hpesali ya nan ithana ya isht hvsh otv<sub>n</sub>ninchashke.

6. Micha nan ithana ya ile oktamp<sub>l</sub>i ya isht hvsh otv<sub>n</sub>ninchashke: micha ile oktamp<sub>l</sub>i ya nuk<sub>t</sub>aiyalvt achunanchi ya isht hvsh otv<sub>n</sub>ninchashke; micha nuk<sub>t</sub>aiyalvt achunanchi ya Chihowa isht holitob<sub>l</sub>i ya isht hvsh otv<sub>n</sub>ninchashke.

7. Micha Chihowa isht holitob<sub>l</sub>i ya itibapishi vbanump<sub>u</sub>li it i hullo ya isht hvsh otv<sub>n</sub>ninchashke; micha itibapishi vbanump<sub>u</sub>li it i hullo ya hatak moma i kana ya aieninchit isht hvsh otv<sub>n</sub>ninchashke.

8. Yohmi ka nana ilvppa puta kv<sub>t</sub> hvchi anukfoyuka kv<sub>t</sub> isht i shahlit lauv<sub>t</sub> ia hokmv<sub>t</sub>, pin Chitokaka Chisvs Klaist hvsh ithaiyana kv<sub>t</sub>, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokmv<sub>t</sub>o, nishkin tamoa hosh mishema pit pisa he keyu, micha tikba ilap nan ai ashvchika yvt i kashofa ha tok vt imi haksi hoke.

10. Yvmohmi hoka na hvchi vlhtoka, micha na hvchim annoa aiena kv<sub>t</sub> hvchim ai ahla chi kv<sub>t</sub> ai yiminta hosh hvsh achunanchashke: yohmi ka nana ilvppak o hvsh yimihchi hokmv<sub>t</sub>o, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik chvkwá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kv<sub>t</sub> kvllot hvsh a hikia ak inli kia, hvsh ithaiyana chi ka himonna hvchi anukfokihinch<sub>i</sub> li kv<sub>t</sub> an takoba he keyu hoke.

13. Ahli, vlhtipo ilvppa anukakaka ahanta li takla kv<sub>t</sub>, hvsh ithaiyana chi kak o hvchi anukfokihinchit hvchi okchvli li kv<sub>t</sub> ilvppvt ai vlhpiesa, ahni lishke.

14. Chekosikma vm vlhtipo ilvppa mokofit boyuhli la chi pulla ithaiyana li kv<sub>t</sub>, pin Chitokaka Chisvs Klaist ak kia vm otv<sub>n</sub>ninchi akinli ha tok ak oke.

15. Yvmohmi hoka a sulli ha kia, nana ilvppa puta ka hvsh ithaiyana bieka hi ak o hvchim ai ahni li kv<sub>t</sub> achunanchi la hi oke.

16. Pin Chitokaka Chisvs Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana hō il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Svso a holitopa yoke, yvm-mak o nan isht vm vlhpiesa hoke, ahanchi anumpa yosh Holitopa chinto ka a minti hosh im vla kak osh isht a holi-topa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e hieli hō, anumpa ilvppv̄t vba yak o minti hosh vla hō e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke: yvmmak oka pvla hosh ai okhlili-ka yo hikia chiyuhmi hō hvsh anukfihinli na onnvt taha, micha onnahinli fochik vt hvchi chukvsh a a kolcha hi okvt hvchim vlhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni hō nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla hō Shilombish Holitopa yak osh nukfokihinchi hō anumpohonli tok.

## CHAPTA II.

Vbanumpa ithvnachi ik ai ahlo vt wakaya he, atuk kia yvmmak ashot im antia pit a moma ka Chihowa yvt okpv̄nit tahla he; amba hopoyuksa vhleha hokvno okchalinya he tikbanli anoli, 1; 10 nan ithvnanchi ik vlhpeso ilvppak ash achukmvt anoli.

1. YOHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kv̄t hvch itin takla ai asha he ak inli; yvmmak okvt isht okpula he ai ahli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kv̄t yvmmvt nan isht ai okpuloka he ai yvmohmi puta ka hobacha he; yvmmvt yvmohmi kak o hina ai ahli yvt nan isht ik ahobot isht anumpa hi oke.

3. Micha yvmmvt nan ahayuchi bv̄na kak osh isht haksichi anumpa ho nan isht itatoba yo isht hv̄ch ikba hi oke; yvmma nan isht im vlhpisa tok a hopaki kia sv̄laha he keyu, micha yvmma isht ilbv̄sha hi vt nosilhha keyu hoke.

4. Yohmi ka Chihowa yvt enchil v̄hleha hv̄t nan ashv̄chi ma ik il atombo hosh, amba ai okhlilika tv̄li itatakvi isht takchi cha, ai okpuloka ya pit ashachi kv̄t yvmma ai asha na nan vlhpisa hi vt ai ona hi a tokma;

5. Micha yakni v̄mmona ka ila tomba tok keyu, Chihowa holitobla he keyu v̄hleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlhpiesa isht anumpohonli yano okchalinchitok.

6. Chihowa ik holitoblo himak a pilla ai asha he ak osh isht im vlbv̄cha hi o ihikbi hosh, tv̄maha hochito Sotom micha Komola ita tuklo ka hushmit hituk chubbi banochi kv̄t, okpulo ai ahli mak o im apihisa tok.

7. Mihmvt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlhpiesa yvmmvt yvmma ai itintakla ahantvt, nana ka pihisa, micha hahaklot, nan ai vlhpiesa keyu ai yvmohmi kak o onna hosh onnakma chukv̄sh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kv̄t ithana; micha ai vlhpiesa ka yvmihincha he keyu yokvno kanimihchit ishi na nan im vlhpisvt isht ilbv̄sha chi nitak vt ai ona hi oka ithana hoke:

10. Micha haknip isht ai yukpa anuksitia hosh chukv̄sh nan ai ahni kak bano iakaiya, micha nan vlhpisa yo ik holitoblo aiena kak fehna ho kak heno i yvmihcha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil v̄hleha hokv̄to isht ai āhli, micha isht hlampko aiena kv̄t yv̄mma i shahli fehna kia, Chitokaka itikba ya isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoā nan ithana keyu ilap nan ahni bano hosh itv̄nowa ka, ishit okpv̄na hi o toba tok chiyuhmit nana ka akostininchi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yvmohmi kak osh isht ai okpulot kv̄nia ch̄i hoke:

13. Michā yv̄mmv̄to nitak kia nan impv̄t, nan ishkot isht a havi kv̄t nan isht ilaiyukpa yo im ahobv̄t ai asha kia, nan ai vlhpiesa keyu ai yvmohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t hv̄ch ibai impa itin takla kv̄t na haksichi kak osh nan isht ilaiyukpa hoke:

14. Yohmi kv̄t nishkin mv̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ya haksihinch̄i hoke; micha nan ahayuchi bv̄nna atampa isht ai yvmohmi puta ka chukv̄sh isht a toksahanli hosh, isht ai ilbv̄shv̄t onvtula he vlhpiesa v̄lla v̄hleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kv̄t ik vlhpieso ka im otv̄ninchi kv̄t, issuba haksobish falaia anumpula he keyu kia, hatak im anumpa ho anumpuli hosh, hopaii im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti ha apeli v̄t isht aya mak ok̄e: yv̄mmak okv̄no okhlili chinto yak osh immit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilauatv̄t anumpohonlikmv̄t, haknip imma nan ahni, micha havi anukfilli isht alotowa kak osh nan ashv̄chi aiasha

yumma yakosi itin takla hō ai i filvmmi tok ash yvmmak o haksihinchi hoke.

19. Ilap ai ahni hosh nana ka yvmmvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kuna hosh hatak a imaiyachi hokma, yvmmak ash inli hō i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yvmmak ash inli hō isht ai apakfovt isht ai imaiya hokmvt, yvmmvt ont im ai ishtaiyopi kvt ik achukmo kvt im ai ishtia vmona tuk ash i shahli hoke.

21. Yohmi ka yvmmak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yvmmak okvt nan isht vlhpiesa ai ahli hō ai yvmohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpiesa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoykvt anumpuli mvt nan ashvchi ikshot holitopvt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohonchi li kvt, ita tuklo ka nana ka isht hvsh ithaiyana chi hō hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kv̄t ont ai ishtai-pi nitak puta ka v̄la hi oke ;

4. Mikm̄vt, Yvm̄vt v̄la he anumpohonli tok m̄vto kati-mak o ? hatak tikba v̄hleha hv̄t nusi tok takla ha ya, nan okl̄uha hokv̄to tikba v̄mmona tok ash osh imom̄vt mah̄aya hoka, ahancha hi oke.

5. Yohmi ka ilv̄ppa ithv̄na ik b̄vno hokv̄t, hopaki pilla kash v̄ba yakni okv̄t Chihowa im anumpa hak o isht atoba tok, mihma yakni ilv̄ppvt oka akohcha cha, itin takla talaiia tok :

6. Yvm̄mak o yakni yvm̄mak atuk vt oka yosh isht om-poholmot kv̄nia h̄o, isht ai okpulot kv̄nia tok.

7. Amba v̄ba shutik, micha yakni ilv̄ppa ita tuklo hokv̄no Chihowa im anumpa yvm̄mak ash inli hosh Chihowa ik holi-toblo hatuk puta kv̄t ai okpulot kv̄nia ch̄i nan v̄lhpisa nitak mak o lua he ai ahni hosh achukmalit ieshi hoke.

8. Amba a holitopa v̄hleha ma ! nana achv̄fa ilv̄ppa hv̄ch ik ithano ki ná, yohmi kv̄t nitak achv̄fa kv̄t Chitokaka yokv̄no afv̄m̄mi tahlepa sipokni achv̄fa ka im itilau; micha afv̄m̄mi tahlepa sipokni kv̄t nitak achv̄fa ka im itilau hoke.

9. Chitokaka yokv̄t nana ka im ih̄isa tok vt, a sv̄laha hatak kaniohmi kv̄t ahni kia, sv̄laha keyu hoke ; amba p̄i nuk-haklo hosh p̄i sv̄laha kv̄t, achv̄fona kia okpunlot ik kv̄nio hosh, amba moyuma kv̄t ile kostinicha he, im ai ahni hoke.

10. Yohmi kia Chitokaka i nitak okv̄t, ninak anukaka yo na hukopa yvt aya chatuk mak o, chiyuhmit v̄la hi oke ; yvmohmikma shutik moma kv̄t nan ola chinto h̄o isht ai okpulot ont ai iksho ka he, mikma fochik moma kv̄t luak lv̄shpa fehna h̄o isht a luv̄t bihinlakma, yakni, micha nan okl̄uha ai v̄lhtaiyaha puta tuk vt luv̄t taiyaha hi oke.

11. Yvmohmi ka nan okl̄uha ilv̄ppvt ont ai v̄hlit kv̄nia ch̄i hoka, hatak kaniohmi hosh nana a kaniohmi puta ka nan ai ashv̄chi iksho hosh Chihowa holitoblit hv̄sh ai asha hi atuk o ?

12. Michā Chihowa i nitak vt vlakma, v̄ba shutik moma kv̄t lua hatuk osh ont ai v̄hlit kv̄niakma, fochik moyuma kv̄t

luak lvshpa fehna h<sub>o</sub> isht a lvt bihinla he, yvmmak o ho-  
hoyot tushpvt hvsh mahaya hokvt.

13. Yohmi kia pishno yokvt nana ka pim ihisa tok pulla  
kak o, vba shutik himona, micha yakni himona ita tuklo nan  
ai vlhpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-  
yuhmi puta h<sub>o</sub> hvsh hohoyo hokvt, anumpa isht ai onvtula  
he, micha na liteha aiena ik hvchim iksho hosh hvsh i na-  
naiya h<sub>o</sub>, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha  
kvt isht pi ai okchaya he atuk, il ai ahnashke; ilvppa chi-  
yuhmi il itibapishi Pal ak kia isht a hopoyuksa ya anukfoki-  
hinchi h<sub>o</sub> hvchi holissohonchi tok:

16. Yohmi kvt holisso ihikbi puta kvt nana ilvppa moma  
ka isht anumpohonli ak inli hatok okvt; yvmmak oka nana  
kaniohmi kvt akostininchi kvlllo kvt ai asha, yvmmak oka nan  
ik ithano, micha anukfila apissali iksho aiena hokvt ilap isht  
ai okpula chi kvt anumpa holitopa inla ka yvmihinchi hatuk  
ash osh, chohmichit shanaiyvechi hoke.

17. Yvmohmi ka a holitopa hvchia ma! tikba nana ilvppa  
puta ka hvsh ithana hatuk okvt ahah! hvchik ai ahnokmvt,  
hatak nan vlhpiesa ik holitoblo isht ai yoshuba ya isht ai  
yoshubvt isht a hvchi yimmi kvlllo kash i filvmmmit chi  
tula na.

18. Amba isht i kana hvchi anukfokvt hvsh yvmohmi kvt  
i shahlichit mahayvt, pin Chitokaka pi Okchalinihi Chisvs  
Klaist a hvsh ithaiyana kvt i shahlichit hvsh mahayashke.  
Yvmmak oka isht a holitopa yokvt, himonasi, micha himak  
a pilla ka immit biliashke. Amen.

## C H A N

## I HOLISSO VMMONA HOKE.

## CHAPTER I.

Klaist a isht anumpuli, mihmvt yvmma anonti Iki itatuklo ka ibachv-  
 fvt nan im anukfila he miha, 1; 5 nan ib achvfa ilvppa yakohmi  
 kv̄t nan isht il aiyukpa hokmvt, atohwekinli ka il ai itanowa he;  
 9 mikmvt na pim ai ashvchika puta ka il il anohonlikma, pi ka-  
 shofa hinla.

1. AI okchaya anumpa yvmmak osh vmmona ka aanta  
 tok mak o e hahaklot, pi nishkin a isht e pihisvt, il o hopo-  
 kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atoko-  
 wa anolit, Ai okchaya bilia yvmmvt Iki a takla ahanta cha-  
 tuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka  
 e pihisa tuk, micha e hahaklo tuk aiena kv̄t e hvchim anoli  
 hoke: yohmi kv̄t pishno vt Iki, micha Ushi Chisvs Klaist  
 aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, ya-  
 kohmi ka pit e hvchi holissochishke.

5. Yohmi ka Chihowa yvt tohwikelika, micha yvmma  
 okhlilika yvt atakali iksho kvmohmi aiena ilvppak o anumpa  
 yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai  
 okhlilika yo il itvnowa hokmvt, e holabi; micha nan ai ahli-  
 ka mvno a pi yvmohmi keyu hoke.

7. Amba yvmmak okvt atohwikelika yo anta hoka, pish-  
 no vt atohwikelika yo il itvnowa hokmvt, iloh it ibai achvfa.



Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ahlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ahli achukmvt, ai vlpiesa hatuk osh na pim ai ashvchika ya pi kanvllichi; micha nan ik ai vlpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yvmmak oka holabi il ikbi; mikma im anumpa hvvt pi anukfoyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahli Chihowa ya ithana hokvto im anumpa vlpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. UM vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vltoba kvvt pishno pimmi hak bano keyu, amba yakni moma nan ashvchi aiena ka okluha vltoba mak oke.

3. Micha im anumpa vlpisa yak o e holitobli hok mak osh, yvmma il ithaiyana ho mvhli kvvt isht il akostininchi hoke.

4. Kvna hosh yvmma ithana li, achi hosh, anonti im anumpa vlpisa ya holitobli keyu hokvto, holabi; micha nan ai ahlika yvt anukfoyuka keyu mak oke.

5. Amba kvna hosh yvmma im anumpa ha holitobli hokvto, mihi yosh Chihowa ya i hullo ai ahli fehna hoke. Ilvppak o yvmma il ibai achvfa kvvt isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa v<sub>l</sub>hpisa himona nana h<sub>o</sub> pit h<sub>v</sub>ch<sub>i</sub> holissochi li keyu; amba anumpa v<sub>l</sub>hpisa sipokni v<sub>m</sub>mona kash inli h<sub>o</sub> h<sub>v</sub>chin tonlv<sub>t</sub> isht auehinchi tok ash oke. Anumpa v<sub>l</sub>hpisa sipokni vt anumpa v<sub>m</sub>mona kash inli h<sub>o</sub> haklot isht h<sub>v</sub>sh auehinchi tok ak oke.

8. Ai okhlilika y<sub>r</sub>to ant ia ma, himak okvno tohwikeli a<sub>h</sub>li mak osh tom<sub>m</sub>i hoka, anonti anumpa v<sub>l</sub>hpisa himona, y<sub>v</sub>mmak okv<sub>t</sub> ilapo, micha h<sub>v</sub>chishno aiena hokvno a<sub>h</sub>li mak o pit h<sub>v</sub>ch<sub>i</sub> holissochi lishke.

9. Kvna hosh atohwikelika y<sub>o</sub> anta li, achi cha, itibapishi h<sub>a</sub> i nukkilli kv<sub>t</sub>, himonasi ak kia ai okhlilika y<sub>o</sub> a<sub>y</sub>a moma hoke.

10. Kvna hosh itibapishi h<sub>a</sub> i hullo hokv<sub>r</sub>to, mihi yosh atohwikelika y<sub>o</sub> ahanta; yohmi cha kaniohmit ai ibetv<sub>b</sub>la hi vt ik im iksho mak oke.

11. Amba kvna hosh itibapishi h<sub>a</sub> i nukkilli hokv<sub>r</sub>to, ai okhlilika y<sub>o</sub> ahanta cha, ai okhlilika y<sub>o</sub> noh<sub>o</sub>wa; yohmi ma okhlilika kv<sub>t</sub> nishkin a v<sub>m</sub>mmoli hatuk o, kanima y<sub>o</sub> ia kv<sub>t</sub> ithana keyu hoke.

12. Ulla chipunta h<sub>v</sub>chia ma! y<sub>v</sub>mma hohchifo pulla h<sub>o</sub> na h<sub>v</sub>chim ai ash<sub>v</sub>chika y<sub>v</sub>t isht a h<sub>v</sub>chi kashofa hatuk oka, pit h<sub>v</sub>ch<sub>i</sub> holissochi lishke.

13. Iki h<sub>v</sub>chia ma! v<sub>m</sub>mona makinli h<sub>o</sub> ahanta tok y<sub>v</sub>mmak ash h<sub>v</sub>sh ithaiyana hatuk oka, pit h<sub>v</sub>ch<sub>i</sub> holissochi lishke. Hatak himita h<sub>v</sub>chia ma! nan okpulo atukma h<sub>v</sub>sh imaiyachi hatuk oka, pit h<sub>v</sub>ch<sub>i</sub> holissochi lishke. Ulla chipunta h<sub>v</sub>chia ma! Iki a h<sub>v</sub>sh ithaiyana hatuk oka, pit h<sub>v</sub>ch<sub>i</sub> holissochi lishke.

14. Iki h<sub>v</sub>chia ma! v<sub>m</sub>mona makinli h<sub>o</sub> ahanta tok y<sub>v</sub>mmak ash h<sub>v</sub>sh ithaiyana hatuk oka, pit h<sub>v</sub>ch<sub>i</sub> holissochi li tuk oke. Hatak himita h<sub>v</sub>chia ma! h<sub>v</sub>sh hlampko, yohmi ma Chihowa, im anumpa hv<sub>t</sub> a h<sub>v</sub>chi anukfoyuka, micha nan okpulo atukma h<sub>v</sub>sh imaiyachi aiena hatuk oka, pit h<sub>v</sub>ch<sub>i</sub> holissoch<sub>i</sub> li tuk oke.

15. Yakni a, micha nana kv<sub>t</sub> yakni paknaka a<sub>s</sub>ha ka h<sub>v</sub>ch ik i hullo kashke. Hatak nana hosh yakni a i hullo hokma, Iki i hullo kv<sub>t</sub> y<sub>v</sub>mma anukfoyuka keyu hoke.

16. Yakni a<sub>sha</sub> kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehnvchi aiena kv Iki ak o a minti h<sub>o</sub> keyu; amba yakni ak o a minti hoke.

17. Micha yakni vt, mikmvt nan ai isht anushkunna aiena hokvto, ant ayvt kvnihiya hoke; amba Chihowa nan ai-ahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, himonasi ak kia Klaist im asanali vt lauvt aiasha; yohmi h<sub>o</sub> ont ai ishtaiyopi ka isht il akostininchishke.

19. Yvmmak ash ot a pi filvmmmit kocha wiha tok; yohmi kia yvmmt a hvpi bai achvfa tok o keyu hoke; yvmmt pishno ak o a hvpi bai achvfa tok okmvt, a hvpi bai afoka na bilia he tuk pulla chishke: amba yvmmt moma kak osh a hvpi bai achvfa h<sub>o</sub> keyu hatuk vt otvna ch<sub>i</sub> kak osh a hvpi filvmmmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li h<sub>o</sub> keyu, amba yvmma micha holabi hv achv-fona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi y<sub>o</sub>? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmona tok yvmmt a hvchi anukfoyukashke. Nana ka hvsh haklo vmmona tok yvmmt a hvchi anukfoyuka hokma, hvchishno mvt Ushi, mikmvt Iki aiena ka hvsh ai ibafoyuka hi oke.

25. Micha nana miha kv ai okchaya bilia ilvppak o pim issa tok oke.

26. Na hvchi yoshubli vhleha h<sub>a</sub> ai immvchi kv yakohmi kak o pit hvchi holissochi li tuk oke.

27. Amba yvmma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yvmmak ash inli kak osh nana moma ka a hvchim abvchi kv̄t ai ahli, holabi keyu; yohmi ka na hvchim abvchi tuk ash fehna ka yvmma hvsh ai ibafoyuka hi oke.

28. Yohmi ka inta! vlla chipunta ma! yvmmak o hvsh ai iba foyukashke; yohmi tuk o yvmmak ash ot ant haiakakma, il anukcheto cha, mihintikma itikba ma a ik pi hafahyo kashke.

29. Yvmmak okvt ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yvmmak o isht a toba yo hvsh akostininchishke.

### CHAPTA III.

Chihowa yvt ilap ushi yo pihikbi kv̄t pi hullo fehna, 1; 3 yvmohmi hoka i nan vlhpisa ya e holitobla he tuk; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv̄t a kaniohmit hv̄p i hullo tok a ho pesá: yohmi hatuk o yakni vt pishno a ik hv̄p ithano; yvmma ik ithano tok okvt.

2. Holitopa vhleha ma! himak okvno Chihowa ushi hvpia, yohmi kia e kaniohma hi a himonasi kano ik otano kishvshke; amba yvmmak osh ant haiakakma, pishno vt yvmmak o e holba hi vt il ithana, yvmmvt kaniohmi hatuk ma e pisa hi okvt.

3. Yvmma anukchieto hosh si yakohma hé ahnit, yvmmak ash ot kashofa achukma yatuk a chiyuhmit momvt ile kashofi hoke.

4. Kena hosh nana ashvchi kv̄t anumpa vlhpisa ma kobvffi hoke: nan ai ashvchika yak osh anumpa vlhpisa ya kobvffi hoka.

5. Yohmi ka yvmmak okvt pim ai ashvchika ya isht hvpi kancha chi mak osh ant haiaka tok a hvsh ithana; micha yvmma ai ashvchika nana hosh atakali keyushke.

6. Kuna hosh ymma ai iba foyuka hokvto ashahanchi chatuk keyu; kuna hosh ashahanchikmvt, ymma pisa tuk keyukmvt, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a ymmohmi hosh ahantakmvt, ai vlhpiesa kv, ymmvt ai vlhpiesa yatuk a, ehohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmona mak inli ho ashvchit isht auehinchit tok oka. Setan vt nan ai isht vta tok puta ka okpvna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu; ymma i na nihi vt anukfoyuka hatuk o; micha ymmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmvt Setan im vlla vhleha aiena kv isht ai otvni hoke: kuna hosh nan ai vlhpiesa ya a ymmohmi keyu, mikmvt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmona mak inli ho hvsh hahaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Micha nanta kati-ohmi ho ymma vbi tok o? Ilapo nana a kaniohmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfopak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vllhpesa hoke.

17. Amba kvna hosh yakni ilvppa nana isht il ai yvkpa vt im asha; yohmi hosh itibapishi hvv ilbvsha hō pisa kvv, yvmmak ash i nukhaklo iksho; yohmikma Chihowa i hullo kvto katiohmit yvmma anukfoyuka hinla cho?

18. Um vlla chipunta ma! anumpa, micha isunlvsh aiena kak bano hō ishit kiloh it i hullo kashke; amba nan isht ahanta, micha ai ahli mak ashke.

19. Michā ilvppak o nan ai ahli ka ya il ibai achvfa kvv isht il akostinichi; mikmvt pi chukvsh a nuktalanlit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmvno, Chihowa ya il ai nanaiya mak oke.

22. Michā im anumpa vllhpisa ya e holitobli, mikmvt nana ka ilapvt ai ahnichi ak o a pi yvmohmi aiena hatuk osh, nana hō il asilhha kvv, yvmma il ai i habena chatuk oke.

23. Yohmi kvv yvmmak a hi o, anumpa vllhpisa ha pima tok oka, Ushi Chisvs Klaist hohchifo ha pi yimmi cha, it i hulla he aiena ilvppak osh im anumpa vllhpisa mak oke.

24. Michā kvna hosh im anumpa vllhpisa ya holitobli kvv, yvmmak o ai ib achvfakma, ilap mvt yvmma ai ibai achvfa hoke: micha yvmmvt a pi nukfoyuka kvv, yvmmvt Shilombish pima tok ilvppak o isht il akostinichi hoke.

#### CHAPTA IV.

Nan ithvnanchi moma kak o i yimma he keyu amba Chihowa im anumpa hō isht imomaka pisa hi a i miha, 1; 7 nana hosh katiohmi kak o il it i hulla hi a lauachit nan isht miha.

1. **HOLITOPA** vhleha ma! hopaii ilahobi lauvv yakni a atiapa hatuk oka, shilombish a uhvlinchit hvchi yimmi

ná; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip a sha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip a sha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yvmmvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yvmmak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yvmmak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmvto shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvto, Chihowa ya ik ithano mak oke. Chihowa ak okvto nan i hullo mak oka.

9. Yvmmak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vlhtoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pi hullo kv̄t yakohmi tok okma, pishno ak kia iloh it i hulla he v̄lhpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it i hullo hokma, Chihowa yvt hv̄pi anukfoyuka; yohmikma yv̄mma il i hullo kv̄t ai ahli mak oke.

13. Yv̄mmak okvt imi Shilombish a ai isht pima tok oka, pishno vt yv̄mma il ibai achvfakma, anonti ilap mvt pibai achvfa ka ilv̄ppak o isht il ai akostininchi hoke.

14. Micha pishno vt e pihisa mak osh yakni a okchalinchi a he Iki vt Ushi a auet kanchi tok a atokowa il anohonlishke.

15. Kv̄na hosh Chisvs vt Chihowa ya Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pi hullo ka il akostininchi, micha pi yimmi aiena tok. Chihowa vt nan i hullo hoke: yohmi ka kv̄na hosh nan i hullot ahanta hokvt, Chihowa ak o ai ib anukfoyukakma, anonti Chihowa mvt ilap a ai ib anukfoyuka hoke.

17. Nan v̄lhpesa nitak fehnakma pi nukwaya iksho ka he vt ilv̄ppak o nan il i hullo kv̄t isht ai ahli hoke: ilap vt kaniohmi ka, pishno mvt yv̄mmak inli ho chohmi hosh yakni ilv̄ppa il asha hokvt.

18. Nan i hullo ka nukshopa hv̄t iksho hoke; amba nan i hullo ahlika yvt nukshopa ha kohchit kanchi yoke; na nukshopa hv̄t issikkopali yoka. Kv̄na hosh nukshompa hokvto nan i hullo kv̄t ai ahli ho keyu mak oke.

19. Ilap ak osh tikba pi hullo tok oka, pishno vt yv̄mma il i hulloshke.

20. Hatak vt Chihowa ya i hullo li, achi hosh anonti itibapishi ha i nukkilli hokmvt, yv̄mmvt holabi yoke. Itibapishi ha pisa kv̄t ik i hullo kv̄to, anonti katiohmi hosh Chihowa pisa chatuk keyu kv̄t yv̄mma i hulla hinla cho?

21. Kv̄na hosh Chihowa ya i hullo hokvto, itibapishi ma i hullo ak inla he anumpa v̄lhpesa ilv̄ppa yv̄mmak osh pima tok oke.



CHAPTA V.

Kvna hosh Chihowa ya i hullo kv̄t i nan v̄lhpisa ma holitobli cha, yv̄mma im v̄lla puta ka i hullo hoke, 1; 7 nan atokowa yv̄t tuchina hosh v̄ba ya aiasha; 8 mikma tuchina makinli hosh aka ya āsha; 9 Chihowa ushi Chisvs vt pi okchalincha hinla kv̄t im v̄lhpiesa.

1. **KUNA** hosh Chisvs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokmv̄t, ilv̄ppak o Chihowa im v̄lla v̄hleha ha i hullo kv̄t isht il akostininchi hoke.

3. Im anumpa v̄lhpisa ya e holitobli ilv̄ppak osh Chihowa i hullo mak oke; micha im anumpa v̄lhpisa yv̄t a palv̄mmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilv̄ppak oke.

5. Kvta hosh yakni a imaiyachi cho? amba Chisvs vt Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok vt Chisvs Klaist ilv̄ppak oke: oka yak o illa keyu; amba oka, micha issish aiena tok. Mikma Shilombish ak osh ai ahli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya āsha, Iki, micha Anumpa, mikmv̄t Shilombish Holitopa aiena kak oke; mikmv̄t tuchina ilv̄ppvt achv̄fa hoke.

8. Yohmikma tuchina hosh nan atokoli kv̄t yakni a āsha, Shilombish, micha oka, mikmv̄t issish aienv̄shke; mikmv̄t tuchina ilv̄ppvt ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilv̄ppak oke.

10. Kuna hosh Chihowa Ushi ya i yimmi hokvto, nan isht atokowa kv̄t ilapo inlit anukfoyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yv̄mma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoyuka hokvto, ai okchaya ya ishi hoke; mikma kuna hosh Chihowa Ushi yvt ik anukfoyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi v̄hleha hv̄chia hv̄t ai okchaya bilia yvt hv̄chin takanli kv̄t hv̄sh ithaiyana chi, mikmvt Chihowa Ushi hohchifo ha hv̄chi yimma chi aiena kak o na yakohmi ka pit hv̄chi holissochi li hatuk oke.

14. Nana ka ilap nan ai ahni ka ya pit ai vlhpesa ho isht ai il im asilhv̄chi hokma, pi haponaklo pulla ka ilvppa pi yimmi hoke.

15. Micha nana ho il im asilhha ka, pi haponaklo ka il akostininchi hokmvt, anonti nana ho il im asilhha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashv̄chi kv̄t isht ai illa he keyu ho isht ai ashv̄chika pisa hokmvt, yv̄mmak ash ot asilhha na isht ai illa he keyu yo isht ai ashv̄chi tuk v̄hleha hash yv̄mmvt ai okchaya ya ima hi oke. Isht ai illa he ai ashv̄chika yvt takanlishke; yohmi hokvno v̄ba pit isht anumpula hi a ak mihoshke.

17. Nana ai vlhpesa keyu vt aiashv̄chika yo banoshke; yohmi ka isht ai illa he keyu nan ai ashv̄chika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithamv̄shke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yv̄mmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai vlhpeso banot talaia ka iloh ithamv̄shke.

20. Micha Chihowa Ushi vt vla cha, yummak osh nan ai ahli ka mak atuk ash il akostinincha chi ka, nan isht akostininchi a pi anukfoki tuk a iloh ithanvshke ; yohmi ho pishno vt yummak osh nan ai ahli ka mak atuk Ushi Chisvs Klaist a il ai ibai achvfa hoke. - Ilvppak osh Chihowa ai ahli, micha ai okchayvt bilia mak oke.

21. Ulla chipunta ma! na holvvt toba ya hvch ik ai ahalaio kashke. Amen.

## CHAN

## I HOLISSO A TUKLO HOKE.

Nan isht ai i hullo a kvllot achunancha chi ka ohoyo holiropa, im vlla aiena ka i miha, 1; 10 Klaist im vbanumpa ha isht aya keyu yvt na yoshublihi yoka yvma hvchik ahalaio kashke.

1. **U**BANUMPESHI sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ahli hosh i hullo li chatuk; mikmvt vno ak bano chatuk keyu; amba nan ai ahli ka akostininchi tuk okvto i hullo ak inli chatuk;

2. Nan ai ahli ka yvt a pi nukfoyuka kvv a pi nukfoyokvt bilia chi pulla ho yvmohmi hoke.

3. Hvch i hullo li ai ahli mak osh Iki Chihowa, mikmvt Iki a Ushi, Chitokaka Chisvs Klaist ita tuklo a mihinti nan isht i kana, mikmvt ai i nukhakloka, micha nan isht it i nanaiya aiena kvv hvchi anukfoyuka hi a ahni lishke.

4. Anumpa vlpisa Piki vt pima tok mak o, chim vlla vhleha hvv nan ai ahli ka mak o ai itvnowa na pisa li kvv, sa yukpa fehna tuk oke.

5. Yvmohmi ka ohoyo ma! anumpa vlpisa himona nana ho pit chi holissochi li ho keyu: amba vmona mak inli ho hvpin tonla tok ash iloh it i hulla he yak o chim ai ahni lishke.

6. Micha im anumpa vlpisa yak o ai iakaiyvt il itvnowa ilvppak osh nan i hullo mak oke. Ilvppak osh anumpa vlpisa mak oke; vmona mak inli ho hvsh habaklo tok vt, yvmmak o hvsh ai itvnowa he tuk oke.

7. Na yoshubli laua kvv yakni a atiapa cha, Chisvs Klaist

vt haknip asha hosh vla tok a atokowa anoli keyushke. Il-  
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk  
vt ik hvp i kvnio hosh, amba ai vlhtoba vlhpiesa ka iloh  
ishashke.

9. Kvna hosh ashahanchi cha, Klaist im anumpa anuk-  
foyukvt aya keyu hokvto, Chihowa ya pit ai ibai achvfa ho  
keyu hoke. Kvna hosh Klaist im anumpa ha afoyukvt aya  
hokvto, mihi yosh Iki, micha Ushi aiena ka pit ai ibai achv-  
fa hoke.

10. Kanima kvt ayvt hvchim vla kvt, anumpa ilvppak o  
isht aya keyukma, hoyot hvchim aboha ya hvch ik chuko-  
wachokmvt, hvch ik ai okpacho kashke.

11. Kvna hosh yvmma ai okpvchi hokvto, nan ik vlhpeso  
a yohmi ya pit ahalala mak oke.

12. Nana ka pit chi holissochi la hi vt lauvt asha; yoh-  
mi kvt holisso tohbi, micha isht holissochi okchi aiena ho  
isht a pit holissochi la he keyushke; amba nashuka bika it  
atokovvt anumpulit a pi yukpa fehna chi ka, vno vt ayvt  
chim ona la chi, vm ahoba hoke.

13. Chitibapishi ohoyo vlhtoka ya im vlla vhleha hvt pit  
chi ai okpvchishke. Amen.

## C H A N

## I H O L I S S O A T U C H I N A H O K E.

Kaius vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kvno vlhpesa ik im ahno; 12 Temetivs vno ahninchit isht anumpuli.

1. U BANUMPESHI sipokni yokvt Kaius holitopa fehna yvmma ai ahli hosh i hullo li chatuk mak o pit ai okpvchishke.

2. Holitopa ma! chi haknip vt achukmaka cha, i shahlit ia kv, chi shilombish vt isht i shahlit ia kak inli ho chohma hi a ahni li kak osh nana moma ka vm i shablishke.

3. Il itibapishi vhleha hv, ai vla mv, nan ai ahli ka yvt a chi anukfoyuka cha, nan ai ahli ka ai ish ataya ka atokowa anohonli ka a sa yukpa fehna tok.

4. Na sa yukpa kv, vm vlla vhleha hv nan ai ahli ka ya ai itvnowa na haklo li ka vm i shahli kv iksho.

5. Holitopa ma! il itibapishi vhleha, micha batak itvnowt aya aiena ka nana ho ish ai i kaniohmi kv, ish ai ahli achukma bieka hoke.

6. Yvmmak ash ot, i hullot ish. apelahanchi ka, chvch a im a chi atokowvshke; yvmmak oka nowvt aya ka Chihowa aiahni vlhpiesa ho pit ai ish apelahanchi hokmv, ish ai vlhpiesa he mak oke:

7. Yvmmak okvt yvmma hohchifo pulla hatuk mak o Chentail a nanasi kia ik im ai esho hosh itvnowvt aya hatuk oka.

8. Yohmi hoka pishno vt nan ai ahlika ya pit ai im

apelvchi pia ha chī kv̄t, yv̄mma chohmi ka ai okpv̄chit nana il im atahanla he v̄lhpiesa hoke.

9. Chv̄ch a pit ī holissochi li tok; yohmi kia yv̄mma ai ī shahli bv̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokmv̄t, yv̄mmv̄t nana a kaniohmi tuk, anumpa okpulo ka isht a pi achukushpv̄li tuk: mikmv̄t yv̄mma illa hokv̄to ik im ono mv̄t, anonti il itibapishi v̄hleha h̄a ai okpv̄chit nan ik im atahlo mv̄t, anonti kanima kv̄to yohma he tuk a im alv̄mmit, yv̄mmak ash chv̄ch a akocha weli tuk a ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma h̄o a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo ya yohmi kv̄to, Chihowa ya pisa tok keyu mak oke.

12. Hatak moma, micha nana ai āhli ka fehna aiena kash kia Temetivs a annoa achukma ka anolishke; āhli, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai āhli ka hv̄sh ithaiyanv̄shke.

13. Nana ka holissochi la he'vt lauv̄t āsha hatuk: yohmi kia isht holissochi okchi, micha isht holissochi aiena ak okv̄no isht pit ak chī holissocho ka chīshke:

14. Yohmi kia chekosikma chi pisv̄t, nashuka ai it atok-ov̄t isht chim anumpuli la chī ka v̄m ahoba hoke, Nan isht il ai yukpa yv̄t chi anukfoyukashke. Pi kana v̄hleha hv̄t pit chi ai okpv̄chishke. Il itī kana v̄hleha h̄a hochifo cha, pit ish ai okpv̄chashke. Amen.

## CHUTE

## I HOLISSO HOKE.

Nan ai yimmika ya a kvllot achunanchit hiela he im abni, 1; 4 nan ithvnanchi ik ai ahlo puta kvv ib a chukowa he, yahmi kia yvm-mvt ai ilbvsha hi okvto im vhltaha; 20 Chihowa anukfoyuka yokvto shilombish holitopa apelachi pulla, mikmvt vbanumpohonli aiena pulla hosh ilap a okchalinchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibapishi hokvt, Iki Chihowa ya, i holitopa vhleha, micha okchaya he vltoka tok; micha Chisvs Klaist ak atuk pulla kak o ai ahlit i yimmit mahaya yvmmak o pit i holissochi kvv,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kvv hvchin lauashke.

3. A holitopa vhleha ma! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kvv nana ka hvchi atohnochi la he vm vlpiesa he tuk: yohmi kvv vbanumpa ai ahli yvt himonna ma vbanumpuli vhleha hoka im anohowa tok ak o i yimmi aiahlit hvsh mahaya chi kvv yichina fehna hosh hvsh hohoyashke.

4. Yohmi ka hatak kaniohmi hokvt ik i nuktaflo fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlpihisa tok: yvm-mvt Chihowa holitobli keyu hokvt, pin Chihowa isht i kana ya havi imma isht ai ihikbi, micha yvmmak illa hosh Chito-



kaka Chihowa, micha pi Okchalinchi Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Michā enchil vhleha hokvt a toba vmmōna tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tvli itatakvli isht talakehit bilia hosh nitak chinto nan ai vlhpisa ka ona he im ai ahni hoke.

7. Yohmi ka Sotom, Komolah, micha tvmaha hochito auet i bilika aiena kash osh yvmmak ash o chiyuhmit, hau ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehlit, nan i shahli ya kvllakshichi, micha hatak nan vlhtoka holitopa he vlhpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mv, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampoā im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmmv i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmv, na

liteha v̄hleha yosh nukshopa kia ik im iksho hosh il impa-hanchi kv̄t; hoshonti oka iksho yō mahli puta kv̄t kanima isht aya; iti vni bv̄shit, vni iksho puta, hitukla illi, akshish momvt lobahli mak oke:

13. Okhv̄ta chito oka piakv̄chit it ai ihissot, ilap isht ahofahya ya pokpokit kohonchi; fochik yoshuba puta hoka ai okhlilika chinto yak osh yvm̄mak okvno immit bilia he im v̄lh̄pisa hoke.

14. Mihma Enok, Alvm̄ isht ai unchululi ont isht untuklo kak kia, anumpa ilv̄ppa tikbanli anohonli kv̄t, Yakeh! Chitokaka yokv̄t ī holitopa v̄hleha tahlepa sipokni pokoli ka ai itv̄pehvt v̄la kv̄t.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai v̄lh̄pesa keyu puta yvm̄ohmit ai asha chatuk, micha nan ashv̄chi Chihowa ik im antio v̄hleha hv̄t ilap ī sanalit anumpa kv̄llo anumpohonli chatuk aiena moyuma ka na palv̄mmi ka onocha hi oke.

16. Ilv̄ppak okv̄t ik ahninchot lumasit isht anumpuli v̄hleha hosh ilap chukv̄sh okpulo nan ahni kak ō iakaiya yoke; micha isht ilauata fehna anumpa puta ka itih ha isht anumpohonli kv̄t, ilap nan isht im achukma he, ahni kak osh, hatak nashuka puta ka ahninch̄i yoke.

17. Amba ā holitopa v̄hleha ma! hv̄chishno yv̄to pin Chitokaka Chisvs̄ Klaist im anumpeshi v̄hleha hv̄t tikba kash anumpa isht hv̄chim anumpohonli tok puta kak ō hv̄sh ithaiyanashke:

18. Yohmi kv̄t ont ai ishtaiyopit mah̄ayakma, nan isht ik ahobalo v̄hleha hv̄t Chihowa ik holitoblo hosh ilap chukv̄sh okpulo nan ahni kak ō iakaiya hosh ai asha hi oka, hv̄chim anohonli tok ā hv̄sh ithaiyanashke.

19. Ilv̄ppak osh v̄banumpuli iksa ai āhli ka il ai ī filv̄mmi-chi kv̄t, haknip nan ahni yō iakaiya hosh, Shilombish Holitopa yvt ik im iksho hoke.

20. Amba ā holitopa hv̄chishno yv̄to, Shilombish Holitopa yvt hv̄chi anukfoyuka hosh anumpa ilbv̄sha anumpohonlit, na hv̄chi yimmi holitopa fehna kv̄t hv̄sh il ai āhlichashke;

21. Chihowa ya hvsh i hullo kv̄t hvsh il achunanchi hosh, Chitokaka Chisvs Klaist okv̄t hvchi nukh̄aklo na aiokchayvt bilia ya hvsh ona chi kv̄t hvsh hohoyashke.

22. Mikmvt yakohmi hoka im ahnit, kaniohmi kvno hvsh̄i nukh̄aklashke.

23. Micha inla kvno nukshoblit halvllit, luak a a kohchit hvsh hlakofichi kv̄t, na fohka haknip isht aliteha yak heno hvsh i yuwalashke.

24. Yohmi ka yvm̄mak osh hvch̄i halanli hō ik hvch ibetvblo ka he, micha ilap ai o binili holitompa itikba ya anumpa ik achukmo hvchi onvtonla iksho nan isht il aiyukpa chinto hō isht hvchi ona hinla,

25. Pi Okchalinchi Chihowa hopoyuksa kak bieka yvm̄mak o isht a holitopa, isht a chinto, micha isht a m̄iko, micha nan isht ai ahli aiena kv̄t himonasi, micha himak a pilla ka immit biliashke. Amen.

## ŪBANUMPESHI CHAN A

NANA KŪT IM OTŪNI TOK.

---

### CHAPTA I.

Ūba nan im otaiyani tok vt tvli holisso lakna pula ai o hikia untuklo nan isht vllhpisa hō Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ahli holitopa chinto aiena ka anoli.

1. CHISŪS Klaist nan isht otvninchi yvmmak oka Chihowa hvt ima na in chekosikma nana a kaniohmi pulla chi ka, in tishu vhleha hā im otvnincha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisvs Klaist nan isht im atokowa, micha nana hō pisa tok aiena kv̄t atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihjso tuk a holitobli hokvto momvt na yukpvshke; yakohma chi ka ai onā hosi hoka.

4. Chan vt Asia yakni chvch a hiohli untuklo ka pit aiokpvchi; yvmmv̄t okchayvt ahanta kv̄t, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kv̄t a minti, yvma im ai o binili holitompa itikba ya a hielī Na shilombish untuklo aiena ka a minti;

5. Michā Nan atokowa anoli ai ahli, mikmvt illi tuk osh

falamvt tani kv̄t illi v̄hleha hak o Uttahpi hosh holitopa i shahli ; micha miko yakni pakna ai asha puta I shahli Chisvs Klaist mak o a minti hosh hv̄chi anukfoyukashke. Hvp̄ i hullo cha, na hv̄pim ai ashv̄chika puta hatuk ma ilap im issish ak inli hō isht achifvt hv̄p̄ i kashofi cha,

6. Iki Chihowa na holitopa isht im vtta, micha miko yō ohminchi hosh pi atokoli tuk mak osh mihi yō isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti hō il ai eshi hosh minti mak oke ; yohmi ka hatak nishkin puta, mikma kv̄na hosh yv̄mma tvli halupa isht bahli tok v̄hleha ash kia moyumvt pisa he ; yohmikma oklushi puta yakni pakna ai asha tuk vt moyumvt yv̄mmak atuk pulla kak o komuntvt yahaya hi oke ; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia v̄mmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄m̄mi ka hv̄ch iba pih̄sa sia, micha Chisvs Klaist ap̄ehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak o yakni tashaiyi Patmos hohchifo hō ont anta li tok.

10. Atuk osh Chitokaka i nitak o Shilombish Holitopa yvt si anukfoyuka fehnvt ahanta li hō, v̄m asha ka imma ya nan ola chinto isht p̄ufa ola hō chohmi kv̄t,

11. Ūno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke ; yohmi hoka nana hō ish pih̄sa kv̄t holisso h̄a ish a holissochi cha, Asia yakni chv̄ch a hiohli untuklo Efesvs, micha Smv̄na, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi hō haklo li tok.

12. Yohmi ma auet v̄m anumpohonli yv̄mmak ash o pisa

la chi hosh pit filema li tok. Yohmi kv̄t pit filema li mv̄t, tv̄li holisso lakna pv̄la ai ǝ hikia untuklo ka pisa li tok :

13. Yohmi ma pv̄la ai ǝ hikia untuklo yv̄mmak ash ik-lv̄nna ya Hatak Ushi ak ǝ hoiba hosh, anchi vt̄ iyi pilla ona hǝ ai anchi hosh, tv̄li holisso lakna isht vskofv̄chi ǝ chinuko foka ak ǝ isht takchi hosh hikia tok.

14. Mihma noshkobo, micha p̄ashi aiena kv̄t tohbi kv̄t chukfi hishi, micha okti pushi aiena kak ǝ chiyuhmi ma, nishkin vt̄ luak libbi hak ǝ chiyuhmi tok :

15. Yohmi mv̄t iyi yvt̄ malanta kv̄t tv̄li lakna yosh tv̄li abila yo fohkv̄t hullokmi tuk mak ǝ chiyuhmi ma, itih ola kv̄t oka chinto fopa hǝ chiyuhmi tok.

16. Mihmv̄t ibbak isht impak imma ya fochik untuklo hǝ isht ieshi tok ; mihma itih hā bv̄shpo falaia itahlakla halupa yosh a kohcha ma, nashuka yvt̄ shohpakali kv̄t, hv̄shi tom-mi ai ahli tommi chatuk mak ǝ chiyuhmi tok.

17. Yohmi ma yv̄mmak ash ǝ pisa li mv̄t, illi yo chohmit iyi ituma ya ont sa tula tok. Yohmi ma ibbak isht impak imma yā ishit si umbitepa mv̄t, Ūno ak osh v̄mmona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt̄ ahanta sia mak osh, sv̄lli tok nana kia, anonti yakeh ! okchayvt̄ sa bilia hoke, Amen : yohmi hosh isht ai illa he, micha shilombish aiasha aiena isht-tiwa yā ieshi li hoke.

19. Nana ish p̄isa tuk, micha nana kv̄t a kaniohmi, mikmv̄t himak a pilla hǝ nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma alhto hǝ ish p̄isa kash, micha tv̄li holisso lakna pv̄la ai ǝ hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im v̄tta v̄hleha untuklo kak oke ; yohmikma pv̄la ai ǝ hikia untuklo ish p̄isa kash ot chv̄ch a hiohli untuklo kak oke, v̄m achi tok.

CHAPTA II.

Efesvs, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana hō pit i holissocha chi ka Chan a im apesa kv̄t, nana kv̄t ai v̄lhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pvla ai o hikia untuklo hō iklv̄nna a nohōwa yak osh ilv̄ppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlv̄t ish achunanchi, mikmvt ai v̄lhpiesa keyu v̄hleha hā kaniohmit ish im ahninchī keyu, yohmikmvt kv̄na kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kv̄t palv̄m̄mi ka ish pih̄isa kia, nuktanlv̄t ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk a chim ithaiyana lishke.

4. Yohmi nana kia v̄m̄mona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahnincho kv̄t v̄m̄ ashv̄shke.

5. Yohmi hoka kanima yo a hikivt ik a lauwt ish ia tuk vt pit anukfihinlit, ish ile kostininchi cha, nan isht ish ai vtta v̄m̄mona tok ak o ish yvm̄ihchashke: yvm̄mak keyukma chekosi chim aya likmvt, ish ile kostininchi hō keyukma, chi pvla ai o hikia ya ishit, a hikia tuk a kanv̄llichī la hi oke.

6. Amba chishno yokv̄to ilv̄ppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yv̄mma vno ak kia ak ahninchoshke.

7. Kv̄na hosh haksobish vt i hinli hokv̄to, Shilombish Holitopa yvt chvch v̄hleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokv̄to, mihi yosh ai-okchaya iti Chihowa i Palatais iklv̄nna hikia hatuk ma ai vpa hi a ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yvmmak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvv chin laua ka ithana li,) mikmvt kanima kvv nana ka ik ahobalot anumpulit mihi yo keyu kvv, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kvv isht chi ai ilbvsha he puta asha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvvlo a hvchi apitta he; yohmikma nitak pokoli ho na palvmmi hvsh pisa chi hoke: ai ahlit mahayvt ont chillashke; yohmikma iachuka okchaya yo chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yo Setan vt apehlichy yvmmak kia ish ai vtta ka ithana lishke; yohmi kvv sa hohchifo hatuk ma kvllochit ish ieshi mvt, anonti Antipas yvmmak okvt vm antia ai ahlit atokowa otvninchi yosh hvchi takla ahanta tok a Setan ai vtta yak o ai vbi tok nitak foka kak kia, vno a is sai yimmi tuk vt chik kancho tok a ithana lishke.

14. Yohmi kia na holbvt toba puta isht aiokpvchi tuk puta ka vpa chi, mikmvt itin lumaka ma yvmohma chi ka, Israel okla itikba ya isht ai ibetvbli i bohla chi ka Belam vt Balak a im avvchi tok nan vlvvchi ilvppa holitobli vhleha yvmmak o ish il a pehlichy hoka, nana ka isht ak chim ahnincho ka achafoa kvv vm ashvshke.

15. Yohmi mvt anonti Nikolaitan okla nana isht ithvnan-



chi yummak oka ak ahnincho chatuk mak o, mihi yo holi-  
tobli vhleha yummakma ish il apehlichí ak inlishke.

16. Ile kostininchi; yummak keyukma chekosi fehna  
chim aya lish, okla yummak oka bvshpo falaia svtih a  
kohcha hatuk ma ont isht itibi la he mak oke.

17. Kuna hosh haksobish vt i hinli hokvto, Shilombish  
Holitopa yvt chvch vhleha ha nan ok im ahanchi puta ka  
haklashke. Kuna hosh nana ka imaiyachit a hlopulli ho-  
kvto, mihi yosh manna lumpoa vpa chi ka ima likmvt,  
anonti tvli tohbi yo yvmma hohchifo himona yosh a ho-  
lisso, yohmi ka yvmma hatak nana hosh ithana he keyu,  
amba ishi tuk ak illa hosh akostininchi mak o ima la hi  
oke.

18. Anonti chvch Hlaiatila a hikia nan isht im vtta ya  
pit ish i holissochashke: Chihowa Ushi yvmmvt nishkin vt  
luak libbi ho chiyuhmi ma, iyi mvt tvli lakna malanta  
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan  
isht ish ahanta, na chi yimmi, nuktanvt ish achunanchi,  
mikmvt nana ish a kaniohmi puta, yohmi kvv ont ishtaiyopi  
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo  
hopaii mak o ile miha hosh, yvmmvt an tishu vhleha ha  
nan im avvchit, yoshubli na itin lumaka yvmohma he, mik-  
mvt nana ka na holvvt toba yo isht aiokpvchi tuk puta kia  
vvt ai asha hi a, vlvpesa ish im ai ahni hatuk oka, nana ka  
isht ak chim ahnincho ka achafoa kvv vm ashvshke.

21. Yohmi mvt itin lumakvt ahanta chatuk vto ai ile  
kostinincha chi ka nitak a ima li tok, nana kia ile kostinin-  
cha he keyu ki tok.

22. Yohmi hoka yakeh! yvmma atuk ma topa pakna yo  
pit ai om bohli likmvt, yvmma itin lumaka yatuk ma na  
palvmmi chivto ka onochi la chi hoke; nana a kaniohmi  
yatuk puta kvv ai ile kostininchi ho keyukma.

23. Mikmvt ohoyo yvmma im vlla vhleha hatuk ma illi  
mak o isht ahambi la chi hoke; yohmikma vno ak osh  
hatak chukvsh nana ai ahni puta ka afvnalechit ithana sia

hatuk a chvch vhleha puta kv̄t ithaiyana he mak oke: yohmikma hvchishno hvsh a kaniohmi puta kak o isht ai vlhpesa aiyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan vlv̄chi ilv̄ppak ash ik ahnincho, micha Setan vt im anukfila ont ai vhli mak o, okla miha ka, ik ithano hvchia hokvno na weki inla nana ho hvchi onochi la chi ho keyu, hvchim achi lishke.

25. Amba nana ka hvsh ieszhi mashko hatuk okvto, kullochit hvsh ishi na vla li hayashke.

26. Yohmikma kvna hosh nana ka imaiyachit, nana kv̄t yakohma he ahni li ka holitoblit im antivt a hlopulli hokvto, mihi yosh oklushi puta hatuk ma i shahla he mak o, vno a Aki vt vm apesa tok a, chohmichit im apesa la he mak oke:

27. Yohmikma yvmak ash ot tvi fuli toba ho ieszhi hosh yvma nan im apihisa he; mikma yvmak atuk mv̄t shuti tva yosh na tva tuk o bushullit tvmoa chatuk a chiyuhma hi oke.

28. Yohmikma yvmak amo onnahinli fochik a ima la he mak oke.

29. Kvna hosh haksobish vt i hinli hokvto, Shilombish Holitopa yv̄t chvch vhleha ha nan im ok ahanchi puta ka haklashke.

### CHAPTER III.

Satis chvch hikia vbanumpa isht im v̄tta ya nan i miha, 1: 3 ile nukhaklonchit ilekostinicha chi ka i miha: Filatelfia chvch hikia ka nan isht im v̄tta yv̄to nana ka ahlit achunanchit ahanta ka im ahnichi; 15 Laotisea chvch nan isht im v̄tta ya tuk vt libisha keyu, mikmv̄t kapusa keyu aiena ha tuk o im alv̄mmi; 20 Klaist vt okhissa ya hikivt sokoha.

1. MIKMVT chvch Satis a hikia nan isht im v̄tta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilv̄ppa puta ka achishke: Nana ish a kaniohmi puta, okchaya mak o chi hohchifo ak inli kia, illi yo chia hoka chim ithaiyana lishke.

2. Nana kv̄t ai v̄lhpiesa aḥli hō Chihowa itikba ya ish a yvmohmi na pisa li keyu hoka, ahah! ish il ai ahni cha, nana kv̄t illi mak o mahaya kia aḥsha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hōk mvno, hukopa nowvt aya hō chohmi hosh ant ch̄i kohcha la ch̄i; yohmi ka hvshi kanv̄lli nana hō ant ch̄i kohcha la ch̄i ka ish ithana hi o keyu hoke.

4. Satis ak okvno holhtina kanomosi kv̄t, yvmmak okvto im ilefoka ya ik litehlo kv̄t, chim aḥshvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha sv̄b ai itvnowa he mak oke.

5. Kv̄na hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvma hohchifo hv̄t ai okchaya holisso a takali tuk a kashofi la he keyu, amba hohchifo h̄a Aki, micha im enchil v̄hleha aiena itikba ya ai anohonli la he mak oke.

6. Kv̄na hosh haksobish i hinli hokvto, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

7. Mikmvt chv̄ch Filatelfia a hikia nan isht im vtta ya pit ish i holissochashke: Holitopa, ai aḥli mak osh, Lewi im isht tiwa ya ieshi hosh, yvmmv̄t okhishta haya, hatak nana hosh wakv̄mma he keyu; anonti tiwa haya, hatak nana hosh okhishta he keyu chatuk mak o ilv̄ppa puta ka achishke.

8. Nana ish a kaniohmi puta ka ithana lishke: yakeh! isht hlampko iskv̄tinosi kv̄t chin takanli cha, vm anumpa h̄a ish holitobli mv̄t, sa hohchifo h̄a chik kancho hatuk oka, okhissa ya tiwit chi tikba ya hilechi li: yohmi ka hatak nana hosh yvmmak oka okhishta hi o keyu hoke.

9. Kanima kv̄t mih mak o keyu kv̄t, Chu mak o ile mihvt holabi v̄hleha hv̄t Setan i sinakak atuk a atokolit anoli la ch̄i hoke: yakeh! yvma puta kash ot chiyi ituma ya ai v̄lv̄t ant aiokpv̄chi hosh, vno vt ch̄i hullo li hatuk a akostinicha hi a im anukfilli la ch̄i hoke.

10. Chishno vt nuktanlv̄t ish achunancha hi chim apesa li tok vm anumpa h̄a ish holitobli tuk oka, vno ak kia na palv̄m̄mi yv̄m̄m̄vt yakni pakna āsha puta ka imomaka pisa ch̄i mak osh yakni pakna onvtuyula hi oka, hv̄shi kanv̄lli yv̄mma fehna ka chi hlakofihinchi la he oke.

11. Yakeh! chekosi v̄la la ch̄i mak oke: nana ish ishi yv̄mmak atuk vt kv̄llochit ish ieshi pulla na iachuka h̄a hatak nana kia ik chim esho kashke.

12. Kv̄na hosh nana ka imaiyachit a hlopulli hokv̄no mihi yo an Chihowa in tempel in tonik o ikbi la he: yohmikma yv̄mmak atuk mvt nitak nana ik kohcho ka he mak oke: yohmikma an Chihowa hohchifo, mikm̄vt an Chihowa in tv̄maha chito hohchifo, yv̄m̄m̄vt Chelusalem himona, an Chihowa ak o minti hosh v̄ba yakni a a kohchvt v̄la hatuk a yv̄mma isht a holissochi la he, mikm̄vt, sa hohchifo himona ma yv̄mmak ash isht a holissochi la hi oke.

13. Kv̄na hosh haksobish vt i hinli hokv̄to, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

14. Mikm̄vt chv̄ch Laotisea a hikia nan isht im v̄tta ya pit ish i holissochashke: Amen, Nan atokowa anoli ahli, Chihowa nana ikbi tok a moma in Tikba mak osh ilv̄ppa puta ka achishke.

15. Nana ish a kaniohmi puta ma ithana li ka, chi kapv̄ssa, keyukm̄vt, anonti ik chi lv̄shposhke; yohmi ka chi kapv̄ssa hokm̄a, chi lv̄shpa hokm̄a, nana tuk okbano, ahni lishke.

16. Yohmi kv̄t chi kapv̄ssa keyukm̄vt, anonti ik chi lv̄shpo hosh peh chi libisha v̄m̄mona hatuk oka, hoitvt sa takha a kohchit chi kanchi la hi oke.

17. Nana kv̄t an laua kv̄t, i shahlit isht ia hatuk osh nana kia sa bv̄nna keyu, ish achi; yohmi cha na palv̄m̄mi pih̄isvt chilbv̄sha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua ch̄i kv̄t, tv̄li holisso lakna luak isht imomaka pisvt vl̄htaha yo vno ak o is san chumpa ch̄i, mikm̄vt na fohka ish fohka cha, nipi banot hofahya kv̄t ik chim

iksho ka chi kvt, vno ak o na-fohka tohbi yo is san chumpa chi, micha nishkin ahama ma an chumpvt, chi nishkin a ish ahami cha, ish hoponaya chi ka, chi miha lishke.

19. Kvana ho vno vt i hullo li hokvto, nana ka im olbbit kostininchi li chatuk: yohmi hoka nana ka amosholi hosh ish ile kostininchashke.

20. Yakeh! okhissa ya hikivt sukohoha lishke: Kvana hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mvt svbai impa chi mak oke.

21. Kvana hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitompa ya a binili li kvt, ymmak inli ho chohmit vm ai o binili holitompa ya a binila chi ka, im apesa la he mak oke.

22. Kvana hosh haksobish vt i hinli hokvto, Shilombish Holitopa yvt chuch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kvt itikba, olbvl aiena ka nishkinvtalotowa;10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. **N**ANA kvt a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma auet svt im anumpuli anumpa vmmona haklo li ka, isht pufa yo chiyuhmi hosh, Ilvppak o oiyá, mikma himak a pilla nana a kaniohma he puta ka chim otvninchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitompa kvt vba shutik a ai o hikia ma, ai o binili holitompa ymmak ash achvfa kvt o binili tok.

3. Yohmi ka ai o binili holitompa o binili ymmak okvt pisa ka tvli holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohliit folubli tok: yohmi ma hatak tikba pokoli tuklo akucha ushta kv̄t na fohka tohbi abehkv̄chi hosh tv̄li holisso lakna iachuka h̄o iachukoli hosh ai o binili yash o binohmaya tok.

5. Yohmi ma ai o binili holitompa yash malv̄tha, hiloha ola aiena hosh a kohoncha tok. Mihma ai o binili holitompa yash itikba ya p̄vla luak untuklo, yummvt Chihowa imi Shilombish untuklo mak osh hieli tok.

6. Yohmi ma ai o binili holitompa itikba ya okhv̄ta shohkoali hosh klistal ak o chiyuhmi hosh talaia tok; yohmi ma ai o binili holitompa ai iklv̄nna, mikmvt auet a bilika fullota aiena ka nan okchaya ushta kv̄t itikba, micha im ashaka aiena ka nishkin biekv̄t alotowa hosh aiasha tok.

7. Yohmi ka nan okchaya vmmona kash ot koi chito yo holba ma, nan okchaya ont atukla kash ot wakushi yo holba ma, nan okchaya ont atuchina kash ot nashuka āsha kv̄t hatak nashuka yo holba ma, anonti nan okchaya ont aiusha kash ot ossi hika h̄o holba tok.

8. Mihmvt nan okchaya ushta hash ot sanahchi vt i han-nali aiyuka ma, nishkin biekv̄t isht alotowa tok: mihmvt yummak ash ot, Holitopa, holitopa, holitopa, Chihowa Chitokaka nana moma imaiya, yummak osh okchayvt ahanta tok osh himak a okchayvt ahanta kv̄t, himak a pilla ka okchayvt ahanta hi oke, ahanchi kv̄t nitak, ninak aiena ka ik ai yokoposhke.

9. Nan okchaya v̄hleha yummak ash ot okchayvt ahantvt biliv̄t bilia yvt ai o binili holitompa o binili kash, yak oke im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh okchayvt ahantvt biliv̄t bilia yvt ai o binili holitompa o binili kash itikba ya ant hlipkv̄chit, aiokpahanchi mvt, im iachuka hash shoelit ai o binili holitopa itikba ya pit ashachi mvt,

11. Chishno ak osh nan okluha ka ish ikbi tok: micha

chishno nana ish ai ahni ho nana ai asha kv̄t toba tok oka, Chihowa ma! nan isht a holitopa, micha isht ahninchī, mikm̄vt isht chim ai ahli puta kv̄t a chimmi ha he vt chim v̄lhpesa hoke.

CHAPTA V.

Holisso hv̄t nan isht ashana untuklo ho isht ashana ho Chan vt pisa, 1; 9 yv̄mma chukv̄lh̄poba ushi yv̄mm̄vt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmak ash o aiokpahanchi; 9 ilap im issish o isht okchalinchī tuk a okla anohonli.

1. Y UMOHMI ma a holisso yvt anukaka, mikm̄vt pakna aiena ka holisso hosh, isht ashana untuklo ho isht ashana hosh ai o binili holitopa o binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpohonli m̄vt, Kv̄ta hak osh isht ashana puta hatuk a mokohlichī cha, holisso hash tiwa hi vt im v̄lhpiesa cho? achi ho pisa li tok.

3. Yohmi ma v̄ba shutik, micha yakni, mikm̄vt yakni nutaka aiena ai ahanta kv̄t kv̄na kia holisso yv̄mma tiwa he, mikm̄vt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk a tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mm̄vt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chi kv̄t ont im ai ahli hatuk oke, vm achi tok.

6. Yohmi ma yakeh! ai o binili holitopa, micha nan okchaya ushta, mikm̄vt hatak tikba v̄hleha aiena ka ai itin takla ya Chukv̄lh̄pobushi vt hikia kv̄t illi tuk a ahoba hosh, lapish vt untuklo cha, nishkin m̄vt untuklo, yv̄mm̄vt Chihowa imi shilombish untuklo yakni moyuma ai im aya mak o pisa li tok.

7. Mihmvt yvmmak ash ot minti mvt, ai o binili holi-  
tompā o binili im ibbak isht impak imma holisso hv̄t foka  
tuk ash ant kohehit ishi tok.

8. Mihma yvmmvt holisso hā ant ishi ma, nan okchaya  
ushta, micha hatak tikba pokoli tuklo akucha ushta kash ot,  
hap, micha tvli holisso lakna nan ai vlhto yosh na balama  
alotowa, yvmmvt vbanumpuli puta im anumpa ilbvsha mak  
osh yohmi hō ishi banot, Chukfvlhpobushi itikba yā okla  
ont hlipkvchi tok.

9, 10. Michā taloa himona ka okla talohowa kv̄t, Chishno  
ak osh chilli hosh oklushi ilaiyuka, im anumpa ilaiyuka  
puyuta, hatak okla moma a kohechi hosh Chihowa immi e  
toba chī ka, chishno chim issish ak o isht ish pi chumpa  
hatuk; yohmi hosh Chihowa hā na holitompā isht im vtta,  
micha miko vhleha aiena ka ish pikbi tok: atuk o yakni  
pakna ka a mikot il ai asha chī hoka, Chishno ak osh holisso  
hash ish ishi cha, isht ashana yash ish tiwa he vt a chim  
vlhpiesa hoke, ahanchi tok.

11. Yohmi ma pit pisa li ma, ai o binili holitompā bilika  
fullota ka, enchil vhleha laua, mikmvt nan okchaya, micha  
hatak tikba vhleha aiena ka itih ola bieka hō haklo li tok;  
yohmi kv̄t yvmmvt holhtena kv̄t tahlepa sipokni pokoli  
banot ia kv̄t tahlepa sipokni pokoli cha, anonti tahlepa  
sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan  
isht im ai ahla he, micha nan uha in laua, mikmvt isht a  
hopoyuksa, micha isht hlampko, mikmvt isht ahninchī,  
micha isht aholitopa, mikmvt isht aiokpanchi aiena ka a  
chimmi ha he vt chim vlhpesa hoke, ahanchi hō haklo li  
tok.

13. Yohmi ma vba, micha yakni pakna, mikmvt yakni  
nutaka, mikmvt okhvta anukaka, nan okchaya aiasha tuk,  
mikmvt yvmma puta aiasha tuk vt momvt, Ai o binili holi-  
tompā o binili, micha Chukfvlhpobushi ita tuklo kv̄t isht ai  
okpanchi, micha isht ahninchī, mikmvt isht a holitopa, mik-  
mvt isht im ai ahli aiena kv̄t ai immi kv̄t bilivt biliashke,  
ahanchi hō haklo li tok.



14. Yohmi ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkuchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli; tiwakma nana hosh kaniohmi; nana kv̄t ont ai v̄lhikma kaniohma he anoli.

1. **YOHMI** ma p̄isa li h̄o, Chukfv̄lhpobushi vt holisso isht ashana achvfa kash tiwi tok: mihma hiloha wimimpa h̄o chiyuhmi hosh nan okchaya ushta kash ot achvfv̄t, Minti cha, ant pisá, achi h̄o haklo li tok.

2. Mihma yakeh! issuba tohbi ȳo p̄isa li tok: mihma iti tanampo ishi hosh yv̄mmak ash o o binili; yohmi ma yv̄mmak ash o iachuka ima ma, yv̄mmak ash ot imaiyachit hlopulla ch̄i kv̄t imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisá, achi h̄o haklo li tok.

4. Atuk o issuba inla yv̄mmv̄t humma yosh kohchvt ia tok: yohmi ma yv̄mma o binili kv̄t nanaiya hatuk a yakni pakna ya a mokofit isha ch̄i kv̄t im v̄lhpisa na okla hv̄t ilap b̄ika ya itilicha he mak atok; yohmi ma yv̄mmak ash o bv̄shpo falaia chinto h̄o ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisá, achi na haklo li tok; mihma yakeh! issuba lusa ȳo p̄isa li tok; mihma yv̄mma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla ya ai anumpa ola kv̄t, Iskv̄li achv̄fakma onush isht v̄lhpisa achvfa, mikma iskv̄li achvfa ka bale vt isht v̄lhpisa tuchinashke; yohmi kia ahah! ish ai ahni cha, alif vni, mikmv̄t oka p̄aki aiena hokvno chik okpano kashke, achi h̄o haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant pisá; achi na haklo li tok.

8. Yohmi ma yakeh! issuba hatolakna yo pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bushpo falaiia, micha na hohchifo, mikmvt nan-illi, micha nampoa nukshopa puta yakni pakna ai asha aiena kak o isht illicha chi kvt im vllpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok vhleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mvt, Chitokaka ai ahli holitopa chia hvt pim issish a tok a atobvchi kvt yakni pakna ai asha ka chik im apeso ho, hopaki kvt katihmi foka chi cho? ahanchi tok.

11. Yohmi ma yvmmak ash o ilefoka tohbi falaiia holi-tompa aiyuka ho ima tok: mihma chekosi takla hokvno nukchintot fohvt maya na itibapishi vhleha tishu ilap ai itilau putakak' kia, ilap ak atok ak inli ho chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto ho pisa li tok: mihma hvshi vt lusa kvt na pashi tvnna yo chiyuhmi ma, hvshininak-aya yvt issish ak o chiyuhmi tok.

13. Yohmi ma vba fochik puta kvt chilofvt akakoha kvt, fik vpi yvt mahli kvlllo fehna ho faiokahanchi na ik ai ono ho vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kvnia ho chohmit pit kvnia tok: mihma nvnih chaha, micha tashaiyi puta kvt a taloha tuk a a kanvllit taha tok.

15. Mihma miko vhleha yakni pakna ai asha tuk, micha hatak hochitokaka vhleha, mikma hatak nan in laua vhleha, kvpitvni hochito, hatak holi-tompa vhleha, mikmvt hatak yuka, micha hatak yuka keyu puyuta kvt nvnih chaha

puta tvli hochito aiena ka chiluk ai asha tuk a a lumpoa tok.

16. Mihmvt nvnih chaha puta, michá tvli hochito aiena kash o, Auet hvsh pi o kinahli cha, ai o binili holutompa o binili ka i nashuka, micha Chukfvlhpobushi nan isht i nukkilli aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kaniolmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holutopa falaia isht fohkvv aiasha holutopa itikba ya hiohmayá; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chi ka, yakni auet a mahli ushta hatuk ma ieshi hosh, yakni achukbeli ushta ka hieli ho pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vttvt oiyvt minti ho pisa li tok; mihma yvmmak ash osh enchil ushta yakni, micha okhvta aiena okpna chi im vlhpisa tuk ash o chitoli hosh pit in tahpvvt,

3. Yakni, mikmvt okhvta, micha iti puta aiena ka hvch ik okpano ho, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Chuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchululi hvv tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotelna kvv tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkvchi hosh, pam vt ibbak a foyuka ho ai o binili holitompa, micha Chukfvhlpobushi ita tuklo itikba ya hieli ho pisa li tok.

10. Mihma chitolit miha hosh, Hvpin Chihowa ai o binili holitompa o binili kak osh, micha Chukfvhlpobushi ita tuklo kak osh pi okchalnchi tuk mak oke.

11. Mihma enchil vhleha ai o binili holitompa, micha hatak tikba vhleha, mikmvt nan okchaya ushta aiena kash a foluplit hieli tuk vt ai o binili holitompa itikba ya okla oka hlipkvchit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvvt auet anumpuli mvt, Ilefohka tohbi falaia abehkvchi yakohmi kvv kvta ho? micha katima yo okla minti tok oh cho? vm achi tok.

14. Mihma, A shahli ma! yvmmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto h<sub>o</sub> asht kohchvt aya hosh, im ilefoka yash Chukfvlhpobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holitompa o binili kvv yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mikmvt ik itukshilo ka he, mikmvt hvshi vt ik onvtulo ka he, mikmvt kocha lvshpa mvt ik towulhkocho ka hi oke.

17. Chukfvlhpobushi ai o binili holitompa iklvna binili yvmmak osh impvchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h<sub>o</sub> enchil untuklo ka ima, 6 ushta kvv olachi ma na palvmmi chinto kvv otvni; 3 enchil achvfa kvv vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. ATUK o holisso isht ashana ont isht untuklo kash tiwi ma, hvshi kanvlli isht vlhpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hielituk a pisa li tok: yohmi ma yvmmak ash o isht pufa untuklo h<sub>o</sub> ima tok.

3. Mihma enchil inla hosh tvli holisso lakna na-balama ai-vlhto yo sholi kvv, mintit alta ya ant a hikia tok: yohmi kvv vbanumpuli vhleha moyuma kvv vba pit anumpohonlikma ai atakla ma tvli holisso lakna alta toba yvt ai o binili holitompa itikba hikia tuk a ai o huhukma chi ka, na balama laua h<sub>o</sub> ima tok.

4. Atuk o na balama ya a shobulli kvv, vbanumpuli vhleha vba pit anumpohonli ka ai itiba fokvt enchil ibbak a a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kv̄t il ai atahli tok.

7. Mihma enchil v̄mmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kv̄t luv̄t taha ma, hvshuk okchaki mvt momvt luv̄t taha tok.

8. Mihma anonti enchil ont atukla kash ot olachi ma, nv̄nih chito yosh luak o isht luhva chiyuhmi hosh okhv̄ta ha pit okatula tok: mihma okhv̄ta a kashapa ont isht atuchina kv̄t issish o toba tok.

9. Yohmi ma okhv̄ta anukaka nana toba tok puta im ilhfopak asha tuk vt, kashapa ont isht atuchina kv̄t illi tok; mihma peni hochito yatuk vt kashapa ont isht atuchina kv̄t okpulot taha tok.

10. Mihma anonti enchil ont atuchina kash ot olachi ma, fochik chito yosh pula ho chiyuhmit luhva hosh, v̄ba shutik a a mintit aka ant itola cha, okhina puta kashapa ont isht atuchina, mihmvt kv̄li a hiohli kashapa ont isht atuchina aiena ka onvtula tok.

11. Yohmi kv̄t fochik yv̄mma hochifo kv̄t wumwut achi hatok; yohmi hatuk o oka moyuma ka kashapa ont isht atuchina kv̄t wumwut o toba tok: mihma oka ak osh takbv̄t kv̄nia hatuk oka, hatak vt oka yash o isht illi kv̄t laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kv̄t koyufa ont isht atuchina hosh ai okpuloka tok; yohmi hatuk osh koyufa ont isht atuchina kv̄t im okhlili na nitak koyufa ont isht atuchina kv̄t ik tom̄mo ma, anonti ninak vt mihinli tok.

13. Mihma anonti pit hopokoyo li mvt, enchil achv̄fa kv̄t ossi hika ho chiyuhmit v̄ba shutik iklv̄nna ya hlopullit aya mvt, chitolit tahpv̄lv̄t, enchil tuchina kash ot himak pilla isht pufa ola inla ka olacha chi kv̄t asha ka, yv̄mmak osh

ohonla hokvno, hatak yakni pakna a<sub>2</sub>sha hatuk vt i Palvmmi, palvmmi, palvmmi chinta chi mak oke, ahanchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ash<sub>2</sub>chittuk hofobi ont ataha he iksho isht tiwa ya ima, 1: 2 chiluk ash o tiwi ma hawa puta halambia ho choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula ho pisa li tok; mihma yvmmak ash o chiluk hofobi ont ai vhli iksho isht tiwa ya ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito yo shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kv<sub>2</sub>t isht okhlilit kvnia tok.

3. Yohmi ma hawa puta mvt shobohli ka asht kohchvt, yakni a ai itvnowa tok; yohmi ka yvmmak atuk mvt nan okpvna he im vlhpisa kv<sub>2</sub>t, halambia yakni pakna ai a<sub>2</sub>sha kv<sub>2</sub>t nan okpvna he im vlhpisa tok ak inli ho chiyuhmi tok.

4. Yohmi mvt yakni pakna hvshuk ai a<sub>2</sub>sha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vlhpisa tok.

5. Yohmi kia yvmmak oka ik illich<sub>2</sub>o ka chi, amba ilvpak ash ot nan i palvmmi kv<sub>2</sub>t hvshi tahlapi ka ona chi ho im vlhpisa tok; yohmikma hawa vt yvmmak ash o i palvmmichi kv<sub>2</sub>t halambia hosh hatak a nvhlikmvt i palvmmichi chatuk a chiyuhmi tok.

6. Mikmvt nitak yvmma foyuka hokvno hatak vt illa hi a hohoyo kia, ik ahayucho ka he; micha illi ka ik bv<sub>2</sub>na kia, nan illich<sub>2</sub>i vt i kv<sub>2</sub>nihiya hi oke.

7. Yohmi ma hawa yash osh issuba hosh tvnvp ia chi hosh im vlhtahvt kvnia chatuk a chiyuhmi tok: mihmvt tvli

holisso lakna holba h<sub>o</sub> iachuka iachukoli ma, nashuka yvt hatak nashuka y<sub>o</sub> chiyuhmi tok.

8. Mihmvt p<sub>a</sub>shi vt ohoyo p<sub>a</sub>shi ak o chiyuhmi ma, noti vt koi chito noti y<sub>o</sub> chiyuhmi tok.

9. Yohmi mvt ikkishi alata puta kvt tvli ikkishi alata holba h<sub>o</sub> okla i<sub>sh</sub>i tok: mihmvt i sanahchi fopa kvt itichanvli issuba laua shali h<sub>o</sub> tvnvp itibit ia hosh yihlepvt aya na winihvchi h<sub>o</sub> chiyuhmi tok.

10. Mihmvt hasimbish vt halambia hasimbish o holba hosh a<sub>sh</sub>a h<sub>o</sub>, nan isht nvhli mvt a<sub>sh</sub>a tok; yohmi hosh nan im vlhpisa kvt hvshi tahlapi h<sub>o</sub> hatak a ilbvshala ch<sub>i</sub> hatok.

11. Mihmvt i m<sub>i</sub>ko vt binili tok: yvmmvt chiluk hofobi ont ai vhli iksho a im enchil mak a tok: yvmmvt Heblu anumpa hokma Abatton hohchifo ma, amba Klik anumpa hokvno hohchifo kvt Apolyon oke.

12. Nana palvmmi achvfa kash ot ant ivt kvnia ma, anonti na palvmmi tuklo hosh himmakma mihinta ch<sub>i</sub> oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hvt a kohcha mvt, enchil ont isht hannali kash ot isht pufa i<sub>sh</sub>i hosh hikia kash o,

14. Enchil ushta talakchi yosh okhina chito Eufiates a oka a<sub>sh</sub>a ka ont ish i hotofashke, im achi h<sub>o</sub> haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba ch<sub>i</sub> kvt, hvshi kanvlli achvfa, nitak achvfa, hvshi achvfa, afvmmi achvfa aiena ka im vlhtaha tok.

16. Mihma issuba o binilit tvnvp aya holhtina kvt tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kvt yakohmi h<sub>o</sub> pisa li tok; issuba o binili vhleha ilvppak ash ot ikkishi alata yvmmvt humma, micha okchamali, micha lakna ai itaiyoma aiena h<sub>o</sub> ieshi tok; mihma issuba noshkobo hvt ko<sub>i</sub> chito noshkobo h<sub>o</sub> chiyuhmi ma, itakha y<sub>a</sub> luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kvt itakha



ya a kohoncha tuchina ilvppa pulla kak o, hatak moma ka kashapa ont isht atuchina kv̄t isht illi tok.

19. Itakha, mikmvt hasimbish aiena ka nan isht i palvm-micha hi vt im v̄lhpisa hoke; mihmvt i hasimbish vt noshkobo asha kv̄t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvli holisso lakna, tvli hvta, mikmvt tvli lakna, tvli, iti aiena naholbvt toba puta, yvmmvt p̄isa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka ch̄i kv̄t, hatak kanimi na palvmmi ilvppa isht ik illo ke tuk okvto yvmma i filvmm̄it ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmm̄it ik ile kostinincho ki tok oke.

CHAPTA X.

Enchil hlampko kv̄t holisso tiwa yvt ibbak a foyuka ho haiaka, 1; 6 okchaya bilia yvmmak atuk mak o himak ma nitak vt atakala ch̄i keyu, achi tok: 9 holisso hosh ishi cha vpa ch̄i kv̄t, Chan vt im v̄lhpisa.

1. **YOHMI** ma enchil chinto inla yosh hoshonti ho ibafoyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv̄tinosi kv̄t wakama yo ibbak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afv̄bekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvmmak ash ot tahpvla ma, hiloha untuklo kv̄t hilohoha tok.

4. Atuk o hiloha untuklo kash ot hilohoha haya, holissochi la ch̄i hatok; atuk ak o vba aholitopa ya auet anumpana, Nana yakohmi ka hiloha untuklo kash ot anumpuli tuk

a chik holissocho hosh ish ashanichashke, vm achi na haklo li tok.

5. Yohmi ma enchil yvmmvt okhvta, micha yakni ita tuklo ka o hikia na pisa li kash, yvmmak ash ot ibbak a vba shutik pit weli tok.

6. Mihmvt okchayvt ahantvt bilivt bilia, yvmmak osh vba, micha yvmma nana kvv aiasha puta, mikmvt yakni, micha yvmma nana kvv aiasha puta, mikmvt okhvta, micha yvmma nana kvv aiasha puta aiena ka ikbi tok mih mak o isht a mihvt anumpa kvvlo isht il onochi kvv, nana kvv a yohma he tuk ont ia he keyu ka hi atok;

7. Amba enchil ont isht untuklo im anumpa chi nitak okvno yvmmak ash ot olachit isht iakma, Chihowa nana ai ahni tuk vt in tishu hopaii vhleha nan im otvminchi tok mak osh ont vlhtaha chi mak oke.

8. Yohmi ma anumpa yvmma vba aholitopa pit a haklo li tok ash ot anonti auet vm anumpuli tok: mihmvt, Ia cha, holisso iskvtnosi yvmmvt tiwa yash enchil, yvmmvt okhvta, micha yakni ita tuklo ka o hikia ka ibbak foka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok: mihma, Ishi cha, vpvv tahli; yohmikma chikfoka ya takbacha chi hoke, amba chitakha anukaka yano champuli kvv foi bila yo chohma chi hoke, vm achi tok.

10. Yohmi ma enchil ibbak a a kohchit holisso iskvtnosi yash ishi lish, vpvv tahli li tok; mihma satakha anukaka yokvno champuli kvv foi bila yo chohmi tok: yohmi kia isht nanvbli li mak inli ho, sakfoka yash ot takvvt kvnia tok.

11. Mihma yvmmak ash ot, Hatak oklushi, mikmvt im anumpa ilaiyuka, miko vhleha puta lava ka itikba ya nana ka tikbanli ish ai otvmincha chi pulla hoke, vm achi tok.

## CHAPTA XI.

Vlhtokowa anoli tuklo hosh nan anohonli, 1; 5 ik umbo ka chi ka vba shutik akamala hi vt im vlpisa; 7 nampoa nukshopa yvt i sanalit

itih<sub>i</sub>bit yvmmak ash vbi ; 8 ik hollopo hosh kaha na, 4 nitak ont atuchina cha iklvnvt aiena ma tanit okla ; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok ; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel a ai ibachvfa keyu hoka, yvmmak okvno Chentail okla ho immi hoka, chik apeso kashke ; yohmi ka hvshi pokoli ushta cha tuklot aiena ka tmaha chito holitopa ya iyi pvtha okla isht a hvhlihinja chi hoke.

3. Mikma nan isht ai ahli ka nana vm atokowa ishi tuklo ka ima la chi ; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnihincha chi hoke.

4. Ilvppak osh Alif iti tuklo, mikmvt pva ai o hikia tuklo aiena kvvt yakni pakna in Chihowa itikba hieli mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke ; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvvt isht ahanta takla nitak a ik umbo ka chi ka, vba shutik a okshita hi vt ilvppak osh ai im vlhpesa mak oke ; mikmvt oka puta ma imaiyvt yvmmak ash o issish o ikba hi vt ai im vlhpesa ; mikmvt yvmmvt nana ka ik yohmi ahni hokmvt, na palvm-mi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoia nukshopa chiluk hofobi ont ai vhli iksho a kohcha mak osh in tanampit, yvmmak ash imaiyachit vba hi oke.

8. Mihma tmaha chito yvmmak o hvpin Chitokaka yak kia ititaiyukhvna a honahla tok, nan isht it apesa kvvt Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklvnna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchi tuk oka, yakni paknaka ai asha ak inli kv̄t nan isht il im ai yukpv̄t, na yukpa ikbit mayakmvt, ilap bika nana iti habenv̄chit ai asha hi oke.

11. Yohmi na nitak tuchina cha iklvnna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kv̄t onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kv̄t hoshonti anukaka mahaya ma, in tenvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tmaha chito kashapa ont isht pokoli kv̄t kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya hli-toblichitok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kv̄t vba aholitopa ya auet takali kv̄t, Yakni ilvppa apehlichika puta kv̄t hvpin Chitokaka, mikmvt Ushi Klaist ita tuklo im apehlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmv̄t Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

ma okchayvt ahanta he chia, yohmi kv̄t chishno nan isht chim ai ah̄li chinto ma il ai ish̄it, mikot ish ahanta hoka, yak oke e chim ai ahn̄ishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kv̄t nan im ai vlp̄isa chi, mikmvt chin tishu hopaii v̄hleha, mikmvt vbanumpuli ah̄li puta, mikmvt kv̄na hosh chi hohchifo h̄a i nukshohompa aiena hokvno nan isht v̄lhtoba ma ish ai ima chi, mikmvt kv̄na hosh yakni ya okp̄vni hokma, yv̄mma ish ai okp̄vna chi nitak vt vlvshke.

19. Yohmi ma Chihowa in tempel vt v̄ba aholitopa ya a tiwa tok; mihma in tempel anukaka ya nan it im vlp̄isa itombi holitopa kv̄t otvni tok; mihma malv̄lha, anumpa ola, hiloha, micha yakni winakv̄chi, mihmvt hatafo chito aiena kv̄t a takali tok.

CHAPTA XII.

Ohoyo hv̄t hv̄shi yo isht foyukvt v̄lla isha chi nan i palv̄mmi, 1; 4 sinti chilita humma yosh yv̄mmak ash itikba hikia kv̄t im v̄lla ya isht v̄pa chi kv̄t im v̄lhtaiyaha; 6 v̄lla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kv̄t nan okpulo sinti chilita yash itih̄ibit imaiyachi; 13 sinti chilita yash ot v̄ba mintit aka itola cha, ohoyo hash i tv̄nahampi tok.

1. YOHMI ma na fehna chinto kv̄t v̄ba shutik a ai otaiyani kv̄t, ohoyo hosh hv̄shi yo foyuka ma, hv̄shi-ninakaya yvt iyi nuta yo takali tok, yohmi ma fochik auah tuklo iachuka toba h̄o iachukoli tok.

2. Mihmvt yv̄mmak ash ot chakali hatuk osh, v̄lla itola he nan isht i palv̄mmit na hotopa tuk vt itola hokbano ahnit, tahpahanla tok.

3. Mihma na fehna inla kv̄t v̄ba shutik a ai otvni kv̄t, yakeh! sinti chilita humma chinto hosh, noshkobo hv̄t im untuklo mvt, anonti in lapish vt pokoli ma, iachuka untuklo kv̄t noshkobo h̄a afoyua tok.

4. Mihma i hasimbish vt v̄ba fochik a kashapa ont isht atuchina ka halanlit aka auet fohopli tok; yohmi ma v̄lla yvt

in tola he ai ona hatuk o, vlla yvt itola mak inli ho isht im vpa chi kv̄t, ohoyo hash itikba sinti chilita yash ot hikia tok.

5. Atuk o yvmmak osh tv̄li fuli yo ieshi hosh okla moma ka imaiyachit nan im apesa chi mak o, ohoyo hash ot vlla nakni yo sholi tok; atuk o im vlla yash o Chihowa, mikmvt im ai o binili holutompa pilla a maya tok.

6. Yohmi ma yakni haiaka kanima yo ai vtta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achvfa tahlepa tuklo cha pokoli hannalit aiena ka yvmmak oka okla nan ai im atahanla chi hatok.

7. Mihma vba ya ai it in tanampit ai asha tok: Mikael vt im enchil vhleha aiena kv̄t sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiyaichi keyu ki tok; mihmvt ai vtta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvmma a kohchi tok, atuk o aka pilla ho yvmmak ash ot pit itola tok; mihma im enchil vhleha hash ot apehvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hv̄pin Chihowa im apehlichika, micha Ushi Klaist nan isht im ai ahli aiena hash ot vl̄shke; hv̄p itibapishi vhleha i nukkillit na-mihachi yvmmak osh nitak, ninak aiena ka hv̄pin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfulhpobushi im issish, mikmvt ilap im anumpa isht atokowa puta ho yvmmak ash okla isht imaiyachi tok; yohmi kia isht ai illa he kia, ilap im ilhfiopak a i hullo tok keyu.

12. Yvmohmi hoka vba aholitopa puta, micha yvmma ai asha puta hv̄chia ma! ho yukpa, nan isht ahullo okpulo, yvmvt chekosi itintakla ho anta chi kv̄t ithana hosh, nan isht i nukkilli chinto ka il ai eshit hv̄chim vla hoka, yakni

pakna, micha okhvta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mvt, ohoyo yvmmak osh vlla nakni ishi kash, ilbv-shahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash ōssi chito sanahchi tuklo h̄o ima tok; yohmi ma yvmmak ō afv̄m̄mi tuchina iklv̄nnvt aiena ka sinti chilita yash ō itikba ai i filv̄m̄mit ai ilh̄pihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yvmmvt oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakv̄m̄mi cha, oka chito yvmma sinti chilita yvt ilap itakha ya a kohchi kash isht nanv̄pli tok.

17. Yohmi ma sinti chilita yash ot ohoyo hash i nukkilli fehna mvt, ivt ohoyo hash isht ai unchululi kaniohmi maya, yvmmvt Chihowa im anumpa v̄lhpisa puta ka holitobli, mik-mvt Chisvs Klaist nan isht im atokowa aiena ka ieshi v̄hleha hash ō in tanampi tok.

CHAPTA XIII.

Nampoa nukshopa yvt noshkobo hv̄t untuklo, lapish mvt pokoli hosh okhvta h̄a akohcha tok; mihma yvmmak ō sinti chilita yash ot nan ai ahli ima tok, 1; 11 nampoa nukshopa inla yosh yakni a akohcha; 14 nampoa nukshopa tikba ya tuk toba ch̄i ka na holbv̄t toba ya im ahni; 15 yohmi na yvmmak ash ō hatak puta kv̄t aiok pahancha ch̄i; 16 mikmvt isht ai in chuwa ch̄i ha tok.

1. YUMOHMI ma okhvta shinuk pakna ya ai ō hikia li mvt, nampoa nukshopa achvfa kv̄t okhvta h̄a a koyucha h̄o pisa li ma, noshkobo hv̄t untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai ō holisso tok.

2. Mihma nampoa nukshopa yvmma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achvfa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni moma kv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Kvt hosh nampoa nukshopa holba cho? kvta hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmmit, Chihowa ya ik ahobalot isht anumpulit, i hohchifo, micha im vltipo, mikmvt vba aholitopa aiasha puta ma ik ahobalot na mihachi tok.

7. Yohmi kv vbanumpuli ahli vhleha in tanampit yvmmak ash o imaiyacha chi kv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohchifo hv yakni tobt a minti tok ai vhli ka vltobvt illi tok Chukvvlhpobushi i holisso ai-okchaya a holisso tok keyu kv, yakni pakna ai asha moma kv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haklo.

10. Kvna hoh kia inla ya yuka ikbit isht aya hokvto, ilap mvt yuka tobt aya hi oke; kvna hoh kia inla ya bvshpo falaia yo isht vbi hokvto, ilap mvt bvshpo falaia yo isht



illa hi oke. Ilvppak o vbanumpuli vhleha hvt nuktanlv  
achunanchit na yimmi ka isht otaiyani hoke.

11. Yakohmi ma nampoa nukshopa inla kv<sub>t</sub> yakni a auet  
a kohcha na pisa li tok; yohmi ka yvmmak ash ot in lapish  
vt asha kv<sub>t</sub> Chukfvlhpobushi ak o holba mv<sub>t</sub>, anonti sinti  
chilita yak o chiyuhmit anumpuli tok.

12. Mikmv<sub>t</sub> yvmmak ash ot nampoa nukshopa vmmona  
isht im ai ahli ash yvmma itikba yo isht ahanta hoke; mik-  
mv<sub>t</sub> yakni, micha yvmma ai asha pit aiena kv<sub>t</sub> nampoa  
vmmona, yvmmv<sub>t</sub> bahvt illit hla<sub>k</sub>ofi tok ash aiokpahancha  
chi ka im ahni hoke.

13. Mikmv<sub>t</sub> yvmmak ash ot na fehna chinto ka yvmihchi;  
yohmi hatuk osh yvmmak ash ot luak vt vba mintit hatak  
puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ahli  
nampoa nukshopa itikba ya na fehna puta ka a yvmihchi  
kak osh yakni pakna ai asha puta ka yoshublihinch<sub>i</sub> mv<sub>t</sub>;  
bvshpo falaia isht baha tok kia, anonti okchaya tok nampoa  
nukshopa yvmma na-holbachit okla im ikba chi ka, yakni  
pakna ai asha vhleha ha im ahanchi hoke.

15. Mihmv<sub>t</sub> nampoa nukshopa holba yash ot anumpuli,  
mikmv<sub>t</sub> laua kv<sub>t</sub> kaniohmi hosh nampoa nukshopa holba  
yash aiokpvcha hi o keyukmv<sub>t</sub>, illa hi a aiena ka im ahna hi  
oka nampoa nukshopa holba yash ilhfio<sub>p</sub>ak ima hi vt im  
vlhpisa hoke.

16. Yohmi kv<sub>t</sub> hochitoka, mikmv<sub>t</sub> ik a lauwo, nan in  
laua, mikmv<sub>t</sub> ilbvsha, yuka keyu, mikmv<sub>t</sub> yuka a moyuma  
kv<sub>t</sub> ibbak isht impak imma, keyukmv<sub>t</sub> ibitakla ya in chuwa  
hi a yvmmak ash ot im apesa yoke.

17. Yohmikma hatak nana kia nanasi kia chumpa, keyuk-  
mv<sub>t</sub> kancha he keyu mak a tok: amba kvna hosh nampoa  
nukshopa isht in chuwa, yvmmak keyukmv<sub>t</sub> i hohchifo, yv-  
mak keyukmv<sub>t</sub> i hohchifo ha isht a holhtina kv<sub>t</sub> isht ai in  
chuwa ak a hi oke.

18. Ilvppak o nan isht ithana yoke. Kvna kia im anuk-  
fila isht akostininch<sub>i</sub> im ashakmv<sub>t</sub>, nampoa nukshopa isht  
im a holhtina ka ik hotehna, yvmma hatak vt a hotehna

yoka: yohmi ka yvmma isht im a holhtena kv̄t tahlepa hannali cha pokoli hannali akucha hannali hoke.

#### CHAPTA XIV.

Chukfv̄lhpobushi vt ilap ai itapeha itapehvt Saion n̄v̄nih ā hiohmaya,

1. 6 Enchil osh v̄banumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht ī nukkilli oka paki toba yā itahobi.

1. YAKOHMI ma hopokoyo li ma, anonti yakeh! Chukfv̄lhpobushi ash osh Saion n̄v̄nih ha ō hikia ma, tahlepa sipokni bat tahlepa achvfa cha pokoli ushta akucha ushta kv̄t, yvmma Iki ī hohchifo hv̄t ibitakla ai ō holisso hosh yvmmak ash ō apeha tok.

2. Yohmi ma v̄ba aholitopa yā auet anumpuli ka oka laua fopa, mikmvt hiloha chinto ola chiyuhmi hō haklo li tok: mikma hap olachi vhleha hv̄t ilap ī hap ai olahanchi na ola ka haklo li tok.

3. Yohmi ma ai ō binili holitompa itikba, mikmvt nan okchaya ushta, micha hatak tikba vhleha aiena itikba taloa himona yō okla a talohowa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak ō yakni ā a kohchit chumpa ak̄ illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu hō chiyuhmi vhleha hoke. Ilvppak ash osh Chukfv̄lhpobushi, yvmmvt kanima yō ia hoh kia, iakaiya vhleha mak oke. Ilvppak ō hatak puta ai itintakla a kohchit chumpa tok ō, Chihowa, micha Chukfv̄lhpobushi ita tuklo ka immi nawaya v̄mmona vhleha hoke.

5. Yohmi ka yvmma itakha yā na holabi kia ai otvni chatuk ō keyu; Chihowa ai ō binili holitompa itikba yā na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok ā

im anumpula chi hosh, enchil inla yvt vbanumpa ai ahlit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshvmpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kvv iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tmaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvv yvmmak ash o pit iakaiya mvt, chitoli hosh mihvt, Hatak nana kia nampo nukshopa, micha yvmma holvvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvmvt nan itaiyoma keyu hosh, yvmvt nan isht i nukhobela isht ishko ya a toshowa mak o ai ishka chi hoke; yohmikmvt yvmmak ash ot enchil holitopa vhleha itikba, mikmvt Chukvlpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk o yvmma isht ai ilbvsha shobohli hvt vba ai ihiya kvv bilivt bilia hoke; yohmi ka kvna hosh nampo nukshopa, micha yvmma holvvt toba yash aiokpahanchi, mikma kvna hosh yvmma i hohchifo isht in chuwa ya isht ai in chuwa hokvto nitak, nirak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlvv achunanchi ka isht otaiyani hoke; ilvppak o Chihowa im anumpa vlvpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbli tok puta ka a mokovvt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvlvt, Nan isht chim vlmó ya fahvmmi na-waya ya vmó; nan ish ma he vlhpesa ka ai ona hoka; micha yakni pakna nan a waya kvv a laknvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvvt luak o imaiya hosh alta ya ai vttvt kohchvt minti tok: mihmvt nan isht vlmo halupa ishi yvmmak ash o chitoli hosh in tahpvlvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobí; paki vt nuna fehvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tvmaha chito kochanli ak o oka paki atoba yash o a hvhlichí tok: mihma issish osh oka paki atoba yash a kohoncha kvv, kowi tahlepa tuklo a taiyakla ka chaha kvv issuba tvli kapali itih ha kapanli ona hosh talaia tok.

## CHAPTER XV.

Enchil untuklo kvv na palvmmi untuklo ishtaiyopi ka il ai ishi, 1; 3 nampoa nukshopa yash im aiyachi tok vhleha in taloa; 7 koto-bushi untuklo kvv Chihowa nan isht i nukkilli alota.

1. MIHMA nan isht atokowa inla yvt isht anukhlakancha he a chinto h<sub>o</sub> vba aholitopa yo a pisa li ma, enchil untuklo kv<sub>t</sub> na-palvmmi untuklo ishtaiyopi yvmmak o Chihowa nan isht i nukkilli yvt isht ai ahli mak o ieszhi tok.

2. Yohmi ma okhvta shohkoali hosh luak it ieszhit talaia chiyuhmi na pisa li tok; mihma nampoa nukshopa, micha yvmma holbv<sub>t</sub> toba, mikmvt isht in chuwa, yvmohmikmvt yvmma hohchifo isht aholhtina aiena ka imaiyachi tok vhleha a moyuma hokvto Chihowa i hap ieszhi hosh, okhvta shohkoali yash o hiohli tok.

3. Mihmvt Chihowa in tishu Moses im vlhtaloak, micha Chukfv<sub>l</sub>hpobushi im vlhtaloak aiena ka okla taloh<sub>o</sub>wa kv<sub>t</sub>, Chitokaka Chihowa nana moma imaiya, vbanumpuli vhleha i Miko chia ma! nana ish a toksahanli puta ka isht a nukhlakancha he a chinto hoke: yohmi kv<sub>t</sub> ai v<sub>l</sub>hpiesa ai ahli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kv<sub>t</sub>a hosh ik chi nukshohompot, chi hohchifo ha ik holitoblecho ka chi cho? ai v<sub>l</sub>hpiesa na palvmmi ish onochi hatuk a otvni hoka, oklushi moma kv<sub>t</sub> chi tikba ya ai v<sub>l</sub>vt chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa ya a tiwa tok.

6. Yohmi ma enchil untuklo kv<sub>t</sub> na palvmmi untuklo kash ieszhi hosh, linen kashofa tohbi yo foyuka mvt, anonti tvli holisso lakna isht vskofvchi toba h<sub>o</sub> chunuko ya isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achvfv<sub>t</sub> Chihowa, yvmmvt okchayvt anta kv<sub>t</sub> biliv<sub>t</sub> bilia nan isht i nukkilli ya tvli holisso lakna kotobushi untuklo alotowa h<sub>o</sub> enchil untuklo kash ima tok.

8. Yohmi ma Chihowa nan isht im aholitopa, mikmvt nan isht im ai ahli a minti shobohli h<sub>o</sub> tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai ahlo kisha hokvno hatak nana kia tempel ash a chukowa he keyu hatok.

## CHAPTA XVI.

Nan isht i nukkilli kotabushi alota kash o enchil vt fohopli, 1; 6 mihma na palvmmi hosh aya; 15 hukopa yo chohmit Klaist vt vla chi; mikma kvna hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvt, ilap i kotobushi vlhto kash yakni ont o fohopli tok; mihma kvna hosh nampoa nukshopa isht in chuwa ya isht ai in chuwa tok, mikmvt kvna hosh yvmm holvvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlhto kash okhvta ont o fohopli tok; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlhpiesa chia hoke.

6. Yvmmak okvt vbanumpuli vhleha, mikmvt hopaii, vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihimvshke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma! nan ai ahli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok: mihma hatak puta ka

luak o isht towulhkocha chi ka yummak ash o nan isht ai ahli yosh im vlhpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hohehifo ha ik ahobalot na miha-chi tok; mihmvt yummak ash o holitoblichha hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampoā nukshopa yash im ai o binili o fohopli tok; mihma yvmma im apehlichika ya ai okhlili kvvnia ma, nan anukhahvmi hokvt, isunlvsh atuk a okla ahampa tok.

11. Mihmvt hichi okchushbvt hotohompa hokvt, ilap nana a kaniohmi tok puta ka okla ai ile kostininchi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Euflates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kvv hatonlvbi ho holba hosh sinti chilita itakha, mikmvt nampoā nukshopa itakha, micha hopaii ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya ka okla pisa hinla ka, nipi banot ik ayo ka chi kvv, kvvna hosh okchvt ahah! ahnit ilap imi nafohka puta ka ilatomba hokvto nayukpvshke.

16. Yohmi ma Heblu anumpa hvv Amaketton achi yvm-mak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kv̄t ai ɔ binili holitompa yak ɔ a minti hosh v̄ba aholitopa in tempel a auet a kohcha mvt, Ulhtaiyahvshke, achi tok.

18. Yohmi ma nan ola, hiloha, mikmvt malvtha puta aiena kv̄t yvmmak ash ɔ a takali tok: yohmi ma yakni winnakv̄chi chinto atampa, yvmma chohmi kv̄t hatak vt yakni pakna ai v̄tta tok taiyakla ka iksho chatuk vt, yakni winnakv̄chi chinto kv̄t ituyula tok.

19. Yohmi ma tmaha chito yash ot itakvshkvt kashapa tuchina ma, anonti oklushi in tmaha puta hatuk vt aiokpulo- loka tok; yohmi ma Chihowa hv̄t ilap nan isht i nukkilli kv̄llo chinto oka p̄aki isht ishko vlhto ka ima chi kv̄t Babulon chito ash ithahana tok.

20. Mihma tishaiyi yvt momvt atoshova tok osh iksho ma, anonti nvnih hochito puta hatuk mvt ik otaiyano ki tok.

21. Yvmohmi ma hatafo chinto kv̄t v̄ba shutik a minti hosh, weki kv̄t talent achvfa foka aiyuka hosh hatak puta ka onvtuyula tok; yohmi ma hatafo nan isht palvmmi pulla hatuk mak ɔ, hatak puta kv̄t Chihowa ha ik ahobalot namihahanchi tok, yvmma nan isht palvmmi kv̄t chinto hoka.

## CHAPTA XVII.

Ohoyo hv̄t natishipa humma lapushki yɔ foyuka mvt, tv̄li hv̄ta lakna isht ishko toba hɔ ieshi hosh nampoa nukshopa yash pakna, yvm mvt Babulon mak ɔ ɔ binili, 1; 5 noshkobo untuklo kv̄t nana ka anoli: 12 mikmvt lapish pokoli kv̄t nana hatuk aiena kv̄t annoa, ohoyo havi yashot nan i palvmmi; 14 chukv̄lhpobushi vt nan im aiya- chi.

1. YVMOHMI ma enchil untuklo, yvmmvt kotobushi untuklo ieshi tok v̄hleha hash achvft ant vm anumpuli mvt, olehma minti; havi chinto yvmmvt oka lava pakna ɔ binili;

2. Yvmmak ɔ miko puta yakni pakna ai asha kv̄t isht itin lumaka tok; yohmi ma ilap nan itin lumaka oka p̄aki a yakni pakna ai asha v̄hleha hv̄t ishkot ik haksí im ahni tok,



yvmmvt nan isht i palvmmi im vllhpisa ka chim otvnninchi la chi hoke, vm achi tok.

3. Yohmi ma shilombish si anukfoka ho yvmmak ash ot ishit yakni haiaka vsst on a tok: mihma nampoa nukshopa humma hosh nana ka ik ahobalot miha hohchifo ho isht alotowa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pul aiena ka isht a shema ho foyuka mvt, ilap itiv lumaka isht a liteha na yuwalvchi puta kv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMT YAKNI PAKNA A YUWALVCHI PUTA ISHKL, hohchifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhlakancha tuk oh cho? ohoyo hash, micha nampoa nukshopa yash ot, yvmmvt ohoyo ha isht aya kv, noshkobo hv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yvmmvt chiluk hofobi ai vlli iksho a auet a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kv, kvna hosh i hohchifo hv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yvmmvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfohka kak osh akostininchishke. Noshkobo untuklo kv nvnih hochito untuklo mak o yvmma pakna ya ohoyo hash ot o binili hoke.

10. Mikma miko untuklo kv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yvmmvt vla hokmvt, chekosi ai itin takla hō anta chī hoke.

11. Anonti nampoā nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoā nukshopa yash ibai achvft nan isht ai ahli yvt im vlpisa hoke.

13. Ilvppak ash ot, im anukfila hv achvfa cha, anonti ilap nan isht im ai ahli, mikmvt im ile hlampko ita tuklo ka nampoā nukshopa yash ima chī mak oke.

14. Mikmvt ilvppak ash ot Chukfvlhpobushi ya itintanampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukfvlhpobushi yash ot yvmmak ash o imaiyacha chī hoke; yohmi ka kvna hosh yvma ai ibachvfa hokvto vltoka, mikmvt ai ahli, micha holitopa mak oke, vm achi tok.

15. Mihmvt oka puta yvma ish pisa tuk a, havi yash osh yvma o binili ka, hatak okla chinto, oklushi puta im anumpa ilaiyuka mak oke.

16. Mikmvt lapish pokoli, yvmmvt nampoā nukshopa on talohmaya na ish pisa tuk, ilvppak okvto na havi yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichā chī ka im anukfila achvfa hosh ilap im apehlichika yatuk ma nampoā nukshopa yash ihima na Chihowa im anumpa puta kv ont ai ahlik mak a hi oke.

18. Yohmi ka ohoyo yvma ish pisa tuk vt tvmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlpisa; 11 yakni pakna a miko vhleha, mikmvt na chumpa, okhvta aya vhleha aiena kvt isht yahaya; 20 Chihowa nan im vlpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI ha ya, anonti enchil inla yvt nan isht ai ahli chinto ieszhi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulo kvshke, aiokpulo ka mak oke: yohmi mvt nan isht ahullo okpulo puta im aboha kvllo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik a ont a bikeli hatuk o, Chihowa hvt, yvmmvt nan ik ai vlpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbita ho apest vt oh im vlbitelichí; isht ishko yvmma alotoli ka, ilap ma vlbitelit oh im alotoli.

7. Ilap inli ile holitoblichí kvt, mihma nan ilimpa champuli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄aklo pisa la ch̄i keyu, ohoyo m̄iko sia hosh binili li, ilap ch̄ukv̄sh anu-kaka achi hoka.

8. Yohmi hoka na palv̄m̄mi puta, nan illi, yaiya, mikm̄vt hohchv̄fo aiena kv̄t nitak achv̄fa ka im aya ch̄i; mikm̄vt yvm̄mak ash ot luak o isht hullukmit taiyaha ch̄i hoke; Chitokaka Chihowa hv̄t hlampko hokv̄t, yvm̄mak ash nan im apesv̄t i palv̄mmichishke.

9. Yohmikma m̄iko vhleha yakni pakna ai asha kv̄t yvm̄ma ai itin lum̄akv̄t, nan ilimpa ch̄ampuli ai it atahlit impv̄t ai asha tuk vt, yvm̄m̄vt luh̄uv̄t shobulli ka okla pisa cha isht yah̄ayv̄t, nishkin okchi mihinti m̄vt,

10. Yvm̄m̄vt nan isht i palv̄m̄mi ka nukshopa hatuk osh, auet i mishema h̄o hohmayv̄t Ikikkeh! ikikkeh! tm̄maha chito, Babulon tm̄maha chinto kv̄llo atampa, yvm̄m̄vt hv̄shi kanv̄lli achv̄fa mak inli h̄o nan isht palv̄m̄mi chim v̄lhpisa kv̄t chim ayv̄shke.

11. Nan itatoba yakni paknaka ai asha kv̄t yvm̄mak ash o nan isht nukh̄aklot nishkin okchi mihinti tok; ilap im v̄lh-poyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikm̄vt iti sitlon moma, mikm̄vt aifoli, nan ai v̄lhto ilaiyuka moma, mikm̄vt iti holitopa fehna nan ai v̄lhto ilaiyuka moma, micha tv̄li lakna, tv̄li, mabv̄l aiena nan ai v̄lhto ilaiyuka moma atoba;

13. Mikm̄vt sinnamon, na balama, nan ahama, micha filakinsen, oka p̄aki, na bila, bota tohbi achukma, onush, mikm̄vt nampoā puta chukv̄lhpoba, issuba, micha itichanv̄li, yuka, hatak shilombish puta aiena kash o kv̄na kia ik in chumposhke.

14. Nan vn̄it waya puta yvm̄mak o chi ch̄ukv̄sh vt anushkonna tuk ash a chim afilv̄m̄mi; mihma nana moma na champonli, micha na shohwalv̄shli aiena tuk ash ot a chim okpulo; yohmi kv̄t himak a pilla ma yvm̄mak ash ish aha-yucha ch̄i keyu kamohmi hoke.

15. Nana ilv̄ppa puta kash nan itatoba, yvm̄mak okv̄t

yummak o nan isht ai in laua tok vt, yummvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh ! ikikkeh ! tmaha chito yummak amo ! yummak okvt linen lapushki, micha na-hummakbi, micha na tishepa aiena ka isht ai im ai vlhtaha, yohmi kvv tvli holisso lakna, micha tvli hoolitopa puta pvl aiena ho isht a shema tok amo !

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht aya apesvchi aiyuka, micha peni chito ai asha yatuk moma, micha a toksvli aiena, mikmvt okhvta nan ai itatoba yatuk vt momvt auet i mishemanchit hiohmayvt,

18. Yummvt luhvvt shobulli ka okla pisa mvt, tahpvlvt, Nanta hosh tmaha chito ilvppa chiyuhmi cho ? ahanchi tok.

19. Mihmvt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh ! ikikkeh ! tmaha chito yummak amo ! yummvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kvmo ! hvshi kanvlli achvfa ma yummak ash ot a chukillissvt kvnvishke, ahanchi tok.

20. Uba a hoolitopa chia ma ! vbanumpeshi hoolitopa, micha hopaii hoolitopa hvchia ma ! Chihowa yvt yummak ash nan im apesvt i palvmminchi hokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvli na-botoli tvli chito yo chohmi ka ishit, okhvta pit pila ma, yumma chiyuhmi hosh tmaha chito Babulon vt ai oklvhvvt kinahla chi hoke ; mikmvt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi ; mikma hatak nan imponna nana ho isht ai imponna yatuk kia himak a pilla ma a chi otaiyana he keyu ; mikma tvli na botoli kia himak a pilla ma a chi a haiyakla he keyu kamohmi hoke.

23. Mikma-pula tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kvt maya tok oka ; ikhish isht yushpakvmmi isht ish ahanta hatuk mak o, oklushi moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli vhleha, mikmvt yakni paknaka ya ai vbi tok moma im issish vt yvmma ai otaiyani tok.

### CHAPTA XIX.

Ilap im antia puta im issish hlatahampli tuk isht vlltoba mak o havi chinto yash na palvmmi ka im apesa hoka, vba a holitopa ai asha yvt Chihowa ya aiokpahanchi, 1 ; 7 Chukfvlhpobushi nan im itauwaya ; 16 ilap okvno aiokpvcha hi a enchil vt ik im ahno ; 17 nan illi lava ai asha ka ai vla chi kvt hushi puta kvt im annoa.

1. NANA ilvppvt ai yakohmi ha ya, hatak laua im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahninchí, nan isht ai ahli aiena kvt Chitokaka hvpin Chihowa ya ai immi hoke.

2. Nan apesa kvt ai ahli, micha ai vhpiesa hoke ; yohmi kvt havi chinto yash, yvmmvt itin lumaka kak o yakni ya isht okpaiyani hatuk a, yvmmak ash ot nan im apesvt i palvmmichi tuk : mihmvt in tishu vhleha im issish yvmma ibak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yvmma i shobohli hvt vba ya ihya na bilivt bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkvchi mvt, Chihowa, yvmmvt ai o binili holitompa o binili tuk ash aiokpvchit, Amen ; Alleluia, ahanchi tok.

5. Mihma anumpa ola hvt ai o binili holitompa ya auet a kohchvt takali kvt, Pin Chihowa ya in tishu vhleha hvchia, micha kva hosh yvmma i nukshohompa aiena kvt ik alauwo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola ho chiyuhmi,

mihmvt oka lawa fopa hō chiyuhmi, mihmvt hiloha chinto ola hō chiyuhmi hō haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfvlhpobushi vt itauwaya chī nitak vt vla, yohmi ma tekchi ya chī mvt, il ai atahli tuk oka, nan ik hvpi yukpa cha, keho tullí, ahanchi tok.

8. Yohmi ma linen lapushki vt vbanumpuli ahli isht im ai vlhpiesa mak o, linen lapushki kashofa tohbi ka isht il ashemvcha chī kv̄t, tekchi vt im vlhpisa tok.

9. Yohmi ma, Holissochí, Chukfvlhpobushi im ai itauwaya opiaka impa aya chī kv̄t kv̄na hosh im annoa tuk mvt, mihi yosh na yukpa hoke, v̄m achishke. Mikmvt ilvppak osh Chihowa im anumpa ahli mak oke, v̄m achishke.

10. Mihma aiokpv̄chi la chī hosh iyi ya a hlipia li tok. Atuk ak o yv̄mmak ash ot, Ahah! ahnit chik yohmo kashke; tishu chitilauí, chitibapishi, Chisvs nan isht im atokowa ieshi vhleha ibai achv̄fa sia hoke; Chihowa hak o aiokpv̄chí; Shilombish Holitopa yvt hopaii anukfoykvt. Chisvs nan isht atokowa ka anumpohonli yoke, v̄m achi tok.

11. Yohmi ma v̄ba aholitopa yvt tiwa ma, yakeh! issuba tohbi hō pisa li tok; mihma yv̄mma o binili kv̄t, Ai ahli, mi-cha Na miha tuk vt ai ahlichí mak o hohchifo hosh, yv̄mmvt nan ai vlhpiesa bano hō nan apesvt, tv̄v̄vp ikbi yoke.

12. Nishkin vt luak libbi hō chiyuhmi ma, anonti iachuka lawa kv̄t noshkobo ha afoyua hatok; mihma i hohchifo holisso kv̄t lapali kia, kv̄na kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma v̄ba aholitopa ai asha tuk vt issuba tohbi o binili hosh yv̄mmak ash okla iakaiya kv̄t, linen lapushki tohbi kashofa hō ai anchi tok.

15. Yohmi ma im itakha ya bv̄shpo falaiia halupa hosh a kohcha na yv̄mmak o oklushi puta ka isht ahamba hi yatok; yohmi kv̄t tv̄li fuli yo yv̄mmak ash nan isht im apihisa hi oke; yohmi kv̄t oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hv̄hlihinchí hoke.

16. Yohmi kv̄t m̄iko puta ǀ M̄iko, mikmvt chitokaka puta in chitokaka hohchifo hosh yv̄mma im anchi, mikmvt iyubi ita tuklo ka ai ǀ holisso hoke.

17. Yvmohmi ma enchil vt hv̄shi a ai ǀ hikia na pisa li tok: mihma yv̄mmak ash ot chitolit tahpva mvt, hushi puyuta; yv̄mmvt v̄ba a helit itv̄nowa moma kv̄t, Hv̄chishno inli hosh mintit Chihowa chinto im opiaka ai impa oh ai itv̄nahá.

18. Yohmi kv̄t m̄iko v̄hleha nipi, micha kv̄pitv̄ni v̄hleha nipi, hatak ishtokaka nipi, issuba puyuta, mikmvt kv̄na hosh yv̄mma ǀ binili tuk puyuta nipi, hatak moyuma, yuka keyu, micha yuka, yohmikmvt ik alauwo, ǀ shahli aiena ka nipi ya hv̄sh pa ch̄i hoke, im ahanchi tok.

19. Anonti nampoā nukshopa yash ot, mikmvt yakni paknaka a m̄iko v̄hleha, mikmvt in tv̄shka chipota v̄hleha aiena kv̄t itahobvt taiyaha cha, issuba ǀ binili, micha in tv̄shka chipota aiena yv̄mmak ash in tanahampi na pisa li tok.

20. Yohmi ma nampoā nukshopa yash ot yuka tok; mihma hopaii ilahobi yash yv̄mmvt na fehna puta ka yv̄mma itikba ai yvmih̄inchi kv̄t, yv̄mmak ǀ yvmih̄inchi kak osh nampoā nukshopa isht in chuwa ieshi tuk v̄hleha, mikmvt yv̄mma holbvt toba ya kv̄na hosh aiokpv̄chi yatuk puta ka yoshuhumbli tok. Ilv̄ppak ash ot ita tuklot okchaya na okhv̄ta hituk lakna isht ita luhuwa ka pit a kanch̄i tok.

21. Yohmi ma inlaka yatuk v̄to issuba ǀ binili yv̄mma ǀ bv̄shpo falaia, yv̄mmak osh im itakha ya a kocheha tuk mak ǀ isht ihinli tok; mihma hushi puyuta kv̄ash ot yv̄mma nipi yo isht a kaiya tok oke.

## CHAPTA XX.

Setan vt talakchi na afv̄m̄mi tahlepa sipokni achv̄fa chi, 1; 6 illi yvt tani v̄m̄m̄ona yv̄mma ai ib ahalaia hokv̄to na yukpa he; 7 chekosi takla ka Setan ashot ǀ holhtofa he. 8 Kok micha Makok imma ho isht anumpuli. 10 Okhv̄ta hituk lakna isht aluhuwa ho Setan amo pit itakanchi; 12 nan v̄lhpisa chinto isht aiyopi.



1. YOHMI ma enchil vt chiluk hofobi ont ai vhli iksho ash isht tiwa ieshi mvt, tvli itatakvli chito yosh ibbak a foyuka hosh vba ya a minti ho pisa li tok.

2. Mihma yvmmak ash ot sinti chilita chito yash, sinti sipokni, yvmmvt nan isht ahullo, micha Setan mak o afvmmi tahlepa sipokni achvfa ka ona chi ho ishit yukachi tok.

3. Mihmvt yvmmvt himmakma oklushi puta ik yoshublo ho afvmmi tahlepa sipokni achvfa he tuk vt ont ai ahli ha yo, misha pilla ho chekosi itintakla ka i hlitofa hi o, yvmmak ash chiluk hofobi ont ai vhli iksho ash pit pilvt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvmma o binohmaya kvv nan ai apihisa he im vlhpisa tok: yohmi ma nampoa nukshopa, mikmvt i holbvt toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh; Chisvs nan isht im atokowa, micha Chihowa im anumpa pulla ho noshobo hvv tahampa tok vhleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yo chohmit Klaist a ibai ahanta tok.

5. Amba illi inla maya tok okvto ik okchayo ho afvmmi tahlepa sipokni achvfa kvv tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kvna hosh ibahalaia hokvto, mihi yosh na yukvvt holitopa: yohmi hokvno atukla illi vt nan isht i shahla he ik im iksho hoke; Chihowa, micha Klaist na holitompa isht im vta vhleha ha chi, mikmvt miko yo chohmit ibai ahanta na afvmmi tahlepa sipokni achvfa chi hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kvllo a ik akohcha, im ai ahna hi oke.

8. Yohmikmak o oklushi puta, yvmmak okvt yakni pakna akvshkova ushta ka ai asha Kok, micha Makok okla yvmmvt holhtina kvv okhvta alaka shinuk ai asha kak o chiyuhmi ho yoshublihinchit itahobi cha, tanahampa chi hosh akohcha hi oke.

9. Mihmvt yummak ash ot, yakni pakna a mominchit ilhkoli mvt, yummvt vbanumpuli ahli vhleha i bina, mikmvt tmaha chito holitopa aiena ka okla ai apakfokahanchi; mihma luak osh Chihowa a mintit vba akohchvt vltv, yvm-mak ash ishit vpa tok.

10. Yohmikma yvmma yoshublichy tuk nan isht ahullo yvt okhvta hituk lakna isht ita luhwa, yvmma nampoa nukshopa, micha hopaii ilahobi aiena kash ot pit itvtula tok: yohmi kvv nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitompa tohbi chinto, micha yvmma o binili ita tuklo ka pisa li ma; yvmma nashuka ya i filvmmitt yakni, mikmvt vba shutik ita tuklo kvv tamoa kvv, kanima yo a taloha he kia ik im iksho ki tok.

12. Yohmi ma illi, ik alauwo, micha i shahli pit aiena kvv ai o binili holitopa itikba hiohmaya ka pisa li tok; yohmi ma holisso puta kvv wakama tok; anonti holisso inla, yvm-mak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yvmmvt holisso ha a holihiso tok ilvppa puta ho isht ai im vlhpihisa tok.

13. Yohmi ma okhvta hvv illi puta, yvmmvt im aiasha tuk vt il ai a kocha welikma, anonti nan-illichy, micha illi ai asha mvt illi puta, yvmmvt im ai asha tuk vt il ai a kohcha weli na yummak ash ot ilap nana a kaniohmi puyulla tuk mak o hatak moma kash ot nan isht im vlhpihisa tok.

14. Mihma nan-illichy, micha illi ai asha yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvnia tok.

## CHAPTA XXI.

Vba vmmona micha yakni vmmona ita tuklo ka Chan vt pisa, 1; 10 Chelusalem vba isht annoa ahli moma; 23 yummak oka hvshi vt a tomma he ahna he keyu, Chihowa im atohwikeli yak osh a tom-mi; 24 yakni pakna ai i miko puta kvv yummak o im aholitopa ya isht im ohona.

1. **ŪBA** v̄mmona, micha yakni v̄mmona ita tuklo kash ot ont ik ai iksho ma, anonti himak a pilla ma okhv̄ta m̄vt iksho ka ch̄i h̄o v̄ba himona, micha yakni himona ita tuklo h̄o pisa li tok.

2. Mihma Chan sia hv̄t tv̄maha chito holitopa Chelusalem himona Chihowa ya a mintit v̄ba ya auet a kohcha kv̄t, ohoyo himita hatak auwaya. ch̄i hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t v̄ba aholitopa ya a kohcha na haklo li ma, yakeh! Chihowa hv̄t im vlhtipo yvt hatak puta ka ibafoyuka hatuk o, yvm̄mak o ibai ahanta ch̄i, mikma im okla t̄obakma, anonti Chihowa ilap m̄vt yv̄m- ma in Chihowa hosh ibafoyukvt ahanta ch̄i hoke.

4. Mikm̄vt Chihowa yvt yv̄mma i nishkin okchi puyuta ma im a kasholichit kaiyancha ch̄i; mikma nana t̄ikba tuk vt ont taiyaha hoka, himak a pilla ma isht ai illi, micha nanukh̄aklo, micha yah̄aya aiena kv̄t ik ai iksho ka he, mikm̄vt na-hotopa m̄vt ik ai iksho ka hi oke, ahanchi tok.

5. Yohmi ma ai o binili holitompa o binili yvm̄mak ash ot, Yakeh! nana moma kv̄t himona h̄o ikbi lishke, achi m̄vt, yvm̄mak ash ot, Anumpa ilv̄ppvt aiahli, micha na miha ka ont ai ah̄la ch̄i hoka holissoch̄i, v̄m achi tok.

6. Atuk osh yvm̄mak ash ot, Ūlhtaiyah̄v̄shke; Alfa, micha Omeka, ai isht ia v̄mmona, micha ont ai v̄hli sia hosh, kv̄na hosh itukshila hokma, oka ai okch̄aya kv̄li hak o pilla ai ima la ch̄i mak oke.

7. Kv̄na hosh nana ka imaiyachi tuk mak osh nana moma ka ai immi ha ch̄i im ai vlhpiesa; mikma in Chihowa sia hokma, anonti ilap vt sv̄so ha ch̄i hoke.

8. Amba na nukshopa, micha nan ik yimmo, i yuwala he vlhpesa kia yvm̄ihchi, mikm̄vt hatak b̄ika v̄bi v̄hleha, havi v̄hleha, mikm̄vt ikh̄ish isht yushpakv̄m̄mi v̄hleha, na holbvt toba aiokpv̄chi v̄hleha, holabi puta a moyuma hokv̄to atukla illi mak osh okhv̄ta yvm̄mak okvt hituk lakna isht ita luh̄ywa h̄o isht ai i palv̄mma ch̄i hosh im vlhpisa he mak oke, v̄m achi tok.

9. Yvm̄ohmi ma enchil untuklo kash ai ibai ach̄v̄fa, yv̄m-

mak okvt kotobushi untuklo nan isht palvmmi ishtaiyopi untuklo kash isht alotowa ho ieshi hosh, vlt svt im anumpuli mvt, Minti, himona nan auwaya Chukfvlhpobushi tekchi chi haiakvchi la chi hoke, achi tok.

10. Mihma shilombish o si anukfoyuka ho vsst ia ma, nvni chinto chaha yo vsst ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auet a kohcha mak o a haiakvchi tok :

11. Mihma in tohwikeli hvv tvi holitopa fehna, tvi chaspa chohmi kak o hoyulba hosh, belancha kvv klistal o chiyuhmi tok ;

12. Mihmvt tvi yosh isht a holihta kvv chito, micha chaha ma, anonti okhissa yvt im auah tuklo ma, enchil mvt okhissa ya vlpisvt auah tuklo kvv a hieli tok ; mihma yvma ai o holisso hohchifo kvv Islael okla it a kvshkova auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukfvlhpobushi im anumpeshi auah tuklo hohchifo hosh a lapanli tok.

15. Yohmi ma svv im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chi kvv tvi holisso lakna nan isht vlpisa yo ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilau tok ; mihma tmaha chito yash yvmmak ash ot nan isht vlpisa yash isht apesa ma, kovi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilau bano tok.

17. Mihmvt aholihta kash o hatak i nan isht vlpisa yo yvma enchil ash ot isht apesa ma, kubit tahlepa achvfa pokoli ushta akucha ushta tok.

18. Yohmi ma a holihta kvv chaspa tvi yosh toba hatok ;

yohmi hoka tumaha chito yvt tvli holisso lakna bieka ho chohmi kv̄t apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvli holitopa ilaiyuka puta ho isht a shema hatok; in tolahpi v̄mmona kv̄t chaspa yatok; atukla kv̄t saffaia yatok; atuchina kv̄t kalsetoni yatok; ai ushta kv̄t emelal atok;

20. Isht tahlapi kv̄t salonik atok; isht hannali kv̄t sativs atok; isht untuklo kv̄t klisolait atok; isht untuchina kv̄t belil atok; isht chakkali kv̄t topas atok; isht pokoli kv̄t klisofasvs atok; isht auah achvfa kv̄t chasinlh atok; isht auah tuklo kv̄t amehlist atok.

21. Yohmi ma okhissa isht v̄lhkv̄ma auah tuklo kv̄t pvl auah tuklo tok; okhissa isht v̄lhkv̄ma achvfakma, pvl achvfv̄t ia tok; yohmi ma tumaha chito anukaka ya ai itvnowa yvt tvli holisso lakna bieka ho chohmit apisa shohkoali kak o chiyuhmi tok.

22. Yohmi ma yv̄mma anukaka ya tempel a ak peso ki tok: Chitokaka Chihowa nana moma imaiya, micha Chukfv̄lh-pobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma, anonti yv̄mma ai i p̄v̄la hv̄t Chukfv̄lh-pobushi yak atuk o, hv̄shi, mikmvt hv̄shi-ninak-aya kia im a tomma hi a tumaha chito yash ot ik b̄v̄nno ki tok.

24. Yohmi ka oklushi puta yv̄mmak okvt okchaya mak osh a tohwikeli ka ya ai itvnohowa he; mikma yakni pakna a miko v̄hleha atukmvt ilap im aholitopaka isht aiokpv̄chi hosh ai v̄lv̄shke.

25. Yv̄mmak oka ninak vt iksho ka chi hoka, nitak moma ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ahn̄inchi aiena ma yv̄mma anukaka ya isht ai v̄lv̄t chukowa hi oke.

27. Mikma yv̄mmak oka nana kv̄t liteha, micha ai yuwala he kia ai yohmi, micha na holabichi a moyuma hokv̄to k̄an̄iohmi kia a chukowa himma keyu hoke; amba Chukfv̄lh-pobushi i holisso ai okchaya kv̄na hosh a holisso tok ak bana hi oke.

## CHAPTER XXII.

Oka ai okchaya okhina, 1; 2 ai okchaya iti. 5 Tvmaha chito i pva hvt Chihowa ilap fehna kak inli: 9 ilap a aiokpvcha hi a enchil vt ik imahno. 14 Tvmaha chito ash anukaka ai anta hokvto holitopa, amba kocha yo asha tuk okvto nan i palvmmmit vltakshi: 16 anumpa ai okchaya ya nana ho isht achakvla he keyu, mikmvt kamimihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukfvlh-pobushi ita tuklo im ai o binili holitompa ak o akohoncha mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai okchaya yvt a hiohli kvv, auah tuklo ha nan-vnit waya beka kvv, hvshi achvfa aiyyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvv ik ai iksho ka he; amba Chihowa, micha Chukfvlh-pobushi ita tuklo im ai o binili holitompa yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; mikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pva, mikmvt hvshi tommi aiena ka okla ik bnno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvt ai ahli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvv chekosi ont ai yvmohma chi yvmma in tishu vhleha im otvnihincha chi ka im enchil a auet chvffichi tok.

7. Yakeh! chekosikma vla lishke; holisso ilvppa tikbanli nan ai anohwa anumpa puta tuk a kvna hosh holitobli kak osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pi-svt haiyaklo li tok: yohmi mvt pi-svt haiyaklo li mvt, nana ilvppa puta ka vm otv'ninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yummak ash ot vm achi tok.

20. Mihmvt nitak vt ai ona hosi hoka, holisso ilvppa tik-banli ai anohowa tuk anumpa puta ka chik ashv'nicho kashke.

11. Kvna hosh nan ik ai vlhpieso hokvto, mihi yosh ik ai vlhpieso kvt ik imoyumá; mikma kvna hosh liteha hokvto, mihi yosh liteha kvt ik imoyumá; mikma kvna hosh ai vlhpiesa hokvto, mihi yosh ai vlhpiesa kvt ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kvt ik imoyumá, vm achi tok.

12. Atuk osh yakeh! chekosikma vla lishke: yohmi kvt hatak moma kvt ilap nana a kaniohmi yvt kaniohmi aiyukali ho nana ka isht im atobbi la chi kvt il ai ishi lishke.

13. Alfa, Omeka, ai isht ia vmmona, ont ai vhli, vmmo-na, ont ishtaiyopi sia mak oke.

14. Kvna hosh im anumpa vlhpisa puta ka holitobli hokvto na yukpvshke: yohmi hok mak osh iti ai okchaya isht im ai vlhpiesa hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, hau, hatak bika vbi, na holbvt toba aiokpvchi; mikmvt kvna kia il imi holabichi kvt isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish filaminchi yosh anonti unchululi, mikmvt shohpakali onnabinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmvt, mihi yosh, Mintí, ik achí. Mikma kvna hosh itukshila hokmvt, mihi yosh ik mintí. Yohmi ka kvna hoh kia bvnnakmvt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash o Chihowa hvt isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tmaha chito holitopa yash, mikmvt nana kvt holisso ilvppa yvmma isht a holisso tuk puyuta ka ahalaiia hatuk a yvmmak ash Chihowa hvt isht kancha hi oke.

20. Ilvppa puyuta ka atokowvt otvninchi mak osh, Chikosikma vla lishke, achishke. Amen. Chitokaka Chisvs ma! ik yvmohmí, ish lashke.


21. Pin Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

THE END.











Choctaw Language. I854.

Acquired by  
Preservation  
Services


<sup>C</sup>  
Mfn # 6522.01

30 00795





SMITHSONIAN INSTITUTION LIBRARIES



3 9088 00582 1079